



John Carter Brown.


24202M


FREDERIK MULLER.


Librairie Ancienne


AMSTERDAM,

HEERENGRACHT KK No. 130.









CASPARIS BARLÆI

Antverpiani


POEMAT A.

EDITIO V;

Alter a plus parte auctior.

PARS I.

HEROICORVM.



Henr. Hofnider J.V.D.

AMSTELODAMI,

Apud IOANNEM BLAEV,

MDC LV.

P.B

THE UNIVERSITY OF CHICAGO

LIBRARY

PAID BY THE UNIVERSITY

OF CHICAGO

TO THE UNIVERSITY OF CHICAGO

LIBRARY


PAID BY THE UNIVERSITY



UNIVERSITY OF CHICAGO
PAID BY THE UNIVERSITY
OF CHICAGO

NOBILISSIMO VIRO,
CONSTANTINO
HVGENIO,

EQVITI, ZVLECHEMI &
ZEELHEMI Domino, CEL-
SISSIMO ARAVSIONEN-
SIVM PRINCIPI à consi-
liis & secretis.

 *Vi toties me hoc scri-
bendi genere lacessivi-
sti, Nobilissime HV-
GENI, & carminis
tui desiderio erexisti,
iam, quæ mea vel ultio est vel grati-
animi significatio, Carminibus vicif-
sim meis, vel ad nauseam, satiare, &
pro Momentis tuis desultoriis, lon-
gos Sermones refer. Etenim valde
studii differimus. Tu impetu omnia
& saltim agis, uti solent illi, qui non
suo, sed aliorum & quidem Princi-
pum arbitrio, vivunt. Ego, quia minus*

E P I S T O L A

anxie temporis tributo attineor, traho
 carmen & avium more parturio lon-
 giore incubitu. Viscosi sum & lenti
 ingenii, ideoque cogor extendere &
 ductare poematum, uti fila sua
 plumbea trahit vitriarius, & aurifa-
 ber in immensam bracteam tundit au-
 ri atomum. Tu, friabilis magis inge-
 nii, acuta brevitate absolvis cepta.
 Vti in Mathesi puncta differunt à li-
 neis, in Physicis τὸν χρόνον à tempore, in
 Arithmeticis unitas à numero, nos
 meditatione discrepamus. Tu in car-
 mine acumina & cuspides amas, hoc
 est, puncta & momenta. ego lineas,
 tempora & numeros. tu saltus breves
 & succinctos iteras, ego testudineo
 gradu emetior mea spatia. Virumque
 vectat Pegasus. sed tuus tolutim in-
 cedit, meus succussor est. Credunt
 philosophi spiritus imperceptibili tem-
 pore moveri, corpora morâ. accidit
 idem vatibus, quorum alii pneumatici
 magis sunt, alii ὑδατικοί. Vehimur
 amba

DEDICATORIA.

ambo curribus. Sed ego equorum opera, tu velorum. qualis iste Principis tui est, in littore. Inter Poëtas Curtii sunt & Longini, uti inter capillatos. Mercantium alii verbo vendunt totam Orientis messem, quos tu refers; alii fastidiosè & ad indignationem usque onerant emtorem licitando, ut ego. Quod pugni est & palmæ discrimen, ascaridum & anguillæ, pedis & decempedæ, idem & nostrorum carminum. Quare cum mea leges, cave sine viatico accedas, nam diverticulis opus & respiratione. Cum tua lego, ubique domi sum, & in limine positus tango posticam. Ne tamen oneri Tibi sit prolixitas mea, constrinxi in non magnam libri molem hoc Heroicorum opus, ut Nobilitati Tuæ illud tradam, & in Famæ Tuæ theatro, populo ostentem. Claudio similis sum, cui scipione opus: Pauperi, qui in publicum proditurus, aliorum honoratiore pallio indui cupit: Infanti,

EPISTOLA

qui, ne pronus labet, fasciis librari
 eget. Ludiones puerulos humeris at-
 tollunt, ut spectatorem speciosa ostenta-
 tione alliciant. Eodem instituto He-
 roica hæc tibi nuncupo, ut Heroum
 aulis, unde argumentum habent, ubi
 vivis quotidie & loqueris, me inge-
 ras, & sublatus humo, & gratia
 tua amictum, tibi que innixum, si-
 stas aliquando Iovi & Superis, ne
 à scarabeis & vespis pungar. Et au-
 deo profecto hoc à te petere, ob vali-
 dam amicitiam, qua tibi alligor, lit-
 teris, colloquiis, versibus, seriis, jo-
 cosis, etiam cum res sinunt, Cerere &
 erectiore Liberi patris succo. quem Pe-
 gasi ungulam vocare soleo, qua per-
 cussi, non montes, fabulosum hoc, sed
 poëtarum vertices ac frontes insa-
 niunt doctius, & manant uberius.
 Meminimus probe, quanta suavitate,
 quàm annuentibus Apolline & Mu-
 sis, ego loquentem te, tu me non semel
 audiveris. Nec erat sermo noster alie-
 nus

DEDICATORIA.

nus à studiis & hoc litterarum gene-
re. rarus admodum de Ottomannica
porta, aut Septentrionalium litibus.
de Tapuiis ac Nigritis rarissimus. Sæ-
pe fabulam fecit, benè aut malè no-
bis natum carmen. sæpius secunda-
rum nuptiarum (hoc enim ad nos per-
tinet) anceps alea, & exercitati mu-
lierum vultus & frontes Sophistica.
Quàm volupe fuit, subinde mentiri
rivalitatem, ne deesset argumentum
scenæ. Quantis motibus tu mihi ali-
quando exprobrasti ὁδὸς ποσειδῶν, ego
tibi Neptuni & maris Deorum con-
temptum. Quàm non malis artibus,
me cum maximo Senatore commisisti,
cum de capellarum tuarum precio lis
esset & comparatio. E castris reduci
gratulatus fui incolumi & vegeto, licet
in Principum tentoriis consiliarios pe-
riclitari, negent sapientiores. Cum in
turri Argentoratensi annexam fasti-
gio fasciam, plus quàm poëtica auda-
cia, attigisses, habui quod epigram-

EPISTOLA

mate reprehenderem. Nec poteras excusari, nisi Parnassi illic te apices reperturum putavisti. Est ubi præficam tecum ago ad aliorum tumulos; ubi ægrotanti medelam quæro ab ipso Phœbo & carmine; ubi novercæ vapulant, inter pictos liberorum tuorum vultus. Reperies alibi, ubi publica Aularum & Templorum incendia tota Aganippe restrinximus. Quoties ædificas, domi forisque, adsum testis. Vbi cum præstantissima Virgine Vltrajectina loqueris, interloquor. Cum Sponsus thalamum scandis, præfero facem. Cum viduus à secundis thalamis tibi caves, metu trium L. L. L. librorum, liberorum & libertatis, annuo prudenti. Cum dies tuos operasque exigis ad normam viri boni & sapientis, volo aulam tuam subire, quotquot pii esse volent. Cum organizas, concino. Cum vir factus es & duumvir, & triumvir, & plus, prædico facilitatem tuam, & utiles Univerſo,
non

DEDICATORIA.

non culinæ, titulos. Cum sero potiris
 filiola, voto adsum, Ne soror aut fiat
 Castoris aut Hecuba. Alicubi in
 viduarum laudibus moror, quas tecum
 sacro horrore veneror, nondum depe-
 reo. Ita scribere volentibus nunquam
 deest argumentum, quod pari avidita-
 te videmur captare, qua culices hiru-
 do. Utique patet nobis ad carmen om-
 nis mundi machina, & quæcunque
 illa complexu suo tenet. Quin & co-
 gnatione quadam & occulto nexu cœ-
 los attingimus, unde ea suggeruntur,
 quæ nunquam venere in mentem. Un-
 de araneis suppetant tot telæ, vix di-
 xerim. nec hoc, unde poëtis sua com-
 menta. Ea efferunt, quæ nunquam
 audita aut lecta fuere, sive illa Ani-
 ma mundi dictet, sive intelligentia
 & mens illa assisens Averrois, sive
 sublimior Deus. Dum meditamur,
 trahit versus versus, uti in fodinis
 vena venam, aut magnes cohærentes
 cuspide acus. Excidunt meditatio-

E P I S T O L A

*nes, velut contuberniis & manipulis,
 uti imbres guttis succedaneis labun-
 tur, aves turmatim volant, annuli
 catenatim nectuntur, aut pontem
 transire volenti pecori pecus longa se-
 rie instat. Nec tantus est pangendi
 carminis labor, cum absque impedi-
 mentis & organis edolari possit. Ar-
 chitectus sine cœmentariis non ædi-
 ficat. opus illi serra, amussi, malleo.
 Nec textor texere quiverit sine ra-
 dio. militi vallis, gladiis, balista,
 ligonibus opus, ut oppida expugnet.
 nautæ ventis, velis, anchora, ut
 naviget. pictori penicillo, tabula,
 coloribus, ut pingat. Poëta ædifi-
 cat, pingit, textit, absque utensili-
 bus, & instrumentis. Officina ope-
 rum mens est. faber mens est. famula
 mens. auditor & spectator mens. ma-
 teries operis in mente est, ubi ideæ
 & universi species stabulantur. ope-
 ra precium sibi eadem mens est, quæ
 nato feliciter carmine, non minus
 gaudet,*

DEDICATORIA.

gaudet , quam edito partu puerpera :
 infelicitè nato , sibi dolet. Non opus
 obstetrice , sola parit. nec nutrice,
 cum fetus sibi sufficiat , & eodem vul-
 tu perseveret. Si susceprix esse ve-
 lit fama , excitatur studium. si no-
 lit , susque deque contemptum habet
 autor. Si arrodant Zoilus , emenda-
 tius exigit & promittit. Et quia
 solius mentis hæ sunt partes , vaga-
 mur , uti illa vaga est , nec uni gle-
 bæ affixa. Nunc in Occidente car-
 men faciunt Barbari & barbarorum
 dux Nassovius. modo in Occidentem
 delatus Moluccas & Iavas loquor.
 Ad Septentrionem cum ursis luctor.
 Ad Austrum Mauri & Nigritæ
 versum implent. Cum domi sum , ex-
 pugnatæ maximis urbibus , Vesalia,
 Sylva-Ducis , Trajecto ad Mosam
 & Breda , murali corona cingo Au-
 riacum. Navalibus præliis adsum
 vates , & Isabellam ratibus exuo ad
 Tolam , Philippum classe , sub Bri-
 tannicæ

EPISTOLA

tanniae littoribus. In Germaniam raptus, Gustavi tumultum lachrymis rigo: Saxoniae Duci Bernardo vitam Brisacum, & injectos Rheno compedes gratulor, Caesari non armis sed Scazontibus adversus. At, ne videar cruentus semper & ferox, nuptias frequento Regum, Principum, amicorum, & bella narro nunquam matribus detestata piis. Mox ut à geniali voluptate ad severitatem meam redeam, naenias & lessos singultio totusque funestus & attritus sum. Ita quocunque mens agit vatem, sequor, modo amicorum jussibus, modo modestae petitioni, modo animo meo obsecutus. Hæc causa est, quod dum ubique sum & grandem mundi aream pererro, in tantum cumulum excreverint Epicorum libri, ut brevitatis studioso lectori graves sint. Eos nomini tuo inscribo, Vir Maxime, quia paginas in hoc opere imples plurimas. deinde, quia Heroi-
cum

DEDICATORIA.

cum metrum & cothurnum amas.
præterquam, quod partem maximam
Auriacus sibi vendicet, cuius he-
roicis gestis, bellis ac triumphis liber
secundus decurrit. Auriacus inquam,
qui dum te illustrem facit merito
tuo, me honeste habet beneficio suo
& tuo. Vterque Principem tangi-
mus propius. Tu consiliis & chartis
publicis, ego pœmatis; tu quotidia-
nis officiis, ego rarioribus; tu oculis,
ego sola è longinquo veneratione. Non
poteram inscribere Superis, Marti,
Libitinæ, Veneri, quia tabellariis ca-
reo, qui deferant, & quia vivunt
nullibi. Nolui Inferis consecrare,
Plutoni, Proserpinæ, Megæræ,
quia metuo chartis meis à Cocyti
flammis. Et cum hominum pauci
Philomusi sint, plures ἀμύστοι, ad
hos ire timui, ne pro munere grunni-
tu exciperer & morsu. Quare mu-
nus conveniens offero, ac si Iovi aquila-
lam, Mavorti gladium, Veneri pe-
ctinem,

EPISTOLA

*Etinam, Apollini citharam darem. Vti
hi hæc ipsa neglectius non habent, nec
mea hæc, quæ vates vati consecro, ha-
be, nec me. Vale vir Nobilissime. & in
castris inter tubas &*

Tympana, Tranquillæ relegas
commenta Minervæ.

Amstelod. xvi Septemb.

CLIO C XLV.

Nobil. tuæ

Observantissimus
cultor

C. BARLÆVS.

PERI.

P E R I O C H E

L I B. I.

H E R O I C O R U M.

H ymnus in Christum.	pag. 3
Britannia triu- phans, ad Re- gem Carolum.	29
Tumulus Gustavi Regis.	45
Venus Cimbrica.	75
Manes Bavari.	91
Adlocutio ad Remp. Venetam.	97
Carmen Eucharisticum ad Penbrociæ Co- mitem.	102
Panegyris dicta Bernardo Saxonix Ducis.	107
Panegyris de laudibus Cardinalis Richelii.	129
Gratulatio in adventum Mariæ Britannix & Hibernix Reginae.	155
Gallia plorans, sive in obitum Richelii.	159
In effigiem ejusdem.	173
In insignia ejusdem.	174
Ad Principem Elizabetam, Regis Bohem. Filiam.	1614.
In effigiem ejusdem.	178

I N D E X.

L I B. II.

qui A V R I A C V S inscribitur.

M Anes Auriaci.	181
Panegyricus dictus Frederico Arau- siorum Principi.	192
Argo Batava.	202
Vesalia capta.	213.
Sylva-Ducis capta.	218
Olinda capta.	247.
Trophæum Arausionense victa classe ad Tholam.	252
Triumphus Feder. Belgii capta Trajecto ad Mosam.	260
Rhenio-Berca capta.	278.
In Ducatum Limburgicum victum.	284
Venus Britannica, sive in nuptias celsissimi Principis Guilielmi, &c.	290
Auriacus Triumphans victa Hispanorum classe in freto Britannico.	307
In Nuptias Ill. Principis Ennonis Frisiæ Orientalis Comititis.	321
Gratulatio ad Principem Guilielmum cæso Cantelmo.	323
Laurus Flandrica in expugnationem Ca- taractæ (vulgò Sallæ) Gandayensis.	328
Mauritius è Brasilia redux.	335
In Grollam victam.	342
Epistola Ameliæ ad Principem maritum.	344
In	

I N D E X.

In recuperatam Schenckii arcem.	349
In receptam Bredam.	<i>ibid.</i>
In infantem Principem Auriaco natum.	350
In victam Gennapii arcem.	351
In Spectacula exhibita Amstelodami ad adventum Mariæ de Medicis, &c.	352
In Spectacula exhibita ibidem in adventum Reginae Britanniarum.	357

L I B. I I I.

E Pithalamium Domini de Mathenes, &c.	363
Equus Haestrechtii.	371
In obitum Rutgerfii.	376
In Nuptias Constantini Hugonii.	385
Propempticon ad Fratres Cigan.	392
Ad C. Hugonium febricitantem.	396
Carmen votivum pro restituta ipsi valetudine.	399
Laudatio Hortuli.	403
In Rectoratum Academicum Petri Cunæi.	410
Operum Vossii Panegyris.	414
In obitum Snellii.	420
Ad Overbeeckium Hamburgi morantem.	424
In Nuptias Adr. Blyenburgii.	427
Venus ἀναδυομένη, in nuptias Realii.	434
Ad Ill. Dominicum Molinum.	441
Pro-	

I N D E X.

Propempticon ad Foppium ab Aissema.	442
In Mosen Nomoclasten Honerdi.	445
Ad Annam Mariam à Schuurmans.	449
Ad Iacobum Volmarium Artium Magi- strum.	451
Ad Gerardum Thibautium , de Gladii usu.	457
Querela Lucretiæ.	459
Oratio Scævolaë.	461
Oratio Veturiæ.	463
Oratio Catilinæ.	466
In Nuptias Petri Hoofdii.	469
Propempticon ad Ioannem Scoterbos.	473
Ad Winandum Rutgersium.	476
In obitum Mariæ de Jonge, uxoris L. Kin- schotii.	479
Ad Cardinalem Richelium.	482
In Nuptias Theodori Gravii.	484
In Nuptias secundas L. Kinschotii.	487
In inaugurationem illustris Gymnasii Am- stelodamensium.	491
Lachrymæ in obitum Iacobi vander Stra- ten.	501
Schaga , sive in Nuptias Domini de Scha- gen.	504
Amor Sapiens , sive in Nuptias Cornelii Gravii.	510
In libros Poëmatum Iacobi Catsii.	515
In Nuptias secundas Frederici Alewini.	520
Ad D. Adrianum Pauw Eq. &c.	524
In	

I N D E X.

In Nuptias Illust. viri Ioannis Polyandri, &c.	526
Propempticum ad D. Iacobum vander Burch.	532
Manes Pallasii.	536
Venus transmarina, five in Nuptias N. viri Danielis Schonckii.	541
Epicedium in obitum Simonis Episcopi, &c.	545
In Nuptias Ioannis vander Meyde; &c.	549
Visurgis lachrymans, five in obitum Ni- col. à Rheden, &c.	553
Ad Ill. Dominum, Comitem de Chavi- gni. &c.	557

L I B. I V.

P aradisus, five Nuptiæ primorum pa- rentum.	561
Faces Sacræ, five Hymnus Salomonis.	585
Pharmaceutria, five Nuptiæ Cyri & Aspa- siæ.	610
Damon. five lib. secundus Nupt. Cyri & Aspasie.	628
Cynisus, five Nuptiæ Cratis & Hippar- chiæ.	646
Rhadamanthus mollior.	662
Cheiromantis.	677
Virgo	

I N D E X.

Virgo ἀνδροφόρῳ, sive, Nuptiæ Eginardi & Einmæ.	696
Amphitruo Tholosanus, sive Pseudomar- tini Guerræ historia.	715
Ad Ill. Comitem Vlricum Frisiæ Orienta- lis Com.	734
Epistola Cardinalis Richelii.	736



C. BARLÆI
POEMATVM
HEROICORVM
LIBER I.

Inviçliſſimo, Potentiſſimoque Regi

LODOVICO XIII, IVSTO,

Henrici Magni filio, Galliarum & Navarræ Regi Chriſtianiſſimo.

Regia Borbonii ſoboles, qua ſoſpite dudum
Betga ſibi facilem credidit eſſe Deum;
Sceptriferis illuſtris avis, illuſtior armis,
Et rarum Aſtræa iudice nomen habens;
Quam celebrat Bellona ducem, Pax laudat inermem.
Et cui tot tenæ, tot famulantur aquæ:
Non tibi barbaricum potantia vellera ſuccum,
Aut mea Sidonias pagina donat opes.
Non, Indus quod mittit, ebur, quod Dalmata marmor,
Quæque gravem placant maſcula thura Iovem.
Non bellatrices aquilas, captivæque bello
Oppida, non victo carbafa rapta mari.
Nos Chriſtum, *Lodovice*, damus, Regemque Ducemque,
Nomina nominibus non aliena tuis
Maxima dum cupio tibi mittere, maxime Regum,
Quo nequeo maju. mittere, mitto Deum.

H Y M N V S
I N C H R I S T V M.



CH R I S T E, patris magni soboles;
quem nulla creavit
Dextra Deum, potuitque Deus ge-
nuisse, sed aqua
Majestate parem; tunc, cum flam-
mantia nondum

Lumina latentem veherent mortalibus annum,
Et Chaos, innumeros avidum confundere vultus,
Displicuit deforme sibi, tenebrisque profundum
Horruit, & spissa lituit caligine Nereus:
Erige me, dum siderei spatia invia mundi,
Lucentemque globum Luna, suspensa que celsis
Atria fornicibus, nulli calcanda profanis
Templa supergradior pedibus. Tu prime salutis
Inventor, patriumque Deus monstrator Olympi,
Adsis, ô Rex magne, favens. sequar optime ductor,
Quo vatem tua fata trahent: si ve aethere in alto
Imperii consors habitas; & grande Creator
Natura moderaris opus: seu jussa Parentis
Exequeris veneranda tui, nostraque Redemptor
Valle sedes, miserisque paras vadimonia terris:
Seu totum Phlegethonta domas, ipsosque parentis
Irruis in Diis thalamos, & Tartara magno
Ostentas captiva Patri: seu digna laborum
Præmia, & antiqui repetens fastigia regni,
Aëreos supra tractus, & nubila, vastum
Consiliis latè fulcis sapientibus orbem.

Magne Deus, tu cuncta unus primordia rerum
Ante venis; tui secla, dies, ac tempora nescis,
Sæclorum venerande parens, non terminus ævi;
Principiumque tui est. tu magno à lumine lumen
Descendis, de patre Deus. nec honoribus illi,

Nec regni splendore minor. tibi nulla coruscum
 Obscurat caligo decus: nec fracta fatiscit
 Fatorum natura minis. tibi foeta bonorum,
 Parturit hac eadem, bonitas: animumq; perennem
 Vis immensa subit. tibi rerum præscia mentis
 Illustrat mens ipsa iubar, diffusa per omnes
 Temporis articulos, & quæ longinqua trahentur
 Ætatum spatia, & venientum facta nepotum.
 Tu numen coeleste, potens, venerabile, sanctum,
 Virtutis mensura tua, divortia mundo
 Magna facis, cælumque colis, dignosque penates
 Terrarum rectore tenes; ubi clara potestas
 Emicat, & geminos princeps dimissus in axes.
 Tot passim delubra vides, sacratæque sanctis
 Atria nominibus, tantis sed sedibus olim
 Ipse prior, vasto fueras Deus unus inani,
 Nondum operi discrete tuo. tibi sola beato
 Sufficiens tunc vita fuit, non indiga nostri,
 Non opis externa cupiens. tu solus ubique,
 Soli aderas, immense, tibi; Deus undique, & unus,
 Sed nondum tunc rector, eras. Iam cuncta salutis
 Voluebas momenta mea, mundique labores:
 Quò ruerem peccator homo; quo gratia staret
 Fixa gradu, quantis ruerent primæva periclis
 Federa, quæ tantam repararent funera cladem,
 Placaret quæ cura Deum: tunc victima terris,
 Tunc vindex decretus eras; & debita fato
 Progenies, culpaque mea præcognitus obses.
 Iam tum supplicium sceleri, ultoresque parabat.
 Flagitiis mens ista dies. jam cultor honesti
 Prævia divini capit argumenta favoris,
 Et placuit donanda Fides; crimenque piandum.
 Et ventura salus à te suspenditur uno.
 Tunc poteras fecisse aliquid, quod velle voluntas
 Noluit, imperioque stetit frenata potestas,
 Arbitriique modus; donec se fudit in actus

Libertas

HEROICOR. LIB. I.

25

Libertas spatiosa Dei, grandemque per orbem
 Explicuit varios rerum Sapientia vultus,
 Lataque praeclaris Bonitas eluxit in arsis.

Principio terras, suspensaue moenia mundi,
 Aeterno cum Patre, creas. tu conditor adstas,
 Et iam nascenti das incunibula caelo,
 Immensi consors operis. sublimia surgunt
 Atria, exlicolumque lares, & regia primum
 Autorem capit ista suum. diducta per omnes
 Majestas angusta locos venerabilis illa
 Sede habitat, totumque suo fulgore coruscat
 Numen, & illustri dictat nova jura theatro.
 Ipse chorus Cherubinatorum, Seraphinaque late
 Agmina, adorandi circum subsellia Regis,
 Expectant, quò jussa vocent, dominoque ministrans
 Obsequio se quisque probat. pars psallere docta
 Aeterni Genitoris opus, rerumque celebrat
 Grande rudimentum: pars, quae facienda supersunt.
 Arcano sermone ferunt: pars cardine in isto,
 Pars alio mandata refert. stupet omnis, & horret
 Turba Creatorem, pavidosque à lumine vultus
 Abdit prona suos. tantis tu testibus atras
 Diffindis luci tenebras, caligine flammis
 Eximis, & laxo suspendis in aëre terram,
 Impavidus quò vergat onus. Tibi fundit ab ortu,
 Sed nondum Sol fessus equos, medioque sub axe
 Insuetus tantorum operum, cursusque viaque
 Occasum praeceps metuit. non viderat illum
 Tarteusus, Gadesque suae, non laverat undis
 Oceanus, gremioque exceperat Amphitrite.
 Cynthia nocturnos ducit per signa jugales,
 At fratri debere dolet. sua cornua nondum
 Senserat, innumerasque vices. nec tramite certo
 Phœbeos illi tellus inviderat ignes,
 Aut umbris cessere faces. non lumine pleno
 Aequorei tumuere sinus, Tethysque remisso

Detumuit, littusque procul post terga reliquit.
 Tunc quoque distinctam stellis radiantibus æthram,
 Errantesque Deos, & tot tibi numina subdis,
 Sed nondum tunc astra Deos. stant sidera castris
 Quæque suis, nusquam gelido propiora Bootæ
 Vlla meant, nec Spica humilem deflexit ad Au-
 Non regit Argolicas Helice conspecta carinas, (strum.
 Non Tyrias Cynosura rates. non vespere claro
 Hesperus aurata Veneris præfederat aula,
 Aut thalamis genialis erat. mox pontus & aquor
 Incubuit terra gremio; dominumque tridentis
 Oceanumque patrem, tempestatesque sonoras
 Pertimuisse aliquis poterat, ni rector aquarum
 Objectis pelagi rabiem frenasset arenis,
 Et sibi præscripto Triton adsuesceret alveo.
 Ante oculos tunc phoca tuos immania stravit
 Corpora, & in mediis vituli luserè marini
 Fluctibus; & quaquaversum sua flecteret ora,
 Audacem nusquam pistrinx innoxia Tiphyn
 Vidit, & intrepidam dentes defixit in Argo.
 Tunc magni patuere sinus. ubi Persa superbas
 Vectat opes, ubi Erythraas scrutatur arenas
 Dives Arabs, rapidusque ingentia flumina Ganges
 Evomit; aut multo sitiens se proluit auro
 Indus, & ardentes Carteis separat Afros,
 Et Calpen Abyla diuellit montibus unda.
 Ionii lustrant fluctus. aduersa Charybdi
 Scylla fremit, tumidis Aquilonibus Adriæ surgens
 Verberat Ausonii latus implacabile dorso.
 Concrescit Scythicus glaciali sidere pontus,
 Caspia stagna jacent, Ægeo marmore Thracum
 Regna sonant, Helle Euxinum sese abdit in æquor
 Bosphorus in Tanain. vastas longinqua paludes
 Mæotis bibit, & Boreales Balthica fines
 Littora, conclusumque alibi Scythofinnia potat
 Oceanum, & longis damnatus Lappo tenebris.

Irrigat

Irrigat Assyrios Euphrates fertilis agros,
 Armeniam Tigris, Cyproque adversus Orontes
 A Libano deducit aquas. Memphitica tellus
 Accipit undanti turgentem gurgite Nilum,
 Et septemgeminis crocodilum faucibus edit,
 Venturum populo numen. Tu fontibus Istrum
 Excis, Christe, tuis, & per spaciola vagantem
 Pannonii rapis arva soli. nec iussa morantur
 Vistula, Volga, Nicer, Rhenus placidusque Visurgis,
 Sequana, piscosusque Liger, rapidusque Garumna,
 Nec tunc Romulidum Mavortii moenia scindens
 Albulæ, nec pontem tunc indignatus Araxes,
 Ausoniosque Duces, nec adhuc Phæetonta misertus
 Eridanus, nec Pellæo tunc cognitus Indus.
 Ipsa Arethusa novas subterlabentia terras
 Flumina Sicaniis aperit, propriisque reflexis
 Occurrit Mæander aquis. O quanta laboris
 Cernere das monumenta tui, fastigia cælo
 Æmula, nubiferas Alpes, & Pelion altum,
 Rhiphosque apices, & qui suffulciat Atlas
 Sidera, Pyrenesque jugum, & frondentis Olympi
 Culmina, & ærii nemorosa cacumina Pindi,
 Et nondum Enceladi fumantem afflatibus Ætnam.
 Fœdera cum Superis tellus facit. æthera Vesta
 Conciliat robusta manus. nova bella perenni
 Corpora pace gerunt. coeunt æterna caducis,
 Inque vices mors, vita fluunt. genuisse, perisse est;
 Et rursus, periisse, salus. Quæ gratia primi
 Veris erat, quali laces fulsere sereno,
 Cum primum arboribus venit vigor, umbra cupress.
 Decidit, occulti nemorum patuere recessus, (so
 Hercynii saltus, cum frondifer Apenninus
 Extulit excelsum caput, & sese abdidit astris.
 Tu terra lætas segetes, glandesque caducas
 Elicis, & tenera magnam das cernere in herba
 Numen. odoratis Hyblæm & fragrantis Hymetti

Iugera conspergis violis. jam prata Sabais,
 Et Cilicum redolent messes, Panchæaque rura,
 Taygetusque virens. Tibi solo concita nutu
 Donat equos, nullo tellus percussa tridente,
 Donat apros, vastisque pares elephantibus hydros,
 Et Pelusiaco nondum quæ mugit Isim
 Littore. te mandante sui securus aratri
 Taurus adest, trepidæque futurus portitor Helles,
 Primaque Marmaricis tigris stat mitior agris.
 Nec minus insolitis concentibus aëra complet
 Aligerum genus, & variis garritis almos
 Personat. Auroræ thalamios, dominumque salutant
 Vocibus attonita volucres, quas stagna Padusa,
 Quas Athesis, quas Arnus alit, quas unda Caystri,
 Eridanique foveant ripæ, vel Mincius amne
 Excipit. at nusquam viduatus compare turtur
 Ingemit ad sociæ tumultum, non Daulias ales
 Plorat Itym, necdum Ledaos vatibus artus
 Dissimulans dictavit olor. per nubila vecti
 Ostentat se quisque tibi, laudesque creantis
 Ingeminant, primosque probant te iudice cantus.
 Tandem, ubi sexta dies nitido processit ab ortu,
 Qui terras, pelagusque regat, verumque capestat
 Imperia, & docto flestat moderamine mundum,
 Aspexit natura virum. dat gleba decorum
 Majestate caput. totus qui militet æther,
 Adspectat sua regna pater, lateque patentis
 Frena soli, fascesque capit. Tu, Christe, stupendum
 Magne opifex moliris opus, tu numinis umbram
 Humana sub carne tegis, summique refulgens
 Exemplar cupis esse Dei. stat clarus in orbe
 Terrarum moderator, Homo. quem spiritus unus
 Intus alit, cunctosque potens diffusa per artus
 Mens agitat, varioque latens se munere pandit.
 Non spectata oculis, fatorum erepta periclis,
 Interitusque ignara mali; rationis, & equi,

Virtus

HEROICOR. LIB. I.

9

Virtutumque augusta parens, venerabile cœli
 Depositum, cui cœlestes sapientia curas,
 Alternasque vices rerum, verique reclusit
 Arcanos doctrina sinus. nondum ira rebellis
 Spreverat imperium, nondum vesana libido
 Traxerat aversam studia in contraria mentem,
 Aut suasit prœdulce nefas. non causa fefellit
 Ingenium, non verba fidem; non luxus honestum
 Dispulit, aut fastu studuit calcare minorem
 Ambitio. toto pietas proscripserat orbe
 Infames scelerum vultus. non horruit insons
 Terra Deum. nondum pœnis celebrata Lycurgi
 Laus erat, aut spreta tenebroso carcere leges
 Damnavere reum. nondum perjuria Minos
 Oderat, aut rigidi clamabant jura Solones.
 Ipsa suis constans præerat Prudentia factis.
 Et recti connatus amor. non regula vita,
 Non probitas discenda fuit, non ulla pudoris
 Arguerat fontem facies, nocituraque mundo
 Probra fuere palam. tales sperare nepotes
 Nec difforme genus poterat, sobolemque parenti
 Degenerem. Tu præclaris nova fœdera pactis,
 Magne creator, inis: hominemque affaris amicum,
 Municipemque poli. tu vasta palatia cœli,
 Nec visas promittis opes. tu mortis, & omne
 Parcarum proscribis opus, sine finibus annos,
 Perpetuosque dies, æternaque secula donas.
 At postquam Superiorum odiis incanduit atrox
 Dux Erebi, suasitque scelus; librata voluntas
 Fasque nefasque inter, vetitos deflestit in actus.
 Et tanti, carpisse, putat. corrumpitur orbis
 Ad placitum ferale gula. subvertit honores
 Luxuriosa fames, & tanta exorsa fatiscunt
 Conjugis imperio. spernit sua fata ruentis
 Fortuna fabricator homo, probitasque, fidesque
 Exiit, Stygiaque placent perjurâ lingua,

Et pomi malesanus amor. sua funera versat
 Inconsulta manus, manditque sub arbore lethum,
 Fatales sub fructu epulas, sub dente sepulchrum.
 Quò ruis? & de te nascendum germen eadem
 Involvis quoque sorte, pater? cur noxia non est
 Dextera sola tibi? cur nobis quarit iniquos
 Libertas nocitura cibos? & culpa parentum
 Culpa mea est? cur me sociato crimine raptas
 In commune nefas? & rupto federe mundi
 Arcessis Phlegethonta tuis, mortisque labores:
 Et pacem, & positas audax dissolvere leges?
 Non tibi jam solito subrident sidera vultu,
 Nec tibi felices audes promittere Soles,
 Corrumpit sacros vesana licentia mores,
 Et mala confertim subeunt. metus instat eunti,
 Crescit amor, scelerumque labor. discordia, luctus,
 Cura, fames, livorque sui vexator & ultor
 Ponè premunt miserum. fauces laxantur Avernii
 Tartareæque domus, caligantesque tenebræ
 Exspectant mortale caput. jamque invida terris
 Astra nocent, terret flatu nimbosus Orion,
 Littora transcendit pelagus, sua munera tellus
 Asperat, & lolium sterileque extrudit avenas.
 Ipse inimica suo fundit de corpore serpens
 Toxica, & immani noxas intendit hiatu.
 Ante oculos stant fata tuos, & stamina rumpens
 Atropos ingentes spumis furialibus iras
 Colligit. æterna spes indubitata salutis,
 Cælestumque favor justo cessere furori.
 Heu nimis ignava mentes, & prodiga tanti
 Religio primæva boni, nec docta secundis
 Temporibus servare modum. quàm nescit eodem
 Stare diu fortuna loco. quàm quicquid in alto est
 Labitur, ingentemque trahit sors magna ruinam,
 Gaudiaque invitant celeres contempta dolores.
 Sic dum jussa prior violas, & pacta resolvīs,
Solvunt

Solvunt cuncta fidem : tibi nec debere putavit
 Se quicquam natura parens, quem negligit aether,
 Et fastiditi refugit clementia cæli.

Hos inter casus, primique incommoda sæcli
 Rursus, Christe, faves, & lato rupta Redemptor
 Federa promisso reparas, & grande malorum
 Fulcis sponsor onus; nec quam sperare salutem
 Fas fuerat, sperare jubes; causamque clientis
 Induis ipse tui, & pariter cum vindice, jam tunc
 Incipis esse reus. cæli peccator & orbis
 Erigis exanimis, & magno languida luctu
 Corda levas, lapsisque cupis succurrere rebus.
 Tu soboles, tu semen eras, tu debita terris
 Progenies, quam castræ ciet pallentia contrâ
 Lurida Tisiphone; quæ post sua funera victrix
 Surget, & exuvias ditis spoliabit Averni,
 Umbrarum, lethique potens. Te presciæ Christum
 Exspectant tot vota Patrum, spectantque priorum
 Natales cupida ora tuos. fit parvulus Isaac
 Exemplum fendale tui. quæ ligna puellus
 Bajulat, hæc tua sunt, hæc sunt morientis imago
 Terrarum Domini. magno tua nota fuere
 Sceptra seni, regemque sibi despondet Iudas.
 Adspicit effusas, typici sed sanguinis, undas
 Memphis, & innumeras inter solatia mortes
 De te certa capit. toties quæ cadibus ara,
 Et centumgeminis fumant altaria tauris.
 Supplicii sunt scena tui. cur, magne sacerdos,
 Sacra facis? mediique subis penetralia templi?
 Cur tibi secretos dirimit cortina recessus?
 Cur hac sede latet Seraphim? cur balsama stillant
 Vestibus, & rutila gemmarum luce coruscat
 Pectus? & illimi toties adspargeris unda?
 Hic vir, hic est, quem tota gravi sub lege vetustas
 Abdidit, & cæca involvit caligine Moses,
 Ille Palaëstinis oracula vatibus olim

Prodidit, arcanoque afflavit pectora motu :
 Seque, suosque obitus, & diræ præmia mortis,
 Et genus, & patriam, & tanti miracula partus,
 Immensumque reclusit opus. stupet edita cælo
 Isacidum responsa domus. promittitur orbi
 Oceani terræque pater, rabidumque Sibyllæ
 Pectus & Euboicæ fundunt præsagia Cumæ.
 Nec puduit cæli sobolem, mundique parentem
 Mortali mox carne tegi. fert pondera mater,
 Autorem complexa suum. gestatur in alvo
 Materni faber ipse sinus. pars ærtior orbis
 Numen habet ; capiturque loco, qui laxior omni,
 Cuncta capit. Deus, ecce Deus, lux maxima mundi
 Obscura regione latet, scribitque penates
 Mens immensa sibi, & spatioso major Olympo
 Iam fit matre minor. cunctis antiquior annis
 Nasctur, atque sui primordia supputat ævi.
 Immortale coit fragili, cæleste caduco,
 Et Deus in membris habitat, visusque creator
 Ambulat, & vilis partem augustissima glebæ
 Consociat natura sibi. spectatur in uno
 Rerum summa viro : vastique extrema theatri,
 Hinc cæli, hinc terræ dominum complectitur infans.
 Magne puer, tuæ cælesti cunabula latè
 Per populos præcone tument. te prævius anteit
 Isacidum de gente nepos, cui rustica præbent
 Mella cibos, & cruda parant alimenta locustæ,
 Horridæque agrestes circundant tergora pelles.
 Talis mane diem & roseos Hyperionis ignes
 Aurea prægreditur roseis Aurora capillis,
 Venturumque Deum terris, plenaque remisso
 Testatur splendore faces. sic regia iussi
 Numina præcedunt famuli, nec fulgida sceptri
 Majestas sine teste venit. præludia lecti
 Sponsus amat, tædisque præit gavisus juventus.
 Te nascente, ferunt, supremi ante ora parentis
 Angelicos

Angelicos luisse choros, & carne latentem
 Præsensisse Deum. stellataque machina mundi
 Proscripsit ferale jubar. micuere secundo
 Omne siderea facies; dum pignora cælum
 Tanta sibi promissa putat. sua frigora fulgens
 Ægoceros media voluit mitescere bruma,
 Et tepuit glacialis hyems. decessit Olympo
 Arctophylax, fugit socia cum conjuge Cepheus,
 Et Chiron, Perseusque ferox, & Pleias, & ipse
 Amphitryoniades; nec toto fabula cælo
 Vlla fuit, vatumque labor. sub Principe tali
 Non ultra stricto fulsit nimbosus Orion
 Ense ferox, pacisque Duci sua subdidit arma.
 Hoc nascente, sui jam tunc præsagus honoris
 Intumuit Iordanis aquis. Galilæa futuros
 Præcepit mansueta sonos. Bethlemia risit,
 Heu luctus ignara sui. melioribus undis
 Asphalti fluxere lacus, prisciue doloris
 Immemores læta latices fudere paludes,
 Et fœdos, puer alme, tibi pressere vapores.
 At Solyma montes, & magno sacra Tonanti
 Tempia, laresque pii, & multo li ventia tabo
 Limina, Iessæ clarum penetrale tinarâ,
 Adventu tremuere tuo. perculsa verendis
 Aula puerperius, & sceptris amula fasces
 Extimuit vesana tuos. Tibi corniger Ammon
 Conticuit, fallaxque sua mendacia lingua
 Dediticit. pressere leves oracula Delphi,
 Nec Lyciæ sortes, insanaque jussa Deorum,
 Non Carmenta sagax, non Manto, & Pythia vates,
 Deiphobe vivax, Dodoniadesque columba
 Invenere fidem. proscriptis fraudibus orbis
 Hoc veri doctore sapit. Sed Tartara major
 Terror habet, subitque atros formido penates,
 Et Phlegethontæus domino adventante tyrannus
 Horrui, & timidus languens expalluit umbris.

Turbati manus Erebi, gentesque profunda
 Hoc altum siluere die, flagrisque remissis
 Eumenides, in igno compresse pectora luctu,
 Irarum stimulis formidatoque furori
 Imposuere modum, laxata licentia poenæ est
 Sontibus, & nullæ miseros strinxere catenæ.
 Sancte Puer, non te facili latata marito
 Conjugii vis blanda dedit. te parturit ather;
 Cœlestiumque labor, totoque electa Sione
 Virgo decens. tumuere sinus, jam numine pleni,
 Felicis Mariæ. sic prisca labe carentem,
 Nec jam servantem sceleris vestigia nostri,
 Fata dedere piis. toti pax reddita mundo
 Adspexit, qui grata suæ feret otia genti,
 Æterna pacis dominum. sub Cæsare natus
 Imperium regale capis, bellisque repressis
 Bella paras; Stygioque moves nova prælia regi,
 Dum Latio Bellona silet, dum Martius horror,
 Iraque, insidiaque, & vis scelerata nocendi
 Ferratis frendent portis, & vincula mordent.

Sed Vatem jam, Christe, vocas, qua pauperis
 Hospitio contempte jaces. regnator Olympi, (aulæ
 Naturæ pater, & spatiosi gloria mundi
 Sperneris, & tuguri congestum cespitem culmen
 Deposuit tam grande fovet. penè exulat orbe
 Orbis honos, tenuesque lares & limina servat
 Majestas speciosa poli. turgentia fastu,
 Et picturatis videas aula columnis
 Surgere, quæ Pelopi Lydus, vel Persia Xerxi,
 Mausolo regina struit, regalia cingunt
 Pignora Sidoniæ chlamydes, & lucida gemmis
 Surgunt sceptriferis augusta cubilia natis.
 Solæ ruinosos soboles divina penates,
 Paupertasque colunt. Tyrio non murice pallæ,
 Fulgentique croco redolent, nec vellera Serum
 Involvunt teneros artus. sua munera nescit

Cuncta

Cunctarum donator opum. caret aetheris auctor.
 Quæ fecit, tribuitque, bonis : & jussa parentis
 Dum facit, obsequio regum postponit honores,
 Dissimulatque Deum. sed enim c inabula longè
 Chaldaei videre senes. Te sensit ab Ortu
 Assyrius, Persæque Magi. dant munera Reges,
 Et præeunte sagax Babylonius horruit astro.
 Vberibus sanctis Maria, charoque redemptor
 Crescis adoratus gremio. Te sustulit ulvis
 Mater, & hæud vero porrexit ad oscula patri.
 Quin tua cælestes celebrant natalis turmæ,
 Et votis adsunt Superi. ventura potestas
 Claruit à pueris, & dum contemptior exis,
 Imperii tot signa micant. sit parvula Bethlem,
 Sit despecta parens, vili involvaris amictu.
 Crederis has inter sordes augustior infans.
 Ecce manus juvenum interea, pecorumque magistri
 Approperant, quibus insolito splendore comarum
 Innocuus collucet apex, & lata futurum
 Promulgant oracula Ducem. Tot testibus heros
 Nasceris, inque tuis cœunt præconia canis.
 Dictat vota senex : mediis tibi carmina templis
 Anna fremit : positumque truci sub lege sacerdos
 Vulnerat, & sacris operans agnoscit apellam.
 Indyta progenies, magnum Patris incrementum,
 Quo patria tellure fugis ? tibi destinat idem
 Exilium, vitamque dies. num prævia sorti
 Præludunt hæc fata tuæ ? cur sceptræ gerentem
 Sceptræ premunt ? regumque furor vagiibus instat,
 Armorumque mina ? per tot discrimina rerum
 Proveheris, magnique patris mandata capeffis,
 Nec sine lege fugis. quantas Bethlemia clades
 Spectasti, miserata tuæ tot funera gentis,
 Infantesque animas, quæ sitaque corpora letho,
 Infertosque truces jugulis puerilibus enses !
 At tu, nate Deo, medios elapse per hostes

Niliæ

Niliacos penetrare sinus, atque intima tutus
 Regna Phari poteras; longisque erroribus actus,
 Thariada veterumque premis vestigia Patrum.
 Non mihi si latices Siloe, si porrigat Hebron
 Pocula, si cunctis destillent collibus unda,
 Et vatem Dan ipse riget, tua dicere facta
 Sustineam, casusque tuos. En pondere rerum
 Obruor, immensaque absorbent carmina laudes.
 Vix tibi bisseis atas defluxerat annis,
 Argueret cum cura virum, subsellia mystam,
 Attonitasque senum praëcox facundia mentes
 Duceret, & sacris puerum Iudæa superet
 Porticibus, moresque tuo decerperet ævo.
 Tunc poterat novisse Deum. nec virvida cæli
 Vis sufferre moras valuit. responsa daturus
 Supplicibus divina venis, populumque labantem
 Erigis, & latis recreas affatibus urbes.
 Tutaris sermone reos: clementia verbis
 Inseritur mansueta tuis: non displicet hostis,
 Diligiturque nocens: in nos peccantibus ultro
 Ignovisse doces. semper placabilis adstas
 Sontibus: invisa damnatur subdola lingua
 Gratia, & in segnes proclivia tempora luxus.
 Vltoris rabies, & personata notatur
 Religio: plus illa placet, quam candor & insons.
 Iustitia commendat amor: secunda bonorum
 Exigitur, non pigra fides. jam templa repurgas
 Quæstibus, & patulis inhiantem faucibus auro
 Pellis avaritiam: perfusa superbia fuco,
 Et levis ambitio, regnique insana libido,
 Imperii furor sancto proscribitur ore.
 Ingenium, sed mite, probas: solatia lugens
 A te magna capit, nec tali iudice cælo
 Paupertas invisa fuit. felicibus inde
 Auspiciis duras constans patientia leges
 Accipit, & precio gaudet contenta futuro.

Quicquid

Quicquid amat, poscitque levis vesania mundi,
 Officii sprevisse tui est: si gaudeat ille,
 Vis plorare pios: quod si suspiria ducat
 Tristior, hos gaudere mones: quod credit honestum,
 Turpe putas; quod turpe, bonum. tibi charior esse
 Qui cupiet, suus esse cavet: tunc vita paratur,
 Cum praesens neglecta fuit: sapientia, luctus,
 Gaudia, divitia, regnum, pax, bella, triumphus
 Indicibus distant geminis. discrimina recti
 Cum Superis natura facit. Te teste beati,
 Cum miseris licet esse, sumus; despectaque viles
 Colla levant animas, atque inopes aeterna coronant
 Praemia, nec longo marcescens laurea seculo.
 Has caeli largiris opes, promissaque patris
 Afferis intrepidus. paucis haeredibus aether
 Scribitur: & quamvis duro certamine constent,
 Vis gratis haec dona dari. Furit inde ruitque
 In sacrum gens dira caput, dominumque salutis
 Despiciunt inconsulta sua. responsa docentis
 Contemnant cum plebe patres, contraque Tonantem
 Conjurant tot sacra acies. quæ sita nocendi
 Materies; gravibusque odiis alimenta ministrat,
 Quod vinci virtute pudet. Tu nescia veri
 Corda doces, charaque doles deliria gentis,
 Ostentasque Deum terris. tua dividis agris
 Et miseris benefacta palam, grandæque per actus
 Vis divina meat, numenque agnoscitur illis.
 Credite jam Solyma, veterumque oracula vatum
 Pandite Pontifices, promissaque tempora vestri
 Explore Ducis. Syrias spectate per urbes,
 Quæ nova portendant Superi, quo robore leges
 Dediscat natura suas. Num reddita terris
 Corpora? num manes ima tellure sepultos
 Cernitis exciri, & trepidum spirare cadaver?
 Hic sua per solitos circumfert lumina tractus,
 Luminis orba diu. nectunt talaria plantis

Loripe-

Loricæ pedes, & jam multum veracis Iesu
 A pedibus documenta petunt. hic auribus adstat
 Arrectis. discitque sonos. hic vincula linguæ
 Laxat, & insuetas audire & reddere voces
 Miratur se posse suis. nova jussa coercens
 Infamis rectorem Erebi, Stygiaque phalanges
 Hoc mandante pavent, afflictaque corpora jussa
 Destituunt, mutantque alio sua regna profundo.
 Subsident maria, & turbata per aquora Cauri
 Detumescere truces. nec enim rex Æolus undis
 Imperat. hic Deus est, tempestatesque coercens
 Ventorum, pelagique pater. Quid Roma stupefcis
 Sanguine mutatos latrices? meliore Lyæo
 Insuper mutatur aqua, mensisque resurgunt
 Gaudia. quin fractis redeunt vitalia membris
 Robora, diffugiunt morbi, luctusque, dolorque.
 Datque malis veniam bonitas, miserisque salutem
 Officiosa Salus. plenis alimenta canistris
 Expediunt inopina viri, & succrescere pastis
 Ferula stupent cuncti populis, totoque relictum
 Plus superesse sibi. sensit miracula cœlum,
 Vnda, solum, & magno famulatur machina Christo.
 At jam majorum subeunt molimina rerum,
 Immensumq; aperitur opus. quid in arma furentem
 Impulerit Solymam, sacrasque accendit iras;
 Quid clarum pietate virum tot adire labores
 Suaserit, ipse Deo quare succensuit æther,
 Quæ miseris ventura salus, qualique litandum
 Supplicio, priscumque nefas ceruice piandum.
 Distractos sileat Misarum pagina currus
 Hippolyti, miserique truces Ixionis orbes,
 Et fixam scopulo Andromedam, pœnasq; Promæ.
 Aut Tityi ferale jecur. Iam nostra reposcunt (thei,
 Innocuum peccata caput, venerandaque fines
 Evolvunt decreta suos. En proditur orbi
 Progenies æterna Patris, preciumque nefandæ
 Prodi-

Proditionis habet tanti conviva magistri.
 Fit scelerum merx ipse Deus. pars indyta mundi
 Venditur, & toto pignus venerabile cælo,
 Totque operum vilescit honor. mercabile Numen
 Prostat, & hac audet servus de sorte pacisci.
 Cessit avaritiæ pietas, sacroque furori
 Religio. nec jam blandi documenta favoris
 Oscula sunt. etiam speciem mentitur amantis
 Vultus, & infidis candor complexibus hæret,
 Simplicitasque dolum patitur. quid stringis Idume
 Insortes à labe manus? quid corpora ductas
 Sacrilega captiva manu? cur crimina testis
 Congeris? atque emptæ fundis mendacia lingua,
 Et fingis peccasse Deum, summoque Tonanti
 Accinis infames complis suadentibus ausus?
 Heu, captivus abit, quo solum vindice terris
 Libertas ac vita datur; tenebraeque datorem
 Aeternæ jam lucis habent. latet abditus atro
 Carcere, & ingrati queritur tot crimina mundi;
 Dumque reos toto passim circumspicit orbe,
 Se cunctis cupit esse vadem, spondetque redemptor.
 Ille Palestini metuenda palatia regis,
 Sacratosque lares. & prisco dissona ritu
 Tecta subit, rigidique audit suffragia juris,
 Et culpa momenta sua; pavidumque tribunal
 Dum videt, & trepido damnari iudice causam.
 Ceu victus, ratione silet; lenique modestus
 Quidlibet ingenio subigit, spernitque ferendo.
 Nec satis est magnis aulæ rectoribus ipsum
 Displicuisse Deum. salibus vesania ludit,
 Lascivitque jocos populus, milesque profanus
 Ludicra sceptrâ parat, despectaque purpura Regem
 Arguit, & viles commendant regna corona.
 Interea indigno crudelis dextra flagello
 In miseros artus, damnataque tergora sævit.
 Verberat improbitas, petulansque ferocia nudum
 Lanci-

Lancinat ; & ne quid sceleris restaret inausum,
 Aut ignominia, aut poena pars ulla vacaret,
 Ora manus violat, pulchrosque amentia vultus
 Conspuit, & secum scelerata insania certat,
 Et nescit vis tanta modum, cumulosque malorum
 Congerit, atque suo applaudit Iudæa furori.
 Scilicet illa sui magnus Servator amoris
 Communes vult esse notas, ut venditus ipse
 Nos redimat, vinctusque exolvat corpora vindis,
 Absolvatque reos insons : ut proditus orbem
 Fraudibus expediat : ludibria passus, honorum
 Feneret ac fama titulos, æternaque laudum
 Nomina : captivosque, etiam captivus, Olympo
 Vindicet : ut nostras regalis adorea frontes
 Cingat ovans : regesque sibi, domosque triumphans
 Associet : donet pavidæ solatia menti
 Sollicitus : lachrymasque meis abstergat ocellis,
 Cui lachryma fluxere prius : gemitusque piorum,
 Quæ gemit quoque voce, levet : flagrisque repellat
 Flagra suis : damnet malesani opprobria mundi
 Majestas exposita jocis, tantique doloris
 Scena per infandos decurrat latior actus.

Cernite pendentem fatali ex arbore Christum,
 Isacida. spectate trabem, qua nobile pendet
 Hebrai columen generis, gentisque vetusta
 Unica spes. spectate virum, quem templæ, sacerdos,
 Victimæque, & veteris referunt præludia seclî.
 En, quali moritur mundi consorte Redemptor,
 Latrones inter medius. sublimior illis
 Tollitur, ut possit credi sceleratior illis.
 Stat geminos inter pietas spectata Photinos,
 Iustitiæque pater sociis immixtus inerrat
 Criminibus; damnatque locus, pænæque theatrum,
 Quem cælum peccasse negat. perfossa trabali
 Membra rigent clavo, distentaque brachia signum
 Amplexantis habent. peccantem invitat Apellam
 Dexteræ,

Dextera, sed nondum recutitum blandius ad se
 Læva vocat populum. facilis clementia cunctos
 Allicit, & gestit perituræ parcere turba.
 Quam capitis subsidit onus, cervixque remissa
 Annuit; & prono nobis fert oscula vultu,
 Ceu propior laturus opem: quam vulnere fœdant
 Paciferos truculenta pedes: quam vertice celso
 Sertæ verecundam circundant spinæ frontem,
 Ludibrium, Iudææ, tuum: quam mortua nimen
 Lumina dissimulant, humilique in imagine servi
 Mens diuina latet: quam se sinit esse ministrum,
 Iamque minor vult esse Deo, quem maximus æther,
 Nec fulgens cum Patre parem fastidiet aula!
 His decuit fatis, per tot discrimina rerum,
 Ad Superos aperire viam. Proh, quisquis Olympi
 Summa petis, sectare Ducem, cui pallida mortis
 Deturpat faciem facies; horretque cadauer
 Supplicio, nudumque latus transverberat hasta.
 Qui stillat per membra cruor, quo sanguine tristis
 Ara rubet, primi facinus fatale parentis
 Expiat, & pellit, quos intulit ille, dolores.
 Hic precium, pro thiure, datur, placataque reddit
 Numina, & aduersa solvit formidine mortis
 Pallentes animas. hoc flumine defluit agris
 Æternum mansura salus, Erebiq; fugatur
 Horror, & æthereus signat nova fœdera rector.
 Attica centenis fument altaria tauris,
 Aut Agamemnonis ferrum crudele puella
 Sæuiat in iugulos; humano sanguine gaudens
 Taurica barbaricas deposcat Cynthia cedes;
 Absint Tantalida fratres, & Iasonis uxor,
 Quæque sibi finxit miserorum fata vetustas:
 Tu fidei Crux summa mea es, tu sola labantis
 Præsidium, tu certa meis solacia fatis
 Sufficis, una mea requies placidissima mentis.
 Tu, veteris medicina mali, tot crimina sospes

Abbas.

Abluis, & rigida damnas suffragia legis,
 Et formidatas inferni principis iras,
 Cocytumque, Erebumque domas. O funus amicam,
 O lethum vitale piis, ô grata dolorum
 Commoda, speratæque neces, ô apta medelæ
 Vulnera, quique ferent magni nova gaudia luctus,
 Exhilarer qui corda dolor, miserosque relaxet
 Poena reos. in qua Superum clementia victrix,
 Iustitiæque rigor coit, & sapientia summi
 Regis adorandos aperit consulta recessus.

Atque ea diversa Solyma dum parte geruntur,
 Autoremque Deum, regnatoremque profundi
 Præsensit Natura pati, perterrita vultus
 Abdidit, & totum tenebris involvit Olympum,
 Absolvitque reum. media Sol luce coruscans
 Occidit, & subitis mœrens expalluit umbris,
 Et Christo moriente suos abscondit honores.
 Ipsa etiam vastis tellus tremefacta cavernis
 Horruit, & sceleri se dissentire nefando
 Esse palam voluit. cernas delubra moveri
 Supplicio perculsa Dei, sustensaque celsis
 Fornicibus cortina novo discessit hiatu.

Maxime fatorum domitor, semperque vigentis
 Imperii, vitæque pater, magne arbiter ævi,
 Christe, jaces; vitæque & grati luminis expers,
 Hac quoque suprema pateris dispendia sortis,
 Informesque plagas. jam te mortale sepulchrum,
 Et lethi funesta domus, secretaque mundo
 Antra tenent, gelidoque rigent tua corpora saxo.
 Hic misero concessa quies, hac meta laborum
 Parte stetit, poenæque modus. Tu, squalida quisquis
 Tecta times, tacitosque lares, umbrasque silentium,
 Hoc tumulto mirare Deum, tantique cadaver
 Principis; & tali pudeat differre magistro.

Exstruite aratos obices, advolvite rupes
 Improbæ gens, cingat captos custodia manes,

Sollici-

Sollicitusque pavor. circumstet fulgidus ære
 Miles, & armato jaceat custode sepultus.
 Non patitur murum pietas. cui cuncta creandi
 Vis primæva fuit, nec delassata potestas
 Edomuit deforme Chaos, vultusque latentes
 Erui, exuti pandit sacraria Diis,
 Perque Domos Erebi, per ineluctabile fatum,
 Tartareosque lacus, loca nocte silentia lætè
 Sternit iter. non humana molimina dextra,
 Non obices tenuere Ducem. laxata patescunt
 Atria, neglectisque patet custodibus æther.
 Sic illum perisse iuvat. sic profuit orbi
 Tot pœnas sensisse vadem, stetit obside in isto
 Relligio, terrisque redux dum redditur, unus
 Pallentes Stygius animas emancipat umbris.
 Nec jam vana fides rediuvit vulnera Christi
 Adspicit, aut tali dubitat se credere vari:
 Qui post tot casus, post tot dispendia, cædes,
 Flagra, necesse, diræque crucis crudele theatrum
 Exolvit se morte sua, rursusque resurgens
 Publica jam partæ dedit argumenta salutis.
 Succubuit mors victa Deo, damnataque lethi
 Causa fuit; cessit titulo Lex dura minaci,
 Et didicit peccata pati; morituraque tandem
 Corpora tam grandi sperant sub vindice vitam.
 Quam felix fuit illa dies, quam latior astris,
 Et circumfusa liber caligine lætè
 Emicuit populis Titan, dominoque potenti
 Assurrexit orans. decuit cum Sole renasci
 Iustitiæ jubar, & magno de lumine lumen
 Fas fuit hos ipsos luci donasse triumphos.
 Hæc regni lux prima fuit. nec proxima solum
 Adventu nituere Dei; sed totus ab æclis
 Nubibus exiit Libanus, Iudæa renidet,
 Insolitofque Sion radios Davidica vibrat.
 Nec tumulos res tanta læt. turbata cientur

Tartara

Tartara, & imperium non dedignata sepultos
 Terra dedit, priscæque objecit corpora luci,
 Et Solem desueta pati rediere sub auras.
 Vos testes estote nurus, paribusque sorores
 Vocibus, & quotquot portatum balsama matres
 Venistis, myrrhamque piis aspergere membris.
 Vos fractos tetigisse obices, semotaque saxa,
 Et vacuum stupuisse locum, sine corpore sedem,
 Credimus, & tanti famam vexisse laboris.
 Per vos exanimi rursus data gaudia mundo,
 Et solamen habent populi. Vos cœlica prima
 Nuncia, & athereo reparatam vindicæ cladem
 Didistis in terras. vestri dispendia sexus
 Sensimus, & peccans fatalia tempora mater
 Prima tulit, tetricosque dies. nunc munere vestro
 In melius gaudent iterum se vertere fata,
 Feminaque ut mortis, sic altera nuncia vita est.
 Transmittunt sedis vatum commenta futuris
 Femineæ virtutis opus, quod præscia fati,
 Suaserit imperium Tanaquil, trajecerit undas.
 Clælia, tot cupidos uxor castissima sola
 Traxerit arte procos, Latius Cornelia portis
 Vexerit illustres armis spoliisque superbos
 Scipiadas : vobis debet præconibus atas
 Postera, vos sacros inter facundia cœtus
 Tolle, & æternis donabunt carmina fastis.

At nunc humanos humili de pectore sensus
 Excute mens, terræque satur, Christique malorum,
 Sidera, & ætheriis habitatas mentibus arces
 Concipe. quid cessas vili secedere mundo?
 Te sequor, assertæ gentis decus, & tua fixis
 Ponè premo, quæ summa patent, vestigia plantis.
 Fastiditur humus, magnisque illustrior æther
 Annuit auguriis, & dum tibi sceptrâ parantur,
 Christe, & adorandus toti decerneris orbi,
 Eveheris, terrasque super, sublimior astris

Tolle

Tolleris, & dudum promissum ordiris honorem.
 Regna tibi, sed prisca, patent; regisque capeffis.
 Eterno sed jure, decus. spectate triumphum
 Christigenæ, qualisque redux conscendat Olympum
 Victor, & exuii spoliis Acherontis onustus,
 Occipet augustam titulis regalibus æthram.
 Officii partes dirimunt tellusque polusque.
 Obsequii locus illa prior, sed dignior ille
 Imperii decorisque fuit. quem spreverat illa,
 Ille capit. nec jam lachrymis perfusa madescunt
 Lumina, non lachrymis gemitus, non luctus inerrat
 Vocibus, aut nostra præstat vadamonia culpa.
 At clivum novus ambit honos, & fulgida cæli
 Gloriæ, & Angelicis speciosum extibus agmen
 Irradiat splendore vicum, fremuere leones
 Romulidis, sociisque Ducem traxere lapatis:
 Hunc supplex natura vehit, nubesque ministrat
 Tot rerum officiosa parens. sedet ille, ruitque,
 Quia surgit Tarpeia domus; sed sidera tranat
 Alter, & inferius positos sibi subjicit axes,
 Et quicquid mortale fuit. captiva per urbem
 Agmina barbarico videas infrendere vultu,
 Totque catenatos lente procedere Reges.
 Hic Regem, dominumque Erebi, & Phlegetontis ava-
 Criminaque, & sævo minitantia fata flagello, (11.
 Quaque obitus Superumque truces lex nunciat iras,
 Post sua terga trahit. cingunt vitricia luvii
 Tempora, vel querni ludunt in frontibus orbes,
 Quæque triumphatis nectuntur gamina rostris.
 Huic orbis pro sorte datur, sunt præmia cæli,
 Terrarumque plaga; tituli Regumque Ducumque,
 Laus laudi cognata patris. dat munera rector
 Ausonius, numeratque suis sestertia castris.
 At nos æterna solantur munera vitæ,
 Et merces datur ipse Deus. pax, regna, voluptas,
 Gloria, libertas domino donantur in illo.

Agnoscisne tuos, Princeps venerande, penates?
 Hi sunt, quos toties odiis vexatus acerbis
 Patre tuo monstrante petis. penetralibus istis
 Sors nobis promissa latet, tot vota tuorum
 Excipis, & quamvis celsa regione locatus,
 Afflicta tamen usque cupis miserescere gentis.
 Hic tua difficilem viuis clementia patrem
 Lenit, & ingentes orando mitigat iras.
 Hic Regem te, Christe, geris, prae fracta tyrannis
 Colla domas, sceptroque potens ultore coërces.
 Hic sapiens fluctus, tempestatesque futuras,
 Et populi tot fata tui moderaris, & inter
 Classica, bellorumque minas, regumque furores.
 Consicis electæ tranquilla silentia turbae,
 Alcionumque dies. illinc percussa tuorum
 Pectora, & ingenti fractas formidine mentes
 Afflari propiore Deo. nova reddita ab alto
 Vis animis, sacraque piis præcordia flamma
 Incaluerè viris. fundit facundia voces,
 Muta prius, discitque loqui. timor exulat omnis,
 Seque paludatis infert fiducia testis,
 Præsidii secura sui. bisseua per orbem
 Corpora sub gemino latè dum Sole vagantur,
 Innocuum virtutis iter, calique recludunt
 Delitias, tenebrisque insuetam affundere lucem
 Occipiunt, cunctisque ferunt tua nomina templis.
 Tot circum delubra silent, nec credulus error
 Tercentum tonat ore Deos, Hecatenque, Iovemque,
 Stultaque te gemina veneratur saxa Diana.
 Dissplicet improbitas, gaudet cælestibus ausis
 Pro te quisque mori. pudor est plus pendere vitam,
 Quam fidei decreta tua: laus unica sperni est,
 Nec placuisse sibi: laus altera, spernere, quicquid
 Desipiens exposcit amor, vel turgida fastu
 Ambitio, vel quod rimatur fraudibus aurum.
 Diva fames. sic tota tuis vatura renasci

Imperiis.

Imperiis studiisque potest, & numine plena
Imbibit athereas mortali in corpore curas.

Salve siderei proles æquæva parentis,
Et tandem, rediture, redi. da cernere vultus
Possê tuos, nubescque inter libratus & axes
Extremum hunc, Rex magne, tuis concede laborem.
Ultima decrepito dicta suffragia mundo,
Et scelerum formas, vitasque, & crimina disce.
Tot Iudex discerne reos. clementia partes
Et peragat mens justa suas. sapientia totum
Flectat opus: vasti cieat spatia undique mundi.
Dextra potens. reddat pelagus, quos abdidit undis;
Funereasque domos & ceca habitacula pandat
Terra parens. cœant clari cum paupere fascës,
Cum fullone togæ. subsidant arma potentum,
Tot pateant fraudum portæ. tua vulnera spectent,
Qui fecere, rei. timeant oracula, quotquot
Hic sprevere prius. sic tanti scena theatri
In partes abeat geminas, vitæque necisque
Arbiter æternis claudas hos finibus actus.

Interea decreta tibi dum tempora differs,
Espice, quæ mediis tua jam jactatur in undis,
Christe, ratis. compeſce Notos, infestaque tranſtris:
Equora. tu nobis tanta caligine rerum
Pro Polluce mica, nobis pro Castore fulge;
Et per nocti vagos errans tua cymbala tractus,
Cyllaos inter scopulos, interque Charybdin,
Rectum seruet iter. diuisa aplustria puppis
Collige, distractosque duces concordibus uni
Regniis. pacem dona rectoribus orbis,
Et quos nox thalami, placent tua vulnera, Iesu,
Et mortis sors dura tuæ. sociata perennent.
Filia mixta Rosi, æternaque fœdera jungant
Errarumque marisque Deos. Tu flectere Reges,
Tu solus lenire potes, tu mitibus iras
Consiliis dictisque domas. Hæc vota Redemptor;

*Has audi, Deus alme, preces; magnique tui
Borbonii, Regisque tuo de nomine dicti,
Prospera compositis decurrant secula bellis.*

*Serenissimo, Potentissimo, Inviētissi-
moque Principi,*

C A R O L O I,

D E I G R A T I A

Magnæ Britannia, Francia & Hibernia
Regi, Fidei Defensori, &c.

Quem paci servant Superi, Mars commo-
dat armis,

Et belli studiis vult Soror esse pium:

Quem regni præcepta Parens, exempla Vetu-
stas

Edocet, ac cælo destinat alma Fides;

Accipe regales, Princeps Auguste, triumphos,

Et facilis Musas sublevert aura in eas.

Cum legis effusos in publica vota Britannos,

Hæc eadem Belgas dicere crede tuos.

In Batavis pudor est, Regem Dominumque
creari.

At fas in Batavis sceptrâ Deosque cani.

BRITANNIA TRIVMPHANS,
Sive in Inaugurationem Serenissimi ac Invi-
ctissimi Principis CAROLI I, Dei Gra-
tia Magnæ Britanniae, Franciae & Hiberniae
Regis, Fidei Defensoris, &c.

Anglia, quæ triplici distinctum munice Regem,
Nec simplex veneraris ebur; cui mitis Ierna
Exiit agrestes animos, & regia Nerei
Arctois famulatur aquis, medioque natantes
Orcaes Oceano, & gelidi confinia mundi:
i qua tuis unquam respondit purpura votis,
Aut meruit diadema coli, placataque terris
Expandit faciles Divum clementia vultus,
Iunc sacrum tibi crede diem, quem fundit ab Ortu
Latior & lentis Pyrois producit habenis,
Nec cupiat mersisse mari, tristisque serenum
Impetate regi; quem cum subduceret astris,
Destinat augustis rerum Natura triumphis.
Non Regum jam busta queror, Tamesisque dolores
Aggerit, aut nigros perculsa palatia peplos,
Iæstaque ferales deposcunt limina taxos.
ut faciles fulsere faces, nec lava Britannis
Istra meant. damnat patrios Saturnius ignes,
et solis fatale jubat. Tibi pronus Etrichtheus
innuit, & sociâ fulgens cum conjuge Cepheus.
etque Ariadnæ radiant ad sceptrâ coronæ.
num chela posuere minas? num sevens Orion
Irrigit audacem coeptis ingenibus ense,
munit regale latus? num Menalis arsa
antiquo custode caret? Regique recentis
Iuliat Arctophylax, & tardi cura Bootæ?
plausus coiere poli: quaque adspicit Austrum
bion, aut Scythicos Thule timet ultima fluctus,
Irridaque arcanis se Scotia salibus abdit.

Ingeminant sua vota Dii. diuisa^{que} cælo
 Sit licet, & medium Tellus disterninet axem,
 Cum superis gaudere cupit: nec soli Deorum
 Gaudia tanta putat. potius sibi debita credit,
 Que Caroli sibi Numen habet, tantoq; triumphan.
 Esse studet potior, quam o est vicinior ostro.

Quis mihi magnorum penetralia pandere vatum
 Audeat, & sacra perculsum Menade pectus
 In furias Thymbræus aget? quis torrida dudum
 Labra Caballinis dabit immeruisse fluentis,
 Et solitas promittet aquas? dum personat aulæ
 Irrequieta chelys, fidibusque aptata Latinis
 Barbata trans vastos fundunt sua marmura flu-
 Et concors sociis arridens Belgica terris (Ætus;
 Præsumit me vate loqui, regemque creari
 Virtutum sine teste vetat. Non abnuat amnes
 Calliope, cum docta canunt commenta Serenam,
 Et Pelusiace turgent Silicone Camœnæ,
 Et Latii cantatur apex, aut templa futuro
 Assurgunt Tiberina Duci: seu Mallius annum
 Consul init, Geticisque insignis Honorius armis
 Grandiloquo præcone tumet; vel latior æther
 Adspicit Arcadium, vel magni fata Proboni,
 Et decantati trabecæ miratur Olybri.
 Isthmia Thebanos meruerunt gaudia cantus,
 Et palma laus tanta datur. dum clausibus Aulis
 Feruet, & imperium geminis concedit Atridis,
 Mæonidem furor iste rapit. Spectacula Pœtas,
 Cæsareæque cient epulæ, strepitusque theatri,
 Et plausus Cavea, & liuentes cæde saburræ.
 At Tu, qui Borei flectis moderamina ponti,
 Quem Dominum supplex Rutupinum litus adorat,
 Quem Scotus Pictusque colunt, & mixta feroci
 Saxone gens; cæpto adspira Rex magne labori,
 Et Musis da vela meis. sine numine Numen
 Cantari cortina vetat, laudesque Deorum

Incipit favor ipse Deum. Tibi stemmate longo
 Descendit regalis honos, atque ordine fati
 Regna meant : semper dignus cum fascibus haeres
 Nascitur, & simili lassantur prole curules.
 Tot Reges veneraris avos ; nec sola paternos
 Condécorat fortuna lares. tibi sexus uteque
 Continuat tam grande decus, Tyrioque superbit
 Murice magna parens, Gothico quæ splenduit ostro,
 Et bellatori debet primordia Cimbri.
 Inter sceptrâ puer graderis, dominoque Trionum
 Adspéctas, quocunque vides : amplexibus haeres
 Oceani terraque Ducum. tibi basia fixit
 Parrhasii regina poli, te sustulit ulnis
 Regum prima soror, regum gratissima terris
 Filia, & augusti genitrix, nulli amula, Regis.
 At Pater æternæ ramis insignis olive
 Emicat, & triplici frontem superinduit auro,
 Et nato nova fata parat. glacialis Ierna
 Additur imperiis ; nec jam Solvæius ultra
 Terminus Albionis, fortique exstructa Severo
 Moenia divisi spectant rectoris habenas.
 Illum pacis honos, & non violenta potestas,
 Et populi secura quies, laudataque regni
 Otia & innocui secernunt regibus anni.
 Sic placuit defensa salus ; nec jura tueri
 Armatae volvere manus ; tunc, commoda juvit
 Publica, cum ferrum siluit ; dum classica nescit,
 Tranquilla se mente videt : coelestis lustrat,
 Cui tellus sua visa satis : diffandere verum.
 Non fasces, pia cura fuit : venerabilis unâ
 Evicit virtute metum : nil debuit hosti,
 Nec placuit post bella fides, tutusque cruore
 Libertatis amor ; quæ duro milie posset
 Exorquere ferox, potius tentavit inermis.
 Tu fasces ordiis ovens, & posthuma mundo
 Sceptra probas, tantoque carens jam Rege Britannus

Vix sentit mutata sua moderamina gentis.
 Sic ubi librato fessus subduxit Olympo
 Brachia, & effœtis tremuit cervicibus Atlas,
 Maximus Alcides humeris nutantia fulsit
 Pondera, nec cœli securius alta pependit
 Machina, nec tremulos expavit Iuppiter axes.
 Aut veluti patriis ales Titania bustis
 Nascitur, & veteris fugientia seclâ senectâ,
 Membraque vernanti reparat longæva iuventâ;
 Iam capitis plus fulget apex, jam lætior auri
 Pingit colla color, seclâque thura Sabais,
 Et Cilicum redolet messes. stupet obuius omnis,
 Et volucrem miratur Arabs. illa ocyus Ortum
 Respicit, ac Solis thalamos, rursusque renascens
 Inchoat auspiciis primos melioribus annos.
 Talis in augusti priscos genitoris honores
 Mitteris, & proavum fœcunda morte favillis
 Clarior exurgis Princeps. exultat Elisa,
 Pulsaque majestas Nemetum, magnique propago
 Borbonii sociis adglutinat oscula sceptris.
 Scilicet in regis pariter blandasque maritii
 Conspirat fortuna vices, ut regibus orta
 Augeat hos iterum soboles, æternaque crescant
 Imperia, & simili decurrat sanguine sanguis.
 Illa Tibi patriis reges virtutibus auctos,
 Henricosque dabit, quos Martius excitet ardor,
 Hesperiusque ferox odiis accendet Enyo,
 Hi gladios, Rex magne, tuos, atque obsita longo
 Arma situ, residesque acuent in praliam gentes.
 Hi ditis vexilla Tagi, Boetique superbum,
 Casareasque aquilas, spoliisque induta suorum
 Agmina, Vangionum petulantem fascibus Istrum,
 Pannoniosque ad bella cient. cognata rependet
 Damna nepos, nascensque piis ex ossibus ultor
 Victa Palatina repetet Capitolia terra.
 Post titulos, gentisque decus, stirpemque Deorum,
 Omni-

Ominibus favêre Dii. tibi Parca futuros
 Promisit præsaga thoros, natamque Capeti
 Despondit cunis Lachesis. tunc fixus Iberi,
 Et regum simulatus Hymen, fîctæque Tonanti
 Displicuere faces. risit connubia Clotho
 Batica, & Austriacos fati expunxit amores.
 Omnis in augusto depinxit Gratia vultu
 Regales veneranda notas, blandumque tueri
 Iussit, & innocuo perfudit verba severo.
 Adstitit, & teneras socians Concordia dextras
 Vnanimis vocit populos. excepit alumnæ
 Audaci Bellona sinu, suspensæque patri
 Arma ferens, strictos placidis pro falcibus enses
 Ostendit puero. Cattorum è littore missa
 Libertas Batavum, Hesperii erepta triumphis.
 Accendit Martis rabiem. pro pignore tanto
 Explicuit cunctos belli Sapientia casus,
 Et lituis præcepta dedit. tunc sanguine junctis
 Promisit faciles ventura in prælia dextras
 Cimber, & in primis acuit vagitibus iras.
 Quam tunc lata tuis facies, quæ signa futura
 Sortis, & inspectis præsagia legit in extis
 Augur, & Excelsa cecinit documenta juventa?
 Iam magni præcepta patris, jam jussa modestus
 Exequeris, dignumque putas rectoribus orbis
 A pueris voluisse regi. mandata daturus,
 Ipse capis, quantumque aliis præcellis honore,
 Præferri virtute cupis. cui munera vita
 Et debet natura diem, submittere sese
 Gaudet amor, morumque libens concedit habenas.
 Non molles fluxere dies, aut marcida luxu
 Otia, vel lentos protraxit inertia Soles.
 Non te degeneri Menas stipata caterua
 Accivit comitem, nec vêtus lyncibus Evan
 Vicit adorandum populo caput. improba nunquam
 Vbera porrexit Circe, nec fœda Calypso

Possedit teneros vitiis regalibus annos.
 Ipse per umbrosos saltus & tesqua ferarum
 Deduxit juvenem genitor, cum roscida multum
 Purpureis Aurora genis præverteret Ortum :
 Aut celerem raperent invisa crepuscula Phœbum,
 Fessaque Hamadryadum gelidis se conderet antris,
 Faunorumque cohors. quoties tibi Delia dextram
 Instruxit jaculis, frondosaque Manala linquens,
 Et juga Taygeti, pharetram suspendit & arcus
 Ex humeris. quoties docto venabula nisa
 Fixit in aversi fugientia tergora cervi.
 Mox spumantis equi sodiens calcaribus armos
 Antevolans per prata Notos : nunc sistis euntem
 Ocyus, & duris inflectis colla lupatis,
 Aut gyro properare doces. generosus habenis
 Assurgit sonipes, dominique superbus honori
 Infremit, atque animos regali à pondere sumit.
 Promittit tibi sceptrum labor, securaque belli
 Tempora venturi quondam præludia Martis,
 Et pugna simulacra docent. ut torqueat hastam
 Consilio liberata manus, qua lege macharam
 Stringat, & auratum subnectat pendulus ense
 Balteus, aut clausos defendat athenæa vultus
 Cassis, & invictis majestas militet armis.
 Sic prope Barbaricæ Rhodopeia flumina Thraces
 Odrysius desudat ovans, & prima capeffit
 Bella puer, formatque suum præceptor Achillem
 Thessalus, & peltis nascens adsuescit Amazon,
 Spartaque primævos gladiis exasperat annos.
 Nec minus Aoniæ tanta se condere gaudent
 Mente Deæ, tacitosque aperit doctrinæ recessus,
 Et solius sua fata legit : quam blanda vacillet
 Excelso fortuna loco : quibus occidat ausis
 Imperiū surgatque decus : quæ tempora paci
 Commoda, quæ pascant lituos : quos negligat hostes,
 Quos metuat mens cuncta Ducū, quæ fœdera solvat,
 Quæ

Qua credat temerasse nefas; qua causa rebelles
 Armet, & audaces frangat Prudentia motus.
 Tota per antiquos solers industria fastos
 Ambulat, & clavis iudex praeconia factis
 Commodat, at vitium regali vindicat ira.
 Suspicitur mentita virum regina, furorque
 Imperii, & magnæ metuenda Semiramis urbi.
 Diligitur Cyri probitas, gravibusque decorum
 Moribus ingenium. terret fors ultima Lydi
 Infaustis arsura rogis, & foemina nato
 Inferias irata parens, utresque cruenti,
 Tergoraque injustas circum lucentia sellas.
 Persicius ut Danaum duclor subverterit urbes,
 Et fugiens sua fata gemat, miraris, & acres
 Thermopylas, Graeumq; duces non emptor Olynthi,
 Non Pelle placuit stomachus, spretorque Deorum
 Laomedon. damnas Priami responsa potentis,
 Aeneamque probas, suppositaque corpora patri,
 Et letæ pietatis onus. Tibi raptæ Sabinus
 Pignora conqueritur, violataque jura theatris
 Persuadet promissa fides. quam vilis regnis
 Semina monstravit Tanaquil; quæ rotora sceptris
 Conferat, ac Divum firmet reverentia fasces,
 Egeria secreta docent. civilis mærens
 Bella legis, patrioque undantem sanguine Syllam
 Despicis, & lesos parvi Rubiconis ad amnem
 Romulidum Latiiq; Deos. plus causa Catonis
 Arrisit, bellansque gener; Pharsalia quamvis
 Vexerit immeritis soceri vexilla triumphis.
 Iam Gracchos, Mariosque, & fastidire Cethegos
 Incipis, & querula subnixos plebe tribunos:
 Sed praeclara tenent animos exempla, Camilli,
 Scipiadæ, Deciique duo, totque incluta bello
 Nomina, cunctantes Fabii, punitus Iarbas,
 Aemilii, Paulique, duces: patiensque laborum
 Hannibal, & veteris splendor Germanicus avi.

Inde per annales, atque ultima secula raptus,
 Per gentis monumenta tua, proavumque labores,
 Romanas aquilas, & formidata Britannis
 Arma stupes, magno domitas sub Casare gentes,
 Et totum signis stratum victricibus æquor.
 Adspicis iratam Morinûm de littore Tethyn
 Ausonios transferre Deos, Tiberinaque longe.
 Rostra triumphatis Latium confundere terris.
 Adspicis, ut Tuscos peregrino gramine pascat
 Cornipedes Italûm ductor, tua scindat aratro
 Arva Ligur; victorque tuis det jura Quirinus
 Damnonius: pandat Siculis navalia portus
 Iccius, & Latias doleat Sabrina secures.
 Quid procul externo bellantem exciverit Albi
 Saxona; qua quondam vicinis gentibus ira;
 Quid Scotus Picique fremant; cur improbus ensis
 Tinxerit hostiles civili sanguine dextras,
 Indigenasque tuos fallax exegerit hospes:
 Vt patria vires magni fregere penates:
 Vt serò coïere Rosa, fatalia belli
 Symbola & indomitum placarint oscula Martem.
 Prisca Caledonios aperit tibi fama recessus,
 Et bellatores populos, inimica Garumnæ
 Flumina, vicinis erepta palatia Gallis;
 Normannique trucid furias, & subruta Cambris
 Imperia, & veterum repetentes jura Siluras.
 Iam fera Massagetûm soboles, & Concanus atrox
 Devictos tibi dictat agros, nec bella furentis
 Desmonii facinusque probat. tibi reddit Iberos
 Arthurius, dominoque Senus fastidit Iberos.
 Hos ubi per populos æternaque nomina factis
 Ire libet, stimulos illinc tibi subdit Ierne
 Bellipotens; illinc pugna monumenta ministrat
 Albion; hinc rigidum Boreæ porrectus in axem
 Grampius, audaci quæ sit fiducia Scoto,
 Edocet. Omne tuis aliquid virtutibus addit

Exem-

Exemplum, formatque Ducem prælecta vetustas.

Quod si prisca suos nesciret pagina reges,
Tu regnis præcepta dares; tu prima regendis
Norma fores populis: tu digni Principis artes
Expeditas, firmesque novis subsellia iussis.
Despicit æquales regum tua purpura voces,
At cælo parere cupit; queis flectis habenis
Imperium, subdis Superis, unoque Tonante
Dum minor es, uni titulos submittis Olympo.
Huic regnas, quem regna timent: cui cruda tyrannus
Concedit, parvidique abscondunt ora Nerones. (nis
Nec parere Deo pudor est, cum terra polusque
Parendi sine lege ruant, & tuta perennet
Regia, quam fulcit pietas, & conscius horror
Numinis, ac sacro supplex reverentia cultu.
Sic cælo terræque places: & sidera Princeps
Blanda refers, precibusque tuis se accommodat æther,
Et faciles in vota Dii. Tua moribus ætas
Mentitur senium, & pleno spectata theatro
Vita fluit, vulgique legi suffragia virtus.
Præcipit ancipites rerum Prudentia casus,
Fortunam ratione domans, & provida sorti
Nil debere cupit. dictat consulta magister
Vfus, & antiqui repetens moderamina sæcli
Consiliis ordiris opus. Clarissima lux est
Virtutum sub rege novo; nec publica rege
Cura latet. multum teneris sibi spondet ab annis
Vox populi, & primo præsentia sumit ab ostro.
Nec tibi iussa placent, mandataque dura regentum,
Quæ reges fecisse piget. dum legibus orbis
Exigis obsequium, factis constantibus anteis,
Quoque vocas, rex ipse præis: nec cuncta licere,
Quæ possent libuisse, putas: veniamque nefando
Prætexis sceleri, aut peccans impune tribunal.
Ius populi commune tibi est: devincit honestas
Vna Ducem civesque tuos: discrimina solum

Majestas sceptrumque facit. sic iussa capeſſunt,
 Quos gaudes feciſſe bonos; dominumque verentur,
 Sed recti ſibi lege parem. Qua regibus itur,
 Ire times: fasque eſſe putas, ea poſſe potentes,
 Quæ voluiſſe nefas. ſocium te deſtinat aſtris
 Diva Themis; cunctaſque ferens velata per urbes
 Lumina, ſævi expers odii, blandique favoris,
 Vltiores ſclerum diſtriſtos porrigit enſes,
 Librantesque manus. metuit regale vacillans
 Cauſſa forum; preciumque refert, & mitia preſſus
 Sentit roſtra cliens. Tuque ô manſueta Deorum
 Progenies, rigida & damnans ſuffragia legis,
 Quæ deforme chaos, permixtaque fœdera prudens
 Diſtincti, & placido donavi ſidera vultu,
 Alternasque neces & mutua præ alia rerum
 Digeris, ô vaſti rectrix clariſſima mundi,
 Æternique Iovis ſoboles, Clementia, juſto
 Quæ diſtare cupis, violentaque jura moraris,
 Hoc miſeris ſub Rege faves, tranquillaque mœſtis
 Acceleras reſponſa reis. non ille rigori
 Aſſentit Torquate tuo; lumenque ſevero
 Expoſcat periſſe patri. ſat longa furori
 Dat ſpatia, ingentesque moras, ne regna miniſtret
 Impetus, aut calidis vileſcat regia juiſſis.
 Non avidum pœnæ, aut diri vindicta cruoris
 Accendit præceps animum; non vilibus acer
 Succenſet viiis; aut magnis frena relaxat
 Gratia criminibus. formidat Principis iram,
 Quiſquis amat, materque metus reverentia ſceptri
 Nec ſimulatus amor. debellat dextra ſuperbos; (eſt,
 Subjectis facilis. Sic cum ſua murmura produnt,
 Et parvidas terrent irata tonitrua gentes,
 Obſtantes feriunt ſcopulos, Cyclopeæ nutant
 Saxa, ruunt duræ celsis de montibus orni,
 Parcitur arbuſtis, pronoque papavera collo
 Tutæ latent, magnique exorant arma Tonantis.

Stat

Stat jurata fides, sua nec promissa refringit,
 Nec differre cupit: totâ dolus exulat aula,
 Fictaque simplicitas, & quæ scelerata futuris
 Imperiis inhiat rabies, nec jura moratur,
 Dum regnum sibi fraude paret. quæ spretor Olympi
 Dux Libya, sacras toties perjurus ad aras,
 Suppeditat consultâ, fugit, nec signa triumphans
 Inferat in patrios tecum Romane penales,
 Intentetque truces jugulis civilibus enses
 Perfidus, angustoque Deos postponat honori.
 Non animo dispar vultus, non dissona fronti
 Pectora: blanda gravi residet sermone venustas:
 Nec personatis inseruit mobile scenis
 Ingenium. graditur gressu veneranda modesto
 Celsa potestatis species, & splendida fulget
 Stipantes inter Proceres. velut æthere in alto
 Nocturnos rutilans præcedit Lucifer ignes,
 Astrorumque choros; hunc circumfusa sequuntur
 Sidera, & à tanto lumen sibi lumine spondent.
 Auget cura vigil census, at mascula fœdam
 Castrat avaritiam: non mætem effœminat aurum,
 Quæ dat jura viris. O quantum judice tali
 Doctrina succrescet honos; ô quanta Camænis
 Otia, quæ steriles iterum revirescere lauros,
 Parnasso plaudente, dabunt. En clausa sororum
 Antra patent, lentumq; invitant præmia Phœbum,
 Et pigra se tollit humo mens enthea vatum.
 Non fera præclaris paupertas incubat ultra
 Ingeniis, fœdoque jacet sub pondere virtus
 Obruta. Tu Batavum, Princeps auguste, pœtam
 In laudes facis ire tuas, stimulumque furori
 Subdis, & externo indulges tua nomina Belgæ.
 Nec regni spatia ampla tui, nec semina belli
 Prima canam. cœpti decurrat carminis ordo
 Imperii momenta tui, liberataque magnis
 Consiliis præcepta ducum. Nam maxima quamvis
 Expen-

Expendas arcana prior, tamen æqua monenti
 Auscultas, fidique probas consulta Senatus.
 Ille gravis senio, & sceptrorum fata revolvens,
 Regni librat onus, regisque negotia secum
 Dividit: ille leves cœca Rhamnusidis iras
 Negligit, ingentes superat: jam classica paci,
 Iam pacem præfert lituis. sic flectis habenas,
 Sic fati modus in sceptro est. Si numina spernat
 Impietas, & sacra Deum, tu vindice poenâ
 Exigis officium: si credulus occupet error
 Incautum, meliora doces. non succubat armis
 Aut rigidis mens recta minis, sed vera monenti
 Submittit sua sensa fides. Ignobile si te
 Vulgus amet, crescis modicè popularibus auris;
 Si queritur, sprevisse tuum est. Si bella coactus
 Aggrederis, magis illa times; tutissima res est
 Bellorum metuisse vices. si debita miles
 Æra petat, leni recreas araria censu,
 Nec sordes erectus amas. non pagina fisci
 Injustas sibi scribit opes, aut sanguine gaudet,
 Suppliciiisque frui, miseri vel funeris optat
 Exuvias servare sibi. generosa putantur,
 Qua dat lucra favor, nec rex vectigal amabis,
 Quod plebs mœsta dabit. tecum communia Princeps
 Gaudia, communes gemitus & commoda sentit.
 Qua capitis fortuna, sua est; surgitque caditque
 Cum rectore suo, atque unâ se sorte tuetur.
 Nulla tibi irata rabiem Lucretia dextra
 Imputat, aut casta dissolvit vincula zona
 Virgo dolens; nunquam sceleri vis præbuit ansam,
 Acrisiusque tuo Danaën semovit ab auro,
 Regalesque preces timuit. te vindice servat
 Iura thorus, thalamusque fidem. nonaria nun-
 Incluta fallaci subiit palatia gressu, (quam
 Aut solium sinus abscondit: non purpura fuco,
 Non Veneri innuptæ fasces, non mitra puellis,
 Aut

Aut emptis grandes trabes cessere capillis.
Salve magna Patris soboles, venerabile sceptris
Exemplar, Tyrio numen sub murice fulgens,
Illustris pietatis apex, cui pectore in uno
Omnia nascentis regalia dona iara,
Virtutumque choros caelestum cura recondit.
Scande triumphales, Rex augustissime, currus,
Purpureamque apta chlamidem, praeceptaq; fratri
Fato sceptrum cape, & sacra sublime coronam
Cinge caput; celsam gemmis abscondat Hydaspes
Caesariem; rutilent virides in fronte smaragdi,
Et diis spolia Oceani, baccaeque nivescentes
Intextum radiis vincant fulgentibus aurum.
Undique concurrunt populi, fervensque viator
Ad Tamesin molitur ier, fremituque secundo
Colligit ipsa suas animosa Britannia voces,
Iamque timet privata loqui. conspersa videres
Strata viris, pulchras alto de culmine passim
Despectare nurus, intentaque matribus ora,
Membraque Erythraeos inter speciosa lapillos.
Colligit aequos aliquis sibi Principis annos,
Et confert juvenile decus, pudibundaque virgo,
Quem veneratur, amat; spernunt exacta loquaces
Secula senes, facilesque colos & pensa sororum
Hunc gaudent ne vixisse diem, quo prisca Stuarti
Progenies magno decernit frena nepoti,
Tergeminamque uno claudit sub numine gentem.
Exeat hic mundi populis illustrior annus,
Quem regum celebrant thalami, sacraque tiara
Et regni commendat honos. Vix lilia clavis
Miscuerat Cytherea rosis, flammisque Tuada,
Et peregre Paphis exarsit Sequana radis:
Succedunt Veneri trabes, discussaque fasces
Flammea nobilitant, dominaeque augusta secures
Arripit, & patrio majestas commodat orbi.
Plausibus accedunt Superi, radiantque corusco
Lumine,

Lumine, Phœbeo jam cum splendore nitorem
 Confundit diadema suum. lux clavior astris
 Emicat; & totum nebulis absolvit Olympum
 Hoc saltem Natura die: dum sceptrâ parantur,
 Cuncta nitent, mœstisque carens jam nubibus aër
 Adversos monstrat Rutupino è littore Flandres.
 Æolii ponunt fremitus & murmura fratres,
 Nec Boreas pro more furit: pacata quiescunt
 Æquora, nec parvas Aquilonia flabra flagellant
 Hebridas, aut timida latus implacabile Thules.
 At Thethys toto passim circumflua regno
 Caruleum Tritonâ vocat; vocat ille natantes
 Naiadas, & mediis grandævum Nereâ poscens
 Orcadibus, tremulis mulcet vada carula caudis,
 Reçtori gratata suo. Plus sidera spondent,
 Et cunctis, Auguste, tibi jam mensibus æther
 Annuet, & quamvis obliquo tramite currat,
 Dextra tamen facilis promittit Signifer astra.
 Inchoat æthereos Aries fulgentior ignes,
 Imperii fax prima tui, Phryxæaque purgans
 Vellera, dum paribus motum discriminat horis,
 Vult omnes parere tibi. cum surgit ab Ortu,
 Te Tauri frons lata videt, dorsoque micantes
 Pleiades arentes humectant nubibus agros,
 Et mœstis dant podâ satis. Cum Castore Pollux
 Augurio meliore favent, & gaudia juncti
 Adgeminant ventura tibi. ferventia Cancer
 Brachia, Phœbea expandens cum lampade, regnâ
 Expandit decora ampla tui; Solemque moratus,
 Successus urgere tuos velocius ardet.
 Leniet ipse suas Nemea Leo torridus iras,
 At bellis fomenta dabit; nec scvius anhelô
 Eludet Cererem latrator Sirius æstu.
 Mitius ingenium Themidi est, quæ sedula custos
 Iustitiæ validis firmabit legibus urbes,
 Et credet fraudasse nefas. hac lancibus æquis

Librabit cum iure diem, noctemque diebus
 Exaequans, solo vitium distinguet honesto.
 Scorpius innocua littus vitabit Ierna,
 Nullus viperea nocuit cui sibilus aurâ ;
 Non homines diris ledunt afflatibus hydri ;
 Lataque tardigradus perreptat gramina bufo :
 Aut mala sublimi suspendit aranea tecto
 Dadaleum subtilis opus. Tibi spicula Chiron
 Et pharetras arcusque parat, quibus occidat Astur,
 Victaque Cantabricae submittant arma phalanges,
 Et domitus mansuescat Iber. quæ stella Decembres
 Asperat, & reduci minuitur sidere, tali
 Mitescet sub rege Caper ; nec Aquarius undas,
 Aut in te gelidos armabunt frigora pisces.

Sic parent Convexa tibi, Superumque favori
 Conscivit se terra parens. submittit habenas
 Scotus ovans, gens clara armis ; duramque subactâ
 Pauperiem virtute domans, tua milite duro
 Et nunquam timidis munit tentoria castris
 Bellatrix. geminas alto de vertice gentes,
 Quas Borea pars una truces, pars altera mites
 Adspicit, ad tanta poscit spectacula pompa
 Grampius, & patrii gaudens primordia regni
 Commendat, præsumq; decus. quique innatat undis
 Æbudum populus, totum tibi mancipat aquor,
 Pugnaesque manus ; & quamvis sæva Trionum
 Littora perpetuis damnet natura pruinis,
 Dissolvunt tibi triste gelu, laxatque recessus
 Vesta suos. veteres Pictus tibi devovet urbes,
 Et famulas fert Tina rates, nec Cimbrica rursum
 Sceptra petat. sparsos generosa Britannia fasces
 Colligit, atque uni gestit submittere regi.
 Hic tibi lanigeras videas mutare bidentes
 Vellera, & excelsas protendere brachia fagos.
 Hic flammum tibi vena vomit, pallensque metallum
 Eruit, & terra scrutatur viscera fessor.

Nec

Nec fallit, te rege, labor. Tibi Cambria menses
 Fœcunda tellure dabit, nec Saxonis ausa
 Ore loqui, damnat peregrinæ verba loquelæ,
 Inque tuos præscoplaudit sermone triumphos.
 Turgida sed Tamesis vicinis ostrea ripis
 Exspuit, & magna velox allabitur urbi.
 Scilicet hi pariter te, Constantine, penates,
 Et Carolum genuere, Deos: hæc regia mundo
 Intulit Augustos, æquataque nomina cœlo.
 Vos quoque, quæis Scythicæ præbent cunabula gentes,
 Massagetæque truces, animos victusque ferarum
 Exuiis, Dominique favens adfuescis Ierna
 Mitibus imperiis. illi donaria cervos
 Mittis, & ærii cælestia munera mellis,
 Infantis documenta cibi; tu reptile virus
 Exuis, & toto præscribis toxica regno,
 Ne nocuisse queas. admittit frena tuorum
 Occasus, fessusque tuis, Rex magne, sub undis
 Occultat Sol pronus equos, qua Virginis ora
 Excipit indigenas sub te rector Britannos.
 Te Supplex Aurora colit, ditesque Moluccæ,
 Quo classes abiere tua. sic clara per orbem
 Fama volat, geminoque occurrit gloria Phœbo.
 Gallia regali jungens sceptra cubili
 In tua concordēs aptat præconia voces.
 Consentit Tamesi Ligeris, Sabrina Garumna,
 Invitatque Ararim, Picto Gaudente, Tuada.
 Accedit Rhodanus, Dominaque superbus honore
 Lætitia dat signa sua, nec Sequana ripis
 Contentus rapidis Londinum advolvitur undis.
 Te consanguineo venerantur Baltica nexu
 Æquora, magnanimusq; Getes. tibi Cimbrica Te-
 Vota facit, repetensque tua connubia matris, (thys
 Cognatasque faces, tecum communia tentat
 Prælia, & ad placidum disponit castra Visurgim,
 Casareaque accidit opes. Iam Rhenus & Albis
 Exiliunt:

Exiliunt : nondum victi plures Batavi,
 Nassovique duces, infractaque pectora, Belgæ.
 At genitor, tali qui successore, Deorum
 Alloquio, & Superum fruitur felicior aulæ,
 Quam latus sua regna videt, quam Celtica gaudet
 Fœdera firmari thalamis, spretoque hymenæos
 Displicuisse Iovi ! Fortunatissime Regum,
 Terrarum sublime caput, sublimior illis,
 Immensi pater Oceani, Tithonia vive
 Secula ; nulla tuas violet fortuna tiaras,
 Sera thorum Lachesis : succrescat regia mundo
 Pignora ; sceptriferos fundant palatia natos ;
 Borboniosque duces, bellatresque Stuartos
 Parturiat Regina tibi : solatia Belgis
 Suffice : magnanimæ reddas crepta sorori
 Imperia : Austriacis finem decerne triumphis :
 Atq; iterum extremas feriant tua fulmina Gades.

T V M V L V S

Serenissimi , Potentissimi , Invictissimique
 Regis , GUSTAVI ADOLPHI , D. G.
 Suecorum , Gothorum , & Vandalorum
 Regis , Magni Principis Finnoniæ , Ducis
 Esthoniæ & Careliæ , nec non Ingræ,
 Livoniæque, &c. Domini.

Di, quibus imperium est . tuque impavidissi-
 me Mavors,

Terra Palatinis per quem Tartessia sceptris
 Excidit, & languent aquilis ultricibus ira,
 Nec constant jam Fata sibi ; verum ordine nullo
 Alternat dubias regum Fortuna coronas :
 Deservi, Gradive, parum ; & furialibus armis
 Da spatiū tenuemq; moram ; dum grande cadaver
 Tollimus , & tumulum ingenti decernimus umbra.

Cum

Cum titulis lacryma, cum maiestate querela,
 Et medias inter surgunt lamenta tiaras.
 Pallēt ebur, maculisque riget liventibus ostrum,
 Dum formidatos bellatrix purpura vultus
 Exiit, & nescit se regnatoris imago.
 Cui modo terribiles angusto in vertice crista,
 Et galea fulgebat apex, cui dextera crudis
 Cadibus irrubuit, densosque effusa per hostes
 Obvia fulmineo diffregit cornua telo;
 Occidit, & sese jam nunc miratur inermem.
 Arctoum diademata jacet, gemmaque coruscum
 Abscondiunt, cum Sole, caput. sua damnat Hydyspes
 Munera, laurigerisque micans sub crinibus aurum
 Marcet, & exanimi squallent sub murice lana.
 Sic ubi Phœbeas fœda caligine texit
 Immittis Dictynna fœces, fratrique minatur
 Torva suo; totus, radiis languentibus, orbis
 Horret & attonito decedunt gaudia mundo.
 Cum fera magnanimum merisset femina Cyrum,
 Laxaretque suos Thomyris vesana furores,
 Et Scythici fluerent rivis crudelibus utres,
 Plorabas tum, Persa, domi. cum Parthica Crassum
 Agmina, cum magnum raperet Germania Drusum,
 Mœrebas, pia Roma, procul. quin conscia cladis
 Lurida fatales flebant Capitolia casus.
 Quæ Latio facies! cum te, Germanice, longè
 Audiit extinctum Tiberis; cum nobile bustum
 Vestaret patrias flens Agrippina per undas,
 Istaque funestam quaterent spectacula Romam.
 Quam Macetum tremuere foci, quam regia Pella
 Atria & Æmathios fœnalis fama penates
 Perculit, & tacitas Grajūm concussit Amyclas,
 Pellæo moriente foris. tunc Thessala Tempe,
 Tunc omnis Rhodope pallensque cohorruiit Hæmus,
 Et deplorata sortem planxere Mycenæ.
 Hoc luctus in Rege stupent, causasque dolendi
 Orbis.

Orbis habet. queriturque uno natura sepulchro.
 Tot populos gentesque tegi. suspiria Finno
 Elidunt Sueonum gemitus; & Lappio flere.
 Nescius, & passis incusat fata capillis
 Vandalus & talis felix rectore Borussus.
 Ipse, suo quamvis concretus frigore, Moschus
 Ora pharetrato jungit lachrymantia Daco,
 Hostiles oblita minas; Gothicosque dolores
 Vistula Sarmaticos longè diffundit in agros,
 Et, Viadro trepidante, pavet. simul ingemit Albis;
 Scuta Ducum frameasq; & fortia corpora versans.
 Currunt Teutonici lentè vastissima Rheni
 Flumina, devictasque sibi plus territat urbes
 Mœnus & afflictis Nicri submurmurat undis
 Tristior, & socio partitur damna Visurgi.
 Parte alia sevis redi vivis viribus Ister
 Surgit ovans tantisque capit solatia solus
 Manibus & Latias jactat securus habenas.
 At Gallum implexo post frontem crine ferocem
 Luctus habet, Batavusque sui discrimina belli.
 Aucta putat. pulsa Tamesis formidat Elisa
 Austriaca nova lucra domus, & nescia flecti
 Pectora semideum. vicinis amula sceptris
 Vrbs Venetum, quam sit plus tuta potentia fractis
 Hostibus & modico dominari Casare, solers
 Percipit & magno vacuum se vindice sentit.
 Tunc populi fortuna labat, cum vita dehiscit
 Principis. hic animus toto se corpore miscet.
 Hoc perstat rectore salus. lux ista Quirites
 Irradiat. cunctos peragit mens publica motus,
 Atque agitat molem imperii. cervicibus istis
 Machina libratur mundi. qui regnat, habena
 se pariter civesque ligat. cum solvitur illa,
 Fertur & indomitum laxat respublica corpus,
 Nec patitur se turba regi. ceu remige pulso
 fluctuat, & tumidis jactatur cymba procellis.

Anten-

Antennaque gemunt. etiam, Gustave, potentes
 Percellit tua causa Deos, terrenaque juxta
 Cœlestes tangunt hominum dispendia mentes.
 Quem tibi porrexit Perseus fulgentior enssem,
 Involvit totum nebulis. qui frenâ ruentis
 Bellerophon male rexit equi, pugnare recusat
 Vtterius Martemque fugit. qui proximas Vrsâ
 Assidet Arctophylax, spirantia vulnere lambens,
 Custodita diu contemnit plaustra Bootes,
 Sanguineisque notans glacialia sidera guttis,
 Tingit Hyperboreos regali cade Triones.
 Engonasis feralis rubet, domitorque ferarum
 Plus, reges domuisse, putat. sed frendet Erichus
 Ardius & pandis singulit ridibus Arctos
 Vtraque. quæ mundi circum tardissima fines
 Voluitur, objecto se vellet in aqore mergi,
 Riphæisque suos abscondi montibus ignes.

Nec tamen hic Varium cœnimus vel capta Cheru-
 Signa manu, profugosq; infames consule Cannas, (sca
 Non raptas Partis aquilas, Persenque triumpho
 Incolumem, Romane, tuo. non clare Iugurtham
 Captivum tibi, Caesar, habes. non victor Adolphum
 Post currus pronaque trahis ceruice quadrigas,
 Ferdinande potens. Decum spectate renâsci,
 Thebanumque Ducem salvis occumbere castris,
 Teutones. immoritur partis Victoria lauris,
 Et densas acies inter stragemque cadentum
 Sternens ense viam, fame sibi vendicat amplâ
 Materiam, & madidas hostili sanguine cristas
 Devovet, & media suspendit morte trophæum.

Æterni cineres, non vestro cinnama busto
 Aspergam, tenerisque struam de floribus aram,
 Pallentesque feram violas, mollesque hyacinthos,
 Aut quæ Panchæicis desudant balsama ramis.
 Hic Paridi debetur honos. his mœsta parentet
 Leandro Citherea suo. nunc alter Achilles

Conditur.

Conditur, Hecloreisque illustrior ossibus urna
 Poscitur. exequias Pyrrho, fortique paramus
 Scipiada. Tumulum circa lituique tubaque
 Funestum Paana sonent. thoraces aheni,
 Vmbonum crates rutilæ, frameæque minaces
 Concrepitent. sævam quatiens Phorcynida Pallas
 Districtos tremulis gladios permisceat hastis.
 Forment scuta rogam, compactos balthæus enses
 Subliget. hic phætreas, miles, pro thure sarißas,
 Ipsaque disruptis adole tentoria velis.
 Quæ vivo placuere Duci spectacula, manes
 Afficient hæc ipsa pios. fas condier armis,
 Omne cui armatis abiit sub messibus ævum.
 Adstent terribiles turma, & cervicibus altis
 Ad pugnam phaleratus equus. qui regia vexit
 Corpora, depositis iras insignibus Æthon
 Colligat, & domino cupiat parere jacenti.
 Incedat solita majestas bellica pompâ,
 Et socias acies non dedignata potestas
 Confundat numero procerum. stringantur in ar-
 Agmina, nec leges pudeat servare severas. (ctum
 Dalmata, da marmor cineri. da Boitia taxum,
 Funereasque rotent ad splendida busta cypressos
 Hercyniis passim sudantia brachia silvis.
 Ducant ara manus, patrioque augusta metallo
 Ora micent, vultusque gerant, quæis belliger hostem
 Terruit, & pavidis Dumam pallefcere ripis
 Vidit, & indomitum tandem mitescere Volgam.
 At vos Prutenis plorantia succina cives
 Querite littoribus. toties asserta verendam
 Accedant electra pyram, similique cruentos
 Pingite corallo stillisque rubentibus artus.
 Ipse ego, dum cuncta cœunt ad publica gentes
 Funera, dum trepidam sese devolvit in Arcton
 Caucasus, & mundi distincto cardine partes
 Miscent unanimis ad verso fidere planctus;

C

Te,

Te, rex magne, canam. vasto licet equore vatem
 Disscient tot regna tuum; Tethysque procellis
 Obstrepant, & querulis adlatrent fluctibus unda,
 Eminus assurgam sceptris; interque potentum
 Heroumque graves gemitus, regumque ducumque
 In Batavis pia verba loquar; gelidoque sub axe
 Audiet Aonios regnatricis Suecia cantus.
 Tuque adeo, seu jam grandis solatia lustris
 Expendis, Regina parens, unique Tonanti
 Indulges regale caput: seu lurida tristem
 Verris humum, & fluida scandis pallatia palla,
 Ut lachrymis secreta vaces: seu maxima belli
 Pondera & immensi pariter moderamina regni
 Feminea plus sorte subis; thalamique dolores
 Celsa premis mulier, casusque abscondis acerbos:
 Sive, quod extremum credo fore munus amantis,
 Casta maritali desigis basia vultu,
 Et cunctis numeras victricia vulnera membris,
 Vindicta fomenta tua: clarissima vati
 Diva fac: quamvis Sueonum novus advena por-
 Ingrederi; nec sim tantis par conditor astis. (tas
 Aut mea victuras ostendent tempora lauros;
 Gustavus mihi carmen erit. qui regibus ortus
 Tot reges veneratur avos, semperque renata
 Majestate virescit. quem primum gignere solers
 Cum caperet natura, rudi sub pulvere partem
 Miscuit indomiti Martis, mentemque Minerva
 Induit, & solido fibras adamante ligavit;
 Ut Regem genuisse putes, & vi vidæ cæli
 Semina sceptriferis jam tunc habuisse latebris.
 Quid mihi Divorum sobolem grandæva vetustas
 Objicis Alciden? quid clarum Thesea bello,
 Memnona, Trojanosque duces arcessis ab alto?
 Hunc decuit formasse Iovem. plus ille meretur
 Esse Deum pronepos, quam qui Telamone creatus
 Occubuit propriis damnatus viribus Ajax.

Horribiles

Horribiles populis Gotthi, dominique Trionum
 Continuant seriem gentis, quam prisca celebrant
 Secula, quæ victo rapuit diademata mundo,
 Exiit Ausoniam titulis & parere terra
 Iuit in imperium magnū, per regna cucurrit
 Baetica, per Druidum saltus, per inhospita Mauri
 Littora & Arctoïs Abylam parere coëgit,
 Iussibus edomuitque suis Atlantæ sarissis.
 Venturo gens apta Duci. cunabula Tethys
 Fluctibus aspergit, primosque exasperat annos
 Oceanus, natale solum. sic inter & arma
 Sarmatiasque nives & frigora sæva, futura
 Virtutis documenta capit, discitque severo
 Terrarum pelagique Deos sub sidere nasci.
 Creta Panomphæum gaudet fuisse Tonantem,
 Odrysium Thrace. nascentis gloria Bacchi
 Erigit ingentes Thebas hac prole superbit
 Parrhasis, & gelidus ciuem sibi vindicat axis.
 Tunc scia fatidicis reclusit vocibus ora
 Augur & inspecto vaies prasagus Olympo
 Horrui, & tacitos rabido de pectore sensus
 Lappionum docta procul excussere Sibylla.
 Chaldaei siluere senes, & corniger Ammon,
 Et Dodona loquax & pulso numine Delphi,
 Et raptis olim sapiens Hetruscus in extis.
 Pro cunctis Scritofimnus erat, Boreaque peritus
 Insitor, & scopulis hærens piscator in iudis.
 Cui canescentes fundunt prasagia barba,
 Et faciunt arcana fidem, pernixque volatis
 Cervus & Æolia distant oracula rupes.
 Fama fuit Siculis jam tunc fornacibus ara
 Cyclopum properasse manus, fumasse caminis
 Enariam, & diras capulis aptasse secures,
 Et mox torquendas in Cimbrica colla macheras.
 Tunc Livonas tremuisse serunt, quæq; uuida Fran-
 Regna colit, Bojosque suis in finibus arcto-

Obriguiffe metu, Rugoque habitata feroci
 Æquora, & audaces spem præsensisse Cheruscos.
 Adstitit ad cunas Carolus, magnamque rotari
 Dum videt heredem, nec pondus amabile leta
 Fastidit tractare manu, vestigia signat
 In solis, & gemino circumvallata profundo
 Imperia adspectans, natique in imagine gaudens,
 Nascere, ait, soboles. non hæc mea littora votis
 Sufficiunt angusta tuis. sed turbine belli
 Mox tua vicinas implebant classica gentes,
 Qua tellus pelagusque patent. præcul audiet arma
 Bosphorus, & Phariæ potator fervidus unda,
 Et vagus Euphrates, tostusque caloribus Afer,
 Et dis Aurora solium. nec deinde relinques
 Par decus armorum cuiquam sperare nepotum.
 Ipse coruscantem puero pater alligat ensẽ,
 Et rerum ignaros ferrata casside vultus
 Abdit, & aratis stringit thoraci catenis.
 Pro thyrsos gravis hasta fuit, pro deside myrto
 Baltheus & pharetra & quondam nocitura bipen-
 Talis inexpertum Peleus formavit Achillem, (nis.
 Hectora Phillyrides, tales videre Mycenæ
 Atridas miseræ fati præcludere Trojæ.
 Sic & Bistoniam torsit Mars parvulus hastam,
 Duravitque suas glaciali in Strymone plantas,
 Brachiaque & digitos primos intendit in arcus.
 Iam fumantis equi fodiens calcaribus armos,
 Anticipat cursu Boream, currusque volantis
 Oenomai. gaudet præruptos scandere montes.
 Annitque jugis, gelidos torrentibus artus
 Abluere, & nimbos inter Corosque Notosque
 Spernere cœlorum rabiẽ. quos Sparta labores
 Sustinuit patiens, sibiũ generosa iuventus
 Principis, & canis facies illa sa pruinis
 Pertulit adverse mordacis frigora brumæ.
 Nec minus & studiis animum florentibus implet,

Ac sceptris facienda legit. jam Graja vetustas
 Excuitur, nunc Roma suos edisserit ausus,
 Totque virum, prisca quos suspexere Quirites,
 Ante oculos exempla locat. mutabile regnis
 Ingenium sortemque notat: nutare tribunal:
 Fulgida suspendi tenui diademata filo;
 Inque vices apicem iratos nunc demere nobis,
 Nunc aliò transferre Deos. ut summa potestas
 Impatiens consortis eat, nec fidere fas sit.
 Regnantem ociis, clavis monitoribus haurit.
 Ut populi valeat duros inflectere sensus
 Officiis, vitæque modum pro lege ministret,
 Prædicit. tunc iussa pati tractabile vulgus,
 Cum facit illa jubens: cum se plus sentit amari,
 Quàm metui. solo florere palatia recto,
 Et validas niti placidis virtutibus urbes.
 Quin cladem sceleri titulos, & fraudibus orbem
 Exitium debere suum: Pallefcere fœdis
 Criminibus regale caput: conspectus omne
 Esse decus, quoties stabili splendet honesto.
 Nec trabeis aliena putat; præponere semper
 Publica privatis: afflictis parcere: civi
 Consulere, & tumidos animi compescere motus:
 Et pacem donare suis, regnoque quietem.
 Iamque paludatis mundi rectoribus audent
 Divinum præferre Numam. damnare Quirini
 Grassantes quacunque manus. compendia belli
 Improbant in Tullo, & paucis pugnantibus Alba
 Suspendi imperium. Mavortii laudat in Anco
 Nomina, magnificasque domos, Tiberimq; decorum
 Pontibus. Ausonii Gracas qui miscuit artes,
 Miratur vassra subnixum conjuge Priscum.
 Nec servi fortuna placet. nec cæpta ferocis
 Tarquini & tremula decussa pavaverat virga.
 Libertas asserta placet, Brutusque Superbi
 Vltor, & illustris Gallorum cæde Camillus,

Et Thusco oppositus Cocles, pauperque sub armis
 Fabricius, puper Curius, ridensque favillas
 Scavola & ex ipso raptus Dictator aratro.
 Excellens quodcumque probat, mentemque per omnes
 Dum versat veterum fastos, imitanda reponit,
 Et quondam fugienda sibi. celsa navita primum,
 Quem nondum irata genarum fecere procellæ,
 Perlustrat maria ampla domi, Syrtessq; vadumque,
 Et scopulos ac saxa legit: magnetica quantum
 Hic illic deflectat acus, quo concita vento
 Cynthia precipitet fluctus, ubi fixa Trionum
 Sidera, & erecti regant Aquilonibus axes.
 Sed mox cum solidum spirarent pectora Martem;
 Seriaque erigerent pugnacem classica dextram,
 Is patri, Gustave, comes; bellicque labores
 Et regni vis esse tuos; unusque parenti
 Imperioque vacas. & jam matura recentem
 Accendit Bellona Ducem, latisque ruentem
 Implicuit furibunda tubis. concurrere turmis
 Cominus, & nudis inter fulgentiâ telis
 Agmina, quâ globus ille virum densissimus urget;
 Ferro aperire viam, lituis impellere segnes,
 Hic sparsas glomerare acies, hic pandere junctas,
 Lunata nunc ire manu, nunc stare rotunda,
 Nunc revocare suos, nunc tutis fidere vallis,
 Spes omnis votumque fuit. Tibi sæpe paratæ
 Sordebant epule, somnumque abrupti Enyo,
 Aut vigilem clypeo recubantem vidit, & acres
 E galea potare nives, aut fonte remotum
 Illi fœdas avidè sorbere paludes.
 Quantus erat ducibus fervor, qua cura sequendi
 Omnibus, immensos quoties veherere per agros,
 Et circumpositis exercitus undique castris,
 Fulmineoque seges staret Marvortia vultu,
 Te, Patremque stupens. veluti cum Lucifer ardens
 Flammifero cum sole micat, junctusque Tonanti
Mars

Mars radiat, sociantque suos tot numina gressus.
 S. pius ille tibi stimulos & semina laudum
 Virtutique alimenta dabat; cum facta parentum,
 Et grandes memoraret avos, ac prisca revolvens
 Seclz, per Ostrogothos iret, totique tremendos
 Europæ Libyæque duces. quæ flamma Valentem
 Vsserit: ut ruptis Latias penetraverit urbes
 Alpibus, & fuso præstans Alaricus Alamo,
 Fregerit inricta bellacæ mœnia Romæ.
 Qualis in hunc acer Stilico surrexerit hostem,
 Cesserit Arcadius, Gallæque adnexus Ataulphus
 Conjugis obsequio longas placaverit iras.
 Inde Thorismundos, sacrosque extollit Ericos,
 Et Tejas, Vitigesque & formidabile nomen
 Audacis Totila, debellatumque Timavum,
 Ticini Tyberisque Deos, Athesinque Padumque.
 Cum propius libet in magnis hæsisse Canutis,
 Manant ex illo Stenones. ferrique Suanto
 Intrepidus, Ianusque pater. sed dura recensens
 Fata Sigismundi, queritur sanctissima sperni
 Consilia, & vaftris subverti sceptris magistris,
 Invadi insontes hostili milite terras,
 Vim, noctem, scelus, arma, dolos & funera passas,
 Calcari patriæ leges, edicta priorum,
 Nec monitis superesse locum. se sanguinis ortu,
 Se Procerum iussis, se libertatis amore
 Tutarique fidem, & regni defendere partes.
 Sic laudes genitor longè transgressus avitas
 Te dedit heredem populis, ac redditus astris
 Molem immensam humeris & vix tractabile pri-
 Imposuit, voluitque tuis cervicibus Arcton (dus
 Inniti & tanto se successore tueri.
 Tu vigiles versans per tot discrimina sensus,
 Omnia perpendis solers, hinc ardua belli,
 Hinc momenta togæ. quantis se Sueciæ causis
 Vindictet & pulso nolit concedere Regi.

Exeat ingentes lux hæc sublimior, in qua
 Arma simul trabeasque capis, fama que futura
 Fundamenta locas. cœunt cum fascibus enses,
 Cum castris civile forum, cum milite lictor,
 Irradiantque togas phalera, phalerasque secures.
 Te regnante ferunt summo delubra Tonanti
 Ingeminasse pias voces; & prospera sacris
 Tempora speravisse suis. revirescere lauros
 Vidimus, innumerosque tibi spondere triumphos.
 Te legum custode sibi solennia scripsit
 Omina Libertas; validisque innexa catenis.
 Frenduit, & servile jugum furiosa Tyrannis
 Transtulit in Moschi latebras, Hunnumq; ferocem,
 Assuetumque Scytham duris. Astra severos
 Leniit aqua patres, & formidata nocentem
 Correxerunt terrore reum. Prudentia factis
 Emicuit grandæva tuis; intacta refulsit
 Nec temerata Fides. vertit vigilantia quavis
 Lumina parte Labor. sublime Modestia culmen
 Inflexit; poterasque minor jam rege videri,
 Iam titulis regumque omni conspectior ostro.
 Non tibi vesanos ignava licentia luxus
 Suasit, & incumbens angustis postibus effrons
 Improbitas, peccansque exemplis grandibus error.
 Proscribis scelerum matres, adversaque recto
 Crimina, Tartareis quæ dudum extrusit ab oris
 Tisiphone, studiisque tuum Constantia pulchris
 Fulcit ebur, nec te patitur mirabile quicquid
 Despectumque sequi. lentas Patientia vires
 Roborat & totum moderatur mascula regem
 Simplicitas, summique decens reverentia cæli.
 De te iudicium non indignaris haberi,
 Ut jam convenient paribus suffragia plebis
 Vocibus, & crescat concordie teste potestas.
 Tale micæ sidus populis, exemplar honesti,
 Virtutum manifesta Pharos, venerabile pignus

Indige-

Indigenis, Borei numen praelustre profundi,
 Spes & cura poli. quem cum Sapientia rebus
 Praeficeret, cuncti rumpere silentia wates
 Certatim & Claria cortina remugit aula.
 Rectorem te forma facit, speciesque tiaris
 Conveniens, dignique isto moderamine vultus,
 Membrorumque vigor. celsi nitor arduus oris
 Incessusque Ducem monstrat. non aspera vox est,
 Non frons triste rigens, tetricusque in moribus hor-
 Sed facili excellens gravitas permixta sereno, (ror ;
 Eloquiique lepos & praestans gratia sandi.
 Nescio quid primum mirer ; quod turbida regni
 Aequora, & indomitos fluctus, tumidosq; tumultus
 Straveris, & placidis cursum direxeris Euris,
 Nunc hac nunc illac proram obliquante carina.
 Quod nihil in tanta rerum formidine sceptris
 Feteris indignum. quod nunquam publica cessit
 Causa tuae. curis agilem te objeceris unum
 Pluribus ; inveniens vel quod facundia promat,
 Vel poscat patrandam manus. quod commoda missis
 Undique legatis fueris responsa locutus,
 Totque tibi cautis sociaris federa pactis,
 Externo imperium gaudens offerre favori.
 Iam Latium Romamque sonas , jam Gallia voces
 Audit lata suas, celeresque imitantia lapsus
 Verba probat. jam prisca graves Alemannia coram
 Excipit ore sonos. faris vernacula Russo,
 Impavidoque Getæ. loquitur tibi Finnius & ipse
 Lappio. consocias Batavis orantibus ora,
 Et quod verba facis linguis, tot gentibus ortus
 Crederis & patrias audire ac reddere voces.
 Ipse tibi praeiens dictas consultâ Senator,
 Quæ peragas miles. scribis faciendâ cohorti,
 Et pelago mandas classes, terraque phalanges ;
 Callidus evitare dolos ; discernere, quicquid
 Armata poscunt acies, atque indiga rerum

Militia numerosa domus. quin sinibus exis,
 Et vicinorum motus & robora gestis
 Complecti, atque oculis etiam longinqua tueri:
 Quid moveat Ganges, quid savam terrext Hellen,
 Quæ fortuna Tago, quid ripa binominis optet
 Danubii, rectorque Savi, quem surgat in hostem
 Pannonius, Cimberque ferox, ubi Sarmata bellax
 Sacramenta petat, quo noster Belga triumphet
 Principe. cur cupiat procul arridere Britannus.
 Scis qua norma Italus, qua velox militet arte
 Sauromata, ut pavidis Batavorum vinea maris
 Adrepat, triplicesque obeant minimina fossæ.
 Omnia quæ proprios prudens convertis in usus.
 Hac cum cuncta domi, Princeps, documenta de-
 Tecum crevit amor, dominoque tenacius hæsit (disses,
 Omne solum. flagrans animis concordia vulgi
 Pura mente favet. dubium, num flectat habenas
 Rex melior, meliorne pater. confunditur aula
 Privatis laribus, spretoque palatia fastu
 Vulgares sumunt habitus. cum cive laboras
 Afflicto, paterisque miser: gaudesque beatus,
 Cum tranquillus agit. redeunt artesque Scholæque.
 Et studiis nova templa patent. non præmia Musas
 Destituunt, sed colla levant contempta Camæenæ.
 Seque inter scopulos, atque in viæ saxa, lacusque,
 Et Dryadum saltus spectat doctrina renasci.
 Ipse jubes urbes alias & mœnia condi,
 Et Gothicas fulcis mansuris legibus arces.
 Tu vallos operi, tu propugnacula signas,
 Et tutos aperis portus, pulchrisque colonos
 Pollicitis placidisque levas commercia jussis.
 Sed vatem me bella vocant, patulaque reposcunt
 Te galea; clypeosque truces attollit in altum
 Pugnatura phalanx, & formidabile murmur
 Inchoat. Insonuere tubæ lituique, feroxque
 Parma micat, tolluntque meos furialia cantus
 Classica.

Classica. sanguineis altè subnixæ cothurnis
 Melpomene, tragico perfundit castra boatu,
 Atque atrox meditatur opus. Vos pandite cuncta
 Aonides, vos tantarum fastigia rerum
 Stringite, & hybernæ regem deducite mundi
 Partibus, & medio victorem sistite Rheno.

Vixdum florentes conscendit viribus annos
 Iam patiens armorum atas, virtusque iuventa
 Incaluit, Rex magne, tibi. interrupta parenti
 Arma remoliris ductor, proavumque labores
 Excipis, & primo respersus pulvere campis
 Bellipotens tua signa locas, hostemque repellis
 Finibus, & propriis arcens incendia terris,
 Cimbrorum popularis opes. arserè favillis
 Oppida. flagrantes flammis ultricibus agros,
 Suppliciumque suum flens Elzenburga tuetur.
 Vindicta pars nulla vacat, laxataque ferri
 Grassatur latè rabies, clademque rependit
 Cladibus & paribus dispendia diluit ausis.
 Nam cum Teutonicis horrerent littora castris,
 Codanumque suas in te transfunderet iras
 Æquor, & opposita vomerent novæ prælia ripe,
 Cum vicina suas armaret Scandia dextras,
 Densaque Calmariis hærent agmina portis:
 Tu solamen eras miseris, subitaque levabas
 Naufragium commune manu. tu tecta, penates,
 Et surrepta suo reddebas rura magistro.
 Illic Oceani stagnis excita læcessis
 Carbasa, belligeraeque rates, & Balthica mergis
 Transtra, triumphator pelagi. cogisque tribui
 Et vectigalis rigidum mitescere patrem.
 Tu quoque non parvum partis fera Russia liris
 Adjungis cumulum. postquam tot barbarus ille
 Terribilis spoliis, & tot numerator honorum
 Impulerat grandes odiis immanibus urbes
 Ferre jugum, dominumque pati. non segnior hosti

Obuius, inuita figis tentoria bruma;
 Atque hyemes bellare doces, dum saevus Orion
 Horret, & immiti radiantia cingula coelo
 Dissolvit, Gustave, tibi. trepidantia sensit
 Signa Chronus, positisque minis languere Turuntus.
 Et qui se longis terrarum flexibus abdit
 Volga, cruentatas porrexit ad oscula dextras.
 Qui modo captivum vinculis abduxerat agmen,
 Et famulas alta gradiens ceruice petebat,
 Obside dedit socios vexare Britanno,
 Assuetosque lares & lignea tecta revisit.
 Scilicet ille suas jam fastidire maritas
 Coeperat, & raptis Livonum gaudere puellis.
 Vt Moscho concessa quies, civilia rursus
 Bella tonant, aliosque quatit discordia reges,
 Cognatosque Duces. liti memorabile nomen
 Majestas amissa facit. trux undique Iapyx
 Adstitit, & patriam turmis hostilibus implet,
 Nunc hic nunc illic variae certamina miscens.
 Cucurrunt adversae acies. hac assere aras,
 Hac premit. illa focus audax in fontibus instat,
 Hac pia defendit. leges pars altera spernit,
 Altera juratas urget. sic utraque pugnat,
 Nec fato, nec jure pari. dumque agmina densant,
 Et spissi coeunt Sueones, arctantque cohortes,
 Inclinat ruitura cohors, animisque remissis,
 Donat terga fuga, collisaeque quadrupedantum
 Corpora, per laxos sternunt sua pondera campos.
 Ipse manu metuendus ades, stimulasque tuorum
 Cornua, succendisque viros, primusque sub ipsis
 Ordinibus, cupidis ostentans tela maniplis,
 Exemplo pugnare mones. fiducia cause
 Erigit intrepidum & gliscit successibus ardor.
 Tum Venedi timuere sinus, & littore toto
 Urbibus exiit, rigido sub sidere, Divina.
 Non magnam servant neptunia moenia Rigam,

Non

Non arces, Dinamunda, tuas. sublime Felinum
 Et versis omnis se dedit Æstius armis.
 Imperio nova forma redit, glomeratque triumphos
 Precipiti sors prona gradu. suspensa trophæis
 Ordine regna ruunt, fœdisque erepta tenebris
 Alma salus alios victis promittit honores,
 Et veluti redi viva, oculos in morte jacentes
 Latior attollit, portasque effusa per omnes
 Turba serenatis dominum complectitur ulnis.
 Quisquis in antiquis desigis lumina fastis,
 Et veterum annales, priscosque recolligis actus,
 Hic majora stupe. ne tanti Colchida victam,
 Aut Macetum fractas, Paulo pugnante, sarissas
 Esse puta, aut celeri compressum Casare Gallum.
 Cesserit Illyricum, clavisque subacta Metellis
 Gracia, & excidio permiscens æra Corinthos.
 Succumbant Mario Numida, Fabioque minores
 Allobroges, Latias aquilas admittat Iberus,
 Celtiberique graves. & nunc audite nepotes
 Gustavo fuisse Deos. sua sceptrâ Borussia
 Subdere, mercatores Elbingam pandere portus,
 Et Meva Mariaque simul castella teneri.
 Quam tunc pulchra suis fluxerunt succina ramis
 Æquoreo concreta gelu; quam larga totondit
 Vellera & exuvias facili donavit Adolpho
 Dis ovium pecorisque solum. sed Vistula, fortes
 Inter Hamaxobios & dura gentis Alanos,
 Distentis vectans Cerealiam munera transtris,
 Indoluit sisti jussis regalibus annem,
 Et, Gedano indignante, premi; sua classibus angè
 Ostia, & armatis lacerari puppibus alnos,
 Nec custoditas stipendia solvere merces.
 Quid trahor ulterius! tardis succurritur alis,
 Et frustra Austriacis se defensoribus addit,
 Serica cui ludunt molles per ephippia venti,
 Dacorum phalerata manus. ruit acris ab Arcto

Tempestas, aliisque furor committere gestit,
 Et totos miscere globos. Proh, funera quantæ,
 Quam multo adspexit rorantes sanguine terras,
 Altior Alcides; quam sparsa hastilia sylvis,
 Atque intertexto radiantia tegmina bysso,
 Vidistis parvula Dryades; dum Prussia casus
 Supputat & solitis erepta cadavera bustis.
 Ille diu miles populus, cui fabula quondam
 Facta fuit, spoliūque & lusus & alea mundus,
 Bellaces orditur avos. quem semper in armis
 Horribilem, vincique gravem sensere priores:
 Majorum decus, & veteres exuscitat ignes,
 Nec dispar sibi sternit iter. post secula virtus,
 Quantumvis sopita, redit, nec semina clara
 Dissimulant generisque sui primordia gentes.

At non una tuas, Regum fortissime, laudes
 Terra capit. quamvis spatiis te immanibus aquor
 Ambiat, & Sythico durati frigore fluctus,
 Et tibi laxa satis distentat plaustra Bootes;
 Quamvis Vandalicis volitent insignia campis,
 Teque simul Dacus, Cimberq; & Moschus adorent:
 Plus debent convexa tibi. plus numina spondent;
 Plus superest, quod miles agas. praconia, Vates,
 Colligite, & magnis secundum impendite pectus
 Vocibus. hic ille est Boreæ defensor & Austri,
 Pacator Viadri, Rheni calcator & Istri.
 Quò, Bellona, ruis? quo me, Germania, fessum,
 Quò rapis Arctoum nova per discrimina Regem,
 Et mediis angusta locas tentoria Francis?
 Dic, Nicer, hos motus; dic, Marcomanne, labores,
 Et mecum ingentis causas expendite belli.

Postquam Casareos summa ad fastigia fallax
 Extulerat Fortuna Duces, celsaque locarat
 Austriacos statione Deos; post flebile fatum,
 Et cades, Bojame, tuas; post reddita Praga
 Sceptra, Palatino depulsam culmine regum

Proge.

Progeniem tantasque vices ; cum publica possent
 Subsidiſſe odia, atque moris languere parvis,
 Aut aliud ſuaſiſſe dies : in Caſare creſcens
 Vis animi, rebusque modum ſervare ſecundis
 Neſcia, pratumidos irarum ventilat aſtus,
 Juſque ſuum infamat vitio ; mitramque recentem
 Inquinat ambuio, & quaſita licentia regno.
 Atteritur decus imperii ; Comitumque Ducumque
 Fama ſimul tituliſque ruunt, deductaque priſcis
 Nomina nominibus, patrumque ab origine faſces,
 Stemmataque & trabea, mutato principe, lugent.
 Damnatos repetunt Romana palatia cenſus,
 Et ſua ſacrati cupiunt araria patres
 Creſcere, pauperieſque ipſi tranſcribitur aula.
 Vaſtat agros perniox miles, miſerisque tyrannus
 Incubat, & cunctis graſſatur finibus exlex.
 Proſcripti fugiunt cives, Sullaſque leguntur
 Pluribus atroces tabula. fert exulis omnis
 Effigiem regio. reſonant ploratibus urbes,
 Tempſa, foci. ſolitas ignorant numina ſedes,
 Dum Superi, dum ſacra luunt, dum pellitur aris
 Ediſto munita Fides. non extera quicquam
 Vota preceſque valent. potuiſti orare, Britanne,
 Exorare nihil. Suconum vexilla laceſſit
 Improbitas, hoſtemque facit. cum Saxone ſordet
 Juſtitiæ fideique rigor, donataque nuper
 Auxilia & crebris pugnans legionibus Albis.
 Crimina multiplicat faſtus, faſtumque ſuperba
 Sors ſpectioſa domus, & nixum ſanguine robur,
 Et conſanguineis debens Hiſpania ſceptris.

Quæ dū mœſta videt, Gothicum Germania limen
 Pulſat, & ut coram ſupplex ſtetit : accipe queſtus,
 Et lachrymas, Auguſte, meas, ait. adſpice foedum
 Vulneribus taboque caput, diſcerpta gementis
 Membra Deæ, laceros odiis civilibus artus,
 Et pene extinctum præſenti in funere corpus.

Post

Post domitas Arctos, vel mites federe gentes,
 Sis Fabius, Brutusque mihi. tu jura decusque
 Redde precor, signisque aquilas victricibus urge.
 Omnia mox victoris erunt. te vindice nobis
 Imbelles gliscent animi, rursumque jacebunt
 Hostibus. huc equitum turmas peditumq; caervas,
 Huc totum transfer Martem. communia tecum
 Fata vicesque sequar. paribus superabimus armis,
 Aut paribus res nostra cadet. servire recusat,
 Cui non triste, mori. nunquam se vindicat uno
 Libertas oppressa modo. peregrina tueri
 In rectore pium. miseris succurrere, prima
 Relligio est. vim justa satis vindicta repellit,
 Propugnat generosa focos; altaria, Divum
 Et coeli non segnis amor. succurre vocanti.
 Hoc abavum poscunt manes. hoc jussa parentis,
 Hoc thalamo cognata domus. vix dixerat, & jam
 Rex Boreæ molitur iter. cui prospera Gallus
 Vota facit, socio procul annuit Adria Scoto,
 Belgarumque patres. totum consternitur aquor
 Puppibus, & pandæ transvectant castra carina,
 Et pelago tot regna natant. Ducis impetus undas
 Trajecit celeres, alio stant littore classes,
 Armatumque suâ peditem vetus excipit ora
 Rugius, & latissimæ sonipes lascivit in agris.
 Undique conveniunt populi, diversa que cultu
 Armorum properat pubes. stupet ille ferarum.
 Exuvias tectum & velatum pellibus ora
 Sauromatam. hic parvo metuendum corpore Fin-
 Ac picturata Livones in veste decoros (num,
 Designat, Russumque nigrum, facieque cruenta
 Samogetam. proprio cataphractum pectora ferro
 Hic Gottum jam Dacus amat, Cimbroq; nitentes
 Ostentat phaleras. pulchri incessere Britanni,
 Et quos dura suis misit Caledonia lucis.
 Hos inter ductor graditur tot millibus unus,

Et

Et variam stabili compefcuit ordine turbam
 Vnius ceu membra domus. nil turpe libido
 Ausa fuit, placidis parebant legibus enses,
 Intaetoque ferox gaudebat turba colono.
 Tunc erecta suum mediis Alemannia flammis
 Extulit os, coepitque sua plus fidere cause.
 Sed pugnare timens. tu magnis, maxime Regum,
 Aggrederis bellum auspiciis. nec praelio lento
 Aut trepido Mavorte trahis, sed fulminis instar
 Cuncta tenes. numeros praeceptis Victoria nescit
 Confunditque suos, nec te tam vincere posse,
 Quam vicisse, videt, surgitque molesti fastis.
 Omne quod Oceanum Grajasque interjacet Alpes,
 Vnius incurfu tremuit. sine cede subacta
 Prima tuis ultrò occurrit Stralsunda triumphis,
 Et faciles aperit portus. Viadrumque minacem
 Urbibus infractis adeò mansuescere cogis,
 Ut tua Castrinum, nunc Francofurtia poscat
 Federa, nec dubitet locuples parere Stetinum,
 Non Lansberga potens. nec quæ Colberga profundo
 Imminet, & tumidis obstat Gripsvalda procellis.
 Iam sua Cassubius, jam jugera leta Suevius
 Despondent, & ne quæ tuis intacta trophæis
 Pars foret, æquoreis latè dominaris arenis.

Caesar, ut adversas videt increbrescere turmas,
 Et toto se Marte peti, nutare potentes,
 Irasci jam posse Salam; te fervidus hostem
 Provocat, & calidis orditur praelia signis.
 Stant Siseones, animatque Duces Aquilonia virtus,
 Perque virum conferta & densa hastilibus arma
 Invenit ense viam. belli furor impulit omnes.
 Surrexere juba, galeis horrescere flammæ
 Incipiunt, conisque rigent; irata metalli
 Ora tonant, cieunt acres certamina dextra,
 Et faciunt alterna manus. jamque undique tela
 Missa volant, paribusque crepant concursibus hasta.
 Calcant

Calcant & calcantur equi. nunc ordine certo,
 Nunc nullo pugnatur. agit violentia quemque,
 Et lethi trux scena patet. mors ipsa cadentum
 Audaces iuvat, & rutili fiducia ferri.
 Erigit impavidum pulchris hortatibus agmen
 Parrhasius ductor. nunc cornua flectit in hostem,
 Nunc revocat. quia parte labant, succurritur, &
 Restituit non fessa phalanx. ipse inter & enses (vim
 Et cuneos pignantum & rauxa tonitrua, scutis
 Dum stillat cruor, & sanies generosa, fatigat.
 Numina; nec, quantum possit fortuna, moratur,
 Aut cœca vis sœva Dea; sed, certus Olympi,
 Sollicitat, poscitque Deum, vocesque disertas
 Intendit cœlo supplex; Superosque rogare
 Et pugnare docens, pariter cum rege sacerdos
 Militat. & tanta sociant sua munia partes.
 Tu Iuli contemne Deos, prapone secures
 Et trabeas Divum studiis. calcate Neronas
 Pontificum consulta mali. nil exlica Poennis
 Iussa putet. laxet crudis scelus omne tyrannis
 Impietas. hic hic, Reges, exempla parantur
 Optima, regnantemque Iovem bellator adorat.
 Hic pietas vexilla levat, clypeisque refulget
 Religio, gladiosque regit. procul exulat omnis
 Barbaries, moresque pios Rex sanctior urget.
 Tillius, ut disperi acies & robora frangi
 Adspicit, atque suis manantia vulnera membris;
 Signa trahit fugiens, & Martis inania discit,
 Et Nemesin torsisse rotam; tot prospera belli
 Una clade tegi: contemnis astra laceSSI
 Hostibus, & caso se ferre piacula Bæmo.
 Sternitur Ausriacus fufis exercitus alis,
 Et toto victrix grassatur Suecia campo.
 Hic Italarum acies, hic Teuto Martius, illic
 Procumbit Burgundus eques, Carnusque, feroxque
 Istrus, & audaces Mysi, junctusque Triballo
 Dalmata.

Dalmata. victorum passim nova premia miles
 Colligit infames aquilas, quas accola Dravi,
 Illyricusque pedes, Bojaque tulere cohortes.
 Tunc omnis patuit tellus, patuere recessus
 Hercynii, & faciles castra accepere Thuringi,
 Submisitque suas sceptris Erphordia tures.
 Magna cadit tripolis, capiturque à Saxone celsus
 Romanae ditionis apex. quo vindice dudum
 Res steterant, nunc hoste labant, mutataq; tandem
 Mens praecleara Ducis iusta sibi consulit ira.
 Sic postquam angustis clausum penetralibus aquor
 Haesit & euripis frangantur grandibus amnes;
 Si laxent obices fluctus, dimissaque claustris
 Undarum moles nulla se effundat habena:
 Vna agrique laresque ruunt, atque impete facto
 Omnia praesenti involvit vis ista ruina.
 Non aliter sese diffudit in intima regni
 Viscera Hyperborea felix fortuna coronae.
 Et tu, Parthenope, stares, nil levia fuissent
 Fata tibi, & sanis patuissent vocibus aures.
 Nunc inhonora jaces, tumulusque & triste cadaver,
 Et lethi domus & diri Busiridis ara,
 Aula Thyestiadum, crudele Lycaonis antrum,
 Et deploratis pulsata orchestra tragedis.
 Quid, Tilli vesane, furis? cur effera quassat
 Corda furor! num Getulo te patre leana
 Edidit, horrendaeque admorunt ora Medusae?
 Nullum, save, nefas perdis. contempta Deorum
 Majestas flammis teritur. reverentia lecti
 Et sexus pudor omnis abest. non flecteris annis,
 Non matrum precibus. pueri innuptaeque puellae
 Ante patrum vultus ferro periere vel undis.
 Iam tibi collatus Phaleris mansuetior audit,
 Iam Sulla Mariique pii. jam mitior ipse
 Scyron & Getici infandum praesepe tyranni.
 Inde per attonitos virtus Mavortia Francos,

Et fortunatas annona dirite terras
 Iuit ovans. trepidans Regi patefecit amicas
 Herbiopolis portas, docuitque ad regia iussa
 Romulidum sacros submittere colla nepotes.
 Idem etiam Mœno surgit labor. illa Visurgis
 Sors fuit, & domiti facies gratissima Rhemi.
 Ite Moguntini, profugo jam præfule, cives,
 Et festas adolete faces. conjungite dextras
 Vangiones. alius Nicro jam partus Achilles.
 Quem vobis, pavido ceu sidus amabile Tiphys,
 Submisere Dii; qui vestra certa salutis
 Turris erit clypeusque; tibi qui penè ruenti
 Optatam tandem reddet, Germania, pacem.
 Vltorem ante oculos languens astare tuetur
 Catthus, & hoc audet moliri præfide bellum.
 Iurat Spira fidem, rerumque secunda sequuntur
 Vindelici, & tutis tellus se Norica patris
 Servat, & Alsatica juxta cessere Taberna.
 Nec minus attritis torvus contunditur Ister
 Cornibus, & captas Augusto mancipat arces.
 Ille Lycum Vindamque premit, caditque Nariscos,
 Et Bavarum penetrat sedes. stupet Isara gressus
 Atque habitus, Scritofinne, tuos, & celsa Monaci
 Mœnia posse capi; Lavaroque in flumine pasci
 Arcturi glacialis equos. tranc perculit Alpes,
 Et juga Rhatorum dangens tuba. dicitur ipse
 Et Padus atque aliquid Tyberis metuisse sinistri.
 Sic cum Grajugenum extremos traxisset in Indos
 Agmina bis genitus Liber, vel dives Hydaspes
 Coram Thessalicas, Pelleo principe, parmas
 Cerneret, obstupuit pallentis regis Pori,
 Et sua postremi timuerunt funera Sina.
 Quo me cunque rapit terrarum maximus ordo,
 Totque potestatum series, concurrere lauros
 Adspicio. Parent Lygii, Chaucique Mosella
 Hospes & effrenes veniunt ad signa Cherusci,
 Treve-

Tre vericæque urbes. Vbios mansueta loquentes
Audimus, flectique minis Borealibus orbem.

Tandem iterum te Saxo vocat, Gustave, novisq;
Oppida pressa malis, quæ Martius alluit Albis.
Hic alias cædes, alias discordia belli,
Parcarumque latens animus, vel gloria pugnas
Inchoat. ut tardis cœperunt passibus alæ
Adventare, prior loqueris: Mea robora, Finni,
Lappiones, Sueonesque mei, nunc illa refulsit
Exoptata dies, qua terras fama per omnes
Vos pariter regemque vehet, nec sera siletit
Posteritas nostrum facinus. dstringite dextras
Ocyus, objectos, socii, perrumpite vallos.
Pugnandum est, dum fata vocant & classica, per vos
Moschorum rubuere nives, rubuitque cruentus
Cimber, & audaces compressit Sarmata voces.
Quæ mihi tot latè populos, tot regna subegit,
Virtus vestra fuit. vos per glacialia mecum
Flumina & hibernos spreta formidine menses
Istis iter durum. non vobis linea Cancræ
Torrida & æstivis currens regionibus Æthon
Obstitit, aut longi fregerunt corpora Soles.
State viri, & si prisca manet reverentia nostri,
Hoc perstate loco. celebrata ferocia segnes
Proscribat pellatque metus, & pabula laudum
Subdat gentis honos. non fas à Cæsare vinci,
Natum Marte Getarum. vobis pater ille, meique
Arbiter imperii est. istis defluximus oris,
Quas ferri commendat amor, quæis pristina vitæ
Regulæ, militia est. astris animamur & undis,
Acrius, & similes animos afflataque corda
Sideribus gerimus. gladiis arcete pudorem,
Invictum se quisque probet. nos esse pericli
Et pugna comites volumus. properabimus una
Ad laudem mortemque via. non præda, sed ipse
Materies belli Deus est. defendere sacra

Qui

Qui renuit, moriatur iners. afflicta bonorum
 Tutores nos causa facit. ne Succia clamet
 Degeneres, Teuto timidos. quem sepius ipsi
 Vicistis, toties campis fudistis apertis.
 Credite, non uno fugietis teste, vel uno
 Iudice victores eritis. tot gentibus omnes
 Iudiciiſque damur. pariter ſpectamur amicis,
 Hoſtibus & neutris. vaſto res noſtra theatro,
 Cenſores, quos orbis, habet. decidite liem,
 Ancipitesque manu voces. nos inter & hoſtem
 Vindex enſis eat. ſuperet fiducia, ſi quid
 Deſicimus numero. Fas eſt advertere, quales
 Non quot bellagerant. una tot praelia luce
 Conſicite, & ne ſit toties pugnare neceſſe,
 Debellate ſemel. Regi, patriæque Deoque
 Vivere præclarum eſt, illos ſervare decorum.
 Dixit, & extemplo poſtquam coire manipuli,
 Caſtreum inclinât cornu. ſimul acta ruebat
 Prima acies; non parca fuga. Rex impiger urget,
 Oblitusque ſui, veluti ſe indagine cinctum
 Dum videt, & circum ſtipari tela manuſque,
 (Ceu leo, qui telis ingentibus undique præſens
 Affilit in ferrum) medios agit acer in hoſtes
 Cornipedem, & tanto ſeptus discrimine pugnat
 Cominus, & primo percuſſus vulnere ſervit
 Acrius; haud magnum cenſens; oſtendere mundo
 Regem poſſe mori. nec tunc Auguſtus inultum,
 Quod ſupereſt de luce, ſinit. icthuque ſecundo
 Saucius, adnitentem animam corpusque fatigat
 Ictibus, & juſta non ſufficientibus ira.
 Iamque labans languenſq; ſuo dum more coruſcat,
 Et formidatum nequicquam aſſurgit in enſem,
 Corruit, atque iterum telis cœcantiſque; Heros
 Bellatricem animam patrio largitur Olympo,
 Et ſeſe invitis pugnando emincipat armis.
 Illum plena cito ſequitur Victoria curru,

Et totas acies, & castra ingenia mactat
 Inferias, Gradive, tibi. sine principe miles
 Dum superesse nefas censet, securus hostem
 Insequitur. pudet amisso non vincere rege
 Aut certare diu. iuvit præsentiâ vivi,
 Plus mortis jam fama juvat. sine corpore credam
 Exanguem pugnassee Ducem, mentemque per ipsos
 Erravisse simul cuneos, tacitisque furentes
 Moribus instigasse viros. sic victor honores,
 Et clero innumeras abruptit funere lauros.
 Qua dignum Te laude feram, Rex magne, beatis
 Proxime Dis: qui cum moreris, plus vivere mundo
 Incipis, & plausu passim majore triumphas.
 Publica non unquam simili se gratia fudit
 Assensu. nunquam Ausonias par gloria portas
 Pandit ovals, cum Dentato tot consule Roma
 Oppida post currus traheret, cum vincula catenis
 Africa monstraret Marios, cum Pontica Magnus
 Littora, cum silvas Arabum Libanumque teneret.
 Ostentare tuos si vatum cura labores,
 Et populos aliquis tentet narrare subactos;
 Certabunt orbis partes. hæc prælia dicet
 Gesta Lycaonio sub sidere, quæ ferus ardet
 Arctophylax, Vrsæque micant. Australibus illa:
 Splendidior spoliis urbes captivæque dicet
 Flumina. victricem celebrabit Suecia dextram,
 Botnia civiles narrabit carmine laudes.
 Hic Alemannorum tollent insignia patres;
 Hic aliis Nemetes, aliis hic vocibus edent
 Gesta Quadi, Bromioque etiam gaudente solutæ
 Menades Abnobiis scribebant in montibus hymnos.
 Distant sideribus fasces, nec parva sub uno
 Conclusit natura loco. tua dividis arma
 Tot populis, cælique plagis distingueris actor.
 Quantum Savo tuis ingens Meliboe recedit
 Vallibus, à flavo Cattorum præta Rutheno,

A Nerva quantum Albis abis, Aquilonibus ipsis.
 Luppia, vel Diuina lacubus discernere Aura:
 Tale tenes meriti spatium. tua purpura cunctos,
 Et mæstas recreat domitrix clementia terras.
 Per te damnata repetunt sua rura Napææ,
 Securosque colit dominus tranquillior agros.
 Nubila cesserunt, tempestatesque fugasti.
 Tyndarides. vacua profugis cultoribus urbes
 Accipiunt civem. pulsus redduntur habena
 Principibus, summoque vacant delubra Tonanti.
 Quisque tibi grates solvit, quod libera rursus
 Oppida possideat, quod nil formidet iniquum,
 Latius ædificet, domibusque inscribat amœnis
 Gustari titulos & regis amabile nomen.
 Cedite Trajani mites, vos cedrite Drusi,
 Et lenes in verba Titi. mansuetius illis
 Dî dederant tibi posse loqui. pugnate Camilli,
 Irruite in turmas Decii, patriæque vocete
 Victuras æternum animas. non segnior istud
 Carpsisti moriturus iter. si paupere cœna;
 Pavit Alexandrum Libya torrentis arena,
 Te voluit sors esse parem. tibi vertice nudo
 Excipere insanos imbres, permixtaque nimbis
 Fulmina ludus erat. tibi pulvinaria sæpè,
 Et virides thalamos, atque udum rore cubile
 Stravit humis, rigidaque fuerunt culcitra rupes.
 Flammifero quoties flagraret Sirius astro,
 Et coqueret siccas cœli inclementia valles,
 Dedecus ajebas gelida recubare sub umbra,
 Et fato meliore frui. quæ militis, illa
 Sors eadem rectoris erat. similesque fuere
 Et Dux & vitæ assuetus veteranus acerba.
 A te militiæ leges mandataque castris
 Accepit Bellona rudis. tu stringere noras
 Cornua, tu laxare eadem; quæ collibus esset,
 Conveniens campisque acies. quis fraudibus aptus

Angu-

Angulus, ut silvis pateat latebrisque receptus,
 Vt premat incautos nox intempesta, vigilque
 Sobrietas, metuensque noui Matuta pericli.
 Aggeribus quoties muros, fossisque coronas
 Clauderet obsidio; tu propugnacula solers
 Scribere, & imbelli poteras signare papyro
 Grande rudimentum. quam paruo lignea nisu
 Machina procedat, nec lenius impetat hostem,
 Inventum dixere tuum. Tu promptus ab omni
 Parte aderas, peditemque pedes spectator obibas,
 Nunc equitem lustrator eques. campestris verbo,
 Vel nutu praecepta dabas. Regisque sciebas
 Officium, miscere Numam. Vix classica signum
 Ediderant, agili circum tua tempora motu
 Ludere casariem, crispari in casside conum
 Vidimus. ille tuis monitus calcaribus acer
 Cyllarus ardebat pugnas, patulæque patebant
 Ad rabiem nares, fumabat morsibus aurum,
 Discussæque iuba dispergebantur in armos.
 Ipse tibi volucer, quoties res posceret, alas
 Bellerophon Perseusque dabant: cum lentior agmen
 Ductares, priscum jurabam ducere turmas
 Æaciden, vel Niliacis precedere sistris
 Numen adorandum populo. Si viveret, optet
 Te Duce Celtiberos contra pugnasse Metellus,
 Thermopylas servasse Lacon, domuisse Sicambrium
 Claudi, excelsique aquilas iunxisse Catones.
 Prorogat aternam sospes tibi Suecia palmam,
 Vulneribus defensa tuis. inopina reluxit
 Germanis, te dante, salus, & prospera porro
 In nomen ventura tuum sibi secula spondent.
 O quoties victi exuvies Aquilonis onusto
 Arrisere tibi regalia sidera, Cepheus,
 Et pater Alcides. quoties tibi libera favit
 Andromeda, misero cum solvi vincla Suiæ vo
 Cerneret, Vspetesque tibi parere volentes.

D

Quod

Quod si longa tuis traxissent stamina bellis
 Concordes Superi, poteras immissus in Alpes
 Eridano lavisse comam, proavumque vetusto
 Restaurasse decus solio, trans alta vagari
 Pyrenes juga, vel mediis considerare Mauris.
 Aut iterum antiqui penetrare in viscera Bocchi.
 Maxima versabas animo, gnarusque videbas
 Singula, quæ per agenda domi, quæ longius essent,
 Quid potius pelago, vel sit tellure gerendum,
 Quid mercator agat, num sanciat aqua sacerdos,
 Num violet scriptas audacior insula leges;
 Quid beet agricolam; quo floreat aula decoro,
 Iudicii fuit omne tui. quid fabula vatum
 Centum oculis Argum soli in vigilasse juventa
 Grande putas? uno lustrantur lumine regna,
 Totque simul mens una potest confluere rebus.
 Non tibi se regum quisquam jactare priorem,
 Vel cupiat conferre parem. collata potestas
 Est minor, & tantis vis æmuli deficit ausis.
 Haud secus, ac puro rutilat cum Phosphorus igne,
 Stellarum lux omnis habet, caligat Orion
 Nubilus, obtusis radiis intermicat Hydra,
 Sidereæque faces in viso lumine languent.
 Inclyte Rex, seu jam Nemeæo infessa Leonæ
 Astra tenes: seu Gnosiace te stella Corona
 Irradiat: seu Threiciæ per fulgida Martis
 Limina terribilis graderis; seu celsior ipsam
 Attingis soli um Iovis, & cum Pallade regnas:
 Adspice luctantem claro cum Casare Suecum,
 Adspice victores etiam post funera Gotthos,
 Et nixa Axellii curis prudentibus arma.
 Quo jam Parmenione vigent, quo Nestore florent
 Res Sueonum, matura capit consulta Senatus,
 Et vigil in mediis effulget Curia castris.
 Adspice, quàm sese magni prænominis heres
 Hornius ostendet campis, quibus acer in armis

Vima-

*Vimarius ruat, & pallentem territet Istrum.
Hic tuus est Perdicca, tuus Meleager & alter
Antipater, quorum egregiis successibus orbi
Vivis adhuc, geminosque feris virtutibus axes.*

*Hæc Tumulo suprema loquor, dum regia proles
Crescit, & ipsa inter præstans cunabula Virgo
Provehitur, decoratque tuo diademate crinem.
En, latus accingit gladio, torvamque pererrans,
Ægida, & arata ludens sub casside, quarit:
Num patrio desit tellus vincenda labori.
Tempus erit, quando totam regina Camillam
Induet, armabitque viros in bella virago.
Tunc soboli, Gustave, tuæ, cum Martia nubes
Ingruet, inspira roburque animumque virilem.
Sic tua continuis procedant prælia fastis,
Sic ingens Regina suis cataphracta loquatur
Ordinibus, Geticas disponat femina classes,
Masculaque Austriacos contundat filia fastus.*

VENVS CIMBRICA,

*Sive Nuptiæ Serenissimi Principis CHRISTIA-
NI, Electi Daniæ & Norwegiæ Regis,
& Serenissimi Principis MAGDALENÆ
SYBILLÆ, Serenissimi Ducis Saxoniæ,
& S. R. I. Electoris Filiæ.*

HÆredes regum thalamos, annexaque clavis
Stemmata federibus, populique augustæ
Trionum

*Sidera & accensam tedis genialibus Arcton
Respice, quæ summum toties generosa sagittis
Læsiisti, Cithærea, Iovem. quid Cypron amasse,
Quid Paphum, Idaliūque nemus, Cretamque
Gnidumque,*

Flagrantesque à Sole domos miraris? & ipsam

Incaluisse Samum? nihil est, si fer-veat Eos,
 Si sponſos Aurora ſuis exſuſcitet undis,
 Aut Gangen ſuus urat amor, vel toſta procetur
 Memnonis aula procul. Iam frigida parturit ignes
 Parrhaſis & gelida cœunt amplexibus Vrſæ,
 Præluſuntque Duci. glacialia ſidera latus
 Mitigat Arctophylax: nec jam nymbosus Orion
 Porrigit immanem pacis ſtudioſior enſem,
 Sed facilis, ſed mollis amat. pars horrida mundi
 Manſueſcit, Boreique micant cum Principe vultus
 Clivus, & tetricos conjux effeminat axes.
 Iam pridem Paphiis cognata Britannia flammis
 Arſerat, & dignos Carolo ſperare nepotes
 Auſa, Caledoniis regalia lilia ſcep-
 tris Iunxerat, & Tameſin Ligeri, Rhodanumq; Tuſadæ
 Miſcuerant magna ſociali federe gentes.
 Heſperius quin ipſa potens ſe Gallia pactis
 Strinxerat, & grandis neptim gaviſa Philippi
 Donarat, Ludovice, tibi. regnator Iberus
 Oſcula Borboniis deſixerat uſa labelis,
 Auſtriacoque alibi recubabat Mantua lecto:
 Cum ſic fata fuit toto circumflua Tethys
 Æquore, & his ipſis accendit regia dictis
 Pectora, Cimbrorumq; Ducem: quid, Maxime Prin-
 cipe ſpecioſa minet Gothici fortuna profundi, (ceps,
 Et circumjeſtis veneratur Cimbria regnis,
 Ignavas pateris ſoli tibi currere noctes,
 Et languere facies, & nullis tempora duci
 Conjugis illecebris? nec patris amabile nomen,
 Nec generis, ſerique movet te cura nepotis?
 Dilexere Deas Superi, dileximus illos,
 At thalami ſub lege, Dea. Saturnia charo
 Blanditur regina Iovi. Venerique ſeverius
 Mulciber. ipſa ſuum complectitur Amphitrite
 Nerea. me Neptunus amat. laxantur Averno
 Gaudia, & in Stygiis quaruntur baſia regnis,

Et ferrugineum mulcet Proserpina patrem.
 Nec dispar sors celsa Ducum est. idemque potentes,
 Qui Divos accendit amor, sociataque pulchrè
 Majestas Cyprisque fuit. dum subruit urbes
 Ninus & insolitis convellit motibus orbem,
 Assyrius lascivit apex, partemque furoris
 Diluit abjecto pharetrata Semiramis arcu.
 Quin & Achemeniis surgens Titanius oris
 Cyrus & Arsacidæ acuens in bella phalanges,
 Arsit in Aspasia. quid te Priamæia mater
 Commemorem Priamumque patrem? quid Peleæ
 sponsum?

Aut Agamemnonio ferventes igne Mycenæ,
 Romulidumque thoros? thalamo se munit & armis,
 Qui regnare cupit. solio cum suppetit hæres,
 Audaces peccare timent. tutissima res est
 Successor, sobolisque fides. his nixa potestas
 Præsidis secura viget, nec certior unquam
 Imperio fortuna manet, quam regia postquam
 Sceptriferos auget genitrix fecunda penates.
 Namque velut pavidis promittunt prospera terris
 Chaldaei Babylonque sagax, cum celsius astra
 Coelicolûm per tecta ruunt, summoque coruscant
 Vertice, nec radunt humilem declivia Vestam:
 Haud aliter postquam populo sublimior omni
 Exoritur regum soboles, ac nascitur orbi,
 Exultant pariter gentes, & sceptrâ parentum
 Tuta patrocínio vires à sanguine sumunt.
 Non ultrâ jam tela rubent, pandisque cruorem
 Scuta bibunt spatius, non diro in vertice coni
 Terribiles stringunt galeas, vel pulvere bellâ
 Adpersus lambit crudus sua vulnera miles.
 Non tua vicinis bellatrix Scandiæ flammis
 Ardet, & adversis Sueonas ulciscitur armis.
 Non qui rure suo laxisque paludibus exit
 Cimbrus & angustas promovit Vandalus oras,

Romalidum jam strage calent, & cade feroces
 Ausonias populantur opes. non ense Cheruscus,
 Non Marsus Chaucusq; rubent. Pax, optima rerum,
 Tollit lata caput, mansuetaque numina belli
 Proscripsere minas, & formidabile murmur,
 Et mundi ferale malum. sunt otia genti
 Certa tua, cunctasque ligat concordia terras,
 Et spondent meliora Dii. cur, maxime, cessas
 Ista Dionea largiri tempora matri,
 Ut Veneris vibrare faces? aliosque Canutos
 Reddere, vel fortes Stenonas, seriemque tuorum
 Neetere tot retrò ducibus. quos inter Heraldus
 Et celebres fulgent Olai, victorque Sueno,
 Christiernique graves, & nomina nata triumphis,
 Errici, Frothoque potens, quos ordine longo
 Ad tua derivant geniales secula tecta.
 Expectant à te sobolem dispersa per undas
 Imperia, & cupiunt sperato Principe passim
 Tot gentes, tot regna frui. sic Funnia fatur,
 Hac circumfusus Selandia murmurat undis,
 Nerigon hac eadem ingeminat, postremaque Thule,
 Et que vasta suos Nidrosia colligit amnes
 Vallibus, & toto famulatur Fembris ponto.
 Tot votis ordire virum, tot vivere terris
 Incipe progenies regum; genituraque reges
 Utilius vixisse velis. pars degener orbis
 Creditur, & mundum vix ullo jure tuetur,
 Basia qui chara nunquam sibi conjugis emit
 Basiolis, blandoque procans arrisit amori.
 Hac decoris pars prima tui est, genuisse tui,
 Quis pater imperites; & confudisse benignum
 Cum populo prolis nomen, regemque patremque
 Regnantis vultum vultu lenire paterno.
 Sic clemens regnator eris, minuetque furorem
 Conspecta consortis amor. cum publica lassant
 Pondera, cum rerum moles glomerata fatigat,

Illa tibi blandis emolliet aspera dictis,
 Illa tibi nutu poterit tranquilla mederi,
 Vel precibus placare gravem. ceu concita quando
 Æquora Neptuni surgunt percussa tridentii,
 Et jam terror habet Tiphyn, sociosque ratesque,
 Tota procellosos componunt æquora motus,
 Me ridente. suo Stilico deservit astu,
 Confeditque tumens animus, cum voce Serena
 Flecteret accensum non indignante maritum.
 Leniit Augusti non inconcinna furorem
 Livii, & audacis traxit molimina Magni
 Iulia, nec generum socero concurrere passa est,
 Dum vixit, siasitque viro tunc optima conjunx.
 Quid? tua cum matres etiam mandata capeissent,
 Egregieque nurus; præeat virtute domoque
 Femineo Regina choro, querulasque maritas
 Flectat in obsequium similis concordia sexus,
 Parque modus fati, nec dispar regula vita,
 Eloquentique lepos. etiam componitur iste
 Orbis ad exemplum Domina, gaudetque magistrans
 Officiosa sequi mulier. quam foemina monstrat,
 Ad te communis pietas proclivior ibit.
 Nonne rubent cœli radiis melioribus ignes,
 Cum Phœbo graditur Phœbe comes? aurea fratrem
 Illustrat Dictynna, atque illustratur ab illo.
 Sic socio cum rege decus venerabile sceptri
 Expandit muliebris honos, fulgetque vicissim
 Regnorum geminatus apex, conjunctaque terris
 Lumina prælucet melius. cum conjugè Cephæus
 Rexerat Æthiopus; radiunt nunc altius astris
 Cassiope Cephæusque simul. cum conjugè rexit
 Penelope; Latii flexit moderamina Roma
 Gnara gubernandi Tanæquil, nec sola potestas
 Tarquinii regisque fuit. solertia felix
 Profuit ista viro, & meruit majora virago.
 Suffice, qua volucrum pennis sonat arduus ather.

In Venerem natura ruit. Iovis ales amatur,
 Et rursum Iovis ales amat; generosaque dictis
 Sufficit argumenta meis. genus omne natantum
 Vritur. en, grandes, informia corpora, ceti
 Me circum tremulis agitant connubia squamis.
 Sed ne longa traham per centum exordia causas,
 Vna tuis, Princeps, servatur amoribus apta
 Magdalis. hanc dudum ventura provida sortis
 Numina seposuere tibi. scis Cesare dignum
 Stemma, patremq; Ducem; qui clavis Teutonas ar-
 Afferit, & veteres VVitikindi exuscitat iras (mis
 In Tiberin Istrique Deos; celebresque ruentis
 Exuvias Tilli lauris appendit avitis.
 Nec te fama domus Bullataque nomina septem
 Elestorque latent, &, quem gerit impiger, ensis.
 Non malè vexatis olim concessa Britannis
 Auxilia, & fusos animoso Saxone Pictos.
 Est genus annexum Tamesi, Rhodanoq; Padoque,
 Et proxvis, Lotharinge, tuis. hac stirpe Capetus
 Reliquias spreuit Caroli, Druidumque sagaci
 Ingenio possedit ebur. vicere sub istis
 Cesare signis aquila, Romanaque crevit
 Gloria, & Ausonio restans Germania regno.
 Indlyta progenies tali se vindicat ortu,
 Hoc jactat se patre satam. venerabile nomen
 Augusti fecere Lares, & feta triumphis
 Nobilitas. sed cuncta decens reverentia morum
 Ante venit, sexuque animum sublimius effert;
 Ut generet, qui sceptrum gerant. sua gratia forma est.
 Et decor in vultu, qualis solet esse Dearum,
 Emicat. hanc si Thessalicis vidisset in agris
 Errantem Phœbus, Daphnen sprevisset amator,
 Liquissetque suam profugus Minoida Theseus.
 Triste nihil, nihil innocuam implacabile mentem
 Pervertit. nitida insedit clementia fronti,
 Assuevitque Deo pietas. prudentia dictis

Et gravitas regalis inest, & nescia fraudum
 Simplicitas. quoties gemmis splendet & auro,
 Virtutes potiora putat. cum regia spectat
 Limina magnificasque trabes, aulae, penates,
 Vult demissa frui. multum nocitura regenti
 Luxuries & fastus abest. sunt candida semper
 Gaudia, nec peccat pulchro saturata voluptas.
 Hanc proavum matres & tot docuere Sibylla
 Conjugii servare fidem, docuere severa
 Iura pudicitiae. tali nascente puella
 Fama fuit tumuisse Salam. se laxius Albi
 Explicuit, vastos auxit Thuringia saltus,
 Hercyniumque latus. maturis fertilis uvis
 Vinaria, & patulis arrisit Misnia campis.
 Lusit & ad cunas Viadrus, natalibus equis
 Mulda fuit, lambensque soli vicina Visurgis,
 Et passim vario scatuit dis vena metallo.

His ubi Nympharum genitrix sermonibus ipsam
 Accendit facunda Ducem, & se fassa moveri est
 Purpura, jamque vigor solitus spectorque cubilis
 Subsedit monitis animus, secretaque sensit
 Corda quati Divum alloquiis: tum protinus illa
 Exutum nuper transtris bellacibus Albi
 Advocat, & qua se vallis circumdat & undis
 Dresda potens, paribus laudatam Magdalin, in
 Ocyus implebis studiis, generosaque sese (quit,
 Altè virgineis occultet flamma medullis,
 Dignaue regali virgo suspiret amori.
 Ille procellosa velox mandata capeffit
 Tethyos, & moesta dum praterlabitur urbis
 Mœnia, Parthenopesque domos, ac diruta flammis
 Testa laresque Deum; sevi spectacula Martis,
 Et Tilli furias & adhuc à cade calentes
 Despexit portarum obices. dein longius actus
 Quà formidatis se turribus altior effert
 Dresda, stetit. non tunc rigido barba horrida mento,

Hirsutumque supercilium, non hispidus Albi
 Vultus erat, fedaque cornas velaverat alga.
 Pronuba forma fuit, faciem distinxerat auro,
 Torvaque fulgebat cultu meliore senectus.
 Canities, sed compta, suis formosa capillis
 Esse videbatur, Tyrium redolentia succum
 Pulchra eni ex humeris pendebant pallia pandis.
 Insuetus tanti decoris, gestusque procantum
 Inceptum tentabat opus. cum forte decoro
 Adventans speciosa gradu se Filia Princeps
 Obtulit, & patrius errans secretior hortis,
 Mitia Saxonica sperabant tempora terra.
 Hoc etiam volvens animo, discrimine quanto
 Affereret patriam genitor: quam fortibus ausis
 Iret in Austriacos: ut libertatis aruita,
 Ut Superum fideique tenax, hac bella coactus
 Susciperet: quoties sanis hortatibus Istrum
 Erigeret: pacemque malis praeponeret armis.
 Talia sollicita dum versat mente virago
 Mascula, sic curas, sic interpellat euntem
 Albis & his regum dictis persuadet amorem.
 Salve magnanimi proles augusta parentis,
 Ingens nata Ducum. cur te Marvortia mitem
 Suspensam fortuna tenet? motusque viriles
 Lenior expendis virgo? studiisque severis
 Exerces imbellem animum? totum excute Martem,
 Gradivumque patrem. sunt hac minus apta puellis
 Nomina. quin potius Veneres admitte, faceque.
 Quas puer Idalius, quas ventilat alma Dione.
 Hac facilem te cura decet. si busta rogi que
 Si te fata movent hominum, dispendia belli
 Totque obitus mater repara. post funera Regum
 Reges gigne alios. nec jam contemptior ultra
 Privatos pariare lares. Borealia sceptrum
 Exposcunt lecti sociam, diademata crines
 Expectant Arctoa tuos. te rector honorat
 Vandalus.

Vandalus, heredem Goti tibi destinat æther,
 Parrhasique suis nunc gliscunt ignibus ignes.
 Agnosces famulum, Virgo dignissima, pontum,
 Victricesque rates. tota donaberis Arcto.
 Dos non unus erit populus, non insula simplex
 Nomen adorabunt plures. tibi prona favabit
 Nerigon, ardentem submittet fascibus Heclm
 Incolæ, formabit placidos tibi Cimbria cives,
 Te Fiones, agrisque colet circumdata pulchris
 Hafnia, per medios ibis regina Suevos,
 Inque tuo capiet piscari luta profundo,
 Et Gothus, antiquique memor Dithmarsus honoris.
 Cuncta patent parentque simul. que federa necto.
 Illa tibi locuples Codanis faucibus aurum,
 Vestigalque ferent. spatiis his vivimus omnes,
 Et miseriis latè terris alimenta petuntur.
 Fundat ab Eois fragrantia balsama ramis
 Indus, odoriferas Panchaia jactet arenas,
 Astur donet equos, multo nos Gallia Baccho
 Proluat, in duro desudet marmore fossor
 Dalmata, Prutteno concrecant succina flucta.
 Queis facile est caruisse bonis. hinc pabula vitæ,
 Hinc segetes frugesque bonæ, Cererisque vehuntur
 Munera, & immensum ratibus mittuntur in or-
 O quali socianda viro es, qui regibus ortus (bein
 Inter sceptrâ puer mundique adolevit habenas,
 Semideumque domos. quas Delmanhorstia dudum
 Vexit & illustri stirps Oldenburgica fama
 Misit in imperium magnum. quis clarior illo,
 Quis venerabilior sanguis? cui prisca dedere
 Semina Christophori, regnatoresque Canuti,
 Hemmingique graves, scriptique annalibus Humbli.
 Si laudes recitasse velim, prò quanta patebunt
 Æquora. destituent fessam præconia mentem,
 Non Helicon sitis unus erit, non Castalis undis
 Sufficiet secunda suis. vigor inclytus illi

A pueris, tenerisque aliquid fulgebat in annis,
 Quod domini regisque foret. spondebat honores
 Eloquii clemens gravitas, & fulta juvenus
 Majestate patris primo se protinus avo
 Obtulit exemplum. jam tunc suffragia gentis
 Emeruit plaususque sua, crevitque potentum
 Iudicii, votisque erexit grandibus aulas.
 Inde per egregias crescens circumtulit artes
 Ingenium, verique modos praeceptaque recti
 Addidicit, nituitque suis industria donis.
 Tunc animus fuit Arctoo evolvere motus,
 Ire per annales patrum. quibus arserit armis
 Normannus Danusque, quibus Colmaria flammis,
 Scrutari, & victa miseranda incendia Bergæ.
 Quis Gothicas acies, Sueonum quis fregerit urbes,
 Qualis in adversos Gormo surrexerit hostes,
 Classibus incautum Sueno pacaverit Humbrum,
 Et mediis steterit veloci Marte Britannis,
 Regnantumque vices varias. quid secula dignum
 Ediderint exacta, togæ bellicque labores.
 Omnia quæ proprios rector convertit in usus.
 Nec minus Euclidæ numeros, ignotaque quantis
 Metitur spatia, & rigidis distincta figuris
 Signa legit, Martisque levi spectacula papyro
 Exhibet, & veterum disponit more phalanges,
 Quaque urbes virtute ruant; quæ linea muros,
 Quæ feriat directa domos; ut vinea serpat
 Tutius, & timidis subrepat machina portis.
 Sapius in stricto ludit vis Martia ferro,
 Et gladios vibrare sagax, invenit in armis
 Mille nocendi artes, nocituraque vulnera cautè
 Intulit, atque hostem ferit securâ malorum
 Dexterâ, & attento rabiem mucrone fefellit.
 At quoties trepidis fervens in vallibus acri
 Gaudet equo, laxisque volat dimissus habenis,
 Stat nutu sonipes, spumisque madentia mordet

Frena

Frena ferox. jam sternaci cervice minantem
 Flectit, & aripedum doctis premit ora lupatis
 Impavidus, spectatque alium jam Castora Cimber.
 Illum sæpè pater pugna inflammavit amore
 Intrepidum, totumque cavo caput abdidit ære.
 Non galeæ dirum fulgur tristeque timebat
 Castrorum lituos. sævis horrentia telis
 Agmina ludus erant. circum tentoria Phœbe
 Mirata est errasse ducem, noctisque per umbram
 Ducere sollicito vestigia mascula gressu.
 Pace fruens aliis animabat pectora votis,
 Terribiles inflare tubas, disponere vallos,
 Bellonæ calcare vias, diffringere portas,
 Obruere hostiles acies, circumdare castra
 Fraudibus. hac primas exercuit indole vires,
 Cunctaque, dum cessant, doctrina recolligit arma.
 Si, quibus ingentes flectet virtutibus urbes,
 Scire juvat: poterit solo metuendus amore
 Et terrere malos, & præmia reddere justis.
 Flectitur, auctori quoties damnatur iniquum.
 Nec languet, quoties vitiis immanibus horret
 Improbitas. non ambigui molimina vulgi
 Aut nimium timet aut spernit. sub pectore magno
 Spem domat immodicosq; metus. non sorte secunda
 Diffluit. adversam forti ratione refellit.
 Hoc Regis putat esse, Deo submittere fasces,
 Non homini. legesque sequi, quas condidit ipse.
 Tunc vult officiosa loqui, cum civis amatur.
 Tunc vult imperiosa loqui, cum murmurat audax.
 Vult licuisse sibi, quicquid permittit honestum.
 Nec licuisse sibi, quæ sola licentia clamat
 Possè duces. tunc arma probat, cum publica iuste
 Causa dolet; tunc arma fugit, cum federe tuto
 Stat secura quies. fines virtute tueri,
 Principis officium credit. non poscere bellis,
 Quæ levis ambitio & regnandi insana libido

Suggestit. Astra propugnat vindice muros,
 Excubiis telisque minus. venalia jura
 Strataque muricibus damnat fora. digna merenti
 Destinatus, indignis gravior, turbantibus acer.
 Intemerata fides lingua est, nec, casibus hærens,
 Rescindit promissa. dolis, sine crimine, gaudet,
 Et simulat, sine fraude tamē. noscendaque; nunquam
 Dissimulat, prudensque premit secreta silendo.
 Incubat in famam totus, quæ laesa minatur
 Regnanti graviter, spondet meliora superstes,
 Querit amicitias, nec cunctis fidit amicis;
 Et Pyladem occulto sapiens distinguit ab hoste.
 At quoties decernit, amat consulta Senatus
 Consiliis sociare suis, procuresque loquentes
 Audit, & à cano suffragia Nestore poscit.
 Spernere adulantum strepitus vocesque malorum
 Exemplo, Trajane, mones. affabilis ut sit,
 Vespasiane, tuum est. Augusti Caesaris illud;
 Neglectas revocasse artes, fuisse Camœnis,
 Et doctis monstrasse viam. non perdere civem,
 Scipiada vox sancta fuit. quæ regius hæres
 Dum facit, à magno meruit prænomena Christo.
 Non avida iratas illi male strangulat arca,
 Quas congeffit, opes. verum moderata fruendi
 Temperies toti partitur commoda regno.
 Providus antevenit, nova cum discrimina Gracchi,
 Aut effrons Catilina, movent; facinusque Cethegi
 Occupat, interdum lentè facienda moratur,
 Et metuit, quicquid peragit violenta potestas.
 Cum mala vicinas exercent jurgia terras,
 Omnia tuta timet, litique intervenit aquus
 Arbiter, indomitosque studet componere fluctus.
 His meus officii Princeps, his moribus audit
 Clarior, his curis patrum suffulciat orbem.
 Quare age Germanas inter selecta sorores,
 Sceptriferos admitte thoros, & noxia pelle

Otia, & ignavi fastidia discute læti.
 Quæ formosa nites, fugientibus utere donis,
 Et formam nuptura proba. non illa dedere
 Incassum Superi. vultis Lucina serenos
 Exigit, & thalamos conscendes pulchrior uxor.

Dixerat hæc, verum solito tunc comptior, Albis,
 Matris iussa sua. cum gens pharetrata Deones
 Adstitit attonita Divum sermone Sibylla,
 Et tacitum membris altè inspiravit amorem.
 Ex illo absentem Princeps in Magdalin arsit,
 Rursus in absenti tunc Principe Magdalis arsit.
 Dumque locis distans, gens intercurSAT Amorum,
 Crebraque per longos commutant basia tractus,
 Basia, quæ Zephyri, quæ perturbare verentur
 Nubila. quin lachryma, gemitus, & quicquid
 amantum est,

Risus, amor, gratique metus, suspensa voluptas
 Hæc illa levibus volitant per inania pennis.
 Non ita Abydeno quondam placuisse putatur
 Sestis, non magis accensa Leander in Hero
 Incaluit, quamvis freta per crudelia naret,
 Æquoraque à flammis multum interfusa teperent.
 Cum celer immitti juvenis decurreret agro
 Hippomenes, non sic meta flagrabat in ipsa
 Victor, ut à tergo venientem aspexit amicam.
 Tum Patribus placuere thori, & connubia sanxit
 Iupiter, & claro majorum sanguine fulta
 Convenere domus. genero stirps celsa Georgi
 Annuit, & coit celebri cum Saxone Cimber.

Ipsa Venus frenis agiles adstrinxit olores
 Rapta per Idalios colles, Erycinaque templa,
 Atque omnem exciuit latè Paphon. illa Britannis,
 Et consanguineo desert nova nuncia Regi.
 Igitur in antiquam Hesperiam, quæ lampade fessa
 Mergitur Occiduis Titan declivior undis.
 Audiit & Tiberis murmur geniale; proculque

Adria

Adria communi junxit sua vota favori.
 Austriaca strepuere fores, Bavarique penates,
 Quaque Palatinis longè se collibus abdunt
 Atria. semotos genitrix Æneia Dacos
 Concussit, Bataurumque patres. simul otia Marti
 Imperat. hos nobis, inquit, decurrere lenes,
 Odrysi, permitte dies. furialia cessent
 Arma. meis aquilas hodie succumbere signis.
 Fas erit, & placidis Veneri concedere castris;
 Dum sperata diu consummant oscula reges.
 Illa manu Sponsam ducit, quæ lumine presso
 Leniter, à fluxa sibi virginitate timebat
 Pallida; & hac ipsa pro virginitate rubebat
 Nondum gnara rudimenti. dein sacra thorumque
 Apparat, & gravibus miscet sua numina Cimbris,
 Dissimulatque Deam. gestus, habitusq; decusque
 Temperat ad ritus Gothicos, & amoribus aulam
 Implet & huic uni gestit comes ire marita.
 Scilicet illa dies venit, quo regius ipsis
 In triviis clamatur Hymen, quo concita gaudent
 Oppida, collucet flammis genialibus unda,
 Et tangit res tanta Deos. accurrite vates,
 Et Phœbi tripodas, Parnasseosque recessus
 Pandite. sidereas afflet vis enthea mentes,
 Et quicquid facunda olim cortina remugit,
 Promite. per vestros hederæ laurique capillos
 Luxurient. hic dictet epos, gratumque verendis
 Principibus pertexat opus. qui pollet, ovari
 Decantet sua verba lyra. dithyrambica nuptis
 Carmina, vel molles elegos aptare poetæ.
 Hac si blandiloquus spectasset festa Catullus,
 Ambisset festiva loqui, Thetidemque Sibyllam,
 Pelea dixisset Sponsum. præ conjuge tali
 Persephone vati Phario neglecta fuisset,
 Callimachusque suis cecinisset Magdalin hymnis.
 Ut procal adspexere Duces & federa regum

Thym-

Thymbræus pater, & Nyse de collibus Evan.
 Menades hic Nyse, Thymbra movet ille Camænas,
 Alter Bassiridum matres, movet alter ab alto
 Pierides. resonant festo clamore Cytheron,
 Ismaraq; & Graiûm repetens modulamina Phocis.
 Omina lata ferunt gentes. hinc vincula quisque
 Privatum putat esse bonum. se plurima mater
 Hoc jactat peperisse die, sobolemque diemque
 In fastos studiosa refert. annosa senectus
 Adspicit hæc avidè celebris spectacula pompæ,
 Et serum solamen habet. sua gaudia tellus
 Persentit. redeunt tonsis nova gramina campis,
 Nec modo nata truem metuunt arbusta Booten.
 Non gravis afflatu Cerealia rura maligno
 Sirius, aut madidi vis noxia verberat Austri.
 Aura favet, glebasque levi cum rore maritat
 Vespera, perspicuosque bibunt viridaria succos.
 Plus solito rubuere rosæ, plus candida cernas
 Lilia cum niveo passim certare ligustro.
 Quæque pruinosis Ino vaga pascitur herbis,
 Vbera tenta gerit, tauroque occurrit amanti,
 Et sine vi potitur. recreat fecunda magistros
 Spes gregis. æquoreis orat & bacchatur in undis
 Cæruleus Triton, Nymphasque ex æquore toto
 Convocat, & ludos pelago molitur in ipso.
 Horrida Hyperboreis spirantia monstra procellis
 Approperant, circumque tuum nant, Hæstia, littus,
 Vastaque mobilibus quatunt vada cæcula caudis.
 Involat in phocam Tethys, immania cete
 Tergora supponunt Nymphis, Neptunus habena
 Lascivum delphina regit, balena petulcum
 Nerea fert, vitulo Glaucus Spathaleque marino
 Infedere simul. Galatæam fervida pistrinx
 Spumanti modo tollit aqua, modo corpora mergit
 Absconditque salax undis. fera nomina, porci,
 Rosmarus & polypi & sinuoso pisce dracones,

Serra.

Serratæque sua ludunt statione catervæ.
 Balthica quæ medias divellunt ostia terras
 Latitiæ dant signa sua. quæ carbasa vectant
 Triptolemmum, celsa suspendunt puppe coronas,
 Et remis circum feriunt freta. lustrat Huana
 Astrorum cœlique vias, & prospera Sponsis
 Tempora præsagit. densis abscondita lucis
 Soræ, Camenarum sedes & nobilis oti,
 Pegaseum tonat ore Deum, vocesque disertas
 Colligit Augustis. Me, Felicissime Princeps,
 Cui vacat Arctoi jam nunc pars Martia mundi,
 In Batavis procul ardor agit, grandisque canendi
 Materies rapit in furias, æstroque potenter
 Sollicitat vatem. Paphias sacramus ad aras
 Vota precesque tibi. propera, Dux magne, nepotes,
 Qui leges, qui castra colant, Musasque tubasque
 Continuent; seu Marti opus, seu pacis amanda est
 Conditio bellicæ more. succede parenti
 Talis, ut huic alium nos successisse negemus.
 Tuque decus populique pater, Rex Maxime, cuius
 Posthuma perpetuas celebrabunt secula laudes,
 Hæredi gratare tuo; celsosque parumper
 Dilue regnorum titulos, & serix differ
 Iussa senex, dum se fulgenti Magdalis ostro
 Implicat, & cupido fruitur gavisa marito.
 Adspice, qua summa cœli regione perennes
 Heroum vivunt animæ, tuis altior inter
 Semideos Vldricus agit, setumque decoris
 Artibus ingenium, & quicquid sublime sub illo
 Pectore condiderant Superi, viresque animumque,
 Pallada, Mavortisque decus jam devovet astris,
 Custoditque sibi. solum, dum cetera spernit,
 Te fratremque videt, thalamisque adspirat, & om-
 Optat inoffensis regnari civibus Arcton, (nem

MANES BAVARI,

Sive Epicedium in Obitum Serenissimæ
Principis ac Dominæ,

MAGDALENÆ,

Natæ Comitis Palatini, Rheni, utriusque BAVAR-
IÆ Ducis, Vxoris Serenissimi Principis

WOLFGANGI WILHELM I,

Comitis Palatini, Rheni, Bavarix,
Clivix, &c.

Illustres obitus, & magni nominis umbram,
Et vacuum consorte thorum, cineresque beata
Conjugis, & clara viduos genitrice penates
In Batavis, Dux magne, queror. Tibi tristia mœror
Verba negat, tantique stupent ad busta dolores,
Officiumque suum venerandis manibus alti
Exolvunt gemitus, mutique in funere luctus.
Non loqueris, quem damna premunt non murmure
Solicitatis, qui fata probas. qui pectore volvis (Divos
Quæ Superis placuere, taces; & Principe dignum
Hoc credis, cessisse Deo. quam flere potentem
Majestas trabeæque vetant, contendere cœlo
Plus pietas submissa vetat. quin ipsa dolendi
Præscribit tibi causa modum, suetusque virorum
Imperiis tacitis frangis suspiria jussis.

Nos potius memorare tui dispendia læti
Conveniet, tumultoque procul semotus & aula
Ingentem cantabo animam. Tu præfica tristem
Dicta Melpomene ferali carmine lessum,
Teque paludatis infer mœstissima portis,
Et sparsis miseranda comis, vittisque solutis
Horrida, & atratâ gradiens per compita pallâ
Ad Bavaræ consiste rogos. En nigra cupressos

Atria,

*Atria, funereasque adolent palatia taxos,
Fractaque jamdudum longis Germania bellis
Nunc iterum, quod ploret, habet; pergitque ma-
lorum*

*Congeriem cumulare sibi, ac laudabile cali
Depositum iratis queritur succumbere Parcis.*

*Adspice, feminea lassatum mole feretrum,
Et Dominæ suffulcit onus, titubatque fatiscens
Iulia, nec tantum Mavortia damna moratur,
Quam patrui lamenta soli, fatisque petitum
Terrarum praelustre caput. quam Clivia vultum
Verberat, & grandi tundit praeordia planctu;
Nec dubitat, qua sorte cadat, quo pignore raptio
Imperii lux prisca sui, lumenque erenum
Occidat. ipsi suum praesenti in funere finis,
Ipsa suos languens cineres, populiue cadaver
Bajulat, & charos inclamat pallida manes.
Largius afflictis destillant Montibus unda,
Rorantesque natant udis in vallibus imbres,
Dum regni subsidit honos, & debita caelo
Progenies, gentisque suae delecta voluptas,
Et communis amor moritur. quam lentior exit
Rhenus, & abstruso sua flumina colligit alveo,
Ut possit plorare magis. non accola Mosæ,
Quemque rigat medias diffindens Nursia terras.
Temperet à lachrymis. extinctam longius Albis
Magdalin ingeminat, funestaque fama Visurgina
Personat, & mæstos cognato sanguine Bojos.
Ipsa Palatinas conturbant nuncia sedes,
Insertasque plagas titulis. illustrior Ister
Austriaco victore, dolet, miscetque triumphis
Hos luctus gemitusque suis. quocumque vagata est
Principis egregia virtus, percelluit urbes,
Teutonicosque Duces, bullataque nomina septem,
Semideosque patres tanti fortuna sepulchri.*

Secula magnanimas celebrant antiqua maritas,

Et

Et vario laudis precium pracone meretur
 Femineæ probitatis opus. sic casta perennat
 Emerita repetens mulier vestigia telæ,
 Ignavos exosa procos. Priameia Phœbas
 Vivit adhuc, miseraque canens profigia Troja,
 Andino sub vate tumet. Lavinia conjux,
 Hectoris Andromache, Latii movet ora Camœnis.
 Et tragicos implet Superum donata furori
 Iphigenia modos. nec tu, sine teste, superstes
 Clælia victrices tranas audacior undas.
 Porcia magnanimo potuit placuisse Catoni,
 Ilii Pompeio. magno Stilicone Serena
 Tollitur, & Phario surgit laudata poeta.

At tu, quam canimus, tantis quoque matribus
 Posteritas. Wolfge, suis fulgentior omne (adde
 Anteit honoratis conjux tua moribus ævum.
 Prisca velim leviora putes, vel ficta vel aucta
 Varibus. illa suum transcendit splendida sexum
 Stemmata, stemma animis, animos virtutibus illas.
 Ante venit pietatis honos. ô maxima rerum
 Gloria, sic privata domi, sic clauit orbi.
 Nobilitas cui prima fuit, cui stirpis origo
 A Bavaris defluxit avis, contemnere fastum
 Natalesque suos potuit, voluitque moneri,
 Nil titulis, nisi fluxa, dari; proavosque genusque
 Ad laudem non esse satis. cui nobile corpus
 Texerunt Tyrio siturata murice vestes,
 Credidit exuvias, perituraque tegmina ferri,
 In mortis documenta sua. quæ limina pressit,
 Augustaſque domos, Parisque exstructa columnis
 Tecta Ducum, æterno felices numine sedes
 Prædidit, votisque ipsum prævenit Olympum.
 Quas fluxas possedit opes, commune putavit
 Cum populo miserisque bonum: quas contulit æther
 Divitias, nullo vesana superbia luxu
 Perdedit. has ipsa cum majestate tremiscens

Pauper.

Paupertas partita fuit. dum jura ministrat
 Civibus, his obedit: mandataque fortius urget,
 Dum cunctis probitate praeit. non triste loquenti
 Eloquium, sed mite fuit, majorque potestas
 Officio vult esse minor. reverentia verbis
 Mixta fuit, comisque lepor; prudentia, qualem
 Vel possent sperasse viri; clementia qualis
 Aequat sceptrum Deis: non gratia ficta, sed usque
 Nativo splendore nitens. damnaverat atram
 Invidiam probitas, lenisque modestia fastum.
 Trussit avaritiam scelerataque nomina fervens
 Religionis amor. lascivos Cypridis ignes
 Edomuit cœli studium. sic aula ducesque
 Exemplo potuere regi, mulierque mariti
 Perfecit mandata prior. Nec sola regentem
 Evexit ratio, & generosi cultus honesti:
 Ipsa favens thalamis fecit Luce parentem,
 Indulsetque Ducem populo. qui fascibus hares
 Succedat, trabeasque puer, terrasque capebat,
 Nascitur, & tenero fulta est spes tota Philippo.
 Hic anceps natura stetit, matremve patremve
 Redderet ingenio soboles; litemque diremit
 Cœlestium favor, atque uno genitoris imago
 Pectore & excelsa viguit præstantia matris.
 Illa virescentis moderatrix docta juventa
 Conjunctis patriis maternas vocibus artes.
 Nec molles transire dies, aut tempora luxu
 Passa fuit. quanto fati sublimior ibat,
 Acrius instabat monitis. quàm lubrica regnis
 Sceptrum, sagax docuit: quali discrimine surgant,
 Quàm facili mox sorte ruant: quam præstet amari,
 Quam pravos terrere metu: quam parcere victis
 Eximium; quàm sit diris securior armis
 Aurea pax, quàm sit turpis rectoribus orbis
 Vilis adulator: prosint admissa bonorum
 Consilia, & Procerum voces, & verba monentium.

Iam proavum laudes puero, & celebrata parentis
 Imperia instillans generosos suscitât ignes
 Provida. prudentes miscet sermone Sibyllas,
 Guilielmosque duces, & regum fœdera narrat,
 Austriacæque domus thalamos, hæc omnia mater;
 Hæc dixit veneranda parens. sic navita nato
 Oceani fluctus, tumidique pericula ponti
 Monstrat, & ut fragilem possit subducere puppim
 Syrtibus, aut Helicem, fixamque intendat in Arcton
 Nocturnos sapiens oculos. Nec conjugis illa
 Obsequio vel laude minor. pars digna cubilis
 Imperio nunquam, semper certavit amando.
 Sit sua Penelope prius; dilexerit uxor
 Alcestis moritura virum; testetur amores
 Laodameia suos: Bavaris amplexibus hæsit
 Illibata fides, & casti plena pudoris
 Femina dissolvit solo cum funere pactum.

Num Superos & fata querar? tantumq; reposcā
 In vivis superasse caput? proh, irrita fundit
 Verba miser, quisquis fatales increpat horas
 Nescius, & precibus credat Plutona moveri.
 Non moritur, quam vita probat, quam clarus in
 Virtutum commendat amor, cui nobile nomen, (orbe
 Et longæva dabit vivacem gloria famam.
 Hanc memores celebrare natus, hanc dicere pergent
 Post obitum egregia matres, grandesque marita.
 Hæc dominam, hæc matrem flebunt, & dulce suorum
 Delicium. flebunt pueri, innuptæque puella.
 Cunctorum dolor unus erit, Cum Luna laborat,
 Oppositumque sibi fatali tramite Solem
 Adspicit, & pulchri pereunt caligine vultus,
 Torret tanta sui tellus dispendia mundi.
 Ereptamque facem. defuncta Principe Phœben
 Non ultra gens mæsta suam, non grata tuetur
 Lumina, magnificumque jubar, licet altera Phæbi
 Restet adhuc mundo facies, civesque serenus

Wolfgangi

Wolfgangi collustret apex. Iam rura colonus
Negligit, & pigro lachrymas adspersit aratro,
Autumnūque gravem queritur. delubra, sacer-
dos,

Curia, & afflicti trepidant formidine cives.
Hærent verba seni, sentit sua damna Juventus,
Nobilitas, Equitesque, & duri militis ora
Mansuescunt, propiore rogo. Tu maxime Rector
Iuliaci, qui stemma tuum regalibus unis
Conjugiis, Bavarumque, & clarum stirpe Sicam-
Cæsareūq; genus thalamis adjungis avitis, (brum,
Funereos inter gemitus, pressosque dolores,
Accipe Battavici, Princeps, solivia vatis,
Quasque prior docto voluisti in pectore voces,
Et nosti, repetentem audi: qui regna tueris;
Humanis majora malis & turbine fati
Corda geris: qui jura tuis legesque ministras,
Cœlicolū decreta parves: qui gaudia versas
Conforti sperata tua, suspiria damnas;
Totque ferens populis rector mandata, vicissim
Accipis à Superis. cum chari viva Philippi
Ora vides, dignumque isto moderamine pignus:
Hunc, tanta pro matre, vides: partemque parentis,
Hæredem virtutis habes. Tuque, optime Fili,
Desine dilectos votis arcessere manes,
Et cineres plorare pios. miseresce fatis,
Et lugere, tuum est: verum frenare dolorem,
Officium scis esse Ducis. qui sceptrā capeſsis,
Hæc etiam peritura capis. mors æqua tabernas
Regalesque quatit turres. Tu magna tuorum
Factaque fortunasque, & grandia nomina disce.
Consiliisque virum, teneros virtutibus annos,
Et cura præverte senes. hæc audiat absens
Magdalis, & nostris subscribant numina votis.

A D L O C V T I O

Ad Sereniss. Rempubicam

V E N E T A M,

Cum pro ejus Libertate, adversus SCRVTI-
 NII cujusdam auctorem, gravissime
 differuisset Vir Clarissimus,

THEODORVS GRASWINCKEL,

in Batavorum Curia Advocatus.

Majestas Venetum, venerandi filia secli,
 Et series Augusta Patrum, quos vindicat
 ensis,

Iusque datum scepro, totque inconcussa per annos
 Imperii facies & formidabile terris
 Nomen & atherei regnatricis purpura Marci.
 Ad laudes assurge tuas; & suspice, quanto
 Acta gradu vestri se lux alii sima fati
 Ostendet late populis; nec jam Adria fame
 Sufficiat, non litus atrox, quod Dalmata servus
 Calcat, & Herculei bellatrix spuma Tarenti.
 Hic tibi devictas sublimis dividit Alpes
 Rhatia, & aëriis victricis signa tuorum
 Prospectat vicina jugis; ac fulminis Divum
 Nimbosumque Iovem, & quicquid trux parturit
 Permiscet titulis. illic dispersa Timavus (ather
 Ora vomit fluctusque tuis compefcit habenis,
 Illyricosque sinus & duri regna Liburni
 Ponè trahit. calamis alibi tibi lene susurrat
 Mincius, & terra circum dominantis honori
 Assurgit supplex Athesis, sedesque beatas
 Eridanus Phaethontais complectitur undis,
 Agnoscitque Ducem. quod restat, in aequore, nullo
 Fine, tenes; perque Ionii spatia ampla profundi

E

Sceptro

Sceptra procul fascesque natant. Tu maxima pullos
Fovisti, Regina, Deos. tibi condidit aras
Diva Venus, Venerisque domus pulcherrima Cyprus,
Quæque Rhodos toto ditata est insula Phæbo.

Reliquiæ Danaum, Teucrumque, ab origine gentes,
Quam priscis fluxistis avis, quam proxima tangit
Laomedontæas majorum gloriæ terras,
Dardanidumque domos, profugoque Antenore quon-
Euganeos inter fremuerunt Troica colles (dam
Classica & his ipsis Priamum flevistis in oris,
Non jam concusso furis immanibus orbi
Incubat Arctoe furor implacabilis aule,
Ausoniasque ingens grassans Altricus in urbes
Cogit inoffensa ripas habitare Padusæ;
Aut ferus avulsis adigit considerare stagnis
Atrida, & Eois adjunctus viribus Hunnus.
Non jam Phryxæe dominator Barbarius Helles
Vastat opes, pavidiq; focos subvertit Iuli,
Thesalicæque ciet Dravo pugnante phalanges.
Nec bellatrices Ligur imperterritus armat
Neptuno indignanter ates, classesque minaces
Fabricat & victor Tyrrhenum navigat æquor.
Vicistis virtute metum. secunda potestas
Indomito Mavorte stetit, nunc dextera pugnans
Addidit imperio robur; nunc subdidit hostem
Imperiosa quies, & quicquid defuit armis
Consilio pacique datum. vis effera cessit
Fœderibus; bellicæ minas prudentia fregit,
Sollicitusque timor. risit solerti regum
Invidiam, regnumque sibi constantia fecit.

Tuque adeo toties aquilis adverse superbis
Magne Teo, centumque ferox innexe triumphis,
Adspice surgentem mediis è fluctibus urbem,
Et circum te stare Deos; Tethynque truxemque
Nerea tot superum toto delubra tui;
Æquore, & oblectas pelago secludere terras.

Iam minus Iliacæ Neptunia mœnia Troia
 Esse puta, celsamque Tyrum, Antiſſamq; Pharumq;
 Maſſylumque lares, ſtantesque in littore Athenas.
 Hic maris, hic tumidi domus eſt Tritonis & ingens
 Regia Naiadum. tutæ ſine mœnibus arces,
 Natura famulante, jacent. ſunt pontus & undæ
 Praſidium, valloſque facit circumſluus æther.
 Ne mihi naſcentis magna incrementa Quirini
 Objice Roma potens, vaſtumque effuſa per orbem
 Sceptra, vel extremo metuendum nomen Araxi.
 Exiit è ſtagnis Venetus, nec ſedibus arctis
 Concludi potuit Divûm genus. ille Patavî
 Veronæque duces, deſolatamque Cremonam,
 Bergomæque & placidis adiit te, Brixia, bellis,
 Et Melam bibit, & qui lapſus rupibus altis
 Adducta diſiſas ſpumofior incitat undas.
 Succeſſit Corcyra, Paros, Naxosque Melosque,
 Andros, & immitti que tunditur Amphitrite
 Gallipolis, duraque Tenos cum Chalcide victa eſt.
 Hinc debellata præſtans Methona Corone
 Paruit & fruſtrâ toties ladera rebellis.
 Magnanimam ſileat Grajorum pagina Spartam,
 Mœniaque intrepidis olim fundata Lycurgi
 Iuſſibus, & rigidi monitis ſubnixæ Zaleuci.
 Vos Patres, juſti rigor, inflexusque ſeveri
 Aſſerit obſequiî tenor, atque immobilis alme
 Majeſtatis apex, & legum neſciæ frangi
 Vincula & æterna conſtans ſibi voce tribunal.
 Qualia in inſtabili jactantur carbaſa ponto,
 Et modo crudeli debent ludibria Coro,
 Nunc dubiû pelago obvertunt latus. horrida quando
 Tempeſtas ſtabilem abſcondit ſub nubibus Arcton,
 Stellarumque vagi fulgent errantibus ignes:
 Haud aliter, cum nulla Duces ciſesque cœrcet,
 Quam validi nequeant ævi reſcindere mores,
 Ferrea vox, nutat pariter cum principe regni.

Culmen, adorandum populis, mutatque secures
Lubrica lex, plebisque vagis cum legibus omne
Fluctuat officium, nec stat reverentia iussis.

Cenomani fortes, & non ignobile germen
Euganei Veteres, quorum bissema nepotes
Secula trahunt, proavumque stupet miracula felix
Posteritas, vestris faciles applaudite coeptis.
Simplicitas & gentis amor, jurataque calo
Cana fides, nulloque minor discrimine virtus
Invenere viam decori. parvoque potentes
Illustres anima, fistusque ignara superbi
Pectora secreti formam servastis honesti.
Non cippos statuasque aut sculptos in armore vultus,
Aut urbes libuit mundo ostentare subactas,
Non turgent stupido victorum nomina saxo,
Nec picturatis scibuntur gesta colossis.
Non hic praecunctis bellax Trajane refulges
Porticibus. non rostra Tui, non compita complent
Pompei labor, & laudati castra Severi.
Ipsa sibi precium probitas & nescia luxus
Vita fuit spreisq; bonae fulgoribus artes.
Quin potius lituos inter gladiosque tubasque
Ingeniis monstrastis iter, profugaque Camena
Thymbræusque pater tot praeluxere trophæis.
Hinc ad vestra procul concurrunt fœdera gentes,
Et Genuas bellare timet. Vos Tuschus & acer
Appulus & qui rura colit populosa Ravennas
Horret, & illa suis plus tuta Ancona procellis.
Pannonius Caesarque silent. compefcuit iras
Rex Siculus Thracesque feri placantur amando.
Nos, quibus Auriacis Hispana potentia bellis
Atteritur, geminosque volunt jam signa per axes,
Annuiamus, Dux magne, tibi; venerandaque Pa-
Prosequimur sociis longe subsellia votis, (trum
Et trans nubiferas Alpes, vallesque lacusque
Accinit Adriacis vatum fiducia sceptris.

Sic vires crevere domi. terraque matrisque
 Extulit intrepidus Libertas publica vulnus
 Suffecitque sibi. & soli debere Tonanti
 Dum caput, ignorat dominos. Qui roderet unus
 Livor erat, tanti levis adlustrator honoris.
 Nunc Batavo debere Duces, dum iura togasque
 Propugnat clari locuples facundia Belgæ.
 Scilicet illa reis ac nostris indycta rostris
 Pro vobis vult lingua loqui, calamoque tuetur
 Majorum trabeas, veterisque insignia regni.
 Munit verba Themis, priscisque annalibus ævi.
 Innumeras Astræa vices abavumque labores
 Expediit, & quantis steterit Res publica curis
 Mnemosynæ grandæva aperit. quæcunque vetustas
 Abdidit & cecis latuerunt clausa tenebris,
 Fataque fortunaque virum solertia pandit,
 Nec temerata fides. nil jam sibi vendicet Humi
 Barbaries Gothicusque furor. Romana residant
 Imperia imbellesque aquilæ. Tyberimque repellat
 Adriæ & Austriacis fultum rectoribus Istrum.

At Tu, summe virum, cuius tot raptæ per artes
 Ignea vis animi, quicquid nescire profanum,
 Mente tenet, lectumque semel letissima reddit,
 Qui loqueris, qua voce cupis; causasque clientum
 Victor agis; primæ suffragia splendida fama
 Collige, & illustris Vindex generose Senatus
 Perge patrociniū regum donare tiaris.

Scrutari si Livor amat, si vellicat ostrum
 Improbitas, summique quatit fastigiū juris,
 Expediet risisse Patres, dumque invida gliscit
 Ambitio magnæque audet natalibus urbis
 Obgannire malus, pro Libertate focusque
 Districtum Veneto posthac scrutetur in ense.

C A R M E N
E V C H A R I S T I C V M,

Ad Illustrissimum Heroem,
& Dominum,

D. WILHELMVM HERBERTVM,
Comitem Penbrochiæ, Supremum Serenissimi
Magnæ Britanniæ Regis Dapiferum.

Qua nova Romulidum maneant praconia cur-
rus,
Quantus honos surgat Ducibus, cum vincula catenis
Gallia, cum domito luxit Germania Rheno,
Et vinci potuit Marcello Consule Pœnus
Hannibal, & centum decreta est laurea bellis,
Ostendit terris Latium. vexere superba
Pompejum Mariumque rota, fremituque secundo
Excepere suos olim Capitoliæ Paulos,
Scipiadasque duos. illis post classica Mavors
Tempora murali fertur finxisse coronâ;
Serta triumphantes aliis, plaudente Senatu,
Cinxerunt rostrata rates: huic quercus honores,
Illi vile tulit gramen, fragransque capillis
Myrtus, & in levibus fulsit victoria ramis.
Nec palma fuit amplius honos. quasitaque Gracis
Gloria, cum rapidis tremere sub curribus Elis,
Argolicosque duces tenui vestiret oliuâ.
At, quæ Palladiam maneant insignia gentem:
Quos studiis fortuna deos, quæ sceptræ Camœnis
Conciliet, quali radiet Barlaus in auro,
Exemplum tibi Belga sumus. docuere Britanni,
Quo vates scribant precio, donumque tiora,
Per mea fulgentes ludunt jam colla catena.
Ecce renascentes regum clementia Musas

Erigit,

Erigit, & multo rector sublimis in ostro
 Ad uia signa iubet spretas revirescere lauros,
 Claraque Pegaseis donat suffragia curis.
 Nam velut adversos animosior exit in hostes
 Miles, & excusso Martem terrore lacescit,
 Cum vexilla levant, mediisque voluita cumpis
 Tollunt signa duces, & celsa sede, laborum
 Præmia pugnantum Princeps antè ora locavit:
 Haud aliter Claria sublimis signifer aule
 Augèt spes vatum Carolus: quin vindice tanto
 Manant Castaliæ rivis majoribus undæ,
 Antraque Pieridum, Parnasseique recessus
 Largius audaci fundunt modulamina cantu,
 Et Cirrham novus horror agit, potioraque terris
 Thymbræus responsa parat; felicius omen
 Concipiunt, bifidaque sonant oracula rupes.
 Non aliam certè sibi docta cacumina poscant
 Esse Deum, nulloque magis se principe Phœbus
 Æstimat, aut summa stringit fastigia laudis.
 Et jam Trajanos iterum, jam vivere credo
 Augustos: atavisque etiam mihi regibus ortus
 Mæcenæ decus esse cubit, tenerique pœtæ
 Præsidium diadema favet. dant munera reges,
 Et veneranda meos solatur purpura cantus.

Vos, quibus immenso turgent araria consu,
 Discite terrarum domiri, quo rectius usu
 Majestas splendeat opum, costumque sub ipsis
 Montibus emineat vatum sub frontibus aurum.
 Tu, quæ Pyramidum celebras miracula Memphis,
 Ecquid opus regale putas, supposita tueri
 Marmora sideribus? summoque è vertice latè
 Splendentem de nocte Pharon? quod perdita luxu
 Inchoet infames meretrix Ægyptia canas?
 Solæque Romanum potuit vicisse maritum
 Ambitio scelerata gulæ? cur splendida Cares
 Busta parant? cineresque etiam se fastus in ipsos

Explicat ? aut centum surgunt Cadmeia portis
 Moenia ? cur totis donantur fercula castris ?
 Insanas vorat Isthmus opes ? aut Thaide in una
 Frangit Cecropios obscena pecunia mores ;
 Dignior ingeniis merces exsurgit, & omne
 Præstringit laus ista decus, quæ debita Phæbo
 Aonias recreat titulis illustribus artes,
 Et clausos aperit fontes, atque obice rupto
 Bellerephontæos diffundit latius amnes.
 Dent sua Luculli, doctis dent splendida grandes
 Dona Titi, Tullique le vet dispendi dives
 Atticus, antiquas redimant sestertia scenas,
 Contiguo recubet Calabrum cum vate sepulchro
 Ingentis domitor Pæni : placuisse Nepoti
 Carmina lascivo possint cantata Catullo.
 Me Tamesi placuisse iuvat ; me clarius ostrum
 Ditat, & angusto Carolus circumdedit auro,
 Terrarumque illustrat apex. Quæ gloria major,
 Quam regalis erit ? non me privata bearunt
 Limina, plebei que lares, sed rector Iernæ,
 Albionis pater, & bellacis terror Iberi,
 Qui Scoto dat frena truci, iussisque coercent
 Orcades, & fronti lauros prætendit avitas.
 Quid memorare tuis generosa Britannii i terris
 Eximium vox nostra queat ? lavat Indix fessos
 Solis equos ; at fessa tuis respirat in undis
 Calliope, tristemque fovet tua numina Phæbum.
 Hic regnat, quem Cirrha colit, qui sceptræ Camænis
 Porrigit, & magno vatum permiscet amorem
 Imperio, partemque sui putat esse laboris,
 Tot coluisse Deas, gentisque attexit honori
 Pegasei decora ampla chori. dat Cantaber enses,
 Purpureasque Tyrus lanas, & serica textit
 Stamina Sidonius, secunda messe superbit
 Gallia, candenti captat de marmore laudem
 Dalmata : sed solus vectigal grande poetæ

Solvit,

Solvit, & hac noster clarescet laude Britannus.
 Hoc donante ferunt Phocæa per arva fluentes
 Castalios tumuisse lacus; Heliconæ per ipsum
 Arrisit mihi docta cohors, & prospera cœpit
 Fortuna sperare mea. mox murmure grato
 Cum Tenedo Claros, & magno circumflua ponto
 Personuit latè Delos, Pataraque faventes
 Senferunt delubra deos, & Cynthus, & ipsa
 Soraclis veneranda domus; quin conscia rerum
 Candida Grynæa fluxerunt gaudia sylva.
 Non jam desertas labiis arentibus artes
 Invoco, non laceris ultrà sapientiæ pennis
 Spernitur, aut solus mercator fœnus in undis
 Colligit, aut victor repetit post prælia miles
 Præmia. Nos rutilæ, regalia sæta, coronæ
 Irradiant, ditique graves præcingimur Indo.

Rumpe omnes, mea Musa, moras, tortisq; decoræ
 Torquibus, eximiam Tameſis te confer ad urbem.
 Et sceptris mea verba refer; Clariſſime regem,
 Progenies anguſta Deum, pro me, & tanto
 Vota tibi, vatemque damus. qui pignus honoris
 Transmittis regale tui, cape pignus amoris,
 Non illud regale, mei. quem ſcribere verſus
 Augurio meliore doces, ſe nuncupat ipſum.
 Obſequio, Rex magne, Tibi; totumque poëtam
 Mancipat, & Pimplam pariter Cirrheique ſceptris
 Subdit ſceptra tuis. quod ſi Semeleius Evan
 Vivit adhuc expers obitus: ſi flamma Prometheus
 Sufficit ad famæ præcium: ſi vilis oli va
 Inventrix fluxi neſcit diſpendia ſedi,
 Quique Pelethronii gyros & frenæ dedere,
 Et qui lina dedit Pharius; donavit ariſtam
 Triptolemus, fulgetque ipſis rex pauper in aſtris,
 Et te perpetuis inſcribent carmina faſtis,
 Iſtaque Gnoſiacam juxta tua dona coronam;
 Et Caroli ſplendeſcet honos. nec dignius ullum

Sidus erit. Phryxæa tuis concedere cogam
Vellera muneribus. tum quæ se lacteus orbis
Explicat, hic circo torquis radiabit in albo.

At tu Pieridum decus, & jam proxima Regis
Cura tui, veterum titulis illustris avorum,
Grande poëtarum columen: Penbrochia cujus
Imperius placidisque libens adsuescit habenis:
Accipe, sed facilis, Batavi responsa poëta,
Et grates, quas Belga fero. palatia per te
Ingressus Tamesina fui; conscendimus aulam,
Et triplicis regni Dominum, terræque, marisque,
Voce salutavi, ac primos gratata triumphos
Calliope pudibunda fuit. mea carmina per te
Regali sunt tacta manu, chartisque benignum
Illuxit diadema meis. O candide rerum
Arbiter, externa tollent tua nomina gentes,
Anglia nec totum capiet. Te dividis illi,
Battaviæque meæ, pariterque excellis in illa;
Hic prodesse cupis. Sic summis æmula divis
Vita tua est, moresque suos transcribit Olympus.
Magne Heros, non aurato tibi victima cornu
Cæditur, aut humiles adolent tibi thura penates.
Farra damus, pauperque tuis donaria libo
Intemerata focis. delectant casta Tonantem,
Parva licet, vilique etiam placantur in hædo
Numina. Threicium non me prope Strymonæ pugnæ
Mars docuit, mammaeq; truces admovit Amazon.
Nec mihi, quos geminis neclit Cyllenius hydrys,
Mercantum patuere doli. nec conscia fraudum
Sordida degenerem lassat solertia mentem.
Insons vita mihi est, sunt soli dedita Phœbo
Pectora. quasque suis Tamesis permisceat undis,
Castalias haurimus aquas. dare munera possum,
Sed rude carmen erunt. Tu nostris annue cœptis,
Et timida da vela rati. Tu calcar eunti
Subde, Camænarum genitor, residesque sorores
Erige,

*Erige, tu cani praebe virtutibus avi
Materiam. dicant seri post fata nepotes,
Indyta Barlaas fovit Penbrochia Musas.*

BRISACVM CAPTA,

Sive PANEGYRIS dicta Serenissimo,
Invictissimoque Principi,

BERNHARDO,

Saxoniae, Iuliae, Cliviae & Montium Duci, Turin-
giae Lantgravio, Marchioni Misniae, &c. Exer-
cituum Federatorum Regum & Principum
in Germania summo Praefecto.

S C A Z O N.

I Nobile Princeps, Martia potestatis
Sublime nomen, grande Teutonum septium,
Et astuantis fulmen acre Bellonae,
Qui gloriæ stirpis editum culmen
Transcendis armis, verticique majorum
Raptos honores lauriger redintegras,
Vltiorque prisco Casari exprobras culpam;
Vindex salustis publicæ, laborantis
Patriæ Camille, gentis Austriae terror,
Bellacis Istri Martiale tormentum,
Aquilaque per Te jam domabilis clades;
Dum tot triumphos, tot trophæa, tot lauros
Unus mereris, & secunda Germanis
Fortuna læta classicum intonat famæ:
Exurge victor, & decus paludatum
Extende factis: seculique, quo pugnas,
Vincis, triumphas, cresce laudibus miles.
Galeamque cælo, quemque dextra pugnacem
Coruscat ense, civibus tuis dona.

Scutum tyrannis, baltheumque perversa
 Oppone causa. cuspides sarissarum,
 Hastasque pro se vibret agra Libertas,
 Et profuisse credat arma Bernhardi.
 Qua nunc cruenta gloria sititores,
 Fractaeque partes hostium reformidant.
 Per Te feroces horridaque ceruices
 Dominique nutant Alpium tremendarum,
 Rhenusque se submittit ad pedes vestros,
 Largo cruore audacis urbis imbutus,
 Suosque fontes cedit Imperatori.
 Invicta postquam celsa Brisaci rupes,
 Magno reclusit fessa Saxoni portas,
 Et sceptrum sensit mitiora Burgundus,
 Quis servitutis nomen exulat durum,
 Hedusque, atrocis iussa spernit Hispani.
 Dux celse, seu jam castra lege disponis,
 Equitumque turmas ordinas cataphractum,
 Seu concitato solvis obviam cursu
 Bellator alas, impigerque pernoxque
 Astu phalanges occupas; vel adversas
 Perrumpis arces, fulminaque per Bojos,
 Et Sequanorum regna, per Salæ campos,
 Ripasque Nicri; siue pacis infida
 Voces repellis, fraudibusque districtos
 Opponis enses; vel serenior mentem
 Per prisca regum facta, per Ducum fastos,
 Et fata raptas; gratulantis applausus
 Belgæ, tuisque vota praliis misce
 Procul faventis Amstelæ, & stupecentium.
 Toties fugatis hostibus, poetarum.
 Nefas Deorum postibusque templisque
 Trophæa figi, laureaſque suspendi,
 Sine teste rerum. prima Principum cura est,
 Debere mundo; sed secunda narranti
 Placuisse seculo, posterisque victorum

Ebuccinari bella, adoreas, palmas.
 Tibi nascituro regna, scepra, fortunas
 Iuravit æther, cœlitumque mandato
 Lucina Martis robur indidit cunis,
 Interritumque pectus & spei plenum
 Afflavit illis. stabat ad latus dextrum
 Pueroque tetricam Pallas agida ostendit.
 Stabat sinistro torvus ora Gradivus,
 Gladios futura destinans juventuti.
 Lunabat arcus tunc Diana sublustis,
 Tenerisque membris acre numen infudit.
 Et quæ sereni nubilique Rhamnusis
 Mater vocatur, dum salutat infantem,
 Pro more vultus inquieta mutabat,
 Prasaga sortis asperæque blandæque,
 Et nunc remissa, nunc tibi resurgentis.
 Tunc Albis & Mosella sospitatore,em,
 Tunc Viadre, tuque Mœna liberatore,em
 Prasentiebas. tunc pater Moguntinus,
 Trevirumque pastor & Colonia mystes,
 Et præpotentum purpure Bohæmorum,
 Electa Othoni nomina & patres magni,
 Timere longè. solus in Palatinum
 Favor reflexus, suggerentibus Parcis
 Ventura serò, condolebat extorri,
 Profugæque fato stirpis ingemiscebat.
 At virginali induta veste florentis
 Germaniæ virago, basium fixit,
 Suoque lucem gratulata tum Bruto est,
 Illasa quamvis. quin Ratisbona excellens
 Futura sub Te bella deprecabatur,
 Suumque supplex tradidit Tibi civem.
 Vienna tremuit, Pæonumque rectores,
 Latique Princeps. Lipsiæque per terras
 Ivisse fertur bellicosa tempestas,
 Trepidasse Francus, Oderæque potator,

Et stirpe regum nobilis Lotharingus,
 Et Arduenna cultor in viis sylva,
 Et qui rigentis Abnoba latet saxis.
 Mox Cirrha juveni, Phocis & Claros Phœbi,
 Libethridumque templa se tibi pandunt,
 Gaudentque alumno tecta litteratorum.
 Patuere docta porticus Athenarum,
 Patuere Tyberis fulgura & triumphantis
 Roma labores, & perita regnandi
 Prætexta sapuit, imbibitque præcepta
 Lasci videnti cogitanda fortuna.
 Tum sævus Assur, sors superba Chaldaei,
 Et sæpe victus Persa cessit exemplo.
 Ninos legebas, Arsacesque Cyrosque,
 Seleucidas, Parthosque & arma Lydorum,
 Gentes subactas gentibus. Philipporum
 Fraudes dolosque, pervios Duci montes,
 Animumque Pyrrhi, principesque Thebarum,
 Trucesque rixas sævientium fratrum,
 Mandata Sparta præliantis, & Codros,
 Brennumque Cambysemque, Perseos, Turnos,
 Artes Iugurtha, Scipionis in Pœnum
 Transmissa ponto castra, Scævola dextram,
 Pugnas Sicinæ, gloriamque Pompei &
 Frontem Catonis, impetusque Marcelli:
 Hinc odia Marii & execrabiles sceptris
 Syllæ tabellas. Undecunque, quod pulchrum,
 Tuum putabas. quæ nefasta, pungebas
 Virtutis æstro. quod nocens, malum, turpe,
 Injuriosum, ingloriumque regnanti,
 Cautus notabas. quæ probata virtuti,
 Tecum probabas. scæva seculi prudens,
 Et falsitatum inexpiabiles formas,
 Scelerique toties criminique jus dictum,
 Livoris, insolentiaque, fastusque
 Invisa verba mens serena damnavat,

Non impudica Cypris obsecundabat
 Ad alta eunti. non facis Dionea,
 Inter catervas semiseminatorum,
 Praluxit astrum moribus, vel ignava
 Vacuna lumen ingeni obtenebravit:
 Non discoquebat acrior calor Bacchi,
 Heroicaque sensa mentis evertit.
 Amans honesti, temperantiae custos,
 Severitatis & pudoris ac recti
 Constans satelles, stirpe fultus illustri,
 Proavumque famam, norma lexque vixisti;
 Aulisque placidum quicquid & verecundum,
 Insigne, pulchrum, masculumque monstrasti.
 Vitaque primis, sic senex, rudimentis,
 Quaecunque profutura corde spirabas,
 Et amulanda jugiter procurabas.
 Parere Superis, Numinique Te subdi,
 Terrasque & arma, saepius fatebaris.
 Caelo probari, civibusque prodesse,
 Frenare fisci jura, parcere afflictis,
 Placidisque poenam sontibus remisisse,
 Vim mitigasse tetrici tribunalis,
 Ne diritate supplici fatigaretur,
 Atram abstulisse ab innocentibus mortem,
 Duces volebas. Sorte pluribus major,
 Minor esse amabas, & potentiae voces
 Titulosque leni humanitate frangebás,
 Cupiens amari, respiciens adorari.
 Semper benignus, comis & tenax justí,
 Tumultuantum turbines Tribunorum,
 Pravisque quotquot factionibus turgent,
 Liví fisrentis studia & Appii motus,
 Et insolentum spes facesque Gracchorum
 Vir improbabas, perduellium spretor,
 Populique rebus incubantis offensa.
 Cohibitor irae fulminantis incassum,

Ebullien-

Ebullientem spiritum procellasque
 Animi domabas, victor & tui rector.
 Peragit potestas blanda, quod nequit cruda, &
 Violenta. summos proximo gradu Divos
 Tranquilla tangit leniorque majestas.
 Plenos inanitate, turgidos cristâ,
 Scyllas, Charybdes urbiumque tot Verres
 Perhorruisti, & qui nefariis sceptrâ
 Linguis flagellant, temulentiam vani
 Honoris & socordiae reformidans.

Sic maximarum cultor usque virtutum
 Ordinis ævum, sanguinisque majorum
 Celebre nomen consecras honestati.
 Succedis illis stirpe, moribus, fama,
 Laudesque avitas amulator illustras.
 Nec vis ab illis sanctitate differre,
 Aut esse dispar, par honoribus, recto.
 Sic arma tractas, ut Deo sacramentum
 Dixisse, lex sit summa. Patriæ totum
 Vovisse Martem Bellicosque conatus
 Postrema. discis illud & doces ductor :
 Quasita bella, non coacta, damnari.
 Necessitate militas. pia ferrum
 Pro pace condis. te tueris & civem.
 Vim vi repellis. pro salute, pro sacris
 Vexilla tollis. ista causa bellorum est,
 Non inquieti fervor improbus lucri,
 Aut ira praeceps. praeliis modum figis,
 Iubesque sæpè calida castra cunctari,
 Et stare turmas. concuti carves ictu
 Suprema rerum. scis timore peccari,
 Securitate crebrius. per obscuras
 Graderis tenebras, militemque custodem
 Custode munis. fortitudinis suasor
 Praeis cohorti ; quæque confici mandas,
 Bellator audes. ipse dextera promptus

Invadis

Invadis hostem, fulgidumque, sed præsens,
 Distingis enssem. jam pedestre certamen,
 Iam dux equestre præligis. lates sylvis,
 Nunc per patentes altior ruis colles.
 Cum res locusque postulat, dolo pugnas,
 Vel Marte aperto. militaris assertor
 Et disciplina & juris efferos punis,
 Segnesque in hostem. si ferox sinistrorsim
 Bellona vergat, optimas foves partes,
 Causaque inheres, turbineque fortuna
 Ratione flectis. si proterva victori
 Adblandiatur, insolentiam sortis
 Pateris modeste, nec superbus insurgis.
 Domesticorum signa militum præfers,
 Nec exterorum spernis. illa tutela,
 Hæc apta famæ. militem asperum molli,
 Durum procaci, liberumque servili,
 Urbano agrestem, sordidoque succinctum,
 Habilemque pluris pendis. ara, pignantum
 Stimulos facesque, colligis. negas dignæ
 Mortis capaces esse, quotquot exhaustis
 Loculis inerrant. nec, famentibus castris,
 Stomachos fatigas indigentia frugis.
 Jejuniisque expectoras fatiscentes.
 Frugalitatis, parsimoniæ cultor,
 Non temulentis farræ digeri buccis,
 Perfers; focosque prodigos tabernarum, &
 Ligurientes cellulas popinonum.
 Hos præmiis laceassis, hos minis terres,
 Raptoribusque infestior manus puras
 Vis esse Marti, nec nocere pacatis.
 Non bruma, non Te Cæciæ procellosi,
 Nivesque tardant, non iniqua terrarum,
 Rigidæque rupes montiumque prærupta,
 Non fluminum profunda. quæque tempestas
 Annique vultus quilibet tuis signis

Exercet hostem, nec quiescit hybernis.
 Te Trava, Suevus, te Chaloufus armatum
 Vexere, & udis copiae Lichi ripis
 Et Neccaro stetero. Mœnus & laxo
 Visurgis alveo, & Albis & tumens Oenus
 Et Luppiæ fluentia sub tuis armis
 Strepere pressa. plausit Hercyni saltus,
 Semanæque lucus & nemus Turingorum
 Gabreta, & umbris Martiana caligans
 Sonuere lituis. celsus Abnoba vertex,
 Et Tarnus, & Meliboci cava valles
 Et militantis conscii Ducis circum
 Fremuere colles. Vandalusque Quadusque
 Et Marcomannus, & Cheruscus & Catthus,
 Hermunduri, Sedusii, atque Narisci,
 Et Norici favere ad alta tendenti,
 Suisque supplex mœnibus fuit Francus.

Tunc magna tellus, mater Allemannorum,
 Grandæva genitrix Teutonis, labor Roma,
 Peculium prælustris Ariovisti,
 Hospes vetusta se tuentis Armini,
 Vari sepulchrum, gentiumque tot nutrix,
 Distracta crines, squallido rigens vultu,
 Tot urbium, tot fœda civium clade,
 Mœrens dolensque litis improba partes,
 Cruenta fata Principum & Ducum incusans,
 Iam Ferdinandis victa, jam Palatinis,
 Incerta, cui se scissa debeat totam,
 Ignara, cui se fracta dedat integram;

Hæc dixit Orbi, VVimarumque Ductorem
 Sic allocuta fertur: O Iovis semen,
 Magnanime Princeps, debitum genus cælo,
 Tutela Patriæ, spes labantium rerum:
 Vbi meorum est lux vetusta sceptrorum?
 Vbi tuorum vis decusque regnorum?
 Et pristino splendore clara majestas?

Nuper

Nuperque magni gloria mea fasces?
 Vbi Teutonum prebago, & heu, tui cives,
 Germanæ pubes, flos præientis Europa,
 Informis obsoleta foras lucus?
 Tot Principum regina, tot potestatum,
 Quam fronte prona laureisque submissis
 Colere Reges Casaresque; nunc sorti
 Erepta tanta lancinor, trahor, jactor,
 Nullumque non Mars efferus nefas audet,
 In me tyrannus; barbarusque grassator
 Novæ meorum insanus incubat præda;
 Animosque sævus à licentia sumit.
 Incendisque & mille, pacis exortem,
 Mulstat ruinis. funera inter & busta
 Gradior potentum, & cassa lucis, atrata,
 Delapsa celso culmine & statu laudis,
 Opprobrium sum ludicrumque Fortuna, &
 Ferocientis undecunque Bellona.
 Septentrionum rector, orbis Arctoi
 Formido, cujus Moschus horruit signis,
 Et Sarmata ingens & propinquior Cimber,
 Quem Vistulam ultra, marginesque Tarunti
 Dunamque & Allam Martis impetus trussit,
 Borysthenesque verticesque Riphæi,
 Tanaisque penè fontibus suis tinxit;
 Cui Finnis armis Lappioque devoti
 Stravere ferro semitam, & viam belli
 Fecere pelago; Botniaque trans pontum
 Posuere nostris militum globos terris;
 Calamitatis ultor adfuit tanta,
 Dextramque vindex commodavit afflictæ,
 Lapsæque primus spem salutis ostendit.
 Quippe imperator Rugiis stetit campis,
 Marisque latè Balthici triumphator
 Promovit arma, Vandalosque Gotthorum
 Virtute domuit. arcibus suis longè

Exiit

Exuta Viadri ripa cessit Augusto.
 Stralsunda vallis obsidentium cincta
 Amovit hostem. tota Regis adventu
 Gavisæ tellus Principes sibi reddi
 Dominosque vidit. languit furor Tilli,
 Mihique fuso exercitu parentatum.
 Cum federati clara Saxonis virtus
 Pars esse belli voluit, illa trans Albim,
 Salamque iere signa. semet Erphorda
 Devovit ostro. purpuraque Suecorum
 Herbipolis & Moguntius fidem dixit,
 Hannovæque civis. Arctos immerisit
 Lavitque Rheno frena. trans vias Drusi
 Trophæa fixit, per domos Tabernarum,
 Isaræque celeres alveos, per & Parma
 Processit agros, Alpiumque per valles
 Traxit stupendum sors secunda Gustavum.
 Iam tum serena fronte visa Libertas
 Reddi gementi patriæ; & minus nobis
 Metuendus Ister, Pannonumque jratæ
 In me cohortes, copiæque Frielandi,
 Et Austriorum vis laborque se fregit.
 At triste fatum & non amabilis Parca
 Volubilisque immite sortis edictum,
 Felicitatis mersit obsidem nostræ,
 Boreæque regem mors acerba mactavit,
 Meisque rebus lene Numen avertit.
 Hac clade victor Tu, superstes extincto,
 Bojos fugasti. funerique vindictam
 Tot legionum manibus reperturus,
 Hac funera inter & neces triumphasti.
 Salva phalanges, scuta, tela Fimborum,
 Cadente Rege; Teque sospitatore
 Asserta res est, Saxonumque per rura
 Lux una vidit occidens mihi sidus
 Resurgere in Te; regioque sarciri,

Te stante, casus. tunc secunda permiscens
 Divis Olympus laureamque taxumque
 Suspendit in me. quamque straverat mæstam
 Fatale Regis vulnus, unus attollis,
 Spoliisque & urnæ restitutor incumbis.
 Et justa solvens ultor expias damna
 Victoriarum laude. præficas inter
 Sonnere iisdem sedibus tubæ & lessi.
 Sueonumque, Te jubente, castra dum vincunt,
 Fiducia luctum, corda diluit mæror
 Accensa honorum alebriis. stetit gaudens
 Gemenisque belli Diva, condolens sceptris,
 Et gratulata. Tu Ducum caput, Princeps,
 In Sorabos Lusatiæque secessus
 Propellis aquilas, Noricasque progressus
 Invadis urbes, limitesque Suevorum;
 Dominiisque iura civitatibus dicis.
 Qualis remissis viribus labascenti
 Humeros Atlanti commodavit Alcides,
 Cum machinæ cœlestis editum pondus
 Nutare visum est: talis integros Regi
 Supponis artus, belligerque constansque
 Fulcis ruentem. Tu velut suis ales
 Phœbea bustis surgit, & quatit pennas
 Flammis renata, post cadaver Arcionum,
 Cineresque vivis regio & ingenti
 Terrore Dravum nominis tui sistis.
 Magnisque Balhim & Gallias tibi pactis
 Annectis, Heros. ac potentibus munis
 Tua bella regnis. undeque Te spectant
 Gentes propinqua, quasque semovet longè
 Diffusa Tethys. Te Patres Batavorum,
 Te purpuratus Adir, & valens Cimber
 Procul tuentur. & Britannia rector,
 Bellaxque Scotus vota reddit absenti.
 Hoc restat unum, ut quæ potentior Rhenum

Coërcet

Coërcet altis nixa Brisacum saxis,
 Infracta moles, gentis Austria robur,
 Spelunca Martis prisca, carcer armorum,
 His cedat armis, laureæque victrici,
 Devicta tandem, gloriosa se intexat.
 Hinc Heduus omnis, Sequanique & in partes
 Ibunt Triboci, Rauracusque vicinas
 Recludet Alpes, Liliisque Francorum
 Germanus acer nelet Imperi causam,
 Viresque regum pontibus sibi junget.
 Quin liber atra servitutis exemplum
 Nolet vocari. pristina renascentur
 Leges, mihiq; lux redibit oppressa,
 Pietasque puros reddet ætheri cultus.

Hæc dixit Illa. cum tibi novo Princeps
 Tumueremotu pectora, & pia Matris.
 Ignis querelâ exarsit ossibus vindex.
 In casside altè stare visa bellatrix
 Minaxque crista. quoque Dux vchebaris,
 Sonipes severum infrenduit: solum pulsans
 Et auribus plus bellicosus arreâis
 Efflavit auras naribus. truce miles
 Vibravit hastam, baltheoque fulgentem
 Suspendit ense. frena Castor excussit,
 Pugnasque Orion, Herculesque Persensque,
 Quæque astra Getici tela provocant patris,
 Micuere cœlo latius. retro pulse
 Fugere turma. capta prima Rhensfelda est.
 Trajecta castris flumina. arcium passim
 Perrupta claustra & obices Friburgorum,
 Claudique vallis alta Brisacum caput.
 Tunc ara & omnis telæ Lemnos excussit,
 Steropesque Brontis & Pyracmonis Brontes
 Opere institere. ferbuit labor bellâ
 Tot officinis, nec soni quieverere
 Incudibus a. ti. pila, scuta, quadrigæ,

Faces, securæ, cassidum cavi ventres,
 Vnci, bipennes, fomitesque flammæ
 Properata pugna, foliisque fluxere
 Metalla crebris. subruit minus terras,
 Industrioque cessit unda fossori.
 Crevere colles, aggresque castrorum,
 Munimurumque vis frequentior glebis
 Inclusit urbem. formæ machinas dispar
 Distinxit. hæc se more cornuum adve-
 Obtendit hosti. hæc fronte semilunari,
 Hæc circulo robusta. ferrea adspexit
 Urbs castra circum, fornicesque Divorum,
 Delubra, & aras & focos dolet cingi.
 Obiere muros Dyrrachi & Platearum
 Ducum corona. obsessa turribus victa est
 Alexiæ audax, & Saguntibus & Byrsa,
 Carthaginisque mœnia, & Tyrus lxxi
 Domitrix profundæ. non minor laborantis
 Hic cura dextra Brisgæ imminet portis,
 Fluviusque legem ponit, objicit septa,
 Laxat, coercet, obstruit, secat, munit,
 Et cingulo arces stringit & caput circo.
 Hic sæva magna se palestra virtuti,
 Bernharde, pandit, parvuloque concludit
 Alimenta ludum tramite. aream sternit,
 Partique arenam; quæ cadentibus famam
 Munulosque donet. procubas cruentatis
 Teros in agris, straminumque structura
 Domos ministrant. pro cubilibus saxum est,
 Aut uda vallis aut fragosior ripa.
 Non mensa luxu diffluit, nec exactas
 Pæpes moraris. sufficit Duci, quicquid
 Utis est fovendo militi. nec hunc ipsum
 Discernit à Te delicatius sumen,
 Mænesque docta. damnat annus obsessos
 Quovis sub astro. non retardat inceptum

Chiron

Chiron severus, Scorpiique pungentis
 Fatale sidus. frigus horridum Capri
 Domas ferendo, & Plejadum procellosos
 Hyadumque, Dux Serene, sustines imbres.
 Non nix stuporem Alpina rebus inducit,
 Non pigra glacies Amphoraque tempestas:
 Non lapsus altis montibus furens Caurus
 Stitere motus. omne commodum tempus,
 Patriam asserentis gloria. tuba rancio
 Sonuere cantu, classicique permixti
 Strepere litui. territantque ballista
 Evomuit ara & alta tecta concussit.
 Irrubuit ensis & cruore pignantum
 Tepuere dextra. suffodis per ambages
 Penetrare Vestæ, & ignibus graves terræ
 Diffindis artus, promovesque secretus.
 Prasente te ferocius ruunt turme,
 Sociisque Gallis amulam erigis gentem
 Ductor fidelis. obvia necis spector
 Exempla præbes militisque patrisque;
 Periculique conscius Tibi parcis,
 Tuosque servas providus Gubernator.
 Velut leana, quam sequuntur imbelles
 Catuli, ferarum morsibus laceffita,
 Libycisque mater impotentior monstris,
 Nondum excitata prospicit sagax proli,
 Antroque se recondit & latet prudens.

Interea avidis sedibus minax prodit
 Austrasius, & Vefontio manus lecta
 Ararisque potor, accolæque Iurassi,
 Leucique Lingonesque & Adulæ cultor,
 Moturus arma. venit Ister adversus
 Savusque & Albis & Visurgis & Mœnis
 Nabus Nicerque copias profuderunt.
 Nescis timere miles, & tua frenum
 Fama relaxans, flumen inter & muros,

Hostesque

Hostesque & urbem & hinc & inde depugnas,
 Cinctusque cingis; nec ferens diu cingi,
 Aquilas propellis. rumpis agmen hostile,
 Repetita toties signa victor invadis,
 Ducesque captos curribus triumphator
 Per regna vectas Sequanaeque transmittis.
 Sedit Savellius, compedesque felici
 Elusit astu. Golzii lacescentis
 Retusa telum. versa saepe pugnantis
 Fortuna VVeerti, carceres no vos mordet,
 Irata fati. caesa Getzii castra,
 Fractique vallis imminentium insultus.
 Vt cum procellis pulsa Tethyos rupes
 Immotata perstat, vis hebescit undantis
 Ponti, furorque languet & retrò spumans
 Se flectit unda, & impetus suos damnat.
 Fugere Fauni, Najadesque & infastos
 Pepulit Menalcas ira Thracii patris,
 Cererem Pælemque & quotquot horridis Divæ
 Fugantur armis. undequaque perculsas
 Tremefecit urbes triste Caesaris fatum,
 Burgundioque & prisca Cantabri sedes,
 Incerta belli sensit & querens diros
 Casus suorum vota Brilaco fecit,
 Rectoribusque mæsta favit Habsburgi.
 Ast umbra fortis expianda Gustavi
 Stimulos ruenti subdidit, nec incassum
 Pugnare passa est Saxonum decus stirpis,
 Tot fulgidum propinquitatem primorum,
 Imaginumque & sanguinis vetustate,
 Ilmaque dominum. clarus ultor excisas
 Arces domosque, stupra virginum, cædes
 Lachrymasque vindex civium recognoscis,
 Punisque causas. Tu superba successu
 Nortlinga, tuque misse fontibus Betis
 Sublimis Infans, regis Asturum frater,

Magno flagellas laqueas tuas luctu,
 Credisque vinci posse signa victorum,
 Vnique semper non favere cœlestium
 Decreta pari: dissidere Neptunum
 Phœbumque: Cyprin Pallademque: diversa
 Amare Superos, & vagæ rotæ sortis
 Versare regnis: occubare Gustavos,
 Orbique rursus excubare Bernhardos:
 Superare Finnum, cadere, & inde plus tolli:
 Et nunc Croatam, nunc Gothum triumphales
 Agitare currus, dividique, quod lætum est.

Cum castra, Princeps, poneres, tamens fastu
 Brisgoia torva voce sic peroravit:
 Quid bellicose me laceassis infestam
 Et poscis Heros? quid manu Gigantæa
 Divum minaris culmini & petis cœlos?
 Cur Ossæ Olympum imponis atque Athon Tauro?
 Audēsque non audenda more Titanum?
 Hinc vorticosa prebet unda tutamen,
 Einc montium se Brisacum jugis abdit,
 Et ridet iras incipientis obsessæ.
 Adventat Istro miles & Tagi gazis
 Suffulta virtus inquieta pugnabit.
 Perrumpet aditus, elusitæ Caesar insringet,
 Castella fortis asseret manus Boii.
 Cedant Leoni cuncta, dum stet invicta
 Hac una nobis, quæ petit & tot castris
 Contempsit hostes, & Deum stetit iussu
 Robur potentis imperi, domus Martis,
 Tutela Rheno, Rauracique munimen.
 Hac Arabis usque Petra, Dux, inaccessa est.
 Regi & tot rerum & tot urbium princeps:
 Rupes aquisque transvola. nequit terræ
 Excelsæ vinci. si fame premes duram,
 Fiet Saguntibus, aut Numantia & qualis:
 Perusia seua cessit impotens Roma.

Aut liberata Mutina maximo Pansa,
 Vel pertinaci Zama restitit Tybri,
 Forti Metello Thala, & altior Capsa.
 Quin sacra cælo templa, sacra mitrato
 Delubra patri, & sæculi fides cani
 Religio & ara præstitesque defendent.
 At illa flocci, magne Saxo, fecisti,
 Virtute major; Martioque conatu
 Superbientis oppidi incolam audacem,
 Ieiuniis victuque paupere attritum,
 Tandem otiosis dentibus fatigasti
 Cecidere civi, Præsidique præfracto
 Animi priores, & cupido Mavortis
 Ardorque pugne, & auxili resederunt.
 Spes devoluta. lapsa cassis armatis,
 Hasta lacertis, servidaque & insana
 Tremuere dextra. jura pacis oravit,
 Tuæque celsæ Brisacum manu capta est.
 Quem timuit antè, quem ferocior spre vit,
 Dominum fatetur, & modesta victoris
 Prostrata pedibus, obligat sacramento
 Fidem suæque lata de vovet portas.

Mox civitatum dissoluta certuim
 Succubuit Ilma Misniæque rectori
 Ecce virtus. te refectus Obrincus
 Nova frena sensit. alteroque Burgundius
 Sub capite cristas sustulit. nec antiqua
 Se lege voluit Tullium cœrceri,
 Non Nozarethum, Claudium, & acre Pontarum.
 Augusta plausit Rauracorum & Argento-
 -Ratense culmen turribus tuas laudes
 Suspendit altè. rumor ivit in Vispos,
 Et trans Saonam sonuit horror armorum.
 Polichnioque & incolis Salinarum,
 Mombosioque Cromatoque Palmæque
 Et Portizone, rupibusque Iustini,

Doleque metuit Dubis, & tua vidit
 Monumenta fortitudinis Visontinus.
 Tunc Iura valles & Vogesus implevit
 Clangore belli. Danus & Lupi fontes
 Ararisque gesta miscuit suis undis.
 Te res gerente latius, suis latè
 Progressus oris, Vandalumque de stagnis
 Herulumque gente, sedibusque Cauchorum,
 Invasit Albis rura miles Arætoris,
 Metu solutus, & manu Marazinum
 Cecidit agmen exiitque Gallazum,
 Et barbarorum copias Croatarum.
 Que terra clade Tillii caput cælo
 Erexit altè & Lappionibus debet,
 Horrescit armis, Suecieque, victrici
 Digressionem, prisca bella restaurat.
 Per Te maniplos laxat ira Baniri,
 Istrumque rursus provocat fatiscentem,
 Vbi VVutikindos, Saxonum genus clarum
 Atavosque grandes fama sustulit terris,
 Ducemque Dresda turribus suis claudit,
 Urbesque in urbe Molda plurimas lambit.
 Te præliante, tutior suas Francus
 Morinis cohortes intulit; nec Hispanum
 Scire passus tanta castra distinxit.
 Te præliante, nos ferociam Scaldis,
 Sortemque tulimus mihi Sicambrorum.
 Te militante, militavit Europa,
 Secura vinci, Caesarumque fortuna
 Illisit ather, plurimusque bellator.
 Nunc, à triumphis urbibusque de victis
 Exorsus annum, gratulantium voces
 Regumque vota colligis, Ducum summe,
 Ligerimque socias Sequanamque Savoni
 Vi flore in uno: nempe causæ communis
 Boreale littus ammat & ciet Gallum

Batavosque

Batavosque Patres. Rhodanus & rigens Vrsa
 Et Mosâ junctas offerunt potestates,
 Faventque fatis Austria laborantis.
 Tibi in trophaum sternit integros montes
 Lucosque Bônis, impigerque Scritfinnus,
 At Cerere multa, pampinisque botrisque
 Lyæus & Garumna Principi occurrant,
 Frugesque donant civitatibus victis.
 Batavus stupendis scripta nuncupat factis,
 Consors laborum, & Aonium tuis lymphas
 Adspersit ausis, concitatque Parnassum
 Et antra Phœbi. signa sapius fastis
 Victoriarum, seculoque, quod currit,
 Inscriptis æstas. hanc tibi magis fulgens
 Et clara meritis bruma conficit laurum,
 Et sacrat ævo. Nil faetetur invictum,
 Iovisque metuit sedibus Deus belli,
 Cum ferreas trucesque diruis portas,
 Vætesque solvis arcumque compages.
 Fiduciamque industria erigis pernox.
 En ipsi cœlo lapsa te volat circum
 Bellona victrix, & tibi novas scribingit.
 Animosa turmas, fervidosque succendit
 Frendens caballos. Curribus tuis juncta
 It Cura prudens, nec Labor fatigatus
 Gerit ligones, aggeresque molitur
 Et castra figit. at Timor catenatus
 Livorque pone inglorio gradu vadunt.
 Sed una vox Germania renascentis,
 Patriæque spes est, & favor saluantis
 Per rura latè funditur colonosque.
 Accurrit acer Rauracus, venit letus
 Potor Sazonæ. masculæ juventuti
 Comes senectus accinit triumphanti.
 Famosa Caci tecta, regis Augiæ
 Infame stabulum, quasque dira cervice :

Et colla forti Ierna torfit Alcida,
 Stupuit vetustas, & ferocis Antæi
 Stymphalidumque monstra, quasque Busiris
 Madefecit aras & gravem Cleonæi
 Rabiem Leonis. Tu secundus Alcides
 Majora victor conficis. nec injusta
 Sinis imperantum impune sceptrâ grassari,
 Domitor malorum, injuriæque depulsor,
 Causæque constans sanctioris antistes.
 Inter furentis uda flabra Vulturii,
 Et sævientis nubilas minis Cori,
 Inter pluentis horridi Iovis nimbos,
 Nunc siderum torrentium traces flammæ,
 Nunc siderum rigentium feros vultus,
 Inter vadosa septa fluminum pugnans,
 Inter tot hostes, hostiumque tot pugnæ,
 Et hoste cinctus, sævientibus fatis
 Bello, procellis, hostibusque & annonâ,
 Et paritate exercitus & armorum,
 Tandem ruentis oppidi refers palmam.
 Stent, cymbala orbis, essedis suis Pauli,
 Mariique fortes. tolle Roma Marcellos,
 Brutosque Cassiosque. regnet Augustus
 Domitis Sicambris, Dalmatisque Rhatisque,
 Getis, Sævis, impigrisque Bastarnis.
 Perennet audax Brennus & Cimon Grajus,
 Ajax uterque. assurge Theseo civis,
 Argosque Adrasto, tota Iasoni Colchis.
 Et nostra Brutum secla, nostra Marcellum,
 Et æmulantem genuit Ilma Bernhardum.

Hæc bellicosi sentit urna Mauriti,
 Proavumque Manes. ensiferque Fredricus
 Nepote gaudet exigente vindictam.
 Erepta regnis decora singulis reddis,
 Cineresque capti Saxonis reviviscunt
 Clarentque per Te. compedes Ducis magni

Dissolvit

Dissolvis heres, posthumusque defensor.
 Tuis triumphis gliscit indoles Fratrum,
 Bellique crescunt conscientia iusti.
 Supposita Boreæ grandis umbra Gustavi
 In te resurgit, & retundit Australis
 Imperi i terra, & limites Tribochorum
 Tricassique Lingonasque transcendit.
 En, miles arma concrepat, facit ludos
 Cataphræti ordo, cominusque vibrantur
 Hastæ minaces. & pedestrium turba
 Divisi in alas exit obviam signis,
 Laurosque tollit. rumpit æthera in plausum
 Catapulta clangens, & vagam ciet famam,
 Populisque gesta admurmurat peregrinis.
 Hæc Fama Etæno nunciat, maris Faunus
 Deo sonanti, buccinæque Tritonis
 Ultra columnas Herculis, super Calpen
 Abylamque rumor torridum ferit Maurum,
 Gadesque de te & insule Britannorum
 Et prisca Thule loquitur, & tuas narrat
 Pugnas Caledon, Hebridesque longinquæ.
 Castella mæret, Duriusque perculsus
 Avertit amnem, Sicorisque, Iberusque,
 Et triste Siculo nuncium innatat ponto.
 Quid? regna latè pervagatur Aurora,
 Et occidentis dis palatium Phœbi,
 Nigrinque adactum. rector Ottomannorum
 Asiaque fulmen gaudet acer Osmanus.
 Monumenta laudum cernimus sacrosanctis
 Suspensa templis, fornicesque Divorum
 Per te subacta spolia gentis ostentant.
 Tibi Deorum quisque præmium sacrat,
 Gradivus enses, lumen ingeni Pallas,
 Bellona robur. scuta Mulciber cudit,
 Audaxque pectus are triplici cingit.
 Triptolemus ad te mittit integras messes,

Puerque tedas cogitat Dionaus,
 Et par cabile Principi venustatis
 Decernit alina Cypris. oppida arridens
 Cybele recludit, turribusque circumdat
 Turrita frontem. Liber expedit lynces,
 Pharetras Apollo. sed Diana bellacæ
 Ministrat arcus, magna Iuno thesauros.
 Pales virentes graminum thoros sternit,
 Pan mactat agnos, Æsculapius gallum.
 Implet corollis cassidem senex Nereus,
 Algaque cingit margines corollarum.
 Astra a iuris imbuunt sacris mentem,
 Gladiumque donat vindicem, & pias lances.
 Aurora vigiles advehit Tibi luces,
 Lenæque spondet serus Hesperus noctes.
 Felicis ævi filia prorogant Parca.
 Hermes loquendi copiam facit lingua.
 Torvusque quamvis, spondet astra Saturnus,
 Tirynthiumque Iupiter locat iuxta,
 Nec Perseo vult cedere imperatorem.

Me, magne Princeps, iussa tot Camænarum
 Heu claudicantes devovere Scazontes
 Voluere factis grandibus. Furor Phœbi
 Phœbasque vatem insana raptat imbellem,
 Testem triumphi, gloriaque rerumque.
 Tu Stilico noster, tu Probinus his Musis
 Alimenta præbes, tu celebris Arrides
 Apollinari victor insonas templo,
 Tumidisque cinctam fluctibus moves Cirrham.
 Hac macte, Ductor, laude. pacis ad sortem
 Hoc vade gressu. quod nequit Palatinus
 Supplex precando, miles impetra bello.
 Cogendus hostis, quisquis exuli lenem
 Avertit aurem. Sit locus pio Marti,
 Vbi pulsa causam vindicare libertas
 Pietasque tentant. jura stirpis instaure,

Te tolle victor, tolle sceptrum majorum,
 Et abnepotum, Misniaque solamen
 Fulci Thuringum. Saxonem vacillantem
 Inter potentum jurgia & truces lites
 Pactis aduna, fraudibusque distractum
 Tibi revinci. discat & sciat Caesar,
 Debere paci: certisq; regnari
 Bellum cavendo: inglorium, triumphare
 De cive cives: imperare sat late,
 Quicumque iuste: pluribus potestatum
 Vacare mundum, nec regentis unius
 Hunc esse totum; possidere pacatum,
 Qui norit uti: corrigi refragantes,
 Placide ferendo: incautusque decidi
 Bonis potentum. restituta concordies
 Tibi Bulla Patres colligat; sacra passim
 Leges resurgant, criminumque tot formas
 Profunda Lethe sorbeat, nec adversis
 Germana signis gens diutius pugnet.

P A N E G Y R I S,

De laudibus Eminentissimi Cardinalis,
 A R M A N D I I O A N N I S
 P L E S S I A C I,

Richelii Ducis, Franciæ Paris, &c.

H Actenus Auriaci laudes & bella potentis,
 In Batavis, Belgæ cecini, patriaque labores,
 Et pugnas laurosque meæ, tot subruta flam-
 Moenia, concussasque animis audacibus arces; (mis
 Nunc procul occiduo partos sub Sole triumphos,
 Nunc & in Aurora thalamis, spoliataque ditis
 Transtra Tagi, captamque Peru. dum pronior æther
 Nos videt, ingentique gravis fortuna Philippo

F 5

Incubat.

Incubat, Hesperique quatit fastigia regni:
 Nostra per Aonios diffundit nuntia colles
 Calliope, gestisque Ducum se miscet Apollo,
 Et lituos inter Phœbi cortina remugit.

Nunc nova Purpurei sument exordia fasces.
 Et Te, magne canam Richeli, cui fata tuendi
 Borbonios, partes tribuunt; & Gallia semet
 Credit, & hoc uno gaudet sub Sole renasci.
 Non mihi jam magnus Stilico, non grandis haberi
 Parmenio, Cyneasque potest. si Roma stetit.
 Consiliis, fidoque potens suatore Macedo;
 Si pro te toties facundia, Pyrrhe, locuta est;
 Nec pater Atrides, clavo sine Nestore, celsum
 Ilium & Hectorea subvertit moenia Troja,
 Neptunique domos: etiam secunda bonorum
 Posteritas, Armande, tuis palatia curis
 Fulcit, & in Druidum sapiens miracula terris
 Parturit. augustis per te reverentia sceptris
 Crescit, & in mediis exsurgunt Lilia bellis,
 Et melius, Dux celse, tuo sub sidere fragrant.
 Nam veluti vastos spatiis immanibus orbes,
 Flammiferique rotat sublimia corpora mundi
 Vis occulta Deum, nostrisque illabitur oris:
 Sic tuus immensum, quem Gallia conficit, orbem,
 Totque movet populos animus, grandeque per artus
 Spiritus it, magnoque sagax se corpore miscet.
 Qui trepidos olim validis cervicibus axes,
 Nutantesque Deos & totum tor sit Olympum,
 Fabula prisca fuit vatum. Te cernimus omnes,
 Magne gubernator, patrio supponere mundo,
 Hoc, quodcunque tuum est, inconcussosque periclis,
 Et nunquam fessos humeros, & pondera rerum
 Imperiique vices & tanta negotia solum
 Ferre diu, nullaque quati formidine fortem.
 O mihi si liceat solitis intendere nervis
 Barbiton, & cunctis fas sit Te dicere terris,

Nec

Nec tua semoto longè clementia vati
 Abnueret, solumque tui levis umbra favoris
 Gratiaque has ipsas involveret aqua Camænas,
 Assurgam Tibi, summe Ducum. si fœdera Belgis
 Cum Gallis infracta vigent; concludor in illis.
 Et jungor quoque Belga tibi, Regique, tuisque.
 Incola Battavia tanti pars federis adsum,
 Quam vis digna minus. neq; nos, Arinande, videbis
 Indecores. Tu grande decus mihi conficis unus,
 Dum caneris, pretiumque ingens sibi fœnerat à te
 Ya potens. nova Palladia subnasceris aula
 Materies, vestroque feror sub nomine vates,
 Purpuraque Amstelii tua plus fulgebit in undis.
 Quaque vehent merces, etiam Te transtra ratesque
 Per fluctus pelagusque vehent, Solisque cubile
 Belligeræque legent Indis hæc ipsa Meluccæ.
 Hæc audet tibi Musa loqui. fiducia Phœbum
 Erigit impavidumque facit. proscripta pudoris
 Causa jacet. quæque ipse colis palatia, Princeps,
 Ingredior, radiisque tui percussus amoris,
 His ipsis, quam nunc condis, sub mœnibus urbis
 Abdor, & hæc nostra, quamvis trans æquora, Musæ
 Fundamenta locant. Et jam subsidere terras
 Exuperior mundumque mihi. dum surgis in altum,
 Tollor humo, tecumque procul per nubila raptus,
 Ipsa tuis, Richeli, transcendam sidera fœlis.
 Nec referes, me vate, pedem, nisi parte locatus
 Ætheris. hic ubi sublimis sua brachia Perseus
 Porrigit, heroumque domus animæque locantur
 Semideum. fulgensque boni rectoris imago
 Invidia fines sola virtute reliquit,

Est Deus, quæ medios hominum se fundit in actus,
 Conscia præteriti & sortis præsaga futura,
 Arbitra difficilis causa, Prudentia, centum
 Prædita luminibus, longis venerabilis annis,
 Mille modis edocta vias insistere recti,

Mille modis edocta mali depellere formas,
 Et coeptis instare suis, fortemque periclis
 Objectare animum, dubiis non fidere rebus,
 Nec male consultos vulgi sprevisse furores,
 Nec metuisse nimis. capit à discrimine laudis
 Incrementa sua, & fortuna libra secunda
 Iratis didicit sese submittere fatis.

Hæc regina tuis, Ductor fortissime, cunis
 Adstitit, & tibi dum Lachesis prosperrima ducit
 Stamina fatidicaque legunt ventura sorores
 Tempora, prævalida jam tunc ratione subegit
 Devotam sceptris animam. quæ nata fovendis
 Regibus, hos ipsos tibi promittebat honores,
 Quos geris, & sacro cunabula merfit in ostro,
 Fasciaque irrubuit teneris circumdata membris.
 Quin sic orsa loqui: latis Puer inclyte, dixit,
 Auspiciis ordire diem. tibi magna parantur
 Nomina. secretis Regum servaris, & in Te
 Inclinata suis requiescet Gallia triplex
 Ponderibus; causasque Ducum, populiq; Patrum
 Et mundi dirimes lites. Tibi templæ laresque (que
 Debebunt sub Rege pio. geret inscia fraudis
 Dextra pedum, pastorque gregi rectorque præibis,
 Et columen tutorque tuo. cœlique minister
 Præsidium telluris eris. distincta tenebis
 Imperia, & Superis pariter nobisque vacabis.
 Inveniet doctrina viam. experientia rebus
 Sternet iter magnis, & Regum sola favorem
 Inconcussa fides poterit constansque mereri
 Majestatis amor. certè sub Præsule tanto
 Castalii largis manabunt fontibus amnes,
 Antraque Pegasidum & docta Tritonidis arces,
 Euboicaque tibi condent oracula rupes.
 Quin procul è Batavis fundet præconia dives
 Amstela, & externas agnoscet Sequana laudes.
 Vt dixit, germana soror Constantia juxta

Os ape-

Os aperit, geminisque latus suffulta columnis,
 Quis ilis adorando graditur per regia passis
 Limina nec vano populi terrore vacillat,
 Hac effata fuit : quantum Facundia possit,
 Eloquique vigor mentesque inflectere docta
 Suada potens, odiiq; animus contemptor iniqui,
 Exemplum dabit iste puer. non improbus ardor,
 Non queruli in dominos civis furor, iraque fervens
 Livoris facibus seclique afflata veneno,
 Non conjurata totis se opponere castris
 Agminibusque manus, non circumstantia tela,
 Audacesque mina, recti statione movebunt
 Intrepidum. ferient omnes impune ruina,
 Tempestasque suis concussa tumultibus excors
 Concidet, & cæco prudens Bellona furori
 Obstrepet, & trepidis rabies desaxiet hastis:
 Stat sua majestas soliis vindexque tiaris
 Numen adest, Superumq; metus custodia regni est,
 Et Gracchos vindicta Deum Nemesisque coercet.
 Nec siluit sacra Pietas circumdata palla,
 Infula cui prisco frontem velabat amictu,
 Plethiacumque levans, studiis cœlestibus, inquit,
 Et curis implere. Tibi veneranda recludam,
 Atria cœlicolum, supremaque verba Tonantis,
 Et secreta poli. quæ Te Sapientia grandem
 Secernet populo, populis præponet iisdem,
 Et multis volet esse patrem. spectabilis aris,
 Solves vota Deo & celso juratus Olympo
 Æthereum librabis onus. quin, Præsida tali,
 Regiæ se soli dedent diademata Christo,
 Gaudebitque Dei sancto cognomine regum
 Europa sublime jubar, terrasque gubernans
 Submissa cupiet cœlum cervice vereri.
 Felix imperii facies, quam prima tuetur
 Religio, quæ consiliis inimica profanis,
 Eas animi sacrosque probat devota recessus

Mentis, & innocua ciues, delubra, focosque
Simplicitate beat. nec, quæ nescire decorum,
Scire cupit cunælos; veterisque à moribus ævi,
Officii præcepta capit, fideique tenorem.

Dixerat. hinc manibus verbenam spargere circum
Cœpit, & accensis adolevit mascula supplex
Thura focis, plenamque favens excussit acerram,
Et fixam posuit puerili in pectore sedem.
Has inter residens generosa puerpera, Divum
Colligit auguriis tanti nova gaudia partus,
Et sibi jam Curios alios, mentemque Catoni
Qualis erat, Brutique decus Fabiumque morantem,
Ingeniumque Numa & trabeas promittit Olybri.
Tum Rhodanus, tum lentius Arar rapidusque Ga-
Præfensere suis felicia secula terris, (rumna
Et sibi subrisit Ligeris. cum Santone Picto,
Et socio Lemo-vix fertur plausisse Cadurco,
Et jurasse fidem Biturix, fortisque Medullus,
Arvernique Heduique patres, cidtorque Nemausi
Et Senonum gentes, & qui vicina Gebenna
Montis habent, Martique sacer sub litore Narbo.
Hesperia solum, & gelida timuere Pirenes
Culmina, nubiferæque Alpes & Gallica jam tunc
Sceptra Padus. iustiisque ferox Catalaunus in armis,
Ex illo dominos jam fastidire Philippos
Cœpit, & in solo solatia querere Celta.
Tunc & funestis visi sunt vultibus i.e
Atrebates, Rhenique procul fremuere sub undis,
Bellorum arcani strepitus. impostaque celsis
Collibus, admonita est venturum Saxona rupes
Brisiaci. Richelique, tuis successibus Istro
Funera portendi. Trevir sibi vincla parari
Sensit, at ulciscenda Duci. tua federa Finnius
Lappionumque nurus & montibus excita Manto
Prædixit Gothicusque furor. Tunc aspera bello
Gens Batavum, studiis majoribus ivit in hostem,

Suppetiis animosa tuis, patiatque per Te
Lilia Francorumque sibi præsagium astrum.

Nam veluti faustum præbent mortalibus omen
Sidera, cum summa cœli statione feruntur,
Nec jam radit humum Titan, sed celsior ardet:
Non aliter Lucina suis te sustulit ulnis,
Venturum imperio lumen, venerabile regni
Sidus, & in teneris vidit vagitibus aula
Spes habere suas, & certius omnia ferri,
Te Tiphys moderante ratem. secerneris illi
A pueris, & mente senem prævertis ephebus,
Nec quicquam vulgare sapias. fastigia rerum
Transcendis gradibusque vehit te gloria magnis,
Atque adytis sapientum infert. hic tota recessus
Pandit Cirrha suos, & se Romana vetustas
Explicat Argivæque patent secreta Minervæ,
Ancipitesque scholæ, & quicquid contendit Athenis
Stoa gravis. nunc Pythagoræ doctique Platonis
Sensu capis, monitisque quibus Respublica possit
Tuta dari, & quo se defendat jure tribunal.
Nunc Stagira tua est, & mens contermina cælo
Natura rimatur iter. vis nosse penates,
Quos habitas, quâ vivis, humum; queis tingeris, un-
das;

Quaque cales flammâ. nec enim præscribere mundo,
Ignarum mundi deceat. dum sidera volvis,
Ætheraque immensum & suspensos fornice cælos,
Hinc regnis sua fata legis. quis sospitet orbem
Conspectus faciesque poli; quis mutet habenas
Stellarum oppositis radicans fulgoribus ignis;
Qua face seditio surgat, solioque potentes
Excutiat gravis ira Deum. qua sæptra secudent
Lumina, quæque suis rectores uniat arcæ
Civibus Arcturi statio. per cuncta Deorum
Incedis spatia, & Saturni inamabile sidus,
Regibus adversum damnas, plebique maligna

Præ-

Præcipitque favens. Iovis, ut clementius, astrum
 Concilias poscisque Tibi, regisque senectæ
 Custodem hunc scis esse Deum, vacuumque malo-
 Sub Mavorte probas, justis victricia causis (rum
 Arma capi, & rutilos stringi securius enses,
 Postquam hostis fortuna labat; vel turbine fati
 Vicinis metuenda venit. Tu spernis iniqui
 Bellatoris opus. tibi nil deformius illo,
 Cui ferrum pro jure suum est, calcataque scutis
 Obruitur pietas, & belli gloria vis est.
 Inter Solis equos seros regnantibus annos
 Observas Lachesis trahere & prosperrima terris
 Fata dari: Phaethontæ discrimina flamma
 Acribus averti monitis, currumque teneri
 Rectius arte senum, & sub consultore verendo.
 Nec Veneris lux scæva tibi est, nec dura minatur
 Phosphorus, at Placido **LODOVICVM** lumine
 Adspicit, hæredesq; duos deducit Olympo, (tandem
 Mercurii per signa, quibus se purpura prudens
 Afferat eloquiis, qua majestate loquatur
 Pro populis, facunde, notas, fraudumque magistros
 Proscribis procul. at Luna penetratibus altis,
 Deprendis variis flecti mutabile formis
 Imperium instabilesque vices; nunc porgere plenum
 Regna decus, fractis nunc expallescere rebus.

Sic omnis Natura Ducem te format, & orbis
 Pars convexa tuos monitrix descendit in usus,
 Mandatrix operum consummatriceque laborum.
 Inde per humana raperis spectacula vitæ,
 Et scenam nos esse vides, ubi plurimus actor
 Antiquo repetit mundi deliria ludo,
 Personamque facit. tumet huic à bile cruentum
 Vindicta gravioze jecur. vesania laudum
 Hos rapit, immemoresque sui malefana flagellat
 Ambitio. patulis venatur faucibus aurum
 Alter, & impuris primos Sirenibus annos

Devovet,

Devovet, & Paphis demens effeminat herbis.
 Hos inter, quamvis juveni, Catilina, Cethegus
 Dispuncti, Lepidusque fuit, de minoque rebellis
 Quisquis adorandis objecit castra coronis.

Dum veterum annales exactaque tempora versas,
 In Zopyro quàm multa placent, animusque fidesque
 Contemptrix obitos. Decios veneraris euntes
 In bellum, pulchra pro libertatis amore.

Attilios pro lege colis. cum Coclite solus
 Tunc quoque sustineas Senoni dux obvius ire,
 Et medium Brenni furus opponere Tybrin.

Cum repetis, quæ pro Cyro clarissima fecit
 Harpagus, & regi quesitum hinnitibus ostrum,
 Promittis majora tuo. tibi suppetit artes

Regnandi ductor Xenophon, Cyrumque regenti
 Objicit exemplar. Graji trux poena Philota,

Principis offensi rabiem, metuendaque dixit
 Intervalla Ducum, quos lis pervertit & atrox
 Suspicio, fraudumque metus. Cum castra revolvis

Pallasque manus, Procerumque; & robur & arma,
 Perdica decus, Antigoni pugnantis honorem,

Lyfimachumque truce vultu, frontemque severam,
 Quam Meleager erat; praeuntem verba Craterum,

Cassandrique minas, validumque in tela Menan-
 drum:

Talibus haud unum subdi rectoribus orbem
 Posse, tibi memoras, & plus dufore perito,

Quam castris dextraque geri. suadentis Achatæ
 Suggestis Aeneæ officium, sociataque laudas

Robora consilio, & comitem Diomedis Vlysses,
 Thesea Pirithoi. quinquennia prima Neronis,

Non postrema probas. Senecis doctoribus aulas
 Surgere, contemtis ruere. observasse decorum,

Arminios magni facis, & pro legibus acrem
 Civilem, Thraseamque & rebus nata gerendis

Nomina Scipiadæ, Drusos, Brutosque gravesque
 A mi.

Æmilios, & victoris tot signa Sicinni.
 Tunc tibi, qua melius gentes ratione regantur,
 Noscere cura fuit, regnique expendere formas.
 Ut sua libertas Grajas subverterit urbes,
 Et dominis oppressa malis respublica. quàm sub
 Rege Lacon solo steterit securus & audax
 Assyrius Medusque potens, & Persa feroxque
 Indus & Eoo subjecta potenti & Phæbo.
 Hoc regimen sublime Deum est, his præsidet unus;
 Has rectoris egens primum est expertus habenas
 Orbis, in hoc placide cœunt moderamine gentes,
 Nec male distracta est uni concessa potestas.
 Quin opera studii que tui sciuisse putasti,
 Regna quibus surgant & decrecentia vergant
 In pejus sublapsa modis. quàm noxius illis
 Vivat adulator: quam perniciosior Hydræ
 Luxus eat, populator opum: quàm vincere semet
 Sit regale: suis contentum finibus esse,
 Nec proferre gradum scelere: audacissima sperni
 Cœpta, nec è dubia cæca Rhamnusidis aurâ
 Suspendi summam populi debere salutem.
 Nunc pœnis iraque locum, nunc esse favori:
 Nunc terrore malos, nunc effera corda modestâ
 Voce coerceri: nunc dissimulanda regi
 Plurima, nec simulandum unquam probitate relictâ.
 Sic iter ingrederis laudum, & quacunque potentes
 Virtutum momenta decent, & nomina recti,
 In te cuncta fluunt, & pulchro federe juncta
 Certatim secere virum. Te sancta verendum
 Amplexa est primis pietas, sacrisque tuorum
 Imbuit & cœtu distinxit Diva profano,
 Admovitque Deo propius. male dirigat omnes,
 Quem non ista regit, nescit mortalibus esse
 Præsidium, à quo numen abit. mandata suorum
 Vulgus amat, cum se Superis votere jubentes,
 Exemploque magis, rigida quàm lege, gubernant.

Tunc

Tunc Deus humanos isto de pectore sensus
 Expulit, atque alia fulsit Lufsonia luce,
 Adventu gavisus tuo. tunc magnus ab imis
 Auditus fremitus terris, Phlegethonque remugit,
 Et tumidis princeps Erebi plus saevit iris;
 Tartareasque fauces Hecate succendit & omne
 Infernale chaos strepitu concussit & unum
 Te timuit. quamvis liventibus undique cincta
 Styx flueret damnata vadis, & regia Ditis
 Non ferret cœleste iubar, vitæque severa
 Immortale rudimentum; tu lampada sacram
 Præfers præco vigil, te circumfusa sequuntur
 Agmina, tu sanctis adstringis legibus omnes,
 Plutonisque domos tenebrisque abscondita turbas
 Atria. latratum tibi ter compescuit atrox
 Ianitor & pressis Acheron obmutuit undis.
 Te templis arisque Deum consueta vocari,
 Occupat, & niveis ambit Clementia pennis,
 Et facilem lenemque facit. quin indole tali,
 Qualis erat, Trajane, tibi, placidissima donat.
 Nempe ferum crudumque putas, non parcere victis,
 Supplicis gaudere, truces distingere vultus,
 Non flecti precibus, veniamque expungere rostris,
 Atque illaudatas Manli revocare secures.
 Huic comes incedit Nemesis, nec flexilis ulli
 Supplicii rigor, & gradiens cum consule lictor.
 Quæ tua, cum fas est, rigido subsellis munit
 Et trabeas terrore, nec exorabilis audit
 Convictum fassumque scelus; cum læsa Senatus
 Majestas rerumque salus formidine salva est.
 Hæc Minoa suis, hæc iustis Ææcon armis
 Instruit, & soboli non vult ignoscere patrem.
 Hæc Metios discerpi equis, oculumque Zaleuco
 Eruit, atque metu custodit regna severo,
 Et conculatæ adspersit sanguine leges.
 Te sincera Fides, nec fallere docta tiaras.

Possi-

Possidet, & nullo patitur pâllescere fūco
Mascula simplicitas. toto tua didita regno
Fama viget fidaque vehit præconia lingue.
Non illam insanus livor sibi vertit & horror,
Non fortuna furens, adversorumque procella.
Hac duce non mutas animum, nec mobilis aura
Ingenium popularis amas, vultumque secundis,
Aut alium adversis geris. ut Marpesia cantes
Fluctibus opponit latus inviolabile, constas
Impavidus vanisque negas rumoribus aurem.
Hac tu Liligeri decus & diadema parentis
Asseris, & natos pariter patremque tueris,
Et quos ut dominos ci vis submissus adoras,
Consiliis monitisque juvas. dumque omnia flectis,
Per te quisque suos sentit crevisse triumphos,
Per te jura dari sinit, & præcepta subactis
Gentibus, atque tuo fasces committit amori.
Iudice te, passim Themidis delubra recludi
Adspicimus, rutilasque faces gliscentis honesti
Et jubar Astræ mediis se attollere bellis,
Et solum trepidare nefas. Tu criminis ultor
Fulmineum vibras tutandis legibus ensen,
Et trabeas vis justa loqui. stant rostra decenti
Tuta patrocínio, formidatumque tribunal
Alligat officio quem vis, & lancibus equis
Partitur jus cuique suum. quos donat honores
Regia, dissimulas. tibi vis privatus haberi,
Dum cunctis, Armande, præes, tot præmia laudum
Magnanimus minus esse putas, splendesque decorus
Civibus & titulis servas illustribus omnes,
Solis ad exemplum, cunctis qui lumina terris
Dividit, oblitusque sui communia curat
Commoda, nec sibi, sed nobis mortalibus ardet.
Magnarum non parvus opum, palatia, turres
Exstruis & totas operis ingentibus urbes
Ædificas. stupet, ecce, suis pomœria tectis

Sequana laxari, atque amplis amplectitur orbem
 Mœnibus. hac una sic per te mundus in urbe
 Ambulat, & tanti patet indulgentia census,
 Quin Superis nova tecta, scholas & limina Musis
 Pulchra locas. omnes aperis discentibus artes,
 Diffunditque suos melior doctrina penates.
 Vox comem, incessusque gravem, reverentia vultus
 Arguit imperio dignum. patientiæ davis
 Te subigit nullique cupit cessisse labori.
 Non tua vesano plorant æraria luxu,
 Nec sordes contemptus amas. aulisque domoque
 Trudis avaritiam, rabiemque expellis habendi.
 Stas pæctis, promissa facis, preponis honesta
 Vtilibus, magnis nec dedignaris amicis
 Sceptorum fulcire Deos. consulta ministras,
 Et capis, & fidas voces Callisthenis audis.
 Quas noctes insomnis agis, contermina cunctis
 Finibus Europæ mens circumspècta moratur,
 Et ventura videt. seu vasta per æquora raptus
 Herculeis infers bellaciæ rostra columnis;
 Insubribus seu bella paras, & lata per ipsam
 Tollis signa Tagum rector. vigil exit in omnes,
 Afflictasque levat spatioſa industria gentes,
 Agnoscis benefacta palam. largiris honores,
 Ipsa quibus virtus precium est; quos publicus exci-
 Et patriæ non segnis amor, vel dextera fortis,
 Ingenii vigor & sapientiæ nobilis ævo
 Consecrat, & pulchri commendant regibus ausus.
 Talis Aristides Grajùm veneranda per urbes
 Ora tulit, rebusque animum curamque virilem
 Applicuit. talis Phocion illustrior ivit
 Et gravis indomita leges & mascula Sparta
 Iussa dedit, luxitque ista virtute Lyncurgus.
 Cum lego Narsetem, Narses tu crederis esse,
 Cum Nician, alter Nicias, qui classibus æquor
 Stravit & externa toties dux institit hosti.

Cum

Cum pavidos premit infelix Rhamnusia patres,
 Spe collapsa foves, nec desperata relinquis.
 Sceptra, sed à prisco exemplum Varrone reposcis.
 Pro Gallis stas Euagoras, transcendis Aratum
 Consiliis, istoque volet gravis ore Pericles
 Cecropidum pro gente loqui. mandata Solonis
 Legibus antevenis, Musis pater Atticus audis,
 Timoleonque novus captas clarescis ob urbes.

Singulis complecti cuperem, tot nomina rectè
 Virtutumque choros, nisi se densissima nobis
 Factorum offerret series, laudumque tuarum
 Diluvio obruerer. Magni post funera Regis,
 Iactatumque diu non uno Praside regnum,
 Tu regni ancipites casus & pondera nitu
 Librasti, Dux magne, tuo. tunc fixa pependit
 Gallia nec dubiis tuubavit Celta sub astris,
 Et sibi mutatas sub te non sensit habenas.
 Cumque truces motus ruituro culmine rerum
 Turbida tentaret novitas, tu nasceris autor
 Pacis & adversas acies cognataque signa
 Bellaque sublati componis partibus unus.
 Gaudebant gladios Pietas exuta feroces,
 Majestasque simul. venerandaque nomina claro
 Federe concilias; & quos natura ligavit,
 Conditione ligas placida, ne tisi que benignè.
 Tunc Solem toti radiis melioribus orbi
 Illuxisse ferunt. tunc junctis Gratia palmis;
 Creditur obversas blande adspectasse sorores,
 Et cunctos sociasse Deos, cum Pallade Cyprin,
 Mulciberum Phœbumque & te Neptune Minerva,
 Junonemque Iovi summo. quin mellea passim
 Flumina defluxere jugis & montibus altis
 Mana vere nives tepida. tunc undique letum
 Extulit os, nitidi que caput velata coronis,
 Certatim positas lites Europa probavit.
 Per te tuta stetit nullis Cassilla fatiscens.

Viribus, agnovitque tua molimina mentis
 Dux Ligur & longi in Batavis encomia belli
 Condidit & vestro moriens submitit honori.
 Illa suis animosa malis, tot fulmina Martis
 Insultusque invicta tulit, nec cessit Ibero
 Ferrea, & Eridani per stagna loquacia fama
 Crevit & armorum late terrore triumphat.
 Te Duce, Marvortis domus & circumdata centum
 Turribus & Regum toties subducta furori,
 Cujus Santonici pulsant bellacia fluctus
 Littora, cui robur dederant & nomina rupes,
 Clara truci Rupella fame, placabilis audit,
 Et Domino mansueta suo. cum Tethye bellum
 Gessisti, & tumidum straxisti montibus aquor,
 Et sylvis trabibusque & toto Aquilone profundum
 Implesti & querulam domuisti belliger urbem,
 Incubus Oceani ingentis. sic Cecropis arces,
 Ostiaque irati clausisti Sparta Pyrai,
 Et Lybicos victor tenuisti Regule portus.
 Sic, Pellae, Tyrum congestis molibus olim,
 Et Pelusiacas vicisti puppibus urbes.
 Igni vomae periere rates & missa Britanno
 Auxilia & triplici subnix potentia scepro.
 Claustra mari metuentia paras, & tramine longo
 Damnatu dirimis spaciosum Nerea, Princeps.
 Civibus, inceptisque doces immanibus ipsam
 Subdere Neptuni rabiem. contracta stupebat
 Aequora terribilis Triton, captiva teneri
 Atria Nerëidum, & famulantes regibus undas.
 Cum Tarteysiaci gemeret desueta Philippi
 Imperia & fasces indignaretur Iberos
 Rhatus & Hesperium vallis Tellina tribunal,
 Vindice te, castrisque tuis, Lodovice, recepta
 est,
 Atque asserta sibi. libertas reddita cunctis
 Te dixit scripsitque patrem. sub sidere brumae

Iussi.

Iussibus, & rabidi ferali luce Leonis
 Eminus arma moves, absensque in milite pugnas.
 Non aliter, quàm cum Superos invaderet audax
 Titanum furor & montes inferret Olympo,
 Absuit à pugna coeli regnator, at unus
 Praescripsit faciendâ Dîs. Vos dicite valles,
 Bormio, & unanimis communi lege Clavenna,
 Quique bibis Larios latices fontemque Padusæ,
 Quàm tua Plessiacus tutarit federa Nestor,
 Oppida quot viastasque iterum devicerit urbes,
 Borbonio rectore potens. cum Sequana longè
 Signa per Insuabricos ferret vittricia campos,
 Cottisque innumeras stupuerunt culmina lauros.
 Tu quoque Pyrenæ propior nimboſa Be arne
 Accedis tantis titulis, portasque recludis,
 Ægra licet, paterisque sacris succedere sacra.
 Nec Te terrisonis Tameſis cataphraëtus in armis
 Terruit, & pulchro, Richeli, ductore trivemes.
 Insula cum misſo Reace populata Britanno,
 Ignaras acies timidumque agnosceret hostem.
 Fit fuga, partem haurit gladius, pars mergitur undis,

Et pugnant pro Rege tuo fluctusque manusque
 Et vada, & in nuda moriens ridetur arena
 Albion & laceras deplorat mœſta carinas.
 Et tu carminibus nostris, Albane, manebis,
 Reddite Francorum dominis, discesque coronis
 Æternam debere fidem. cur dispare cultu
 Diffidis soliis? cur tunc parere recusas,
 Cum fas est tibi sceptrâ coli? cur Caesaris ontne
 Quod fuit, huic solviſſe grave est; quod Numinis, illi?
 Heu nimium ignaræ mentes. terrasque Deosque
 Concutit inconsulta fides, nimiumque dolori
 Indulget vis sacra suo. mansuescere nescit,
 Cum Rex aqua petit. species præstenditur armis,
 Et regnare cupit Pietas, laterique potentum

Personata latus jungit, divisaque sceptris
 Sceptra volet. raro sortis secura suorum,
 Quam cum se totam clypeis involvit & ipsum
 Ære Deum. sed enim, minus hunc defendere ferro
 Relligio, plus mente jubet. probitate tenetur,
 Non vallis, meliusque orbi splendet inermis.
 Ista Cebennates populi, qui rupibus altis
 Vivitis, hac eadem vicina discite gentes,
 Delphinique patres & qui sapuistis Aleres,
 Et Septemmaniae proceres, quos lenius astrum
 Adspexit, Regisque pios clementia fecit.

Quis castris aderat pernox, cum jura Niverni
 Affereres, Rex magne, Ducis? cum signa per Alpes
 Gallica ductares Princeps, inopinæque in ipsis
 Insubria fremerent horrentia classica portis,
 Et subito ruptis patuit Segusia claustris?
 Hic Arimandus erat. galea qui saepe rigentes
 Sustinuit potare nives, diffringere forti
 Saxa fame, calcare gelu, dominaeque cohortes
 Taurinis inferre jugis. cecidere phalanges
 Hispanaeque Italiaeque & quas conscripserat Ister,
 Quasque Savus Dravusque ferox & proxima bello
 Parthenope & parens alienis Insuper armis.
 Ferraci cedunt montes iterumque soluta est
 Rigomagum, tumidaeque minas Regumque Du-
 Altior elusit, dominumque invicta recepit. cumque
 Interea, dum dissidiis feralibus aula

Scinditur, & faciunt regum de sanguine partes,
 Invidiaeque comes scelerata calumnia belli
 Quassat sava facem, mediisque incendia gliscunt
 Visceribus patriæ. & tempestas horrida Franco
 Incubat; Herculeis gliscentem viribus Hydram
 Conficis & magno viduatum vindice vulgus,
 Castraque dissolvit victor. tum sanguine claro
 Irrubuit Nemesis, poenaeque assertus in una
 Majestatis apex, fama mendacia risit.

Sub pedibusq; Stygem scelerum & Phlegetontis ini-
Murmura latratuſque ſui formidine preſſit. (quò
Spreta Ducis fortuna fuit, dum ſumma laborat
Regis, & exēta eſt rabies armata favori,
Borbonio cognata licet. cum ſtemmate certat
Gallorum prælatus amor. cum publica ſalva eſt,
Negligitur privata ſalus; capitique propinquo
Decedit precium, ſolum ut Regale ſuperſit.

Quo vatem, Dux celſe rapis, Phœbumque Deaſq;
Præcones tantorum operum? quàm finibus ingens
Gallia diſtrahitur, veſtrarum maxima laudem
Intervalla patent. decori nunc incitat undas
Clarus Arar Rhodanusq; tuo. nunc ripa Garumna
Officiis Rhenusque tuis & Matrona longè
Perſtrepit & cunctis Ligeris clareſcis in oris.
Te Iura reſonant montes Lotharique loquuntur
Oppida Nancejumque potens, & Lilia portis
Succreſcunt, Burgundæ, tuis. timere Vezinti
Mœnia & excelsa fecundi Dubidis arcēs,
Mombosium Cromarumque & caſtra invicta Mo-
Vercellæ veteres & quod ſe vallibus abdit (roti,
Pontarlum, Iuriſque favens nutricula Dola,
Inque altis Nozoretha jugis. hæc agmina duxit
Francorumque manus, nec tot ſatiata trophæis
Signa, nec Auguſtum victrix Bellona ſefellit.
Non aliud Trevir columeſſusque Moſella
Repperit. afflicta ſubvenit purpura mitra,
Et ſacro pro jure ſtetit, nil Caſaris ira,
Nil Bavari pavefaſta manu, cui rapta nepoti
Sceptra Palatino offeſſus tranſcripſerat Iſter.
Eſt, ubi monticolam exercet Bellona Sabaudum,
Contemptriſque prius ſe ſubdidit In ſura ſceptriſ.
Allobrogumque acies & conſurata faceſſunt
Agmina & Hiſpana Regi ceſſere phalanges.
Dum miſera aſſiduus teritur Germania bellis,
Armaque Vandalicos gliſcunt inimica per agros.

Dum

Dum pulsi fugere Duces, Regisque creati
 Sors labat & prisca dapifer sanctissima Bulla
 Nomina spreta dolet, terris excussus avitis:
 Dum vindex Gustavus adest & Martius ense
 Per Viadrum Nicrumq; rotat, Rhenumq; bicornem
 Cornibus infractis adeo mansuescere cogit,
 Ut sacros renuat veneranda Moguntia fasces,
 Noricus ignoret dominum, Nemetumque colonus
 Excussum repetat, meliorque affulgeat orbi
 Imperii surgentis honos: Tu consulis Arcto,
 Federibusque tuis Sueonum suffulta triumphat
 Gloria, & in medio dum quarit pabula Rheno,
 Mœnum Finnius equus bibit & se Lappio Nicro
 Proluit & Borea lavit carpenta Visurgis.
 Quod cecidit Eriburga, tuum est. te forte Brisacura
 Credimus expugnasse manu, totiesque feroces
 Pannonia pepulisse acies; cum Saxona clarum
 Ære juvas, grandisque aperis araria census.
 Tunc gaudere suis visa est Alemannia fatis,
 Et desperatam, per te sperare salutem.
 Cum Gallo patuere via, quibus omnis eunti
 Terra per hostiles diffudit castra recessus,
 Laxavitque fores & claustra in viâ patentis
 Imperii, Austriacæque domos & regna coronæ.
 Nos quoque, dum pactis Ludovico jungimur,
 acres

Imus in Hesperiam & magnis sua regna Philippis
 Concutimus, quæ spectat Eos, quæ Vesper inumbrat,
 Afer habet cultorque Asia, quæ flumine Scaldis
 Irrigat & Vahalis bellax & Mosæ cruentis
 Lambit aquis. laceræ tecum pugnamus amore
 Europa, paribusque animis lassamus Iberum,
 Et Belgæ decus asserimus. Dixidematæ Iusti
 Principis irradiant, te suffragante, Batavum
 Vnanimis augusta Patres. sic vincimus unâ,
 Et toties lauros pariter, famamque meremur.

Et vos Atrebatum portæ & delibra Vedasti,
 Austriaco subducta, novis assuescite iussis,
 Et Franco jurate fidem. dispungite valvis
 Omina scripta diu & voces delete superbas.
 Spongia Plessiaci est. animos dum tollitis, unus
 Dux vinci vos posse docet. Rex vincit, & illud
 Iam fecit, quod vos fieri potuisse negastis.
 Non aliud labor Hespino & subnascitur Ære.
 Alternis concussa cadunt, fastisque secundis
 Et gestis signant cunctos illustribus annos,
 Quid memorem maris exuvias & viâ sub ipsis
 Oppida littoribus? senserunt classica duri
 Vascones, & Calpen ultra tua rostra superbam
 Tarracona premunt portusque indagine cingunt.
 Nunc Bassa ruit, Morinumque infesta minatur
 Finibus. haud alia est valida fortuna Bapama.
 Prævenit hic Martem Mavors, citiusque subactam
 Quam cinctam se celsa videt. dolet Insula in ipsis
 Improvisa sibi flagrare incendia portis.
 Nec minus Ausoniis crescis bellator in oris,
 Disjunctisque labat Conci fiducia muris.

Si jactare tuos, Romano more, labores,
 Et cuperes hos saxa loqui, memorare colossos;
 Certarent terra & pelagus; pax, bella; paremque
 Astra a rigor & ferret clementia laudem.
 Mars Alemannorum strages ostenderet, illic
 Pax tibi devictas uniret federe gentes.
 Hic iret fratris Tamesina ferocia transtris,
 Illic pacifera ramos monstraret olive
 Gallia, Bullionæ, tibi. mitesceret illic
 Abjeclisque libens generosi Bearnia gasis
 Plauderet, attritusque fame tibi Santo salutem
 Deberet. traheret victas post terga cohortes
 Rhetus, captivosque lacus montesque dicaret.
 Hic It ali domitis plorarent urbibus amnes.
 Inde catenatis gemeret Germania ripis.

At laudum famaue satur plaususque tuorum,
 Magna mente fugis decoris spectacula tanti,
 Et Patriæ magis esse bonus, quam dicier, optas.
 Quæ facis, auspiciis peragis regalibus; & dum
 Rex hæc ipsa iubet, tu conficis. imperat ille,
 Quæ vigil exequeris. splendent regni latè
 Atria, tu lucem præbes. sua gloria regi est,
 Sed labor obsequiumque tuum. majora mereris,
 Non petis. inque animis hominū succrescere mavis.
 Quam pompa fastuque frui. qui corporis adstet
 Ingreditur miles, non te modo protegit unum.
 Sed Regem civesque omnes custodit in uno.
 Non timor ille tuus; regni est custodia, Princeps.
 Sat securus abit, quem mens innoxia cœlo
 Approbat. asseruat non te, sed sceptræ satelles;
 Quique tibi præeunt, præeunt tot gentibus enses.
 Detulit Armoricos Regis tibi gratia fasces.
 Hinc mare prospectas circum tua littora rector,
 Quæ ferus insedit Saxo. te Redonis Abbas,
 Mitraque Nannetum colit & quæ Blavia ponto
 Cingitur & propria fiuntur tot mœnia lingua.
 Inter castra tubasque, Deum, Celsissime, curas,
 Et Superum delubra beas. disponis honorum
 Officiumque gradus. quin jam fidentius audet
 Te tutore loqui pulchro Sorbonæ Lycæo.
 Tollitur alta domus, quantumque scientiæ terris
 Emicat, instaurata nitet; testisque perennis
 Tanti Curatoris erit, sacrumque Minervæ
 Limen & æterna saxum memorabile fame.
 Galliæ factorum patet area. tota theatrum
 Consilii Europa patet. sed Palladis aula
 Doctrinæ meritisque tuis subsellia pandit,
 Ut quicquid prælustre facis, describat in istis
 Porticibus narretque diu. fortissime Ductor,
 Quantam venturi præbes virtutibus ævi
 Materiam. quoties memor hæc miracula volvet

Posteritas, nomenque tuum pratoria tollent,
 Curia, Pierique lares, fastigia, turres,
 Et quicquid sublime tuis surrexit in annis.
 Obstrepat invidia murmur, marcescere nescis.
 Insurgat gravis ambitio, succumbere nescis
 Altior, invisas acuat teterrima linguas
 Impietas, vitâ jugulas. discordia gliscat,
 Arbiter es pacis. regni convellat habenas
 Perfidus, hunc poenis subigis. suprema minetur
 Fata furor, tu victor ovas, gladiosque merendo
 Obtundis frangisque ipsis latronibus iras.

Quid stupeam primum Richeli? quod fraudibus,
 Pluribus obstiteris? quod nil terrore locutus (Heros,
 Indignum solius fueris? responsa quod unus
 Conciliis dederis, quæ mox effecta probasti?
 Muniris Patrum studiis. tibi vota Senatus
 Prona facit. defensa vocat te terra parentem,
 Osque sacrum colit & sculpto veneratur in auro.
 Os illud, cuius regitur nunc sensibus orbis,
 Os illud, cuius loquitur facundia, quicquid
 Utile finitimis, quicquid pro lege salubre est,
 Pro populo, pro Rege suo. tibi detulit ultro
 Rex fasces, voluitque loqui. vocat ille ministrum
 Immensique operis socium. nil perdit honoris,
 Qui tecum crevisse videt sua regna. minorque
 Non sibi spectatur, qui per te maximus audit.
 Haud alio celebrem Pharamundum vindice quon-
 Et Calvos regnasse reor. sub iudice tali (dam
 Ausoniam Gothicis exolvit Gallia sceptris,
 Et Magnos vexit Carolos. Merovæa propago,
 Et tanto illustris fuit oratore Capetus.
 Nonne vides, quoties magna stipante caterva
 Ingredieris, tibi tot populos, tot surgere gentes,
 Tot patres matresque loqui prosperrima: latum
 Illuxisse diem Gallis, quo regia clavo
 Admovit te cura suo, quassamque procellis

Flexisti

Flexisti ratione ratem. circumspice sedes,
 Quas habitas, quantis spatiis diduxeris illas,
 Quantum profueris. passim metire triumphos,
 Et lauros aliis in finibus. amplior exit
 Majestas, postquam centum sibi subdidit urbes,
 Ivit in Austrasia colles, Morinisque propinquit
 Terribilis, Rheni posuit sub fonte cohortes,
 Et sua Burgundis cumulavitserta trophæis.
 Non alium domitis se thyrsiger Evius Indis
 Ostendit, Graiumque exceptus plausibus olim
 Obsequioque fuit. non sic se maxima Delos,
 Non Tenedos, non Delphorum movere caverna,
 Adventu propiore Dei. tibi quisque rependit,
 Quod tranquillus agat, quod in uno Rege salutis
 Deponat momenta sua. tu voce diserta,
 Privatis etiam loqueris, populosque Deosque
 Terrarum, alloquiis solaris; & omnibus illud
 Respondes, quod quemque decet fecisse. serena
 Fronte tibi grates dicit Tagus. excipit illas
 Barcellona, tuoque potens jam milite, termit
 Hesperiam. laudant operas sibi reddita per te
 Rura Padæ, civesque gravi obsidione soluti,
 Concordisque Patres Belgæ. Tibi Gallia stringit
 Prima comam, gestitque suo dare basia patri,
 Quo securæ viget. nescit Braccata corollas,
 Et decorat sublime caput, quo præside rerum.
 Audet diductis tibi nunc occurrere portis,
 Amplectique suum. donis altaria pingit
 Illa togas induta parens, in montibus aliis
 Armandum resonans, Armandū in vallibus imis,
 Inter Hamadryadum choreas, Faunosque trucesque
 Monticolas strumasque graves. crystallæ liquefunt
 Includuntque suis Richeli præconia guttis,
 Ingentesque lacus eadem cognomina tollunt,
 Et totum belli complet fortuna Lemannum.
 Narbo mella legit, donant sua marmora rupes,

Quæ referant exculpta Ducē, tibi grande trophæum
 Bellipotens. fundunt facundum regna Lyaum,
 Et cupiunt te vana loqui. tibi surgit in agris
 Et fruges fert lata Ceres, & vecta per auras
 Fœcundas Patri Patria suspendit aristas.
 Quæ dictæ quondam tres amifere sorores,
 Restituis. rursusque movet generosa lacertos
 Natio. diffusum Patriæ, te sospite, corpus
 Se reparat, pulchræque tuis juvenescit habenis.
 Alpium per te jam supputat aula tributum.
 A Flandro vectigal habes. redeunte colono,
 Elsatice consuetæ ferunt stipendia terra,
 Devictoque tuus miles saturatur ab hoste.
 Concurrunt ad vota Scholæ facunda Cadomi
 Porticus, Andegavique domus, Biturixq; disertum
 Os aperit. cunctas sacrat tibi Picto Camœnas,
 Aureliaque tuis incumbunt laudibus arces,
 Et sua Burdigala Pallas subsellia clavis
 Occupat ingenii. nec te tacuere Tolosa
 Pulpita, præcellensque suis Sorbonæ magistris.
 Iamque angusta novis sudant tibi præla ministris,
 Et fervent doctorum opera, sacrique labores,
 Quæque legant seri Patrum decreta nepotes,
 Et veterum leges longum cuduntur in ævum.
 Annuit humano, Princeps, cæleste favori
 Arbitrium, Martique favet clementior ather.
 Omnia difficiles avertunt sidera casus.
 Si qua nocent, istis sapiens te subtrahis astris.
 Qui vellent nocuisse, ruunt. hebet omnibus ensis,
 Quem stringit violata fides, Regique negatus,
 Qui fuerat juratus, amor. fugientibus aquor
 Sternitur, & miseri externa ringuntur arena,
 Et fraudes fraudumque omnes patuere magistri,
 Et qui restiterant, gaudent parere lubentes.
 Fare age, num talem jactes genuisse fovendis
 Francia Principibus? credas ex athere lapsum

Subve-

Subvenisse Ducem sceptris. non Gracia mendax,
 Quem componat, habet. non talem partibus ullis
 Romana cecinere tubæ. si præcare volvas,
 Si proavos, hos illustri de sanguine clavis
 Pictō dedit, thalamisque augustis nexuit aula.
 Qui genitor, Regum custos fuit, affecta Martis,
 Grande patrociniū Turoni, memorabile bello
 Nomen. ut hos titulos, quos possidet, occupet hæres.
 Non mutat fortuna domum, sed fixa per omnes
 Processit sine labe gradus. quemcunque reposces,
 Nobilitas virtusque beant. succedit honori,
 Quem canimus, factisq; nepos. quem nulla vetustas
 Diluet, aut series seclorum longa silebit.
 Sic nasci, minus esse putat. nec supputat annos,
 Quos non decurrit meritis. hoc æstimat ævi,
 Quod patria sibi poscit honos. ubi regna laborant,
 Assertoris obit partes, & gloria regum
 Illius est. nec libertas majore triumphat
 Vindice, & hoc ipso majestas tutâ sub astro est,

Proxime Dis, Lodovice pater, qui prospicis orbi,
 Cujus belligeros toties victoria currus
 Ambit, & fulgent rerum splendore jugales,
 Cui nomen dedit alma Themis, Marvortia ferrum
 Vis acuit, Pallasque suam Dea concutit hastam,
 Obvertitque tuis adversam irata Medusam
 Hostibus, ô pacis bellique invictæ sequester,
 Arbiter Europa; patriis virtutibus ævum
 In seros extende dies; nec desine nobis
 Esse pater, restorque tuis; dum magnus in ære
 Sic stabit pater & fodiet calcareibus armos
 Bellatoris equi, & medio spectacula ponte
 Ista perennabunt. succrescant regia patri
 Pignora Borboniæque duo, minimæ grandis
 Imperii, geminaeque arces, turreſque salutis,
 Fulcraque cunctorum. Richeli mirari laborem,
 Et salva tantum Rex majestate parentem,

Et sacrum venerare caput. vacat illa senectus
 Tota tibi. canis robur tibi sumis ab istis,
 Et macies hac ipsa tua sors lata tiara est.
 Hunc serva Martis clypeum, quo sospite victor
 Pugnasti toties, toties in vertice turres
 Atque arces fulsere tuo, disruptaque ferro
 Moenia; quo duce tot populos submittere fasces
 Vidimus, immensasque tibi subsidere valles.
 Custodi Gallorum oculum, qui civibus unus
 Pluribus invigilat pernox, venerabile sancti
 Ordinis os dignumque decus, spectata potestas
 Consilio, & vestro pollens facundia nutu.
 Vivis in hoc custode tui, peragisque potenter
 Hoc, quodcunque jubes. sic te reverentia sceptri
 Evehit, Armandumque fides. dumque ocia poscis
 Fortè tibi, pro te mens indefessa laborat.

Tuque adeò, seu jam venturis motibus exis
 Obvius, antevenisque mali, Dux inclyte, causas,
 Sive animum, Richeli, per tot presentia ducis,
 Iam vitiis leges opponens turpibus aquas,
 Iam castris alimenta parans, jam federa neclens,
 Iam responsa ferens, jam vectigalia poscens,
 Robora regnantum, & pugnantis pramia dextra;
 Sis felix, viasque diu, preciumque laborum
 Immortale refer, terramque applausibus imple.
 Hac laudis mensura tua est. post funera, summis
 Addere sideribus sidus. Tibi cedit Orion
 Ensifer, & gladius condet victricibus astrum,
 Queis defensa salus Regi stetit. ille ferarum
 Monstrorumque potens domitor Tiryntius ignes
 Contrahet abscondetque tuis. trux agida Perseus
 Submittet, Cepheusque sua cum conjuge iussi
 Decedent, Armande, loco. te stella Bootæ,
 Atque Ariadnea meliori luce corona
 Ostendent. quocunque feres, fortissime, gressum,
 Inter semideum fulgens gradieris honores,

Heroum.

Heronumque exempla senex. hic æthere ab alto,
 Sæpe gemiscentem sublato vindice Gallum
 Adspicies, terrasque tuas. ubi murica splendens
 Aërias Alpes ultra Tarnumque Padumque
 Ivisi bellator ovans. ubi miles Iberus
 Liligerum formidat ebur, tot bella secundis
 Pressa resederunt bellis, ubi frenduit Auson,
 Celta Palatino succurrit; Matrona Rheno,
 Et Rhodanus Batavis; ubi fractis coelitus armis
 Effera regales timuerunt colla secures,
 Et pax Plessiacum Superis transcribet inermem.

In Adventum Serenissimæ Reginae MARIÆ,
 Britannia, Scotia, & Hibernia Reginae

G R A T V L A T I O.

Altera jam nostris mater Berecynthia terris
 Cernitur, & Regum præbent spectacula nuptæ.
 Nil facimus vulgare. Deus nataque Deorum
 Excipimus, Batavisque favent clarissima mundi
 Lumina. sceptrifero rursus splendescimus ostro,
 Purpuraque imperiis se bellatricibus offert,
 Et Tamesina Duci Majestas obtigit hospes.
 Prò Superi, quanti vultus, quæ sidera Belgas
 Irradiant! quantis ad nos descendit Olympis
 Ignibus, æthereaque petunt declivia flamma.
 Anne humiles repetunt cœlestia numina terras?
 Perque hominum gaudent iterum consortia summi
 Ire Ioves: nostraque patent Iunonibus aula?

Illa Iovis Druidum soror est, conjuxque Bri-
 tanni,

Et Tartessio thalamis annexa Philippo.
 Illa suis Cimbrum jungit diademata sceptris
 Neptis & Allobrogum tangit germana cubile
 Europa prælustre jubat. quocumque tuetur,
 Regna videt cognata suis, dilecta que regum

Nomina, vicinumque suo de sanguine passim
 Spectat ebur. Magni fortunatissima Regis
 Filia, Borbonia germen sublime tiara,
 Hoc stas, Diva, loco. Tethys unde omnibus undis
 Natura dispersit opes, & munera Divum
 Colligit & totum mittit spacioſa per orbem.
 Hic emitur, quidquid rerum eſt. ſi ſufficit emptor,
 Hic mundus venalis erit. nos accipit Arctos,
 Nos Thule, nos extrema, quæ tranſtra vagantur,
 Orcades, egeſidaeque vident in finibus Urſæ
 Hebrides & pandis ardens fornacibus Hecſæ.
 Hic merces, Regina, tuas, hic dona tuorum
 Diſtrahimus. jam ſulphureis quam Scotia mittit,
 Materiam truculenta globis. jam fulgida ſtanni
 Pondera & è veſtris, Princeps exciſa metalla
 Montibus, aut rutilo radiantes murice lanas,
 Et tua quas donat ſegetes glaciſſis Ierne.
 Sedibus his Indos petimus, Soliſque penates
 Auroraque domum Auriacis inceſſimus armis.
 Et terras portuſque tuis, Frederice, notamus
 Nominibus. gaudentque tuo manſueſcere gentes
 Numine, Naſſoviaque volant per odora phalanges
 Rura Moluccarum. jungunt tua federa Gangen
 Batavia & diti Vahalin connectis Hydaspis.

Magna parens Henrica, cupis deviſta videre
 Littora Pantagonum. ſurreptaque mœnia Phœbo
 Exutaſque rates formidataſque Matanca,
 Sub Belga ductore, manus? hic texta tapetis,
 Hic tabulis depiſta leges. vis bella tueri
 Geſta mari, quæ ſe Herculeis Dux Belgicus auſis,
 Intulit Heſperiiſ claris Mavorte columnis,
 Hic facti monumenta patent, victoris honores,
 Et cineres tumuluſque Ducis. ſi, Maxima, geſtis
 Cernere naſcentem mediis è fluctibus urbem,
 Suffultaſque domos trabibus converſaque Faſti
 Culmina, nos hoc omne ſumus. portaris in undis,

Et tua Parrhasia librant vestigia silva,
 Et calceas secura lacus. numerare triumphos
 Si lubet & domitum Solis sub curribus Afrum,
 Attonitamque Peru, & Scythici discrimina ponti
 Tentatumque gelu, jampridem victa Mallacæ
 Mœnia, percussam aurifero sub sidere Nigrim,
 Æthiopumque domos & tot subducta Philippis
 Oppida, quæ sorti possit tam grandia dextra,
 Adspice Neptuni sobolem, classesque ratesque,
 Ingentis terrorem Asia regumque ruinas.

Regnatric, quàm te laetis comitatus euntem est
 Vocibus Albionis populus, cum littore toto
 Staret & unanimes votis favere Britanni.
 Regnatric, quàm Te venientem lenior unda
 Vexit & immenso thalamos & federa ponto
 Personuit concha Triton & fausta tiaris
 Dixit, ut Æmonii properans ad limina Pelei
 Sponsa Thetis, nullo turbari murmure fluctus
 Sensit & à madidis accepit vatibus omen.

Venisti tandem. Tuque expectata Batavis
 Nympha venis, nostrisque inferis regalia terris
 Lumina, & innocuis arrides lenis ocellis
 Auriaco, teneroque moram deposcis amor.
 Mox erit illa dies, cum te pollente juventa
 Invadet matura Venus. tunc sanguine Regum
 Nascetur nobis Belgæ defensor Achilles.
 Qui face bellaces ferroque sequetur Iberos,
 Et patria audaces abscondet casside vultus
 Belliger, exacuetque truces mucronibus hastas
 Martius, & quæ se condunt sub Vespere gaze,
 Ibit & Occidui latebras rimabitur auri.

Qualis in ore decor Mariæ! quam blanda veni-
 Quanta puellarem excellens reverentia sexum (stas!
 Majestate tegit! quàm fulgens purpura flammæ
 Spirat & insontes radiis exuscitat ignes!
 Sic ibat socias inter Dictynnæ sorores

Parvula, sic juvenem comitata est Porcia Brutum,
Laodamia virum. sic primis excita tedis,
Itala nascenti conjux colbusit Iulo.

Matris amor, genitoris amor, fratrumq; voluptas,
Auriaci crescentis amor, felicibus illum
Auspiciis ordire diem, quo federa tecum
Libertas Batausque facit. quo federa tecum
Nassovius Mavorque facit. quo federa tecum
Guilielmus, spes nostra, facit. qua lumina nuptis,
Præradiant Patria. facibus, quæ Sponsa coruscas,
Dirigimur cives. non lecti cura duorum est,
Cunctorum thorus est, cuncti servamur in illo.
Quæ vos vincula, ligant omnes. jurastis in unum,
Vobiscum jurasse libet. pepigistis amorem,
Pangimus hunc pariter. vallos objecimus hosti;
Pro vallis nunc vestra Salus erit. annuit æther
Conjugio, fructumque capit Respublica. nescit
Disjungi, nec vestra fides, nec nostra. coimus
Tot populi, salvi que sumus complexibus omnes.
Iam propius nos Scotus amat. plus jungimur illi.
Et propius nos Anglus amat. plus jungimur illi.
Plus Hibernus amat, nam plus unimur & illi.

O Patria communis amor, quæ basia figis,
Septemplex quoque terra capit. quæ blandula torques
Lumina, cognatus circum te gentibus offers.
Quæ loqueris, cedunt cunctis solatia terris.
Quæ facies, fessis promittunt otia terris.

Crescite Nassovii, rectores crescite Chauci,
Auriacoque duces alios donate parenti.
Crescite Nassovia, & victor cum castra maritus
Solvat & occurras bellaci nupta Camillo,
Insere basiolum galeæ, cristamque minacem
Mulce lata manu, & Martis post horrida saluum
Prælia, dilata Veneris meminisse, iubeto.

GALLIA PLORANS,

Sive Laudatio Funebris, Eminen-
tissimi Cardinalis,

ARMANDI IOANNIS
PLESSIACI,

Richelii Ducis, Gallix Paris, &c.

A D R E G E M.

EXulimus Richeli exuvias, & grande cadaver
Vrna capit. vastos mens circumvolvitur axes,
Et vivit secura sibi. quo sospite visa est
Erexisse caput bellatrix Gallia, moeret
Exanimi, luctusque suos afflicta dolori
Permiscet, Rex Magne, tuo. maestissima busto
Ingemit, illustrique dolens Europa sepulchro
Incubat, & totam hoc credit se funere condi.
Hic Orbis, quod ploret, habet. quin forsitan ipsos
Tangit caussa Deos. cuius pugnavit Olympus
Consiliis; numenque tuum, cur flere recusent.
Lilia pallefcunt. pallet tibi purpura. regni
Hoc tumulo subsidit ebur. fortuna ruinam
Publica, sed frustra, incolumi Te Rege, minatur.
Sic, ubi cervicem fessam subduceret Atlas
Orbibus, ingentis timuit sibi machina mundi,
Et pavidis horrens trepidavit Signifer astris.
Ecce suis, LODOVICE pater, delubra moventur
Sedibus & summis nutant fastigia templis,
Et sacri plangunt apices. cur? vindice tanto
Inconcussa stetit Pietas spectataque terris
Majestas veneranda Delm. palatia, turres,
Et tot testa Ducum squallent. stant limine taxi,
Funereaque adolet victrix Bellona cupressos,

Et

Et Marti facit inferias. vix balthæus ensem
 Sustinet, in vesperi miles tuus ambulat hasta,
 Attonitasque trahunt Mavortia castra phalanges,
 Imperio viduata suo. non aquora Tiphyn,
 Non ultra Neptunus habet. quassata carina est,
 Antenneque forique gemunt, priscoque rudentes
 Invida dissolvit Lachesis, nudumque tiaris
 Remigio latus ostentat quò maxime Regis
 Assertor, quò Nestor abis? quæ fata feroces
 Portendunt terris Superi? quo perdimur astro?
 Quæ nos culpa reos cælo facit? occidit, eheu,
 Francorum pralustre jubar. quo sidere Belgæ
 Crevimus, adverso rabies decessit Ibero,
 Effera vis Aquilis, Albis concussus & Ister,
 Fracta procul Rheno sua cornua, territa Calpe,
 Perfossa gladiis Alpes, superata Pyrene,
 Excussi portarum obices, caesaque cohortes,
 Pacatumque fuit non unum classibus æquor.
 Non cupio plorare meæ dispendia sortis
 Solus. ad exequias non te modò Gallia posco,
 Non solos Latii Dominos, non proxima regna
 Allobrogum. non tu lachrymis hæc funera tantum
 Rhatia, non vestras immergas fletibus urbes
 Insuber. hinc mœre, claro cum Casare pugnans,
 Vindicias, Germane, tuas. incumbere feretro
 Atrebas, Elsatice manent è montibus undæ,
 Tu lugens accede Nicer, civisque Nemetum,
 Vangionumque Dex, & magnis exordia bellis
 Qui Trevir causasque dabas. dimittite vultus
 Ad claros cineres Batavi. Capisolia luctus
 Pars habeat, Romaque velis, Urbane, potentis
 Conciliū flevisse patrem: sanctique Senatus
 Ordinis, æthereæ quem deo vere Columba
 Et cæleste Deo Flamen, suspiria nostris
 Iunge precor. vestri decus indelebile cœtus
 Exiit hos moriens titulos, majorque Tonanti

Adspicitur. tuque ô Regis servate triumphis,
 Tolle rogam, Catalaune, tuisque inscribe verendum
 Porticibus Richeli nomen, cineresque beatos
 Autoremque tua supplex venerare salutis.
 Ite gemiscentes pariter. sit præsica tellus
 Qualibet. & quantum cuivis concessit honoris;
 Reddite defuncti tumulo. Vos ordine cuncti
 Plangite, funereamque dolens dum Sequana pom-
 Ducit & Heroum precedunt agmina tardis (pam
 Passibus, hanc terra venerandam Principis umbram
 Condite, at indigetes Divis adscribite manes.
 Vox peregrina sequar Gallos, fluctusque per ipsos
 Ibo comes Ducibus magnis, interque disertas
 Elinguis proh nostra Ducem facundia gentes
 Efforet, & poterit sic non ingrata videri.

Te primum, Lodovice, piis miserescere fatis
 Fas erit & celebrem gemitu decorare supremo
 Plessiacum. populi cinctus tot millibus, unus (tus :
 Crederis hac Richeli ad tumulum, me Vate, locu-
 Quàm sua sunt regnis incommoda. plurima Reges
 Et facimus patimurque. quatit discordia cives
 Diversosque rapit; nunc terris incubat hostis;
 Nunc miseris gravis annona est; vel livor inerrat
 Pectoribus studiisque Ducum; vel, robora belli,
 Destituunt querulem lachrymosa ex aria Martem.
 His secura malis, dudum mea Gallia latum
 Extulit os. compressa silet non una potentium
 Seditio, promissa tulit stipendia Mavors,
 Expulimus terris hostem, solatia civi
 Sufficit alma Ceres & amici gratia Bacchi.
 Omnis in extincto dolor est jam Principe. sceptri
 Curator vindexque mei, consorsque laborum,
 Fatorum cadit imperio, & dum livida damnat
 Secula & humana majus quid sorte meretur,
 Absolvit se Rege suo, soliusque beatus
 Expedit, & Reges alios meditatatur & aulas.

Non

Non jam belligerum nostris sub vocibus Orbem
 Fleſſit & anguſtis ſeſe mens inclita curis
 Applicat & ſolitis fulcit palatia juffis.
 Non decreta Patrum ſummique ediſta Senatus
 Ponderat & cunctis abſens præſentibus adſtat.
 Deſerimur rerum pelago, Palinure, Deorum
 Quem mihi fatales clavo excuſſere procellæ.
 Quam memini, cum me vario diſcrimine ſeptum
 Eriperes, Dux celſe. tuis evaſimus auſis
 Conjuratorum furias cinerique doloſo
 Suppoſtas toties flammæ. mihi reddita per te
 Sape fuit Pacis facies, meliusque ſerena
 Fulſit Majeſtatis apex. cum poſceret arma
 Libertas aræque Deum, fundique Laresque,
 Tu turmas, tu caſtra, Duces in bella ciebas,
 Tu læges, tu juffa dabas; tu tempora Marti
 Commoda, militiæque modos & præmia noras.
 Tu vicinorum poteras molimina Regum,
 Et motus aperire ſagax: quid Cantaber auſit,
 Quid male Pannonius tentet, quid Nervius audax,
 Quid Ligur. omne tibi facinus fraudeſque patebant,
 Et vix autori notum ſcelus. illa jubebas,
 Quæ cives fas velle meos, ſub Rege. vetabas,
 Quæ cives fas nolle meos, me Rege. poteſtas
 Quam tibi jus tribuit noſtrum, conceſſa merenti eſt.
 Dum diſctas faciendæ, mihi dum conſulis, à me
 Conſiliis ſuprema tuis mandata petebas,
 Mox nutu mutanda meo. feciſſe cavebas,
 Quod nollem feciſſe prior. momenta laboris
 Cuncta tui, regalis erant præſcripta corona.
 Suadebas meliora mihi: calcare ſuperbos,
 Et veniam dare ſubjectis: præferre cubili
 Publica & agnatæ ſepondere gentis amorem,
 Maternosque ſinus, dum rerum ſumma laborat.
 Hæc tibi mens: nihil eſſe domi ſecurius, armis
 Quæ Bellona quatit foris. hinc iſſe per Afros,

Scipia'em ; traxisse suos trans Bactra Pelasgos
 Pellam. tunc bella premi civilia, cum me,
 Cum Fortuna duces aliò vocat : are iuvare
 Arctos debere acies viresque retundi
 Caesaris, irarum causas in Casare nondum
 Delevisse diem : nimius successibus Istri,
 Proxima Gallorum tremere & se tollere Batia :
 In Batavo multum esse rei, gentemque potentem
 Plus bello, quam pace, frui, sordere remissum :
 Italiam veteris servare insignia Galli,
 Et repeti possessa prius : per Rhætica nobis
 Saxa, viros, Martis socios & castra parari,
 Arcerique jugis & amicis Vallibus hostem :
 Principibus famam queri : spectare regentum
 Dissidia & caute peregrinis litibus uti ;
 Adversis fractisque animos attollere rebus :
 Dissimulare vices pravas : vulgique favorem
 Sollicito frenare metu. sic quicquid agendum,
 Omittendum etiam nobis, ratione monebas.
 Utilitas tua nostra fuit. Te praeside, robur
 Sensi Rex mihi grande dari, & se pulchrius ostri
 Finiimis ostendit honos. venere triumphi
 In numerum. se quaque novis successibus astat
 Extulit, Armandique aliquid dedit indole dignum.
 Tu mihi, Dux, census, tu veditigalia, sceptris
 Munimenta dabas. querulam comescere turbam,
 Lenibus iratos studiis componere patres,
 Officii fuit omne tui. Tu regna meorum,
 Dispersosque Duces concordia pace ligabas,
 Extera magnanimis firmabas federa pactis,
 Maximaque imbelli frangebam iurgia lecto.
 Tu, cum membra senex traheres moribunda, feroxq;
 Instaret Libi:ina tibi, languensque labansque,
 Non lingues in amore mei, & dum desinis orbi
 Posse loqui, loqueris Gallo facienda mihi.
 Agne Heros, si Patroclum ploravit Achilles,
 Nestor:

Nestora cantati Atrida, si Memmona mater
Regia, si Cyneam Æacides, si Graja Periclem
Terra, parentabo cineri, & regalibus urnam.
Adspergam lachrymis, & cunctis Regibus illud
Eloquar: haud similem sceptris genuisse priorum
Secula, nec similem Regum sperare nepotes.

Dixerat hac Druidum rector, visumque querenti
Quassari gemitu solium, cum proxima Regi
Ad bustum conversa Ducis, sic ora resolvit
Gallia. non habitu, qualem decet esse serena,
Sed totas lacerata genas, dispersa capillos:
Qualis ad invicti narratur Caesaris olim
Indoluisse rogam & Laia comes esse sorori:

Illa ego, quæ dudum Hesperius erecta trophæis,
Et laudum jam penè satur, post terga Philippos,
Oppidaque Austriacis jam pridem erepta trahebam;
Ingredior funesta, gemens, in funere patris
Custodisque mei. niveis Victoria pennis
Nuper adorando Lodovici Martia curru
Sederat, electique ibant ad frena jugales,
Et diffusa meos agitabant gaudia cives.
Nunc misera in questus mater planctusque resolvor,
Dumq; Ducis funus proprium contemplor, & excors
Subducor mihi, communis jactura parentem
Et me sæva rapit. tenebris involvor iisdem,
Quæ nunc involvere Ducem. ceu nubila Solem
Cum rapiunt fœdaque latet caligine cælum,
Tota dolet natura & trisli conditur umbra.
Sequans, qui pleno turges lachrymosus in alveo,
Dic mihi, dic Batavo vati, qua clade fatiscam,
Cui faciam jam justa viro. Vos pandite totum
In laudes Heliconæ Deæ, mihi suffice fontes
Phœbe tuos. si cuncta velim, si singula fari,
Laudatrix potero vel tunc exsucca vocari.
Ipsa dedi Armando patriam. sed reddidit illam
Inanimem mihi, prælustrem tot fascibus, armis.

Terribilem, ditemque opibus. proavosque genusque
 A Gallis arcessit avis. spectabilis aula
 Majorum fortuna fuit. sed gesta suorum
 Transcendit titulosque nepos. qui prima juventa
 Ingressus spatia, immensus puer imbibit artes,
 Præceptisque animum crescens implevit honestis.
 Sive sacrosanctos illi Sapientia sensus
 Panderet & totum cæli inflammaret amore
 Relligionis amor, seu rerum pondera sensim
 Praciperet, Regumque sagax adsuesceret ausis.
 Qualis in Eois surgit felicior hortis
 Arbor & in tenera promittit cinnama canna,
 Et dites Arabum messes. stupet ipse colonus
 Luxuriam laudatque sui incrementa laboris.
 Quis tibi tunc dolor Impietas? cum staret ad aras
 Plethiacus, populosque Deo, mortalia cælo
 Iungeret, ignarisque viam monstraret Olympi,
 Et Phlegethontæas pavidis averteret iras?
 Sic sanctam me, Armande, facis. sed & esse potentem
 Me cupis & diadema mea regale corona
 Liliaque & nostri latè diffundis odorem
 Nominis, & magnis animis sub Rege capeffis
 Frena gubernator, totusque offeris honori.
 Num discors essem studios, mediisque laterent
 Viscera visceribus contraria, & urbibus urbes,
 Et partes faceret fidei sententia & audax
 Arceret Regem pietas; tu Santonis arces
 Expugnas bellumque undis indicis & urbi.
 Omne catenatum stabat mare. compede Tethyn
 Trinxerat & tumidos Richeli solertia fluctus,
 Terrarum metus & magni formido profundi.
 Nam Rupella mea est, & Regis creditur esse,
 t paret mansueti mihi. clementia civem
 eniit & multum pietas profecit inermis.
 regimus Albani metuenda cacumina Montis,
 laustraque Salmurii laudata modestia docti

Præsidis indulgit domino. Vir clare, sciebas
 Imbellem præstare fidem & moderamine sancto
 Posse Deo & pariter Regi parere minorem.
 Egressa est sors nostra foras. transcendimus Alpes
 Pœninosque apices. illic mihi subdita cessit
 Insubria, ingentesque Padi defendimus arces,
 Compositique Italùm procures causaque Quiritum.
 Parte aliâ, qua se Pyrenes horrida tollunt
 Culmina, disruptis generosa Colivria portis
 Concidit, & longos patiens Perpennæ labores.
 Dum Regis nequicquam acies ad bella vocaret
 Armatasque rates pelago. nunc omnis eunti
 Terra patet milesque sinus grassatur in ipsos.
 In Morinis adaperita via est. submitit habenas
 Atrebatum, Hespino potior, prærupta Bapama
 Gallus habet populisque metum bellacibus infert.
 Quis Rheno dominum imposuit? quis forte Brisacum
 Saxonis obsidio domuit? nos fecimus illud.
 Insultusque truces & signa minantia signis
 Contudimus. duce Plessiaco, mihi castra stetero
 Per longas durata hyemes, Solesque tulere
 Solstitioque graves Cancros, rabidosque Leones.
 Quis malè connexos thalamos suspendit? in urbes
 Detonuit, Lotharinge, tuas? timidoque Mosella
 Instittit? & toties victor detrixit honori,
 Infelix Burgunde, tuo? tibi, Rhetia felix,
 Reddidit? Ille fuit. non ullo gloria sæclo
 Emicuit mea splendidius. nec pluribus unquam
 Præsidii innixa steti. sum terror Ibero,
 Finilimis tutela meis, solatia pressis
 Præbeo, sum pacis peregrè armorumque sequestra,
 Arbitra magnatum. Nunc raptum Gallia ploro,
 Quem colui. quacunque mei sit causa doloris
 Materies, sunt Plessiaca tot nomina laudis.
 Nec solum mea rura, focos tutatus ab hoste est;
 Debent plura Duci. debent delubra, læresque

Tecta

Tecta que cœlicolũm, turres, pratori, portus,
 Et quicquid passim meliori fulget amictu,
 Ostentatque Ducem terris, ductore sub illo
 Surrexere Scholæ grandes, nitere penates:
 Palladii Themidisque novis fulgoribus ades.
 Auctus honos Phœbo est, cunctis sua commoda Ma-
 Sorbonæque decus, cujus de limine sacro (sis,
 Dogmata facundi fundunt cœlesti patres,
 Et lites doctrina piæ exercet & anceps
 Verum agitat famamque facit dicentis acumen.
 Nec simplex dolor afflicta est. sum Gallia triplex,
 Et triplici sic parte mei dispendia fari
 Sentio & occasu venerandæ lampadis altum
 Ingemo, dissolvoque Comam; discinctaque nigris
 Ingredior matrona Togis. Braccata recentes
 Lucibus obtundo applausus, tristesque jubebo
 Narbonem Salicesque meos iterare tumultus.
 Tu Ligeris, pavidis Neptuno occurre procellis,
 Oceanoque patri defer mea nuntia. clama,
 Restorem perisse maris dominumque Britanni
 Equoris, & portus omnes afflige sinusque.
 Tu Rhodane, Allobrogum qui per montosa vagaris,
 Monticolæ percelle tuos. dic ista Lemanno,
 Ludit hoc Araris potor, rapidique Garumne
 Tecolæ, qui que bibunt Isaram, laticesque Druentis,
 Et Dubin, Italumque aliis se rupibus abdunt,
 Nulla meos usquam recreent spectacula cives,
 Amphitheatrales damnet, nunc lurida, pompas
 Telpomene. non jam mendaci pulpita socco
 Excutiant turba strepitum, nec ficta cothurnus
 Mera det. jaceant dejectis carbasa velis,
 Mutet Mavors habitus, lituusque profundum
 Iugiat, oppressis imitentur tympana bombis
 Aptivos fumo tonitrus. qui sue verat acri
 Ostrepere hinnitu sonipes, lamenta lupatis
 Tremat, & guttis humectet grandibus ora.

Ipsa

Ipsa pedum pariterque enses Bellona feretro
 Suspendat. geminis libertas nostra salusque
 Præsidii asserta fuit. non, qualia latis,
 In sublime volent lentis incendia flammis,
 Perque domos crepitent disruptæ sulphure canna.
 Non volo lascivas mentiri bella carinas,
 Stagna que remigibus circum spumare canoris.
 Incedant tristes trabes. non jura tribunal
 Ventilet. hoc cessent, qui nunc expungitur astris,
 Præla die. Diana tuis est montibus exi
 Venatrix. vela clypeum Tritonia pullo
 Tegmine, totque urbes Cybele, quot Gallia monstro,
 Flere jube. tuque alma Ceres, mihi cernere talis,
 Qualis eras, cum rapta tibi Proserpina manes.
 Pallentesque domos Erebi feralis adiret.
 Sit plangens tibi, Phœbe, chelys, fidibusque remissis
 Plectra negent vati sonitum. lachrymosa querensque
 Virginitas Vestalis est. se regia Iuno
 Deturpet. spretos dissolvat fascia crines
 Matribus. amissum Daphnin deploret Alexis,
 Daphnin in silvis, Daphnin deploret in agris.
 Tuque adeo pia posteritas, morientis honori
 Hac insculpta legas æternis carmina saxi:

Hæ Richeli tenet urna Ducem, quem Roma
 verendis

Inferuit Latii Patribus, Prudentia cœlo
 Extulit, Atlantem regalis purpura regno
 Subdidit. hic ille est Rhæni expugnator &
 Istro

Terribilis, fracti spoliis insignis Iberi.
 Felix invidiæ victor. qui tela malorum,
 Et conjuratos in Regia sceptrâ furores
 Contudit, & late circum tot gentibus arma
 Intulit. atque Alpes ultra gelidamque Pyre-
 nen

Ivit ovans. sperata suis dedit ocia Gallis.
Terroremque foris. famam Regisque suamque
Francorumque decus terras diffudit in omnes.

Dixit & hec eadem ad tumulum Germania.
Conscia privati longa inter bella doloris, (verum
Colligit Armandi titulos: quæ moenia iusta
Reddiderit: quantas acies, quæ castra ducesque,
Quas Marti donavit opes: quo federe Catthos
Iunxerit: adversis pugnantem Saxona signis
Fregerit: immixtis Vbiorum rura manipulis
Trivexit: Arctoois armis erexerit ausus.
Inde Palatina flevit dispendi i terra,
Pugnantisque iras Bavari, violataque Bullæ
Nomina, subreptisque Dapes. speraverat illo
Incolumi, priscis Dominum potuisse reponi
Sedibus, & se Borbonio regnante tueri.

Aggressus mox Belga loqui, Batavumque potestas,
Quos socii junxit pactum commune periculi,
Huic, inquit, defensa fui. cum puerpere censu
Nostra laborarent longis arariæ bellis,
Venit in auxilium Princeps, & regia iussus
Scrini i, pro Batavis, se consultore, reclusit.
Quos castris præfigo duces, quo milite pugno,
Qui vallos gladius fodiant, quos trudit in hostem
Impetus egregiusque furor, mihi Gallia mittis
Gens gentis permixta mea est. ex lingua ministra
Militiæ; quæ Nassovius turmasque virosque
Alloquitur. timida toties hæc tessera notis
Audit & occulto servat tentoria verbo.
Cum mihi Bradanas ductor convelleret arces
Auricus, Sylvaque domos, munimina, portas
Concuteret, dabat ille meis aptissima rebus
Tempora. belligeras Mosæ subduximus urbes,
Incussus Grudis metus & trux Gennepa victa est,
Hoc alibi pugnante & delassante Philippum.

H

Dum

Dum Celtis Siculo res est cum rege, vagamur
 Latius & patriæ pariter Belgisq; mihiq;
 Armandus vexilla levat. quos strinxerat enses,
 Strinxerat hos etiam sociis. dum Lilia fortis
 Afferit, asseruit Batavi quoque septa Leonis,
 Nostraque Borbonia permiscuit arma tiara.
 Hac tibi debemus, Richeli. nunc grata sep ultum
 Prosequor & meriti summas funesta revolve,
 Et fastis inscribo meis, & vatibus Orbis
 Factorum memores Musas vocesque tuorum
 Impero. dum nostras pulsabunt æquora terras,
 Gallica dum Batavis pendebunt Martia templis
 Signa Ducum, Ligeri faciet commercia Rhenus,
 Dum mea Nannetum confendent carbasa portus,
 Dum mea spumantem vectabunt transtra Lyæum.
 Dum foetam mediis Cererem portabimus undis,
 Posthuma Plessiacas extollam Belgica laudes.

Itala tum tellus ferali innixa feretro
 Os aperit, Parmamque dolens dominumque Quiri:
 Precipites inflasse tubas. hæc jurgia, dixit, (tum
 Composuisse senex poterat. hæc vocis egebant
 Bella tua, tantum vitæ si fata dedissent.
 Inde per Eridanum & pugnaces gesta Salassos,
 Taurinosque refert. ubi cessit Inurex, cessit
 Consiliis Tortona potens; ubi nescia vinci
 Contempsit Ligurum, validis circumdata castris.
 Bellatrix Cassala ducem; portusque Monæci
 Non meus est. narrat Richeli Tellina laborem:
 Vallis & assertum Gallis ier: omnia Rheto
 Lata dari; Lariisque lacus posuisse tumultus
 Centronesque suos: paci sua subdere fessos
 Rura Lepontinos: Ararise jungere Varum,
 Cumque Pado Rhodanum domino coisse sub uno.
 Scilicet hæc norant Benacus & Addua, novit
 Ticinus, veloxque Athesis, quique ordine longo:
 Sublimis mediam me dividit Apenninus.

Nec tenuit vocem similis Catalaunia flenti,
 Utque erat impatiens, cur me, proh Iupiter, inquit.
 Destituis tutore mei, quem nuper amicis
 Fluctibus Illiberis vexit, quem vidit ovariantem,
 Narbo, suis thermæ lymphis fovere labantem.
 Me Tartessiæ inamicam regibus ille
 Munuit auxiliis. validis cum classibus una
 Impeterer, tremereque infesto remige portus.
 Illius effectum studiis, ne castra timerem
 Batica, Castellæque minas, sed tutior esset
 Liligero sub Rege salus. felicius arma
 Vindice sub tanto quatit Tagus, & sua servans
 Sceptra sibi, veteres iratus spernit habenas.
 O Superi, cur exequiis, cur clauditis annum
 Lucibus? illustrem quem tot fecere triumphi,
 Tot raptæ Hesperius urbes. tu testis Iberes;
 Tu Sicoris, tu Tarne, ut se Roscellio totam
 Totaque tradiderit submissis Bærcinon armis.
 Et dubitamus adhuc Armandum extendere faxis?
 Talibus inter se magna doluere Sorores
 Vocibus, inque suos traxere tot oppida planctus,
 Et silvas fluuiosque. cavis è vallibus Echo
 Exaudita fuit dixisse novissima verba.
 Fontibus insoliti passim fluxere liquores,
 At crystallæ suis, veluti lachrymantia, stillis
 Altis obriguere jugis. facta unda lapillus,
 Et stupuit Niobe terrarum, marmora, costas
 Posse queri & saxis sensum superesse malorum.
 Quin iterum Phæthontæa flevere sorores,
 Non malè consulti miseranda incendia fratris,
 Non princeps pueri facinus, sed busta verendi
 Principis, in casus quem dudum armaverat omnes
 Provida vis animi, & variis exercita fatis,
 Solaque fortunæ anticipis prudentia victrix.
 Quas Ducis exegit laudes, vox publica dixit.
 Tot gentes fecere suam. Vox altera restat,

Sed privata magis. coit in praconia late
 Pegasidum chorus & Druidum sub pectore vites
 Concitant agitantque Deum. vix Sequiana lessis
 Sufficit. exsiccant Pimpleos ca'mina fontes,
 Votaque malignanim comitantur Cœlica funus.
 Ista domi cantata licet, meruisse favorem
 Et possunt debentque tuum, Rex Iuste, sepultum
 Advena spectatum venia, cinerique Ducique
 Illa locuturus, que nec tua Galli s' fernet,
 Et mea me cogit pietas, Auguste, fateri:

Optime consultor Patris, cui vita cucurrit
 Per laudum subveſta gradus, qui templa, coronas,
 Rostra, togas, laurosque, Dices, certamina, Masas,
 Et pelagi curam ingenio complexus eodem es,
 Immortalis obis. tumuloque inclusus, eodem
 Egredieris tamen; & gentes diffusus in omnes,
 Cunctorum linguis veheris: mors pallida dicit
 Extinctum, sed fumus negat. non cerneris aule,
 Et tamen aularum mentes mens ista gubernat,
 Et Geniis tuus ante oculos Regisque Ducumque
 E regni Procerum, reſi inſpiator oberrat.
 Non opus est custode tui. discede ſuſcelles.
 Non jam deſenſoris eget. ſine milite vivit,
 Et cœlos imbellis adi: non viſſima, Princeps,
 Vindictæ violenta cadis. Dî tollere ſolum
 Hoc vulnere caput. ſupere enſiſque furorque,
 Dum Superum te munit amor. ſi terruit hoſtes
 Mars tuus; ad nomen Richeli nunc horret & ex-
 cors

Palliet Iber, priſciſque aliquid terroris in umbra eſt.
 Tota Daci tumulus ſit Gallia, tota ſepulchrum eſt.
 Quattuor hoc librant ingenti mole columna.
 Quarum Relligio prima eſt, cui dextra volumen
 Geſtat adorandum populis, at leva Tonantis
 Teſta notat. valido inſiſtens Conſtantia ſaxo,
 Stat juxta, pedibusque metum conculcat & iras.

Tercia

Tertia se partes Solertia versat in omnes,
 Et ventura videns, retroflectit. ultima Regi
 Se tollit jurata Fides, dextramque coronæ
 Imponit, puri castos fidiſſima regni.
 Praetumulo stat Fama, cui caeva buccina Magnum
 Intonat Armandum cælo terraque manique.
 Illa super Gangem, super ostia dirigit Indi
 Exaudit et fuit, totumque implevit Hydaspem,
 Memnonisſque domos, et præſta vocabula, Sinas.
 Illa per Occidui penetrat diſſit et Phæbi
 Ivit, Hyperboreis Sueonumque remaguit aulis,
 Lappionumque vagas rupes transgreſſa, reſultis
 Tranſiit Herculeos fines Calpenque Abylæque
 Atlantiſque jugum, latèque perhorruit Auſter.

Quid Livor maleſane furis? non læditur Atlas.
 Nubiſer eſt. quid deſunctum vaſana mordet?
 Te reſtem virtutis habet. tanto alior Heros
 Erigitur, quanto in cineres crudelior audis.
 Non feriunt Solem tonitrus, nec ſidera fulmen
 Verberat. in vivo dentem fregere rebelles,
 Felici nil verba nocent. tot geſta ſilent
 Cauſas pravos habet. nulla eſt victoriæ major,
 Quam cum conſeſſus meritis peſſam datur hoſtis.

I N E F F I G I E M

ejuſdem Cardinalis.

Sic ſculptum ſcriptumque Ducem, cape Sequana
 noſter

Quem procul Arctoïs Amſela mittit aquis.
 Principis hæc facies, hæc magni Neſtoris ora.
 Talis adorandum Purpura fulcit ebur.
 Pallada Maſoriemque fides. par Inſula ſacris,
 Par caſtris, vaſto par, Ludovice, mari.
 Francorum Par grande, ſui venerabile lumen
 Stemmatis, Imperii gloria prima tui.

*Qualia, sublimis Richeli, mens sidera volvit.
Quæ Populo, Regi, quæ vacat una Deo.*

I N I N S I G N I A ejusdem Cardinalis.

P *Alliæ Sidonio pulchrè radiantia succo,
Pilea fasciolis ista liganda suis,
Arinandum trapeasque notant, Latique Senatus
Nomina, Tarpejo proxima sceptrâ patri.
Anchora Neptuni fluctus spatiosaque subdit
Æquora & immensis jura ministrat aquis.
Cetera sunt stirpis decora. at quæ pendula Crux est,
Richelium augustis inserit Ordinibus.
Sic fulges, Dux celsæ domi. sed mentis honores
Gestorumque, vehit nuntia Fama foris.*

Ad Serenissimam Principem

E L I Z A B E T H A M,

Frederici Bohemiæ Regis, Comitæ Palatini,
S. R. Imperii Electoris Filiam
natu maximam.

R *Egia progenies, tuæ quæ cunabula terris
Dividis & Superis; seu de te matre Minerva
Rex genuit, seu Rege satam formavit Apollo.
Et totus labor Aonidum; clarissima Princeps,
Vera Palatinis Majestas debita regnis,
In Batavum peregrina solo, si vatibus olim
Fas fuit assari Superos, sceptrisque potentum
Et, formidatis quamvis, placere tixis
Carmina: sume, Tibi quod consecramus, Eliza,
Femineæ virtutis Opus; thalamique labores,
Fortunaſque thori & memoranda exempla pro-
Et conculcatas in amantum corpore leges (cantum,
Perlege.*

Perlege, & in priscis agnosce novissima sedis.

Hic partes agit unus Amor, viresque Dione
 Explicat ingeniosa suas. hic tela facesque
 Exacuit quassatque Puer. patet omne sagittis
 Pectus & aeterno sociantur federe nulla
 Sorte pares. nubunt spretis diademata rastris;
 Purpura contempta sit rusticitatis amatrix,
 Aestuat in gibbo Regum generosa proago,
 Ipsaque nobilitas foedis amplexibus ardet,
 Et Phlegethontæa promittit basia nuptæ.
 Nescit jura Venus. primi sine veste parentes
 Conveniunt, nubunt geminae sine lege sorores,
 Innocuas rapuisse nurus exceptio pravi est.
 Bis stupro male Graius ovat; raptique pudoris
 Supplicio praefert thalamos, sine bile Iocasta,
 Quemque cupit Tryphosa mori, vult altera vivum.
 Rara thori facies. lecto miscentur in uno
 Dissimiles. non semper amat prudentia. crebro
 Conjugium Fortuna facit, nec gnara futuri
 Mens hominum caecusque furor. non visus amator
 Sapius ignotis domina circumdatur ulnis,
 Et vasti quamvis secretos finibus orbis
 Momento vis blanda ligat. mirabile lecti
 Ingenium casusque stupe. vesania nuptas
 Inconsulta rapit. nuptis succedimus, eheu!
 At simili ratione, mares. insania tedas,
 Sed communis, habet. quid enim? si filia turpem
 Deperit formosa Craten Cynicoque paratu
 Incessere pares; etiam perversus amator
 Persa fuit, cum regales confunderet ignes
 Ignibus Aspasia, & solio consedit eburno
 Phyllis & illustri dixit suffragia Medo.
 Sic lascivit Hymen & tot variabile formis
 Numen habet. solis, Princeps, miracula faxit
 Basilis. portenta potest cum matre Cupido.
 Nil intentatum scelerisque dolique relinquit

Abdita vis gremio. solum sine crimine nupsit
 Prima parens, & juncta sacris Ecclesia vinculis,
 Sponsa Creatoris magni, Ch. istique voluptas,
 Et restaurata facies augusta salutis.

Hac canimus, Regum soboles. sum illa furoris.
 Vilibus argumenta tuis. sic esse videmur,
 Quæ loquimur, grandesque canens mens libera nu-
 ptas,

Has ipsas, velut amplexus, complectitur omnes.
 Iam Rhodopen, nunc Aspasiam, nunc tangere sagam
 Credimur, aut teneram gerimus cervicibus Em-
 mam,

Aut nostris Preciosa libens sua commodat ora
 Basilis, lætisque istis applaudimus umbris.
 Felix turba poetarum, quæ Regibus adstas,
 Cum sceptris, sine labe, cubas; das oscula centum
 Versibus, ingenium thalamis intradis & arilis,
 In Medos peregrina ruis; sis accola Indæ,
 Hospes ad Euphratem graderis sedesque beatas
 Fortunatorum nemorum. Te regia Cyri,
 Nunc Assur, mox Gallus habet: per longa vagaris
 Terrarum spatia, & patrius procul exul ab oris,
 Fingis cuncta domi. Tibi si, regalis Eliza,
 Hac volupe est legere, atque oculos per singula vol-
 En nostris, Princeps, alio transvecta Camœnis, (ves,
 Ad Persas nobiscum ibis, Thebasque potentes,
 Et Magni limen Caroli, celebrisque Tholosa
 Rostra salutabis. pariter spectabis amantem
 Primævum per rura Patrem, sub frondibus Evam.
 Mox siluisse Leam tam longa nocte stupebis,
 Atque eminentes partes obuisse sororis.
 At nunc subridere tibi, augustissima Virgo,
 Fas erit, impostor cum dentem dente Guërra
 Totque refert maculas maculis. cum sutor aberrat,
 Calceus, & quotquot pueris vixere magistri,
 Cum sartore toga, atque ipsa cum conjugè nutrix.

Tunc

Tunc præfiga tui, forsan ventura not. ibis,
 Quosque parent tibi fata thoros, & digna tui
 Federa, cum pande Manto signacula palme
 Inspiciet, Regemque tuo sub pollice cer. net.
 At tunc se plenæ Majestas vestra cachinnis
 Effundet, cum femineos natura labores
 Invertit, factisque sua vir socrina Sponsæ est,
 Et totum Regis sobolis fert tergo Scribam.
 Cum Rhodopen, Veneranda, leges, ne sperne puellæ,
 Quæ Regi laudata suo est. dum ca. si procantum
 Excutitur, decide sagax. Tu dilue iudex
 Tot juvenum studia, aut litem compone si. a. ven.
 Discutient lepidos cœlestia vincula casus,
 Et procul in Pharios, Virgo, subvoluta penates,
 Cantabis Salomonis epos, formamque genusque,
 Et nuptæ sublimis opes & gaudia disces.
 Tunc demissa, licet terrenis fulgida sceptris,
 Numen adorandum populis, Dominumque salutis
 Autoremque tuæ, nomen venerabile cxlo,
 Descriptumque coles sacra sub nube Tonantem.
 Proles vera Ducum, cunctas tibi callidius artes
 Pandet Amor, Tui quas licet ignorare recuset
 Majestas, sprevisse valet. quæ scripta placere
 Fortè queant, imitanda fugis. sunt Regibus illæ
 Infames scopuli, non sunt exempla sequenti.
 Quamvis rara tuam decoret Sapientia mentem,
 Virtutumque chori illustri se pectore condant,
 Linqvis docta Craten. regum supisse maritas,
 Sit satis Imperio. careant Doctore marito.
 Cum mediis Sponsam Cyrus raptaret in agris,
 Visa nimis petulans est purpura. blanda potestas
 Nil rapit, officiis ci ves & rara truetur,
 Nec cuiquam volet esse gravis. cum Filiis Regis
 Bajulat Emma virum, tanta deliria taxas
 Principis & fatuum thalamis proscribis amorem.
 Tot viris infracta sapis, Bata vosque Poetas

Et CATSI praecepta gravis vocesque salubres
 Vertis in obsequium recti. cum Pallade jungis
 Æthereum pietatis opus. moderantibus orbem
 Das exempla pudicitiae. conspectius omine
 Credis in hoc sexu vitium. tunc perplacet ostrum,
 Cum Superum mandata facit, vitasque potentum.
 Iustitiae vis esse Pharon normamque decori.
 Fortunam prudenter habes, cum prodiga leti est.
 Compescis, cum fava furit, cum regna novercans
 Subruit, hos constans tonitrus, hac fulmina cal-
 cas.

Quot latè fulges titulis, quot stemmata longe
 Sceptiferis arcessis arvis, tot dotibus anteis,
 Totque faces inter morum Cynosura coruscas.
 Da veniam fassis, Princeps. si buccina laudis
 Non sumus apta tua. tantis subsidimus astris.
 Non patimur regale jubar, nec lumina, Virgo,
 Intuitus veneranda tui. perstringimur illis,
 Et jam visus hebet pavidis. Te nubibus abde,
 More Deum. forsàn sic te perferre loquentem
 Possumus & tres per nebulam Tibi tradere vates.

I N E F F I G I E M ejusdem Elizabethæ.

Fortuna domitrix, Augusti maxima Regis
 Filia, Palladii grandis alumna chori,
 Natura labor, hoc vultu spectatur Eliza.
 Et faciem fati vim superantis habet.
 Exulat & terras, quas nunc sibi vendicat Ister,
 Iure, patrocinio, spe putat esse suas.
 Si patrius Caesar titulis succensuit, illud
 Frangere debebat Caesaris arma caput.


C. B A R L Æ I

P O E M A T V M

HEROICORVM

L I B E R I I.

Qui AVRIACVS inscribitur.



MANES AVRIACI,

Sive in funus Illustrissimi ac Inviictissimi
Principis,

MAVRITII,

Principis ac Domini Aurantiæ, Comitis Nassæ-
viæ, Cattimeliboci, Viandæ, Dietstæ,
Meursiæ, Buræ, &c.

EPICEIDIVM.

Sidera Belgarū sociis contraria regnis
Neptuni terrent populos, & fœdere
lævo
Errabunda truci concurrunt lumina
vultu.

Nec viçli Superūm placarunt numina
Et cæsa ingentes animæ: non pulsus a vitis (Boii,
Sedibus, & patrio Nemetum de limine Princeps:
Fatalesque vices Batavūm: non funera magni
Regis, & attoniti raptō rectore Britanni:
Et quæ plura ferox nuper portenta cometes
Prodidit, & diis præcidit stamina fati.
Omnis in Auriaco crescit dolor; & sua damnans
Gaudia venturos præsentit Belgæ labores;
Dum tanti Ducis arma jacent; nec æbenea cassis
Cingit honoratam mediæ inter prælia frontem,
Aut Marti dat jura suo, nec facta triumphis
Gloria devictum prorsus sibi spondet Iberum.
Ex equo sors illa nocet. nec simplicis umbram
Funeris urna capit. morimur cum Principe cuncti,
Et patriæ ruit alma salus: decessimus omnes,
Et bustum commune sumus. nec publicæ tantum
Nomina lætus habet; potius privata dolemus

Augustos pia turba rogos, & proxima letho
 Agmina ferali trahimus suspiria planctu.
 Occidit Hesperia terror, spretique Philippi
 Opprobrium, & manes dudum satis ulta paternos
 Dexterâ, cui niveis toties invec̃ta quadrigis.
 Inclÿta de victas patefecit gloria portas.
 Nec laudem morientis habet, bello-ve cadentis
 Cantaber; aut tantos potuit sperare triumphos
 Dux Italus. soli excellens prosternere fortes
 Dii valere caput; nec victis debita terris
 Vna triumphanticeffit Victoria cœlo.
 Succubuit Mars ipse viro, quem cedere ferro
 Sæpius, & pressis aciem diffundere castris
 Vidimus audaces Bataui; nec rectius ense
 Bellona strinxere manus. cœlestibus armis
 Pugnaces cessere mina, tantumque supremo
 Concessum superare Iovi. Regnator aquarum.
 Et magnus Belgæ domitor, tot nomina laudum
 Victricesque aquilas uni submisit Olympo,
 Armorum bellicque satur. seu fata vocarunt
 Emeritum, terraque omnes explevit honores;
 Seu gravis ira Deum est. poteras non clarior ultra
 Magne Heros vixisse tuis, ne dignius unquam,
 Non victâ virtute, mori: dum personat orbis
 Militiæ documenta tua, geminoque sub axe
 Attonitas feriunt felicia classica gentes.
 Iam spatium meritis aliud, jam sidera deerant
 Altera, quo victor proprios deducere Cattos,
 Aut immansuetos possis transferre Cheruscos;
 Aut socium Tamesi Scotum; vel fervida Celtæ
 Pectora, & infractio braccatas corpore turmas.
 Nec voluit superesse manus, quæ fessa laborum
 Quadruplici tumidas meruisset cardine lauros,
 Et famæ compleisset opus. spectaverat Auster
 Pacatum, nostris captivum classibus, æquor
 Ferre jugum, & Batavis Chilen ardere favillis.

Malbarici patuere sinus, Phœbique cubile
 Illius a conspectu missus compresserat hospes,
 Et thalamos Aurora tuos, & torrida flammis
 Littora: qua rapidâ stipatus Manade Liber
 Invida prædixit nostræ commercia terra,
 Quasque mari portamus opes, venturaque sero
 Carbasæ. terruerant gelidum quoque transtra Boo-
 ten,

Extra anni Solisque vias: ubi verba fretumque
 Nassavi æterno servat sub frigore Tethys.
 Scilicet hac hosti brevior tentata nocendi
 Semita, & Eoi quæsita potentia regni,
 Qua glacies & dura aditus natura negavit;
 Nec sequitur Cancri damnatus sinibus Æthon.
 Hoc totum potuere rates: nec vincere terrâ
 Sat fuit, Oceanum medioque natantia ponto
 Regna capit Nerei soboles; subjectaque nobis
 Alterius convexa poli. Ductore sub illo
 Conveniunt gemini sceptris communibus Indi;
 Iunximus Europam Numidis, Asiæque potentii
 Battariam: Gangi frenatum littore Rhenum;
 Ipsam Helicem cum Solis equis; commercia Nigris
 Invehit in Vaholim; & toto volitantia mundo
 Æmula Romanos transcendunt carbasæ fines.
 Nec tamen ante Duci nascentem subdere solem
 Cura fuit, quam tuta domi fortuna stetisset,
 Limitibusque exisset Iber; quam pristina rursus
 Reddita libertas patriæ, depulsaque Batæ
 Imperiæ, & sacro quæsitus nomine lictor.
 Iam puero Martis rabies, hostemque premendi
 Ardor erat, galeaque micans in vertice fulgor,
 Et procul adverso nutantes flamine crista,
 Et fremitus spumantis equi, strepitusque virorum,
 Tympanaque in mediis spirabant prælia campis.
 Armabat ballista manum, gladiumque peritus
 Stringere, & edoctam Threcum præcepta macharam,
 Ibat

Ibat in hostiles cuneos, lituique tubæque
 Pugnandi fomenta dabant. hac sola voluptas,
 Inter pugnaces gressum librare maniplos,
 Et mixtos linguis populos. Iam jussa phalanges,
 Et leges acies capiunt; jam nominis horror,
 Ipsaque majestas animos, atque effera duri
 Militis ora tenet. poterat regnare silendo,
 Et nutu Dictator erat. nec gloria belli
 Expectare virum voluit. Prætexta triumphos
 Adspicit, & rudibus Mavors se ostentat in annis,
 Prasagus tantorum operum laudisque futura.
 Altera Troia dolis capitur, primique laboris
 Præmia cespes habet. voluit se vincere demens
 Hostis, & invictis infert fatalia muris
 Pondera levus Iber. stupuit fortuna, suumque,
 Cum vicit, laudavit opus; ne Græcia felix
 Sola foret, fraudisque sua præconia ferret.
 Nec tantum placere doli, fallaxque juvenæ
 Commentum, nostroque Sinon sub sidere natus:
 Plus acies, plus dextra valent, pariterque Philippum
 Et virtus domat, & ratio, fortuna laborque,
 Visque favens Superum: nec Belgis sufficit uno
 Victores audire modo. Tu conscia rerum
 Dic mihi Calliope, (neque enim sine numine Divum
 Vicinus, aut tantos fas est memorare labores)
 Dic acies, actasque animis in prælia gentes,
 Oppida victa manu, captivas classibus undas,
 Victores Asia populos, & subdita Cættis
 Littora, & hostili manantes sanguine terras.
 Post scelus Hesperium, patriæque infanda parentis
 Fata, Britannorum ratibus contexerat æquor
 Cantaber, & magnam debellaturus Elisam,
 Pleumosios Morinosque inter spe vicerat hostem.
 Cui veniens paucis Batarum manus obvia tran-
 sylvagias acies, totique minantia ponto (stris,
 Castra Caledoniis Thulesque illisit arenis,

Pinus ubi, laceraque notarunt equore puppes.
 Post eiam accensas Arctoo milite Gades,
 Et flummas Tartesse tuas, spoliataque diis
 Regna Tagi, & vacuas Eois mercibus alnos
 Vidimus, & victam clero certamine Calpen:
 Tunc cum belligeras illi siluisse cunas
 Cerneret Oceani quondam regnator Iberus;
 Nec posset superare domi: cum proxima regi
 Littora Baricole magnis Heemskerckius assis
 Vre et, & fractas audaci Marte cecinas,
 Disiectasque trabes adversus cerne et Atlas.
 Hac pacem tum bella dabant. sensitque superbus
 Velle, is arua fatalia tempora custos,
 Et timuit bellare diu. Nos classibus ultra
 Iuimus, & medium qua Sol disteminat orbem,
 Vidimus, ut spatius axes contingeret aquis
 Aurica virtutis honos. Nos arua priorum,
 Et Fortunatas illo sub Principe terras
 Pressimus, & puppes cantatis fiximus oris.

Sed pelago me terra vocat. Sat maxime ductor.
 Tempora rostrata fulgent tibi vineta coronâ.
 Altera Nassavios qua cingat laurea crines
 Texitur, & fusos toties testabitur hostes.
 Dic clades Brabante tuas, dic nobile lethum
 Varaxi, cæsosque duces, dispersaque campis
 Funera, stillantes fumanti sanguine cristas,
 Membraque trunca virum, & squalentia corpora
 Flandria, cui sero semper memorabitur ævo (tabo.
 Altera lux Iuli, quantas in litore strages
 Spectasti, minus aqua tuis; cum compe de vineta
 Hesperiam, & totas traheret post terga phalanges
 Victor Araxiades; patria cum tota perire
 Debebat, vel stare salus; & Belgica concors
 Hostili conclusa solo pendebat ab armis.
 Hinc fluctus, hinc ævus Iber, vel laudis amorem
 Suadebant, vel fœda truci ludibria poni.

Causa Dīs placuit. favit pugnantibus æther.
 Nec Titan infestus equis. Iam vincere Flandros,
 Iam nostros fortuna videt. jam cedit Iberus,
 Iam Batavus. nutat Marvors ferrū inter & enses,
 Nunc alius, nunc rursus alius. spes neutra triumphi
 Ancipitiſque diu cælum discrimina belli (est;
 Dividit; ingentes donec dux Belgicus iras
 Colligit, & sparsas capto rectore cohortes
 Occupat, & cæſos Alberto Cesare manes
 Vlturus, magno inferias mactavit Adolpho.
 Quid mihi Pellaum juvenem grandæva vetustas
 Obiicis? & victas diſcuſſis mœnibus arces,
 Sidona, magnanimamq; Tyrum? quid Perſica jactas
 Agmina, quid vaſto metuendum corpore Porum
 Illius cecidiſſe manu? licet impiger Hellen
 Spreverit, & rapido terrentem flumine Tigrin,
 Mauritio minor ille fuit: neque tantus in arma
 Ivit ovans Macetes. Aſiam vicere ſariſſa.
 Imbelles viſ docta viros. nos miles Iberus
 Exercet, fertque arma armis non diſſona Veſper.
 Ceſſerit Euphrates illi, nos vicimus æquor;
 Ille Scythas, molleſque Arabas, deſuetaque bello
 Nomina Bactrorum, & diſfuſos finibus Indos;
 Nos, qua terra patet, Solem Batavosque ſub uno
 Clauſimus imperio. nos duri cornua Rheni
 Fregimus, & Moſam pariter Vahalinque Sicambriſ
 Vinximus, atque iſtos longè ſuperavimus amnes.
 Auxit Naſſarias ſuperata Daventria laudes,
 Acceſſitque prior titulis Zutphania noſtris.
 Das faſces Neomage duci: das præmia belli
 Huſta potens: tantique etiam Stenovice triumphis
 Adderis, & celſam vinci potuiſſe Covordam,
 Obſeſſamq; iterum vinci haud potuiſſe Covordam,
 Vidisti, Friſia columen. Nec montibus hæſit
 Tuior, aut Dominum Gertrudisberga Philippum
 Paſſa diu, precio venales reddidit arces.

Mox

Mox quoque non victa per secula multa Groninga.
 Mœnia celsa ruunt, aquilasque & jura Leoni
 Casareus submittit apex. Iam fœdera poscit
 Meursia, jam domitas adportat Berka secures,
 Et veteres parent Salii. Bresfordia pacem
 Mutato rectore capit: nec jungere dextras
 Grolla timet, regique cupit validissima vallo
 Linga nihil debere suo. Quam Gravia vellet
 Se vinci potuisse prius, metuendaque Slusa
 Toxandris; tunc cum celeres in bella triremes
 Mitteret, & Boreum terreret Spinola pontum!
 Tu quoque, victa licet, nostris accede trophæis
 O victrix Ostenda diu; quam tertia messis
 Cantabricos vidit spernentem impune furores;
 Nec totam potuisse capi. das frustra Philippo,
 Dumque peris jam facta minor, nova mœnia condis,
 Totque urbes ex urbe trahis. Spectate nepotes
 Ilion in Morinis. Hæc nobis altera surgunt
 Pergama, nec solis illudit Troja Pelasgis.
 Urbs jacet ad Vahalim, priscis celebrata salinis,
 Bommel, Mendoxa opprobrium, & fugientis Iberi.
 Vindicat obsessam Auriacus, clarusque triumphis
 Incluta laurigeris attexit gramina fertis.
 Victorem conspexit hyems, & frigore duro
 VVachtendoncha ducem patitur. Divenditur aræ.
 Et cinctum gemino mercaminum flumine castrum.
 Iuliacum vis ista domat, geminisque petitum
 Principibus litem Batavo tutore diremit.
 Vltima Nassavios explevit Berga labores;
 Nec timuit secura minas, & subruta furtim
 Mœnia fallaci Liguri. concedimus hosti
 Nil præter pugnae spatium. quo prima locarant
 Castra loco belli Proceres, hac parte steterunt.
 Et tumulum posuere sibi. concurritur armis
 Cominus, & solo libertas sanguine tuta est.
 His titulis bellator ovat, nec nomine ab uno

Emeruit fama precium. Non clavius unquam
 Alta triumphali scandit Capitolia curru
 Cimbrorum domitor; vel qui Pellæ Qui ino
 Sceptra dedit. nunquam dominas comitata curules
 Iustius Ausoniis fremuerunt agmina poris.
 Interea, dum tanta Heros praeconia laudum
 Conge. it, & domito placatur Vespere, e Mavors,
 Non semper fera bella placent, sed redditus astris
 Aethereas arces, superumque ingentia tecta,
 Et circumfuso pendentia fornice templa
 Mente capit; quas Tycho sagax edisserit artes,
 Quas Belus, quas prisca Pharus, vel caliser Atlas,
 Brachmanumque schola, vel docta Cecropis arces,
 Quasque Syracusius formas inscripsit arenis.
 Ut nova & antiquis oracula dissona seclis
 Edat, & ardentem sistat Copernicus aethram;
 Terrarumque globum, magnaeque habitacula Vestae
 Audaci ratione rotet, totumque profundum
 Verset, & hac celso suspendat pondera coelo.
 Nunc Pallas, nunc arma juvant, nunc sidera fulgent
 Explorata Duci; nunc terras milite subdit,
 Quasque domat, metitur aquas. stant ocia coelo,
 Bella solo, placidusque suas in cortice pugnas,
 Nec nocitura videt tenera certamina charta
 Mars pater, & doctos miratur surgere vallos,
 Et scriptas foliis acies: seu cornua campis
 Stare volet, seu signa ciet contraria Mavors,
 Aut peditem circumdat eques, cuneosque reducit.
 Aut laxat Bellona suos. Sic tempora quondam,
 Et male currentes Romanis reddidit annos
 Caesar, & Ausonios scripsit post praelia fastos.
 Sic Macedo positus clypeo paulisper, & hasta,
 Troiugenum Dolopumque manus, & Dorica lastrat
 Agmina, pugnandique capit de carmine leges,
 Bellandique modos. O quam ventura stupebis
 Posteritas, cum nascentes in secula libros,

Nassavioque duci scriptos miraberis orbes !
 Ille d'ic im domitor, viAus cui paruit armis
 Hesperus, atque oriens iuravit federa Titan ;
 Qui Tarte siacas flammis ultricibus oras
 Terruit, atque alio posuit viArici mundo
 Signa, nec Austriacos timuit damnare furores,
 Inter bella docet. validus qui verterat arces
 Miles, & Hispanis a'perfit cedibus aq'ior,
 Scripsit, & imbelles etiam secessit in artes.

O rerum fatique vices, atque invida t'erris
 Iussa Deum ! nimium superis tu Belgica tellus
 Visa potens. moritur patri & spes omnis, & omnis
 Gloria Cattigenum : decuit quid cedere Rheno
 Batini, & ad Phœbi suspendii limina lauros.
 Libertas perculsa stupet, sequimurque feretrum
 Exanimis Batavi, compressa que pectora luctu
 Solimur lachrymis. intonso crine Sicamber
 Ambulat, & querulo Valachri sua murmura ponto
 Ingeminant. Frisiiis gemitus in vultibus herent,
 Nec Flevis sua diuina tacet. Germania sorti
 Hoc dolet accessisse sua, cunisque superba
 Principis, in tanto deponit funere fastum.
 Iam Rhodanus, nost. isque olim defensus ab armis
 Sequina, per vastos tradunt sua flumina fluctus,
 Et solos nos flere vetant. Iam tristis Iene est,
 Queque Caledoniis frigent in silibus urbes.
 Communisque memor generosa Britannia belli.
 At vos, Adriaco iurantes sceptraprofundo,
 Ad Belgis properate Patres ; pars fœderis hæc sit.
 Condoluisse malis. Tuque in iustissime Regum,
 Terror Hyperborea gentis, gelidosque triones
 Et Moschum, Gustave, domans, dum praelia victor
 Conficis, & pulso nescis concedere regi,
 Tamen sper te redde tibi, dum luseris orbem
 Mauitio Batavum & sociis dispendia gentis.
 Hæc quis ad Indorum populos, ad littora Gangis,

Ment-

Memnoniamque domum tam clara nuncia mortis
 Deferet ? ereptum te nobis, maxime rector,
 Audiet Euphrates, & conscia nominis Helle,
 Ingentisque Asia domitor, veterisque Iugurtha
 Imperia, & faciles nobis Carthaginis arces.
 Te quoque, sis licet hostis, Iber, miserescere tantis
 Posse reor damnis. Docuit te praelia princeps,
 Et multum hac virtute sapis. dum plurima perdis
 Oppida, quod reliquum belli inclementia fecit.
 Iam discis servare tibi. quo Marte perisses,
 Iam perstas, Martemque pari Mavorte fatigas.
 Hoc cessent, precor, arma die, lituique priores
 Dissimulent in morte iras, ne barbaram manes
 Classica sollicitent : dum versis ambulat armis
 Miles, & ingenti tumultus decernitur umbra.
 Magne Ligur, non jam clades hac dextra minatur
 Bellatrix, nec castra locat contraria castris.
 Securo spectare licet. si displicet hostis,
 Qualis ad obsessum risit tua fulmina Zomam :
 Tu ducis officium, tu docti militis artes,
 Atque hostem discerne tuum. laudabis in illo
 Invitus, quod amare nefas. hoc Belgica dices,
 Emicuit ductore diu, regisque perosi
 Iussa sui, veteres armis viribus iras
 Vltima fuit, tantoque sui stetit obside fati.

At tu Nassavia gentis magnique parentis
 Gloria, bellatrix anima, & jam debita caelo
 Progenies, prisco dux exaequande Camillo,
 Æmule Scipiadam, jam libertate reducta,
 Et debellati spoliis Orientis onustus,
 Totque ducum exuvii, infer caelestibus astris
 Emeritum bello caput, & qua despicit orbem
 Maximus Alcides, & nomina nata triumphis.
 Addere sideribus sidus. tibi servus Orion
 Cedit, & Arctos custos Erymanthidos ursæ
 Pandit sponte fores ; sua carbasa porrigit Argo,

Certe

Certe alium vectura ducem. tibi servida cæli
 Regna Cleonei despondet stella leonis.
 Et retro vult ferre gradum; nec triste minatus
 Pronior Australes vergit Capricornus ad oras,
 Indigetemque invitat ovans. quacunque micabis
 Parte poli, domitas isto sub sidere terras
 Adspicies. si servet Eos, fumantia sub te
 Æquora, & infesta flagrantia transtra Malaccæ
 Discutient fulgore diem. si displicet ortus,
 Occiduique placent angusta palatia cæli,
 Hic tibi magnanimo tellus inventa Columbo
 Hesperias monstrabit opes, & dedita nobis
 Mœnia, Sacratosque sinus. si vergis ad Austrum,
 Amstelio cernes nuper freta pervia Typhi,
 Scriptaque Mauri longinquis nomina terris.
 Si legis Arctoi glacialia sidera mundi,
 Hic quoque constructas Batavum mirabile villas;
 Et populi monumenta tui, duroque perustam
 Frigore Neptuni sobolem. Sed mitia si te
 Astra vocant, placidosque inter censeberis ignes,
 Qua tenet inclusos habitabilis orbita Belgas,
 Et dextrum ferit umbra latus, de viâ videbis
 Oppida, disiectas acies, belloque cadentes
 Egregias heroum animas, nec inulta parentis
 Busta tui, foetam spoliis pendentibus Hagam,
 Placatum Vahali Rhenum, desuetaque regum
 Imperia, & patriis firmatum legibus orbem.
 Nos cives, pia turba, tui, jam publica lustras
 Argumenta damus, votisque reposcimus umbram,
 Præcipitesque colos querimus. Te Fama perennis
 Per terras pelagusque vehit, suppositaque nostris
 Littora littoribus, quaque explicat aureus ather
 Tempia Delum, vastæque expandit Iuppiter axes,
 Clangenti canet arma tubâ; nec tanta silebunt
 Bella prius memores Belgæ, quam flumine verso
 Irriget Hollandas Athesis, Sabrina Sicambros,

Par-

*Parrhasisque jugis Tanais delapsus, & Indus,
Mutato Batavas pulsabunt littore terras.*

D E

FREDERICI HENRICI

Auranfiorum Principis Præfecturâ

P A N E G Y R I S.

BElgica, quam magno circ umfluns aquare Ne-
Tundit, & in viso tutam secl idit Ibero; (reus
Quæ socias sacro j unxisti fœdere terras;
Nec rigidi fers jussa Tagi, calc itaque Regi
Hesperio paribus propugnâs jura periclis:
Sit mihi fas tibi fausta loqui, letumque prec ri
Augurium facile s que Deos; dum prospera diros
Discussit Fortuna dies; & falciger i as
Lenit, ac facili procurrunt sidera motu.
Explicat ipsa suos oriens Aurora jugales
Latior, & mœstos defuncto Principe vultus
Expandit meliore com i; nec gaudia Titan
Disimulans, Batavo fulget magis aureus orbi.

Tu Superis, Henrice, places, & numina nobis
Blanda facis; tibi pacatus deseruit æther,
Et veteres seclis trudit melioribus annos.
Auspiciis Paphos alma favet, th il imosq ue coronat
Conjuge mollis Hymen. deerat spes altera gentis
Auriaca, tantoque novum de Principe germen
Debat cœlum Batavis, & leta futuros
Exspectans natura Duces. nunc publica curas
Sceptra vocant, fascesque tibi designat, & enses
Belga favens, totumque audet tibi subdere Martem.

Maxima Battavica crevit reverentia terra;
Et gaudent delubra Deum, trabeat aque passim
Limina; jam sicro circumvallata Senatu

Cu-

Curia neglectas alio sub Praside causas
 Vindicat. & presso accelerat responsa clienti.
 It Themidi Bellona comes, frenisque sub iisdem
 Concordes sociant animos, nec patria tantos
 Pluribus imperiis prudens divellit honores,
 Iuraque castrensi dirimit civilia lauro.
 Scilicet una decus belli fortuna tuctur,
 Et momenta toga; ne vel vilescat inermis
 Curia, vel solo damnentur crimina ferro.
 Non pudet armatas Astraam ferre secures,
 Et gladium vibrare manu; nec pristina legum
 Gradivus consultis fugit. Spectatur in aula
 Miles Araxiades; & qui modo voverat arma
 Cattigenis, patriisque fidem juraverat oris,
 Iam sua clamoris despondet nomina rostris.
 Incluta progenies, & priscis cognita seclis,
 Imperium titulosque capit; cui splendidus olim
 Implicuit sacros Mœnus diademate crines,
 Et prona fulsere aquilæ. Sic nempe futuros
 Oceani terræque Deos, & divitis Indi,
 Augusto voluit numen de sanguine nasci.
 Illic magnanimos series aspectat Othones;
 Illic Pannonio celebres Marvorte Robertos,
 Victores Latii, & capta (proh tempora) Roma.
 Tunc cum purpureus gemeret nova vincula præsul,
 Casareumque nefas, ereptæque jura cathedræ,
 Indoluit, mediisque pater Tiberinus ab undis
 Dura triumphati spectavit fata Quirini.
 Valravos fert illa duces, felicia Gallis
 Nomina, cum socium exoraret Sequana Rhenum,
 Et premeret populos virtus Germana rebelles.
 Hic quoque Gerlacos, quos sanctior infusa textit,
 Et Iani fulgent Proceres. quique acer in hostem
 Ivit, & exitum docuit parere Garumnæ,
 Engelbertus ovans. Non hunc magis horridus ensis,
 Quam pacis decoravit amor, Batavæque superbam
 I Majestate

Majestate caput; querulas cui Flandriæ voces
 Et tumidos posuit dictis placata furores.
 His genitor defluxit avis; nec degener illo
 Sanguine crudelis furias contempsit Iberi,
 Albanique minas: vomeret cum praelia Batis,
 Missaque in Advaticis sævirent agmina portis,
 Et lentos secura Fides conscenderet ignes,
 Ille Pater, magno Belgas turbante tumultu,
 Afferuit ferro patriam, tot restitit armis
 Unus, & iratis Princeps tranquillus in undis,
 Iura focis, arisque Deum, terrasque colonis
 Reddidit, & profugis desertas civibus urbes.
 Nec te magna parens, duris exercita fuit
 Femina, cui triplici maduerunt cæde penates,
 Bisque empto latrone thoros, jam sera silebunt
 Crimina. Tu tanta dicas primordia gentis
 Gallia, & ingentem fastis inscribe Loysam,
 Cælinosque Duces. Tumulos venerare; sed unum
 Tot sedis expunge diem, quo perfida Cypris
 Cadibus infames Francorum asperxit amores,
 Impiique aspexit redi-vivus ferula Thyestes.
 Mauritius virtute preit, titulisque decorum
 Illustrat belloque genus. non una trophæis
 Sat fuit, aut forti suffecit Belgica dextra,
 Parva nimis. vasti clauduntur cardine cæli
 Praelia, & immensum circumfert vela per orbem
 Bellatrix viatrixque manus. Sic plurima sceptrix
 Accedunt, Frederice, tuis, longoque triumphas
 Ordine, & innumeris turgescit linea lauris.
 Neq; tibi pacatis germaniæ sedibus olim
 Vix jura dedit, nec prima luce coronas
 Suspendit foribus Cættus, stirpiq; tuorum
 Saxoplacens. gaudet clavis natalibus æquor,
 Ne eidumq; te domus, Batavi. tu fluvibus ortus,
 Oceanoque patri debes. tu Martius inter
 Tympanaque, fremitusque viram, bellicæ labores
 Nascere.

Nasceris, & patrio tepefactis sanguine cunis
 Indormis, scelerum ignarus. nisi forte tenellis
 Emicuere aliqua jam tum vaguibus ira,
 Et cæsi vindicta Patris. velut obvia quando
 Occurrens Libyco tigris furibunda leoni,
 Cui proles it parva comes, discerpta feroces
 Deponit moritura minas: stat proxima matri
 Trux soboles, sentitque malum; sed viribus impar,
 Præsentem condit, mox hunc cultura, dolorem.
 Iactat Creta Iovem, Delos Latonia Phœbum,
 Partus Delpha tuos. Fratrem dedit exera tellus,
 Sed genitrix urbs nostra tibi est. quid inæniæ civis
 Gibboso fundata Duci, laticesque recoctos
 Esse putas laudis precium? tibi gloria major
 Surgit, & Auriacus latè famam explicat infans.
 Ille ubi prima levi fixit vestigiæ gressu,
 Militis emicuit species, genitusque videri
 Bellator poterat. sunt arma crepundia, lusus
 Deviæ Ma vortis opes, raptæque subactis
 Hostibus exuvie. clypei, galeæque tubæque,
 Et conï radiantis apex, feliciæ belli
 Orsa, placent, mediisq; audax adolescit in armis.
 Sæpè dedit teneris hastam gestare læcertis
 Mater, & intrepidus velavit casside vultus;
 Vel latus accinxit gladio, duroque futurum
 Armavit thorace Ducem. capit illa doloris
 Lenimenta sui, natiq; in imagine gaudet,
 Ultorem mirata suum, festinæque voti,
 Hic vindex tuus, inquit, erit, Gulielme, nec umbrâ
 Nassa vios inter proceres errabis inultâ.
 Excepit prætexta togam, bullataque vestis
 Expandit juvenile decus; cum ludicra belli
 Auspicia, & ficta spreuit præludia pugna
 Mens celsò cognata polo. vilescere Pallas
 Incipit, & Batavas jam designatus Athenas,
 Gradi vi præcepta capit. lorici Lycæum

Despiciat, arma scholam, chartasque repellit inertes
 Pugnatura manus. Fraterna negotia spectans,
 Hac vellet permissa sibi, doluitque trophæis
 Præcidi tot bella suis: parere Sicambrum,
 Et fortes animis Frisios, postremaque quondam
 Nomina terrarum Morinos: tot castra teneri
 Legibus, & famulis Mosam pâllescere ripis,
 Et fratri totam Superos impendere Daphnen.
 Possedit Bellona virum, & florentibus annis
 Inspirat Martis rabiem. mora nulla, ferocem
 Occupat Hesperiam, & quæ vulnera fecerat ensis,
 Lambit, & hostilem rabido bibit ore cruorem,
 Acer & indomitus; quo vel spes certa triumphi,
 Vel patris memor ira vocat. pedes urget Iberum,
 Virget eques. fusos premit imperterritus hostes,
 Nec veniam dant arma fuga. non horrida mortis
 Creditur aut lethi facies. non frigida Phœbe
 Importuna Duci est; vel qui sublimior axem
 Phœbus habet. vidit spoliis Aurora superbum,
 Et lucis pars nulla vacat. pars temporis omnis
 Pugnanti favet omne solum. iam classibus undas
 Claudît hyems, equitumque globos glacialia vectant
 Flumina; nunc eadem Zephyris spirantibus ather
 Laxat, & aquoreis exercitus innatat undis.
 Quis tibi tunc Alberte dolor? cum classica nostri
 Principis Erkelias premerent victricia portas,
 Et circum flagraret ager; cum rapta suppellex,
 Nec custoditum victori cederet aurum,
 Captivæque nurus. Qua tunc formidine pressi
 Pallebant Grudii; Batavas cum Dela phalanges
 Cerneret, & docti muris vicina Lovani
 Latior Auriacas cantaret buccina laudes.
 Cum tu clâre Ligur, cum Princeps fœmina regni
 Fumantes frustra lachrymis exstingueret ignes,
 Ingemeretque suis tristis Brabantii bustis,
 Tutela secunda sua; cum territus hostem

Fugit,

Fugit, & ingenti se condidit aequore Sculdís.
 Non Pandionis sic contremuístis Athenæ;
 Cum ferus immensos vastaret milite campos
 Medus, & in solis habitaret Græciæ transtris.
 Non sic obstupuit Latium, cum frangeret Alpes
 Hannibal, & victis tremerent Capitoliæ Cannis.
 Dic mihi Fama memor, quales Alemannia vultus
 Sumserit, adventu Batavi ductoris, ut omnis
 Castra Getes, pavidusq; averterit agmina Cimber.
 Codanique sinus populi; cum libera ab armis
 Vrbs angusta novis juraret fœdera pactis.
 O quoties duri circum fera cornua Rheni
 Vectus equo, & triplici cataphractus pectora ferro,
 Hesperias acies & formidata colonis
 Castra stitit: quoties Vahalin Mosamque minacem
 Cadibus Ausoniis vel sanguine tinxit Ibero,
 Et victos galeis hausit victricibus amnes?
 Flandria fatales Morinis reminiscere fastos,
 Quæ cladis tum causa tua, quibus impiger ausis
 Auriacus fraterque ruant: nunc littore castra
 Prima locent; nunc arenti Gradivus arena
 Æstuet, & geminum spectet de collibus agmen,
 Divisa virtute ferox: ut lurida Tethys
 Scuta virum, galeasque, & Batia corpora fluctu
 Abluat, & victo redeant sua castra Philippo,
 Vecta mari magno. Sed tu mihi Rora furentem
 Siste Ducem. viden' ut medios dilapsus in hostes,
 Longius ipse suas linquat post terga phalanges,
 Et captum circumstet Iber? Vos credite Belgæ.
 Liber abit, pugnamque novo Martiote laceffens.
 Qui modo captus erat, capienti elabitur hosti,
 Raptaque prostrati suspendit signa Trivultii.
 Ecce Palatina libertas saucia terra
 Poscit opem, victas Italus dum possidet urbes,
 Arvaque Casareis Nemetum submittit habenis.
 Nassavius molitur iter. nec segnior armat

Cornipedes, patriamque alium deducit in orbem.
 Belga bibit Mœnum, tumidum gens nostra Mosellā,
 Accola Neptuni Nicrum. miscentur in unum
 Vangionū Bataurūq; manus, non Trevir euntem
 Sistit, & oppositis populosa Moguntia castris.
 Stant acies. verum si mens non leua fuisset,
 Lentaque cristatus traxisset praelia Teuto,
 Non jam Cantabricæ turbarent praelia cohortes,
 Victorique Nicer fasces submitteret Istro.
 Inter bella animum pugna inflammabat amore
 Magnus Otho, quem Bistonius Germania peltis
 Ire gravem, atque aquilis perjuris cedere Lunas
 Latior adspexit. nunc victrix dextra Roberti;
 Nunc bellatoris virtus generosa Renati
 Subdebat stimulos, tantoque alimenta furori.

Quò fessum Dux summe rapis trans aquora va-
 Et vastos pelagi fluctus? regemque salutas, (tem
 Crinibus augustum triplex qui intexuit aurum.
 Non mea regales tecum pudibunda subibit
 Musa lares, nec tanta rudi fiducia Phæbo est.
 Tu patria voces & nostri iussa Senatus
 Perficis, & magna juratum fedus Elise,
 Publicaque egregiis confirmas commoda curis.
 Nec solum Auriacas Mavortia nomina lauros
 Condecorant; sed Marte gravis, bellicque trophæis,
 Consiliis augetur honos. Respublica felix
 Te Duce, te suasore manet; consultaque gaudens
 Suspicit, & calidos Prudentia dirigit enses.
 Virtutum tibi templa patent, exempla que fidei
 Prælucent antiqua tuis. dum libera queris
 Imperia, audacis succurrit gloria Bruti.
 Dum mortem populo impendis, te Consulis umbrâ
 Solaris Decii. urgentes si sistat Iberos
 Dextera, magnanimus monstrat tibi flumina Cocles.
 Bella trahis? suavit Fabius. victoribus instas?
 Iam repetita redux attollit signa Camillus,

Et

Et raptum tibi Roma decus, Latiiq; resarcit
 Opprobrium. cum dura pati fortuna cœgit,
 Plurima ab intonso sumis documenta Catone.
 Commendat faciles Trajani gratia vultus;
 Nec patitur Titus esse ferum. Si lurida vexet
 Castra fames, non jam Curios, contentaque parvo
 Pectora Fabricii solus mirabitur Auson,
 Et Belgæ rudis herba placet, calidoque recocta
 Sole dapes, & quæ mediis obsoniæ campis
 Lixa parat. Si sancta fides promissa reposcat,
 Regulus exemplo est. Fustus contemnitur effrons
 Tarquinii, Manliq; rigor, sævique Neronis
 Funera, & immanes quos olim Romæ tyrannos
 Indignata fuit. menti constanti i sedit
 Adversis infracta malis, & crimina solum
 Haud credit licuisse sibi, nec jura favori
 Donat avaritiæ rabies, aut nescia recti
 Ira gravat. cunctos clementia temperat actus,
 Et metui servile putat. plus roboris addit
 Imperiis securus amor, blandoque potestas
 Nixa supercilio; nec se terrore tuetur
 Majestatis honos. querulæ vaga mærimæ plebis
 Rectorum scis esse vices, regniq; labores.
 Ipse probas, quæ facta cupis; nec subdolis aures
 Tundit adulator, sævoque ferocius hoste
 Lingua nocens. tota livor proscribitur aula,
 Dum solus damnetur Iber. Te patriæ primam:
 Tu patriam, sed primus, amas. vocat illa parentem,
 Tu sobolem; dubii patrisque & Principis inter
 Nomina pergratis cives erroribus hærent.
 Felix illa dies, mediis quæ Belgicæ castris
 Elegit gavisus Ducem, fraternaque fratri
 Sceptra dedit. felix eadem, quæ splendida tecum
 Astra venerandus adit delubra Senatus,
 Æternamque tuo capiti meditatur honorem:
 Favistis superi Batavis; dum Principe ab uno

Iura Themis, Mars arma capit. non horridus ultra
 Terret, & ultrices Divum pater explicat iras,
 Aut cœlo portenta trahit. post funera Princeps
 Nasceris, & nigros feralia pondera peplos
 Exiit alba dies; & qua modo præfica cantu
 Luxerat Auriacum, tristes te Præsida lessus
 Nescit, & excusso reparat sua gaudia luctu.
 Applaudit tibi Belgæ favens, primusque Sicamber
 Accinit auguriis, tibi propugnacula Mosa,
 Et totum pandit Vahalin, divisaque Rheni
 Flumina, & invictas ferratis moenibus arces.
 Nec minus alma tuis genitrix Hollandiæ cunis
 Lata novo fulgore micat, natoque superbit
 Principe, & angustas submittit fascibus urbes.
 Omnia præsentis postponit secula duris
 Emergens Toxander aquis, & Flandrica donans
 Imperia, Auriaco littus custode tuetur.
 Te Flevus, Drusique labor, Donataque mitra
 Oppida, te dominum divisas castra salutant
 Gentibus; ipsa suo vel quas fecunda virorum
 Albion excivit gremio, vel proxima Rheni
 Fontibus ora dedit, vel quas Germania pugnae
 Casside, & aratis armavit Gallia gæsis.
 Eoi tecum restaurant fœdera reges.
 Rectorem Tidora colit; ditesque Moluccæ,
 Lavaque odoratis onerant tibi mercibus alnos,
 Victricesque rates: fulvum Guinææ metallum
 Spondet: Hydaspes ornantur pilea gemmis,
 Atque alibi jam lucet Eos, Arctoæque cingit
 Tempora. transmittit longinquis munera terris
 Tabrobane, fundunt reduces tibi thura Sabæi,
 Et Syriæ molles populi, ac vicina Damasco
 Mœnia. Cuncta tuas venerantur littora laudes,
 Totaque Nassaviis vel paret machina jussis,
 Vel parere timet. vastis circumfluit undis
 Neptunus tibi vota fremit, sævumque tridentem,
 Nerei-

Nereidumque domos, & magni jura profundi
Mancipat, & totum submittit classibus æquor.

Sume paludatas, Princeps venerande, secures,
Et castris dic jura tuis. Sat multa triumphis
Littora servat Iber. Phœbo subtraximus Indum;
Occiduis restat, nec notus finibus Auster,
Nec passim faciles Afri. Victricia cernat
Signa Tagus, nostrisque minans Carteia carinis
Occidat, & quondam mundi pars ultima, Gades.
Prædatrix Ostenda ruat, tandemque trophæis
Accedat Dunkerka tuis. hostilia subde
Oppida, securus decurrat puppibus æquor
Navita, nec captus ploret sua fata viator.
Saltem aliqua Batavis Bredanum averte pudorem.
Multa tibi Ætnæ jam fumant ara caminis;
Invictasque Duci galeas, & nescia ferro
Cedere scuta suis Brontes fornacibus aptat,
Vulcanus gladios, Steropes thoraca, Pyracmon
Ferratas subigit frameas, clavisque nitentes
Loricas rutilo gaudens superinduit auro.
Ipsa tibi magno tellus percussa tridenti
Fundit equos, cui Nassavius calcaribus armos
Attentumque latus fodiat, qui flumina velox
Et rapidum tranet Vahalim; nunc culminæ doctus
Transvolet, & nulli Cererem subducatur arista.
Iam video nova regna rapi, Morinosque coactos
Degeneris meminisse fugæ; jam subdere colla
Advaticos: domitis Scaldim mitescere castris
Latius impexum fines diffundere Geldrum,
Semotoque magis Frisios prædone vagari.
Tui Patriæ dignos ex te concede nepotes,
Auriacumque expande genus, stirpique futuræ
Imperii promitte decus. tibi templa, penates,
Curia concordæ aeterno fœdere mentes
Despondere velint: nec te Fratrique Patrique
Dissimilem belli videant virtute Batavi.

A R G O B A T A V A ,

Sive Epinicius in captam classem
Mexicanam.

Argolicas classes, spoliūque illustre Pelasga
Pubis, & aurifera raptum de Colchide vellus
In Batavis jam, Belga, vides. En Tiphyn, & Argo,
Selectosque duces patriæ, reducesque carinas,
Et Tartessiaci malè custodita draconi
Munera, & Occidui penetralia diruta Phœbi.
Quas versas, Fortuna, vices? quo crimine damnas
Hesperios irata Deos? dominumque potentem
Vis nutu trepidare tuo? nec regna perenni
Sorte beas? summosque tuo sub numine reges,
Sceptrorum quæ fata, doces? trabeasque, ducesque,
Et formidatas gemino sub Sole tiaras
Tot damnis facis esse reas? Num præscia veri
Grajugenū nostris prælusit fabula terris?
Et Colchis tum ficta fuit, tum fictus Iason,
Et ficti Minya, & cantatæ pellicis artes?
Inveniunt nunc cuncta fidem. plus Colchide servat
India; Phryxæis pallens mutavimus aurum
Exuvii; nostroque satius sub sidere ductor
Æsonides nunc alter adest, Argiva juventus
Toxandri Batavique sumus. non Pelias Argo
Disscidit Euxinum trabibus spumantibus æquor,
Aut labor in veterit tantus jam luditur urbe:
Non qui rura secat gelidus ditissima Phasis
Abreptas deplorat opes. stant littore puppes
Auriaca, queriturque sua dispendia gentis
Infelix Vesper, nec quondam cognitus orbis
Vincitur, & solum vellet mitescere Belgam.

Presserat Vnanimis Hispana potentia terras,
Imperiumque sibi latè firmaverat auro

Dives

Dives Iber ; poteratque uni mercabilis esse
 Terrarum fortuna Tago. jam cesserat Ortus,
 Frenaque Castella pallens admiserat Indus,
 Quà Pyrois se mergit aquis. submiserat Afer
 Littora, & Austriacis toties Europa favillis
 Arserat, & dives poterat metuisse Philippos.
 Sapius iratum Vahalin Mosamque catenis
 Strinxerat, & vietas Rheno subtraxerat urbes :
 Certatumque diu fuerat : num Rege sub illo
 Subderet ipsa suos concors quoque Belgica faeces,
 An dominis contenta suis pars parvula mundi
 Staret jure suo, latumque ostenderet orbi
 Libertas speciosa caput : num sperneret audax
 Regnatorem Asia, an positis agnosceret armis :

Cum Batavum sic ductor ait : Tantumne licebit
 Hesperia ? populosque meos impune laceffet
 Cantaber ? & socios ultra populabitur agros ?
 Cur servat Bellona modum ? cur segnior ather
 Temperat armorum furias ? & neutra potentum
 Causa libat ? cur quas nobis extorserat arces
 Eripit Austrinco ? vel quas extorserat illi
 Donat Arausiada ? & mutato Principe mutet
 Oppida, & adversis pereunt mihi mœnia castris ?
 Luditur hoc terra gremio, divisaque belli
 Gloria victorum geminis alternat honores
 Partibus, & lenti partitur commoda Martis.
 Promotum tellure parum est. vicina Sicamber
 Bella dolet : Frisiis prædatrix finibus instat
 Linga ferox : timet armatum Zelandia Scaldim :
 Cunctaque circumstant hostiles rura phalanges.
 Tentanda est fortuna foris, meliorque triumpho
 Materies rimanda procul. quocumque recedant,
 Occurreret quod perdat Iber. Iam paruit Eos,
 Ferventesque mihi fasces misere Moluccæ,
 Taprobaneque ferox, & divitis ostia Gangis,
 Et Tidor, & nostris Ambona potentior armis.

Huc aquilas, huc signa tuli, subductaque Bati
 Terrarum pars magna fuit. Gangetica fumant
 Littora, & Auriacis Malabar perculsa carinis
 Horret adhuc, Bata vîmque pavent incendia lava.
 Oppositum mundi restat latus. aurifer Indus.
 Ultimaque Arctoîs Tethys, spolianda trophæis
 Linqitur, & pulchro tellus donata metallo.
 Illic pallidulas volvit Pætolus arenas,
 Et ditis sunt tecta Mida, Pelopumque penates,
 Attalicique lares. illic in viscera terra
 Itur, & abstrusa turbat penetralia Vesta
 Fossor, & ipse suo scrutator concolor auro.
 Quid Cuscum, Quidumque potens, preciosaq; Chiles
 Oppida, quid placidis Limam qua præsidet undis,
 Commemorem, claramq; Peru? capit inde malorum
 Argumenta furor, socioque superbia luxu
 Ingenii fomenta sui. causasque nocendi
 Invenit. hic dirum peregrina pecunia Martem,
 Pestiferasque faces, bellicque accendit Erynnin,
 Inque neces nostras toties armavit Iberum.
 Hæc clypeos tot vena vomit, tot fabricat enses,
 Invertit fas atque fidem, regumque ruinas
 Ex alto scelerata trahit, tot subruit urbes,
 Tot populos, fatale lutum. timuere Britanni
 Hesperii rectoris opes, sensitque ferocem
 Gallia, terribilem Venetus, Germania fortem,
 Belga gravem, sævumque sibi glacialis Ierne,
 Audacem Allobroges. regnatoremque profundi
 Oceanus. tanto supplex natura magistro
 Paruit. hoc uno princeps ditatus ab Indo
 Subdidit hunc ipsum sceptris, & margine coeli
 Finit imperium. qui, tot labentibus annis,
 Terruit infractos audaci milite Belgas,
 Indus erat. qui castra Tago transfudit in Arcton,
 Instravitque suis Neptunia regna carinis,
 Ille fuit. qua mansuetum tot cadibus Albim
 Imbuit,

Imbuit, & Nemetum conspersit sanguine terras,
 Pars mundi postrema fuit. si cessimus, auro
 Cessimus, Hispana nunquam vicere sarissa;
 Qua vicit, dis gleba fuit. tam nobile lucrum
 Emeruit fama precium, Quid sedibus hisce
 Protrahimus bellū Batavi? Phœbumque cadentem
 Negligimus? cur non magnis invadimus ausis
 Raptum Attabalipæ solium? prædamque Pisarri,
 Barbaricasque pari rapimus virtute terras?
 Credite Battavia proceres, hac parte petendus
 Cantaber, hoc uno finiri nostra triumpho
 Prælia posse reor, solum locus iste potentis
 Imperii suffulcit onus. hæc omnia tellus
 Vindicat, hæc mundo pacem victoria reddet.
 Ibimus, & si quis fatis locus, ibimus, & mox
 Territa Nassovias spectabunt Mexica classes,
 Attexentque meis victricia rostra coronis.

Talia Arausiades attenta per oppida ductor
 Dum loquitur, subitoque accendit pectora motu:
 Et jam magna novi sedit fiducia belli;
 In Zephyrum gens tota ruit, divisaque Belgæ
 Partibus, ingenti cœunt araria censu,
 Et bellum privata parant. post publica cives
 Arma, suis fervent studiis; opibusque reposcunt
 Coniunctis unius opes. spe concipit Indum
 Quilibet, & dubia patriam mercede tuetur.
 Nec differre placet tanti molimina belli,
 Aut patitur fortuna moram. dat classibus undas;
 Duraque Neptuni soboles, interque procellas
 Indomito nutrita salo, vagus æquoris hospes;
 Huc omnes vertere minas; agiliisque juventus,
 Illa sua vindex patriæ, & Mavortis imago,
 Bellona ridente, novas contingere terras
 Gestit, & auriferæ votis exultat arenæ.
 Ibat ovans animis, spoliisque insignis Iberum
 Ductor; & Hesperis redimitus tempora rostris,

Æoliosque inter fremitus, noctesque, hyemesque
 Suetis honorata traducere tempora vitæ,
 Disposuit medio bellacæ carbasa ponto;
 Auspiciisque Deum, claro sub Principe, latum
 E Bataris molitur iter. sic noster Iason,
 Æsonides sic noster abijt. velut acer in Afros
 Ibat, agenoreis minitans incendia portis,
 Scipiaðes; postquam Latias sævisset in urbes
 Hannibal, inque suis doluissent bella Quirites
 Visceribus gremioque geri, victaque fuissent
 Post Trebiam infames Cannæ. sic longius ibas
 Cum Macetis, Pellæ, tuis; cum finibus arctis
 Nescires pugnare domi; nec Persa superbus,
 Bactraque, Arachosique, & vasti Orientis honores
 Insanum imperiū possent frenare furorem;
 Cum toto Tyrus alta mari circumdata nollet
 Ferre jugum, solumque tuis submitteret arces
 Classibus, & Graia citius vicere carina.
 Ille per aquoreos numerofo remige fluctus
 Vectus in Occasum, didicit Solemque diemque
 Se jam ponere sequi, atque astris præeuntibus audet
 Successus sperare sibi. mox flantibus Euris,
 Hinc etiam documenta capit, cœlique favore
 Lætiq, Albionis populos, & regna salutat
 Celtica. at infestum mox prætervectus Iberum,
 Vindictam sub corde premit; tacitusque putatur
 Fatalem huic dixisse diem. quacunque per undas
 Flexit iter, pavido sperata silentia passim
 Incubere mari. fugit Tritonia conjux,
 Inque cavernosum se submersere profundum
 Nereides. alium Salamina prælia Xerxem
 Moliri, pars una timet: pars altera, Troje
 Reliquias hac classe vehi, rursusque furente
 Æneam Iunone peti: vel grandibus iris
 Actiacas repeti ciuili sanguine pugnas:
 Aut iterum Hesperio Belgis sub rege parari

Turrigeris poenam ratibus. sed longius actus,
 Suppositumque tenens signis ferventibus aquor,
 Terruit ethereas Arctoo milite Chelas,
 Et timidis vidit Geminos harere lacertis
 Arctius, & trepida pallentia Virginis ora.
 Sed non sidereum cepit formido Leonem.
 At Batavi postquam vidit depicta Leonis
 Signa procul, rostrisque coli se novit in istis,
 Nominaque inscribi ratibus, fulgentior ignes
 Explicuit, rutilasque faces accendit cuncti.
 Mox ubi magnanimo tellus inventa Columbo
 Ante oculos & rostra stetit, visaque fuere
 Cyclades Occidua, & scopulis Barbuda tremendis,
 Invasit loca cuncta metus. que cuncta profundo
 Cuba jacet, titulisque novis Hispania gaudet,
 Adventu tremuere Ducis. turbata Philippi
 Imperia, & missis habitata regibus aula
 Prasensere malum. grandem transvecta per Isthmum
 Attonitam quoque Fama Peru, pacataque late
 Equora, Guianaque domos, Panamamq; Diosque
 Perculit. occulti Potosi tremuere recessus,
 Inque suis pavidum venis expalluit aurum.
 Non sic extimuit Clypea sub portibus Afer,
 Cum Latius Poenam terreret classibus urbem
 Regulus, & longi jaceret fundamina belli
 Navigat Arctous populus; veterisque coloni
 Orbe novo posuere rates, inversaque belli
 Sub Tropico fortuna fuit. quo sidere Phœbo
 Meta stetit, nostri quoque lux altissima fati
 Emicuit, sociosque astris aquavit honores
 Auriacæ virtutis apex. Quis crederet? illa,
 Illa diæ gens pressa domi, vix sedibus, cheu,
 Tuta suis, secura, foris peregrina laceffit
 Regna procul, mediaque velut stat Colchide victrix.
 Hic ubi diffusum late circumspicit aquor (strum,
 Dux Batavum, jamq; in Boream, jam spectat in Au-
 Impa-

Impatiens voti, famaue sititor, & auri,
 Adspicit ex alto surgentes gurgite longè
 Adventare rates, & foetas mercibus alnos,
 Transtraque Phryxæum domino portantia vellus :
 Cum sic ad socios puppi præfatur ab altâ ;
 Has ego vel bello victor, vel morte tenebo
 Certus opes. per tot fluctus, mundique cucurri
 Littora, vici hyemes, æstivæque sidera sprevi,
 Brasiliæque meis arserunt littora flammis
 Nuper, & hic galeis pelagus victricibus hausi.
 Nunc restat labor iste mihi, spoliisque litandum
 Belga tibi. nullo relegam vestigia cursu,
 Dum mea sit spes tota Tagi, dum cesserit illa
 Obsequiis dis præda meis : non sospes abibit
 Hesperus, aut missum capiet vœtigal Iberus.
 Accelerate viam, socii, conscendite puppes,
 Quæque vehunt Indos, ferro jam vindice Belgas
 Transtra vehant, dominosque alios agnoscere discant
 Sidereæ puppes, & castra natantia ponto.
 Si morimur, patria morimur. si sanguine tantum
 Constiterit facinus, patria debemus & illum.
 Vivimus, hoc etiam patria est. pugnamus, & illud.
 Alterius vos nosque sumus. nec talibus ausis
 Fama levis petitur. socio comes ibit honori
 Utilitas, raptis cunctis mactabitur ære
 Paupertas in visa domi. solabitur Indus,
 Quos inopes dudum gracilis damnavit egestas.
 Non in Parrhasiis Boreæ consistimus oris,
 Non Zemlæ glaciale fretum gelidasque jubemur
 Ire vias, non verticibus trux imminet Arctos,
 Aut cum carnivoris miseri decernimus ursis.
 Cuncta nitent, gaudetque suo natura sereno.
 Nos melior cœli regio placidumque cubile
 Solis habet. calidos ubi fax Phœbæa negavit
 Differri plus posse dies, bis messibus æstas
 Turget, & æterni ridet clementia veris.

Inter

Inter opes hostesque sumus. quas cernitis, undis
 Divitia gazeque natant. hæc carbasa mundi
 Fata vehunt, Regumque ferunt diademata puppes,
 Nunc pugnare manu, toto nunc robore niti
 Vos decet. expansis agedum succurrite velis,
 Et vestri faciles jussis parete magistri.

Tales magnanimo dignas ubi præside voces
 Ediderat, paret dictis Neptunia pubes.
 Ocius hi remis, & contendere laceris,
 Vel alii, laxosque citi explicuere rudentes.
 Fervere cuncta mari, & verri vada carula cernas
 Armigeris conspersa viris. nec segnius ille
 Imperat, & socios fugientem instigat in hostem.
 Iamq; pavens, pallensque metu circumdatur Indus,
 Et dives bellare timet. quamque anxia res sint,
 Discit, opes, magnique gravis custodia census.
 At contra spoliis immanibus acrior instat,
 Et quantum causa distat, vicinior armis
 Belga premit, ratibusque rates hostilibus arctat.
 Præda sit Hispanus, confertaque scrinia vecors,
 Deferit. æreas scandunt Mavortia puppes
 Agmina. non aliter, quam densa grandinis imber
 Fecundis incumbit agris; olidumque cadaver
 Invadit rostrata cohors; aut acta per auras
 Hyblaos mellita tegunt examina montes.
 Quis tibi tunc, Havana, dolor? cum littora circum
 Erraret tua Nassovius exercitus armis,
 Inque tuis Batavum fremuerunt classica terris,
 Et pavida Auriacas classes videre Matanca.
 Exiit locuples gazis regalibus Astur,
 Et letum transfertur onus. portantur Iberi
 Regis opes pelago, & tantis Dux Heinus ausis
 In patriam spolia ampla refert. angusta vehuntur
 Pondera, & Arctoïis fato servata triumphis
 Belgica inoffenso subeunt navalia cursu.
 Sic nobis mereatur Iber. sic India nostra est,

Ignor-

Ignorata diu terris. quacunque per orbem
 Possidet Hesperidum rector, quoque possidet hostis,
 Soli nec immensi domina est Castella peculi.
 Quicquid in hoc reperit Vespuci industria mundo,
 Inventum tibi, Belga, scias. quæ regna Columbo,
 Iam populo patuere tuo. quæ prælia gessit
 Cantaber, hæc nostros etiam confecit in usus.
 En cœunt gemini bellis felicibus orbes,
 Et quæ flammiferi surgit fax inclytæ Phœbi,
 Quaque ruit, fractisque bibit fervoribus undas.
 Dissociat natura duos, victricibus armis
 Confociat victor populus, dominisque sub iisdem
 Auspicias duplici suspendit cardine lauros.
 Credite posteritas. quæ vix trepidantibus olim
 Principibus parvâ poterat se sede tueri,
 Terra, procul missis diffundit jura colonis,
 Et cunctis quatit arma locis, nec limite certo
 Omne audet calcare solum. vagus advena mundi
 Hac habitat tellure, salo nutritus & undis,
 Partiturque suos Nerei cum conjuge fasces.
 In ratibus vis summa Ducum est, sceptrumq; geren-
 Robur habent. parvâ ratibus crevistis Athena, (tes
 Totæque se fluidis defendit Gracia lignis,
 Vela mari magno. cur vertice proxima cœlo
 Alta Tyrus Sidonque fuit? potuere carinæ
 Imperio monstrare viam. dum navigat ingens
 Carthago, trabibusque natat, dat jussa Saguntho,
 Gadibus, & Libycis Trinacria parvit armis.
 Tuque ad eò nunquam Superis tam visa fuisses
 Roma potens, Latius nisi formidata carinis
 Ostia barbaricos aquilas misisset in Afros,
 Aut Pelusiaci bellacæ littora Nili.
 Nec Batavus virtute minor jam clarior exit
 Gentibus, & quovis armat sub sidere puppes.
 Adspice, Belga, virum, tibi nunc ostenditur anthor,
 Totus ovans; Curibus parvis, & paupere Portu
Missus

Missus in imperium magnum. cui nobile virtus
 Stemma dabit, seroque feret praeconia seculo
 Fama memor. nondum bellorum in vultibus ira
 Subsedere Duci, nondum spoliantis Iberum
 Deseruit rabies. dicas majora minari,
 Et facinus versare novum. fiducia rerum
 Magnanimo sub corde sedet. spectacula, triumphos
 Dissimulat; tua vota capit. nec gaudia tantum,
 Quam facti momenta probat, speratque nobis
 Otia, & Hesperiae domitos hac clade furores.
 Si magnum, vicisse, putas; sine credibus hostem,
 Hoc majus, vicisse, reor. discessit in altius
 Cantaber, & nullo nostrorum sanguine Regem
 Imbellis placavit Iber. Nos solus Olympus,
 Oceanique furor, Boreaeque exercuit ira,
 Et docuit plus posse Deos. Sic nempe decebat,
 Quae dederant, aliquo discrimine dona parari,
 Grandiaque admixto frenari vota periclo.

At vos Battaviae procures, civesque, duorum
 Nomina magna Ducum fastis inscribite vestris.
 Qui prius Herculeas audaci Marte columnas,
 Et subitis Calpen, Abyla vidente, favillis
 Terruit: & quem nunc spoliis spectatis onustum
 Materiam belli gravidis vectare carinis.
 Heemskerki manes & magni pectoris umbra
 Audiat hoc. venit praeclari funeris ultor
 Heinius, & cunctis factum memorabile terris
 Continuat virtute nova. Dux alter in undis
 Castra rapit, rapit alter opes. hic pabula Marti
 Eripit, ille rates. alium Bellona secundat,
 Huic ultra Fortuna favet, sortisque serena
 Gratia. post lituos alius laurosque superstes
 Involvit se laude sua: post busta triumphat
 Alter, & in media statuit tibi morte trophaum,
 Belgica, diverso geminis decernitur orbe:
 Dumque alter veterem sibi subdit, at ille repertum,
 Terra-

Terrarum pars nulla vacat. Dux magne Batavum,
 Ingredere auspiciis latas felicibus urbes,
 Et cœlo famulante redux. per mœnia clamor
 Tollitur, Ecce venit; portasque effusa per omnes
 Agmina patricio cumulant plebeja favore
 Gaudia. permiscet senibus se densa juvenus,
 Virque puerque tuis gestit plausisse triumphis.
 O quantum mutata tuo res nostra regressu!
 Ut patria priscus rediit vigor, urbibus agris
 Vita, calorque novus! quanta est spes addita Belgis!
 Talis vere novo, pigra post tedia brumæ,
 Vis animis membrisque redit, cum celsior acres
 Ducit equos, noctisque fugat fastidia Titan.
 Ipsa triumphatum ante oculos victoria Batim,
 Captivumque Tagum, & preciosa monilia Regum,
 Poculaque, & pateras, fulgensq; in torquibus aurum,
 Exhibet. incusat fatales India merces
 Atque iterum sua dona timet, metuitque perire
 His ipsis afflicta bonis. Hispania nigrum
 Syrma trahit, ploratque sua dispendia terra,
 Iustaque Batarico subduci robora bello.
 Testibus his totum facinus vulgatur in orbem:
 Grataque posteritas dicet, Te vindice, Belgi
 Emicuisse decus. tantis securior ausis
 Tempora rostrata cingit tibi Belga corona,
 Heroumque libens titulos & nomina donat.
 Nec desunt studiis Superi. Tibi sidera servat
 Iuppiter; & qua jam rediisti victor in Argo,
 Ut videant Batavi, gelida vicinior Arcto,
 Clara coruscanti semper fulgebit in auro.

VESALIA CAPTA,

Duce facti fortissimo Heroe

OTTONE GENTIO,

Domino van DYDEN,

XIX Aug. ann. CIO IOC XXIX.

Quam pavidos inopina juvant, quam gaudia
 mæstos
 Insuperata movent animos, minuitq; dolorem
 Improvisa boni facies. sic pulpita postquam,
 Et personato squallent proscenia luctu,
 Et turbata stupet proprios orchestra furores,
 Funeraque, & nullam crudelis fabula finem
 Sortitur: Deus, ecce, Deus delapsus ab alto
 Cernitur, & tragicos absolvit machina motus.
 Sic vagus a quoreis Tiphys jactatus in undis,
 Quem sua destituit puppis, nudumque carina
 Remigio sociisque latus, dum mentis & omnis
 Consilii melioris inops, cedensque periclo,
 Forte salutarem, quam sors vel gratia Divinam
 Advolvit, prensat tabulam, fluctusque per ipsos
 Enatat: ingentes securo in littore casus
 Admiratur ovans, mediaque in morte saluti
 Præsidium roburque capit. Tu dilue luctus
 Letitiam jam, Belgæ, tuos, tumidaque triumphum
 Hesperia, & sterilis miseranda incendia terra,
 Et quos infelix queritur Vela via campos
 Austriacis patuisse aquilis, clademque Sicambrum
 Successu solare novo. victoria damnis
 Obstrepit, & patriæ reparat dispendia pernox
 Auriacus. Tibi victa suos Vesalia cives
 Devovet, & pulso nobis placatur Ibero,
 Ac patrio sventens se ulciscitur Isala Rheno.

Ille

*Illæ graves portarum obices, & vincula laxat
 Ferrea, nec ducibus metuit parere Batavis.
 Quin gaudet se lata capi, gavisæque belli
 Vim patitur, creditque sibi tunc otia ferri,
 Dum circum Bellona furit, murisque sub ipsis
 Arietat, armatumque equitem penetrabilibus infert.*

*Hoc precio grassetur Iber, camposque patentes
 Possideat, talem nobis dum debeat urbem,
 Et regni momenta sui. viduata colonis
 Rura premat, laxisque ferox se jactet arenis,
 Et late prædetur eques: dum fortis castris
 Oppida, & Hispano munitas mœnibus arces
 Subducatur fortuna duci. Brabantia plaudat,
 Et jam se vicisse putet, dum gaudia ploret
 Imperio damnsa suo. procul audeat ad nos
 Inrepidum proferre gradum, dum negligat amens
 Insultantem alibi Auriacum. longinqua sequatur,
 Dum faciat sibi pondè famem. spe proxima fronti
 Devoret, at tergo instantem sic sentiat hostem.
 Quod facinus, quam grande cano! dum luctus &
 Occupat Vnanimis tanto discrimine terras, (horror
 Veliferumque bibit bellæ Germaniæ Fleuvum,
 Et duplicis ci cum Rheni se cornua jactat
 Cantaber, & raptas Pacata per aquora gazas
 Rursum animo votisque capit, nutritque superbus
 Stulticia fomenta sua; jam victus & excors
 Indecori dat terga fuga, dispersæque signa
 Colligit, & timidus repetit sua castra manipulis.
 Haud aliter Latias Pœnus dux terruit arces,
 Extremumque sibi victis Capitolia Cannis
 Promissere diem: tales tremuistis Athenæ,
 Cum ferus iratam Medus transcenderet Hellen,
 Totaque barbaricis arderet Græciæ flammis,
 Cecropidumque lares: rursus se mæscala longo
 Solvit Roma potens luctu, cum territæ Afer
 Aspiceret Libycæ grassantem littore magnum*

Scipiadem, & retrò amissas remearet ad urbes
 Hannibal, & Trebiam Cannasque odisset, & Alpes.
 Ille ferox populus, toti qui præsui orbi,
 Quem dominum gentes nimirum sensere subacta,
 Isala cui domitas trabibus constraverat undas,
 Quo fugiat, vix esse videt. quin sedibus arctis
 Obsessi discrimen habet, dum debita verse
 Præcipiant alimenta vices. ô quanta malorum
 Agmina circumstant pavidum! granaria, messes,
 Æra, rates, strictis rigidas mucronibus hastas,
 Pilaque, pugnantumque faces, & quicquid in hostem
 Bellatrix doctrinæ parat, stipendia, currus,
 Signaque, capiti vosque duces, glomerata tenemus.
 Quam discit bellare miser, quam vulnera sentit
 Eugeniæ funesta suæ, quam vellet eunti
 Longius amotum ratiùs succurrere Scaldim,
 Aut Ambivaritos inter Tungrosque locuri
 Castra suos! periit grandis fiduciæ expti.
 Ad veteres fines, Turnhoutæ ad moenia fessos
 Solvat equos, scribatque sue solatia Sylva.
 Exitio, vicisse, fuit: venere phalanges,
 Ut fugerent: dicit querulâ conviri ripâ
 Romulidum Drusi que labor: vidisse Sicambros,
 Prò, pudor est: ludit lusum successibus anceps
 Diva suum; bellicque minax se vertit in hostem
 Alex. nostrorum stimulos virtutibus error
 Subdidit, & præsens extorsit summa periculum.
 At trepidans humeris clypeum vix sustinet agris
 Hostis, & astricta pudibundos casside vultus
 Abdit, & ingentes animos formidine frangit,
 Et multum subita deplorat fata ruina.
 Armorum fecunda domus, palatia Marti
 Et belli devota Deo, Cererisque penates
 Iam nobis Bata voque patent. & quicquid in annos
 Lemnos, & arifonis Curetum fecerat annis
 Mulciber, accedit spoliis, gaudetque Pyragmon

Nassa-

Nassorio tantos famulari posse labores.
 Mutata est scena facies. en patria letum
 Exerit os, & se nimium timuisse fatetur.
 Ibat mœsta Pales, nec jam, velut antè solebat,
 Sylvestrem tenui Musam cantabat avena;
 Non herbas pecori, non raptis Thestylis agnis
 Lac dabat, aut vitreas vicini ad fluminis undas
 Ducebat Melibœus oves, armenta que tuto
 Pascebat petulans Corydon. ausfugerat Ægle,
 Mœsta que Hamadryadum percussas turba per urbes
 Non secura satis culpabat commoda ruris.
 At nunc lanigera tali rumore cohortes
 Marsatios colles & nota pascua vallis
 Certatim repetunt. Damœtas, Thyrsis, & Ægon,
 Casareos postquam sors improvisa fugavit
 Geldorum tellure duces, assuetaque Dravo
 Agmina, & hostiles terris avertere pradas:
 Conscia lætitiæ magnis præcordia curis
 Expediunt; latumque choro Pæana canentes,
 Carminibus gemitus lacrymosaque gaudia miscent.
 Prospera sed quantum nostris spes addita Belgis,
 Tantum exempta Tago est, tantum decessit Ibero.
 Iam fluvios transisse piget; jam prædia, villas,
 Et circum rabidis fumantia culmina flammis,
 Totque ira monumenta sua post terga relinquit;
 Nec nova prædari cupiens, nec parta reservans,
 Hoc metuit, ne militiæ delicta ferocis
 Intra septa liat. post se, post flumina retro
 Et victas urbes, & victas conspicit arces,
 Sequæ velut clausum circo breviorè teneri.

Grande ducis Liguris spoliū, circumdata vallis
 Mœnia, Cantabrigi studiis asperrima belli,
 Tot nuper defensa viris, quæ Lupia lambit
 Proximus, & lato Rhenus pater alluit alveo,
 Odrysi que potens domus, in qua Regis & arma
 Et currus fuit, averſi cent turbine fali,

Vincitur, & fausto Divum moderamine, nostris
Additur imperiis, dominumque immutat, & hora
Momento cessat magno parere Philippo.

Qualia Nassovio miracula parturit ather.

Rumpe omnes, Hispanae, moras, elabere praecipis;
Non ultra tibi nostra patent, si prospera quicquam

Indulset fortuna tibi, si in viscera Belgi,

In gremium servare dedit, si portio terra,

Si cessit pars ista soli, jam bella paramus

Fluctibus, effusis Tethyn laxamus habenis,

Et qua flumen opem negat, objectavimus aequor.

Non uno remeare modo te cogimus. imus

Aggeribus contrà. glebis pugnamus & undis.

Nec satis hoc. claudit jugulum Vesalia castris,

Et prohibet jam victa cibos. inopique famemque

Imperat, & rabiem, Vos ô, vos vivite belli

Fulmina praelustres animae, atque equanda Camillis:

Nomina. tu Batavum geris fortissime Dydi,

Quique ferox justis vincis bellator in armis

VVolsiade, dignamque isto cognomine praedam

Eripis Hesperiae stabulis. vos Fama loquetur

Per populos, vestris debet virtutibus atas

Postera. vos, magno patriam turbante tumultu,

Divinam tribuistis opem. vos obsita lectu

Libertas, passisque dolens afflicta capillis

Religio, Pietasque colent, & tempora circum

Suspendent murale decus. Vos urbibus, agris,

Triptolemo, Cererique, Deis solatia fertis;

Aurisci libratis onus, clarique labores

Principis, & belli molem, motusque levatis.

Magne Deus, tibi thura damus, tibi concinit hy-

Belgica. sic res est. solùm te praeside tantum (rimos

Respondit voto facinus. te vindice portas

Fregimus, in muro stetimus, conscendimus urbem;

Vicimus, intulimusque adversis agmina signis.

Te duce non equitem gressus, peditemque sefellit

K-

Noctis.

Noctis iter. per te framea valere, globique,
 Machinaque; & pavidis miles custodibus acer
 Institit: Austriacæ fiducia languit aula,
 Et sua securo nocuit victoria Ibero.
 Sis clemens, facilisque dia: felicia tollant
 Nassovii vexilla duces: Tu numine dextro,
 Quos gerimus, decora titulis victricibus enses,
 Hostiles averte manus, obsessa reclude
 Oppida, & attonitum qui nunc famulantibus astris,
 Fulminat ad Mosam, longi post tadia belli,
 Battavicas victor redeat Fredericus in urbes.

De Obsidione

S I L V Æ - D V C I S

liber unus,

Ad PRINCIPEM AVRIACVM.

EXcessit fors nostra modum. suprema tenemus,
 Quæ fuerat sperare nefas. Mavortius ipsum
 Perrupit Phlegethonta furor, rursusque potentem
 Contudimus ferro Eugeniæ. fiducia quicquid
 Iussit, & ingentis felix audacia cœpti,
 Fecimus; egregiasque Duci victoria curas
 Explevit, solumque hoc uno Belgæ triumpho
 Stat satur, & veteres audet contemnere lauros.
 Militat Auriacus patriæ, preciumque laboris
 Grande refert, famamque ipsis jam terminat astris.
 Succedunt spoliis urbes, & victa fatiscunt
 Oppida. post fractum miserandis cladibus Indum,
 Hic jam plorat Iber, propiusque & bella Batavum,
 Et sua damna videt. non jam sua brachia Cancer
 Contrahit, aut Tropici spectat dispendia Titan.
 Non pater Oceanus, non tot spoliata suorum
 Exuviis jam Cuba tremit. non Mexica fumant
 Tran-

Transstris, vel extremâ Zephyrus damnatur arenâ.
 Non Tethys exata dolet. post æquora tellus
 Subditur, & pavidis infrendent agmina portis,
 Mæstaque Nasso viis trepidat Brabantia castris.
 Sic terras durique reas arcessimus undas
 Imperii, veteresque in nos ulciscimur iras,
 Barbaricisque, Albane, neces, odiisque litamus,
 Sat memores, Rex magne, tibi. sic spreta tiris
 Regna sibi pacem poscunt, gladioque minacis
 Hesperia furias redimant. his supplicat armis,
 Et victrix veni in belli fortuna precatur.

Littore Dardanio magni dum mœnia Troja
 Verberat, & Phrygiis insultat turribus ulrix
 Græcia, & iratas acuit vindicta Mycenæ,
 In partes abiêre Dii: causamque secutus
 Quisque suam populumque fuit. pars Ilion optat
 Stare loco, & Danaum jaculata est classibus ignem,
 Pars genus Assaraci Priamique evertere gentem
 Sæva parat; pugnantque suo sub numine iussa
 Europæque Asiæque acies; trahiturque Deorum
 Litibus in decimum Bellonæ volubilis annus.
 At nobis cœlum omne favet, pariterque secundis
 Numina conspirant animis, & sedere lato
 In Regem cœlere poli. Tu pabula Marti,
 Bellator Neptune, rapis, diæque superbis
 Exuis Austriacos optibus. tu Mulciber enses
 Frangis, & in viso framens obtundis Ibero;
 Armorumque minas & diri pulveris ictus
 Eludis. tu corda gravi formidine Mavors
 Corripis, exanimasque Duces. tu lenta Philippi
 Iussa refers, regumque procul responsa moraris
 Atlantis Tegeæ nepos. qui lethifer annus
 Ire solet, lethoque virum tot corpora sternit,
 Mitescit meliore Deo, placataque nobis
 Sidera damnatam Phœbus direxit in urbem.
 At tibi, tot Superos inter, Tritonia Pallas,

Debetur tantum facinus. tu provida belli
 Consiliis, & tantarum moderamine rerum
 Instruis Auriacum, tu dōstis mœnia vallis
 Cingere, per medias Vestam reptare paludes,
 Et fluvios frenare doces: attollere mentes,
 Telluris laxare vias: ipsosque furentis
 Irruere in Diris thalamos, & tramite cœco
 Scrutari secreta Erebi, patefacta ciere
 Tartara, sulphureasque domos. Tu pandere vatem
 Cuncta finas, causasque & prima evolvere rerum
 Consilia, & clari memoranda exorsa laboris.
 Tuque adæo, seu jam fracta bellacia Sylva
 Mœnia restauras victor, captivæque solvis
 Flumina, belligeramque immergis fluctibus urbem:
 Seu te Casareis mœrens sub fascibus armat
 Isala, & afflicto reddis sua rura Sicambro,
 Carminibus, Frederice, fave. cui sidera cœlum,
 Mars gladios, Bellonæ manus, Tritoniæ mentem
 Commodat, atque ipsi Manes famulantur Averni,
 Pieridum quoque templa patent, vatūq; Ducum
 Certatim frondent circum tua tempora lauri. (que
 Est, ubi sidereos inter sublimior ignes
 Aurea flammiferis aperit palatia valvis
 Iuppiter, heroumque animas & celsa reponit
 Nomina, quæ clavis aluerunt bella trophæis,
 Totaque sub galeis sudans exercuit atas.
 Illic monstrorum domitor, victorque Medusa,
 Regnatorque Asia Macedo, Libyæque tremendi
 Scipiadæ, Deciique, & Martia fulmina, Drusi,
 Ingentesque habitant Pauli. si sera re volvas
 Secula, Borbonicos illic, & sancta Colini
 Ora ducis, cunctosque inter spectabis euntem
 Terribilem spoliis, populosque & victa trahentem
 Oppida Mauritium: pro libertate cadentes
 Nassovios; quoscumque recens vel prisca sonora
 Vexit fama tubæ. quoties suffragia Divum
 Sollicitat.

Sollicitat Superum rector, mundique labores
 Expendit, num bella velit, num mitia terris
 Tempora, non alia coeli regione Deorum
 Consiliis rebusque vacat. huc vesta per altum
 Ire parat rabido bellatrix Belgica vulu,
 Belgica, concordēs socians in fœdera gentes:
 Non pacis vestita habitu, non mollis olive
 Dona ferens, cultuque comas inflexa decoro.
 At furor, audacesque minæ, & Mavortius horror
 Prælia spirantem fremitu comitantur anhelō.
 It sudor per membra Dea, pars una lacertos
 Nudatamque aperit mammam; pars altera nodo
 Fulmineam nectit summa cervice macharam.
 Incutiunt terrorem oculi, rutilantque coruscis
 Ignibus. impavidum pugnae audacia vultum
 Asperat, & veluti ritus imitata Minervæ,
 Abscondit galeâ frontem, genibusque tremantem,
 Quam tenet, argutis vibrat stridoribus hastam.
 Obiicitur Soli clypeus, pavidosque lacescit
 Solis equos. illi pugna, certamina, cades,
 Oppida sculpta manu, & patriæ crudelia patris
 Funera, prostratus generosa cæde Varaxius,
 Captivique duces inerant, Morinûmque per aquor
 Exanimis fugiebat Iber, fugientibus instat
 Belga, cruentatas lambit Neptunus arenas,
 It iuxta Mendosa dolens. Tartessia fumant
 Carbasa, turrigeræque rates. stat territa Calpe,
 Alcidaque labor. nec longè Grolla recentes
 Exhibet ære notas, vacuasque à mercibus alnos
 Occasus, pauperque suis demergitur undis.
 Talis in angusto Divorum mascula cœtu
 Appulit. incompitis stabat Rupella capillis,
 Et frustra sua fata querens, Richelique labores,
 Lilia sub manibus, velut indignata, gerebat.
 Ipsi catenatum ducens Germania Cimbrum
 Itebat, & ultrices secum dum colligit iras,

Circumspēctat opem, magno se fassa minorem
 Casare. diuisis infelix Mantua sceptris
 Pressa diu dominum populo poscebat & urbi.
 Venerat & triplici crines implexa coronā
 Albion, & fesso procurans fœdera Regi,
 In male discordem diuisis regalibus aulam
 Detonuit, Caroli pro maiestate locuta.
 Quas inter tales edebat Belgica voces
 Ad soliū conversa lovis: Si, maxime rector,
 Hæc mea non laus meruerunt surgere regna
 Auguriis, Batavas si nondum despicias arces,
 Et medios inter bellorum emergere fluctus
 Iamdudum potui: nec de me sceptra Philippi
 Occiduis suffulta opibus fixere trophæum:
 Advenio supplex, non ut depugnet ad Ortum
 Auracus, Gangemque ultra vietricia tollat
 Signa, vel in gemino figat tentoria mundo.
 Vicinus hic, scripsi extremis mandata Moluccis,
 Per terras Solemque audax utrumque cucurri,
 Et dominam gentem toto circumtulit orbe
 Nassovii fortuna mei, Zephyrique miscantem
 Sedibus armatis vexi trans vasta carinis
 Æquora, transivi Thulen, ipsumque reliqui
 Post mea terga diem, tantum nunc mœnia Sylva
 Vinci posse precor, nostris laus ista triumphis
 Restat adhuc; nec me cupida spes altera belli
 Erigit, illa ferox miseris infesta Sicambris,
 Iam Vahali Mosæque gravis, funesta Batavis,
 Incubat una mihi, & lateri lethalis inheret.
 Illa meas vastat segetes, deservit in arva
 Vulneribus servanda meis, victumque famemque
 Hesperio librat fastu, gaudetque diurnas
 Nocturnis cumulare neces. pars tertia Belgæ
 Unius fit præda loci, quin undique stagnis
 Tutæ suis, sparsasque inter securæ paludes
 Militat, atque suæ suspendit fata ruina.

Quid iuvat Eos mihi se submittere fasces,
 Si nocet illa domi? leges prescribere Gangi?
 Hic mihi iussa dari. quid vestigalia regum
 Poscimus? hic proprias redimunt araria messes.
 An præbere cibos tanti est? alimenta que l'itæ
 Distentas portare rates? si Geldria Sylva
 Pascitur arbitrio? vastissima cerula transtris
 Metiri? hic arctis claudi vestigia portis.
 Libertas concessa alibi est: hic unius urbis
 Servitio deformis ago, vulgique fatigor
 Fletibus. infestas Latio Carthaginis arces
 Divisit Libycum spatiis ingentibus aquor:
 At me pro nimium sociis consistere terris
 Di cupitis. celsas Hispania transilit Alpes.
 In Romam cum bella parat, Brennumque ferocem,
 Et Senonum furias tarde sensere Quirites:
 Hac præceps, inopina meis cervicibus instat,
 Nec lentè necitura venit. cur dura tot annos
 Arma potens gessi? stravi tot pontibus amnes?
 Cornibus infractis Rhenum parere cœgi?
 Sustinui muris Martem? noctesque cruentas,
 Armataeque hyemes, & ferrea secula sensi?
 Æmula si nostris perstant hæc oppida regnis.
 Di, quorum auxiliis crevi, succurrite Belgis;
 Exorate Iovem: tuque impavidissime Mavors,
 Seu jam Sarmatici moderaris prælia Regis,
 Sive Italis afflas bellorum incendia terris,
 Allobrogumque ducem cognato jungis Ibero;
 Huc omnes converte minas. si Martia cessit
 Breda tuo pridem Liguri, domuitque potentem
 Paupertas inhonora gula, si debita culpa
 Sors fuit illa mea; nunc versis inclyta fati
 Sylva ruat, præscumque abole, Gradive, pudorem:
 Disjice ferratos obices, & sedibus imis
 Fundamenta quate. occumbat victricibus armis
 Bellipotens. nec enim jejuno pabula ventri

Ereptum venio, dapibusque imponere legem.
 Non precor, ut fallax equitem submittat Hohenlo
 Mœnibus. insidiis major fraudesque dolosque
 Elusit, superanda manu. non vendita posco
 Oppida, vel cives precio. mihi victor Olynthi
 Displicet, atque emptæ, falsis custodibus, urbes,
 Et mixtum sceleri lacrum. quid magne moraris
 Iuppiter, his ipsis Fredericum immittere portis?
 Tolli stagna peto: fugiant subducta Deorum
 Æquora consiliis: excurrant longius amnes:
 Plus urat Titana calor: quæ vomeris i vit,
 Castrorum nunc limes eat; mundique solitis
 Legibus, in celsas assurgant pondera turres,
 Permutetque suas Faunus cum Najade sedes.
 Plura perorantem placido Saturnius ore
 Excipit. at voces, aternaque verba Tonantis
 Implicuere suis Parcarum stamina fusis:

Nec te Breda diu, nec te patiemur inultam,
 Belgica. Cantabrics librandæ potentia regni,
 Signandusque modus sceptro. diuisa potestas
 Imperii mundo melior. glomerata sub uno
 Plurima rege ruunt. durat moderata, fatiscit
 Ardua majestas solii. plus numina curant,
 Qui victi vicere Duces. obnoxia cœlo
 Regna putat, quisquis regnorum parte carebit.
 Tu, Dea, pugnacem victrix penetrabis in urbem;
 Inveniet virtus veniam. quin præscia Clotho
 Bellorum duplicat lauros, spoliandaque binis
 Urbibus attoniti pallebit regia Mauri.

Quæ ventura brevi, quæ comprobet exitus orbi,
 Fatorum secreta loquor. licet undique fundat
 Castra Tagus, junciis Germania tota feratur
 Auxiliis, Rhenus translatus sentiat Istrum,
 Illyricas citat Romana potentia turmas,
 Undique Barbarici conspirent agmina Dravi,
 Pacatusque domi circum te sæviat Albis,

Incassum, regina, tuos remorabitur ausus.
 Vos animis iuncta, conspirantesque sorores
 In bellum properate, juvet pars agra labantem,
 Dis inopem. sociate novis araria curis,
 Armaque communi pro libertate resumptis
 Vertite in Eugeniam studiis. Iam longius Alpes
 Territat, atque alio lauros molitur in orbe
 Dux Ligurum : jam rapta tenet stipendia dives
 Amstela. quis tanti flectat moderamina belli,
 Consultant dubii Patres. suspensa potentium
 Consiliis nocet aula sibi, discorsque laborat.
 Et tandem lentis veniet Brabantia castris.
 En tibi Lemniacis desudant ara caminis,
 Nec vigilem Steropes patitur segnescere Bromien.
 Spirant igni vomiti folles, incudibus ipse
 Intonat armorum faber, & fornacibus instans
 Tela tuis aptat ducibus, galeasque globosque,
 Pilaque funereaque faces, tormenta, secures.
 Scutaque laxata format tibi Mulciber Ætnæ.
 Tu Pavor hostiles frena formidine curru.
 Tu Labor ingentes operas, Industria moles
 Festina fac stare manu. Berecynthia turres
 Concute, & impulsis fastigia deice muris.
 Singula conjunctis concurrant numina votis.

Dixit : at huic subito tumuerunt pectora motu
 In pugnas, totisque novum bibit ossibus ignem.
 Nec latuit Marvortis amor. diffunditur ipsos
 In vultus atque ora furor. de casside pendens
 Erexit se crista magis, conusque refulsit
 Splendidior, dypeique micans effervuit orbis,
 Inque genis rubor admissio pallore refedit,
 Massageta veluti cum lactea pocula miscent
 Sanguine, vel candens ebur interstinguitur ostro.
 Acclives jam Phæbus equos annique juventam
 Vexerat ad Geminos, pugnacia sidera, fratres,
 Et sua bellanti debebat lumina Tauro :

Reddita cum terris, celerique per oppida gressus
 Vecta cruentatos porrexit gentibus enses,
 Laxavitque viam bellis, ac fervida dictis
 Incitat Auriacum: Batavum fortissime ductor.
 Quid cessas parere Deo? defensasque patri
 Regna novis auges studiis? & pectore totum
 Excutis Odrysium? tibi vasta potentia Belgæ,
 Et rerum commissus apex. tibi credita fratris
 Sceptra tui, nostraque potens exercitus ora.
 Iamque tuis crevit Belgarum gloria curis,
 Et Salii cessere Duci. jam fracta feroces
 Submisit tibi Grolla manus. divisit habenas
 Barbaries Eoa suas, domitoque carinis
 Vespere, regales donavit America gazas.
 At majus tibi fata parant. tuus atbera jam mox
 Lambert honos. fraterna armis audacibus ausa
 Transgredere, & tanto quasitos sanguine fasces,
 Quos pugna, quos mille ducum peperere labores,
 Quos longis hac nostra fides contexuit annis,
 In tuto, Frederice, loca. cadat invida terris
 Sylva meis, pacemque velis non ante pacisci.
 Hanc lauris annecte tuis, his debitus ultor
 Inferiis, Fili, patrios ulciscere manes.
 Reptasti per castra puer, totiesque cruore
 Immaduit prætexta ferox, interque triumphos
 Telaque crevisti juvenis. jam frena capeffens,
 Intrepidus ferri, per prisca exempla tuorum
 Circumfer generosum animum. procede secundis
 Auspiciis, regat audaces Bellona curules,
 Disponat mediis miles tentoria campis,
 Beliger annus eat. post tot mea damna neceſque
 Plena triumphato redeat vindicta Philippo.
 Hoc pietas polluta rogat, tumultusque Loyſæ
 Matris, & infandis Francorum prodita mensis
 Collinia fortuna domus, memoresque meorum
 Mauriui cineres, venerandaque funera Belgis.

Talibus

Talibus ille Dea monitis accensus in hostem
 Tota mente ruit, sed enim momenta laborum,
 Quæ maneant nostras inopina pericula terras,
 Quæ bellum sustentet ope, quæ castra locari
 Sede queant, quæ bellacem spes erigat urbem,
 Expendit, versatque novi disoimina coepti.
 Succrescit Martis rabies, præsugia laudum
 Exacuunt pugna stimulos. jamque impiger ardet
 In densas se ferre acies, & prælia coram
 Sustentare manu, castris præscribere leges,
 Et iussis animare tubæ, disponere vallos,
 Sistere præcipientes glebis surgentibus undas,
 Et circum positos lacerare ligonibus agros.
 Continuo turbata quies; Bata vñque per urbes
 Bella tonant, sociæque cient Mavortia gentes
 Agmina, & imbellis votis proscribitur ætas.
 Convenere Duces, sumptisque insignibus alæ
 In vultus rediere suos. hi terga fatigant,
 Et spumantis equi fodiunt calcaribus armos;
 Hic cataphracta phalanx, equiti tutela, pedestri
 Lege coit. pars excussa se glande tuetur,
 Pars tremebunda quatit rigidis hastilia rostris.
 Hic præit aratam portans ad bella bipennem.
 Hic acri mucrone ferit. se ferreus ille
 Illæso thorace tegit. sed corpora nudus
 Plurimus à sola sperat virtute trophæum.
 Ingenio constant obitus, miseri que feroci
 Arte cadunt, ferroque mori tam simplice dudum
 Displicuit. formas damnosæ industria lethi
 Multiplicat, præciumque ipsis mors captat ab armis.
 Iam fundit Groninga viros, Frisiusque maniplos
 Instruit, & patrias abituris commodat iras.
 Mars acia venere manus: quasque armiger excit
 Isala, & intonso gaudentes crine Sicambri,
 Quique bibunt Rhenum Batavi, Chauciq; minores,
 Quasque procellosis in fluctibus, æthere duro,

*Asperat audaces Toxandrum terra cohortes.
 Nec varios linguis populos, junctosque sub uno
 Principe Musa sile. nostro notissima Marti
 Robora, conveniunt, spreta formidine, Galli;
 Inde Caledonio permixta Britannia Scoto,
 Allobrogumque acies, immanis etique Cherusci;
 Quaeque, gravis quondam vinci, Germania laudi
 Deficit una sua, nec se vexata probavit,
 Ultima pacato nobiscum militat Albi.
 Hos inter cuneos praclari sideris instar
 Emicuit Ductoris apex, notusque refulsit
 Auriacus, bellique moram damnantia movit
 Pleno castra gradu, nec jam suprema timentem
 Funera neglectam Superis admovit ad urbem.*

*Procubat horrendus madidis Gradivus in agris
 Illicet, & tenui secernit stramine coelum.
 Exuvias sibi quisque rapit, crescuntque penates
 In numerum, & nullo radiantia tecta pyropo
 Paupertas animosa colit. contemtior alga
 Heroas dominosque caput, nec dispare formâ
 Vivitur, aut petulans distinguit limina luxus.
 Aestivum perferre jubar, contendere sueti
 Frigoribus, passim recubant; & paupere mensa
 Placatur non docta fames, fessosque relaxant
 Fabricii Curiique dapes, vel qualia ruri
 Fercula disposuit tepido Serranus aratro.
 Iam Rhenus per utrumq; latus, jam Mosâ secundis
 Nassovio famulatur aquis, & tergora praebent
 Pontibus, & fluida transmittunt castra carina.
 Incumbunt fluviiis sylva. numerosaque Tempe.
 Hercynique nemus, glomerataque robora Pindi
 Mille natant ratibus. veluti cum straverat Hellen
 Barbarus, & transtris solidato gurgite Tethys
 Obrigit, claudunt gravida lethalia puppes
 Pondera & Aëlios lassantia tympana fratres,
 Quaeque ferunt trepidis furibunda incendia tectis.*

Et totum Marvortis opus. Describitur ingens
 Area, virtutis spaciū fatale, laborum
 Circulus, & claro causas concludit honorum
 Tramite. stat mortilimes, stat linea vitæ
 Iugeribus demensa suis, idemque cubile
 Et tumulos trux campus habet : somnique necisque
 Culcitra, semidelū bellatorumque palæstra,
 Orbita militiæ, tantis servanda triumphis,
 Vel nobis, vel, Ibere, tibi latura pudorem,
 Porrigitur, celebrisque stupet molimina belli.
 Crescunt in cumulum colles, vallesque profundas
 Æquavere jugis. capiunt stagnantiæ sulcos
 Rura, superjectis cœunt castrensiæ glebis
 Mœnia, cinguntur tumultis immanibus undæ,
 Atque undis tumuli. mutat cum Tethye tellus
 Mœnia, & antiquis migrant è sedibus ambæ.
 Assurgunt elementa, petunt declivia, pendent
 Ponderibus librata suis. suspensa tenentur,
 Quæ noceant depressa : iterum depressa tenentur,
 Quæ noceant suspensa. fodit, secat, obstruit, aufert.
 Laxat græva manus. sursum jactantur arenæ,
 Ordibusque novis resident. hic linea rectum
 Ducit opus, poscunt alibi munimina gyros.
 Hic cornuta jacent, & diro forfice vires
 Conduplicant inimica suas : hic currit in orbem
 Machina, Phœbææ formam mentita sororis.
 Munit tuta metus. quærit prudentia laudem,
 Dum longè ventura timet, dubiisque movetur
 Casibus, & varias bellorum prospicit artes,
 Quicquid & incautis queat evenisse, veretur.
 At tollens apicem medius urbs ferrea stagnis
 Tot circum castella videt, metuendaque tantis
 Cingitur excubiis. cernit delubra Deorum,
 Sacratasque fores, densisque minaciæ portis
 Culmina, subnixasque jugis ac collibus arces
 Vallari, atque ipsis indici bella procellis.

Non

Non jam Romulidum grandes mirabitur ausus
 Posteritas, non seua tuas Allestia turres,
 Et que Dyrrachium magnæ cinxere corona,
 Non ditis fatum Capua. minus esse putabit
 Fama Tyrum, stratumque immensis molibus aquor.
 Aut quod cum tumida bellum Carthagine gessit
 Scipiades, cedunt Batavo vallante Platæa,
 Massilia vilescit honos. non alta Saguntos,
 Quod commendet, habet. non qui sua viscera Xerxi
 Transadigi permisit Athos, vastoque recepit
 Æquora tota sinu. non duris belliger Hamis
 Pervius Odrysiis. mortales omnia dextra,
 Et nostra potuere manus. hæc munera solos
 Iurabis cinxisse Deos, pactoque potentem
 Descendisse Iovem precio. cur Dommala turget?
 Subsident maria? & sulcati navibus agri,
 Naiadumque domus, & tecta paludibus antra,
 Demersæque patent valles? cur proximus urbi
 Subducit se Mosa magis, quantumque necesse est,
 Infestas castigat aquas? cur militat æther,
 Et conjurati ponunt sua flamina venti?
 Di peragunt incepta Daci, & communibus urbem
 Invadunt studiis. cælum, mare, sidera, tellus
 Damnavere rem pariter. servanda triumphis
 Henrici laus ista fuit. nec, vincere fratrem
 Hanc etiam, visum Superis. celeberrima laudum
 Argumenta cano, rarique exempla laboris,
 Militiaque graves operas, excussa potentum
 Scrinia, & his raptum pugnans in partibus aurum.
 Nempe procul victa peregrino in litore gaza
 Hic iterum nocere Tago, proprii que Philippus
 Vincitur exuviis. damno est nimis esse potenti,
 Divitiæque premunt dominum. terraque marique
 In se versa sui fatalia pondera regni
 Sentit, & exuto tot clades imputat Indo,
 In victæque diu labentia moenia Sylva.

Admiranda loquor. totos Eous & Æthon
 Absorpsere lacus, & quæ sub vere Napææ
 Ambrosias lavere comas, sese arduus infert,
 Prataque depascit sonipes. quæ sæpius æstas
 Imbribus Arctois maduit, pluviasque solebat
 Sidere sub nostro tempestatesque ciere,
 Ferbuit, & longo latrantem Sirion æstu,
 Ardentesque focos Cancræ, rabidumque Leonis
 Limen, & Astrææ succendit Virginis astrum.
 Expendunt exactæ senes, nec talibus unquam
 Commemorant nobis ivisse caloribus annam.
 Sic facilis mores, tanto molimine rerum,
 Invertit Natura suos. non pocula largè
 Fudit Hyas, taurique madens in tergore nimbis
 Alcyone damnosa fuit; ceu jussa, procellas
 Continuit, sicque Ducum juvare labores
 Pleiades, & Batavo jam tunc placatus Orion.
 Qui licet in cælo rutilans humentia latè
 Cingula & imbriferum dstringat Martius ensen,
 Ut vidit fluidos Belgarum sparsa per agros
 Agmina, & adversas studio reptare per undas:
 Æolios clemens fremitus, solitosque furores,
 Bellantique graves populo compefcuit iras.
 Nassovius, dum tuta vagis minimina castris
 Adspicit, & validis secludi mœnibus hostem,
 Signa movet, dictisque suos instigat euntes
 Talibus: Hesperiam mecum domitura Iuventus,
 Tempus adest. si quid quondam meruistis in armis
 Belligero sub fratre, meis præstate parati
 Imperiis. urso patriam defendite bello.
 Audeat hoc mecum facinus, quem causa ferocem,
 Non furor, esse facit. non vili fama paratur
 Pulvere. Cantabrici caput insuperabile regni,
 Austriaci jugulum petimus, roburque potentis
 Eugeniz. Quid sola queat fiducia ferri,
 Ostentate mihi. non vos per frigora brumæ

Lenta traham, gelidique ferent incommoda soles.
 Non rigidas calcare nives, cornuque minacem
 Exspectare Caprum cupio. victoria præcep
 Poscitur, & nostros passura propinquior enses
 Aut ruet in vestris, aut stabit Sylva lacertis.
 Nec vos, Pannoniam quamvis concusserit omnem,
 Terreat aut Nemetum domitor, vel rector Iberi.
 Aggeribus passim circumvallata tuemur
 Castra, superfusos fluviis præcinximus illis,
 Et pariter terra, pariter defendimur undâ.
 Ite recepturi, Mavors quam possidet, urbem.
 Hispano collecta manus sibi congrua captat
 Tempora, conatusque suos & cœpta moratur.
 Credite, suspensus Batavum jam respicit orbis;
 Regum vota favent. spectat ferus Adria longè
 E speculis. dubitat Tamesis, quid Belgica possit,
 Formidat graviora Tagus, plus augurat Ister.
 Mundi cura sumus. nec vobis degener adsto
 Ductor. inaccessas undâ penetrabimus undas,
 Ibimus in terra græmium, cœcosque meatus
 Ingrediar, consors famæ, consorsque malorum.
 Qua miles statione cades, occumbere juxtâ
 Ausiacus poterit. non me discrimina vobis
 Dissimilem casusque dabunt. me pondera rerum
 Distinguent, non ausa, Ducem. quæ jussa probabo,
 Exequar impavidus. vestris fortuna periclis
 Æquabit, cœu neutra, meum. Si stagna, lacusque,
 Si mihi tempestas urbem, si proxima cœlo
 Tot castella negant, Superûm clementia victrix
 Cuncta dabit, jungentque meo se fata labori.
 Talia ubi peditum turma, nunc mixtus equestri
 Dicta dedit, studiis animos audacibus implet,
 Accenditque mori promptos, belloque, viæque
 Instruit. horrendo strepuerunt classica cantu,
 Et jussæ cecinere tubæ. simul impete diro
 Æra crepant. stabant arces, præludia pugna

*Apera. sic, Libycis tutela penatibus, altis
 Eminuit trux Byrsa jugis. huc omnibus ardor
 Ire per ambages, & longa exorsa viarum
 Circumferre gradum. qualis per viscera terræ
 Fossor in occultos ductat vestigia flexus,
 Obliquatque sinus. Tu me per tela, per enses,
 Per cineres, aciesque Ducum, per funera, pugnas,
 Securum, Bellona, rape, & furiali pande
 Prælia, suppositosque cavis penetralibus ignes
 Et lethi secreta aperi. Iam sanguine ferrum
 Irrubuit, grandesque calent pugnantibus ira.
 Hæret in ambiguo Mavors, nec certus in alta
 Nube quibus dubitat facilem se præbeat armis.
 Pandimus abstrusos aditus, Plutonia rumpit
 Claustra labor, sensimque truces convellimus arces.
 Progredimur fossis. dextrâ levâque sub ipsa
 Stamus humo. disrupta ruunt fastigia flammis,
 Et referat munita fragor, robusta revellit,
 Summa quatit belli rabies. nec segnius instat
 Fortis Iber, patriasque domos & tecta Deorum
 Afferit, & nullo satiantur vulnere dextra.
 Tum Stheneli Turnique cadunt. hic Pandaron, ille
 Dejicit adversum Bitian, Rhatumque, Abarimque.
 Vulnerat Ortygium Cœneus, prosternitur Astur,
 Et præceps animi Volscens. si nomina mutes,
 Adspicias illic Troas Rutulosque feroces
 Permiscere manus, densisque occurrere turmis,
 Alteraque Hesperia defendi Pergama dextrâ:
 Insultare Phryges, Danaos circumdare muros,
 Et propius, cæsis gemina custodibus arcis,
 Ferre pedem. si quando duces adversa vocarent,
 Pro nobis etiam Mnestheus, acerque Serestus
 Pugnavere: fuit, qui fata extrema secutus
 Euryalus calidum vomuit de pectore flumen,
 Magnanimamque animam tepidis abscondit arenis.
 Ipse Gubernator, claro de sanguine Schetti,*

Tunc

Tunc etiam patriæ pro libertate locutus
 Creditur: & vigili dum prospicit omnia mente,
 Aspera consiliis moderans, nec tristibus impar,
 Pugnantem furias, atque intervalla nocendi,
 Vincendique modum ludatis fleat habenis.
 Nassovius, quanquam magnas sub pectore caras
 Versat, & inumeros pernox se fundit in ætus,
 Nil lethi mortisque memor, per saxa, per ignes,
 Sulphureosque globos, inter tot busta suorum,
 Seminiceque viros, & circumstantia pila,
 Fumantes terrarum aditus & lurida tabo
 Regna subit, gratoque aspersus pulvere belli,
 Non his delicias studiis, non præferat aula
 Gaudia. quin totus fruitur, dum dispicit hostem,
 Et desperatis transmittit lumina rimis.
 Ille, ubi barbarico libratur machina pulsu,
 Adstat ovans, operasque novis successibus urget,
 Quæ sint excubius, quæ sint loca commoda vallis,
 Quæ ruat è portis acies: quo robore tuta,
 Præsidioque suis noceat, quot vinea repat
 Passibus; & tragica furialia munia scena
 Vnius sunt cura viri; magnusque decoro
 Militat exemplo ductor. stant prælia famâ,
 Nec vitæ numerat spacium, vel supputat annos,
 Cui sua perpetuas despondet gloria lauros,
 Et cælo cognatus honos. quo vivit in orbe
 Celsa potestatum species, hoc iudice pugnat.
 Sic Ducis adspectu cuncta stupere cohortes,
 Æmulaque audaci promovit signa Bitanno
 Galli, cum secum junxisse pericula vidit
 Auricum, tantoque sustinet obside fati.
 Vt Leo, Marmaricis quem nutrit Africa campis,
 Cum subit atra fames, catulis comitantiibus, antro
 Exit, inaccessos quo vis sub sidere montes
 Permeat, & lethi contemtor opaca ferarum
 Ipse prior lustrat. patriis animosior ausis

Erigitur sibi, prædaque ferocius instat.
 Interea adversum quatiens irata flagellum
 Tisiphone, totis concussis viribus orbis
 Arma movet, Batimque furens Istrumque receptat
 Auxilio, traditque truces hostilibus armis
 Reliquias. missis descendit Nervius audax
 Advaticis, longisque armati Lingones hastis,
 Et quondam fortes Vbii, Tungraque phalanges,
 Membraque qui Morini gaudent durare procellis.
 Hic astris inferre minas, fractoque laborant
 Aggere vexata dudum succurrere Sylva,
 Et ruptas animis spirantes grandibus Alpes,
 Eminus adsultant vallis. vix classica pimus
 Excierant vigiles, Batavum cum Ductor anhelos
 Adventat subvectus equo, lorisque solutis
 Virtutis quoque frena sua famaue relaxans
 Consilio flectit pugnam, festinaque cunctis
 Instruit arma locis, & quæ vocat hostis & usus
 Infert cornipedem. quo deficit aggere miles,
 Vititur auxiliis. hostes Dux inter & urbem
 Pugnat, & à tergo clausos, à fronte lacest
 Suspetias Regum: distinctaque cura triumphos
 Conglomerat Batavo. Nec jam cognata feroces
 Nomina conciliant procures. nec sanguinis horror
 Nassovios placare duces, commissaque magnis
 Bella potest odiis. una de stirpe creatos
 Mars dirimit, geminosque ingens distare potentes
 Causa facit. Sed non Henrici castra fuere
 Henrici superanda manu. Tu Domnala testis
 Tela virum, galeasque, & Martia corpora versas,
 Hispanique dolos, & tanti cladibus emptum
 Eludis facinus: quodque illa poposcerat umbra,
 Multa Brimulceos placat tibi victima manes.
 Destituit spes ista Ducem, primusque resedit
 Impetus. haud aliter, quam cum de montibus altis
 Gurgite præcipiti scopulis illiditur unda,

Atque

Atque in se violenta redit, spaciisque repulsa
 Pluribus, hac illac multo mansuetior exit.
 Mox ubi fulmineis patuere impulsibus arces,
 Nudatumque latus miseranda apparuit urbis,
 Et jam semirutum montes, avulsaque fumant
 Moenia, & abruptis se nostra ferocia claustris
 Explicuit, rapuitque istam gens amula laudem:
 Tum sic Tisiphone, diris intexta colubris
 Casariam, quassansque faces: bella altera, restant
 Altera bella Tago. quamvis spes prima fefellit,
 Plus superest. aliis Belgi satiabere poenis,
 Hesperia. en, tutum aggeribus re vocabimus hostem.
 Quod coepi, peragetur opus. quid dextera segnis
 In ferrum lethale ruis? paterisque periculum
 Gliscere? quis torpor socii? Phlegethonta movere,
 Successus dum summa negant. hoc Filia Regis.
 Hoc Rex ipse jubet. nec nobis altera rector
 Tarpeius mandata dedit. convellere regnum
 Auriaci, atque ipso in gremio consistere terra,
 Consilium est. tacuit, foedosque a fronte cerastas
 Dum manibus furibunda rapit, projecit in amnem.
 Atque ait: Hoc vindicta loco mihi poscitur. illac
 Ite viri. madeat primis insultibus horrens
 Isala, confossosque Duces truncataque membra
 Hauriat. ut dixit, peditum simul advocat alas.
 Ipsa praet, cuneosque equitum transvectat, & atros
 Undique Marsaciis immittit finibus ignes.
 Irrupere aquila, & vastis se jactat in agris
 Caesar; & hinc Flevi fluctus, hinc proxima Rheno
 Pannonius lustrat quadrupes, metasque nocendi
 Prescribi sibi posse dolet. percussa Sicambrum
 Incusat regio, nec custodita superbis
 Fit spoliis ducibus. fugiunt Faunusque, Ceresque,
 Et tu cura Pales pecoris; lateque juvenci
 Semineces ruant, & sparsa mæpalia tabo
 Spirantes adolent epulas. impleverat urbes

Terror, & audaces aliàs invaserat aulas.
 Famaque nigrantes agitans formidine pennas
 Vnanimes belli tremefecit murmure gentes.
 At non Nassovii virtus ductoris eodem
 Fracta metu. dubios casus, incertaque rerum;
 Instabilesque vices Martis praeceperat Heros.
 Nec mora se partes alacrem diffundit in omnes;
 Vna salus, roburque suis. vicina tuetur
 Praesidiis, pavidis Rhenum circumtonat agris,
 Inde latus munit Vahali. Prudentia solum
 Tunc pugnare timet, patriæ nec credita ferro
 Libertas. peragit placide sedata potestas,
 Quod vis inconsulta nequit, rabiemque fatigat
 Circumspecta quies. post te, Thrasimene, morantem
 Laudamus Fabium, dilataque praelia profunt.
 Suspice Belgæ Deum. medio discrimine rerum.
 Otia dant Superi, Divinæ clementia victrix
 Pro te bella gerit. cedunt terrorque, pavorque,
 Et cunctis sua forma redit. Vesalia lætos
 Restituit tibi capta dies. En adspice versam.
 Ut trahat in speciem fugientis Cantaber hastam.
 Hei mihi qualis abit, quantum mutatus ab illo,
 Qui venit, ut sumptâ redimat sua tempora mitrâ.
 Et debellatis figat tentoria rostris!
 Adspice, quàm raras in pristina regna cohortes.
 Attonitus referat, totos qui insederat amnes
 Milite. quàm spoliis Cimbrorum exutus & auro
 Æris egens abeat, qui voti prodigus ampla
 Hauserat urbis opes. turmis truncatus & armis
 Exeda legit retrò vestigia, qui modo plenas
 Explicuit campis acies. timet omnia serò,
 Qui timuit nihil, & nimium secuta ruinam
 Fata trahunt. quantis, per te, Frederice, tenebris
 Eruiimur. tua nos tanta caligine rerum
 Irradiat toto vigilans industria regno.
 Laud scis acturnidum cum surgere Nerea cernit

Navita, & Æoliis turgescunt æquora flabris,
Iamque ratim subeunt fluctus: ille impiger Arcton
Respicit, & quamam decimis se subtrahat undis
Arte notat, fallitque trucid ludibria poni.

Tu quoque non parvum tantis, Casimire, triumphis
Adjungis cumulum. tibi prisca Batavia debet
Asserti spacia ampla soli. transire paratos
Aggeribus prohibes, objectoque obice sistis
Barbariem. mordent fluviorum irata catenas
Agmina, & in sterili damnant jejunia terra.

Stabat adhuc Sylva facies, formasque necendi
Invenit, & veluti flexus se torquet in omnes
Anguis, & ad versus venientem sibilat hostem,
Irrequieta furit. generosum suscitatur ignem
Cana Fides, veterisque juvat fiducia belli
Magnanimam. jam Regis amor, promissaque magna
Eugenia subeunt, jurataque verba Philippo.
Obvia castra locat, striclos dat exultibus enses,
Egreditur, vocat ad pugnas, hortamine fortes
Prævenit, & nusquam timidos expectorat horror.
Urbis ad Occiduos aditus, cervicibus arctis,
Planities non magna jacet. nam cætera stagnis
Fluminibusque natant. hoc totus tramine Martis
Sudat, & oppositis acuit certamina vallis.
Conciderant arces. iterum munimina surgunt,
Protruduntque operas opera. cum cornua frangis,
Lunaris te forma ferit. cum vincitur illa,
Septa struit transversa labor. superata vetustas
Desinat Herculeos istis conferre labores.
Hic iterum se Lerna movet, secundaque colla
Parturit, inque dies glebosa repullulat Hydra.
Repimus armati sensim, metimur honores
Passibus, & totam non vult se parvula vinci
Areæ. multiplicat tellus divisa triumphos,
Annumeratque Duci. circum seges horrida ferri,
Pugnaceque micant dextra, nec limite longo

Etibus alternis pugnant. cum vocibus arma
 Permutata volant, atque intervallo loquendi.
 Excipit armorum rabies, contermina miles
 Tecta locat, geminaeque nocent confinia parti.
 Fatali stat quisque loco, nec cedit inultus,
 Permixtosque agitant sociatis gressibus armos.
 Vulnera vulneribus redimunt, sternuntque caduntque.
 Inque vices redeunt mortes. huic saeva cruorem
 Ora bibunt, sanieque horrescit livida cervix.
 Illi sanguinea venerando in corpore grumæ
 Canices aspersa rubet. trahit ille labantem,
 Purpuream vomit ille animam. portantur in hastis.
 Exuvie, libratque exanguia corpora miles,
 Frustraque lethiferis querit Libitina cavernis.
 Cerno Thyestæ crudelia fercula mense,
 Cerno Lyncæonios artus, Busiridis aras,
 Cerno sacra Phrygum, sibi quas placanda poposcit
 Eurica ferales obitus, furialis Thracum
 Orgia, Achilleos tumulos. quid gloriæ ducis,
 Quid rapis heu! oam sobolem? morituræque jamjam
 Nomina? pro! quanto meruisti sanguine vinci
 Urbis cognata polo. non te stipendia tantum,
 Penalesque animæ; sed quas armaverat ardor,
 Non emptæ domuere manus, devotaque laudi
 Pectora semideum. sed quis fragor intonat aures?
 Annæ Gigantea congesta cacumina dextra
 Enceladique ruunt? an maxima sibruiit urbis
 Mars pater? & diris Corybantiæ flatibus ara
 Excuiit? alta labant, marosque irata resolvit
 Lachina, perque domos, tonitrus imitata Deorum
 Cecidit, & immensi turres disrumpit hiatus.
 Est genus armorum, quo non violentius ullam
 Vel Phlegethō, vel Lemnos habet. coit unus in orbem;
 Tiranda sed mole, globus, cui prima venter
 Tela capit: latitant permixto sulphure ferri
 pondera, & occultas servant in funera causas.

Hanc

Hunc ubi serpentis vis imperiosa favilla
 Attigit, obliquo se tollit in aëra motu;
 Flammi vomamque trahit caudam: mox lapsus ab
 Horrendum sonat, & magno sua viscera nisu (alto
 Rumpit, & ingenti involvit vicina ruinâ.
 Quos ubi nocturnos flectens Latonia currus
 Vidit, & ipsa Deum circum delubra rotari,
 Creditur attonitis retro cessisse quadrigis.
 His quoque pugnatum. tandem se vinea fossis
 Ingerit, & cæcis supposti mœnibus ignes
 Extremus venere labor. disrupta pateſcunt
 Oppida, & incertam spondent suprema salutem.

Exitium tunc Sylva timens, cladesque suorum,
 Et nudum perfossa latus, postquam irrita Bergi
 Cœpta videt, totamque imis à sedibus urbem
 Corruere, atque arcta muros indagine cingi,
 Tales sollicito profudit pectore voces:

Quam nihil imperiis tutum, quam cuncta revellat,
 Quæ steterant, Fortuna procax, Regumque superbis
 Insultet malefida bonis, devicta docebo.
 Illa ego Brabantum decus inviolabile regni,
 Quæ bis Mauritium, Mosâ indignante, fugavi,
 Debebor fratri spoliū. quæ Martia sprevi
 Bellorumque minas, subnixaque fraudibus arma,
 Inque meos usus agrorum commoda verti,
 Totque mihi populos solo terrore subegi,
 Ludibrium sum, Belga, tibi, vesana potentum
 Fabula, & infida exemplum memorabile fortis.
 Hei mihi quod prisca vires, quod concidit ille
 Indormit & virtutis honos, trepidataque dextra
 Fama mea? quæ trans fluvios spaciōsa vagabar,
 Aggeribus captiva premor. cui robur in undis
 Omne fuit, jam sicca tremo; solitasque cadenti
 Immutant elementa vices. adamantina forti
 Castra jacent superata manu: præcordia fossor
 Ipsa tenet: calco tumulos & busta meorum,

Quò me cunque feram. si tantas, maxime rector,
 Promerui poenas, si parcus imbuat aras
 Religio neglecta mihi; tua fulmina fontem
 Dejiciant, Batavis quàm me servare triumphis
 Opprobrium crudele velis. da secula Pyrrha;
 Supplicio leviori fruor. num templa Deosque
 Respicias? aeterno fumantes thure penates,
 Mitratumque patrem, sacra tot nomina turba,
 Vestalesque tuas? num tot mihi culta per annos.
 Migrabit veneranda Fides? mandataque magni
 Praefulis, & Roma potero dediscere leges?
 Hoc debes mihi Breda mali; vindictaque de me.
 Clade tua petitur. Patrem quoque funere nostro
 Expiat Auriacus. longi dispendia belli
 Sera luam, clarisque accedam fortè trophais
 Ultima. Quàm memini, me, cum tentoria figi
 Adspicerem, & positis hostes consistere signis.
 Illuisse Duci! Turres attollite, dixi,
 Imensos siccate lacus, advolvite sylvas,
 Sistite praecipites fluvios. imponentis Ossæ
 Pelion, excelsam manibus rescinditis æthram
 Incassum. cunctos obices & vincula rumpam.
 Mille patent nobis aditus. penetrabimus illac,
 Aut illac. dabitur meliori per via causæ
 Semita, nec vili succumbam Martia sulco.
 Iam Phæthontæis dicebam Belgica curis
 Regna regi, & stolidæ committi frena juvenæ.
 Nunc & Aloidæ geminos super astra negatas
 Affectare vias: bimari nunc ludere in Isthmo
 Romulidas. cæco raptari turbine, quisquis
 Adspiret Sylva spoliis. regalibus ibam
 Altior auxiliis. suffulta potentia sceptris,
 Et gemini Titanis opes, Isterque Tagusque,
 Scaldis, & armatis veniens Germania castris,
 Subdiderant animo stimulos. nunc omnia retrò
 Versa ruunt; veniamque simul vitamque precari
 L Cogor,

Cogor, & in-visa fasces submittere terra.
 Heu, dedi jam Sylva potes, jam fracta fatiscis,
 Haec lenis inconcussa cadis. flos ille potentis
 Occidis Europa, & victam te Marte fateris.
 Attamen est aliquid, quod te non degener hostis
 Occupat. illa tuis restant solatia fatis,
 Si cadis, Auriaci dextrâ cadis. inde, reflexis
 Ad victorem oculis, inquit : Cape, maxime Princeps,
 Imperii nova jura mei, atque extorta Philippo
 Aetna Belgarum cunctis praepono triumphis.
 His dictis siluere tuba, pugnaque resedit
 Impetus, & positis Marvora deseruit armis.
 Verticibus recidunt galeae, clypeique lacertis ;
 Hastâ jacet, laxant lata thoraca catena ;
 Non ultra adversis cervicibus imminet ensis ;
 Seva vel oppositos lacerat catapulta penates.
 Castra vacant, veteresque abscedunt partibus ira.
 Iam quater aestivum Phoebe reparaverat orbem,
 Radebantque caecos Titania lumina Lances :
 Cum leges mansueta capit, Batavoque coactum.
 Subdit Sylva caput. fesso lux praevia Marti,
 Laurigerosque ciens felix Aurora jugales,
 Ingentem nobis consummavere laborem.
 Panduntur portae, Dominisque Potentibus arces
 Nassovioque patent. miscet clementia dextras,
 Et simul itus amor. torquet sua gaudia civis,
 Dum dolet, & plausus contraria vota sequuntur.
 Spectatrix venere cohors, & lata juvenus ;
 Tarâ gradique senes arvis ac moenibus adsunt.
 Undique. commendant etiam jam bella puella,
 Et graditur per tela Venus, studiisque fatetur
 Disparibus sua bella geri. non littora quondam
 Isthmia, non tantis fremuit concursibus Elis,
 Cum celeres Hieronis equos, currusque stuperet
 Gracia, victricesque rotas agnosceret Argos.
 Omnibus idem ardor, longo qui tramite currunt.

Gramineos calcare foros, sinuataque vivo
 Cespite metiri spatia. hic in milite vultus
 Intrepidus gressumque notat. probat ille superba
 Molis opus. vastos alii mirantur hiatus
 Murorum, nostrique juvant spectacula belli.

O quam latus adest, qui nunc illustrior exit
 Gentibus, & victor populus quem consecrat annus
 Quamvis. Auriacas semper comitata secures
 Laurea bellatrix fuerit, totiesque triumphos
 Et domitas urbes dypeis inscripserat aetas;
 Hic tamen ante omnes toti fulgentior orbi
 Emicat, & victa praefert sua tempora Sylva.
 Ad facinus Mars ipse stupet, nec viribus ultra
 In victum quicquam esse dolet. nunc per via ferro
 Sidera, nunc ipsos Superum nutare penates,
 Securumque nihil Belga pugnante fatetur.
 Fortius haud unquam, nunquam violentius itum
 In latus Hesperia, simili nec clade ferocem
 Fregimus aurora dominum. fortuna labori
 Amittit, ingenio robur, fiducia coepto.
 Quam Superis, Frederice, places. tibi sidera formae
 Iuppiter, & totus facilem se accommodat aether.
 Quam populis, Henrice, places. araris cives
 Pandimus unanimis. tibi, fortia nomina, Belgae
 In lintres fregere nemus. tibi mille ruebant
 Per fluvios plena cuneis & frondibus alni.
 Submersa sedere rates, per stagna, per undas
 Ivimus impavidi. confudimus aquora terris,
 Terrasque aquoribus. Tu, Ductor magne, secundis
 Conficis auspiciis bellum, gladioque coerces
 Luxuriam fati. patriis virtutibus addis.
 Plus audacem animum. Fratris successibus olim
 Clarus eras, nunc ipse tuis; & sanguine parta
 Crebra paludatos ambit tibi laurea fasces.
 Quod gaudent Batavi, Batavis quod secula currant
 Aurea, vicinum Vahalis quod nescit Iberum,

Nostra quod imbellem miretur Belgica Mosam,
 Debet quisque tibi. dubius formidine rebus
 Inceptum damnare caves. constantia casum
 Risit, & ancipitem spre vit prudentia lusum.
 Vincere num Bredam tanti est? ibi tempora longas
 Traxerunt dilata hyemes: hic vincere brumâ
 Vinci penè fuit. partas ibi cespite grandi
 Impensa mutamus opes. non stagna lacusque
 Circumfusa nocent Liguri. non viribus ullis
 Vicit, at imbelles jugulos ingloria fregit
 Supplicio, non Marte, fames. Tu fossor in undis
 Munimenta locas, immanique aggere fluctus,
 Neptunumque domas. Tu totos abluis agros
 Æolus; & ventos tempestateque secundas
 Ad tua jussa vocas. idem tu miles in ense
 Insurgis; subigisque trucidis Marvortia Sylva
 Robora, dum plenas indulgent horrea messes.
 Certavere diu Superi, qui vinceret illam.
 Certavere Duces: donec decreta Deorum
 Excipis, & cœli dirimis certamina victor.
 Sapius Alciden stupui, seu stringeret angues
 Trux puer, aut savi lassaret terga juvenci:
 Sive Cleonæi discerperet ora leonis,
 Subderet Antæum lucta, Stympthalidas arcu.
 Plura tua petuere manus. plus proderit orbi
 Brabantium domitor. soli gravis hydra paludi
 Vixit, in Arcadia partem vastator abibat
 Sævus aper, crudi Thracas Diomedis imago
 Terruit. hæ multis nocuerunt sedibus arces,
 Una nec hoc monstrum vallis, non una pavebat
 Insula. per Batavos vicinaque rura Sicambrum
 Ibat, & adversas lacerabat dente Salinas.
 Mersit Scylla rates. sed & hoc: armata Chimææ
 Ignibus ira fuit: vomuere incendia Sylva.
 Bellerophon tu noster ades. tu densa rotantem
 Brachia Geryonem, raptorisque atria Caci,

Latrantemque domas, victis custodibus, aulam.
 It gradibus fortuna suis. praeludia fama
 Grolla dedit, dites vexerunt nomina gaze
 Latius, admovit grandis Vesalia caelo,
 Ultima pugnantiem virtus permiscuit astris.
 Maeste novis, Princeps, titulis. En ardua pennis
 Ipsa duos circum volitat Victoriæ currus,
 Frena tenet Mavors, agilesque in praelia lentè
 Ducit equos. circum galeas disponit, & enses,
 Scutaque, sanguineasque levans Bellona macheras.
 Dextrum Cura latus, lævum Prudentiæ claudit.
 Stat Labor, attritosque gerit post terga ligones.
 At Timor, & validis Formido innexa catenis
 Pone subit, laceratque suos crudelius artus
 Livor, & insanum furis discerpit Iberum.
 Una salutantum vox est. confundimus omnes
 Vota renascentis patriæ. clamoribus urbes,
 Compita, rura sonant. studiis concordibus aula,
 Curia, templa favent. victo sic clarus ab Indo
 Thyrsigeris rediit sub vectus Lyncibus Evan,
 Et debellato domitor Tirynthius orbe.
 Sic Latium, sic Roma suis spectabilis olim
 Occurrit Ducibus, tunc cum Capitolia Paulus
 Scanderet, & vinctum spectarent rostra Iugurtham.
 Adspicis, ut belli Proceres, & in ære micantes
 Adsultent te circum equites? petulansque superbis
 Passibus incedat sonipes? crebroque peractum
 Innitit testetur opus? Tibi concrepat arma
 Miles, & in lusus bellorum seria vertit.
 Ordine discurrit, vibrantur cominus hasta,
 Nunc stat tota phalanx, geminis nunc scissa catervis
 Obvia procedit. fugiunt, iterumque reflexo
 Agmine restaurant pugnam. pars altera victrix
 Militat Auriaco, pars hac mentitur Iberum.
 Isti, ubi in excelsis picturatisque columnis
 Carmina suspendant vates: ubi picta Leonis

Adspectes Bataui clauso pomœria septo.
Ille coruscantes adstricto fasce sagittas
Vngue tenet, Bredaque novis admurmurat iris,
Et pavidam caudâ perstringit verbere Lingam.
Floribus ornantur Satyri, Faunique bicornes
Exiliunt, nec lit festas Galatea coronas,
Victoremque rudi sequitur modulamine Phyllis.
Qua clypeos nuper calcatis sumserat agris,
Triptolemo ridente, Ceres, iam pristina rursus
Rura colit, gladiosque suis occultat aratris.
At procul aquoreis pugnans Neptunus in undis,
Acrior ad famam, transtris hostilibus instat,
Atque omnes Tritona jubet deferre per oras :
Ire per Hesperium pelagus, terroribus aulam,
Et Siculos implere Deos : narrare potenti
Borbonio , Tamesisque patri : mox longius actum
Ire per Ionios fluctus, ubi militat acer
Adria, & Ausonii librat discrimina belli.
Ivit & Arctoum qui nuncia ferret in orbem,
Qui fractum erigeret Cimbrum, Sueonumq; tiras,
Et latis Gothicum recrearet vocibus ostrum.

Fortunate Ducum, magni, Frederice, parentis
Gloria, cui titulos frater transcripsit, & enses,
Indue te patria meritis, laurosque triumphans
Continua. placidam Libertas aurea frontem
Explicet : Vnanimis societ concordia terras,
Te monstrante viam : faciles dent rostra secures :
Sit fecunda domus : patrios exsurgat in ausus
Filius, & teneri cupiant è casside vultus
Adspectare tua bellacia moenia Sylva.

T R I V M P H V S

super

CAPTA OLINDA,

Pernambuci urbe , Brasiliæ Metropoli.

I Nvenit spes nostra viam. patuere Philippi
 Imperia, Hesperidumque domus ; & Vespere ab
 Affulsit Batavis lux optatissima terris : (ipso
 Quaque cadunt rutilique ruunt Hyperionis ignes,
 Belgarum se tollit honos. Ah, ipsa laborat
 Gloriz. non unus nobis quoque sufficit orbis,
 Quærimus audaces alium. confundere mundos,
 Et procul adverso divisos cardine Soles
 Pars mundi tantilla potest. nos vincimus ipsi,
 Et causis majora damus, famamque fidemque
 Transcendit nostrum facinus. tu cepta parentum
 Successusque patrum veniens miraberis atas.
 Necdum etenim furor Hesperie, sævique dolores,
 Et debellatæ magnis ululatibus urbes,
 Infantesque rogi procerum, flammaque piorum
 Exciderant animis. istis ex ossibus ultor
 Nascitur, & seros acuit vindicta nepotes.
 Concutitur fortuna Tagi, convellimus arces,
 Vincimus indomitas urbes, spoliavimus aquor,
 Regales partimur opes, abradimus usque
 Austriaci titulis aliquid, sequimurque potentem,
 Quæ præit, Aurora dominum. si terreat Ortum,
 Et sua longinquis figat vexilla Moluccis ;
 Regnamus juxta socii, medioque natamus
 Oceano, jactatque suum Battavia nomen,
 Et bellum Ternata gerit. Si Sole perustus
 Afer, & in Libycas Nigris spatiatus arenas
 Littoraque & populos victori cedit Ibero :
 Imus in adversum ratibus victricibus hostem,

Carbasque hac ipsâ defigimus invida glebâ,
 Et commune solum nobis, commune profundum
 Credimus, & paribus mercamur finibus aurum.
 Quâ Persas Arabasque domat, calidoque sub axe
 Feruida Erythraeis dominatur fluctibus Ormus,
 Objicit arma furor, totoque occurrimus Indo.
 Sin satur Europæ Princeps, Asiæque potentis
 Ebruius imperio rector Plus cogitat ultra,
 Occiduoque infert aquilas & nomina mundo:
 Ponè subit Boreæ populus, tranquillaque sulcans
 Æquora pacificis etiam depugnat in undis;
 Aut inventa secat freta, vel vicinibus Austro
 Invenit, aut nostris Chilen ardere favillis
 Adspicit, aut celsa trepidare palatia Lima,
 Proregumque domos, timidique abstrusa metalli
 Viscera, & immensis turbare Mexica damnis.
 Laxat regna sitis lucri. spe militat istâ
 Quilibet. utilitas fines metitur honesti.
 Quaque datur, Batava Marvortia pectora pubis
 Sternunt ense viam. certant fortuna, laborque;
 Alternantque suas ratio atque audacia partes.
 Nunc belli rabies, nunc est prudentia laudi,
 Nunc malè compositos ausus fors ipsa secundat.
 Nunc nocet Oceano Nereus, nunc Æolus Austris
 Afferat infestas hiemes, classeque moratur.
 Morbida jam fluidas vexant contagia turres,
 Et languent squallore Duces, irataque membris.
 Ignavas virtus queritur vilescere dextras,
 Nec Marti constare viros. per densa malorum
 Agmina, per varios casus, per saxa, per undas
 Scrutamur, qua parte nocens mortalibus aurum
 Pullulet, & dites designet fama recessus,
 Ac scelerum prudens abdat fomenta Creator.
 En Tarteſiaci majestas fulgida sceptri,
 Et siculus subsidet apex. dispendia rursum
 Et clades Olyſippo suas, damnataque fato

Occasum

Occasum Castella dolet. post subruta Sylva
 Mœnia, & attoniti tot propugnacula Rheni,
 Externo Mars orbe furit. nec terra, nec aquor
 Otia dant, Rex magne, tibi. devorimus omne
 Terrarum pugnis spatium, cunctisque paramus
 Prælia sideribus. spectata, stant littore toto
 Carbasa Belgarum, & peregrinas mordet arenas
 Anchora. Nassovias exponunt panda cohortes
 Corpora, bellacesque viros penetratibus edunt
 Distenta castris alni. sic ultima mundi.
 Discant Auriacas admittere regna secures.
 Et jam Mosæ pater, jam nunc vetus accola Rheni
 Barbaricos potant fluvios, & divite portu
 Brasilia fixere rates. bellator Olindam
 Belga tenet, geminasque rapit pavitantibus arces.
 Pugnant Arctoa Phœbo spectante phalanges,
 Flumina Hyperboreas vectant ferventia lintres,
 Insuetos fugit unda viros, & sanguine nostro
 Fumantes tinguntur aquæ. færale cadaver.
 Ignota procumbit humo. novus advena, quæ vix
 Constiterat tellure, jacet. quin rupibus altis
 Stans aliquis, vultus alios agnoscit & ora,
 Miraturque suis Bataros confidere terris,
 Et streperis patrium lituis intendere carmen.
 Adstant indigetes, & si quos terra recepit,
 Vel dedit ipsa, Duces. horrent appellere puppes.
 Adventare acies pelago, tormenta parari,
 Torvaque Arausiæ impleri tympana bombis,
 Et ferro nova regna peti. Nos Sole sub ipso
 Cernimus ardentem capiti Phætona minari,
 Verticibusque instare rotas. miramur, ut aquis
 Penè secet cum nocte diem Latoniis horis,
 Nec septemgeminis surgant de more Triones.
 Nunc umbras nemorum rectas, nunc ire sinistras
 Adspicimus, tepidasque hiemes, bis jugiter annum
 Messæ coronari. monstrat Neptunia proles

Nunquam visa prius mutari sidera cœli.
 Thuribulumque notat, Grajaque aplustria puppis,
 Inque suis variè sinuosum partibus Hydrium.

Huc postquam oppositis classem flexisset ab Afris
 Rector, & ignavum superasset puppibus æquor,
 Mœnia conspiciens tantis servata triumphis,
 Ad socios tali fertur mox voce locutus :

O socii, seu me partes rectoris habere,
 Seu vobis comitem cupitis, quacunque paratus
 Lege adsum. bellum paribus commune periclis
 Aggrediar ; patiarque meis, discrimine nullo,
 Me quoque signari monitis. quam cernitis urbem,
 Credite materiam laudis, fama que perennis
 Argumenta dari. nostris hæc Pergama dextris
 Expugnanda manent. hæc mecum mœnia lati
 Scandite, nec tantis desit fiducia cœptis.
 Hoc nuper stetimus mundo, cum turgida gazas
 Evomeret Matança suas, cum territus Astur
 Argenti vacuas Cuba de littore puppes
 Cerneret, & totos vectaret Belgica montes.
 Hic malè servatam nuper possedimus urbem,
 Hoc arsere rates palægo. præmissa futuri,
 Dant exempla fidem. quisquis contemserit hostem.
 Iam vicisse putet. quondam Milesia fortes
 Terra tulit. fuerit toties Hispania victrix,
 Iam timet, & quod custodit, stat concolor auro.
 Successus si fata negant, hæc terra sepulchrum
 Præbebit tumultosque viris, vel corpora Triton
 Littoreis subducet aquis. remeare negatum
 Ad veteres Belgi fines. hic vivere victos
 Prò pudor, hic servare genus miserabile pœna.
 Si fugiis, negat unda fugam : si montibus abdi
 Et nemorum cupiis latebris, his barbarus antris
 Iste latet, vivo distendens viscera pastu.
 Nec patitur res nostra moram, per singula lethum
 Impendet momenta, duces excitaque cunctis

Lætè

Latè signa locis aderunt, afflataque pauci
 Prascribunt alimentâ dies. si bella nequibunt,
 Vincet fœda famas miseros. non horrea nobis,
 Aut fera Eleusinas collogit America messes.
 Deserimur terrâ, pelago. spes omnis in armis,
 Et virtus sua quemque manet. qui fortiter hostem,
 Securus feriet. morti vicinior omnis,
 Qui timet, & lethi causas formido ministrat.
 Hic domus, hic cunctis patria est. quos struxit Ibe.
 Transcribet brevis hora lares. victoria justis (rus,
 Nuncupat heredem titulis. quæ surripit hosti,
 Præmia justa putat. non hoc raptoris iniqui;
 Militis officium est. veteres migrare colonos
 Bellonæ lex præscâ fuit. fecere Quirites,
 Et clarum genus Æneadum. mihi cana senectus
 Quamvis tela neget validis torquere lacertis,
 Primus iter pedes ingrediar. cum dextra fatiscet.
 Pugnabo monitis. O quantæ Iuppiter urbis
 Hoc libras momenta die. si numina prosint,
 Hac fati modus in dextra est. Sic Ductor euntes
 Incitat, & colles ultra progressus & amnem,
 Ista iterat, patriæque decus, præciumque laboris,
 Spem Batavum miscet dictis. cum nulla furentem
 Vis tenuit populum, tantoque à principe quisque
 Incaluit, sumpsitque animos. Non saxa retardant,
 Non fluvii. cedunt cuneis fugientibus hostes,
 Vincuntur delubra manu, furor efferus instat,
 Urbs capitur, ceduntque altæ pugnantibus arces.
 Non aliter quàm cum cæco rex Æolus antro
 Luctantes ventos tempestatesque relaxat
 Iussibus, & clausos tenebroso carcere fratres
 Solvit, & Ionio patitur sævire profundo.
 Illi indignantes, quæ sors dedit obvia, saxis
 Impingunt rabiem, fluctus ad sidera tollunt,
 Tensaque percussis discerpunt lintea nautis.
 At contra furis immanibus invidus ardor

Occupat obsessam Hesperiam. victoribus urbem
Dum nequit, eripuit pradam, foetosque penates
Mercibus; & proprius damnans congesta favillis
Scrinia, vota Tagi nostrumque intercipit amens
Livor, & iratis donat sua munera flammis.

Ergo iterum extremis lauros suspendimus oris;
Rursus ovans alibi Belgæ est, & dissita longe
Imperia ignoto victor sibi vendicat orbe.
Cælum aliud Solemque videt; Zonaque rubentis
Hospes agit peregrè; & quæ flammea dividit axem
Linea, cum magno partitur regna Philippo.
Si propius noceant Morini, ratibusque minentur;
Et nobis Duynkerka patet: regalis Olinda
Occiduum vasta mundum prædabitur ora;
Classibus instabit Siculi rectoris, & auro.
Hæc raptas servabit opes. hæc regia clavis
Ditescet regum spoliis. hæc altera surget
Carthago, Hesperiam contrà & Tartessia longe
Ostia. Nassovios currus & Principis arma
Hic metuet vesanus Iber. Iamque oppida Sanctis
Nominibus devota rapi, tot flumina subdi
Auguror, & pavidis Plutam pallescere ripis;
Compesce castris Ienerum, servire Maragnon,
Patagonumque domos, & crudo barbaræ victu
Corpora civili sensim mansuescere cultu,
Annuaque excelsis extundi sacchara cannis.

T R O P H Æ V M A R A V S I O N E N S E;

Sive in interceptam, ad Scaldis ostia, Hispanorum classem,

P O Ë M A T I O N.

Continuat nostras Superum clementia lauros,
Rursus victor ovans populus; domitiq; trium-
phans
Hosti-

Hostibus, exuri spoliis exsultat Iberi,
 Et formidatum cernit pallefcere Scaldin,
 Hesperiosque duces; atque infelicitis Eliza
 Transtra rapi, & toto palantes flumine puppes,
 Belligerasque rates & castra natantia mergi.
 Sic belli Fortuna moras, & longa refarcit
 Otia, cunctantemque diu Victoria cingit
 Auriacum. quæ segnis ut, sine motibus, astat,
 Illustri se sine probat, Martique trophæum
 Figit, & ignavi dispendia corrigit anni.
 Constitimus Morinûm terris, tot navibus æquor
 Stravimus; hostiles latè calcavimus agros,
 Terruimus famâ populos. timuere potentes,
 Et quondam dites Bruga. quin conscia culpa
 Nos etiam potuit longè Duynkerka timere.
 At tum cura Delin coeptis & pronior æther
 Defuit, & pulchram Flandrorum vincere gentem
 Immeritum visum Superis. nunc numine lævo
 In Scaldin flexere minas. ubi Martia turres
 Tollit, & Albanâ stat formidabilis arce
 Andoverpa potens. illic generosa Philippi
 Progenies, regum soboles, jam dedita cælo,
 Nec minus & lituis Princeps intentâ tubisque,
 Tales magnanimo profudit pectore voces:
 Illa ego, quam niveis toties Fortuna quadrigis
 Vexit & innumeris auxit Bellona triumphis,
 Quæ sceptris parere meis devicta cõgi
 Oppida, bellicis fregi Marvortia Breda
 Mœnia, & in mediis suspendi signa Sicambrûm
 Visceribus, per tot fluvios, urbesque cucurri,
 Et Fleuvum Vahalimque cavis thoracibus hausi,
 Victa cadam Batavo? vel nunc imbellis habebor
 Femina? si solitiis fraudata est viribus ætas,
 Non tamen hæc animis est exarmata senectus,
 Consiliiisque animus. veteris mihi flamma juvena,
 Et belli nova cura subit. non impiger ultra

Oppida Nassovius, me milite, vincet inultus,
 Et pariter terrâ, pariter superabimur unda.
 Cessit Sylva Duci, cessit Vesalia doctis
 Fraudibus, atque alio tristes sub Sole Matanca
 Ereptas dolere rates. accessit Olinda
 Cladibus, & gemino decessit gloria mundo.
 Non alias adversa magis constrinxit in arctum
 Res Bellona meas. num dedignantibus astris
 Bella gero? num Martis amor plus gliscit in hoste,
 Deslituitque meos? ubi nunc vis effera Ibera
 Gentis, & heu, nostra metuenda potentia dextra,
 Et tanta lux prisca domus? num regia nutant
 Imperia, & nobis aliquod male numen amicum est?
 Non ita Di patrui faciant, manesque meorum,
 Degener ut credar magno prognata parente
 Filia, & Austriaca titulis indigna tiara.
 Imus in adversos hostes; nec deside cura
 Eugenia marcescet honos. hac induet arma
 Canicies, preciumque meis Mars sumet ab annis.
 Rumpe omnes, Isabella, moras, totque inter & hostes
 Et terras, luat illa, suis qua tuta procellis,
 Suaviter hunc belli gaudet spectare laborem,
 Et fruitur, secura mali; consultaque pacis
 Despicit, & nostris nutrit sua commoda damnis.
 Hac pacem mihi victa dabit. discentque propinquo
 Marte fatigata tandem mansuescere gentes,
 Et pacata loqui. VValachrum divulsæ Batavis
 Natio, crudeles bellorum leniet iras.
 Hic vos, ô focii, temerata sumite pœnas
 Principis, hic victa pridem depellite Sylva
 Dedecus & tantum gladii abolete pudorem.
 Cernite. quas circum Tethys colit horrida, terra
 Argumenta ferent laudum. sit quaque furoris
 Materies & causa mei. quæmcunque tenebo,
 Sentiet una sibi nasci discrimina Berga,
 Bellacesque peti tantis ambagibus urbes.

Sic ait, instigatque Duces, bellicque potentes
 Instruit. assurgit vano Brabantia fastu,
 Et tumidas jactant populi suffragia voces,
 Eventusque notant, & gratum partibus omen.
 Accelerant mandata alii, permissaque sylvis
 Æra sonant. grandes aptantur navibus orni,
 Et totos sorbent nascentia carbasia lucos.
 Spirant bella trabes; & qua dissecta patebant
 Robora, sanguineis ducuntur fila lituris,
 Vel percussa gement, cladis prasaga futura.
 Illic murali reboantia corpora pulsu
 Cymba vehit, terretque suo trux machina vultu,
 Sulphureas claudens immami ventre favillas.
 Parte alia aratas capiunt aplextria glandes,
 Telaque, funereasque faces, thoracas ahenos,
 Et quasunque furor, mensque ingeniosa recentes
 Invenit exitii causas, formasque nocendi.
 Adventare Duces cernas, milesque cruentum,
 Qua graditur, sibi signat iter. pagnacia sevis
 Pectora flagrabant studiis, & classica votis
 Precipiunt, ardentque adversa laceffere regna.
 Qualis aper, fulvusque Leo, cum tempora circum
 Luxuriant rutilantque coma, jamque obvia prensat
 Vnguibus, & cupidis spumant sub deniibus ora;
 Antra fugit, pigrosque specus, & monte relicto
 Optat in oblata morsus desigere prada.
 Cærulea tum forte domo, viireoque cubili
 Extulit os pelagi restor, cui plurima mentum
 Et circum fluidos velaverat alga capillos,
 Eque humeris multa surgebat arundine vertex.
 Utque oculis dassent bellatricesque triremes
 Vidit, & insano coeptum molimine bellum,
 Spumiferos alto ructans è gutture fluctus,
 Risit, & En alter Phaëthon jam navigat, inquit,
 Et male qui rexit patrios auriga jugales,
 Praeficitur jam nauta rati. quam lata meorum

Præda venit manibus; quam mox vefania pœnas
Inconsulta dabit, dum centum vecta per altum
Remigibus sperat Toxandrum appellere terris,
Et totis iunctas animis diu vellere gentes.

Hic clades, Hispanæ, tuas, tumultosque tuorum
Adspicies, hic busta vago circumflua ponto,
Et deplorata lugebis fata ruina.

Sic fatus lævis implevit pectora curis,
Ipsaque funesta iuvit primordia pugna.

Ibat ovens animis, bellique accensus amore
Nassovia de stirpe aliquis, fama que sititor.
Improbis, attonitas remis audacibus undas
Fregit, & Oceano puppes fugiente secutus
Tethyos alternæ infidas trajecit arenas.

At contra Auraco vigilans traducere noctes,
Explorare vada, & mersis imponere terris
Præsidium tunc cura fuit. nunc undique fines
Tutari; nunc arma armis, ratibusque feroces
Obiectare rates, & quo vocat usus & unda,
Neptuno famulante, sequi. dum cominus hostem
Occupat, & iunctis crudeſcunt prælia dextris.

Tum densa cœiere acies, & iudice ferro
Bellantum fortuna stetit. maduere cruore
Transstra, fori, & fuso rubuerunt sanguine fluctus.

Puppibus incurrunt prora, securaque rostra
Illidunt lateri. pugnant, sine mente, carina,
Ponderibusque nocent. fragili sua gloria ligno est.

Et concussa bibunt multam rimosa paludem
Carbasa, & abducto segnes hasere profundo.

Accendit Bellona viros, ensisque manusque
Incaluit. veteres acuit pugnantibus iras

Libertatis amor. nescit non vincere, quisquis
Desperat victus veniam. cui triste paratur
Servitium, fatis potius, quam cesserit hosti.

Certavere duces, & toto plurima bello
Emicuit procerum virtus. hic milite puppes.

Instruit, acceleratque rates; qua deficit, urget.
 Hic curvos servare sinus, hic pandere vela
 Hic revocare jubet: peragit prudentia partes,
 Bellatrixque manus. donec vallante corona,
 Et geminis hostile agmen concluditur alis.
 Quid referam? pugna faciem, Syrtesque repletas
 Stragibus, & cæco cumulatas gurgite mortes?
 An fluvii refluos aestus? tardaſque carinas
 Occultis hæſſiſſe vadis? an flamina juſſis
 Conjurata Deum regalem exſcindere claſſem?
 Singula miratur victor. miratur & illud,
 Pro nobis pugnaſſe Deos, pelagusque, polumque,
 Nos fatiſ, hoſtemque manu. ſpes irrita cœpti
 Mergitur, armataque acies, revolutaque tela
 Auctori nocuere ſuo. Rhamnusia fallax
 Intorſit, vertitque rotam. premit illa ruentem
 In ſua fata ducem, diſperſas diſjicit alnos,
 Diſjectaſque fugat. nunquam fluitantia latè
 Largius Arctoos pavere cadavera piſces.
 Corporibus premitur Scaldis, obſtructaque paſſim
 Oſtia concluſas remorantur fluminis undas,
 Ne poſſint remeare vaga. gens nautica, fati
 Prodigia, diſtrictis odium mucronibus explet,
 Et lethum præfert ſpoliis, juguloſque cadentum
 Pro mercede petit. quotquot furor iſte pepercit.
 Victorum ſtrinxère manus. mirabile viſu.
 Illa cohors noſtris minitans incendia portis,
 Battaviaque alta famulas cervice repoſcens
 Supplex ante pedes, tanti jam neſciat faſtus
 Ponit ſigna libens. cujus properantia ſero
 Vela die, tumidaſque minas timuere feroces
 Toxandri, ſua vela fuga, pavidoſque rudentes
 Deſtinat, exuviasque mari tranſcribit & hoſti.
 Hic clavi, tranſenna alibi, caſiſque phaſeli
 Remigibus per ſumma natant. hic lintea ruptis
 Funibus inſternunt fluvios. retinacula ſpernit

Ancho-

*Anchora, & antennis jactantur suppara fractis.
It mœstum portis agmen. pars nuda trahentes
Corpora, pars vani damnans exorsa laboris,
Aversoſque Deos. quos spes erexerat ingens,
Demissa ceruice gemunt. ſpectantur inermes
Dux, miles, totaſque trahunt ergaſtula turmas.*

*Tales Romulei, trepida Carthagine, portus
In Libyam miſere rates, cum tranſtra ducemque
Illuſtris caperet Xantippo vindice Byrsa.
Sic credam pugnaffe Tyrum, cum navibus arces
Cingeret, & tumidis juvenis Pellæus in undis
Fluëlibus immerſa muros convelleret urbis.
Sic Perſam tumuiſſe ferunt, cum ſterneret Hellen.
Sic Perſam periſſe ferunt, cum parvula magnum
Regnatorem Aſia vix dum ſubduceret alnus,
Et victrix totum ſorpiſſet Gracia Medum.
Hic quoque Thermopylas, hic providus arcta viarū
Obſidet Auriacus. Salamis hic altera fauces
Stringit & exili Xerxen intercipit alveo.
Allia feraleſ Latii reminiſcere clades,
Dic caſus Thraſymene tuos, vos dicite Cannæ
Duſtoris Pœni rabiem. non diſpare fato
Pugnat Iber. captiva, duces & ſigna tenentur,
Armaque cum ſociis, & cum vectore carina.
Partiri neſcit Batauvus. capit omnia victor,
Materieſque mali multos congeſta per annos,
Deſeritur pelago. Martiſ ſclerata ſupellex
Undique colligitur, cumulataque plauſtra metallo.
Æraque, quæ Corybas diros fabricavit in uſus,
Et Lemni ſudantis opes, Steropiſque labores.*

*Iam timeas, Brabante, Deos, tot fidere roſtris
Deſine, molirique rates, inſtare procellis,
Et ſuperimpoſitis inſternere flumina ſylvis.
Victrix cauſa Diiſ placuit. ſi victa probatur
Eugenia, cauſa partes & vindice diſtant.
Noſtra tamen melior. quorum victoria velox*

*Auspiciis effecta Dei est. quid classe lacesis,
 Inque suo demens audes vexare profundo,
 Indigenas Nerei, populos? queis pontus & aquor
 Sunt natale solum, Castor cum fratre Penates,
 Lar Triton, quibus unda situm castigat, & omnis
 Vita procellosa traducitur Amphitrite.
 Luna quibus pro Sole micat, pro luce tenebra,
 Horridus imparidum flabris exasperat ævum
 Æolius, & gelida indurant præcordia noctes.
 Terra tua est. laxos aciem dispone per agros,
 Hæc belli sit meta tui. sors una Batavum,
 Neptuno propiore frui, facilesque profundi
 Explorare vias. ista se jactat arena
 Belgæ meus, nostris hæc area panditur armis.
 Hic documenta damus, quantum Neptunia possit,
 Prompta manu, soboles. nescis? non longa revolve
 Tempora, cum fluidas ultrix Hispania turres
 Conderet, & multa Tartessus puppe nataret,
 Fœdaque deberet toto ludibris ponto.
 Vel cum Cantabricas bellatrix Horna carinas
 Subderet, & captus gemeret sua vincula ductor.
 Tu mea, tu raptas vidisti Antverpia puppes,
 Cum victrix Ulißinga, tuis sub mœnibus audax,
 Feralem raperet prædam. flere cadentem
 In ratibus Ligurem Morini, captasque triremes
 Et debellati fatalia damna Philippi.*

*At Tu, summe Ducum, patria virtutis imago,
 Ingenti nec fratre minor, tutela tuorum,
 Illustris Frederice, tuæ præconia terra
 Collige, & has lato voces concede pœta.
 Egredieris fama spatium, laudumque theatrum
 Imples Marte tuo. cœli convexa coërcet
 Limitibus natura suis. tu sidera transis,
 Et Superos bellator adis, qua Perseæ magnum
 Inter & Alciden sidus venerabile fati
 Servant fata tuis. vasto stat terminus orbi,*

Non

Non tibi. Romuleos aequant tua bella triumphos,
 Quæque tuis semper comes est Victoria castris
 Annuit, & gestit tecum Fortuna pacisci.
 Te Duce decurrunt nostris felicia rebus
 Tempora, signanturque notis victricibus anni.
 Iam pater Oceanus, jam flumina victa trophæum,
 Iam victa præbent urbes. cum militat ather,
 Dissentire cavent undæ. cum militat unda,
 Iuxta terra favet. si Ver applaudit amicum,
 In partes trahitur placatis mensibus æstas.
 Quique gravis morbos Autumnus parturit, uni
 Auriaco gravis esse timet. cum cerneret ipse
 Scaldis Arausiacas undis innare phalanges,
 Pro te, pro Batavis jam tunc oracula fudit,
 Fausta que de gemina fremuit tibi carmina ripa.
 Sis precor assidue felix, Mariique senectam,
 Et senis Augusti numeræ. sit Belgica concors
 Te ductore. truces terris averte Philippos.
 Cingat sæpe tuos bellatrix laurea currus,
 Ista que venturi stupeant exempla nepotes.

T R I V M P H V S F E D E R A T I B E L G I I,

Super debellatis ad Mosam urbibus,

VENLOA, STRALA, RVRMVNDA,

TRAIECTO, &c. pluribusque ad
Scaldin victis Castellis.

IT Batavo Fortuna comes, rursusque Potentes
 Dat fama Bellona Patres. sub Principe lati
 Vincimus, & gaudent sibi successisse triumpho.
 Omnis in extremum virtus Marortia Mosam
 Veritur, & veteres belli vindicta Sicambros

Poscit,

Poscit, & haud uni jam nunc gravis incubat urbi.
 Talis in Ausonias victor dum fulminat arces
 Hannibal, & Trebia geminant dispendia Cannæ,
 Tot Pæno patuere urbes, totumque ruenti
 In pradam cessit Latium. quin oppida latè
 Sidonio cernas sub bellatore pacisci.
 Ipsa Croton portas, Lacedæmoniumque Tarentum,
 Et trepidans Atella aperit. nec subdere colla
 Sublimen puduit Capuam. se Samnis, & acer
 Brutius, & versis mox dedit Appulus armis.
 Stabat Roma stupens, & tantæ conscia cladis
 Defuit una sibi. nec te, Brabantia, Romæ
 Dissimilem jam credit Iber. lenta agmina ductas
 Degener, & seris ordiis prælia castris,
 Dum cataphracta tuos circumdant agmina muros,
 Concussæque ruunt, concussis urbibus, urbes.

Sic tibi, sic magna Mævors pater esse locutus
 Dicitur Eugenia, sic incussasse morantem :
 Quam mæ discordi jam numine regna tuentur
 Au iacus, geminoque graves sub sole Philippi.
 Languit Afrorum domitor, tituli que pudorem
 Incutunt Asia domino. quos supputat orbes,
 Alter habet, grandisque labat fortuna peculi.
 Stat quo vis jam Belgæ loco. jam victor ubique est,
 Quem constat vicisse domi. jam vincere spectas,
 Atque iterum superare domi ; quem gloria belli
 Præcinxit non una foris. jam puppibus audax
 Imperat Oceano, & lituis navalibus æquor
 Personat immensum, formidatumque tridentem
 Neptuno trux nauta rapit. jam flumina stringit
 Legibus, attonitoque extorquet littora Scaldi.
 Nil sinit intactum Auriacus. non ferrea Sylva
 Mœnia, & assuetas sceptris regalibus arces
 Perdomuisse satis. pronis fiducia fati
 Occurrit ; quantumque sibi promittit, ab armis
 Impetrat, & quavis lauros suspendit arenâ.

Non

Non virtus, non dextra Ducem, non provida fallit
 Sedulitas, patet ipsa dolo Vesalia, nec se
 Totâ nocte regit. divulso cardine pandit
 Claustra Sinon, portasque potens intercipit astus.
 Ille rates raptæque tibi compendia classis
 Vertit in autores, & per tua currere doctus
 Ostia, debellat fluvios; & abînea laxans
 Castra, Gigantæa paulatim adremigat urbi.
 Sic stabulis pecorique gravis Massylus in horas
 Crescit, & indomito debellat dente ferarum
 Antra leo, semperque novas despumat in iras.
 Vnius Hesperia cecidit decus. otia Batin,
 Et mala pugnacem jam damnat inertia gentem.
 Non cupit à segni tractari Principe regni
 Publica majestas. animo quod deficit, ipsi
 Deficit imperio. quantum virtutibus audit
 Inferior, sit sorte minor. formidine surgunt,
 Et gliscunt adversa metu. cum plebe labascit
 Cura patrum, torpetque omnis, ceu femina, rector.
 Non ducis Albani rabiem, tinctasque cruore
 Barbarico laudabo manus. laudabimus arma
 Belligerasque manus, Siculo tot reddita regi
 Oppida, & exutos castris ac mœnibus hostes.
 Quantus eram, Transalpinum cum duceret agmen
 Farnesius. cum quisque notis vittricibus annus
 Curreret, & nostros signarent prospera fastos
 Prælia. cum supplex excussos Belgica fasces,
 Et spretas iterum Morini coluere iuras.
 Nec te, magne Ligur, tacitum, aut tua facta silebit
 Fama memor. tu diviso fera cornua Rheno
 Fregisti, & valida signasti fœdera Breda.
 Tu dare Germanis leges, tu cogere Nicrum
 Cunctando poteras, & vasis fallere pactis
 Teutona. quot mediis Lipara fornacibus ara
 Sudare tibi; subito cum nescia vinci,
 Placaret sola victorem Ostenda ruinâ.

At tu sceptriferam Brabantia segnis inuris
 Castellam maculis, aeternaque probra potenti
 Admisces populo. priscæ, vah! torpida, fama
 Diva dees, clidesque tuas circumspicis excors.
 Militiæ quondam titulis, procerumque vigebas
 Consiliis, septumque tuæ inviolabile terræ
 Afferuit dudum Genuas. nunc agra labantes
 Vix clypeos hastasque trahis, laxataque sponte
 Labitur, & tremulo subsidit vertice cassis.
 Non una ratione peris. te plurimus error
 Arguit, evincitque ream. cum Spinola ductor
 Mittitur Insucribus? quo non felicior alter
 Flectere vel belli poterat vel pacis habenas.
 Scilicet ut tali infelix viduata magistro,
 Ignaro dubioque diu rectore perires.
 Æmula cur vexat tumidam vesania Calpen,
 Cantabricosque duces? cur fastus livor inanes
 Immiscet populis? ut cum sua castra movebit
 Impiger Auriacus, ducant consulta moraque
 Devotam cælo Eugeniam. succurritur Istro,
 Ut pereat Scaldis. defendunt arma Mosellam,
 Ut nova neglectum maneant discrimina Mosam.
 Et Batavis cedat detonsa Sicambria signis.
 Non minor Austriaco, & Romani pondere belli
 Causa tua est. fatis geminæ communibus aulæ
 Surgitis, occiditis fatis communibus amba.
 Poscit Caesar opem. sed non ut proxima nutent
 Imperia, & vacuas hostis custodibus urbes
 Insideat. nimium propria securâ salutis,
 Damna aliena cæves. socios improvida curas,
 Immemor ipsa tui. gaudes te perdere demens,
 Dammodo cognatis conslet reverentia sceptris.
 Quin tua dum tacitis flagrat dissensibus aulæ,
 Et foribus gravis ambitio est, dum luxus Iberas
 Sorbet opes, & nostra vorant stipendia mensæ,
 Expensæque leves; incassum æraria miles

Sollicitat, gratisque negat pugnare cohortes.
 Heu nimium faciles lassis diffidere rebus.
 Invertit mox scæva fidem, & proscribit honestum
 Pauperies, dominumque suum fastidit egenæ,
 Nec crimen jejuna timet. tunc irrita belli
 Sacramenta putat, meritis cum præmia desunt,
 Raraque bellaces implent sestertia dextras.
 En agros hostilis eques, damnataque fati
 Rura tenet. mediis grassans exercitus hæret
 Visceribus, quassatque facem. spumantia circum
 Cornipedum te fræna sonant, umbraque minaci.
 Et spisso totos involvunt pulvere campos,
 Dedecoris monumenta tui. cur arma, diesque
 Projicis, & timida sequeris compendia vitæ?
 Et sordes ignava domi? succumbit inermis
 Venloa, nec Martis perfert Rurunda laborem,
 Stralæque victorem patitur. nunc nobile luget
 Trajectum, bifidaque urbem cinxere coronæ,
 Ut possis mox tota capi. Tu in gloria pergis
 Spes damnare tuas, & deplorata fatiscis.
 Iamque Duces infensa tuos, sperataque longe
 Rheticolas ultra Pyrenæosque recessus
 Consilia incusas, alienaque crimina culpas.
 Quod si non alios populo, Regique, tibi que
 Impendes animos; restat ferale trophæum,
 Quod superest restatque tui. Bruxella timebit,
 Horrebunt Grudii, & concussio cardine regni
 Dediscet veteres Antverpia dives habenas,
 Mutabunt dominum Bruga, & languentibus armis
 Vltimus Auriacos sperabit Nervius enses.
 Hæc metus, hæc Parca, sceptrique volubile pondus
 Subjiciunt animo. veniet labentibus annis
 Iste dies, nec me incassum monuisse quereris.
 Hæc ubi pacatæ Marvora infrenduit atrox
 Eugenia; subit ira Dea, priscusque recursat
 Gentis honos, grandesque subent assurgere curæ

Decrepitam. simul arma capit viresque iuventa
 Canities angusta. manu quin ipsa trabalem
 Hastam intorsit agens; & vertice Brabantino
 Marti signa dedit. subitis Dux advolat alis,
 Et formidatas aquilas, subductaque Nicro
 Castra trahit, castrisque locat Gonzala propinquis.
 Plurimus admissis sonipes calcaribus ardet,
 Naribus ignescens patulis. quin arva pedestres
 Consternunt cunei. redeunt animique, minaque,
 Votaque. disposita ad leges & iussa severi
 Ordinis incedunt turmae. propiusque monentur
 Instaurare vias, tempusque optare nocendi.
 At Bataurum ductor stipantibus undique vallis
 Haret & obsessam clarus bellator in urbem
 Detonat, & densis palantem dimovet hostem
 Aggeribus, rabiemque jugis immanibus arcet,
 Ac circumfusa securus militat unda.
 Non aliter spinas intra revolutus echinus
 Bella gerit. vel tuta suo fera tigris in antro
 Ridet oberrantum conamina mille ferarum.
 Tantum opus accelerant dextrae. stat terrea moles,
 Titanum qualis fuerat labor. ordine longo
 In circos glomeratur humus, sinuataque viro
 Cespitem praeipiti surgunt fastigia divo.
 Ambit terra viros. terram spaciose coronant
 Cingula Naiadum. circumdatur orbibus orbis,
 Et tanto constat bellatrix scena paratis.
 Nox erat, & rutilos tenebris involverat ignes
 Vix Phœbum praegressa soror, sed languida quamvis,
 Non tamen armorum vacuas incedere turmas
 Passa fuit. truculenta cient insomnia Batin
 Frequentemque Tagum. strictos quin ocyus enses
 Expediit, & violenta movet certamina pernox.
 Irruit in vallos alacer, munimina flammis
 Rumpit, & audaci castrensia mœniæ coepto
 Verberat, & valido torquens reboantia nisu

M

Fulmina,

Fulmina, non una perfundit cade maniplos.
 Nec minus invigilans sub Dictatore Batavo
 Belgica, tela quatit; nocturnaue tempora gaudet
 Plus servire sibi. disiectis Cantaber armis
 Sternitur, & latis expandit corpora campis,
 Dum curat sic velle mori. funesta ruenti
 Imponit Libitina modum, pugnaque quietem
 Imperat, & sola furibundum morte relaxat.
 Ut scopulis illisa ratis, quam nubifer Eurus
 Versat, & immites trudent in littora Cauri,
 Frangitur, & tumido desavit naufraga ponto.
 Bellantum pars magna jacet. super ipsa cadentum
 Colla premunt gressus alii, numerumque priorum
 Auget posterior. calcant cognata jacentes
 Agmina, & in cumulum congesta cadauera surgunt,
 Nec sparsis cecidisse licet. Sic saepius alas,
 Adversaſque acies, vicinaque castra cruentus
 Implicuit furor. at nobis prosperissima lenes
 Prælia confecere Dii, pauidæque phalanges
 Abſceſſere retrò, trepidæque in terga reductos
 Abduxere gradus. ut latus vallibus imis,
 Cum cervam venator agit, cursuque fatigat,
 Illa fugit, silvisque timens sese abdit opacis.
 Tum Gallus, Scotusque ferox, avidumque Britannus
 Affilit in ferrum miles. per vulnera quisque
 Hostem certa notat. cœuntibus undique telis,
 Occumbunt sine lege duces. mors ipsa triumphus
 Creditur, & præſens commendat gloria lethum.
 In medios ruit ira globos, seseque periclis
 Ingerit, & nulli gliscens saturata cruore
 Martia laudatis audacia crescit in armis.
 Quippe animis Mavors Deus insidet. acrius urgent,
 Qua pugna vis sava rapit. quem jussus inire
 Quisque locum, victor tenuit, vel corpore texit.
 Dux Iber, ut nullo perrumpi robore vallos
 Sensit, & infastis tentari prælia signis,

Fluminibus certare parat, bellumque profundo
 Effertur indicit Mosæ. mortalibus impar
 Aggreditur Gonzala Deos. consternitur unda
 Lintribus, armigerosque exponunt carbasa nautas,
 Ipse gubernator tremulos, jam jamque cadentes
 In ripas agit, & rapidum dimittit in amnem
 Nequicquam, fluvioque suos immergere tentat.
 Tum nova se lethi facies & luridus horror
 Obtulit, exanguesque metus, vultuque cruento
 Proxima Mors. adsunt occultis ensibus acres,
 Adversaæque manus Batavum, cymbasq; carinasque
 Et fastidit & jam tum telluris amantes,
 Sorpsit Mosæ viros. expletæque fluctibus ora
 Hauserunt totum streperis singultibus amnem.
 Texit subsidens fugientium corpora tellus,
 Et limo defixa pedum vestigia vanis
 Gressibus elusit. nutans sub cespite putri
 Ille labat; ripamque natans dum prensitat alter,
 Fallitur, atque una sese mersere ruina.
 Hunc alius madidum cupidis amplectitur ulnis,
 Emersumque vado generosa morte trucidat.
 Hos illatus aquis, & multo vulnere fractos
 Cogit equus medio remeantes gurgite mergi.
 Quosque necant unda, dubia ne morte perirent,
 Tela super glomerata necant. pariterq; sepulchrum
 Mobile præcipites donant sub gurgite lymphæ.
 Talis erat facies, Trebiam cum Roma lacusque
 Orberet, Trasimene, tuos; cum scuta nefastus,
 Castraque & Ausonias devolveret Allia parmas.
 Ipse suis animosus aquis turgentia membra
 Explicuit tum Mosæ pater, plenisque tumescens
 Torticibus, grandi se laxius extulit alveo,
 Ut possit nocuisse magis. sed percitus irâ
 Istitur, ut innumeris conspergi cadibus undas
 Idit, & Hesperio rubicundas sanguine: Mosæ
 Tripiam tibi nomen, ait, Trebiamque vocabo,

Indignumque mea posthac decurrere ripa.
 Impediam cursus veteres, fontemque recludam,
 Quo te primum aperis. solves mihi, perfide, pœnas,
 Et si fata sinent, per Gallica rura vagantem
 Proximus abducat Rhœnus. quid sava minaris,
 Et regnis inimica meis? cur castra recusas
 Regia, nec pateris nostras impune phalanges
 Ire vadis, equitemque vetas transire reduc-ta
 Hinc illinc tellure patens? tunc ille senescens
 Attollens caput & di-lis insensus amaris,
 Hoc quodcunque genus vincta reddimus, inquit,
 Reddimus Austriaco, toties qui vincula nobis
 Strinxit, & insontes vetuit traducere merces
 In Tungros Batavosque. alio me vindice tutam
 Dî capiunt. nescit Dominos jam Mosâ superbos.
 Cum Vahali sociamus aquas, cum Principe dextras
 Iungimus. Hesperia non ultra iussa moramur.
 Ut noceam Regi, campis incumbō propinquis,
 Et gemitum plus laxo latus. mea terga carinis
 Sernito, quas perdam, non his tua pinus & alni
 Fluminibus, cymbæque natant. nec margine nostro
 Stet sonipes tuus, in viso quacunque ferocem
 Indicat hinnitū Batini, aut horrida prodit
 Stagna Tagi, raptoque iubas intexitur auro.
 Iam partes hic Mosâ sequor. iam neuter haberi
 Desino, jam dubii titulis exolver amici.
 Perdere, vel perdi mihi mens. obsessa salutem
 Mœnia, & hæc aliam spondet victoria sortem.

Interea lacrymis miserorum & sanguine pastus
 Saxonicus grassator adest, cui livida tabo
 Cassis, terribilique horrebat Gorgone scutum.
 Hic alia cædes, alius furor. itur in ictus,
 Et flammis lux fera micat. perterrita Phœbe
 Obstupuit, piceaque tegi caligine cælum
 Indignata, suas studiis mortalibus iras
 Miscuit, & toto defendit robore Belgam.

Nam simul ac lituos Mavors, hastataque diras
 Inflassent nova castra tubas, illa acris in hostem
 Pro nobis tum Diva stetit. disiectaque ferro
 Agmina, rapta virum spolia, informesque dicavit
 Exuvias, Gradive, tibi. cumulat a superstans
 Corpora, truncatosque adversis ensibus enses,
 Et fractas calcans membris spirantibus hastas,
 Sanguinea sibi strage litat. vestigia retro
 Urgentes sequitur. sed enim languentia gressum
 Arma pedesque negant timidis. huic haret in altum
 Ad cadem sublata manus, feriensque feritur.
 In mediâ ruit ille fugâ, nec tela fatiscens
 Sustinet, immorsisque cadens superincubat armis.
 Confundunt tenebra cuneos, seque ipsa vicissim
 Signa premunt. errant incerto vulnere dextra,
 Et numero turbâque nocent. trieterica non hac
 Lux venit, Germane, tibi. non orgia Bacchi
 Adspicis, & pleno Bacchum spumare falerno,
 Imbellem ad sonitum. non hic raptanda supellex
 Occurrit, conjunxque suo viduata marito,
 Innocuaque nurus. mediis in cadibus hares
 Eger, hians, fessusque jaces. nec jam amplius ira
 Assurgunt. tantum distentis aëra buccis
 Pellis, & exertâ lambis tua vulnera lingua.
 Sic famæ stat meta tua, nomenque flagellat,
 Et cristam melior miles. circumspice colles,
 Seminecesque artus & mille cadavera mæstus
 Collige. sic discas Batavos in bella venire,
 Sic pugnare viros. has læso solvimus Albi
 Inferias, totidemque nefas ulciscimur umbris.

Dux Patriæ, quanquam multo se milite septum
 Vidit, & Advaticas circum crebrescere turmas,
 Non tamen abstinuit coeptis. quin acrius urbi,
 Instat, & oppositis infert hostilia vallis
 Agmina, sulphureasque domos molitur, & arcibus
 Abruit arva viis, caligantesque profunda

Telluris thalamos, nigri penetrantia Divis
 Sollicitat, terrasque ingenti fossor hiatu
 Solvit, & excelsa Vestam confundit Olympo.
 Saucia sublati densantur nubila sulcis,
 Et strident motu Zephyri. dumque icta reposcit
 Gleba locum, vivos operit, clauditque sepulcro.
 Sic ubi in Ætnæo sessus se commovet antro
 Enceladus, magno resonant vicina boatu,
 Et piceos rulant concussa cacumina fumos.
 Lucent Ioniis sublimes fluctibus ignes,
 Lapsaque Trinacrios insternunt pondera campos.
 Quas ibi tum strages, quas victrix dextera cades
 Ediderit, quos flamma viros, quos straverit ensis,
 In fastos Bellona refer. tibi cernere coram,
 Et gladios vibrare datum. Sed fata suorum
 Auriacus tumulto propius dum spectat ab alto,
 Iamque animi plenos, jam, fracto robore, & ipsa
 Cade fatiscentes, tensis ad sidera palmis,
 Di, quibus imperium est, inquit, si numina rector
 Væstra pius colui, si me moderante sacerdos
 Supplicibus placide populis oracula pandit,
 Tot vobis delubra patent: assuesce vocari,
 Magne Deus, nostrisque favens allabere votis.
 Non veni patrios ferro populare penates,
 Non aris inferre faces, avertere pacem
 Gentibus, & lentis impendere secula bellis.
 Libertas asserta mihi est. his queritur armis
 Certa salus ac vita meis. instamus Ibero,
 Et pugnare juvat, ne sit pugnare necesse
 Amplius. irarum finem, longique furoris
 Hic donet Batavis limes. mihi pareat oro,
 Quam coram premimus, quam circumcinximus ur.
 Tu mihi, tu pugna Princeps, tu ritè secundas (bém.
 Augurium, & vario positum discrimine servas.
 Auspiciis sunt gesta tuis, quæ gessimus antè.
 Quod Sylva cecidere tuum est, te vindice Grollam.

Et Salios superare datum. tu spicula & hastas
 Tu gladios pugnanti acuis. tu tempora donas
 Commoda, tu vanis ludis conatibus hostem,
 Atque animos aptas armis, armisque cohortes.
 Iamque mihi prono famulari sidera cælo,
 Iam terras fluviosque cupis. succurre roganti:
 Si mihi Trajectum nolint submittere fata,
 Me rape Trajecto. felicior illa ruentis
 Sors fuerit, quam mixta meo fortuna pudori.
 Armat fama ducem, quasitaque gloria bello,
 Pro stimulo est. non hinc victo remeare licebit.
 Victori dabitur. mecum tua causa laborat,
 Hac perstat defensa manu. qui militat ensis,
 Militat hic idem Superis. hic asserit aras,
 Rostra, focos. ipsis regni cum finibus exit
 Latior & pietas, & qua pietate virescit
 Religio. per te patrios explere labores,
 At simili virtute, velim. tibi debeat orbis
 Excidium Hesperia debellatosque Philippos.
 Pro te, summe pater, mundi quæscunque per oras
 Ibimus, & nullo sub sidere dura timentes,
 Solstitio Gades, brumâ vexabimus Istri
 Pyrenesque Deos, tostisque sub ignibus Indum.
 Non erimus patriæ indecores. hoc sanguine Belgas
 Vindicat Auriacus. vitam si impendimus hosti,
 Civibus asserimus. nostro placet emptâ periculo
 Belgica. quæ Regi rapimus jam mœnia blandis
 Subdimus imperiis. cupio parere beatos,
 Non miseros servare mihi. sub legibus isdem
 Vivitur, officioque pari. clementia cunctis
 Annuit, & victos ipsis victoribus aequat.
 Nunc hostes urbemque inter conclusus utrinque
 Bella gero, cingor geminis, & cingimus una.
 Hinc Tartessiacæ renovant certamina partes.
 Hinc aquilas, hinc signa movet contraria Caesar.
 Hæc arcet manus. hæc objectis rupibus instat.

Has inter titubans errat Victoria curas.

*Ecquid Arausiada, rector supreme, moraris
Ferratos portarum obices, & pandere claustra,
Et tandem hac ipsa muros diffringere dextrâ?*

*Sic superos, sic ille Deos affatus, in atris
Proximus assedit latebris. ubi moenia miles
Perforat, & tenebras inter tumultosque suorum
Quarit iter. iuvat audaces praesentia Turni.
Quos sic alloquitur: validis incumbite dextris
O socii, hostilem manibus diffindite terram.
Hic domus, hic patria est. hic testis vivimus uno,
Fortè uno moriemur, ait. hac aula paratur
Et vobis pariterque mihi. jam pristina sordent
Atria, & aurato fulgentia testa pyropo.
Hac secreta placent, his nunc augustius antris
Degitur. hos ipsos sceptris prestare ligones
Iuro equidem. has sordes rutilo pensabimus auro.
Vestraque qui foedat jam pulvis corpora, fama
Argumenta dabit. nos iussis vincimus urbem,
Vos operis. nos consilio, vos robore saxa
Frangitis, erutisque viri, & convellitis altis
Sedibus. hac postrema dies, hac vespere laurum
Nassovio, patriaque feret. sub mœnibus hisce
Tot nati cecidere Ducum. communia magnis
Funera funeribus, vestrasque adjungitis umbras
Heroum tumulis, & sorte occumbitis una.
Hic simul exequias inter, cineresque rogosque
Disserimus, litisque caput sit parvula terra
Portio, & exiles acuiunt certamina sulci.
Hic partes faciunt gleba. de pulvere rixa est
Nobilis. hanc celeri causam decidite ferro.
Quâ foditis, quicquid foditis, quocunque meatu
Ibitis, illa via est vita, lucrique necisque
Omnibus, illa via est fama vivacis & avi.*

*Hæc ubi dicta dedit Princeps Mavortius, omnem
Vertit in obsessos aciem, totisque fatigat*

Viribus, immani donec se mœnia pandunt
 Verbere & occultæ lacerant munimina flamma.
 Pendent semirutæ turres, lacerataque fractos
 Oppida denudant artus, lapsuque sub uno
 Per via fulmineo dantur vestigia Marti.
 Illicet oratum pacem stationibus altis
 Adsunt exanimæ, & fœdera blanda precantur
 Diffusæ crines & apertæ pectora matres.
 It clamor trepidis per propugnacula muris.
 Nec grave Nassovio est, facili sub lege pacisci.
 Et cives meruisse sibi. mirantur amari,
 Quos ferri damnassee queat male sana libido.
 Ergo ubi ter varium Phœbe reparaverat orbem,
 Et Cancric chelas & adusti terga Leonis
 Emensus fuerat Titan, asperrima bello
 Inflexit regina genu, dominosque Potentes
 Et nostrum veneratur ebur. Brabantia nudum
 Deplorat latus, & veluti se indagine cinctam
 Adspicit infelix. hic currus, arma, facesque,
 Tela, coruscantes clypeos, hastilia, peltas,
 Fulmineosque globos, atque omnia Martis haberi.

Nuncia latuitæ totum se fama per orbem
 Explicat, & sociis mandat nova gaudia terris.
 Battavia ante omnes. niveis quæ vecta quadrigis.
 In quibus Auriaci pugnas signaverat auro
 Docta manus, spoliisque ipsos distinxerat axes,
 Principis ad limen vehitur, patriaque parenti
 Pronior assurgit. constans Prudentia currum
 Laudato temone regit. Formido, Pavorque,
 Seque vorans Livor, ferratis terga catenis
 Innexi subeunt. generosa Sicambria crines
 Spargit, & apponi gaudet tot finibus urbes,
 Et Mosæ propiore frui. dispendia Scaldis,
 Toxandri sua lucra putant, plenisque theatris
 Suspendunt mediis superatas fluctibus arces.
 Hinc Frisius Saxo, gens nescia cedere ferro,

Aptat se pompa, & populi suffragia plausus
 Colligit, atque alium Alciden, & Thesea magnum
 In Batavo rectore stupet. sed gaudia justus
 Castigat dolor, & venerandi funeris horror,
 Et manes, Erneste, tui. Quia proxima Rheno
 Adspexit Chaucos tellus mitrata minores,
 Pellæ relegit miracula plurima dextra,
 Nec dispar facinus. quin vinctum compede Mosam
 Comparat Euphrati, fortē cum Tigride Rhenum,
 Strymona cum Vahali, captamque remotius urbem
 Per sepolin, celsamque Tyrum aut Chalcedona dicit.
 Isala, quem nuper densis legionibus hostis
 Straverat, & latis grassans spoliaverat agris,
 De perare vetat. mutari fata, Deosque
 Gradivumque patrem, nostris qui praesidet oris,
 Non uno constare gradu. timuisse fatetur
 Se quoque; nunc timidam meliori sorte timeri.
 At Groninga potens tantarum conscia rerum,
 Sic ait: ô quam nunc facies mutata meorum est.
 Hoc Duce, Romuleo populum qui vindicat ausu.
 Non jam regnanti fasces submittere Elizæ,
 Aut alibi cupiat demissus Belga precari.
 Reddunt amissas vires, & robora fortes
 Nassovii, & fines ultra statuere trophaum.
 Has inter voces aliquis de sanguine vatū
 Ista triumphali fremuit praconia cantu:
 Tu mihi, tu seri, Princeps, virtutibus avi
 Materiam pandis, fraternaue nomina factis
 Irradias, Frederice, tuis. te Sequana Pyrrhum,
 Te Martem jactat Tamesis, te maximus ille
 Regnator Boreæ, Gothico sublimior ostro;
 Nunc sua per Viadrū, nunc raptans signa per Albim,
 Nunc Istrū, Rhenumq; bibens, nunc feruida Moeno
 Frenā lavans, tantorum operum consorte superbit.
 In geminos divisa Duces se gloria belli
 Explicat & geminis donat victoribus orbem;

Quem

Quem complent jam Marte duo. Germania duplex
 Militat. Arctoum vocat ad sua federa regem
 Altera, Nassaviis se mancipat altera jussis.
 Ambo animis fortes, ambos & classica & inter
 Horrida belligeras aluerunt castra phalanges.
 Ambo coruscantes clypeos, & spicula docti
 Intrepida vibrare manu. pugnaque vel ipsos
 Immiscete Duces. ambo per signa, per enses
 Reptarunt pueri, & conspersos pulvere vultus
 Deterfere suis. patriæ conjuncta saluti
 Ambos causa movet, pressaque injuria gentis,
 Austriacique graves. ambos vindicta parentum,
 Ereptusque animis Deus & delubra lacessunt.
 Tempus erit, Gustave, tuas cum dicere laudes,
 Sarmaticaque acies, & fractum Teutona totus
 Aggrediar. tunc alipedes in praelia Finnos,
 Lappionasque tuos, & quos tibi fundit ab altis
 Verticibus trux Savo viros, domitumque Borussum,
 Imbellemque canam contusis cornibus Istum.

Iam mihi Tu salve, magnum patris incrementū,
 Casaræ stirpis soboles, cui mascula Cattus
 Stemmata dinumerat, maternaque nomina grandi
 Collinio; Druidumque illustri sanguine ducit
 Nascendi series. Tu nunc spaciosior exi
 In Famam, fama que tubam clangoribus imple,
 Successuque novo. tibi se bellacæ debent
 Flumina. te Rhenus, te jam veneratur orantem
 Mosæ pater, cunctasque tuis accommodat urbes
 Imperiis. audit semotus jussa Sicamber,
 Plaudit Eburonum tellus, & amabile Tungri
 Ferre jugum discunt. quæ circum proxima sudant
 Marmora, credibile est totis conatibus uni
 Plus sudare tibi. quin te vincente propinqui
 Sanius adspargunt languentia corpora fontes.
 Condrusi montes, Romanaque saxa Namurra
 Te poscunt dominum. plenus tibi Sambra quietas.

Spondet aquas. pandet sacros Arduenna recessus,
 Et totum in pontes franget nemus. atria Phœbi,
 Et Grudias uni submittet Dela Camœnas.
 Quantum profueris, quas debellaveris arces,
 Attonitis aspecta oculis. hic pabula Marti,
 Hic ferrum dis vena vomit. thoracas ahenos,
 Loricæ, galeasque labor, robustaque formant
 Brachia. non alibi Lipara est. hic altera Lemnos.
 Exercet fabros. hæc nudus rura Pyracmon,
 Hæc Brontes Steropesque colunt. uberrima belli
 Materies illic terra penetrabilibus altè
 Abditur, & solido firmantur regna metallo.
 Scipiadas inter regnatoresque Camillos
 Nomen habes. in te Fabios, magnosque renasci
 Cernimus Æmilios. surgit tua, Brute, potestas,
 Fabriciique fides, & quicquid Claudia gessit
 Gens in victa manu, nunc te spectantur in uno.
 At pater Auriacus, quam latus ab æthere cernit
 His natum vicisse locis, fixisse trophæum,
 Quondam ubi Nasso-vios trux Alba fefellerat ausus.
 Quæ dum composita repetit jam mente beatus,
 Vindicta fruitur, natoque ultore triumphat.
 Te canimus, Dux magne, tuo Parnasia late
 Numine templa sonant. per te, fortissime Ductor,
 Scandimus Aonios colles, & fonte rigamur
 Castalio. quanto fati sublimior Heros
 Tolleris, audaci sequimur tua prælia cantu.
 Hætenus Oceanum, fluviosque & subdere terras
 Concessum, Frederice, tibi. nunc sidera Virgo,
 Et Trajectensis submittit Lucifer ignes,
 Et cohibet, te Sole, faces. Insignia victor
 Adspice, quidque tibi protendant fata sagaci
 Volve animo. si plus socio cœlestia Phœbo
 Astra valent, hæc Stella tuo moderamine vires
 Diffundet generosa suas. prænuncia regni
 Sidera sunt. hæc ipsa tibi famulantia spondent

Lælius

Laxius imperium Patribus, cum sidera nutant,
Nutant regna aliis. & nunc labentia Regum
Deterior fors sceptrum videt, retroque referri
Hesperiam. majus moveo. Tibi sidera servat
Iuppiter, & cœli victorem parte locabit,
Stellarum cui cedit honos, cui lumina mundi
Æthereique ruunt radiis languentibus ignes.
Arripe fortunam, conspirantesque verere
In tua vota Deos. nuper tibi fervidus arsit
Cynthius, & madidos exsiccans Sirius agros.
Nunc pluvia laxum præcludunt hostibus amnem
Pleiades, atque frequens obstacula parturit imber.
Obsequitur natura tibi, litesque vicissim
Componunt elementa suas. auctura verendum
Sors incerta decus, certa tibi lege ministrat.
Annuat ingenium sorti, roburque secundat
Ingenium, vigili firmantur robora sensu,
Et cunctos matura regit Prudentia casus.
Non sic, cum domitiis rediit Semeleius Indis,
Lydorum strepuere læres. non letior olim
Extulit os Tiberis, cum victrix laurea Crassum
Cingeret, aut Persen raperent in vincula Pauli.
Nonne audis ex plebe sonos, hæc verba referri?
Hic ille Auriacus, quo res moderante reluxit
In Batavis securæ salus. hic maximus ille
Antistes patria, cui se debere fatetur
Belgica, & unanimes decernit læta triumphos.
Hoc Duce libertas populis mansuetior exstat,
Non audent peccare mali: non obfuit ulli
Esse bono: nunquam civi solatia defunt:
Nil licet invidia: non obruit ambitus artes:
Stringit inoffensas vindex Astræa secures:
Luxuriant vates: sua nec mandata Senatus
Pertinet: innocuus constat reverentia templis:
Aureaque Vnanimis decurrunt secula Belgæ.

RHENO-BERCA CAPTA,

Federatorum Ordinum auspiciis, Duce belli
Illustrissimo, & Inviſtis. Principe,

F R E D E R I C O H E N R I C O ,

Araufionensium Principe, &c.

HÆremus rursum Batavi Belgæq; nec arma
Omnibus, aut pax alma placet. cupit ille
cruentum

Fulminei Mavortis opus; cupit ille serenæ

Pace cruentatos mutari falcibus enses.

Omnis in ancipiti patria est. pars utraque donat
Votis verba suis, causasque interjicit illis.

Hic Tarteſſiaca grandes exaggerat aule

Et Siculi rectoris opes; & mobile cœcæ

Ingenium moresque Deæ: quam nesciat uno

Mars alius constare loco: quam nostra laborent

Et longo lachryment attrita araria censu.

Alter fucat & molimina subdola pacis,

Suppositosque timet studiis fallacibus hydros.

Nec Martem cessare cupit, dum Marte juvamar,

Dum dissentit Iber, dum magnas inter habetur

Pauper opes; vario regalia castra vagantur

Principe, dum geminus nobis acciditur Indus,

Et promissa sibi sperat stipendia miles

Nequicquam; dum Finnius ovat, tot mœnibus Ister

Exiit, cunctisque ruit victoria campis,

Ipsaque prudenti arrident Capitolia Gallo.

At vigil Auriacus, tanta dum pondera molis

Vnanimis volvunt Patres, stat certus cundi

Quo belli fortuna vocat, quo classica totum

Invitant rapiuntque Ducem; nec fluctuat anteeps.

Quippe animo patrius vigor incubat. otia nescit

Mens

Mens cognata polo, solers instare labori,
 Successus urgere suos, captare nocendi
 Tempora. Te, veteris domitor fortissime Galli,
 Nasso vius virtute refert. se pectore in isto
 Impiger agnoscit Macedo, gentisque Libys
 Ductor Agenoreus. quibus ipso à limite vitæ
 Omnis sub dypeis bellatrix transiit ætas.
 Has animas vis major agit. sublimior aura
 Adflat semideos & rebus nata gerundis
 Pectora, nec claras patitur segnescere mentes.
 Vna triumphatrix animosi gloria lethi
 Accendit vegetatque duces. non pulvere fessos
 Tardant Phœbæi radiis flagrantibus ignes,
 Non revocant insani imbres, cœlique ruina,
 Non labor aut duris paupertas obvia castris.
 Nil grave pugnanti est. dicas regnare potentes
 Cum Iove, & adversis animos opponere fati.

Ver erat, & rigidam cœli clementia brumam
 Truserat in Tannin. jam Sol Leda tenebat
 Sidera, vicino subducens lumina Tauro.
 Arma capit Batavum pubes, & plena furoris
 Neptuni soboles alias exsurgit in iras,
 Ingentisque animo repetens lacerata Philippi
 Imperia, aterna pulsat proscenia fama,
 Et precium exactis gestit conferre triumphis.
 Tu, quæ sæva jaces Vbius contermina priscis
 Berca, catenati prædatrix improba Rheni,
 Posteris, & forti quondam regnata Quirino
 Auriacis audax opponis mœnia castris.
 Stant turres, labor Ausonius, celsoque minantur
 Vertice, defendunt terrestres oppida clivi,
 Et valida cingunt dorsis immanibus arces.
 In fluviis castella natant. prætenditur urbi
 Non unum Mavortis opus, densisque suorum
 Tingitur excubiis & crebro fulminat ictu.
 Talis in hostilem sublimis Alesia Romanam

Incon-

Inconcuſſa ſtetit, tales pugnaſſe Plataas
 Fama fuit, cum Sparta ſuum circumdaret agmen
 Stipitibus. ſic Byrſa truces Didonia vallos
 Obtendit Latio, pugnantem Thala Metellum
 Detinuit, Mariumque ferox munimine Capſa.
 At contra in bellum terra victricis alumni
 Ibant, nec reditura omnis ſelecta juventus,
 Qua Martem inſcribit genti, atque inſigne ſuperbum
 Armat terribiles in regum colla Leones.
 Adſunt Battavia populi, validuſque Sicamber,
 Et Moſa potator, & inſuperabile bello
 Æquoreum genus, & mediis habitator in undis:
 Quique Caledonio ſe durus in æquore lavit
 Scotus, & indutus gentilia lina Britannus,
 Gallorumque manus, braccataque corpora Rhati,
 Et procul Hercynius Germanus miſſus ab oris.
 Stat ſonipes, camposque novis hinnitibus implet,
 Atque jubatorum phaleras diſſolvit equorum
 Acer eques; nec jam curat ſubſtringere loro
 Manantes cer vice jubas, vel ephippia poſcit
 Auratis diſtincta notis, ſpumantia frenis
 Ora placent, crudique feris calcaribus armi
 Et galea minitantis apex, & miſſile telum,
 Et mox abdendi jugulis hoſtilibus enſes.
 Sic Poënum inceſſiſſe putem, cum cincta doleret
 Excelſo quondam conſurgens colle Sagunthus.
 Quam circum Libya populi & ſtipata premebant
 Agmina, & incaſſum bellæ cingebat Iberus,
 Magnanimam claudens ſinuatis flexibus urbem.
 Ipſa ſuis animoſa malis, patribuſque Latinis
 Infelix fidei cuſtos, dum ſigna manuſque
 Expectat ſocias, ſiccataſque ſanguine venas
 Vrit & æternis arſit victura favillis.
 Inſtant audaces Belgæ, ſoſſiſque viiſque
 Adrepunt taciti. terrarum involvitur ordo,
 Et mutant elementa vices, dum tramite flexo

Abdita

Abdita bellaces sternunt vestigia talpa.
 Occubuerunt duces ferro, quæ præmia belli
 Invidit fati rabies. quæ proxima laudi
 It via, sit letho propior. fiducia gressum
 Promovet ulterius, perferre facillima mortem,
 Et securæ rogi, quoties audacia pulchris
 Nūtitur officiis; patriæque ferocia causam
 Promovet & fines intra pugnatur honesti.

Audiit insolitum belli sub gurgite murmur
 Rhenus, & attonitum vitreis caput extulit undis.
 Illi de summo pendens barba hispida mento
 Horrebat; bifidoque fluens divisa meatu,
 Canitie veneranda fuit. mox totus aquosis
 Cinctus arundinibus, muscoque revinctus & alga,
 Vt vidit positæ pugnam incrudescere castris,
 Alternoque virum pensari damna cruore,
 Sub pedibus trepidare solum, nigrantibus astra
 Vorticibus flammisque tegi, seminata cadentum
 Corpora suppositis socios portare lacertis.
 Hæc inter miseranda ducum certamina, voces
 Auriaque Patriæque senex infrenduit istas:

Maxime Tartessi domitor, quo vindice rerum
 Ipsa sibi tandem possit Bellona timere;
 Discant Scipiada, discant producere vallos
 Iuliadæ Drusique, meas celebrata per undas
 Nomina: qua validi fregisti robora Mosæ,
 Hos muros subverte manu, portasque feroces
 Armis rumpe tuis. en propugnacula nutant,
 Iamque omen fecere Dii. locus iste propinquo
 Incubat imperio, & toties mea flumina sævis
 Iussibus, & fixas inimica cœrcuit alnos.
 Illa per extremos missis prædonibus i vit
 Marsacios, vinxitque tuum pater Isala civem.
 Bruclerus hanc Saliique procul timuere, nec usquam
 Per mea securus perrexit rura viator.
 Imprecor arma armis. damnant te, Berca, ruinâ

Vltio]

Ultiores superi. vultus tibi torva cruentos
 Eumenis obvertit, totamque à sedibus urbem
 Convellit, crebrisque aperit tua moenia telis.
 Huic agendum succumbe Duci. quæ sæpe tot hostes,
 Tot circum positas sensisti obsessa phalanges,
 Conciliare mihi. nemini, cum Cantaber illa
 Victor staret humo; memini, cum victus Iberus
 Cederet. atque iterum captas conscenderet arces
 Impavidus Ligur. in partes nunc scriberis istas,
 Nunc alias. magnis Ducibus servaris arena,
 Nec constas vincenda tibi. possessor in orbem
 Commeat, inque vices alternant numina fasces.
 Non equidem Divum titulis cælestibus horrens
 Eugenia tibi Fossa potest præbere salutem.
 Nassorio pars una patet, qua Venloa regis
 Dedidit jam iussa sui. latus, ecce, laborat
 Oppositum. cessa nobis Hispanæ, minari;
 Vicinumque meo confundere flumine flumen,
 Et miscere Deos. isto lufistis in Isthmo
 Incauta mentes, & toti fabula mundo
 Facta est sedulitas intempestiva nocendi.
 Quot longè castella jacent, tumulique minaces,
 Et custoditæ profugo jam milite gleba,
 Accedunt spoliis. fruitur fossore Philippo
 Nassorius, vallosque tenet, quos fecerat alter.
 Iamdudum armatæ gentes & classica regnis
 Insonuere meis. Nemetum diffusa per agros
 Ipsa Palatinis Hispania collibus atrox
 Consedit, fusoque alibi rubuere cruore
 Vangiones. priscis veneranda Moguntia sacris
 Irasci sibi posse Deos & numina sensit.
 At nunc tranquilla currunt mansuetius undæ,
 Atque alius passim rerum mihi nascitur ordo.
 Accepit dominum Nicer, & Cantabrica fregit
 Vlrici vexilla manu; Suecunumque sub armis
 Maurorum cessit soboles, ac reddita Phœbo

Extorres ad se vocat Heidelbergæ Camanas.
 Tu quoque, qui nobis animos, laurosque, decusque
 Restituis, Frederice, cui Marvortii semper
 Indomito vis igne calet, quem fama per altas
 Calicolum veſtat ſedes, rebusque ſecundis (bem
 Involvit Superum favor : hanc quam cingimus ur-
 Redde mihi & victam reliquis attexe trophæis.
 Sic tibi paccato decurret flumine Moſa,
 Et Vahalis, mea progenies. ſic, hoſte remoto,
 Continuas Vbiſ Belgarum regna vetuſtis.
 At vos belligera, quibus inter tela globosque
 Contigit oppetere, & pulchra ſuccumbere morte,
 Ite, decus terrarum, animæ ; camposque tenete
 Elyſios, placidasque domos habitare piorum.
 Illic & Decios inter, fortesque Camillos
 Tercentum immixti Fabiis errate, creberque
 Manibus occuſet Paulus. conjungite dextras
 Miltiadi, & coram magni Philopamenis ora
 Et Nicias ſpectate, & quotquot Roma cadentes
 Vidit, & aſſerta civili ſanguine Thebæ.
 Per vos nudatis Libertas tracta capillis
 Oſtentat generoſa caput. Reſpublica veſtra
 Stat deſenſa manu, veſtris aſſerta lacertis
 Incumbit tumulis lachrymans, teſtataque Divos
 Spondet perpetuæ flagrantem lampada fama.
 Hoc aliquis certè patriis projectus ab oris
 Optabit cecidiſſe loco ; fixiſſe trophæum,
 Alter ubi Æacida telo jacet Hector, & alter
 Sarpèdon, ubi tot noſtris demerſa ſub undis
 Extremos repetunt ſpirantia corpora Catthos,
 Aut Flevi ſorbentur aquis, vel in æquora tendunt,
 Helia qua laxos expendunt oſtia fluctus.
 Queis vero belli melior fortuna pepercit,
 Audite ô gentes. belli cognoscite cauſas,
 Nec ſcleri donate manus. vos commoda recto,
 Non lucris poſtferte fidem. terrore modeſto

Fran-

Frangite præcipientes animos, animisque morantes
 Castigate metus. à clara pauperis umbra
 Discite Fabritii patriam defendere gratis,
 Et Curii laudare dapes. adversa Sicinm
 Vulnera degeneris doceant contemnere pugnx
 Opprobrium. vindex fugientes occupat ensis,
 Stantibus avertit virtus. taciturna probatur,
 Propositique tenax vana est fiducia lingua.
 Discite iustitiam, & strictis insistite jussis
 Imperiisque Ducum. victis compescite dextras
 Hostilibus & tutæ ne spernite federa pacis.
 Displiceat promissor Iber. tunc credite lenem,
 Cum timet, & facilem vobis, cum succubat armis.
 Hoc Batavus sociique monent, quos legibus aequis
 Iunxit in abrupta concordia longa catena.

Vix ea dicta dedit, Rhenus, rigidumque sub alveo
 Abdidit os, cum Berca sui terrore pericli
 Fracta stetit, spectansque opera interrupta, minasque
 Murorum ingentes, & collucentia flammis
 Oppida, surreptas cœptis audacibus arces,
 Hesperiasque alia nugari parte phalanges;
 Annuit Auriaco, & dominos venerata potentes:
 Nascentem auspiciis felicibus inchoat annum.

P O E M A T I O N

I N

DVCATVM LIMBURGICVM,

additum Federatorum imperio, armis &
 Virtute Illustrissimi Principis

FREDERICI HENRICI,

Arausionensium Principis, &c.

Post urbes jam regna ruunt. post oppida totis
 Limburgum famulatur agris, & vindice ferro
 Longius Auriacis radiat sors nostra triumphis.

Vix

Vix debellata Mosam mitescere ripa
 Vidimus, & valido contundi cornua Tungro,
 Altaque Nassovia convelli Pergama dextra;
 Hesperios trepidare duces, Batumque superbum
 Credere, quam præstet querulis Concordia terris;
 Ut Batavum solo felicius ordine virtus
 Pugnet, & Austriacas frangat discordia partes;
 Quæque solet dubiis rebus comes ire potentum
 Suspiciosa fides, & regum credulus error:

Cum pater Auriacus, (nec enim cessare ruentem
 Sivit amor patria) tantis successibus acer
 Institit, & claras sceptris regalibus arces,
 Et formidato titulum subduxit Ibero.
 Nos fecit Fortuna Duces. invadimus armis
 Iam Comititis, jam Regis opes. ut nomine distent,
 Imperio Belgæ fasces confundimus uno.

Hactenus unanimi septem viguere Sorores
 Et bellum gessere manu. secura sub isto
 Libertas stabas numero. Tu magne Sicamber
 Totus in adversum contorto crine Philippum
 Torsisti tua tela ferox; Tuque intimi Rheni
 Accola, qui gemino spatiosam gurgite Tethyn
 Neptunumque bibis, Catthis illisus arenis,
 Sprexisti mandata Tagi, dominumque potentem
 Iam cogis meliora loqui. qui Martius undis
 Innatat, & patula circumdatur Amphitrite,
 Signa per oppositos duxit victricia mundos
 Toxander, geminoque potens apparuit Indo.
 Pugnavere graves Frisii, mitrataque juxta
 Oppida, sacrorumque satur surrexit in hostem
 Civis, & immitem excussit cervicibus Albam.
 Ifala pacato junxit sua federa Vidro,
 Atque eadem potuit devicta causa placere
 Multorum, Groninga, tibi. tot sedibus hostes
 Excivit, Rex magne, tuos afflicta piorum
 Relligio, & spretas lachrymans Respublica leges.

Ha vicere manus. istis ductoribus in te
 Vltrices toties acuit Bellona phalanges.
 Adspice, quem nostris sentis fremdere Leonem
 In ratibus, celsisque truce[m] praludere rostris.
 Quot tenet exerto glomeratas ungue sagittas,
 Tot dominos regnator habet. nunc additur illis
 Alter, & octavos poscant subsellia Patres.

Crescimus, & parvis diffusa potentia cœptis
 Conatus stupet ipsa suos. penè ebria votis
 Deficit, & metuit cursus fortuna secundos,
 Diffiditque sibi. quò non virtute vagamur?
 Quò Patria se tollit honos? an emula Roma
 Gens sumus? & cupiunt aliquid concedere Divi,
 Quod sperare vetant? qui pastoralia Tybris
 Mœnia, & exiguo surgentes cespite portas
 Vidit, & angustis didicit subsistere rebus;
 Qui Senonum furias sævique incendia Brenni
 Pertulit, ut posset bellis majora mereri;
 Crustumino Vejoseque domat, Rutulosque Faliscis
 Addit & Ausonias serpit bellator in urbes.
 Eliscit cura Ducum, totumque Quiritibus orbem
 Latius expandunt Superi, crescentesque potestas
 Iura triumphatis voluit præscribere Medis.
 Sic aucta spes Grajugenum. sic Pella superbam
 Hellada, & augustis junxit Babylona trophæis,
 Thessalæque extremis fremuerunt classica Bactris.
 Qui primum timidis hædere paludibus, exin
 Sceptra per Adriaci vastissima littora pœni,
 Euganei fudere sinus, Cyprumque Rhodumque
 Et cunas tenuere Iovis. Nos, nescia frangi,
 Paupertas fecit dominos, & conscia redi
 Memnonios ultra fines protrusit egestas.
 Iuimus & pressi nunc huc, nunc fleximus illuc,
 Atque humiles aliis animos ereximus ausis.
 Non aliter, quàm cum Boreas immanior igni
 Incubat. ille leves intendit flamine motus,

Et vicina vorat flammisque sequacibus instat.
 Quod deerat, supplevit Iber. libavimus amplas
 Occidui rectoris opes, spatiusque sub arctis
 Assueti regnare, vagi per carula Nerei
 Æquora digressi parvas res auximus armis,
 Oceano monstrante viam. nunc, Marte secundo,
 Hic terras, Hispanæ, tuas partimur & urbes.
 Dos regnatricis Mariæ, quæ jure nepotum
 Cæsarea quondam coit sub conjuge, Belgis
 Burgundo genitore sata, divisa tenetur.
 Scribimur hæredes armis. devolvitur ad nos
 Portio, sed belli studiis. tibi sanguinis ortus
 Continuat tam grande bonum. nos gratia Divum
 Participes Marvorumque facit. tu stemmata patrum,
 Tu genus & longo numeras patrimonia censu,
 Nos agros finesque tuos virtute meremur.
 Audi posteritas Batavæ miracula gentis,
 Et facinus, quod sera probes. si Dardana quondam
 Fortiter Argolicos remorata est Troja furores,
 Nec voluit subito vinci: si longa Saganthum
 Bella domant, tardi Mutinam fregere labores,
 Et lentis cecidit præfracta Numantia castris:
 Nafforvior pauca donant nova mœnia lucas,
 Et pulchrius omne soli. Vos oppida Reges
 Vincite, vos ternis tandem diffringite muros
 Messibus. est aliquid Morinum perrumpere portus,
 Aut fastidito Bredam cessisse labori.
 Subditur hæc nutu regio. stat culmine celso
 Arx invicta, potens, Capitoli immobile saxum
 Quale fuit, vel quæ suamet fastigia Petra
 Horruit. & quamvis dura se rupe tuetur,
 Dat victas mansueta manus. sic Dacia capta
 Accessis Trajane tibi, gnarusque sagittæ
 Pannonius, Dravusque & torvi barbaræ Savi
 Gens, durata malis. sic summo chara Tonanti
 Surrexit Iudæa Tito. vix pulvere campi

Et circumfuso fumabant milite colles,
 Et ferit catapulta domos; mansuescere corda
 Sensimus, & certa concedi pignora pacis,
 Obsidibusque fidem stringi. Tunc ipsa serenos
 Limburgum explicuit vultus, grandisque senecta
 Virginis os habitumque gerens, his ora resolvit
 Vocibus, Auriacumque decens affatur orantem:

Quos tibi submitto, Princeps invicta, penates,
 Hi sunt, quos priscis junxit Brabantia sceptris,
 Armorumque mina forti rapuere Sicambro.
 Iura Ducis Caesar dedit, & praelustribus ire
 Sublimem voluit titulis. Lotharingica sensi
 Imperia, & nostro manans ex ordine primum
 Ostendit diadema Tago. non vile capeffis
 Nomen, in illustres victor transmitteris oras.
 Quanquam omnis, quicumque tuis decurritur annis
 Auspiciis, faustum dederit successibus omen,
 Sitque tua toties laurus circumdata fronti:
 Hac tamen ante omnes lux exoptatior, actus
 Irradiat, Frederice, tuos. Tunc clarior orbi
 Flammiferi lucet lampas pulcherrima Phœbi,
 Cum cœli suprema tenet, Cancroque paratur
 Solstitium, atque humiles declinant sidera terras.
 Haud aliter Batavi sidus venerabile regni
 Hac fulges statione magis. quanto altior astris
 Inferor, atque meus brumam glaciemque nivesque
 Servat apex, nixaque jugis immanibus ades:
 Tantum se nostro tua tollit colle potestas
 Celsius, & summa radit fastigia laudis.
 Hic Druidum vicina vides, Gallusque fluentem
 Stringit lege comam. latus insuperabile claudit
 Iuliacum, Spadaque rigant confinia fontes.
 Ferrea Eburonum soboles viresque animumque
 Subdit, & umbriferæ præbent solatia silvæ,
 Ardvenna nemus, & viridanti Fannia luco
 Nobilis, attonitisque adolent altaria Fannis.

Triptolemus foetis Cererem profundit aristis,
 Pan ovium custos plus me, quam Menala, curat,
 Luxuriant passim Satyri, & lasciva Napeæ
 Numina, fontanis turgescunt flumina rivis,
 Lata susurrantes saliunt per gramina limpha,
 Mobilibusque rigant circum pomaria guttis.
 Hic Bajæ spectis Italis agnosce, locosque
 Fortunatorum nemorum sedesque beatas.
 Me jaculis Dictynna ferox cursuque pererrat,
 Iesuniquæ canes in apricis collibus errant,
 Spesque suas prensant oculis. me Phasidos ales,
 Argoa primum quæ deportata carina est,
 Nutrit, & auritis distinguens tempora plumis,
 Præbet honoratis lætissima fercula mensis.
 Fundunt effossi durissima marmora montes,
 Ut discam quoque dura pati. quæ fabricat enses
 Vena mihi vario currit distincta metallo,
 Et quæ fulgenti distinguat jaspide pectus,
 Aut rubicunda notis tingat flaventibus ara.
 Belgi sumen habes. tales tibi Iuppiter agros
 Destinât, & sanis totum beat æthera flabris.
 Me cape consortem, Princeps. en federis adsum
 Pars, forsan postrema, tui. dum fata sinebant,
 Regalem colui Eugeniam. nunc turbine rerum
 Custodita minus dominum cum milite muto.
 Tu, precor, excelsas habita tranquillior arces;
 Neve meas violet belli vis effera portas.
 Da requiem, ci vesque tuis amplexibus abde,
 Infestosque meis propulsa rupibus hostes.
 Dum tua sum, tutare Deam. servator honesti
 Hos moderare lares. armis si succubat impar
 Sors mea, tu rara vincas pietate triumphos.
 Bis vicit, quicumque suos dum perdomat hostes,
 Demissa se mente domat. Dis proximus ille est,
 Qui cælo debere putat: qui castra coercet
 Legibus & placidis informat moribus urbes.

N

Quam

*Quam late bellator abis, quoque fama vagatur
Iustitia fideique tua. non fessare languet
Officii virtus. media inter tela facesque
Castigas Martis rabiem. pugnare paratus
Parcere vis, bellicque levas probitate furorem.
Accipe me, civesque meos. tibi flumina subdo,
Oppidaque & votis famulantia rura secundis.*

*Vt dixit, plausum Virgo dedit. inde per omnes
Auditur sonitus colles, Corybantia qualem
Cymbala dant, quoties festo Berecynthia curru
Invehitur. crinemque rotant gaudente Lyæo
Menades & festo resonat clamore Cytharon.
Ilicet accensi fundunt nova sulphura campi,
Plus omnis re virescit ager, plus saxa renident,
Vberaque insolito distendunt pascua lacte.
Quique rigat terras piscesque VVasius alveo.
Latitæ dat signa sua, Mosamque propinquo
Largius amne bibit, Batavumque audacior arma,
Loricæ galeasque vehit. Sic desinit annus,
Et tanta imbriferi gaudent appendice menses.*

VENVS BRITANNICA,

Sive in Nuptias Celsissimi Principis,

D. G V I L I E L M I,

Arausiorum Principis, &c. Cum
Serenissima Principe

D. M A R I A,

Serenissimi, Potentissimique Magnæ Britan-
niæ, &c. Regis C A R O L I Filia
Primogenita.

H Vnc primum, Guilielme, mihi concede laborẽ,
Dum Sponsum te sceptrâ creant, teneraque
juventa

An-

Augustos regina Paphi decernit amores;
 Amplexusque tuos & vix jam conscia rerum
 Oscula, & arsfuros flammis regalibus ignes,
 Veraque Nassovii suspendit gaudia lecti.
 Dat myrtum, sed non thalamis inspargit amantum;
 Infantesque Rosas, nulla quæ cuspide lédant;
 Malaque Arausiaca decerpit ab arbore, sed quæ
 Ipsa sibi vellent minus immatura videri.
 Sic juvenis quondam Cyprin dilexit Adonis,
 Cum nondum pharetratus erat, nec tenderet arcum,
 Nec jaculis sæviret Amor, nec montibus altis
 Parvulus attonita præmeret vestigia dama,
 Diana Faunique comes. sic pulcher Iulus
 Nascitur, & magna servatur pronubus Alba,
 Imberbis licet, & nondum custode remoto
 In se ventura servaret semina Roma,
 Tarpeiosque patres, tantique exordia regni.
 Tempia patent portæque Deum, cœlique sacerdos
 Verba præit juranda Tibi. sed templæ Dione
 Claudit adhuc, Venerisque puer; dum mascula to-
 Expectat natura virum. regalibus infers (tum
 Federibus promissa thori; das federis arrham
 Conjugii que fidem. sed dislcem conjugis usum
 Nescit Hymen. blando cuncti sub nomine tecum
 Ludimus, & Sponsi festiva vocabula latus
 Ingeminat Tamesis verbisque effeminat aulam.
 Non es, quod mox esse voles. sis jure maritus,
 At nondum officiis explēs. tibi rector Iernes
 Donat in uxorem, quæ nondum ducitur uxor.
 Nubitur & nondum nupta est. tua dicitur esse
 Interea, dum Virgo manet. plus lege ligaris,
 Quam consorte thori. nectit consensus utrumque,
 Quos dirimit cortina duos. spes nulla cubili est,
 Quod socio nondum igne calet. non lumina præfert,
 Non thalamos Hymeneus adit. non Phosphorus Oe-
 Deserit aut vestros tenebris involvit amores, (tam

*Abconditque diem. Mariam cum respicis, aqua
Voce iuvas; certisque beas Celsissimus ostrum
Pollicitis, & sola tua praelidia flamma
Ostendis, primique doces elementa furoris.
Cum grandis te Virgo videt, quàm vellet adulto
Posse loqui, quæ nescit adhuc. suspirat amanti
Purpura & infirmis veneranda irascitur annis
Virginitas. & cur passim sibi tanta paretur
Scena, stupet. cunctas jam fastidire puellas
Incipit & sensim vultu præferre maritam.*

*Magne Heros, toties lauros & praelia scripsi
Patris, & armorum tot victis mœnibus artes,
Nunc stratū castris Vaholim, nunc compede victos
Et Mosam Rhenumque Deos, tremefactaque Scaldis
Littora dispersosque Duces. interritus iui
Per medias Belgarum acies, fossasque globosque;
In vallis, sine cade, steti. perripimus arces.
Sum factus, sine fraude, Sinon: mea tympana Phœbi
Percussit furor & tantarum publica rerum
Nuncia Musa fuit. regali incendia classi
Nuper & Hesperiiis immisit puppibus ignem,
Audaci Mavorte pater. tunc buccina facti
Ingentes cecini Batavum per regna triumphos,
Et formidatam Aônides mersere Terefam.
His alias, Guilielme, faces, nec noxia vibras
Fulmina littoribus, nec te grandæva profundì
Diva pavet, trepidatque tuis Nereia flammis
Filia Nereidesque Dea. quin aquore in ipso
Fluctibus adspargunt venientem & mollibus unum
Floribus & verna Tethys totum induit algâ.
Et cantus iterant illos, quos tempore Pelei
In Thetidis thalamo Amonia cecinere puella,
Totaque divina recitavit Phœbia marita.
Tum pelago periere rates. tibi salva paratur
Conjugio devota ratis. tunc sanguine Duna
Irrubuit. nunc Sponsa rubet sensitque pudoris*

Auspi-

Auspicia, & teneris nascens se prodit in annis,
 At nondum sibi notus, amor. tunc montibus altis
 Constitit & subitis stupefacta Britannia late
 Ignibus, attonitum gaudens damnavit Iberum.
 Nunc eadem, dū transtra videt Bataurūmq; carinas,
 Auriacumque suum & Sponsi venientis honorem,
 Plaudit, & optatis disponi sidera poscit
 Sedibus & prono Sponsis praludit Olympo.
 Tunc genitor Regum terror fuit, aspera belli
 Tempestas & turbo maris. nunc mitior audis
 Regis amor Mariæque tuæ. tunc præmia pugne
 Captivæ cessere rates & cognita Bati
 Nomina bellacesque viri mitissima nunc te
 Adspicit & tibi donatur generosa virago,
 Libertatis amans titulo. neclique marito
 Intemerata caret, neque vult divulsa vocari.

Princeps digne Inventutis, capit Anglia magni
 Incrementa Ducis, Sponsique in imagine cernit
 Formari non falsa virum. Augustissime surgis
 Majorum fulgore, tuoque attingis Adolphos
 Sanguine, Cæsireasque aquilas, & fulmina belli
 Nassovios, Chalonumque domos, fortisque Renati
 stemmata, & in victos Asia per regna Robertos,
 Valravosque patres, & vim Marvortis, Othones.
 Natales vehit Haga tuos, Comitumque potentum
 Cornicibus capis illustris primordia vite,
 Et decus hoc inferis cunis, quas horrida Tethys
 Alluit & tumidis ferit implacabilis undis.
 Non lasciva Paphos patriæ est molliorque Cytharon,
 Non Amathus, non Ida levis Cyprusq; Gnidosque,
 sed Martis domus & studiis asperrima belli
 Terra potens, duos jam dedignata Philippos.
 Ioc nasci te fata loco voluere, serenum
 Libertas ubi pressa caput victricibus armis
 Extulit & pulso civem servavit Ibero.
 Adstitit ad cunas Lachesis, præsagaque dixit :

Ista rotant Fabium cunabula. totus in illis
 Vultibus haret avus. patruique hac fronte notatur
 Martia majestas, & non concessa cadentis
 Colinii constansque fides; fiducia patris
 Impavidumque malis pectus. facundia, qualis
 Amelia genitricis, erit. mens cauta Loyse.
 Tum cunas taciturna Rosis conspergit. at illas
 Miratur, nescitque parens his federa Regum
 Signari & Maria portendi vincla Britanna.
 Inter tela puer crescit; cinctusque sarissis,
 Innocuis adflans rutilos vagitibus enses;
 Et prensas hastile manu, galeaque tenellum
 Abscondis caput & bellorum exordia tentas.
 Ipse pater juvenum turmas totasque cohortes
 Conscribit, Guilielme, tibi, parilemque juventum
 Ductor agis, formaque Ducis precedis ephēbis.
 Sic pueros inter Thraces propē Strymonis amnem
 Ipse pater Mavors ibat, Rhodopenque ferocem
 Excit ad pugnas. talis Chironis alumnus
 Inter Iasonidas bellatoresque praeivit
 Pirithoos, juvenisque suo cum Castore Pollux
 Militiae documenta dedit. sic parvulus olim
 Armavit patrias, sed subridente Philippo,
 Pellaeus persape manus, vel germen Epiri,
 Imberbesque ferox Macetas. cum victa parenti
 Oppida disruptasque adferrent nuncia portas,
 Successu meliore doles; atque omnia patri
 Cedere, virtutisque tuae nil grande relinqui,
 Conquereris tecum tacitus, ceu navita fluctus
 Cum secat, & docto moderatur carbasa motu,
 Quae sedet ad proram soboles, sibi talia credi
 Vellet & annoso jam tunc succurrere patri.
 Nec minus egregiis nascentes di vidis annos
 Artibus, & quantum magnis Sapientia robur
 Mentibus, & celsis stimulos heroibus addat,
 Ut formet doctrina Ducem, quae munia paci,

Quas gladiis belloque moras, quos suggerat ausus,
 Discis, & exemplis florens grandibus ævum
 Instruis. in cunctis dictat Prudentia seclis
 Fortuna præcepta tua: Pietate probari
 Sceptra, nec hæc unquam magis inconcussa teneri,
 Quam Superum cœlique metu: plus surgere gentes,
 Sub rectore pio, & domino parere libentes,
 Cui cura est, parere Deo: tunc omnia quemque
 Ferre, suis postquam constat reverentia sacris,
 Nec quantitur recti tenor & laudabile regnis
 Iustitia Themidisque forum: nec figere leges,
 Quas non ipse facis: populis hæc sola juberi,
 Quæ ratio probitasque jubent: feritatis iniquum
 Nomen & in-visi damnari frenâ tyranni:
 Et faciles potius leges & jussa placere.
 Armis abstinuisse bonos: sed & illa reposci,
 Cum tutis minus esse licet, rabiesque quietis
 Incubat & stricto grassatur barbara ferro.
 Ulterius tunc jura foris differre potentes,
 Cum, nulli possessa, vacant: aliena cavere,
 Communi sed lege frui: civilia cautè
 De vitari odia & tacitis fomenta negari
 Dissidiis, pacemque suis præstare serenam.
 Esse datos populo reges, & regibus illos;
 Officiisque duos jungi: violenta timeri
 Principibus quassamque ratem: nil fædus aulis
 Gliscere, adulantum studiis: luxuque vorari
 Immensas regnantis opes; deformes, sinistris
 Cladibus irasci, nec frangi mæscula duris
 Pectora, sed contra fortes audentius ipsis
 Infractos se offerre malis, & posse dolores
 Condere & ex ipso solatia pascere luctu.
 Hoc etiam didicisse studeas; araria fidis
 Commisisse viris: his nervis castra valere,
 Et pugnare tuos: Patrum consulta vereri,
 Et meliora sequi: magnas in Nestore verti

Imperii partes, & consultoris egere
 Regnatorem animum; nec tam sibi fidere semper,
 Quam fidis Procerum monitis & vocibus aqvis.
 Se prestare Titum, veri Ducis esse; Numanque
 Iungere Trajano: nunquam dimittere tristem,
 Qui rectoris eget, nec fastidire querentes:
 Trudere Avaritiam lucrique cupidine fervens
 Pectus, & eximiis, crebris hortatibus, usque
 Ingeniis aperire viam; precibusque tueri.
 Nil regale magis, nil convenientius ostro,
 Quam servasse fidem, nec solvere federa falso.
 Fama grande decus, pulchrumque jubentibus esse
 A vitis revocare gradum, civique praire
 Mortales virtute Deos, cum mentis honesta
 Gloria fax trabeas inter fascesque refulget.

Mox antiqua legens, arcanis regna revolvit
 Motibus, & tacitis tolli diademata causis
 Miraris, summosque apices & culmina mundi
 Majores calcare Ioves & tollere parvos.
 Sic celsam cecidisse Tyrum, eecidisse superbum
 Ilium & has ipsas, quas prisca Semiramis arces
 Condidit, & veteres, nudum nunc nomen, Athenas
 Et detestata Ausoniis Carthaginis alta
 Mœni, & attritam longis Lacedæmona bellis.
 Cum relegis septem subnixam montibus urbem,
 Et nondum nota populis primordia Romæ,
 Hanc armis crevisse putas, fortisque Quirini
 Auspiciis totum cessisse nepotibus orbem,
 Et terras alias extremaque nomina Gades.
 Hic tibi cum Bruto patris communis amorem
 Esse voles, Curioque probas mensaque minoris
 Convivas celebres, & qui Dictator atro
 Poscitur, ingentemque animam reducisque Camilli
 Signa & honorati vistricia rostra Duilli.
 Nil tibi cum Gracchis studiū est. in Casare primam
 Displicet impietas, hinc regni insana libido,

Et ceptum Rubicone nefas. Cicerone perempto,
 Despicis Augusti laudes, Capreasque Tiberi,
 Et Caligæ fœdum facinus Claudique furorem,
 Atque illaudati cædes flammæque Neronis.
 Prætextæ placuere doli, vocesque Papyri,
 Scipiadesque patris vindex, immotaque virtus.
 Attilii, regemque arcens in flumine Cocles.
 In Grajis quam multa stupes. hic Thesea clarum,
 Hic Niciam, tibi Sparta gravem; pugnasque ferocis
 Eumenis & Sicula validum tellure Dionem.
 In Persa plus regis opes, quam militis arma,
 Et currus falcesque facis. Venerabile Cyri
 Imperium Dariumque colis, rigidumque tribunal
 Cambysis, fratresque magos Xerxenque pererras
 Lector, & à primis hauris oracula Medis.

Omnis ab Assyrio majestas Principe venit
 In populos, primusque suis è finibus audax
 Exiit, infidæ feralis victima nupta.
 Hac terrent portenta ducem, juvenisque fateris
 Femineæ cruda ausa manus, stimulosque furori
 Subdere, quæ rabidum dementat purpura sexum.

Mox in Belgarum fastos & tempora raptus,
 In Batavis quam pulchra notas: adamabile genti
 Esse tua, præscis majorum moribus urbes
 Et gentes & rura regi: Comitumque Ducumque
 Legibus adstringi titulos, indultaque nullo
 Iure rapi: leni flecti præcordia motu:
 Irasci feritate, & libertatis amori
 Devovisse animas, ipsam pro Principe vitam,
 Proque focus arisque Deum decernere ferro.

Omne tibi sæculum discenti panditur. atas
 Qualibet Auriacum format, dignisque regentum
 Inserit ordinibus. Latia facundia lingua
 Hoc ipso docet ore loqui, quo digna locutus
 Arpinas Crispusque fuit. tibi verba disertus
 Suggestit & Druidum Ligeris sermonibus implet,

Et Teuto sua sensa aperit, vocesque ministras
 Ario viste tuas. tenera solertia dextra
 Pugnaces versat gladios, pugnamque capessit
 Legibus, & doctè jocularès ponderat ictus,
 Luminaque aduersum defixa obvertit in hostem,
 Et gradibus numeroque ferit ladtique, cavetque
 Ladtier, & veris pracedunt ludicra bellis
 Pralia, & oppositos in imagine sternis Iberos.
 Quin spumantis equi fodiens calcaribus armos,
 Antevolas, Guilielme, Notos, frenoque coèrces
 Cyllaron & facili ducis per compita flexu.
 Nec non & foliis acies depingis in ipsis,
 Et vallos & castra locas, & construis arces,
 Et qua parte ruant quassata glandibus urbes,
 Et qua parte suis tutæ stent mœnibus urbes,
 Observas, fragilique moves certamina charta.
 Talibus instructum monitis & Pallade tota,
 Nassorivæ florem, regina Britannia, gentis
 Excipe & augustis promissa cubilia tedis
 Illustra, Mariamque atavis è regibus ortam
 Iunge Duci, Batavumque tuis annecte tiaris.
 Hic locus, hac patria est, quam bellatricis Elizæ
 Asservit jurata fides, metuendaque Bati
 Femina ab iratis voluit servare Philippis,
 Tutarique manu. stetimus, regnante Stuardo,
 Federibus, regique patri debere fatemur.
 Nunc Caroli socias jungit clementia terras,
 Hoc sponsore novo. tanti velut obside lecti,
 Cum Tamesi loquitur Vahalis, se Mosæ Tuadæ
 Exhibet & Sabrina suo dat basia Rheno.
 Quos populos junxere rates, commercia, concors
 Relligio, propiore ligat Cythereia nexu,
 Et thalamis vult esse pares. prait, ecce, procator
 Auriacus, scribitque suis sponsalia Belgis,
 Quæ fas quemque sequi. quamvis mare laxius Ha-
 Et pater Oceanus vastis discriminet undis, (gam,
 Tra-

Tranat amor, pelagusque suis, en, transvolat alis,
 Velaque distendit, flabris quæ lenibus Hymen,
 Et placido Æolii propellunt turbine fratres.
 Viderat Arctois in fluctibus Amphitrite
 Nasso vias properare rates, & præscia fati
 Extulit os pelago, & felicibus, inclyte, dixit,
 Auspiciis procede puer. Tibi digna parantur
 Conjugia & regum claro dignare cubili,
 Indue regales animos, & sanguinis alti
 Iam consors, æqua paribus virtutibus illum,
 Augustisque triplex diffunde nepotibus ostrum.
 Cum summa Cœli Titan regione vagatur,
 Cunctaque sublimi radios è vertice fundunt
 Sidera, plus meliusque micant. Tu vectus in altum
 Terrarumque Diis mixtus, fulgentior exis,
 Spesque tuas auges, & quæ fortuna Batavis
 Vitræ concepta solo est, te vindice surgit.
 Vix ea fata fuit : cum certior omina Nereus
 Addidit & cladem Hesperia funestaque vates
 Tempora Tartessoque vices prænunciat augur.
 Ipse ratem trudens facilis per murmura ponti,
 Littore in Albionis salvam stitit. ilicet omnes
 Intonuerè cava sonitumque dedere caverna,
 Lataque de pandis strepuere tonitrua passim
 Ventribus, & festos vomuere anfractibus ignes.
 Non aliter quàm cum Siculis trux Ætna caminis
 Saxa, faces, cineresque procul jaculatur, inhorret
 Trinacris ingentique tremunt vicina boatu.
 Tunc placidis stravit Tamesis sua flumina ripis,
 Accepitque pius generum, Rutupinæque circum
 Mœnia præsensere Ducem. se fudit in unum
 Anglia, & in tanto dissolvit gaudia Sponsio.
 Nam placuit vultus populis, erectæque morum
 Simplicitas, pulchrisque innata modestia membris,
 Ingenii vigor & lux circumfusa paterni
 Nominis Auriacæque jubar venerabile terræ.

Talis in Emathias Peleus cum posceret urbes
 Tethyos immensa neptim, Phthiatica Tempe,
 Argivæque domus, Larissæque nobilis, omnis
 Deseritur latè Scyros. cupit obvius ire
 Thessalus atque novos regi gratatur amores.
 Et licet in Geminis Sol currat & occupet annum,
 Passim rura vacant, non fessus taurus aratro
 Ingemit, aut scissis vomer splendet arenis:
 Aut nunc curat oves Damon, vel lana Britanno
 Tingitur, aut coctis fumant fastigia pannis.
 Laxantur solitis Caroli palatia curis,
 Sollicitæque dies festiva intervenit Aula,
 Et gaudet regina parens, sobolisque maritum
 Adspicit & patrem paucis expectat aristis.
 Rex scepro, quod fortè manu sublime tenebat,
 Attingit geniale caput, pelagique ratisque
 Tadia sperata pepulit præsentia Sponsa.
 Illa verecundas inter formosa puellas,
 Iamque genas non maturo depicta pudore,
 Atria magnificâ verrebat splendida pallâ,
 Virgineos induta habitus. sed casia vittam
 Vincula stringebant; demissaque pilea frontem
 Et strophium mites aliquâ velabat ocellos.
 Qualis Sicaniam flores lectura per Hyblam
 Inter cœlicolas ivit pulcherrima divas
 Persephone, nondum plenis Dea nubilis annis.
 Hanc simul ac cupido conspexit lumine Princeps,
 Hæsit & occultis potuit caluisse favillis.
 Hunc simul ac timido conspexit lumine virgo
 Regis, plus illum jam tunc potuisset amare,
 Si mollis plus Sponsa foret. tamen arsit & aula
 Vocibus, hoc, quicquid Sponsa est, se credidit esse.
 Et nunc antè aras Superum pia vota sacerdos
 Nuncupat & sacris firmat connubia verbis,
 Agnoscitque Deus thalamos. Tunc Angliæ pictam
 Lata trahens humero chlamydem, cui classis Iberæ
 Disje-

Disiectas pelago puppes, flentemque Medinam
 Attonitosque Tagi dominos innexit Arachne,
 Pugnacesque Rosas quondam, cum candida rubra
 Oppositis iret studiis; sic ora resolvit:

O dilecte Deo Princeps, quem Martia tellus
 Auriaco duri genuit Tritonis ad undas,
 Battavia columen, proavum clarissime famam,
 Cum Maria me junge tibi. tibi nubimus ista in
 Coniuge. nec tantos livor divellat amantes,
 Nec nisi sera dies. Fidei manus illa tuetur
 (Et simul exertam porrexit in athera dextram)
 Et regni momenta mei. tu tempore duro
 Huic gladios, Dux, stringe tuos, hic omnia vicit,
 Qui Superum pro jure stetit. defensor Olympi
 Has terras pacatus habet. Belgis que placebis,
 Belgarum cum sacra probas, & civibus una
 Afferitur Pietas & mens obnoxia caelo.
 Quos cives privata ligat tua causa, ligabit
 Publica. nec volet hoc Anglus, quod velle Batavis
 Non volet, aut nolit Batavis, quod mavelit Anglus.
 Intemerata meis tecum concordia terris
 Gliscat & hoc nostro tollantur in omine tædæ.

Tum gravis & surgens animis ingertibus, insit
 Nympha Caledonia: mea sunt, nunc dicta sorori.
 Communis mihi causa tua est. qui pronior ather
 Adspicit haud una munitos Orcade Scotos,
 Has tibi magne faces Ductor, faustisque secundet
 Auguriis promissa thori. cum fecerit atas
 Te matura virum, & poteris risisse cubili,
 Nascatur vobis, expers formidinis, alter
 Maurilius, quem tunc Morinus vel territa Calpe
 Horreat, & cuius metuant incendia Gades,
 Signaque nunc Oriens Titan, nunc Vesper adoret.
 Ille per Occiduos fluctus, in Mexica puppes
 Oppida vel ditem mittat sua carbasa Cuscum,
 Auriferamque Peru. vel Scotica prætervectus

Littera semotos undis glacialibus Indos
 Quærat & extremos hoc tangat tramite Sinas.
 Interea veri crescant ambobus amores,
 Et sperata prius festinet lumina vobis
 Hesperus aurataque Venus quæ præsidet aula.
 Vota favens vobis Tethys mea scripta corallis
 Mittit, & assiduam belli mea regna ministrant
 Materiem, nostroque tuis dant robora castris
 Milite. quàm cupiat vestro frondosa Caledon
 Delicias conferre thoro. quàm Grampius optet
 Pronos ferre lacus & totos piscibus amnes
 Porgere. Vos gelidæ procul amplectuntur Ebudæ,
 Et juvenes nuptis extendunt Hebrides annos.

Tertia tunc cœpit fari regalis Ierne,
 Insons una mali, tristisque ignara veneni:
 Vivite, ait, grandes animæ, & quæ gratia Divum
 Me beat, irradiet vestras uberrima terras.
 Sit cœlum sine labe calens, sine frigore duro
 Bruma tepens. tellus se luxuriantibus herbis
 Explicet, & cunctis abscedant toxica Belgis.
 Nascere progenies, quàm se Fredericus in unam
 Transfundat totum genitor. Tunc altera spes est.
 Vinci alias iterum Sylvas & mœnia posse,
 Occiduasque alibi Auriacis heroibus urbes,
 Memnoniasque patere domos. Vehet illius arma
 Taprobane, diteque agnoscent signa Moluccæ,
 Nassoviumque suis Mariamque inscribet in oris
 Indus & accipient hæc ipsa vocabula Iava.
 Nos cygnos aquilisque damus, ceu symbola celsæ
 Sortis, & in festis largimur fercula mensis,
 Atque ipsam pro dote Palem. fontesque lacusque
 Fundunt Principibus latices; & Duris & acer
 Ausoba Liberiusque senex certansque Boando
 Argita, vos placidas vellent vestare per undas,
 Charaque postremus venerari nomina Senus.

Finierant. tunc insoliis sua brachia miscant

Ne xibus,

Nexibus, & digitis ter conscia numina signant,
 Ter manibus quatunt tedas, fixasque coronis
 Concussere Rosas, permixtaque lilia matris
 Regina nituere magis, ter purpura coccum
 Quæque bibit, micuit rutilum sub crinibus aurum,
 Et melior triplici majestas addita regno est.

Nuncia conjugii celeri jam Fama volatu
 Ivit in oppositum Tamesi trans aquora Belgam,
 Victoremque diu populum. clamoribus urbes
 Patriis resonant. gavisæque Curia lites
 Abrumpit, nescitque reos. sua munia differt
 Civis & athereis implet delubra sacerdos
 Officiis & grata Deo præconia solvit,
 Tantarumque pius causas & semina rerum
 Altius arcessit. Mariæ vox blandula cunctis
 Ore natat. Mariæ placet appellatio cunctis
 Matribus. haud alio signantur nomine partus.
 Guilielmi Mariæque levi depicta tabella
 Ora gerunt. hæc in thalamis spectacula prostant,
 Illa domos species, hæc atria, tecta, columnas,
 Hæc & Arausiacos decorat pictura penates.
 Cum veniet Regum soboles, cum litore nostro
 Stabit & in Batava ponet vestigia terra,
 Assurgent illi Vnanimis ex ordine septem
 Applaudentque Dæ, valida quæ spicula claudunt
 Concordes septena manu. quas vindice ferro
 Afferit Auriacus solique opponit Ibero.

Ultima, quæ patriam excellens Hollandia Sponso,
 Et lucis primum genitrix indulgit honorem,
 Hæc dixisse cupit: Batavum celsissime gentis,
 Cuncta mihi faciles Superi & quacunque poposci
 Concessere. meis Patris cunabula Delphis,
 Tunc puerum, complexa fui, cum sanguine diro
 Tingeret afflictam latro temerarius aulam,
 Atque expers tutoris eram. Tu nasceris infans
 In gremio venerando meo, te fovimus ulnis,

Tu mihi spes generis dudum bellique fuisti,
 Solaque nunc super-es. sed quàm mihi sidera rident,
 Quod tuus à Regum jam crescat sanguine sanguis,
 Quod pulchro Mariæ speretur germine germen,
 Quod soboli speretur avus, quem Gallica fratrem
 Sceptra vocant; patrum quod fortis Cimbria regem.
 Det tibi, quod Mediceæ suam clarissima neptim
 Elocet; illa trium mater celeberrima Regum;
 Quod te Sponsa colat, magnis hinc cineta Britannis,
 Inde Caledoniis; quod trux mansuescat Iverna
 Ad soceri mandata tui. Quò te ardua raptat
 Nassovia lux prisca domus virtusque tuorum,
 Fui cura vebit. Fortunassime, si me
 Vis nuptæ dare dona tue: concordia Belgî,
 Totque Fides Batavum & gentis cultura Stuartæ,
 Obsequiisque studens animus premititur uni.
 Non peregrina mihi, poterit mihi nata vocari.
 Expungam patriæ titulos & jura cubili,
 Quæque Britanna fuit, fas est jam dicere Belgam.
 Auriaci thorius est. patriam si vendicat ille
 Battaviam, tu Sponsa tuo cum Principe muta
 Nominaque & populos. & dum servaris amori,
 Servaris quoque tota meo. dulcissima, quot Te
 Plausibus excipiet Vahalis, Rhenique bicornis
 Accola, quot cinget venientem clissibus aquor,
 Quot tibi de summa suspendet puppe corollas
 Navita, quàm multa velatus arundine Mosa
 Ducet in optatos Caroli venerabile portus
 Depositum, Mariamque vehent cervicibus omnes.
 At postquam Auriacos intrabis lata penates,
 Et Tarteysiæ inimica palatia sceptris,
 Ibis in amplexus, toties quos horruit airox
 Cantaber & dextram tangès, cui libera debent
 Colla mei cives. oculos spectabis Ibero
 Terribiles, ensesque mea secuta salutis
 Præsidia & centum fulgentia tecta trophæis,

Fornicibusque inserta Ducum vexilla, carisque
 Suspensas altè vietas laquearibus hastas.
 Ibis in Ameliæ amplexus, matrisque futura
 Oscula & in tanta gaudebis Principe Princeps.
 Quod si Toxandrum tumidis allaberis oris,
 Ecce, procellosis emergens sevis ab undis,
 Non sava te fronte Leo spectabit, & unam
 Mulcebit, propriasque Ducem deducet in urbes.
 Se Vlissinga tibi, pulsitaque fluctibus altis
 Cives Vera suos summittet, & illa propinquo
 Quassa mari castella. tua pars digna Sicamber
 Dotis erit, crinesque suos torquebit in orbem
 Bellator, vestrisque regi post busta parentis
 Imperiis jussisque volet. Tibi sacrat habenas
 Mitra suas, & jam rectorem scripsit ephenum,
 Qui tuus est: dicet prestans Groninga magistram,
 Isula reatricem; & celsis Zutphania muris
 Tutâ, suam vestris subdet sub fascibus urbem.
 Cum venies, hic Breda tua est, & Martia rupes
 Geertrudis, Lingæque domus, bellisque superstes
 Meursia. debetur frenis Diesthemia tanis,
 Et Grimberga potens & pronis Gravia portis,
 Et Bura & Maria nomen venerata, Sichemum.
 Cum venies, formidatas exercitus alas
 Pandet, & hinc equites inter peditesque Camilla
 Stabis ovans. flectet densus se in cornua miles,
 Militiamque jocum faciet. concurret & hostem
 Finget adesse sibi. teneram vexilla maritam
 Involvunt, cernesque tuo jurata marito
 Castra, Duces, lituos, & quàm metuenda supellex
 Mavortis. quantis acer sese afferat armis
 Libertatis amor. cernes, quas Rottera turres
 Attollat; quàm se mansueris Leida Camœnis
 Crediderit; quàm se geminum diffundat in orbem
 Amstela, quàm late spargant pomœrii civem,
 Vt silvis trabibusque natent fastigia densis,

Et

Et quovis glomerentur opes è cardine, quovis
 Axe petat pavidum mercator callidus aurum.
 Cum venies, saltus supplex umbrasque recludet
 Haga suas, Zephyrisque rotas currusque ciebit
 Lenibus, & celso nutantes vertice quercus
 Pro te sternet humi. Faunus, dum fortè per umbram
 Diffugiet, vestros hic cantillabit amores,
 Et venatrices arcesset Delia turbas,
 Quas Dux una reges. celeris vestigia cerva
 Ponè premes, trudesque vagas in retia damas.
 Tota tibi fuero Phocisque & Thessala Tempe
 Et Præneste Delm. Soboles augusta, perenna,
 Exorire istis vindex ex ossibus alter,
 Qui face Cantabricos ferroque sequare colonos,
 Tartessique graves dominos. Par grande triumpho,
 Euboicique precor transcendite pulveris annos.

Quæ cum dixisset generosa Batavia, sensit
 Communes Europa faces. sua commoda quisque
 Supputat & censet multis nupsisse Stuartam.
 Terra Palatinis lugens in collibus, optet,
 Iam profugo, rectore frui, Bavaroque regendi
 Indixisse moram. tot fracta Alemannia bellis
 Suspirat; regnisque suis hoc federe robur
 Addi posse putat. bellatrix Gallia vellet,
 Austriaco irasci Carolos. sociosque, Britannum
 Et Batavum, indomitis obvertere rostra Philippis.
 Excussit modo frenas Tagus, sed poscit ab isto
 Præsidium viresque thoro. quin Adria longè
 Castelle videt è specula ridetque laborem.
 Ipse meis columen terris arcemque parari
 Belgæ reor, magnumque minus jam posse timeri
 Hesperia dominum. Quæ non sua gaudia gentes
 Communerant? quid non Batavi speramus amantes?

Magne Britannorum rector, qui sancta verenda
 Nomina pacis amas: cujus vindicta nec hostis
 Sanguine tinxit ebur: cujus veneranda Tonanti

Maje-

*Majestas populoque vacat ; cum tempora sceptris
Acta tuis memoras ; hunc, quē nunc parturit æther,
Signa mente diem. septem Tibi filia gentes
Alligat & cunctis Fidei defensor amaris.
Nupta Duci est , dimitte pater. stant littore classes.
Nupta Duci est, dimitte duos. hoc Belgica poscit.
Nupta Duci est, Regina fave. quos junxit Olympus,
Ne toto prudens Genitrix distingue profundo.*

A V R I A C V S

T R I V M P H A N S,

Sive in victam Potentissimi Hispaniarum Re-
gis in Freto Britannico, Classē,
P O E M A T I O N.

Siste gradum, Frederice. tui fastigia fati
Nescit mens demissa sequi. licet alite penna
Erigar, atque ipsis capiam sub nubibus abdi,
Altius erigeris, Princeps ; Superūque penates
Semideūque domos pulsas. quin vecta per altum
Subducit se Fama mihi ; & sublimior astris
Gloria languentem ridet secura poetam.
Nec me Castalios in singula ducere fontes,
Tam cumulant se multa, sinis. Tux bella sequutus,
Et lituos & castra sui. sub moenibus ipsis,
Sub portis, Dux magne, steti, & victricia tecum
Signa per adversas duxit cataphracta cohortes.
Calliope & mediis defixit in urbibus hastam.

Mox nova Borbonias scripsere exordia laudes.
Et crevit sub Rege labor. dum Lilia tollunt
Nassovium & pronis capit incrementa tiaris
Aurica virtutis honos ; se miscet honori
Testis & Amstelæ fundunt præconia Nymphae.
Non plausus tibi, summe Ducum, non publica deerant

Præ-

Præmia & illustres, te bellatore, triumpho,
 Aut quicquid communis amor, Belgique Potentes
 Excellens tribuere tibi. consensimus omnes,
 Et patria vox una fuit. laudavimus arma
 Successusque tuos & totum clara per orbem
 Belligera tot gesta manus. Nescivimus unum,
 Nomine quo tantum felix Respublica digne
 Compellet vocitetque Ducem. Dum fluctuat orbis
 Arbiter, & Batavi nescit cognomina Martis,
 Distinctumque decus: tandem Tu Gallia nomen
 Mittis & Arctoo precium largiris Achilli,
 Et Celsum cognata vocas. qualem esse priores
 Credidimus, talem nobis tu prima fateris.
 Erigimur cuncti titulo. surgitque potestas
 Alius, & celsam sentit se Belgica dici,
 In rectore suo. quantum Dux ipse verenda
 Majestatis habes, tantum sibi vendicat illa,
 Alteraque alterius sese splendore tuetur.
 Sic astris Dictynna suis venerabile lumen
 Commodat æthereique micant illustrius ignes,
 Phæbæ facis adspectu. cum nomina Magni
 Pompeio pia Roma dares; patriæque Parentem
 Diceret Augustum Tiberis; non dignior unquam
 Romulidum celebres involvit gloria cives.

Nunc, quem terra Ducem fecit, quem Gallia celsis
 Inferit ordinibus, talem victricibus armis
 Æquora continuant. Tibi grandis filia Nerei
 Fluctibus adspersit caput, & Marvortia totum
 Oceanum in pugnas aperit. sic altera Martis
 Excelsum te forma facit, mutataque laudis
 Causa placet. dum disiecta per cerula puppes,
 Rostrataque tua radiant in fronte corona.
 Post urbes, domitæque ingentia mœnia Bredæ,
 Et debellatum præfracto milite Mosam,
 Inde catenati concussa cubilia Rheni,
 Conficiunt tibi nomen aqua; pelagique marisque

Te statuit fortuna Deum. quem sub Iove summo
 Armata in Hesperias bellatrix dextera classes.
 O Superis dilecte Pater, cui fundit ab alto
 Veliferas Mavors acies, puppesque trucesque
 Accelerat Bellona rates; cui carcere missi
 Lenius Æolii spirant in classica fratres;
 Te laurisinvolve novis, famæque superstes
 Longum vive tua. Iam formidata residunt
 Carbasa, desavit rabies bellacis Iberi,
 Detinuit Castella ferox. metuendaque Calpe
 Horret, & attonitus luget dispendia Vesper.
 Tot silvæ periire Tago, tot robora Bati,
 Tot quercus sorpsere faces, tot ab ignibus Arclos
 Arsit & in gelidis incendia fecimus undis;
 Fumantesque trabes, exustaque transtra, forique
 Æquoreas flammis exsiccare procellas,
 Næadumque domos. conflagrare penates,
 Ennosigæ, tui. caluitque à fornice tanto
 Tethys, & accensis serpsere fluctibus ignes
 In thalamos, Neptune, tuos. stupet horrida Triton
 Bella senex, conchaque vagum circumsonat æquor,
 Committitque Duces. toto jactantur Iberum
 Regis opes pelago. quassataque scrinia, gaze,
 Argentique graves loculi, discrimine magno,
 Spem Batavis fecere sui. preciosa supellex
 Credebant se posse rapi. sensere metalla
 In ponto non esse fidem, dubicque teneri
 Divitias, quas fluctus agit. tunc omnia Belgam
 Spernere, cum tinnit latis impulsibus aurum,
 Et spoliis calet aris amor. Proh; æquora, terras,
 Atque ipsum Phlegethonta furor pervadit habendi.
 Concutimus portas Erebi, Plutonis adimus
 Atria, nec fulva deterret Cerberus offa.
 Audaces in prædam animos. Trux ventilet ignes
 Tisiphone, quatitque suos irata colubros;
 Provehimur, quo lucra vocant. didicere Batavi

Inter tela mori, vel vincere. sanguine pingunt,
 Quas avidi scrutantur, opes. vult proxima morti
 Esse manus, ditis qua messis poscitur Indi,
 Et fortes sors ista facit. fiducia segnes
 Erigit, & raras regina Pecunia puppes
 Cantabricis cogit proras obvertere proris.

Grajum prisca tumet Pagasæis puppibus atas,
 Argolicosque Duces & lecta nomina pubis
 Nuncupat, & magnis foeta raptoribus alni
 In Colchos posuere minas. gravis Aulide classis
 Laomedontæ fato servata ruina,
 Ivit in Ægeos fluctus & Pergama summis
 Evertit fabricata Diis. cinguntur Athenæ,
 Armatamque timens mox Persida bajulat Hellas,
 Cum pontus pons unus erat, trabibusque revinctis
 Sterneret immensam Medorum purpura Tethyn.
 Quid Tyron & multo metuendam remige dicam
 Sidona, navigeramque Pharon, Nilique recessus,
 Et portus, Cleopatra, tuos? Vrbs amula Roma,
 Contudit Ausonium, Xantippo præside, fastum,
 Et toties Latius intendit rostra carinis.
 Cum tua Agenoreæ virtus, Dux Regule, genti
 Monstraret. sic posse pati pro cive Quiritem,
 Nec titubare fidem duris. Hæc nostra marinos
 Terrent sæcla Deos, superatque audacia, quicquid
 Ausa fuit Fortuna mari. concedere non vult
 Posteritas, jam major avis. discitque sub ipsa
 Colchide pallescens rimari in montibus aurum,
 Aut ratibus vectum rapere, & subducere sceptris,
 Quo solo plus sceptra valent. maria omnia transtris
 Insedit bellator Iber. per Memnonis oras
 Militat. & qua fessus equos lavat equore Titan,
 Navita stat; regumque potens cervicibus unus
 Incubat. in geminos excurrunt carbasæ Soles;
 Dum mundum vult esse suum, solusque potiri
 Tot terris, quas quisquis amat. Nos parvula mundi

Portio, nos Borea sub sidere nata propago,
 Et toto secreta mari, tot classibus, eheu,
 Impetimur, luimusque patrum delicta priorum,
 Si patria delinquit amor, defensaue ferro
 Libertas peccare potest. ruit acris ab Austro
 Tempestas, frendensque odiis Hispania longis,
 In nos castra vomit. veteris dispendia cœpti
 Exciderant animo, laceraque per aquora puppes,
 Quas in Pleumosias Syrtes & littora Ierna
 Illisit gravis ira Deum, cum fortis Elisa
 Vinceret, ingentisque esset Dux femina cœpti.

Altera Callaicus nunc Hydra repullulat oris,
 Alteraque Hesperia fundunt tabulata Corona.
 Vexatosque Deos iterum vexare Philippus
 Audet & infidis classem committere ventis.
 Regna natant, ratibusque fluunt contracta superbis
 Imperia, & valida jactantur fluctibus arces,
 Belligeræque domus. turrita palatia cernas
 Porticibus spaciola suis. innare revulsas
 Cycladas, & totos errare per aquora montes.
 Hæc ubi conspexit nemorum fastigia Phœbe,
 Horruit & terris dum proxima vertitur, irâ
 In Regem conversa Tagi est. metuuntque futuris
 Accendi se posse focis. Titania lampas
 Fumantes avertit equos. cœpitque timere,
 Queis Phaethontais flagravat ab ignibus æther,
 Ipsa ducum vectrix Argo, mirata carinas
 Desuper, his ipsis longè se fassa minorem est,
 Submisitque ratem Regi. non illa Pelasgis
 Arma fuere meis, dixit. non barbara tellus,
 Æatesque senex tanto conamine victus
 Phryxæam concessit ovem. castella minantur
 Sideribus vicina suis. se lignea vertunt
 Pondera, tardigradisque incedunt motibus aula,
 Et pandi repunt ventres. funesta supellex,
 Tela, globi, tormenta latent, & fulminis atram.

Materiem sulphurque truces vexere caverna.
 Hic Astur, potorque Ananis stipendia parvo
 Ære meret, veterisque cupit pugnare Pyrenes
 Accola. districtos acuit fera Bilbilis enses,
 Quosque domo Carete, & quos Minionis in arvis
 Nutrit ac rigidis fovit Gallacia ripis.
 Cantaber hic, vitæ impatiens sine Marte, comesque
 Celtiber, inque foris Balcaricus ambulat altis.
 Spes magnas sibi quisque facit, Regisque tuetur
 Virtutem splendore suam. sibi quilibet ostri
 Majestate placet, milesque in imagine falsa est.
 Dividimur, spoliisque tuis, Hispanæ, patemur,
 At nondum capti Phryges. omnis praeda Philippo
 Battavia est. cedunt dominis ingentibus undæ,
 Et famula gentes sumus, & sine Rege rebelles.
 Sed video tot transtra rapi, Morinosque coactos
 Dedecori trepidare fugâ: captivæ teneri
 Carbasæ & in Tamefis Batini pallefcere ripa,
 Ac medias inter bellum crudefcere arenas.
 Æquora laxantur pugna, Tethysque recludit
 Augustas irata fores. furialia Martors
 Sidera & infestas acies impellit Orion
 Ensifer, atque aliam credit Salamina reposci.
 Quamq; ratem velit ille sequi, quam mergere ponto,
 Cui flammis instare, aut qua statione morari,
 Imperat Oceani rector. sua Mulciber arma,
 Ignitasque trahes, propriisque ardentia flammis
 Tela parat, Siculisque incudibus æra laborat,
 Fulmineisque pilis crudeles asperat ausus,
 Brontesque Steropesque. illæsa casside munis
 Trompiadæ, Vulcanæ, caput. qui pectore forti,
 Dum fera pugnaces accendunt classica partes,
 Talibus alloquitur socios, stimulosque furori
 Subdit & ultrices monitis exarscit iras,
 Nec segnes pugnare jubet: Generosa juvenis,
 Rector ait, mecum gelidas traducere noctes

Sueta mari, Caurosque inter Boreamque Notumque
 Excubiis optare diem; nunc illa refulsit.
 Lux votis sperata meis, qua sentiet hostis.
 Quid valeat modico virtus, fatique necisque
 Contemptor praesens animus. stant littore puppes,
 Atque ignara suae sortis validissima rident
 Corpora, securoque jacent abdomina fasti.
 Spernimur exiles. sed enim, quid parvula possit
 Saepe manus, pressique ingens fiducia Belgae,
 Exemplo monstrata viri. dispendia moles
 Ipsa dabit, poteritque suis imbellis haberi
 Viribus. it certo comes hac structura periclo,
 Et damnum sibi forma feret. sint abiete crasso
 Intextae grandes costae. penetrabimus illas
 Ignibus, & discent silva flagrare minaces,
 Quasque globi nequeunt, mergent incendia puppes.
 Telum flamma dabit, liquefactaque sulphura ventus
 Differet, & vivens absument transtra bitumen.
 Instabit ratis una rati, facibusque perire
 Eliget, ut damnis pereat majoribus hostis,
 Et lucro sit noxa minor. succensa favillis
 Ipsa suis trux in tumidas grassabitur alnos,
 Belgarumque ferox cineres confundet Iberis.
 Ite Duces, properate rates, distendite vela
 Ocyus. hic sedes belli est. hac Tethyos aula
 Arctior, hac nostros statio diffundet honores.
 Hic locus aquorea spectet miracula pugnae.
 Ductor ero milesque idem. sociusque laborum,
 Non solum Dux esse volo. discrimine ferrum
 Vobiscum distringo pari. stant littore cives,
 Per terras carpenta volant, in montibus altis
 Albion adspectat, quid dextera possit & audax
 Vis animi, pronisque juvant nova praelia votis.
 Victorem sperate Deum. sine Numine vinci
 Hesperium diadema nequit. feliciter audet,
 Qui Superum sibi spondet opem. clementia caeli

Invictas dabit esse manus. bellacibus esse
 Expedi: ignavis pudor est. Nos respicit orbis,
 Regum cura sumas. magnis successibus æquus
 Annuit, hinc rector Tamesis, dominusq; Garumna,
 Et quid Belga meus tanta dabit indole dignum
 Expectat Gothus & septem regina Trionum.
 In nos missa venit certo servanda triumpho
 Classis, & his ipsis stat formidabilis undis,
 Arctoi formido maris. transacta potestas,
 Majorumque fides paribus vos excitat ausis.
 Tot domita subeant puppes, eversaque ponto
 Carbasa, submersaque rates. sub Vespere vicit
 Heynius. Herculeas Heemskerki fama columnas
 Personat. Aurora thalamos Solisque cubile
 Invasere patres nostri. regalis Eliza
 Fluctibus his Siculi risit molimina sceptri.
 Vincula Bossusi nostis. subreptaque Scaldi
 Classica Mattiacasque rates. periere trremes
 Ad Salsam, Frederice, tue. si vincitur Astur
 Exemplis, etiam nostro vincatur oportet.
 Nolim degeneres animos audire nepotum,
 Nec dignam proavis sobolem. cum sanguine virtus
 Transeat. exaquet veteres victoria lauros,
 Dum fama pila, dum totius fabula mundi,
 Dum patria tutela sumus. Sic ille locutus,
 Expectasse putat longum, mediosque per hostes
 Accensus propiore Deo, propriaque salutis
 Immemor, & celsa metuendus puppe magister,
 Hostica fulmineum direxit in agmina cursum.
 Mane erat, & vixdum Titan patefecerat orbi
 Illustrem fulgore diem; cum classica nostras
 Exi vere rates. pacato Dunap profundo
 Stabat, & Arctoi Tamesino è litore blande
 In mare spirabant Borea. tranquillior unda
 Oportuna fuit pugna. & cessantibus Austris,
 Vtraque spectanti patuit fortuna Britanno.

Anchora jacta subit puppes. disiecta rudentum
 Fila gemunt, velisque tumens obnubitur aquor.
 Hinc Bata vim classes, illinc venere Philippi,
 Crebraque vicinas feriit ballista carinas.
 Eminet hostiles inter Pratoria, claro
 Missa Tago, centumque vomens incendia portis,
 Sæva Mimallonis tonuit per littora bombis.
 Non tubæ, non litui, non exaudita cadentum
 Vox fuit. oppressit strepitus catapulta virorum,
 Barbaricisque sonis tremefactus inhorruit æther.

Tum Ducis imperio rostris non obvia rostra,
 Sed lateri latus acre fuit. displosaque longis
 Machina ab ordinibus visa est damnosior esse.
 Non tetigit puppis puppem, pluceisque cohesit
 Altera in alterius. nec jam bellantibus usu
 Vincus erat. multo potior ne milite celsus
 Cantaber attereret Belgam. sed vecta per orbem
 Crebra fatigatum sensim diffregit Iberum
 Navis. & accessu propior, rursumque recessu
 Longior, immensas repetito verberare moles
 Solvit, & in medio luctantes aquore merfit,
 Sic ubi turba canum magno minor ire molosso
 Obvia vult; cinctumque iteratis moribus hostem
 Lancinat, accurrensque nocet, leditque recursu
 Sæpius: ille ferox quamvis majorque tumultu,
 Multo dente perit, languetque & vincitur excors.
 Nos habiles pugnare & circumfleere gyros,
 Illi tarda trahunt infido corpora clavo,
 Nec se mota movent. non junctis pugna lacertis
 Crudescit. sed longinquo glans ferrea jactu
 Perforat attonitum latus & sese horrida costis
 Ingerit & fœdo nexus deturpat hiatu.
 Tunc aliquis celsæ residens in vertice puppis,
 Labitur exanimis, circum se fusa resorbens
 Æquora. disrupta non unus parte carinæ
 Leditur. audaci dum dextra aplustre revellit

Alter, subiecto debens sua pondera ponto,
 Vulnerat Oceanum lapsu. torrentur ab igne
 Pugnaces animæ, miserandaque funera fiunt
 Busta sibi tristesque rogi. tabulaeque foresque
 Verberat antennasque cruor. vindicta natantes
 Prosequitur, rabiesque ipsis accensa sub undis
 Nondum parcere vult miseris. tunc sanguine littus
 Irrubuit. tepidoque senex sub gurgite Nereus
 Incaluit. sensitque focos flammæque parari
 Insueto sibi. mille fluunt refluantque procellis
 Corpora, ludibrium pelagi, mergendaque jam mox
 Expectant turpes generosa cadavera phoca.

Dicite vos Nymphæ Tamefis vicinaque Canti
 Numina, (nam vos hac vidisse & scire putandum)
 Quanta clade dolens exarserit Amphitrite,
 Tunc cum summa Ducis pietas pro Rege, Terefa,
 Pro se, non concussa, stetit; nobisque potenter
 Restitit & claris famam Lopezius ausis
 Extulit. ardentes illum cinxere carinæ,
 Amplexæque ratem tabulis flagrantibus ignes
 Ingressere suos, quos cæca industria ventre
 Abdiderat, doctusque labor. nam pinguibus illa
 Affixa tedis, & diro sulphure mixta,
 Tot flammis alimenta dabant. jamque altera navis
 Mersa erat Oceano pars. altera fulminat audax
 In Batavum, dumque igne perit, se ulciscitur igne.
 Stabat signifera in puppi truncatus Achilles,
 Et voluit pugnare lacer. manus altera rapta est,
 Et non totus homo (virtutem agnoscimus hostis)
 Totus miles erat. Superum Rex Iupiter antea,
 Et cælo donare Ducem decreverat omnis
 Turba Deum. sed grandem animam Neptunus aqua-
 Cætibus annumerat. quin magnam Protea iuxta(rum)
 Collocat, ut timido cladem exprobraret Occuendo,
 Objiceretque moras. Hic dum lachrymosa suorum
 Fata videt, fractasque trabes disruptaque classis

Mem.

*Membra, fugam molitur iners, sanctamq; Tereſam
Deſerit, & Fēyo ſeſe ſubducit amicum.*

*Qui pugna ſatur & belli, dum robore in hoſtem
Se probat Occaſu Phœbeæ lampadis, eheu,
Occidit & noſtro ſpolium ſe donat Atridæ.*

*Arſit & Andrææ Pratoria, nomine præſtans
Et virtute virum. quam crebris ictibus Heros
Trompius & multa patefactam impleverat unda.
Cetera pars cæcis fugiens ſe illiſit arenis,
Sed ſacibus prædaque patens. protruditur una
Littus in adverſum & tanti ſit nuncia caſus
Regibus. excepit præfugam miſerata Britannis
Terra ratem. Et ſceptri ſe relligione tuentur,
Quas regale ſuis numen ſervaverat oris.*

*Iamq; Deos, Sanctoſq; omnes, venerandaq; Pa-
Nomina, Pellæoſque duces diſjecerat audax (trum
Dux Batauvum, captamq; trahens poſt terga Deorū
Progeniem, Macetamq; & magna vocabula, Reges,
Fortunas, Aquilaſque & Iberum ſacra Iacobos,
Viſtor ovans rediit ſpoliis inſignis opimis,
Nec jam terribiles defixit portubus arces.*

*Tum ſacra Neptuno peragit, taurumque nitentem
Immolat. & Veſta piceos, queis vicerat, ignes.
Mavorti ſacrat tabulas. habet Æolus hircum,
Thura Iovis delubra, globos Fortuna rotasque.
Undique concurrunt populi, civiſque triumphat
Latior & feſtis collucent ignibus urbes.*

*Victori ſe quiſque probat. ruit actus in unum.
Trompiadem plebejus amor. ſtant mœnibus altis
Et maris aſſerti partes ſermone ſequuntur
Hinc patres matreſque pari: Victricia laudant
Tempora; tam parvis magnas ceſſiſſe carinas,
Ingeminant: auſumque Dacem, quod ſcire nepotes
Expediet; quod, ſera licet, mirabitur ætas.
Affuiſſe diem, patriæ quo reddita lux eſt,
Libertas pelago, faciles mercantibus unda.*

Quid mihi Pelias puppes generosa vetustas
 Obiicis, & nantes Grajū per cerula nautas?
 Hic Grajos, celebremque suis Heroibus Argo
 Cepimus. hic alio sub Iasone nostra triumphat
 Grecia. pro viſta Tagus est nunc Phaside. victus
 Batis in Euxino est, hac Colchide rector Iberus.
 Argolicos clara coisse sub Aulide narrat
 Fama Duces, diſesque mari pugnaſſe Mycenas,
 Inque bonas iſſe feram Lacedæmona Athenas.
 Hic maris alterius fauces, hic altera surgunt.
 Pergam i, debellanda manu. ſunt Pergama puppes
 Æquoreis fabricata Diis, ſunt Duna Mycenæ.
 Vidit inexpertum Salamis succumbere Perſam.
 Vidit inexpectum pelagi succumbere regem
 Albion & laceris conſpergi littora tranſtris.
 Tu quoque non paruum bellatrix Roma triumphū,
 Flebile cum timida gereres Carthagine bellum,
 Navalesque refers, Pœno indignante, coronas.
 Te Catuli celebrisque vehunt memoranda Duilli
 Prælia, & audaces, Scylla latrante, triremes.
 Leſſira Neoptolemon, Lucullo principe, claſſe
 Exiit, & Nicia rapuit vexilla Gylippus.
 Præſtitimus majora duces, numeroque Philippum
 Diſpare concidit Batavi fortuna Duilli.

Quàm cœlo, Frederice, places, quàm ſidere lato
 Plurima Naſſo viam circumdat laurea frontem.
 Hanc Salii meruere tibi, devictaque Grollæ.
 Oppida, & impleta numeroſo remige Thelæ.
 Captivæque rates. centum circumdata vallis
 Sylva potens, totaſque bibens invicta paludes,
 Acclamat tibi, Celſe pater. te moenia forti
 Capta dolo ruptisque patens Veſalia portis,
 Victorem ſub vexit humo, atque abſcondidit aſtris.
 Quod florent Batavi, quod ſint ſecura Sicambro
 Otia, vicinum Friſius quod neſciat hoſtem,
 Ipſe quod imbellem VValachrus contemnat Iberum,

Et

Et placido rursus se misceat Isala Rheno,
 Cura summa tua est. dudum trans aquora longe
 Attigit Eoos belli reverentia fines,
 Perculit Occiduos. laudes novere Cherusci,
 Teutoniceque domus, & quæ sub Principe pulso
 Clara Palatinis strepuerunt collibus arma.
 O quoties longis mœrens Germania bellis,
 Optavit te posse frui, te vindice vinci,
 Sub signis pugnare tuis, quæ belliger ivit
 Mœnus & exuvies crudelibus horruit Albis,
 Totaque pacatum straverunt castra Visurgim.
 Nunc alius, Dux magne, labor te trudit in aquor,
 Et consummatas recitant tibi classica laudes.
 Quale in Alexandro decus est. te preside rerum
 Captus Alexander nostrum singultit ad Tam.
 Quantus in adversas acies fortissimus ivit
 Hozius, infelix sacra tutela Teresa.
 Victus & hic. strepuit diris clangoribus Orpheus.
 Orphea tu dira domitum testudine mergis
 Oceano. pugnaci Aquila Tu rostra refringis,
 Infamemque fugas Famam. tu signa Iacobo
 Præstitibusque Diis rapis, & demittere vela
 Cogis adoratos venerando nomina Petros.
 Vive meis, Princeps, studiis. præconia si quid
 Nostra valent, tu Miltiades dicere Cimonque,
 Tu Lysander eris. mecum suffragia confert
 Mundus. in extremâ vadunt tua nomina Thülen,
 Adria subscribit titulis. non dissidet Arctos,
 Non Sueonum favor, & Sueoni pacatus Iapex.
 Applaudis, Lodovice, Duci. quin nostra decoris
 Fulcis regna patrociniis, & sceptrâ verendis
 Indulges facilis Patribus; nec lilia Belgis
 Avertis speciosâ tuis. te vindice totam
 Imus in Hesperiam, geminique avertimus orbis
 Terribilem terris dominum. dum jungimus arma,
 Nostra timet, qui nulla timet. dum Sequana Rheno

Annuit, & Vaholim Rhodanus, Mosamq; Garum-
 In partes bellumque rapit; perterrita Calpe (na,
 Palluit & pavidis Tartessus inhorruit undis.
 Quis pueri latus Auraii fulgente metallo
 Induit? & tenero patriæ virtutis lûlo
 Spem facit, & capulis donat radiantibus ensem,
 Crescentemque Ducum studiis accendit ephebum?
 Hoc munus, Rex magne, tuum est. En, Martia pro-
 Ambulat, & pulchri miratur pondera ferri (les
 Et circumfuso ludens accenditur auro,
 Atque animos à Rege capit. sub imagine belli
 Imberbes armat generosa pueritia turmas.
 Et pater intrepida miratus signa juventa,
 Laurigeros inter præformat castra triumphos.
 Magne Heros, effusa aulis Te personat Echo,
 Excelsum silva, celsum delubra loquuntur,
 Prosperaque Aonia recitant præfigia rûpes.
 Quas laudes à vate capis, tua maxima virtus
 Dissimulat, quantumque aliis sublimior audis,
 Demissa te mente domas. paterisque modestus
 Augustas in te sceptrorum surgere voces.
 Nec solum te bella juvant, vel tela, vel enses,
 Aut crudo misti commendant sanguine manes,
 Sed tranquilla magis. regnent sine lege potentes,
 Et sceleri dent iura mali. Tu Principis illa
 Prima putas, dare jussa sibi, lentamque furori
 Indixisse moram. mites tibi Gratia vultus
 Componit, gaudesque tuis Dux talis haberi,
 Qualem tu privatus ames: morosa timeri
 Sceptrâ volunt, tua blanda coli. dum diligis omnes,
 Diligeris cunctis pariter. Tu voce cohortes
 Mansueta trabeasque regis. nec jurâ tueris,
 Quæ non ipse probas. scribis dictamina recti.
 Et populo dominoque tibi. Sic Principis omnes
 Vivimus exemplo cives. sub milite tanto
 Vincimus, & toto belli documenta profundo

Magna

*Magna damus. nescit claudi liberrima Nerei
Regia, Neptunique lares. Tu vineta redudis
Æquora & Hispanis metuendum classibus hostem
Objicis, & nobis etiam vis ista patere.
Cunctorum dos una mare est. qua fluctuat, illac
Navis eat. nulla est tanti custodia census.
Et dominum si littus habet, negat aquor & unda.
Hæc populum Frederice doces. hæc asseris armis,
His causis bellator ovas. dum Dunæ Britanno
Portus erit, Gallumque freto sejunget alumnus
Saxonis, & Cantise promontoria pandent:
Dum Sandvicha tui Doverumque æterna laboris
Testis erit, cladisque sua vicina videbit
Dedecores Duynkerka sinus: dum miles Iberus
Reliquias cernet Batavum atque immitis Achillei,
Dum sua Cantabrice flectent hæc vela carina,
Sera triumphato plaudet tibi Fama Philippo.*

I N N V P T I A S

Illustrissimi Principis,

ENNONIS LODOVICI,

Chaucorum, sive Frisiae Orientalis Comi-
tis, &c. Cum Celsissima Principe

HENRIETTA CATHARINA,

Celsissimi Auranfionensium
Principis filia.

Miscuerat nuper thalamos & federa regnans
Albion, & Regum purpura nupta Duci est.
Fixerat in tenera Auriacus tunc basia Nymphæ.
Basia, sed vires mox habitura suas.
Cum vero puer Idalius prelusit amori,
Et Venus Ascanium noluit esse virum.

O s

Vidimus

Vidimus angusti solum simulachra furoris.

Tot aque amatorum ludicra scena fuit.

Audit hoc Chæci illustris regnator Iulus,

Et simili voluit conditione dari.

Traditur Auriaca. nec se quoque sentit amari.

Et Sponsi titulo parvulus Hector ovat.

Ignecarent tede. vacuus sine compare lectus

Sternitur. ignara vix rubuere gena.

Stat Perseus, nondum phætre metuentus & arcu.

Stat Telamon, sed cui Mars suus arma negat.

Pan gregis est, prætaque requit gaudere capella.

Tiphys, at in nullis carbasa figit aquis.

Iupiter est populique pater, sed fulminis experts.

Cynthius, innocuo quem videt ore Soror.

Stat Castor, nondum fodiens calcaribus armos.

Stat Pollux, lacta nescius ipse sua.

Contiguas habitant terras, h.c Belgica Thisbe,

Pyramus hic, Amasis qui dominatur agris.

Longe sed armorum paries quid amantibus obstat?

Et nimium Sponsis gaudia sera facis?

Inversa est fortuna thori. junguntur amantes.

Nec tamen hos etas jungit iniqua duos.

Plus sociant se regna, Dacum quam corpora. robur

Belga capit, nullum languida Cypris habet.

Ludimus in magnis. At fabula seria rerum est.

Cur? Paphias urget publica causa facies.

Si minor est Cithærea, vigil Prudentia regnis

Prospicit, & Dominos educit Aula sibi.

Quanta Patres Batavi vobis munimina surgunt.

Quanta perat Patria fulcra benigna Paphus.

Sponsas Hesperis nunc objicit hostibus. undis

Edita, vult pelagi demeruisse Deos.

Elocat Auriacus sobolem & dum stemma genusque

Explicat, invisitos Vos Populumque facit.

Quem generum vocat Imperii Dux affecta vestri est.

Ilia communis Sponsa salvis erit.

Non

*Non nubit sibi, sed sociis hac vincula terris
 Consecrat. has uno claudit amatoque thoro.
 Haga diem signa, quo nos defendis amando.
 Sen Tamesi, Iada seu speciosa proco.
 Tuque pater Frederice, tuis annecte triumphis
 Regna, Cupidineæ qua peperere manus.
 Quos hostes virtute domas, connubia terrent.
 In sobole partes nos adamantis obis.
 Castra tuus format miles. quæ nubere possunt
 Filiola, nobis altera castra locant.
 Quæque Duces, cingent Batavos amplexibus ulna.
 Tutaque basioli septa Leonis erunt.
 Iam gaude secura Patrum Respublica, pro qua
 Militat Auriacus, sapè procatur Amor.*

G R A T V L A T I O,

Ad Celsissimum Principem

G V I L I E L M V M,

Arausionens. Principis Filium, &c. Cum cæsis
 aliquot captisque Hispanorum, CANTELMO
 Duce, copiis equestribus pedestribus-
 que, victor ad suos rediret.

P Vgnasti Pellæ puer. nunc noster Achilles
 Pugnat & adversos acer bellator in hostes
 Irruit & teneram crudo Mavorte juventam
 Asperat, Advaticosque adspersit sanguine campos.
 Summa loquar Batavi. Dux nondum egressus
 ephebis

Se stricto gerit ense virum, totasque cohortes
 Pone premit, timidæque fugat prætecta phalanges,
 Et Tarieffiacas animosa pueritia barbâs
 Terret & attonito galeas convellit Ibero.
 Grande rudimentum laudati militis ætas

Prima dedit. frustra jam bellatoris adulta
 Pingitur effigies. nobis nascentis Iuli
 Sufficit ad bellum facies. per tela, per enses
 It gener ingentis Caroli, & regalibus orbi
 Illustris thalamis, jam bellatricibus armis
 Surgit & augusta donat Marvortia nupta
 Præmia, captivosque Duces & signa triumphans
 Ostentat Princeps Maria. Citherea cubili
 Hactenus, optatisque Ducem complexibus istum
 Arcuit & scii suspendit gaudia lecti:
 Sed partes Bellona suas prævertit & hosti
 Objicit intrepidum. felicitis gloria pugna
 Conjugis officium ante venit, Patriæque colendus
 Miles abit, nondum uxori compertus amator.
 Navita, cum tumidi sulcat spatia horrida ponti,
 Et tempestates sapiens moderatur & undas,
 Nascentem secum sobolem surgentibus infert
 Fluctibus & pelagi motus & Tethyos iras
 Ferre docet: nunc Parrhasia nocturna tueri
 Signa plaga, nunc vela vagis obvertere ventis,
 Nunc decima vitare minas roburque procellæ.
 Haud aliter pater Auriacus, cum finibus hostem
 Arcet & Austriacæ fastigia concutit aula,
 Et Morinum pavidis ponit tentoria terris,
 Consortem tantorum operum bellicque laborum
 Ascanium vult esse suum. Ceu parvulus olim
 Ivit Honorides, Hebrum victurus & Istrum,
 Cum genitore comes. juvenisque horrentibus Afris
 Concussit Libyam Stilico, Geticisque triumphis
 Clauit & rigidi turbavit castra Geloni.

Non ultra metuendus Iber, dum junior Hector
 Arma capit. tandem Batavum cunabula Scaldi
 Objicienda reor. veteresque exsurgit in iras
 Alcides puer & jugulos constringet iniqui
 Vesperis & poterit Iuno Castella dolere.

Opprobrium, Cantelmæ, tuis & damna Philippo
 Impro-

Improvisa parās. nuper per rura, per agros
 Ad Vahālim ripasque Mosā cataphracta trahebas
 Agmina & erecti terrebas regna Sicambri.
 Taxandris novus horror eras. timuere Salina,
 Martiaque attonitos excibat fama colonos:
 Nunc reduci Fortuna gravis secura malorum
 Castra premit, magnāq; equitem sub mœnibus urbis
 Occupat & prima victorem luce salutat
 Nassovium; trepidisque infert discrimina castris.
 Nec tua degeneres minuunt praconia dextra.
 Dum cadis, Auriaci dextrā cadis. ille paternis
 Et proavūm claris crescens virtutibus ultor
 Pressa libertatis adest; totque immolat hostes
 Inferias Gradive tibi. qua casside vultum
 Induit imberbem, Hispani delicta furoris
 Castigat, cademque nepos solatur avitam.
 Hæc Brugas nescire tuas, nescire remotam
 Parthenopem expediet, cujus de gente verendum
 Stemma trahis dignisque satius natalibus exis.
 Hæc audi, Francisce Melos, Superosque sinistras
 Continuare vices, debellatæque Theone,
 Post Gallos lætis Batavos successibus omen
 Accipere, & sibi jam Patriæ pugnare parentes,
 Nassoviumque Patrem. Te, ductor Borgia, credas
 Posse capi, Batavūmque ducem non triste parare,
 Servitium, sed dona tibi. non traderis hosti,
 Sed veluti comi captus donaris amico.
 Vinceris officiis pariter belloque. nec armis
 Auriaco superasse satis. laus summa triumphī est,
 Cum quis confessos animo sibi subjugat hostes.
 Ipse pater Scaldis tantæ dum nuncia cladis
 Audiit infamemque fugam, gemitusque metusque
 Andoverpa tuos, visasque è turribus altis
 Commissas pignantū acies, aususque tenelli
 Principis & cautæ illecebras fraudesque juvena,
 Creditur hæc vatum præsaga voce locutus:

Parte mei languens doleo, pars altera gaudet.
 Quaque per Advaticas labor mœstissimus urbes,
 Fata queror. quâ Mattiacis permiscor undis,
 Difficiles absolvo Deos. Brabantia quanti
 Nunc splendoris egēs, postquam se Spinola curis
 Exolvit, pro Rēge, tuis. hinc omnia retrō
 In pejus ruere & patriæ sublapsa referri
 Visa salus, erepta truci bellaciā Tungro
 Oppida, & infessi nocituris genibus amnes,
 Expulsique patres odius, contempta tuorum
 Nobilitas, procerumque fides, subducta Philippo
 Atrebatum, caesa Gallo victore cohortes.
 Et nunc castra Neoptolemus, peditumque equitumq;
 Signa fugat, densisque meos circumvenit alis
 Belliger, & summis audax lanugo pudorem
 Incutit heroum titulis, pacemque cruentus
 Imperat, & grandes militur tyro tumultus.

At qua Mattiacus concordibus abdor in undis,
 Et me pacato Ziviza adspectat oculo,
 Inceptis, Guilhelme, tuis, pulchrisque benignus
 Erigor auspiciis. fortunatissime Princeps,
 Digne Britannorum thalamis Regumque cubili,
 Adspice latantes populos. spes quilibet audet
 Ulterius proferre suas. ut prima fuere,
 Exoptant ventura tibi. Victoria praeceps
 Pompejos, Dux celsae, refert. his vicit in armis,
 Et formidatis felix Octavius armis
 Ivit in imperium magnum. Quam tolleris altē
 Exemplis, quoties subeant laudata Renati
 Nomina & Otthonum generosa vocabula subdunt
 Virtutum stimulos, quique Engelbertus in hostem
 Acer iit; Flandroque gravis Galloque potenti,
 Casare sub magno, incubuit. si fera revolvās,
 Inter avos patruosque, & Martis fulmina, centum
 Nassorios miles graderis. ne cede priorum
 Laudibus, & te animo repetentem gesta tuorum,

Exciet aternis Genitor, Guilielme, trophais.

Illa senex cecinit Scaldis, merfusque sub alveo
Najadas augustis hac ipsa intexere stratis
Iussit & Auriaca formam depingere pugna.
Vidimus admissi vates & fecimus ipsi.

Cernere erat roseis Auroram surgere bigis,
Et celere tardare diem. perfusa tenebris
Lux exilis erat; cæcique per avia gressus
Captabant fraudi latebras. fugientia cernas
Agmina capripedis Fauni, pavidasque timori.
Querere secessum Dryades. hic collibus altis
Spectat eques versatque sui discrimina coepti.
Hic abdunt silva peditem. sua lumina Phœbe
Frangit & armatas abscondit conscia turmas.
Parte alia ad versis crudescunt prælia signis,
Et pugnant glomerata acies. huic dextera telum
Ingerit in nexum galeæ. hic thorace sub imo
Molle latus ratione ferit. ruit alter & ictus
Mordet humum. pingi videas, ubi tela caballos
Sessoresque suos sternunt; ubi pondere lapsi
Corporis arma labant, contractique ensibus enses.
Et galeis dejectus apex. ubi missus opacis
Saltibus incautos pedes occupet. hic sua ductor
Hispanus vexilla levat, gentemque minacem
Objicit Auriaco. qui denso milite cinctus
It ducibus Dux ipse comes. de casside crista
Luxurians tricolor nostri prosperrima fati
Signa quatit. veteres, Mavortia carmina, cantus
Elingues recitant luui. pars sanguine fuso
Tingitur & post fata rubet. pars pallet & excors
Semi animis cadit. illa fugam meditatur, & horrens
Exemplo tot signa trahit. circumvenit illos
Pars melior nostri, damnataque corpora ferro,
Aut captiva luxant. alibi, cessantibus armis,
Latior Auriacus spoliis insignis opimis,
Ad sua castra redit victor, Patrique suisque

Osten-

*Ostendit captas duro Marvorte cohortes,
Hesperiosque duces. non longè Antverpia stabat,
Nutantesque metu tollebat in aëra turres.
Hoc metuens, ne quas Gallorum corpora portas,
Civis fusa manu, quondam clausere, suorum
Exuviis propriaque infames strage paterent.*

*Hoc donum, Guilielme, tibi tot numina Scaldis
Vnanimesque ferunt Diva. per singula Princeps
Duc oculos. Vatisque tui si carmina seri
Absument rodentque dies, monumenta Deorum
Non peritura cape. & quam non abolere vetustas,
Non poterit fati rabies, non livor & ira,
Adspice pralustrem, Cantelmo iudice, pugnam.*

LAVRVS FLANDRICA.

*Sive in expugnationem validissimi Flandriæ
Propugnaculi, quod Cataractam (vulgò
Sassam) Gandavensem vocant, auspiciis Po-
tentissimorum Federati Belgii Ordinum
ductu armisque Celsissimi Principis*

F R E D E R I C I H E N R I C I,

*Arausionensium Principis, Comitis
Nassaviæ, &c.*

P O E M A T I O N.

F*Rederice, cunctis seculis celebrandum
Terrisque nomen, sospitator afflicti
Cum Patre Belgi, Fratris adstes invicti,
Inter sarissas nate & arma, crebraque
Cades tuorum; quem Battava Libertas
Tot praliantem laureis coronavit,
Toties quadrigis vexit & triumphantem
Vox una mille civium salutavit;*

Me teste, Salus conscius tua fama est.
 Me teste, Sylvam subruis per accessus
 Homini negatos & ligonibus subdis
 Castella fossor. militans tibi noctes,
 Vesaliamque bellicosque Traiectus
 Mosæ, labori subicis Camœnarum.
 Me teste, Breda, dos avita majorum,
 Non fraudulentæ puppe, non fame dura,
 Sed Marte aperto victa cessit audaci.
 Te per profundos cœruli maris fluctus
 Fui secutus, classibusque permixtus
 Submersi Iberas victor. adstiti vates,
 Cum per Matancæ littus auream Cuba
 Vomeret saburram, & creditum fuit terris,
 In Occidente posse Colchidem vinci.
 Sic parte mundi qualibet trophæorum
 Monumenta Fama gloriaque suspendi,
 Hastasque & enses cassidesque victrices
 Classes ratesque nuncupavimus Phœbo.
 Iam, Flandre, restas, tuque terra florentis
 Ocelle Belgæ, quam suis secat Scaldis
 Bellator undis, Ganda grandis illustrat,
 Quondam tuorum Ganda Principum sedes,
 Brugæ celebrem reddidere mercatores,
 Formidolosus Principis sui carcer.
 Antiqua Morinûm regna, stamus in vestra
 Tellure Battavi, stamus ensibus strictis,
 Stamus cruenti, quamque non queunt vota
 Placare nobis & sororians nomen,
 Et illa quondam in Cantabros fides concors,
 Vi Federati Martis imus invasum.
 Trophæa Regis purpuræque Francorum
 Cient volentes, Liliisque succedit
 Furor Leonum sanguinisque Iberorum
 Potator avidus Belgæ. Scilicet famâ
 Audi vit arma Gastonis, tot Heroum,

Quos

Quos bellicosi Martis ardor exciuit,
 Tumultuantis grande fulmen Europa,
 Et militantis clara nomen i orchestra.
 Patuere nuper Brisacensium porta,
 Rhemique fractum robur. Atrebas supplex,
 Rupeſque frustra se tuentis Heſdini,
 Et illa, Fama cymbalum, alta Perpenna,
 Ceſſere Gallo. Tuque viſta poſtremum
 Grevelinga, dextrum Flandria latus nudas,
 Novaque ſceptris pandis aream laudis.

Lodovice ſequimur, & velut laceſſiti
 Armis tuorum, tollimus facem belli,
 Latusque fortes incubamus in leuam;
 Morinumque caſtris mutuis fatigamus.

Iacet in reſſu flexibusque terrarum
 Cataracta Ganda, Civitatis aſſertrix,
 Tutela gentis Vvaſiaque telluris,
 Furentis in nos limen acre Bellona.
 Hinc fluctus illam Nerëusque praeſcingit.
 Hinc Veſta ſoſſis arcibusque praeſmunit.
 Inviſta vallis, moenibus minax celſis,
 Pulchrum recentis Principis rudimentum,
 Patriſque ludus Martius ſenectutis.
 Hac fracta noſtro paret Imperatori,
 Docuitque vinci poſſe, quicquid inviſtum eſt.
 Oppoſta dextra dextra, militi miles,
 Et aggeri agger, cornibus ſuum cornu,
 Latebra latebris, horrido tribunali
 Aliud tribunal, flebilique baliſta
 Baliſta, crebro fulmini obvium fulmen,
 Glandesque dira glandibus, duci ductor.
 Hic dimicatum eſt, Phœbe, lucibus totis.
 Hic dimicatum eſt noctibus tuis, Phœbe.
 Arena arenis, gleba reſtitit glebis.
 Ligo ligones, haſta truſit haſtatos,
 Vltorque in enſes enſis ivit adverſos.

Non hic pepercit fabricator armorum
 Vulcanus igni, non tonitruis Brontes.
 Vomuit Pyracmon nitra, sulphur & flammæ,
 Fumæque fumum involvit & jubar Solis
 Furatus orbi est. adstuit serox Clotho
 Fossis in ipsis, syllabosque conscripsit
 Tot savienti ab hoste vulneratorum,
 Tot gloriosa morte funeratorum.
 Pluto penates subruî tenebrarum
 Vt sensit, ipsis Inferis novum terras
 Parare bellum credidit. flagellorum
 Intendit istius trux Megæra fossori.
 Cresque morsus Cerberus minabatur,
 Latratibusque cæca regna concivit.
 Mirata Tethys hic suas aquas sisti,
 Illic refundi, ludus, inquit, humana
 Licentiæ sum facta, nec mei compos.
 Qui subdit urbes Dux, coercet invitæ,
 Et subdit aquor, arbiter mei regni,
 Partesque nostri Belgæ juris usurpat.
 Quid attinet, tot di vidi Deos inter
 Imperia mundi? miles ista confundit
 Fredericus, & jam sævit in domos Veste,
 Nunc fluctibus dat jura & imperat nobis.
 Tonantis aula, quæ per ætheris tractus
 Tonat, vagisque nubibus faces torquet,
 Clamavit, hæc miracula posse mortales,
 Aliisque rursus se videre Typhonas,
 Tityos renasci Cæsaresque Tarpeios,
 Salmonæosque fulminare sub cælis.
 Vis juvit artem, industriamque spes laudum,
 Et fata pedibus pressit ambitus lucri.
 Hic in paludes, in profunda terrarum,
 In regna Ditis, inter imbrium lapsus,
 Inter cadentum corpora & neces mille,
 Traxit salutis prodigam suæ turbam.

Paciscitur mors ipsa cum laborante,
 Et are redimii corpus & manus parvo.
 Commune pactum est, plurimumque mercedes
 Aufert uerstes, & quibus furor belli
 Pepercit & sors ipsa, duplicant sortem.
 Ibant cohortes rarius reversura.
 Quos vidit Eos, abstulit ruens Vesper.
 Quos Vesper, Eos prima vidit extinguit.
 Iam basulans cadaver, ipse effertur.
 Feriens feritur, ictibusque concurrunt
 Ictus utrinque. quisque labitur cæco
 Autore facti. magna pars cadit gratis,
 Abitque inulta. praeliatur Euclides,
 Et arte pugnat, angulisque vallorum
 Infert labores, & latus carvet pandum,
 Ne machinis fatalibus suos mactet.
 Ad lineas pugnatur, inque transversas
 Turni feruntur. hic Phrygem necat Graius,
 Iber Sicambrum, nunc Sicamber Hispanum,
 Flandrum cruentus Celta, Nervium Celta.
 Quos Principum non una causa distinguit,
 Confundit unâ mors ferociens glebâ.
 Metimur arctis passibus vias lethi,
 Et queis honori, adrepimus simul morti.
 Libitina nomen saepe mutat heredum,
 Ducumque titulos, postulata vivorum.
 Iam factus hares, ilicet fit exhæres.
 Iam Dux creatus signiferque, non est Dux,
 Aquilasque eadem qua manu capit, ponit.
 Semiruta vidit hospes arcium tecta,
 Minasque grandes, fabricasque pendentes
 Fastigiorum, machinisque subversa
 Tot cæpta rerum, vineasque pontesque
 Arundinesque, fulcra molis humana.
 Talis ruentis Ilîi fuit vultus,
 Et Pergamorum, turribus fatigatis,

Tales Platæa, porticusque Didonis,
 Arces Corinthi, verticesque Pyrei,
 Numantiæque scena jam fatifcentis.
 Quò vis furorque gloriæ Duces raptas !
 Et sueta nil timere pectora Heroum !
 Se quisque primum devovere vult fatis,
 Aliisque crudæ præripit vicem pugna.
 Hæc imperantis gratia est, in adversos
 Tumulos & hostes & pericla præmitti.
 Pugnasse vile est ; majus, immori ferro.
 Nec mors honori est, sola per placet præceps,
 Horisque prævenisse fata, quanti vis.
 Tanti est, loquentis ore posse laudari,
 Et otium superstitum fefellisse
 Sermone nostri, laudibusque, quas nescis.
 Nec castra solum trivitt hosticus miles,
 Pugnatum Olympo est, Æolisque nimbisque.
 Nocuere menses. ipsa Aquærio Libra
 Surripuit Vrnæ, & imbribus procellisque
 Castella, fossas, militemque inundavit.
 Calcata pedibus unda, & in viis turmæ
 Vigiles natarunt, ordinesque bellantes
 Se semimerfos obtulere Mævorti.
 Maduere fessa corpora, & suos usus
 Sclopeta nesciere, & ignium fraudes,
 Lapsæque ab alto lachrymabiles moles,
 Multaque grassans clade barbarum pondus.
 Spectabat excors Dux Iberus obsessos,
 Fluviique custos pravus & suæ gentis,
 Inusitados stupuit impetus Belga,
 Morasque nullas improbosque conatus.
 Et consili expers, quos severus obsessor
 Et fata damnant, liberare desperat.
 Sic victa nondum, exuta mœnibus nondum,
 Custode querulo Sassa dedita est nobis,
 Decusque raptum Flandriæ gemiscenti.

Quæ fixa vultu, totque cladibus incens,
 Et Sequana victoris agra fulgore,
 Iam fata Regis undequaque concussi:
 Nunc invidorum studia scæva rectorum
 Opesque fractas; jam reciprocam sceptris
 Sortem vicesque; jam petenda longinquis
 Consilia terris, impotenter incusat,
 Damniue causas vellet esse solamen.

At lata lauros Federata Majestas,
 Implicuit altis frontibus triumphantum,
 Patrisque Filiique. Principum currus
 Traxere ovantes, vindicata Libertas,
 Constantiæque robur & vigil Cura,
 Fidesque tot sororibus sacrosancta.
 Sic Scipionum, Patris & simul Fili,
 Patuere turba tot Quirittum, vultus.
 Cum Filii pro patre dextra pugnaret.
 Pro Filio se sisteret pater miles.
 Qui meris undis belliger Leo surgit,
 Gavisus undis altius jubar tollit.
 Et ungue eodem, quo tenet Philippinas,
 Sisyamque & agris imminens Isendicum,
 Has prendit Arces. Nerei domus prisca,
 Mattiaca tellus, vota nuncupat Divæ
 Securitati. Fama distulit veri
 Portenta latè, & omne litus implevit,
 Quo Celta, quo Britannus, & querens Cimber,
 Et Suecus acer Cantaberque depugnant.
 Sed VVasiorum rura fertiles glebis,
 Messesque opimas, & tributa victori
 Duci obtulere. maximus Gigantæam
 Invasit urbem terror, & mea dulces
 Patriæ recessus. Ganda, qui tuus civis,
 Iam nunc procaces pavidus exiit linguas.
 Si nos sefellit sæpius labor tantus,
 Peracta res est. Ecce, transiit vestri

*Rubiconis amnem Dux Batavus & latum
 Portendit omen. Tu celebrior gaude hoc
 Tutore Flander, fratribusque in insuete
 Adsuesce nobis, Cantabrisque desuesce.
 Agnosce socios. sat litavimus duri
 Regis furori, victimisque nostrorum
 Domini ferocis expiata vindicta est.
 Veni vacate, nec meis refragare
 Dilecte votis. prima gloria est victi,
 Se nosse victum. consilium sibi caute,
 Armis minores; nec suprema conari,
 Fas est timentem. lege transigi tutum,
 Crudele ferro. multa victor indulget
 Nondum subactis. Pacis offero dextram,
 Bellumve. quod vis, elige. hoc caput rerum est.*

MAVRITIVS REDVX,

*Sive Gratulatio ad Excellentissimum
 & Illustrissimum Comitem,*

I. MAVRITIVM,

*Comitem Nassaviæ, Cattimeliboci ac Dietziæ,
 Bilsteinii Dominum, Brasiliæ Terra Mari-
 que Præfectum, &c. Cum ex Orbe A-
 mericano in Europæum sospes
 appulisset.*

NAssovius trans aquor adest, reducemq; salutat
 Belga Ducem. nondum Phœbo fervente perustus
 Se prisco candore probat, patriique coloris
 Et juxta veteris servat vestigia recti.

*Iverat Occiduum missus bellator in Orbem,
 Et terras, Sol fesse, tuas. non visa ruenti
 In laudes Europa satis, famæque suorum
 Pars mundi concussa prior. quærendus in orbe
 Barbarico fuit hostis Iber, vincique sub ipso*

Vespe-

Vespere regnatorem Asia dominosque Philippos,
 Dis visum Superis. hic opportuna trophæas
 Ingens se tellus aperit, diffusaque vastis
 Regna plagis nudisque truces cultoribus agri.
 Hic alios hominum mores miramur & urbes,
 Corporaque humanis foede distenta medullis,
 Infamesque dapes & qualia fercula fratri
 Coxit & immanes Atreus detrusit in artus.
 Hac belli laus summa vivis, in viscera victos
 Condere & in viscos discerpere dentibus hostes,
 Ne toti noceant, vel ab ipsa morte resurgant.
 Hic alium Castella olim conspexit Olympum,
 Dissimilesque faces. oculis disparuit Arctos,
 Et ferus Alcides. nusquam sua signa Bootes
 Sustulit aut strictum Perseus se torfit in ensen.
 Phyllyriden stupuit, quique altius exit in Austrum
 Indus & ara Deum. geminis solamen ab umbris
 Terra capit, quas nunc dextras, nunc ire sinistras
 Adspicit. hybernis quoties nos noctibus acre
 Calcamus sine Sole gelu, Titania lampas
 Æstuat & fuscas exurit fervida frontes.
 Non illic ripa Vahalis Rhenique bicornis
 Ambulat, aut Ligerim Scythicumq; adspectat Ara-
 Incola. Amazonia generosa vocabula gentis (xem
 Indunt nomen aquis, & qui per rura Maragnon
 Longa ruit nitidasque argenteus evomit undas
 Plata patens. vix obliquis se sidera condunt
 Flexibus & parvo distant discrimine luces.

Non his, vasta licet, Romana potentia terris
 Intulit audaces aquilas. non cepit Olindam
 Gracia. non illis allatus psittacus oris (bas,
 Reddidit aut Spartam aut Cadmi fundamina The-
 Aut te Miliade, aut tua victor nomina, Thefeu.
 Hesperie sors ista fuit, servataque Bati
 Gloria rectorique Tagi. se barbarus illi
 Tradidit & serò dominis adsuevit Iberis.

Nos etiam, quorum virtus Mavortia nescit
 Stare loco, Plusque, exemplis regalibus, Ultra
 Vadit & ingentem grandis fiducia Tethyn
 Trajicit, infernas mox perruptura paludes,
 Ivimus, & lauros illis suspendimus oris.
 Sic fruimur raptis, & quæ quondam regna fuere
 Capta Tago, nostris spoliis cessere Batavis.
 Mansuetas hinc Belgæ domos & mitia tecta
 Possidet. Auriacis titulis expungimus Indos,
 Hispanosque duces. longe migramus & ipsi
 Oceano inducit peregrinos Belgica cives,
 Ædificatque foris. mutat cum gente colonus
 Sidera, in auriferas diffundit nuntia valles,
 Ipsaque pallentis penetrantia concutit auri,
 Et terret secreta Erebi. sua sacchara nostras
 Latatur tractare manus dulcissima tellus;
 Mattiacosque illic & respirare Sicambros;
 Sævus ubi crudis habitator vixit ab extis,
 Horrendæque artus hominum secuire secures.

Maxime Dux, hæc terra tuis servata triumphis,
 Imperiisque fuit. dudum sub Principe Celso
 Miles eras, nostrique adpersus pulvere belli.
 Publica magnanimis juvisti commoda cæptis,
 Cum validam Tartessiacis è faucibus Arcem
 Eriperes, Rhenique domos & claustra Batavis
 Affereres, vestra facinus memorabile dextra.
 Tunc latus immensum mundi, quod nesciit ævum
 Omne, tibi in meriti precium spatiumque futuri
 Cessit, & intrepidi successor magne Columbi,
 Vespucii sectatus iter, cum Sole stetisti.
 Hic sibi Natura longissima linea metam
 Fixit. anhelantes isto sub cardine Phœbi
 Adspectamus equos. nec latius exit honorum
 Regnorumque fames & vis peregrina sciendi.
 Constitit extremis in Gadibus illa potentis
 Alcmena soboles & finire Columnæ

Imperium. Latius etiam rectoribus olim
 Ultima suffecit Thule. Tibi trans mare magnum,
 Atlantisque vagos fluctus & Nerea vastum
 Surrexere novæ gentes, dominumque ducemque
 Agnovere truces populi. sua Numina cuncti
 Devovere tibi, & nudati membra lacertos
 Exeruerè tuis iussis, & tela pharetris
 Depromsere suis. pluma luserè per armos,
 Et picturato gratati corpore, vobis
 „ Iuravere fidem. nec enim gens nescia iusti est,
 „ Ipsaque barbaries aliquid præsentit honesti.
 „ Natura se lege probant, inscriptaque menti
 „ Cœlitus officii versant distamina, quam vis
 „ Obruta se condant multa caligine virtus.
 Quot circum regnis, tot linguis cultus abisti,
 Nec dispar morum ratio discrevit amorem
 Obsequiumque tui. te suspexere feroces
 Indomitisque animis turba & mitescere sub te
 Effera vis potuit faciliq; adsuescere vitæ.
 Excussa manibus clava, & lethalibus arma
 Cotibus & rigidi damnato in corpore funes.
 „ Sic natum malè, mansueta sub lege renasci
 „ Posse hominem, jam certa fides. per strata viarum
 Ambulat, & nostro sub sidere barbarus exit,
 Et priscum discit velatus membra pudorem.
 Eheu, quanta viris feritas & nescia luxus
 Vita rudis, quales agresti lumine vultus,
 Quam pertusa genas facies, quam mollia flexu
 Brachia, præcipitique per avia pulsat humum pes
 Turbine, seu celeris sequitur vestigia cervi,
 Seu mediis velox leporem sectatur in agris.
 Quam gnari torquent jaculum, doctique ferire
 Obvia, non vanis prosternunt ictibus hostem.
 Hoc memini. Batavo solventem è littore cunctos
 Contra te maris esse Deos, Zephyrosque Notosque
 Disjecisse rates, irataque numina sorti

Invidisse

*Invidisse tua. quid enim? tunc altera Iuno
 In Belgas inimica stetit. te Iuppiter ire
 Æneæ fato voluit, perque aspera rerum
 Per cæsus pelagi varios, longinqua tueri
 Littora & in terris aliis Latioque reponi,
 Arcton in Occasum portare deosque penates.
 Alter eras tum Scipiades, qui subruit Afrum,
 Trans mare. nec fuit hæc solius gloria Pœni:
 Tu nobis Hanno victuris classibus orbes
 Accessisse novos ausus, glebisque focisque
 In patriis hæsisse, duci plus vile putasti.
 Eudoxo deserta Pharos Memphisque superba
 Et contempta fuit Lathyri domus hospita regis.
 Scandit Erythraeum pelagus, ratibusque profundum
 Emensus, tandem Hesperius stetit exul in oris.
 Hæc Niciæ fortuna fuit, Crasique Canones
 Per fluctus abiere foras. fors ista Lysandrum
 „ Extulit & Roma dominos. virtutè probantur
 „ Et pelago grandes animæ. discrimina fortes
 „ Nos faciunt, nec parva timet, cui spernitur aquor.
 Sed veluti saluus, post mille pericula, tandem
 Constitit ad Tiberim Ductor Trojanus, & aquos
 Expertus sensit Superos, stas littore sospes,
 Brasiliaque domos jamque hospita saxa subisti,
 Vallatamque urbem scopulis, habitataque nuper
 Hispanis loca, & illustris fastigia regni.*

*Victor in adventus. primusque à Principe vinci
 Se doluit Baniola ferox. fugere phalanges,
 Et Calvi sua cesserunt araria Portus.
 Fortunatè Comes, memorandi nominis hæres,
 Hæc Tropici videre geri. quæ fascia Phœbo
 Hic illic desinit iter, tua facta sub isdem
 Limitibus claudi voluit, Cancroque Caproque
 Hoc belli finivit opus. cum victa Peneda est,
 Creditur ipse tibi Chiron acuisse sagittas,
 Et iurisse Ducem. scutum porrexit Orion,*

Indigetes toto cum littore pelleret audax
 Dexterâ, & antiquis se maxima Pernambucum
 Fascibus exueret, tanto securâ magistro.
 Nec visum sâvire tibi. clementia gentis
 Dos æterna tua est. cunctis spes certa salutis
 Ex æquo vitæque datur, placidisque vagantes
 Legibus atque ipsum in vitas placatus Iberum.
 Nec satis hoc. munis urbem terraque marique,
 Præcludisque aditus hosti, dum nubibus imbres
 Nimborum extundit pater, accessusque viarum
 Laxat & angusto salunt in gramine Fauni.
 Vix firmata tuis fuerat Respublica curis,
 Accepitque suas regio placidissima leges;
 Mittis in oppositum bellacia classica Nigrim,
 Et latè fulvis conspersum littus arenis.
 Æthiopum statio est, quales Acheronte sub imo
 Degeneres vadunt Genii. jacet edita vallis
 Mina potens, dudum Austriacis infessa Philippis,
 Vnica mercantis tremor & formido Batavi.
 Cepisti atque tuis accessit clara trophæis.
 Deerat adhuc rostratus honor, domitisque coronæ
 Classibus, extremis cum te pars hostica fatis
 Et vicina suis terrent moenia transtris,
 Sanctorumque chorus. tu per spatiosa vagantes
 Æquora, fatalesque minas & bella ferentes
 Mersisti & multo damnasti funere fortes
 Baticolas, fastumque Tagi. risere serena
 Nereides, favitque tibi mare, sidera, venit.
 Qua sibi suppositas ferit ardens linea gentes,
 Immensamque secat spatiis equalibus æthram,
 Terra jacet, totoque natat circumflua ponto.
 Morborum succique ferax rorisque beati,
 Quem canna dulces generant. Sic arca laudum
 Panditur, hac vestras tellus admisit habenas,
 Et dis Angolæ cultor, sparsique per oras
 Oceani nigri indigenæ, candensque ministrat

Hic ebur, hic fulvum mercanti porrigit aurum,
 Venalesque animas precio transcribit iniquo.
 „ Cur bona libertas homini subduceris? & cur
 „ Vis servum natura pati? coelestis imago est,
 „ Quisquis homo est, natusque sibi vim respuit in-
 „ Mortales aquis generamur legibus omnes, (sons.
 „ Iure pari, mox dissimiles injuria fecit,
 „ Et belli furor & rabies insana nocendi.
 Pacificos etiam fluctus Chilenque remotam
 Auspiciis tetigere tuis gens nostra, viæque
 Ignota patuere maris, compendia ponti,
 Quæsitumque fuit, quod non invenimus, aurum.
 Magne Comes, stitit una tuos pax obviam cursus,
 Et Lusitanis veniens Concordia terris,
 Suspendit Mavortis opus; fræneasque tubasque
 Et bellatrices passim compefcuit iras,
 Ipsaque paciferam Bellona ostendit olivam.
 Non moriture Ducum, præsci venerabile germen
 Sanguinis, ignotum nobis jam note per Orbem,
 Ad Batavos veteremque redi, fortissime, mundum.
 Non effæta tua laudis mea Belgica, causas,
 Quæis merearis, habet. restant præclara laborum
 Argumenta domi. pandit tibi Flandria laxos
 Mox vincenda sinus. hic nondum fecimus armis
 Otia. fervet amor belli, paribusque Philippi
 Regna fatigamus studiis. Tu barbara sperne
 Verba, Magajates, & qui sibi lurida formant
 Tela, Tabajarres, & pictos membra Tapujas,
 Patagones, & Canibales, pastumque cruore
 Humano deforme genus; duosque Caëtas
 Tupiguas & Amixocoros servosque Piryvos,
 Et Tupinaquorum populos. dedisce parumper
 Ista loqui, Germane, & vocibus utere nostris.
 Et Batavos Frisiosque sona, mitemque Sicambrum,
 Mattiacos Morinosque & quos sovet Isala cives.
 Fulminat in Morinis cognati sanguinis Heros,

*Auriacus, sternitque viam, qua possit adiri
Ganda vel angustis Antuerpia digna triumphis.
Adsis, magnanimoque humeros suppone labori.*

*Vosque adeo, Patria Patres, quibus inclita belli
Gloria surgit ab Occasu, tot Vespere in ipso
Emeruit celebres vigilans industria lauros,
Hesperiaque accidit opes; defendite magnis
Cœpta animis, Siculumque istis avertite Regem
Finibus, auriferamque Peru Cuscumque Quitumq;
Et pulchros longè Potosi convellite montes.
Hac finem bellis regio dabit. illa potentis
Imperii suffulcit opes & roborat tellus.
Obruite hunc orbis dominum, quo pugnat Iberus,
Orbe alio. geminos in se committite mundos,
Et caput Hispanum Occiduis demergite terris,
Vt Phœbo labente labet. qui viribus in nos
Accrescit gliscitque novis, hinc pabula Marti
Sufficit, & strictos aeternum nutrit in enses.
Mercedem pugnis subducite. vadat Iäson
Alter & in claros deducat carbasia portus,
In Belum Panamamque & diem invadite fortes
Colchida, & effossis Indum spoliare metallis.
Ite Patres, monstrabo viam per Amazonis undas.
Hoc duce, Perruvio toti fulgebitis auro.*

In Grollam à Principe
FREDERICO HENRICO
obsessam & victam.

Qua toties de me meruit fortuna triumphum,
Hoc iterum spectat castra Batava loco.
Materies sum clara Ducum; laudumque palastra
Austriacos inter luctor & Auriacos.
Et simul impatiens pacis, dominique prioris,
Vt vincar vincor; munior, ut peream.

Quid,

*Quid, Frederice, truces immittis turribus ignes,
Sulphureisque quatis moenia nostra globis?
Do tibi victa manus. nobis si infamia vinci est,
Auspicium famæ Grolla futura tux est.*

In aduentum Principis
FREDERICI HENRICI

sub vesperam, post superatam
Grollam.

Dum nova Battavico tibi parata est laurea bello,
Excipit & reducem patriâ lata Ducem,
Vesper erat, Phœbusque suos jam meraserat ignes,
Æthereæque polo delituerunt faces.
Phosphorus indoluit tantis decreta triumphis
Publica subiecta gaudia nube tegi:
Ipsaque tum tenero succrescens Cynthia cornu,
Optabat fratris lumine posse frui.
Tota tamen festis collucet compita flammis,
Quemque negat cœlum, dat tibi Belga diem.
Fac etiam nullo tenebras splendore fugari;
Sat Batavis noctes, Te veniente, micant.

De eodem PRINCIPLE ad ISALAM.

Isala, qui magno debes tua flumina Druso,
Isala, Romani grande laboris opus;
Redde Ducem Batavis, cuius victricibus armis
Tutus inoffensis exspatiaris agris.
Vtraque securis calcatur ripa colonis,
Et procul à patriâ finibus hæret Iber.
Quem tibi pugnantem socii concedimus, illo
Pacato liceat jam modo posse frui.

EPISTOLA AMELIÆ

Ad

FREDERICVM HENRICVM,

maritum, audacius sub ipsis, SYLVÆ-DV-
CIS incenibus militantem.

S I vacat, & nullus circum tentoria miles
 Inflat Arausiæ classica rauca sonis :
 Nec medios inter cuneos fossasque globosque
 Effertus, & multa cade cruentus ovas :
 Has lege sollicita, mihi fas ita scribere, voces
 Conjugis, Amelia tristia verba tua.
 Arma, jube, sileant. nec, dum tibi nostra leguntur,
 Verberet obsessas machina sæva domos.
 Ipsa, puerque tuus, blandissima nomina, pugna
 Fortè brevem poterunt promeruisse moram.
 Hac ego dum scribo, tabulis dum littera currit,
 Vaguit ad vocem parvæ Loysa manum.
 Auriacusque, tua recubans in parte cubilis,
 Invocat, absentem quem videt esse, patrem.
 Et nunc ille meis, nunc hærens illa lacertis,
 Multa ferunt matri basia, nulla tibi.
 Aspice, quam primâ numeras distare secundam,
 Linea stat fœdâ commaculata notâ.
 Hic mihi scribenti subito puer impete trahit
 Audacis tremulam patris amore manum.
 Quas tamen adspersas tabulæ circumspicias undas,
 Flumina sunt oculis præcipitata meis.
 His tibi, magne Ducum, lacrymis, hoc rore litamus,
 Hæc sunt militiæ præmia missa tua.
 Segnior his forsan medios aspersus in hostes
 Ibis, & impavidum negliget armacaput.
 Quid Frederice ruis ? jam te per tela, per enses

Audio

Audio vicino mœnibus ire gradu.
 Totque inter casus, dubiique pericula Martis,
 Hostica nocturno tangere castra pede.
 Si tibi conjugii nomen venerabile, cur me
 Conjuge vis, eheu, posse carere meo?
 Si placet Ameliæ quicquam, si vultus & ora,
 Pallidulam tanto cur facis esse metu?
 Se tibi lata placent facilis responsa marita,
 Cur cupis his ipsis me titubare malis?
 Si mihi vernantis lumenque decorque juventa est,
 Desine sic rugas accelerare meas.
 Squallida jam luces, jam squallida transigo noctes,
 Duraque sum, dum tu dura vir arma geris.
 Non mihi casaries compta est, velut ante solebat,
 Ordinibusque nitet vitta decora suis.
 Non saturata placet Tyrio mihi murice palla,
 Quæque meos decorat fimbria pulchra sinus.
 Omnia negligimus, vestes, famulasque domumque,
 Dumque tui cura est maxima, nulla mei est.
 Conveniunt matres, & , dum tibi militat æther,
 Illustri cupiunt corpora veste tegi.
 Scilicet ingrediar medias securo per urbes,
 Pro patria pernox tu fera bella geras?
 Et mea fulgentes decorabunt tempora gemmae?
 Dum tua bellatrix tempora cassis habet?
 Vel manus ista comam pettet? tua diriget enses?
 Et fracto curis Principe, mollis ero?
 Quin potius belli tristes imitata labores,
 Nolo nimis dispar cultibus esse tibi.
 Incedo discincta, dolens, sine viribus uxor,
 Fortè etiam, tibi dum scribimus, orba viro.
 Nec me divitiæ, nec me decor afficit aula.
 Hoc juvat, Auriaco conjuge posse frui.
 Iam tibi Pene'ope, jam sum, sine conjuge, Phyllis;
 Et, velut Hippolyto Phadra, misella queror.
 Increpat Oenone Paridem lasciva procacem;

Hac mea bellacem pagina mœsta Ducem.
 Exprobrat Hypsipyle Æsonida, Sichæa Troia;
 Longè aliud conjux quod tua damnet, habet.
 Flebilis absentem Hermionè deponit Orestem;
 Hoc quoque, sed prohibent invida bella, velim.
 Obsecrat & repetit multis Ariadna querelis
 Thèsea; te peterem, ni magnis arma petas.
 Una tot è Danaïs conjux miserata maritum est;
 Tu, Frederice, tibi parce, miserta mei.
 Tyndaris ista suos Paridem celabat amores.
 Non ego. quid timeam, clamat apertus amor.
 Ut caveat fluctus, Sestos transcribit Abydo.
 Longius abscedas mœnibus, Haga rogat.
 Dum possum suadere tibi, suasse juvabit.
 Dumque licet, cupio consuluisse viro.
 Ut te non possum, possum metuenda videre.
 Sæpè pia voces conjugis omen habent.
 Castra, duces, litui, flamma, certamina, fossa,
 Singula sunt damnis verba tremenda suis.
 Horret, & ingenti trepidat formidine pectus.
 Nec mea sum, cum tu desinis esse tuus.
 Desinis esse tuus, cum Princeps bella capeffis.
 Si titulo gaudes Principis, arma jube.
 Non pugnare Duces, sed sunt dare jussa parati.
 Militis haud partes, imperitantis habes.
 Tota salus patriæ Ducis est, non militis illa est.
 Hic leve, sed pondus grandius alter habet.
 Non unum te tela petunt, mittuntur in omnes;
 Vulnere communi Dux populusque cadunt.
 Vulnere quæ tua sunt, etiam sunt illa Loysa,
 Sunt etiam Ameliæ, Nassovique tui.
 Quod si magnanimas succendit gloria curas,
 Non minor hæc vivi; quàm morientis erit.
 Sunt juvenes bello insignes, & fortibus armis,
 Parent imperio castra Ducesque tuo,
 Audaces aptant gladios ad jussa Britanni,
 Quosque

Quosque suos, Galli, raptat in arma furor.
 Stant coram intrepidi, Mavortia nomina, Scoti,
 Stat coram impavido pectore Belga tuus.
 Sunt etiam toto braccati corpore Rhati,
 Et transalpinis agmina missa jugis.
 Hi tacitos subeant vallos, hi moenibus instent.
 Et formidatis stentque cadantque locis.
 Sæpe Ducem fortuna premit, magis aqua minori;
 Quosque rapit, nulla cum ratione rapit.
 Parce tibi. alterius facilis jactura sepulchri est.
 Rarior Auriaco nomine ductor adest.
 Sufficiant misera tua tot funera gentis,
 Et tot Nassovius Belgica clara rogis.
 Solvimus inferias Regi. sat sanguine in illo
 Hesperii luimus subruta sceptræ soli.
 Te patria superesse tua, sobolique, mihi que
 Convenit, & solos progenuisse Duces.
 Sin exempla movent, domitor Carthaginis alta
 Militis officium noluit esse suum.
 Imperio decus omne stetit. plus militat ille,
 Consilio quisquis provida bella gerit,
 Heclores toties conjux cur obstitit ausis?
 Cum ferus Argolicas perderet igne rates.
 Credidit hoc solo defensam vindice Trojam,
 Credidit hoc uno Pergama stare viro.
 Quam vereor, Princeps, ne, te moriente marito,
 Objiciat casus Laodameia suos.
 Quam velit hoc Vesper, quam regia tota Philippi
 Gaudeat, & nostris rideat una malis.
 Non ego Nassovium, mox ut non esset, amavi,
 Aut viduo peream nupta relicta thoro.
 Speravi thalamos, ut conjux conjugis essem.
 Ne, precor, has partes dissociasse velis.
 Quam male bellantum studiis, sociantur amantum,
 Et pugnax sorti laurea juncta mea est.
 Principis esse velim, non duri militis uxor.

Postremum hoc titulis exime, sospes ero.
 Nunc metus atque aliis haret formido medullis,
 Multaque dum timeo, plurima fingit amor.
 Et forsan meus errat amor, patriæque nocebo
 Femina, mandatis imperiosa meus.
 Nil moror. unius mihi credita cura mariti est.
 Omnia sunt domino damna minora meo.
 Quid mihi privatis urbs expugnanda periculis
 Proderit? & tanto pignore victus Iber?
 Si prosis aliis, uni mihi Sylva nocebis.
 Non Bataurus tanti, totaque Sylva mihi est.
 Vincere te cupio, cupio plus vivere. nolim
 Auriacum Decius, Attiliisque parem.
 Scipiadem potius, potius te Nestora vellem.
 Non mihi Pelides, Priamidesque places.
 Pugnavit Telamone satius, sed suavit Vlysses;
 Premia suadentis sola fuere viri.
 Si furit, & rutilis princeps Gustavus in armis
 Militat, & Daci tergora pone premit:
 Hic Boreæ propior, cæloque animatur & undit
 Acrius, & totum possidet Vrsa Ducem.
 Plus mites Batauri. rigida te longius Arcto,
 Longius immitti fidere Delpha dedit.
 Et tuus imperiis genitor laudatur, & armis.
 Bella sed imperio rexit & arma suo.
 En, tua tuta jacent aliis munimina vallis.
 Hic eques, hic sequitur Martia signa pedes.
 Hic tormenta crepant, illic in viscera terra
 Itur, & infestas exigit alter aquas.
 Hic haret statione alius, procul excubat alter,
 Hic cadit, hic hostem vulnerat, ille fugat.
 Omnia dum fiunt, dum belli cuncta geruntur,
 Sit satis, hoc nutu Principis omne geri.
 Quæ vincunt alii, tua sunt. tu mœnia victor
 Subruis, & tantum conficis autor opus.
 Tu ruis in jugulos absens, tu tota revellis

Flumina, tu iussis stagna lacusque domas.
 Omnia debemus capiti. Tu desine cœcas,
 Hæc lachrymans scribo, duætor inire vias,
 Aut ego, quod solum superest, per tela, per ignes,
 Castra per, & cuneos irrequieta ferar.
 Insequar Auriacum. nec tunc procul ire vetabo.
 Si volet, ipsa inter tela, licebit, eat.
 Tunc moriar, quia sede meus morietur, & hostis
 Munus erit, post te, me feruisse simul.
 Forsan & ex uno geminos succumbere telo,
 Gratiæ fortunæ vel rationis erit.
 Una thori faciès, una est concordia, tandem
 Fata velint unio nos peruisse modo.

In recuperationem Arcis Schenckianæ.

Arx loquitur.

NE tanti vicisse puta mea mœnia fallax
 Cantaber, & geminos detinuisse Deos,
 Hinc Vahalin Rhenumq; patrem. quibus horrida nu-
 Tincta Ducum multo sanguine barba fuit. (per
 Hesperio cessi male custodita Philippo,
 Et mea pars laudis credita culpa tua.
 Iam Bataros fines & spe majora tenebas,
 Et quæ non licuit pergere, visa via est.
 Captivos ut Belgæ Deos absolveret, ipsos
 Victores tellus clausit & unda suos.
 Regnant & proprio detenti carcere pugnant.
 Vnaque sum fama, funeris una domus.
 Quod spatium vivis dederam, morientibus urna est.
 Et tumultus simul & Martis arena fui.
 Dic Scaldi, dic fama Tago: Virtute tueri,
 Quæ potuit casu vincere, nescit Iber.

In receptam violento Marte Bredam.

SVm ludus, Fortuna, tuus, sum Martis arena,
 Et bellatorum clara palestra Ducum.

*Nassovius ter victa meis, ter victa Philippis,
 Tot spoliis belli partibus una fui,
 Cessimus Attidis, cessi non cauta Sinoni,
 Et precium fama iudice grande tuli.
 Nunc porta patuere dolis, nunc occupor armis,
 Nunc viridis, nunc me torrida gleba capit.
 Iam me Belga Tyrum dicit, Ligur esse Saganthum,
 Arma, fames fatis incubuere meis.
 Fingite vincendi formas, qui vincitis urbes,
 Excute Mars ausus ingeniose tuos.
 Cunctis victa modis, posthac invicta super sum.
 Nam pudor est uno bis peris se modo.*

*In Infantem Principem, natum Celsissimo
 Aurasiorum Principi, statim post vi-
 ctam Hispanorum classem.*

D*Um Tibi Cantabrica cedunt, Frederice, carina,
 Et patria partes Trompius acer agit;
 Dum formidat & flagrant in puppibus alni,
 Et miser Arctoïs mergitur Astur aquis:
 Aula parit, gaudesque novo de Principe Princeps,
 Et comes it Marti lata marita suo.
 Parturit Auriacum generosa puerpera. nec se
 Battavia genitrix magna deesse cupit.
 Sic bellatori plaudit Bellona marito.
 Sic favet Amelia Iuno benigna sua.
 Officiis patriam Princeps devincit, & uxor.
 Et momenta Ducum lectus & ensis habet.
 Horret Iber, metuuntque truces utrumque Philippi,
 Iamque Ducem victi, jam timuere Patrem.
 Pugnando superaris Iber. superaris amando,
 Et tumidum frangunt arma thorisque Tagum.
 Mox periere rates. at qui nunc nascitur infans,
 Venturis alter classibus hostis erit.*

In victam Gennapii Arcem.

Gennepa, quæ vallis altè munivis & undis,
 Et geminòs inter stas animosa Deos.
 Quæ Mosa Nirsæque tuas circumdata turres,
 Spernis Araxiæque tela globosque Ducis,
 Qualis anhelantem præfracta Numantia Romam,
 Aut Macetæ sprevit Petra superba minas:
 Iam ruis & fractis Frederico viribus impar,
 Hac etiam gaudes succubuisse manu.
 Quæ mala raptoris nocuisti regia Caci,
 Finitimis circum pestis & hostis agris,
 Iam patria tutela mea est murusque Sicambrum
 Diceris & Vahali conciliata places.
 Austriaco subducta fidem cum Principe mutas,
 Et tibi placati signa Leonis amas.
 Quam bene bella gerit Batauvus, quàm præside cælo
 Fortuna librat fata vicesque sua.
 Post urbes arces capimus. dum summa moramur,
 Hoc etiam laudi est, utiliora capi.

In geminas Belli portas, Æram & Gennepam,
 illam à Rege, hanc ab Austriaco victam.

Gennepa Nassovio, Lodovico vincitur Æra.
 Hoc Regis, magni Principis illud opus.
 Dissimilem duplex habet hac victoria finem.
 Et patitur variis hostis ab hoste malis.
 Ne noceat Batauvum terris, jam Gennepa nostra est.
 Vt Morinum noceat finibus Æra patet.
 En geminas belli portas. quarum altera Gallo,
 Pandit, at Hispanis altera claudit iter.

IN SPECTACULA

Exhibita

AMSTELODAMI

In adventum Serenissimæ Reginæ
 MARIÆ DE MEDICIS,
 Galliarum Reginæ.

In spectaculum Nuptiarum Henrici I V,
 & Mariæ de Medicis.

EN, bellatori nubit Medicea marito.
 Et Princeps Italiam nobile fedus adit.
 Et rutilus juxta fulgens Henricus in armis,
 Hac sibi sceptrorum spem genitrice facit.
 Herculis hic faciem videas, hic Pallada, quorum
 Hac regnis mentem commodat, ille manum.

In spectaculum Berecynthiæ matris Deorum.
 Amstelodamum loquitur.

QValis per Phrygias quondam Berecynthia por-
 Vecta fuit, partu tot celebrata Deum. (tas
 Ingredere auspiciis nostram felicibus Urbem,
 Atque oculos per me fer, Medicea, tuos.
 Quos portus, quæ tecta vides, turresque, ratesque,
 Templaque, fortunæ sunt monumenta mea.
 Per terras fluctusque vagor, sua munera mundus
 Mittit, & hic precio prostat uterque suo.
 Casaream felix, abavo donante, coronam,
 Et decus à vestro sanguine grande tuli.
 Ad Te præteriri redeat nunc gratia facti,
 Et non immemorem, maxima Neptis, habe.
 Sic placui defensa tuo Regina marito,
 Sic nato de Te Rege beata fruor.
 Si majus genuisse Deos, Regesque, Ducesque,
 Iam Matri liceat tot placuisse Deum.

In

In Domum Societatis Indiæ Orientalis.

Fecit iter Fortuna mari, pervenit ad Indos,
 Et procul Eoo fixit in orbe pedem.
 Memnoniæ patuere domus, patuere Moluccæ,
 Regnaque federibus tot sociata novis.
 In thalamos Aurora tuos jam classibus itum est,
 Et Batavos alibi, tectaque nostra vides.
 Non satis est vicisse domi, cum Sole vagamur.
 Et tanto volupe est vincere testa foris.
 Sint vestra merces Indi, sumus horrea Belgæ.
 Quas Oriens fruges parturit, Arctos habet.
 Servat hyems fructus, quos torrida coxerat æstas,
 Et calidum gaudet mandere bruma piper.
 Mittunt thura Arabes, permutant serica Persæ.
 Et spatiosa suas Iava ministrat opes.
 Parthica distentas onerant velamina puppes,
 Poclaque Sinarum carbasa plena vomunt.
 Ostia quot fundit Ganges, tot navigat unus
 Amstela, & externo sub Iove bella gerit.
 Lucra sinus omnes nobis atque aquora pandunt.
 Inveniunt quovis littore lucra viam.
 Hesperio cum Rege solum partimur & undas,
 Et formidati frangimus arma Tagi.
 Qui dubitas, castella, domos, arcesque tuere,
 Atque alio patriam crede sub axe dari.
 Sic aliis aliis populis di venditur orbis,
 Totaque se vendens machina, rursus emit.
 Quæque ferax longe spatiis immanibus Eos
 Colligit, in Batavis continet una Domus.

In Ferculum Orientalium mercium
Reginæ Matri paratum.

Vidit, & insolitas mirata est Regia mensas
 Mater, & Eoas attigit ore dapes.

*Stabant antè oculos messes, quas miserat Indus,
 Quas dederant Persa, quas preciosus Arabs.
 Delibat Medicea suis fragrantia cannis
 Cinnama, & externo fercula missa solo.
 Adspicit Aurora segetem, thus, balsama, myrrham;
 Et spaciis Superùm munera stare suis.
 Hac oculis placuere magis, magis illa palato,
 Gustus, odor partes hic obiere suas.
 Talia non posuit Thetidi convivis Peleus,
 Non epulis istis accubuisse Ioves.
 Non hac adspexit Latium, cum victor ab hoste
 Romulidùm intraret mœnia Caesar ovans.
 Tunc aliquis dixit secum: quæ fercula ΚΟΣΜΟΣ
 Hic parat, hæc CΟΣΜΙ filia grandis edit.*

*In Neptuni, Mercurii, & Virginis Amste-
 lodamensis aquis innatantium*

S C H E M A.

Neptunus ille, quem videtis fluctibus
 Tolle se vera fronte, canis horridum,
 Scævum tridenti, maximi Deum maris,
 Cujus marina monstra currus ducunt,
 Hinc inde lusitante Najadum choro:
 Et ille puppi celsus eminens nepos
 Atlantis, artis arbiter mercantium,
 Fandi peritus, emptor idem & venditor,
 Nunc sortis author optima, nunc pessima,
 Anceps favendi: Quæque Virgo pulchrior
 Vultu decenti flectit obvium genæ:
 Gratantur omnes Galliarum Numini,
 Pronisque votis Principi se devorvent.
 Neptunus offert cœrulas Ponti vias,
 Facilesque fluctus, strata venis aquora,
 Quæ filiorum sceptrâ jus exporrigunt,

Gallus.

*Gallus, Britannus, præpotensque Cantaber.
Tegeaus iste priscus interpretes Deum,
Vrbem Parenti Liliisque consecrat.
At Amstelis virago Neptuno suo,
Cyllenioque nixa, mercatores Deos
Subdit corusca Principi, hanc ipsam Deo.*

I N N V P T I A S

Francisci de Medicis, Magni Etruriæ Du-
cis, & Iohannæ Austriacæ Ferdinandi
Imperatoris Filiæ.

A *Vstriacæ vultus, & te, Francisce, Theatro
Sistimus, & Batavis fœdera prisca damus.
His nati rexere Duces, Mediceæque latè
Lumina coniugiis emicuerere novis.
Hæc inter Maria est, raro quæ munere Divum,
Non nisi per Regum nomina Mater abit.
Hoc demum est peperisse; Orbi donasse tiaras.
Sic sua stant regnis robora, sic thalamis.*

In donationem Coronæ.

A *Amstela, qui latè terris mercaris & undis,
Iamque aliis adfers, jam tibi lucra refers:
Amstela, qui nostri fulsisti pondera belli,
Cum mihi plus uno surgeret hoste labor:
Sen Venetus gravis esse mihi, seu Flandria vellet,
Et Dominum Bruga detinere suum:
Accipe Casaream, regni diadema, Coronam,
Accipe virtutis præmia digna tua.
Hæc fulvos inter radiet spectanda Leones.
Posteritas isto pergat honore frui.
Classibus imperitas pelago. tua, nostra Corona est,
Nostra solo late fulgida, vestra salo.*

In

In Spectacula Orbis Gallici sub Henrico 111
laceri, sub Henrico 1 v restituti.

G Allia dum lacerum bellis civilibus Orbem
Adspicit, & regni vincula rupta sui,
Commissoſque Duces, ad verſoſque enſibus enſes,
Et foſſum Regi proditione latus:
Ingemit excuſſoſ tantis cervicibus axes,
Dimotoſque ſua de ſtatione polos.
Sic afflicta Iovem precibus, Divamque laceſſit
Numina, & ex alto lurida poſcit opem.
Stant juxta Pomona, Ceres, Liberque, Venusque,
Quaſque Deas belli viſ maleſana premit.
Condolet atrata Superum clementia turba,
Dumque cupit Gallis conſuluiſſe ſuis:
Borbonium lapſis Druidum ſuccurrere rebus
Poſcit, & his humeris pondera tanta geri.
Succurrit Regi Pallas Sapientia, Mavors
Auxiliatrices commodat ipſe manus.
His Ducibus dum bella gerit, dum mitigat hoſtes,
Integra ſperata Galli i pace coit:
Et valida Mundum fulcit cer vice Navarrus,
Seque polos apte reſtituiſſe videt.
Tunc regno ſua parta quies, tunc rura, penateis,
Templa, foci, vultuſ exſervere novos.
Pax rediit, ſcandit neglectum Aſtraa cubile,
Et reduces priſca ſede ſtetere Dii.
Hoc Spectacula docent. ubi fracti conditor Orbis,
Alcidæ Henricuſ nomen onuſque gerit.

In natum Galliarum Delphinum eodem die
& horâ, quâ Amſtelodamo diſceſſit Avia

M A R I A D E M E D I C I S.

Q Valia in ætherco ſuccedunt ſidera Olympo,
Alteraque exurgunt, altera lapſa cadunt:
Per-

*Perque vices radians stellis variantibus ather,
 Nunc hoc, nunc illo mutat in orbe faces :
 Talis ab Amsteliis dum se Fax Itala terris
 Subtrahit, atque suum flectit ab Vrbe iubar :
 Ecce procul Druidum in terris Phœbeia surgunt
 Lumina, & heredem dissita regna vident.
 Vna eademque dies Regalem lampada vidit
 Nascier, una aliam vidit abire dies.
 Amstela sic abitu doluit, sed Franciæ partu ;
 Totaque Delphino Gallia leta fuit.
 Vive nepos Mariæ, & quæ jam tibi Lilia crescunt,
 Prospera sint Gallis, prospera sint Batarvis.*

EPIGRAMMATA

inscripta

SPECTACVLIS,

In Adventum Sereniss. Magnæ Britannia,
 Franciæ, & Hiberniæ

REGINÆ,

Amstelodami exhibitis.

I.

Nuptiæ THETIDIS & PELEI,

ALIUS NASCETUR

ACHILLES.

EN, Thetis Æmonii properans ad limina Pelei,
 Thessalicas celebris sponsa pererrat aquas.
 Et Maria Auriaci vadens ad limina Sponsi,
 Sponsa per Arctoas Regia fertur aquas.
 O utinam his etiam thalamis nascatur Achilles,
 Et similes gignat nupta Britannia Duces.

Adspi.

*Adspicit hanc Thetidem Maria, & dum suspicit il-
Communem Patriæ spem cupit esse suam. (lam,*

I I.

Fedus inter Adolphum Nassovium Impe-
ratorem & Edovardum Britanniae
Regem.

G E N V S A L T O A S A N -
G V I N E D I V V M.

Hic est, Romani Imperii Regnator, Adolphus.
Nassova quem populis terra domusque dedit.
Regna Britannorum clero cum Casare pangunt
Federa, & à Tamesi postulat Ister opem.
Nassovius Edovarde faves. sed percitus ira
Austriacus tanta est hostis amicitia.
Res similes patimur Batavi. dum federe eodem
Auriaci fulget gloria, frendet Iber.

I I I.

Nuptiæ Reinaldi Nassovii Geldriæ Ducis,
& Leonoræ Filiae Edovardi secundi
Britanniae Regis.

D I S G E N I T A E T G E N I -
T V R A D E O S.

SCeptriferos quicunque thoros veneraris, & illas
Suspicias Auriaci, maxime Belga, faces;
Hæc adsperta oculis annalibus eruta priscis
Federa, Nassovia splendida vincla domus.
Reinaldo Leonora datur, sed Filia Regis.
Et Tamesis Sponsam Sponse Sicamber adis.
Hanc venerare domum Belga, Augustoque penates,
Illa domus Regum, Caesaris illa domus.

I V. Nu-

I V.

Nuptiæ Iacobi et Scotorum Regis &
Mariæ Egmondanæ à Nassovia
Domo.

GENEROS TETHYS EMIT
OMNIBVS VNDIS.

Hanc quoq; Nassovia genitricem de stirpe Caledon
Accipit, & Maria conjuge Scotus orat.
Nomina nominibus præeunt, & numine dextro,
Tunc etiam pelago veſtus abibat amor.
Tum procul externis nupsit Dux femina ſcep-
tris.
Nunc nubunt magno Regia ſceptra Duci.
Exulta ſecura Patrum Reſpublica; quam ſi
Regis bella premunt, Filia Regis amat.

V.

A R I O N.

ETIAM SERVAMVR IN
VNDIS.

Dum mediis, nautarum odiis, demerſus Arion
Fluctibus; incertum per mare ſperat iter;
Supponit miſero Delphinus corpora vati,
Et dulcis cithara captus amore vehit.
Non aliter duro damnatus Belga Philippo,
Auriaco fretus Principe ſalvus abit.
Seria ſpectaſtis Batavi. nunc ludicra rerum
Cernite. nec pigeat ſic meminiffe Ducis.

V I. AN:

A N D R O M E D A.


PVLCHRÆ PRO LIBER-
TATIS AMORE.

Al ligat Andromedam saxis furor. altior illam
 Æthereo Perseus liberat unus equo.
 Belgica Libertas duris innexa catenis,
 Sanguineo patuit prada futura Tago.
 Non pateris Frederice Pater, sed missus ab alto
 Illa neci Batavum dedita monstra domas.
 Quàm tua nunc nostra miscetur gloria fame,
 Cuius nostra fuit mixta salute salus.

FINIS LIBRI SECVNDI.

C. B A R L Æ I
P O E M A T V M
H E R O I C O R V M
L I B E R I I I.

Varii Argumenti.



VENVS BATAVA,

Sive in nuptias Nobilissimi &
Generosi Domini

IOANNIS à MATHENESSE,

D. Mathenesse, &c. Et Nobilissimæ Vir-
ginis ac Dominae,

WILHELMINÆ IVDITH

P I E C K,

EPITHALAMIVM.

Viderat intrepido stipatū milite Martē
Hesperios terrere Deos, iterumq; cieri
Bella Venus: toto diffundi carbasse
Rhenō,
Turrigerasque rates, & bellatrix
rostra,

In Ligurum directa Ducem. Si conjugis, inquit,
Arma mei placuisse queant; nec classica Belgas,
Tympanaque audaces terrent horrentia Catthos,
Si fervet Marvortis opus, si fama paratur
Cadibus, & crudo nascentes sanguine lauri:
Me credat quoque terra Deam, nec languida nobis
Otia & ignavas obiectent secla sagittas.
Sunt arcus pharetraque mihi, sunt tela, facesque,
Queis noster quoque pugnat Amor, queis mite puella
Ingenium, & victa submitunt colla cohortes,
Succumbit soror ipsa Iovis. dum praelia surgunt,
Et Venerem sua bella manent, dum saxit in arces,
Et vesana suos repetit Bellona furores,
In Batavis Citherea furit, perituraque bello
Nomina & ingentes reparant mea basia clades.
Occidat hic aliquis Telamon, mihi nascitur alter:
Si perit Automedon, redeunt vitalia per me

Pignora : serapitur discerptus curribus Hector,
 Astyanacta dabo : surgit pro Memnone proles
 Altera : tercentum Fabius pereuntibus, unus
 Vagiit in cunis nostris conatibus ultor.

Quod Bataui vicere, meum est : me credite Batim
 Et Gangem spoliasse manu : mihi subditur Indus,
 Nec sine me rutilum dstringat Martia ferrum
 Dextera, nec duos ad pugnam armabit alumnos
 Odrysus, bellique duces. mihi gignitur uni
 In thalamis bellator homo : mihi corda manusque
 Et celeres pugnare pedes, mihi mascula primum
 Formatur natura virum : lectique duello
 Mars ingens orditur opus, nostroque labori
 Auspiciis, atque sui debet certaminis ortum.

Dixerat : & veteres alis subvecta Sicambros
 Diva petit : nivea cingebant tempora vitta,
 Pallaque discincto corpus velabat amictu,
 Purpureis intexta rosis : spirabat odores
 Cestus, Erythraeo fragrant murice planta,
 Collaque Hydaspeis fulgebant candida gemmis,
 Ut posses novisse Deam. certissima celi
 Majestas documenta dabat, Superumque notari
 Et decor & facies poterant. hoc promissa cultu
 Dardaniam Sparta, Seston sociavit Abydo,
 Scyria magnanimum virgo pellexit Achillem,
 Victaque succubuit Pholoë. quasunque volatu
 Transiit aut terras aut flumina, Cypridis astu
 Incalvere fera, gelidisque accensæ sub undis
 Agmina senserunt Venerem. complexibus ulmi
 Arctius impliciti molles hæere corymbi,
 Arboribusque hedera. frondes genitalis opacas
 Explicuit platanus, lauroque intersita myrtus,
 Palmaque vicina porrexit brachia palma.
 Quodlibet arsit amans, propriosque Erycina furores
 Omnibus impartita fuit. non oscula concha,
 Non sua lascivus neglexit murmura turtur,

Alige

Aligerumque genus. sic totus amoribus ather
 Ferbuit, & poterat solo natura renasci
 Afflatu propiore Dea. Sed Geldrica postquam
 Imperia & celsa tetigit confinia Bura,
 Hic bellis fomenta meis, dignamque furori
 Materiam quaramus, ait. Gens una Sicambrum
 Auriacum Veneremque simul sua stringere tela
 Adspiciat, bellumque sequi. chorus omnis Amorum
 Advolat, & manibus teneras strinxere sagittas
 Circumfusa cohors. Iamque omnia limina lustrant
 Semideum, Procerumque domos; quæ mollia flecti
 Pectora, quaque gravem virgo ejuravit amorem;
 Quæ dubias suspensa faces in corde volutans,
 Quod speret, damnare queat, fugiatque quod optet;
 Et nolit, quod amasse velit; quæ saucia cecum
 Vulnus alit venis, & quos præsenferat ignes,
 Mascula dissimulet. Cunctas venerabilis inter
 Pieckia caluibus placuit, potuitque probari
 Excelsæ fortuna domus, castæque decorus
 Virginitatis honos, & tot superabile divis
 Ingenium, atque ipsi penè amula forma Dione.
 Illa thori impatiens (primos vix Phosphorus ignes
 Extulerat, longeque dies distabat ab ortu)
 Fœmineum tractabat opus, peplumque fluentem
 Aurata nectebat acu. Iam compta nitebat
 Cæsaries, viridem substrinxerat aurea vestem
 Fibula, Sidoniaque sinus industria palla
 Abdiderat. stupet ipsa Venus studiumq; manusque,
 Et timidam tali Nympham sermone salutat:
 Quid fallis malesana diem? quam fallere nosces
 Fas erat, & Paphio tenebras disperdere lido.
 Palladis hic sordet Veneri labor; altera, crede,
 Iam ducenda tibi nostræ sunt stamina vitæ,
 Et proavum fundenda domus. tibi sera nepotum
 Progenies debere cupit, signantque maritam
 Sidera. Quid vacuo ducis suspiria lecto,

Et deserta gemis? toto quam Iuppiter auro
 Perpluat, & veteri cupiat preponere Leda.
 Quin discis servire mihi; sunt mitia nobis
 Imperia, & magna se libertate tuetur
 Servitii sors blanda mei. nimis anxius res est
 Virginitas, gaudetque rapi: sauciata marito
 Tutius uxor amat: nulla est custodia forma,
 Quam thalami cortina tegit: nescitque pudere,
 Cui pudor est sprevisse virum. permittit amor
 Multa thoros, tantumque salax in cœlibe vita est.
 Iam risus innupta meos, arcanaque nescis
 Gaudia; & intrepidi quæ sit fiducia lecti,
 In quo nupta jacet: nescis, quibus artibus orbem
 Continuet Natura sibi: quo jure parentis
 Assignet sibi quisque decus: quæ munia matris
 Iam tandem sciuisse juvat. vilescit, amica
 Quicquid prole caret, quicquid sua subtrahit avo
 Nomina, spemque sui fati involvit iisdem.
 Penelope, quamvis sapiens, concessit amanti:
 Andromache Trojana fuit, tamen oscula fixit
 Casside in Hecorea: nostris flagravat Amazon
 Ignibus; & rari quantumvis plena pudoris,
 Expetiit Flaccilla virum: Cornelia donat
 Scipiadas, Romanque nurus auxere Sabina.
 At quanta tibi virgo faces, ô quanta parantur
 Conjugia? Ecce tuos prestans Mathenesius ignes
 Hauriet, & tanto servaris Sponsa cubili.
 Illum Palladius juvenem deduxit in artes
 Magnanimus genitor; ne quem res publica tandem
 Posceret, & Batavi spectarent ora Senatus,
 Clamaret doctrina reum, trabeasque pueret
 Vix vulgo distare rudi. virtutibus annos
 Ante venit; duris animum Constantia firmat
 Temporibus; spernit populi Prudentia motus,
 Dum patria pia jura probat. generosaque quamvis
 Nobilitas longo derivet stemmata censu,

Ardua que illustres decoret fortuna penates,
 Mens submissa manet : facili perfusa severo
 Lata verecundos adspersit gratia mores,
 Priscaque simplicitas, atque isto sanguine dignus
 Candor, & ingenuo depicta modestia vultu.
 Vix ea dicta dedit : tacitas sub pectore flammæ
 Excitat, & blandum venis instillat amorem
 Alma Venus. spolia illa mei sunt ampla laboris,
 Aliger, inquit, Amor. nunc, quæ secunda Batavus
 Arva colit, fessusque suas immergit arenis
 Rhenus aquas, placidusque excelsas alluit arces
 Doesa, viam flectamus, ait. quod fulgida postquam
 Atria & angusti subiit penetralia tecti,
 Insignes Procerum vultus laudatæque Cypris
 Adspicit ora virum, suspensæque lumine læto
 Heroum simulachra legit : qui clarus Athenis
 Cattigenum mandata dedit ; quo vindice frontem
 Barbaricos inter strepitus & murmura belli
 Explicuit Phæbæ cohors, cui Belgicæ concors
 Imperii surgentis onus nostrasque curules
 Credidit, & dubios commisit patriæ casus ;
 Et qui Cantabricos eludens Doussa furores
 Fati iura domat ; sed non bellacæ qualis
 Carbasæ & ingenti rapuit vexilla Philippo :
 Quique senex Batavum Dux Duvenvordius æquor
 Classibus asseruit, totique minaciæ ponto
 Iussa dedit, potuitque truce sibi subdere Tethyn.
 Hos ubi per vultus solertia lumina duxit,
 Tum regina Paphi : magni clarissima patris
 Progenies, quæ sola manet spes fulta nepotum ;
 Te propter Paphias arces Cyprumque reliqui,
 Idaliūque nemus. geniales pronuba tedas
 Ipsa puerque meus ferimus. quid lenta moraris
 Vota ? nec attentæ Veneri solennia solvis
 Iura thori ? posco sobolem, ne stemmate in isto
 Destituat rector Batavos. patriæque tibi que

Iam Citherea vacat. nec solum blanda voluptas
 Et peritura mihi petitur. respublica natos
 Exigit, & regni qui librent pondera, Belgas,
 Vna, Deum monitis, nunc ardet amoribus absens
 Pieckia, tota tuis absens in vultibus errat,
 Atque exul jam facta sui est. suspiria Rheno
 Conscia transmittit Vahalis, dudumque moratur
 Mensuris intenta meis. non dignior ulla
 Te poterit meruisse virum, si gratia formæ
 Queritur, exuperat longè reverentia morum:
 Si census æquare velis, rarissima longè
 Vincet opes pietas: si tanta virginis ortus,
 Et claros arcessis avos, praconia poscet
 Ingenitiis majora pudor. si sidera mutet
 Iuppiter, hæc mediis virgo radiabit in astris.

Dixerat: ille Dea levibus violabile telis
 Pectus, & insolita laxat præcordia flamma,
 Imbibiturque effusus amor. Iam pristina sordet
 Vita viro, curæque graves, & dura facessunt
 Otia, nec fremitus aut colla superba moratur
 Quadrupedantis equi. non jam venabula torquet
 Venator, lustratque vagos indagine saltus,
 Latrantesque adigit per inhospita rura molossos,
 Totque canum explorat genios: quis cursibus Eurum
 Ante volet, quis nare sagax vestigia doctè
 Caca notet. non jam delapsum nubibus agmen
 Inclusisse plagis gaudet, coelique cohortes
 Vult prædam servasse sibi. largitur amor
 Omnia, se spoliū prædamque cupidinis esse
 Sentit amans. quin jam tardos procedere Soles
 Autumat, & calidos promissa virginis ignes
 Differri spes ægra putat. si vespere Olympum
 Claudat, & athereos properans Aurora jugales
 Allevet, antè oculos dominæ versatur imago.
 Antè oculos nova nupta subit. sic viستا fatiscit
 Nobilitas, figitque suas in virgine curas.

Latior

Lator interea levium gens omnis amorum
Advolat, & primo testatur gaudia plausu,
Conjugii prasaga novi. pars flammea Sponsa,
Pars tedas ignesque parat: pars myrtea gaudens
Tegmina circumdat capiti: pars nectare lumen
Irrigat, & mediis fragrantia cinnama tectis,
Perfarumque addelet lucos, & missa Sabais
Balsuma. Pastanis aliquis vel Adonidis hortis
Narcissum, violamque & purpureum chrysanthum
Advehit, & donum festis sollemnibus adfert.
At puer Idalius genialia fulcra Cupido
Apparat, & thalamis velamina pulchra futuris,
Barbaricasque insternit opes: non talia Marti
Straverat ipsa Venus, tunc cum Liparejus amantes
Falleret, & doctis captiva cubilia vinclis
Spectarent cupida ora Deum. qua veller a Seres,
Quos cultus fert dives Arabs; gemmisque coruscis
Et picturato distinctas murice vestes,
Deposuit largitor Hymen. non Gratia lecto
Abfuit, & geminas texens Aglaja coronas
Implicuit natos Zephyri spiramine flores,
Non tactos Borea, rabidique caloribus Euri,
Perpetuo sed vere novos. At prascia fati
Iuno vetat steriles istis rorescere noctes
Sedibus, & quicquid secundi fallere posset
Spes uteri, toto dominans proscribit Olympo.
Iamque aderat festiva dies, poscensque maritum
Emicuit lux alma polo. disperferat omnes
Ipse pater Divum nebulas, quo clarius orbem
Virgineus collustret apex, Solemque lacessat
Vultus, & in rutilo majestas fulgeat auro.
Iunxerat una domus geminos, flammaque calebant
Iam propiore duo: veluti post frigora brumæ
Inealuit terra gremium, laxataque Phœbo
In Venerem natura ruit. sociantur in uno
Vota viri sponsaque thoro. Vix ille pudoris

Frena sui retinet ; vix illa arcana caloris
 Dissimulat fomenta sui. sic nutrit amorem
 Alterius vicinus amor, quin ignis ab igni
 Pabula lata capit. flammaque incendia flamma
 Ventilat, & proprius dum sperant pignora bustis,
 Vitales cessere faces. ferventia cernas
 Atria, conscriptos longis discumbere mensis
 Battavia proceres, & nobilitatis avite,
 Nomina magna, deos. primæva gloria pubis,
 Stant juvenum spectantiq; chori, quam fulgeat inter
 Cognatas hic Sponsa nurus ; quantum ille decorus
 Emicet, & nullo diffundat lumina fastu.
 Ut thalami patuere fores, & conscia lecti
 Virginitas timuit, quæ mox sperare maritam
 Fas fuerit ; placido generosa Batavia gressu
 Ingreditur : juxta musco velatus & alga
 Latior adstabat Rhenus, Doesamque trahebat,
 Et Zilam, famulos. dextram capit illa puella,
 Inde viri, firmansque sua connubia voce,
 Sic insit veneranda parens : Di coepta secundent
 Federa, & æterno connectat pectora nexu
 Intemerata fides ; etiam post funera mentes
 Iungat amor, dirimique vetet. non fulva metalli
 Pondera, non Pelopis gazas, non jugera Crassi,
 Quæque dedit fortuna, precor. Mathenesia vobis
 Succrescat fecunda domus : sudate nepotes ;
 Ut credat Cithæra suos : agnoscat alumnos
 Omniparens natura novos : hoc sanguine surgant,
 Qui terris dent jura meis, secûraque præstent
 Imperia, & lapsis norint succurrere rebus.
 Alter avus nobis redeat, quo sospite sospes,
 Et legum tutela fui, quo Præsîde nuper
 Ad Batavos spretis Pallas migravit Athenis.

Dixerat ore gravi. Tum Iuppiter omina firmans
 Mitius intonuit, cœlique à parte serena
 Maximus in thalamo splendor cum lumine fulsit.

I N E Q V V M

Nobilissimi ac generosissimi Viri,
D. G O D E F R I D I
de H A E S T R E C H T,

P O E M A T I O N.

STat sonipes, dominique ferox subsellia portans
Obsequium gravitate premit, famulumq; labore
Dissimulat fremitu. decorant generosa coman-
Colla juba, quas in varios solertia nodos (tes
Strinxerat, & multo mulier distinxerat auro.
Tum coni plus fulget apex, & vertice summo
Ornamenta micant, phalerataque tempora perflat
Adversi vis sava Noti. miratur honores
Ipse suos quadrupes, tardoque superbia gressu,
Quam calcit, fastidit humum. ferit ungula pandit
Altius in se tracta femur: cervice recurva
Obliquat sibi fastus iter; non prona dehiscunt
Ora, nec indecori quassantur tergora motu.

Desine magnanimum quondam generatim equo-
Ostentare tuos Agragas: non Thessala tellus, (rum
Quem componat, habet. sordent, quos Bilbilis alta,
Quos Arcas celsaque dabunt fastigia Nisa,
Aut celeres in bella Scythæ. non Isthmia talem
Compita & Elæo currentem carcere vidit
Gracia, cum celeres sese effudere quadrigæ,
Palmaque præcipites accenderet amula currus,
Et stantes sublime duces. Hierone triumphans
Littus Olympiadum seros memoratur in annos,
Et clarum Therone fuit, Pelopisque nepotes
Victrices vexere rotæ. Tu testis honorum
Vivis adhuc Alphæ pater; tu Psammidis abulis
Palladia sub fronde caput: tu fessa caballis

Corpora lavisti toties, spumamque lupatis
 Abluis, & calida propinas flumina Pisa.
 Pythius Archesila doctis applaudit habenis,
 Xenocratemque stupet; nec magnum clara Mega-
 Fama silet, curruque ruunt Alcmaeone nati. (clem
 Scilicet illa tuis victriciâ tempora frenis
 Invidit, Godefride, dies; nec Olympia tantum
 Conspectit generosa decus: seu colligat ungues
 Ad numeros, libretque gradum: siue auribus adstet
 Attonitus, feriatque solum temeraria crurum
 Mobilitas, grandique tremat sub pondere tellus:
 Seu monitis attendat heri: seu flectat in orbem
 Corpora; seu laxo transverberet aëra loro,
 Arvaque quadrupedante pererrat inania cursu.
 Huic Hiero cessisset ovans, & prisca Pelasgum
 Gloria, cessisset spatiis Pherenicus in amplis,
 Ipsaque Pisam decerperet Elis olivam.

Hic bellator equus mediis in vallibus hostem
 Hincitu vocet, & cuneis sese arduus ipsis
 Inferat, hic lituos, hic cornua rauca tubasque
 Audiat intrepidus; perq; agmina perque phalanges
 Sternat iter, peditemque truci ceruice superbus
 Dissipet, & nudâ stratum conculcet arenâ.
 Talis in adversos sumptis insignibus Æthon
 Ibat ovans Rutilos: tales calcaribus armos
 Penthesilea fodis, medios cum virgo per enses
 Et Danaum per castra ruis, generosior ille
 Magnanimam veçtet Thamyrin, Volscamq; Camil-
 Aut erepta iterum repetentem signa Camillu. (lam,
 Hoc quoque virtutum latitant sub pectore formæ,
 Et laudum generosus amor; servansque decori
 Insipiens natura sui est. hanc premia recti
 Et promissa movent. venienti grata magistro.
 Vox matutinum fremitu Titana salutat.
 Et tremula modò calce favet. capit illa furoris
 Argumenta sui, justâque accenditur ira,

Et

Et contempta dolet. rursum laudata superba
Majestatis habet speciem, frontemque serena
Pandit, & heroo testatur gaudia gressu.

Hæc mihi Apollineum pleno de fonte liquorem
Excutit: hæc sacrum mihi percussit ungula montem,
Nec vatem sitiisse cupit. Iam fabula facta est
Pegasus, & celsum tranans Heliconæ volatu
Bellerophon, natæque istis sub calcibus undæ.
Tu mihi Bellerophon; tuus est, qui sufficit undas
Pegasus, & toto vatum me proluit alveo.
Quid magno terra gremium Neptune tridenti
Percutis? & primos imis de manibus excis
Cornipedes? hunc aquoreis vicinior oris
Belga dedit; rabidumque suis virtutibus aquor
Induit, & belli spumantes indidit iras.
Non huic frena truces Lapithæ Numidæque dedere,
Celtiberumque manus; non defensoribus istis
Tempus eget. spernit phaleras alienæque Rhenus
Nomina, nec Siculus format calcaria Brontes.
Ipse tibi Batauvus tanta redimicula frontis
Præbet, & excelso tumidas in vertice cristas,
Fulgentemque gravi succinctam pectore zonam,
Textæque in extremos velamina pendula talos.
Si spatium fors terra neget, sessore magistro
Molliter ille gradum glomeret: si lata patefcunt
Iugera, & ingentes trepident calcaribus armi,
Vnâ Eurumque Notumque & nubifugos Aquilones
Antevolet, Caurosque leves post terga relinquat,
Sideraque, & pleno redeuntia flumina ponto.
Ille vel illæsa Cereris trans summa volaret
Culmina, vel lati tranet spatia in via Rheni:
Aut Vahalim, aut dubio fallentem gurgite Mosam.
Hoc in Amyclæa si quondam vinctus arenâ
Tyndarides foret: haud propriis bellator Aphidnis
Lurida Cecropio cecidisset victima bello.
Sunt alii, quorum Latii meminere poetæ;

*Calæicus Lampon, & pulchro concolor albo
 Astur Panchates, & nigra fronte Pelorus,
 Et Tagus, & Pholoë, & cursu velocior Iris,
 Aschetus, Æthion, Styrias, Phariusque Podarces,
 Et quos Thebanis genitrix effuderat Herpe
 Nobilis, & soboles Sicoris bellacis Ilerda:
 Vel, quem Trojanum Mezentius urget in hostem,
 Rhebus, & Adrasto celebris vocalis Arion;
 Et gemini Mavortis equi, mensorque dierum
 Cum rutilo Pyroënte Phlegon, & fervidus Æthon,
 Et Stygius Nycteus, & clari Xanthus Achilles,
 Plutonisque notâ varîe distinctus Alastor.
 Hunc timeant cuncti, timeat concurrere soli
 Quilibet. hic veteris laudes præstringere sæcli
 Gestiat. hic docilis freni sessoribus aurem
 Commodat; hic rectum servabit doctior axem,
 Quaque voles, sinuabit iter. Tu scande superbos
 Excellens Godefride toros, & ephippia tanto
 Turgescant supposita viro. non vilia noster
 Pondera vectat equus. tellus, mare, sidera, coelum,
 Nobilitas, virtus, domino portantur in uno.
 Terrarum doctrina tua est: tibi regna locosque
 Nosse datum. quantum Occiduis Sol distat ab ortu,
 Belgicæque Auroræ thalæmis, à Gadibus Arctos
 Vtraque, Lappionumque solum. Tu vasta deorum
 Atria, flammantes æternis ignibus orbes
 Emensus radio, Solis Lunaque labores,
 Mercurii Martisque vias, Veneremque, Iovemque,
 Tardigradique senis lentos sublimior axes,
 Et picturatam didicisti per vigil æthram.
 Tu pelagi curvos flexus, Tiphynque Batavum
 Expedias. tibi, quas doctâ depinxit arenâ
 Dextrâ Syracusii senis, aut vis Attica, formas,
 Ingenio famulans aperit labor. omnia pernox
 Vidit & ignavis animus succensuit horis.*

Has portat phaleratus opes; hac bajulat Æthon

Sacra

Sacra tuus, tantumque decus dum gestat in armis,
 Alius insurgit quadrupes, dominique quod unum est,
 Virtutis putat esse sua. Tu tergo in isto
 Sapius aethereos, per amica silentia noctis,
 Spectasti studiosus equos: ubi Pegasus alas
 Explicet, & gelida depromat tela pharetra
 Phillyrides: equitesque istos miratus & arma,
 Vidisti, tibi quos servet natura penates,
 Quam pandant tibi fata domum; quâ praeius ivit
 Insignis pietate pater; cui stemmata, sanguis,
 Nec tanti fuit illustri spectata theatro
 Gloria, quam patria & veterum custodialium,
 Et pacis venerandus amor, praelataque Marti
 Tranquilla sors lata toga: quâ despicit orbem,
 Qui nomen tibi scripsit, avus, laudabile Belgis
 Nomen, & aeterna meritis praemia fama.
 Vive Heros; stimulosque tuis virtutibus adde.
 Adde decus decori. subeant nascentia fratris
 Incrementa tui, magni cui pondera belli
 Dux Ligurum, atque suas partitur Spinola curas.
 Quique mihi faciles aditus, & mollia fandi
 Tempora concedis, nec vilia nomina spernis,
 Accipe laudatum, sessor generose, caballum.

P R A E F A T I O

In Epicedium sequens, ad Suecorum
 Gentem.

Gens invicta malis, nec tot satiata trium-
 phis,
 Quos meruit Regis Martia dextra tui:
 Gens Batavis sociata meis, cape foederis ar-
 ram,
 Quam tibi plangenti nuncupat ore dolor.
 Quem luges afflicta virum, lugemus eundem;
 Et populos fati fors manet una duos.

Ex

Extulit hunc Sueonum tellus; nunc extulit
Haga:

Extulit illa decus nominis, ista rogam.
Illa vices fandi dederat, dedit ista silendi:
Et, quæ non dederat præmia, sæva rapit.
Illa sibi priscae repetens insignia famæ,
Nos solum exuvias mortis habere finit.
Quantum clara levi distat fortuna sepulchro,
Officiis distant; Tu, Batavusque, suis.
At nunc Belga canet, quos tu veneraris, honores,
Et tecum tumulo talia verba dabit:
Quem peregrina suis secrevit purpura Catthis,
Hic jacet, Arctoi nobile Regis opus.

I N O B I T V M I A N I R V T G E R S I I.

Serenissimi Suecorum Regis Gustavi, apud
Foederatos Ordines, Legati.

Qua faciles, Fortuna, Deos, & numina mundi
Experta es satis aqua tibi, sceptrique favores,
Hunc luge jam mæsta virum, quem gratia divum,
Sacraque regali venerata est purpura vultu,
Et letum dilexit ebur. cui munia fandi
Sarmaticis tribuit Facundia mersa pruinis,
Eloquique vices, & de tot gentibus unum
Pro se posse loqui bellatrix credidit Arctos.
Omnis Hyperboreis collectus montibus humor
Liquitur, & totum in lachrymas, jam conscia mortis
Ratgeri venerande tua, tantique doloris,
Absorbet natura gelu: sua lumina condit
Parrhæsis, & Scythico se vellet in aqore mergi,
Indignata tuos obitus: qui castra Bootes
Regia, & aratas spectavit nocte phalangas,
Victricesque acies, & victi fœdera Moschi,

Et

Et stratum clypeis Dunam, sua sidera mœrens,
 Et vigiles atrâ involvit caligine flammâs.
 Ipse suos Gustavus equos, bellique secundos
 Successus remoratur ovans, tantoque furori
 Dat veniam, & domitis jam saltem parcere terris,
 Officium regale putat. qua casside Corus
 Diffregit duras hiemes, pluviasque, nivesque,
 Stat lacrymans, guttisque humectat grandibus ora,
 Ac manes vocat incassum, reverentia regni,
 Ipsaque majestas aliqua succumbit amorî,
 Nec lugens rex esse potest. Ignoscite Divi,
 Si sceptris indigna loquor. miserescere fatis.
 Et pietas in rege placet; nec nomina spernunt
 Humanas angusta vices, hominemque potentum
 Mentiri mens celsa valet. plorare suorum
 Dis geniti potuere rogos, & sævus Achilles,
 Et pater Æneas, & qui fumantia latè
 Pergama victori Priamus concessit Atrida,
 Iam mihi cernuntur Phœbi delubra cieri
 Sedibus, & tristes Helicon arcessere questus.
 Vultus Pegasidum pallent, & languida mœstis
 Vix tollunt sua colla jugis, Cirrhaque remugit
 Limen, & attonita torpescens Gorgone Pallas.
 Illa Iovis fugiens oculos solatia luctus
 Despicit, & presso lachrymarum fonte, resedit
 In Batavis, Superosque truces, celeresque sororum
 Execrata colos, vicinum planctibus aquor
 Verberat, ac tales exorsa est præsica voces:
 Maxima jam pridem terrarum nomina fato
 Damnavit vis summa Deum, regumque minata
 Turribus invictas mortali robore dextrâs
 Perdomuit, ruptisque evoluit tempora pennis.
 Tum clari periere Duces, infractaque bello
 Pectora; quæ Vesper timuit, quibus occidit Eos,
 Armaque captivus toties submisit Iberus.
 At Martem dolor ille manet. tot fulmina belli.

Hespe-

Hesperioque recens tepidos à sanguine manes
 Luxerit Odrysius ; cui duri ad Strymonis undam
 Barbaricus puero cunabula præbuit Hamus,
 Threiciaque nives. me me placidissima tangunt
 Funera, nec dira pollutum cæde cadaver.
 Exuvias Doctrina tuas, victuræque chartis
 Busta queror, queror extinctas, piæ numina, Musas,
 Thymbræique patris cineres, ac muta deserti
 Ora viri, calco totam sub marmore Suadam,
 Et Charitum fatale solum, tumulumque potentis
 Eloquii, ac celebrem magnis virtutibus urnam.
 Illi prima rudes generosa modestia mores
 Et nondum domitos ferventis pectoris æstus
 Flexit ad obsequium : nec quid puerile licere
 Credidit ista sibi curis gravioribus atas.
 Mascula doctorum sapuit sub voce Inventus
 Pieris gaudens studiis. lasciva Vacuna
 Atria, Circeæ spernuntur pocula turba,
 Dum laudum decurrit ier, Phocæaque scandit
 Culmina. tunc sacro labiis arentibus æstu
 Castalii latices & vaturn exhausta fuerunt
 Flumina, & in media se proluit Hippocrene.
 Iam Scaurus, rigidusque Caper, durusque Palamon,
 Et tristis ferule sceptrum, plagæque sonantes,
 Et matutino sub sellis rauca tumultu
 Terruerant animum. patuit, qui rostra fatigat,
 Orator Fabius. nec segnius hauserat olim
 Atlantis præcepta sui Tirynthius heros,
 Aut citharæ cantus Chiron persuasit Achilli
 Thessalico permixtus equo. Tu maxime Vossi,
 Cui sua Romulidum pandit secreta vetustas,
 Ausoniosque duces, effataque tempora mundi
 Reddit sera dies, & Grajūm pulpita pulsans
 Socraticas aperit celebris facundia portas ;
 Expedias tantæ felicia cœpta iuventa,
 Ingeniūque expande decus. tu prima peritus

Rexisti

Rexisti vita spatia, & per acerba laborum
 Duxisti decilem leni moderamine mentem.
 Te praeunte puer modulos, & nobile Flacci
 Ad numeros saltavit epos, grandique Maronis
 Insonuit sua metra tuba. tu mite Terenti
 Eloquium, stricto servorum scommata socco,
 Plautinosque sales, & amabilis orsa Menandri,
 Exulis, heu, fontes elegos, Thespique perunctum
 Scire facis. tumido gradiens persona cothurno
 Dat tragicos spectare modos, & cruda Thyestis
 Fercula, quaeque sibi furatur fecibus ora
 Dardania regina domus. sed fata neceque
 Bibilici lenire joci, lenire Catulli
 Passer, & illini potuit fera Lesbia cantu.
 Horrida ridentis damnatur pagina Persi,
 Et placet, immiti Latium qui lavit aceto,
 Vexatus rauci scriptor Theseide Codri.
 Nunc super Argolica pugnatum pellice bellum;
 Et conturbatas Phrygio raptore Mycenae;
 Nunc Lyrico modulata seni, nunc rura pererrat
 Dorica: nunc rapidis victorum raptae quadrigis
 Pindarica commenta lyra; veterumque Deorum
 Progeniem: quos Ascrea dies, quos gratior hymnos
 Callimachus, letoque canat modulamine Sappho.
 Ut Romam Cicero, timidas orator Athenas
 Erigat, & Macetum regi responsa remittat:
 Qua Crispi sint sensa brevis: Cornelia quantum
 Vis valeat dubios regnorum expendere casus,
 Sejanique vices, & quali regna parentur
 Ingenio, qualique iterum rectore fatiscant,
 Vnius sit cura viri. nec prisca Cleanthes
 Atria, mellistuosque negat cognoscere sensus
 Phadrus, & arguto respondens ore Philebus.
 Romanos rerum dominos, gentisque togatae
 Prima rudimenta, ac crescentis moenia Romae,
 Excussos solio reges, mox libera Bruti

Impe-

Imperia, & vario gestum sub Consule bellum
 Hunc charta docuere graves. At mascula Curti
 Exposuit Pella victricia tela papyrus,
 Eoasque aties, epotaque flumina Medo,
 Et nimis ingrato passum sub rege Philotam.
 Quaque sibi proprias evolvunt tempora voces,
 Et genii simulachra sui: quos balba locuta est
 Potitiis Carmenta sonos: quid Musa vetustum
 Lucilii fremat, & quid verrucosa loquantur
 Carmina Pacuvii, Calabrumque in montibus ortus
 Ennius: ut medium detergat sordibus ævum
 Augustus, foedamque fuget Romanus Apollo
 Barbariem, linguaque decus, pacemque Qui, ino
 Restituat; donec Latio sua Vandalus ora
 Miscuit, & Gothica stribligine sorduit Auson,
 Et poterat jam Roma sibi non Roma videri.
 Pythagora monitus, doctæque silentia turba,
 Et tantum sapuisse sibi, sprevisse nepotes,
 Credidit esse nefas. gaudet mens fata futuris
 Ignotas aperire vias, verique reperta
 Non privata putat. solum laudabile dicit,
 Quod commune facit. Criticas in bella cohortes,
 Grammaticasq; tribus, tristesq; ob puncta magistros
 Provocat, & longum libros diffundit in ævum,
 Et sensus veterum, & labentia nomina seculo
 Vindicat, atque alta mersum caligine verum
 Eruit, ac querulâ socios exercet arenâ.
 Iulide, magni soboles augusta parentis,
 Veronæ sublimis apex, qui rapta tuorum
 Ornasti clavis Musarum sceptrâ triumphis;
 Temporaque & causas Grajûm digesta per annos,
 Abramidumque dies, desuetaque seclâ dedisti,
 Hæc audilamenta pater. tibi sæpe dolores,
 Longaque decrepiti fastidia leniit ævi.
 Tu juveni famæ stimulos, alimenta que laudum,
 Tu studiis fomenta dabas, magnumque putabas

Hunc

Hunc curis genuisse tuis. Rutgersius omnis,
 Omnis in ore fuit Rutgersius. Ille labores
 Aspersis docte salibus, sortisque levabat
 Fata tua, durasque vices. non Thracius Orpheus
 Suavius immitem cantu deliniit Hebrum,
 Aut celeres blando remoratus pectine silvas,
 Detinuit Rhodopen. Nec te quoque passus inultam est
 Scoppia gens, qui mendaci jejunia lingua
 Et Latias redimis diris lustratibus offas;
 Scaligerosque duces, tantæque exordia gentis,
 Illustres heroum animas, neque cognita nuper
 Nomina, venali esuriens sermone laceffis.
 Hæc inter dum cuncta viro delubra patefcunt
 Pieridum, & totum spirant præcordia Phæbum;
 Casareas Astræa fores, edicta Quiritum,
 Et Byzantini reteggit suffragia regni:
 Quo fundus sit jure meus: qua subdolus hæres
 Lege cadat: cur laesa fides vadimonia poscat:
 Quo vitio solvatur hymen: quæ fœdera Cypris
 Horreat, & quali damnet perjuræ voce
 Rhemnia lex. magnis applaudit Gallia ceptis,
 Atque aliquam meritis mercem latura laborum,
 Pura mente favet. Themidos sacraria mystam
 Ingeminant, titulisque decus famulantibus augent.
 Nec tamen ancipites illi sub judice causa
 Præcidere diem; nec matutina molestus
 Tempora consultor rapuit; non vocibus emptis
 Curia felices lassavit mobilis aures.
 Non querulas chartas, non testamenta resignans.
 Distendit mala turba togam; nec dextra rotavit
 Carminis horrendi folia, & jam puberis ævi
 Sollicitas de dote preces. procul illa laborum,
 Fortunæ virum, pepulit fastidia felix
 Sæcia, & invisit expunxit nomina rostris.
 O quantum imperiis secreti numinis addit
 Doctrinæ venerandus amor, quantamque repperdit
 Musa-

Musarum fortuna vicem. Iam regia laudes
 Audit, & augustum feriunt praeconia limen,
 Et terras, Scythosque tuas. spectabilis ostro
 Belgarum populis Princeps responsa daturus
 Maluit esse suum. longè sua praeemia sperat,
 Quem puduit lituisse domi. procul ibinas, inquit,
 Quo sortis vocat aura mea. quem patria discors
 Negligit, Arctos habet. sequimur te, maxime Regum,
 Et supplex tua sceptrâ colo. quascunque per oras
 Me tua iussa vehent, vel tempestate furentem
 Nerea, vel duro concretum frigore Volgam;
 Lappionumque truces vultus, & saeva ferarum
 Pellibus ora feram. glacialia sidera spernam,
 Dum sidus sit mite tuum. sic deserit arces
 Battavicas, caelumque suum, Zephyrisque secundis
 Frangit Hyperboreas remis properantibus undas,
 Et varias portans Sueonum mandata per oras,
 Sarmatici latus sulcat vada caerulea ponti.
 Nec tamen aut placidos in visa superbia mores,
 Aut crescens subvertit honos. non gratia regum
 Dissimilem facit esse sui. fastigia laudum
 Deprimit obsequiis, & quanto major habetur,
 Officiis studet esse minor. virtutibus ornat
 Oratoris opus. domino secreta potentum,
 Et tacitos aperit motus: in foedera reges
 Advocat; externi pandit commercia mundi:
 Nunc sociam deposcit opem, nunc regia spondet
 Arma laboranti patria; nec vana suorum
 Vota precesque sinit. quicquid sperare iubetur,
 Mox tenet, & surdas expugnat pervigil aulas.
 Iam Taciti consulta probat. jam noscitur usu
 Tullius; imperii varios se fundit in actus
 Crispus, & Annaei monitus, exemplaue Livii,
 Ac veterum nostro spectat sub sidere scenas.
 Dicenti nunc verba Liger, nunc commodat ora,
 Qui Vahelim Mervamque bibit, Rhenumque, bicornem,

Et qui Teutonicas medius secat Albis arenas,
 Finnorumque maris populi; nec dignius unquam
 Roma triumphantes meminit dixisse Quirites.
 Fare, precor, talem si te genuisse nivosis
 Iactas Savo jugis? non hac tibi nomina debet
 Belgica. depositum Batavus tibi credidit ingens,
 Et voluit te posse frui. Iam grande reposcit
 Pignus amicitiae; & tecum dum commoda regni
 Dividit, hos solum cineres, hac propria Belgis
 Funeris ossa putat. satis est audisse loquentem,
 Orantem stupuisse satis. sic profuit orbi,
 Sic tibi; seu pavidos cum victrix Austria Bojos
 Exiit, & trepida miles bacchatur in urbe;
 Seu cum Cattigenum procures ad mutua fleat
 Auxilia, & socius firmat tuae foedera frenis.
 Meluctus lachrymaeque manent. tibi prisca fatiscit
 Gloria. Tota trahit ferales Botnia taxos,
 Dumque rogam simulat, (nam servat Belgae cada-
 Vndique funereas altis de montibus ornos, (ver
 Fraxineasque trabes, piceas, & maesta cupressi
 Robora devolvit, laucesque & thurea dona
 Affundit cineri, dicitque novissima verba:
 Ille per Elysios latus spatiaabitur agros,
 Quaque suis errant doctorum sedibus umbræ,
 Et Phoebo sacrata cohors, manesque disertæ,
 Iuliadem quaret, vigilesque hebetantia sensus
 Exutus jam membra, anima miscere reperta.
 Se cupiet, sortisque sua felicia multum
 Fata recensabit, regalis munera dextra,
 Et numen, Gustave, tuum. mox obvius ibit,
 Non jam vota fovens, facilis contextor Iambi
 Baudius, & quali gravitate affatus Elisam est.
 Terrarumque Deos, lucis egressus opacis,
 Ibit in amplexus, reliquisque aversus ab umbris
 Huic uni vadet socius. veneranda Thuanus
 Draferet, Druidumque volet cognoscere motus,

Iuncta

*Iunctaque Luligeris Brittonum fœdera sceptris.
 Felices gaudete anima, quas sera nepotum
 Fama vehet, memorique suum decus asseret ævo.
 At questus audite meos. Rutgersius hosce,
 Audiat hos absens gemitus. postque inclyta Regum
 Funera, & Auriaci ploratos carmine manes,
 Nunc etiam nostri cupiat pars esse doloris.
 Tuque aded, quem tota sibi vendicat Hellas,
 Et Latium, ac pura Permessus proluit undâ,
 Heynsiade, venerare rogam; diuisaque luge
 Pectora, & iratis Parcas ulciscere Musis.*

*Dixerat: ast illam Batavum de litore turbo
 Ocyus abripuit. qualis mandata Tonantis
 Exequitur, levibusque volat Cyllenius alis,
 Proscinditque Notos. non hanc remorantur euntem
 Nubila, non venti, tempestatumque procella.
 Iam Frisios, Chaucosque, & prætervecta Cheruscos,
 Quosque rigat regum indignatus castra Visurgis,
 Et refluxis pater Albis aquis, Cimbrosque feroces,
 Codanique sinus populos, quâ Riga profundo
 Imminet, & mediis posuit tentoria castris
 Rector Hyperboreus, Dea constitit. Ille ubi sensit
 Palladis ac divum monitus, afflataque cœlo
 Pectora, secum animo volvit, quis posthuma rerum
 Pondera sustineat, Batavis quis sedibus alter
 Fulciat Arctoum facundis vocibus orbem.*

P R Æ F A T I O

In Epithalamium sequens ad Sponsum.

CUm glacialis Hyems Sponsam sociasset
 amanti,

*Scripsimus hæc mediis carmina frigoris.
 Penè mihi nocuit Cypris dilata poetæ;
 Dum genitum brumâ, vere poëma legis.
 Adspicis, ut gelidos referant exordia menses,*

Hybernasque bibant ultima verba nives?
 Tunc mihi tu Sponsus, tunc dicebaris amasse,
 Faverat & votis pronuba Iuno suis.
 Et mea, nescio quo Phœbi commota furore,
 Adfuit in thalamos Musa vocata tuos.
 Si tibi displicuit tardans Hymeneus amores,
 Et mihi difficiles, crede, fuere moræ.
 Nunc operæ periere meæ, periere Camœnæ,
 Temporibusque minus convenienter eunt.
 Peccamus gemini, nimiū tu lentus amando es,
 Sum nimis in thalamos officiosus ego.

IN NVPTIAS CONSTANTINI HVGENII

Equitis, Illustrissimo Principi Auriaco
 à Secretis.

Clara Parethonii sileat miracula Nili.
 Memphis, & irriguo fecundas gurgite terras.
 Egelidos alibi latices, concretaque duro
 Saxa gelu, & solo mutatas frigore quercus
 Desine mirari Latium, coctasque sub ipsis
 Vorticibus Iudæa dapes. liquefacta Lyæum
 Castiget glacies, rabidi sub sidere Cancri,
 Et rigidas hyemes æstas, ac munera brumæ
 Imbibat humenti Procyon contrarius Vrnæ.
 Nil Constantino nobis jam conjuge mirum.
 O cœli terraque vices: dum flumina passim
 Stricta rigent, Batavoque calor proscribitur orbe,
 Ille calet, primosque dies effeminat anni.
 Vos, quibus arcani rerum patuere recessus,
 Dicite, cur fervens Astrææ virginis astrum
 Displicuit thalamis, Venerisque caloribus apti
 Tyndarida? cur non mores edoctus amantum
 Eligitur petulans Aries, matrumque ubactor

R

Magna.

Magnanimus? cur astra placent glacialia Sponsis,
 Et juvenis gestator aqua, Piscesque supremi?
 An dilecta Iovi soboles melioribus uri
 Corda monet flammis? aliosque exuscitat ignes
 Iliacus puer? an medio plus frigore fervet,
 Secretum quodcumque latet? centrumque repulsus
 Ardor habet, partesque calor secessit in imas?
 An tibi, quæ spatius noctes ingentibus horæ
 Extendunt, iam Sponse placent? Lucemque tenebris
 Postponit pudibunda Venus? ne gaudia turbet
 Phosphorus, & celeres properans Aurora quadrigas.
 An veluti media rabiem Leander in Helle
 Fregit amans, cupidique faces restinxit amoris:
 Tu quoque frigoribus flammæ moderaris, & ignes,
 Quamque adamas, sapienter amas? primosque fra-
 Prudenti ratione domas? nec leta juventa (rores
 Robora lascivo cupis indulgere labori?
 Scilicet illa sua tenerorum lusor amorum
 Dictavit præcepta Scholæ. discrimina Cypris
 Inconsulta creat, Pæbisque licentia matris
 Officium sub lege facit. sua tempora constant
 Conjugibus, sapiensque morâ sufflaminat ætus,
 Crebraque mox rediens amat intervalla Cupido.
 Viderat hic Batavo tantos feliciter ausus
 Successisse Duci, dominisque potentibus aulam
 Crescere, spesque novo populi rectore renasci,
 Cum pharetratus ait: Iam te quoque tollere tedas
 Hugeni mea vota volunt: qui iussa capeffis
 Principis, huic etiam studiis famulantibus adsit
 Obsequiosus amor: tales dum gignere cæptat
 Nassorio natura Deos, tu pignora tantis
 Officiosa Diis genera, decorisque paterni
 Hæredes, famulosque Ducum protrude nepotes.
 Non didicisse meas artes, cunctosque Diones
 Decantasse dolos satis est. Parnassia per te
 Templæ sonant, scriptusque tuo sub pollice sæpè

Indoluit contemptus Hymen. nunc exue vatis
 Ingenium, partesque novas ordire mariti:
 Lataque te videat venientem à limine longè
 Virgo procum, tardasque moras objectet amanti,
 Et facilem cupiat sibi subrisisse poetam.
 Est genitrix Erycina mihi: juvenisque puerque
 Nuncupor. at quamvis teneris imberbis in annis,
 Frango corda virum. sunt hæc excussa Tonanti
 Fulmina sæva manu; rabidi sub imagine Tauri
 Virginem Agenoream rapui, sub imagine Cygni
 Leda Iovi sociata fuit, Satyrusque misellam
 Antiopen, pluvius Danzen, aquilæque fesselli
 Asterien. vis nostra tua de gente trophæa?
 Vis domitos vates, & victas conjugum lauros?
 Ecce Deus vatium juga per Peneia duram
 Insequitur Daphnen, flagratque poetica Sappho,
 Æstuat Alceus: Clario dilecta poeta
 Fervida Lyda furit; docti lyra languet Horati,
 Lydia cum Flaccum recreat: cantata Cutillo
 Lesbica cantari meruit, famamque redemit
 Basiolis lasciva suis: adamata Corinna est,
 Et spoliū tantæ rapuisti Naso puellæ,
 Illicitis audax thalamis. placuisse Tibullo
 Sulpitii potuere genæ, risusque Neera,
 Et Nemesis sine libe pudor. vis altera seclī,
 Et populi documenta tui, dilectaque Phœbo
 Nomina; sidereos Hyados qui scripsit ocellos,
 Vritur in Morinis: Nangerius arsit Hyellam,
 Castilio Hippolyten: redimantem Cotta Lycorim,
 Stroza furit, cessit Batavo sua Rossa poeta:
 Grotius erectos animos submisit amorī:
 Quique mihi toties genialia carmina dicit,
 Barlæi foribus bis ter suspensū corona est.
 Sunt tibi communes istis cum vatis undæ
 Castalidūm, sunt & communia numina Musæ,
 Communes hederæ: sint & communia vobis

Iura thori, facibusque suis praluceat Hymen,
 Nec foliis marcescat amor. plus nupta puella,
 Quam cantata iuvat : stimulosque ferocius urget
 In thalamos admissa Venus. qua pagina prurit
 Lusibus, in vanâ fingit sibi gaudia scenâ,
 Et frustra tua vota fovet ; velut ille fugaces
 Tantalus optat aquas, & sava fercula mensa
 Appetit, & vacuo sectatur gutture pomum.

Dixerat hac facundus Amor, monitisq; Deorum
 Constantes cessere animi, tedaſque perosum
 Pectus inoffensos altè jam concipit ignes,
 Admittitque Deum venis, Hugenius ardet,
 Clamabam, fietque pater. sedet ille, noſasque
 Incubat in curas, & priscas negligit artes,
 Et gaudet minus esse gravis. venerabilis aula
 Exuitur facies, gravitas subsidit amori,
 Hunc proprii mores, mores sua verba sequuntur.
 Nil nisi molle sonat, placidum, sociale, remissum,
 Nulla sede manet. pendent oblita magistri
 Barbita muta thoro, nec tacta pollice chorda
 Dediscunt resonare melos, delapsaque tecto
 Securos fidibus subtextit aranea casses.
 Scandit equum ; laxo sonipes vestigia freno
 Lenta legit, dominique piger parere recusat
 Mitibus imperiis. illum sperata voluptas,
 Attentumque tenent speciosa virginis ora,
 Et vultus, quos fingit amans. Si tempora Musis
 Commodat, in molles elegos deflectit amantum,
 Totque poetarum libris decerpit amator
 Nasonis titulum, quaritque in amoribus artem.
 Cum legit astuti fraudes & carmen Aconti,
 Cydippen hac arte petat : jam carcere clausam
 Poscat Hypermnestram : jam terret Iasonis uxor,
 Exemplumque timet : jam Laodameja labantem
 Erigit, exemplumque probat. jam rursus amare
 Desinat, exemplo Canaces ; nisi lecta modesta

Littera

Littera Penelopes tam casta conjugis illi
 Spem faceret. fidei miratur nobile pignus
 Hermionen; iterumque furens quid femina possit,
 In Didone stupet, fatisque ruentis Elisa
 Ingemit. at charam non sic ego Phyllida spernam.
 Demophoon iratus ait. tu Sesta puella,
 Quaque ab Abydena tibi littera mittitur urbe,
 Tota placet. quacunque domi sunt obvia, sordent,
 Meque etiam peregrina juvant. absentis amica
 Acris est studium, & raro conspecta furores
 Exacuit. vos Hagana secedite matres,
 Vicinaque nurus: mihi queritur altera Sestos,
 Altera Abydos erit. terra sejungar? an unda?
 Unda nocet, nocuit Leandro fluctus & aquor.
 Sufficiant mihi tuta mea discrimina terra.

Vrbs jacet in Batavis, totum celebrata per orbem,
 Dives opum, legumque potens: si Pergama jactant
 Autores antiqua Deos, hæc mœnia Divum
 Dic quoque, struata manus. Venetos miramur in undis
 Oceanoque domos, atque emergentia stare
 Saxa mari: sed & illa cavas fulcire paludes
 Tecta vides, mollique exurgere culmina limo,
 Et vastam nili sylvis ingentibus urbem.
 Hic sua Neptunus tumidarum rector aquarum
 Regna tenet, totique minax dat jura profundo.
 Hic aperit portus, Gangisque, & divitis Indi,
 Hostilisque Tagi spoliis exultat opimis.
 Hic Arabes, durique Getæ, Cimbrique feroces,
 Et Persæ molles, & fertilis accola Nili,
 Totque Afrum populi, & braccati corpore toto
 Lappiones, hospesque Padi, potorque Suevi,
 In commune forum cœunt. hic venditur orbis.
 Hic emitur, mercesque suas extrudit & adfert
 Mercator vagus, & longinquæ munera terræ
 Vectat opes pelago. præses Cyllenius urbi
 Imperat, & multo locuples splendet in auro:

Huc ubi corripuit gressum, & surgentia passim
 Tot cœlo delubra videt : nova mœnia condi,
 Fervere strata viris ; distentas mercibus alnos,
 Turritosque apices ; & victam compede Tethyn,
 Amsteliosque lacus. Non hæc mihi, dixit, amantur,
 Spesque meas implent. luxum damnate coloni ;
 Hos ego nunc una proscribam virgine fastus.
 Dum loquitur, Barlæa venit, (seu casus eunti
 Obtulit hæc, seu fata pios moderantur amores,
 Et thalamis Deus author adest) non turgida gressu,
 Demissis pudibunda oculis. adsperserat illi
 Blandum aliquid Cytherea favens, moresq; pudicos
 Finxerat Euphrosyne. placidi reverentia vultus
 Fecerat invidiam formæ. capit ille secundi
 Augurium geniale thori, & læta ora pererrans
 Virtutum simulachra videt Charitumque labores,
 Ingeniique notam, secumque hæc talia fatiur :
 Te sequar Amstelie gentis decus, inque tuis nunc
 Fixa pedum ponam pressis vestigia plantis,
 Atque umbra spatia ista tua relegamque, premam-
 Ne capidis oculis, ne quæ elabaris amanti. (que,
 Tu patrios cynosura lares, tu limina monstra,
 Mox adeunda mihi, primos cum Vesperus ignes
 Extulerit, Phabeque meos testabitur ignes.
 Successus doctrina juvat mellitaque tanti
 Suada viri, variumque sibi facundia schema
 Fabricat, & gaudet sic persuasisse puellæ.
 Dixisti : Sum, virgo, tuus. nihil illa regeffit.
 Dixisti : Sum, virgo, tuus. subrisit amanter.
 Ter dicis : Sum, virgo, tuus. penè annuit illa.
 Moxque iterum dicis : Solve hunc mihi virgo dolo-
 Et vita me redde mea. suspensa labascit (rem,
 Virginitas, & victa ruit constantia verbo :
 Sum tua : me sponfam, te sponsum eliminat Hymen.
 Felices anima ; quali socianda marito
 Ingredieris Barlæa domum, pilentaque scandis

Aonilum vectura decus. tu conjuge in isto
Pierin, & cunctas aufers pro dote Camœnas,
Ipsaque Thymbræum donant sponsalibus Phœbum.
Qua propior Ducibus facies? quis gratior aula?
Quanta salutantum foribus præludit in ipsis
Turba petax; cui Nassoræ responsa benignus
Et rescripta ferat. Iam te venerabitur Haga,
Nomina laudabunt vates: jam clara poetæ
Vxor eris, decorisque sui dat jura Britannus.
Nec tu Sponsa minor propriis insignibus annos
Illustras, sexumque tuum. sit Portia fortis,
Sit Cassandra sagax, venturi præscia Manto,
Doctæque Papinû conjux, celebresque Corinna,
Te nostro pietas spectabilis eximet ævo.
Latior interea vicina per oppida tædas
Fama vehit, glacieque rigens pater Amstela Teja
Nunciat, ille mari, lateque patentibus undis.
Non Tamesin Galatea, nec hoc nescire Garumnæ
Cymothoë voluit. Tyrrhena per aquora Triton
Insonuit thalamos conchâ quascunque per oras
Pierides vexere virum, communibus omnes
Applaudunt animis, votisque faventibus adsunt.
Quod si Vere novo, & Zephyris perflantibus orbem,
Fœdera junxissent Superi; viridantibus Haga
Annueret foliis, cantatæque porticus umbrâ
Par calidum gelidâ tegetet, tiliæque superbas
Glandiferoque cavas agitaret vertice quercus.
Nunc, quod sola potest, pulchrâ vestita pruina
Candet, & oppositos recreat candore penates.
Et licet in-riso rigeat sub frigore cælum,
Vult aliquâ prodesse tamen. nova sidera nuptis
Parturit, hybernasque faces extrudit Olympus,
Innumerisque micat flammis æstate negatis.
At te felicitis præsagia prospera lecti
Constantine juvent, & cum te Sponsa maritum
Mox faciet, poscetque isto de patre nepotes,

*Amplexus inter faciles, risusque jocosque,
Intempestivum poteris risisse poetam.*

P H A L E V C V S

ad Sponsum.

Quot tu carminibus canis puellas :
 Quot laudas Batavum Batavis urbes :
 Quot taxat tuus ordines character :
 Quot pulsas fidibus chelyn canoris :
 Quot terras populosque permeasti :
 Quot linguis loqueris diserte vates :
 Quot pernox numeras faces amator :
 Quot te candiduli colunt sodales :
 Quot tu candidulos colis sodales :
 Quot leges veneraris Vlpianas :
 Quot signas tabulas petacis aula :
 Et quot basia perlegis Catulli :
 Tot jam basioli bea maritam ;
 Tot te basioli beet marita.
 Et post millia basiationum,
 Post tot murmura, post leves ocellos,
 Post flexus, helicesque brachiorum,
 Fac, quod fas finit haud negasse Sponsam,
 Vni dicere sit pudor poeta.

PROEMPTICON,

Ad Nobilissimos & Generosissimos Dominos,

D. IOANNEM GEORGIVM,

&

D. WENCESLAVM GIGAN,

Fratres, quum relicta Batavorum Academia
 Silesiam repeterent.

Magne maris Nereu domitor, qui gurgite vasto
 Battavicis gelidam secludis finibus Arcton,
 Et

Et procul offensi victrices Caesaris iras,
 Et debellatum spectas è fluctibus Albim :
 Tuque, per aquoream pandens tua littora Tethyn,
 Terra potens, mediumque bibens Germania Rhenū,
 Sumite depositum, Batavis quod reddimus oris.
 Nec vestros violate deos. compescite Martem,
 Et strictos geminis avertite fratribus enses,
 Si veniam meruit pietas, si nescia fraudum
 Pectora religio est manibus temerasse profanis.
 Non nostrum est, quod fertis, onus, sed nomina vobis
 Et patria sperata sua, quibus otia tellus,
 Et conjurati spondent sua commoda venti.
 Sat pelago trux sævit hyems, & bella minantes
 Disjecit Iovis ira rates. hac pacis alumnos
 Cymba vehit, solumque ferunt pia carbasia Phabum.
 Cadibus Europa maduit caput, effusus ensis
 Vangionum tristes maculavit sanguine terras,
 Et Bojos fato domitos. sua damna triumphans
 Austriacus dolet, & victrix fortuna suorum
 Morte cadit, propriosque obitus ulciscitur ultrix.
 Hoc regum trahit ira nefas, sceptrique furores
 Insons turbavit. sed vos jam parcite dextra,
 Assuetæque malis anima, tinctæque recenti
 Cæde manus, donec tantum Silesia pignus
 Possideat, Viadrusque suas exponat in oras.
 Ambulat innocuus candor, generosaque mentis
 Simplicitas, doctosque agitans prudentia sensus.
 Nec sapiens, quæ vulgus amat. nil castra morantur
 Aonides, neuterque suâ cum Pallade Apollo est.
 Præsidium doctrina petit, nec noxia cuiquam
 Nobilitas faciles poscit per compita gressus.
 Ciganei procures patriis considerare terris,
 Et reduces adolere parant altaria donis.
 Magna loquar, migrant celebris charissima Leydæ
 Corculæ, & externa clarissima nomina gentis,
 Et Batavæ telluris honos, agnoscite Belgæ,

Quas dudum servastis, opes, quas Odera vobis
 Credidit, & nostris formandos misit Athenis.
 Scilicet est aliquid peregrinos visere Soles,
 Nec tantum sapuisse domi. mens libera querit
 Exilia, atque foris positum miratur honestum.
 Illa Deum sedes, Superumque invita penates
 Mortali mutavit humo, mox corpore rursus,
 Carceribusque abitura suis. cur horreat orbis
 Particulam mutare aliam? cur semper in uno
 Stare loco, patriaque velit se affigere gleba?
 Undique, quæ geminos tollit, vel deprimat axes
 Natura mundi que labor, quaque incubat undis
 Fornicibus domus alta suis, virtutibus ingens
 Porrigitur spatium, nec fervens cura sciendi
 Sistitur, ulteriusque cupit furor iste vagari.
 India bis geniti redimunt tempora Bacchi,
 Argolicæque duces, & Graea nomina terra
 Thessalicus pellexit ager. Tirynthius olim
 Hospes in extremis consedit Gadibus heros,
 Alcmena matrisque satur, defossa metalli
 Pondera in ignoto Batavum solertia mundo
 Quarit, & immensum circumfert vela per orbem.
 Non Ithacum tenuere lares, geminosque Mycenæ
 Atridas, abiit Latio dimissa Iuventus,
 Cecropidumque stetit tandem novus advena portis.
 At vos Hercyniis vicinas saltibus arces
 Lixistis fortes animæ, Belgæque videndi
 Causa fuit magno libertas Principe tuta,
 Nec victa regionis amor, sacrataque Musis
 Limina, & in mediis nascens sapientia bellis.
 Non hic fallacis scelerata insania seculi
 Aspersit labem generi, non improba Siren,
 Nec Circe potuit castas inflectere mentes,
 Aut scelerum suadere modos. dulcissima vita
 Otia Romana rapuerunt tempora chartæ,
 Et modo surgentis Roma, modo fata cadentis,

Quin

Quin ubi majores mens volveret ardua curas,
 Socratica dulcis Sophia latuistis in umbrâ,
 Aut Themidos sacro didicistis jura recessu,
 Et veterum nostro versastis fidere leges.
 Nunc Patria vos cura vocat, blandique penates,
 Bellorumque immune solum. jam grande laborum
 Terra parens designat onus, subductaque Marti
 Imperia, & claros offert respublica fasces.
 Illustres virtute vii, nec sanguinis ortu
 Degeneres, proavum nulli splendore secundi,
 Felici remeate gradu. nos prospera vobis
 Vota damus, fremituque afflamus vela faventi.
 Cymothoe placidis calcans vada cœrula plantis
 Sternit aquas, toto subsidunt æquora ponto,
 Affiliensque rati proram levis alluit unda.
 Et, quia sacra Deis fratrum concordia, fulgent
 Placatos inter Pollux cum Castore fluctus.
 Ipse etiam Æolio dimissus carcere sentit
 Iussa Deum, laxatque sinus, & vela secundus
 Auster, & à puppi surgens comitatur euntes.
 Et jam lata novos recipit Silesia vultus,
 Et dominos vehit Elsa suos, jam Nissa fluente
 Luxurians sociâ gaudens lascivit in urbe,
 Aggeribusque excussus abit. jam Ciga triumphans
 Civiles vestro damnat sub nomine rixas.
 Illic consiliis populos, & legibus urbes
 Flectite, ad exemplum moderantem cuncta Deorum,
 Seu pacem fortuna dabit, seu barbarus hostis
 Inferet Hungaricis funestum sinibus ignem,
 Et turbata quies distritos porriget enses.
 Illic Auriaci magna ornamenta Lycei,
 Et seris victura etiam memorabitis annis.
 Nomina. ut, Ausonia decus immortale loquela,
 Vindicet æternos Batavis Cuneus honores,
 Et Latii genium, & priacas promittat Athenas.
 Illic Barlæ faciles in carmina Musas,

*Vt Vossî facunda mihi narrabitis ora.
 Mox ubi festa dies hilari decurret Iaccho.
 Augustos inter procures, cognataque vobis
 Stemmata, Battavica referetis robora terra,
 Hinc pelago cinctos populos, hinc milite tutum
 Aut Mosa Vahalique latus : duo fulmina belli
 Nassavios : pulsum obsessis à mœnibus hostem :
 Occiduis nuper victos in partibus Indos :
 Et tandem captâ obsidium memorabile Brada.*

Ad Nobilissimum Virum

D. C O N S T A N T I N V M
 H V G E N I V M,

Equitem , Febre correptum.

D*I, quibus imperiû est vita, Batavûmq; salutis,
 Tuque Deo prognate puer, quo vindice rursus
 Ostendit laceros latis mortalibus artus
 Hippolytus, tantosque potens medicina dolores
 Leniit, & vanos obitus risere quadrigæ :
 Incolumè hoc servate caput, quo sospite gaudent
 Aonides, hederamque comis, laurumque capillis
 Implicuere Deæ ; cuius Parnassia latè
 Carminibus delubra sonant : nec sola disertos
 Addidicit gens nostra modos ; cui Gallus & ipsa
 Mancipat Ausonias Cypris festiva Camœnas :
 Nec generosa suos vati subtraxit honores
 Albion, & Latia permiscens verba loquelæ
 Vandalus indomitos juvenum dictavit amores.
 Quid mihi fatales Lachesis, festina nocendi,
 Precipitas irata colos ? cur stamina velox,
 Dignæque perpetuâ florentia fata juventâ
 Mortiferis adflas odiis, & sidera morbis
 Et totum vesana malis adspergis Olympum,*

In charos violenta lares. arcessite manes
 Numina, & infesti pateant tot febris hostes,
 Et sedli secura cohors, quibus otia Soles,
 Virtutumque trahunt lentas fastidia luces.
 Hi pereant, queis vita perit : queis fama vacillans
 Ægrotat, marcetque levis flos integer ævi,
 Nec patria sapuisse placet. cur corpora constent ;
 Queis anima vis celsa labat, vivisque fatiscit,
 Et moritur pars magna sui ? sat juris in illos
 Mors habet : hi tremulo discent vestigia gressu,
 Quos sanos vixisse pudet. vos nobile pignus,
 Vos Batavis servate virum, quo Belgica vate
 Gaudet, & aternis inscripsit nomina fastis
 Cattus, & antiqua reparat dispendia lingua.
 Hos vetuit sua Musa mori, fatique triumphis
 Eximit, & cœli donat clementia seculo.

His nascens Aurora jubar, primosque jugales
 Commodat, his facilis pandit sua lumina Titan,
 Et vigiles demulcet equos : his provida seros
 Continuat natura dies ; inimica fugantur
 Sidera ; mansuetis famulatur nubibus æther :
 Morbidaque avertunt memores contagia Musa.
 Phœbe pater, totum medico cui sufficit Hæmum.
 Odrysiumque nemus, Patarcaque rura ministrat
 Terra parens, ægri cessas memor esse poëta ?
 Nec te docta chelys, totumque audita per orbem,
 Trans Ligerim, Rhodanumque, Alpinaque culmina,
 Oxonios, tetigisse potest ? cur nostra moraris (colles
 Vota Deus ? tu consilio fulcire ruentem,
 Tu sanare potes. tu mitia sidera nosti ;
 Totque soli cœlique vices ; qua tempora Luna
 Designet fatale jubar : quo lumine prosit
 Signifer, & quali Stygiis revocentur ab oris
 Pallentes virtute anima. non Lemnia tellus,
 Aut Creta te gleba latet : non divitis Indi
 Balsama, non pingues succi, quibus ipsa sororum

Pensa trahas, ducaſque tuo ſub pollice fuſum.
 Reſpice quâ latis frondet ſub ſaltibus Haga,
 Et gelidam præbet turbis ſpatiantibus umbram,
 Quâ meus afflictoſ languens Hugenius artus,
 Affectamque anima ſedem, atque ignava tuetur
 Membra dolens. blandum capiti circunde papaver;
 Succurrat Panacea favens. ne turbida Morpheus
 Obſectet ſimulacra vagus: ne vanus inani
 Phantaſus illudat ſpecie, vel ſæva Phobetor
 Ora ferat: lenes reſtaurent robor a ſomni,
 Et medicis valeat ſerpens Epidaurius herbis.
 Redde virum nobis, reddas tibi, redde Deorum
 Concilio, Bataſvumque duci. tu vota ſecunda.
 Interea abſentem mœrens affabor amicum.

Heu Patriæ ſpes magna jaces, pigroque cubili
 Languidulum demergis onus; nec gratia vultus
 Priſtina, nec ſolitam generoſa modèſtiæ frontem
 Explicat: immites urunt præcordia febres,
 Diſtendit fera flamma caput, vicinaque menti
 Lancinat æthereis cognatam ſedibus arcem.
 Hei mihi qualis eras, cum circumfuſa loquentem
 Curia, cum lati ſpectarent ora clientes,
 Dictaret reſponſa Themis: tibi plauderet aula,
 Gauderent te roſtra viro. Iam dextera languet,
 Cui toties deſcriptus amor, Vene: eſque, jocique,
 Et quicquid Cytherea probat, fallaxque juventa
 Ingenium: quæ laudet amans, quæque oderit idem:
 Quæ cupiat, nolitque furens. viſ tanta reſedit,
 Nec vatem ſinit eſſe calor. pejorque furorem
 Obtundit, Phœbumq; furor, flamma altera flammâ,
 Faxque facem. non labra ſiti tibi torrida fontes
 Caſtalii, Ciri hæque liquor, ſed pharmaca mille
 Simplicibus decocta rigant. nunc altera potas
 Flumina, nunc tetricus tibi ſaſtidit a Machaon
 Ferula parat, dubiſque docet dediscere cœnas,
 Aut Curii præſcribit olus: vel quale ſub ipſo

Fabri-

*Fabricius consulque bibit Serranus aratro.
Iam vegeti mutant gressus : nec limina calcas
Auriaco calcata duci. jam Principis harent
Et Domini rescripta tui. suspensa canorum
Iam damnat testudo melos, fidibusque remissis
Tristia languenti resonat lamenta magistro.*

*Adspice mortalis fugientia secula vita :
En fragile est, quodcunque sumus: dum vivimus, in-
Mille modos lethique vices versamur, & unus, (ter
Vel levis, ad mortem nobis suffecerit error.*

*Non tituli, gentisque decus, non tacta Deorum
Colla manu, aut Tyrio saturata murice vestes,
Non totam complexa Themis, non ebria Phœbo
Pectora ab agro deducant corpore febres.
Diffuimus gens nata mori, pariterque serenum
Ordinur cum morte diem : quâ vescimur aurâ
Fati causa latet, secretaque semina lentos
Constantine fovent obitus : sua funera secum
Circumfert moriturus homo : suspiria, tusses,
Et luctus, fomenta malis, & pravia præbent
Instantis documenta rogi. Mens sola Deorum
Expectat secura domos, & conscia cœli,
Quas optat, meditatur opes, nec noxia tabo
Sidera, nec diris minitantem afflatibus æthram,
Astrorumque timet vultus : capit illa laboris
Lenimenta sui, & magni promissa parentis
Versat, & ingentem voluit sub pectore Christum.*

*Hæc subeant animo voces, hæc sensa superstes,
Hosce tuo languens monitus concede dolori.*

Ad Apollinem, pro restitutâ Constantino
Hugenio valetudine,

CARMEN VOTIVVM.

P Hæbe pater, cujus triplici sub numine numen
Et Claros & Tenedos cœlit : cui carmina cordi
Et

Et jaculis armata manus, victrixque labantes
 Instaurat medicina dies, ac languida motus
 Debet vita suos, ereptaque nomina letho:
 Iam grati tibi thura damus, Rhenique sub ipsis
 Finibus accensis fumant altaria donis,
 Et Batavum tibi flagrat ager; dum leta renidet
 Auxilio natura tuo, & properantia sistens
 Stamina, fatales hoc saltem in corpore lucas
 Despiciat, & magno producit lumina vati.
 Agricola lectis Cereri de rure maniplis
 Sacra ferunt, placat Bacchum caper omnibus aris,
 Odrysium taurus, magno centena parantur
 Busta Iovi, Trivique truces deliniit iras.
 Cervæ cadens. Tibi nos priscos mactamus honores,
 Taurumque, & raptas calidâ de matre bidentes,
 Quosque sacrat tibi Persis equos. mihi Pegasus alter
 Fundit aquas, aperitque sacri fastigia montis
 Vngula, quo totos despumet pagina fontes
 In laudes Thymbræ tuas. tu carminis audis
 Vota mei, sospesque tuis Hugenius herbis
 Rursus inoffenso ducit vestigia gressu,
 Iamque redux à morte valet, Musisque renasci
 Incipit, & lentas cantu proscribere febres.
 Qualis ubi æstivas insana Canicula menses
 Verberat, inflexo nutant Cereali collo
 Pondera, & ærentes succumbunt ignibus agri:
 Tum melior postquam aura diem, secundaq; longas
 Dissulit unda facies, redeunt sua robora culmis,
 Vita satis; & quæ poterat periisse videri,
 Spes dominum ridiviva levat. non sola vetustas,
 Maonidesque pater, vel sacris nobilis hymnis
 Callimachus tua facta canet; tibi tempora dicent
 Votivum quoq; nostra melos, tibi scribimus hymnum
 In Batavis, tanguntque pios tua numina Belgas.
 Plus Deus Hippolyto sanas, quem ludicra vatam
 Discerptum commenta stupent, superisque renatum

Men.

Mendaces cecinere tuba. plorata reducit
 Funera, & extinctum falsis Epidaurius herbis
 Excitat Androgeum, & Troja sub mœnibus altis
 Ficta Philoetæ sanavit crura Machaon.
 Cedat Philyrides, Amythaoniusque Melampus,
 Et Grajis qui præstat opem Podalirius agris.
 Tu cunctis plus Phœbe juvas, disruptaque penè
 Federa tot vatum reparas. sanantur in isto
 Corpore Pierides: afflictaque brachia læta
 Permiserunt Charites. animâ Barlaus in illâ
 Sospes abit, vivitque iterum: communis utrique est
 Vna salus, commune decus: lingue scimus iisdem
 Deficimusque malis: rursumque juvamus iisdem
 Erigimurque bonis. hæc fors redamantis amici est,
 Hic Pyladem testatur amor, de vincit Orestem,
 Pirithoumque fides. En quanto patria plausu
 Lætiæ dat signa suæ. venerabilis aula
 Gaudia dissimulat Princeps. dulcissima mater
 Non morbi spatia ampla dolens, sed cuncta salutis
 Expendit momenta tuæ. non Curia fratris
 Tardari tristatur iter. generosa sorores
 Lumina detergunt lachrymis, nec fletibus ultra
 Ora rigant, lætaque queant placuisse puella,
 Dum solitus redit ore rubor; castique lepores,
 Blandaque sperantes facundia flectit amantes.
 Pandite vos Heliconæ viri, cantusque cietæ
 Turba poetarum; nec tu celebrata Camœnis
 Anna soror suspende lyram: licet ista maritus
 Ociosæ & ingratas forsân fastidiat artes.
 Oscula tantisper, tantisper basia differ,
 Neglectusque tuâ jam saltem parvulus aulâ
 Lusitet Ascanius, donec solennia Phœbo
 Carmina & incolumi suspendas vota poetæ.
 Traxerat Eurydicen Stygiis Rhodopeius Orpheus
 Sedibus, unanimi Thrace cum barbara plausu
 Acciuit reduci. nec, cum pallentibus umbris

Exit

Exiit audaci Theseus juratus amico,
 Et tremere Styx atra duos, sua gaudia pressit
 Gracia, at in violo suspendit ferta sodali.
 Nunc etiam sua jura neci, Diti que triumphum
 Abstulit illa dies, spoliūque invidit Averno;
 Quā novus, & fractos reparans Hugenius artus
 Ambulat, & solitis lassat palatia curis,
 Aut turbata suis accommodat organa cannis,
 Aut doctum modulatur epos, vel sidera spectat
 Æqua sibi, Superūque domos metitur, & ortus
 Flammarumque citos obitus, vel verba disertus,
 Et sua in innumeras diffundit nomina gentes,
 Linguarum fandique potens. Quid maxima cessas
 Gloria Toxandrum, Batavi vox prima Senatus,
 Grande decus vatum, Cat si? si femina, virgo,
 Si Memphis lasciva suos suggessit amores,
 Si matres meruere cani, & sua munia per te
 Præclara didicere nurus, docilisque reperta est
 Battavia, asserto potius jam barbita vati,
 Et Clario concede Deo. jam littora Nerei,
 Naiadumque chori, vicinaque numina Fauni
 Exiliunt, recubansque aliquis sub tegmine fagi
 Extinctum nondum crudeli funere Daphnim
 Ingeminat calamis Corydon, vel gutture Phyllis.
 Quæque viri forsan thalamos Galatea subilit,
 Sic garvsa canit: Vos hoc venerabile Belgis
 Depositum servate Dii: si sidera poscant
 Indigetem, serò Superos & limina Divūm
 Adspiciat patrio proles contermina cælo.
 Spem faciat sobolis, venturorumque nepotum,
 Quem totum peruisse nefas, nec clarior orbis
 Incola languenti prorsus sua subtrahat ævo
 Nomina. quæ paribus patrem virtutibus æquet,
 Progenies tantos decoret victura penates.

LAUDATIO HORTVLI,

Siti in agro Leydensi, extrà portam Rhe-
noburgicam, intrà primum ab urbe
lapidem.

Hortule, Apollineos toties cui rustica cantus
Pieris ingeminat, foliisque instillat amorem
Carminis, & lenes resonant arbuta Camœ-
Hortule, qui fessa toties solatia meni (na :
Sufficis, & tetricas curis levioribus horas
Delinire soles, & post abrupta laborum
Ad secreta vocas, Zephyris perflantibus orbem,
Fecundos jam pande sinus, almaeque parentis
Depositum, messemque avido promitte colono.
Cessit hyems, cessere trucidæ fastidia brumæ,
Sideraque in faciles nimium crudelia Belgas.
Occidit effusa glacialis Aquarius urna,
Nec Pisces cum Sole meant; Leda pererrat
Astra Phlegon, laxisque dies expandit habenis,
Et matutinam vocat ad mulètralia Nisam
Purpureis Aurora genis. fumantia tauris
Tergora lassat ager, discissaque vomere tellus
Solvitur, & cupidis admittit semina sulcis.
Sic terris sua vita redivit, cœloque parente
Concipiunt animas, naturaque fœta laborat,
Et varium molitur opus. me conscia veris
Vis agitat, pigrumque jubet secedere mundo,
Afflatum propiore Deo. nova gliſcit ab imo
Pectore Musarum rabies, eademque pœtam
Tempeſtas annumque facit. cœlique calore
Pierides & Vesta calent. juvat ire per horti
Delicias laudesque mei, positisque coronis,
Nec jam Daphnea redimitus tempora lauro,
Fraxinea tenerum carmen meditabor in umbra.

Hor.

Hortule, non ego te gelidâ regione Trionum,
 Arcadiaque jugis, vel duri ad Strymonis undas
 Quæsierim, Scythicoque solo, quâ verberat Arctos
 Proxima frigentes populos, frenoque coerces
 Nereides immane gelu, noctemve diemve
 Continuat cæli facies, & rectior orbis
 Machina partiri nescit cum luce tenebras.
 Nec te Sole, rubens torrensque caloribus Indum
 Zona tenet, non ustus Arabs, non indigus undæ
 Afer, & ardenti tellus vicina Canopo.
 Te, cum vasta suis terrarum corpora quondam
 Digereret Deus ipse locis, divisaque sedes
 Acciperent elementa suas, Solem inter & Arcton
 Conditor in Batavis posuit; ne fervidus Æthon
 Vreret, & siccæ radiis elideret herbas,
 Aut frigus tardaret iners. tibi temperat æstus
 Frigoribus natura favens. Tu languida Rheni
 Flumina, Teutonicisque ruentem sedibus amnem
 Siftis, & hic nullo metuendum vortice lambis.
 Hunc sitiens æstate bibis; tibi pocula lato
 Sufficit, & tremulis stagnans allabatur undis.
 Hic Latia steterunt aquila, sua castra Quiritum
 Te circumposuere duces. te, missus in orbem
 Saxo Britannorum, Tamesinaque littora, pressit.
 Engisto ductore redux. admurmurat undis
 Oceanus, propiorque suas advolvitur arenas
 Thetis, & albentes circumdat carula colles.
 Hortule Hamadryadum requies, Fauniq; voluptas,
 Et Pani dilecte Deo, Corydonis amores,
 Delicium pueris, statio secunda puellis,
 Quam te læta Pales pratis viridantibus ambit
 Undique, quam laxis succrescunt gramina campis,
 Et circum tibi ridet ager. quam plurima passim
 Pascua tondet ovis, distentaque cernitur Io,
 Sed dudum neglecta Iovi. spatiosa vagantur
 Flexipedes per prata boves, armenta que fervens

Taurus init, reparatque sua dispendia gentis,
 Hic, quibus in tenera jam ludunt cornua fronte,
 Imbelles spectes vitulos, mollesque iuvenas,
 Errantesque procul tenera sine matre bidentes.
 His permixtus equus campo sese arduus infert,
 Impatiens freni, & multum spumantis habena,
 Lanigerasque inter pecudes generosa profusis
 Immergit sua colla iugis, bellique furores
 Concipit, & nondum conspecto irascitur hoste.
 Undique caruleum spatioso fornice cælum
 Incubat, & superum sublimes explicat arces,
 Flammiferumque globum Solis, Lunamque Deosque
 Objicit, & vario labentia sidera motu.
 Nulla oculos sistunt silva, non lumina montes,
 Laxa patent spatia, & vasti pars altera mundi.
 Non aliter Latius Circa cacumina surgunt
 Littoribus, Bajaque nitent; ubi tramite longo
 Tyrrhenos ultra fluctus, Siculumque profundum,
 Imminet adversis aether declivior Afris,
 Italaque oppositum tellus adspectat Atlantem.
 Plus illum tu Leida beas, laudesque tuorum
 Pars sentit tantilla tui. Tu mitia Musis
 Otia das, spretaque novos Libethride lymphe
 Diffuis in latices. mediis non Pallas Athenis
 Queritur, Aonia Cirrham liquere sorores,
 Ipsa Claros Phœbum Delosque antiqua requirit.
 Hic habitant vates, hic numina docta serenos
 Doctrinae posuere lares. nova nascitur in te
 Græcia, Cecropidaeque novi. nunc altera Belgis
 Ausonia est. in te Latialis Roma renasci
 Incipit. hic varias industria parturit artes:
 Dictat jura Themis, distinguit crimina recto
 Religio, & lentis remoratur stamina fusis
 Parcarum Medicina potens. sua viscera pandit
 Et cæcos natura sinus, verique recessus,
 Ancipitesque aperit rerum Sapiëntia causas.

Hæc

Hæc fundi laus prima mei est, hæc sorte superbit,
 Et sibi vicina præconia vendicat urbis
 Tot Musis illustre solum. sit milite fortis
 Hesperia pugnacis ager : sit Gallia Baccho
 Nobilis ; illustret candenti marmore regum
 Tecta Ligur : niveum peregrinis India regnis
 Mittat ebur : fundant molles sua thura Sabæi :
 Hæc loca venturis doctorum gloriæ seclis
 Consecrat, & totum diffundit fama per orbem.

Dic mihi purpurei gratissima filia Veris
 Flora, quibus tenerum nuper conseveris hortum
 Floribus, & quales pingant virgulta colores.
 Arboreos tu Faune senex ediffere fetus,
 Dicite lasciva Barlæi rura Napææ,
 Dicite, Hamadryades, agrestia numina, Divæ,
 Roscida disparibus nascentia germina formis.
 Assurgant patulis argentea lilia labris,
 Quæ violent candore nivem, vel odoribus Hyblam.
 Hæc inter croceo pubescunt altera vultu,
 Quæ vincant fulgore diem, Solisque lacessant
 Lumen, & Assyrio rutilantem marice pallam.
 Sunt violæ molles ; sunt, quas clementior æra
 Educet, at nullo nocituri vulnere dentes ;
 Et crocus auricomans ; & gloria veris adulti
 Crinitæ per colla rosæ, quas Cypris Adoni
 Inspingat studiosa suo, rapiendaque jamjam
 Legerat in Siculis gradiens Proserpina campis.
 Hic quoque, Threiciis ad nos transmissus ab oris,
 Flos virescit, imperiique decus regale Coronæ
 Sceptrorumque notant facies. hæc lumina pascit
 Tulparum venerandus honor, preciumque coloris
 Mirantur tam grande sui. stat margine quedam
 Discolor, hæc variæ folium vibice flagellat,
 Sanguineis hæc tincta notis, hæc cærulea fundo est,
 Hæc umbone rubet, fulvumque intermicat illi,
 Illi purpureum. totos facundia fontes

Laxat,

Laxat, & hac ipsa Batavus jam cernit in herba
 Stultitiae documenta sua, curaque virili
 Indignas telluris opes. appenditur auro
 Immitis spoliū Boreae, brumaeque rigentis
 Opprobrium, & centum pignus violabile causis.
 Non Veneri sacra myrti, seroque comantes
 Narcissi, nardique deest fragrantis arista,
 Et cum luteolo rutilantia fraga hyacintho,
 Cecropiumque thymum. crispas de sentibus uvae
 Pendentes late videas, totoque rubentes
 Cortice, & è teneris tot pendula corpora ramis.
 Hic eii in ventres minuens lactuca tumescens,
 Et molles malvae, cichoreaeque frigida laxae
 Succrescunt spatium: fabrorum prandia betae
 Hic sapiunt, & quae betis se jungere gaudent
 Ventosa stant lege fabae. quas expetat ipse
 Pythagoras, solasque suis commendet alumnis.
 Parte alia interitis erecto stipite pisces
 Floret ager: juxta gravida qui nascitur albo,
 In ventrem cucumis, praegnansque cucurbita serpit.
 Delia satidicas cessent attollere lauros
 Littora, Caesareos quae cingantserta capillos,
 Hinc, Romanae petas. hic versa amplectere Daphnen
 Phœbe pater, causumque tui mirare furoris.
 Et, tu Bacche, meis Acheloi pocula misce
 Vitis, & plenis latices extunde racemis.
 En succo vineta tument, suppositaque botros
 Testa levant, petiturque mea vindemia cura.
 Hac circum lentae salices, tiliaeque sequaces,
 Et nux junctae vi et spatiosis frondibus umbram
 Explicat, & pandoprotrudunt frigora dorso,
 Oceanique gravem nocituram frugibus auram.
 Et latus immitis Boreae, multumque rigentem
 Hiberno sub patre Iovem. dispendia celi
 Corrigimus Batavi studio, sylvasque procellis
 Objicimus, doctique truces eludimus Enxos.

His

Hic recubans magni miror fundamina mundi,
 Autoremque Deum : quot se sapientia formis
 Pandat, & unde suas arcessant singula causas.
 Quæ vis cuncta agitet, quæ tot distincta figuris
 Corpora, & æstivos pingat solertia flores.
 Cur huic caruleus, cur sit color aureus illi :
 Hic bulbo, teneris alius radicibus agris
 Hareat ; in mediâ cur crescant colchica brumâ,
 Anticipet ver helleborus ; funesta furentem
 Expectent aconita Canem : cur flexus ab ortu
 Tendat in occasum, medio declivis ab axe
 Phœbæa comes ille facis : cur prapete fato
 Vna dies natos hos cernat, & una peremptos.
 Antè oculos stat cura Deum, & venerabile cunctis
 Numen inest foliis : stant circumfusa Deorum
 Munera : jam digitis prensas, jam lumine spectas
 Ingenii cœlestis opus : jam proxima gustat
 Artificem natura suum. latet ipsa sub herbis
 Majestas Superum, & mediis spectatur in arvis.
 Quod si manè diem roseis Matuta quadrigis
 Vectet, & humanos opera ad consuetos labores
 Invitet Thaumantis Eos, concentibus æther,
 Et circum resonant avibus virgulta canoris.
 Triste gemit socia viduatus compare turtur ;
 Passere vernat ager, qualis tibi Lesbia primos
 Impetiit petulans digitos : perstringit hirundo
 Agrestes lasciva lacus, & vertice in alto
 Insiliunt ramis imitantes omnia pica.
 Tu quoque, quæ medio pendes sublimis inani,
 Nuncia veris avis, pulchrâ sub casside cantus,
 Et dulces iteras modulos, ni carmina turbet
 Turdus edax, picusque loquax, & aquaticus anser.
 At non Ismariæ patitur clementia Divum
 Pellicis ore frui, (nec enim datis omnia Divi)
 Quæ scelus infandum Terei, dirumque sororis
 Floret torva nefas ; gelidi non Phœsidis ales

Cerni.

Cernitur, aut Numidum glocitans gallina per agros.
 In quorum sabiere locum ranaque loquaces,
 Vespaque. & aestiva facundia rana cicada.
 Huc vocalis olor nitidis argenteus alis
 Advolat, & totum cantu circumstrepit hortum,
 Forte memor Leda, quærens, quam fallat, amator.
 Hesperidum celebrant hortos præconia vatum,
 Pomaque sopito male custodita Draconi:
 Thessala laudantur Tempe: Baiaque tepentes,
 Et quæ frugiferis Phæacum Autumnus habebat.
 Iugera culta locis: Helicon, & Adonidis horti,
 Et quos sublimi suspendit in ære diæves
 Assyrii, & magnis cantata Semiramis ausis.
 Audiat Æna parens florum: sit fertilis Hybla,
 Spiet thuriferis Panchæa pinguis arenis:
 Despiciant Siculos Pastana res iræ impos.
 Hæc mea cantatis præstant viridaria fundis;
 Hæc Dryades, Dryadumque domus, villaque coro-
 Et prope inoffensis Vvarmunda tuetur ocellis, (nant
 Virginibusque sacer quondam locus, & scelerata
 Tempia Deum subversa manu, quæ proxima Rheno
 Arx stetit, & veteres posuere cubilia Catthi.
 Illic rura jacent emptis celebrata caballis;
 Nec procul à facili cantata Thæide sedes:
 Frondibus Endelgesta latens, & flebilis, eben,
 Ruderibus domus alta suis. spectamus iniqui
 Temporis invidiam, & veteris vestigia belli
 Posteritas agnoscit inops. mare, flumina, terras,
 Oppida, tecta, lucus, celsoque minantia coelo
 Culmina semideum tandem invidiosa vetustas
 Destruis, & prisci laudes mala deprimis ævi.

Hortule, jam servet calidissima Solibus æstas,
 Et subit ardentem lampas Phœbea Leonem,
 Virgineos subitura sinus, & sidera Libra.
 Da fructus, da fraga mihi, da mitia poma,
 Iamque rubens cerasum, mox autumnalia prunæ.

Et pyra, & implexis pendentiâ vina racemis.
 Hæc colui mercede rudem: sperataque de te
 Spes hæc sola fuit. nam postquam gratior orbi
 Triptolemius pingui glandem mutavit aristâ,
 Crevit cura gula, peperitque licentia luxum,
 Tota nec in mensas suffecit terra superbas.
 Da requiem fesso; postquam lassata Sophorum
 Vox mea voce fuit, postquam strepere penates
 Murmure Socratico, & querula certamine turbæ.
 Sic tibi sit nullo nociturus Sirius æstus:
 Lenius insurgant Cauri: non strangulet herbas
 Agricolis in visa filix: non semina durum
 Elidat perimatque gelu; non grandine florum
 Colla labent: semper modicis destillet Olympus
 Imbribus in Vestæ gremium: sic sidera donet
 Iuppiter aqua tibi, & venientes proroget annos.

IN RECTORATVM,

Sive

PRÆFECTVRAM ACADEMICAM

Clarissimi Viri

PETRI CVNÆI,

Iurisprudentiæ in Batavorum Academia
 Professoris celeberrimi.

Quis Deus Auriaci clarissima sceptrâ Lycæi,
 Et tantum tibi credit onus? nū Delphica fasces
 Assignant responsa novos, & præscia fati
 Destinat imperiis tacito coriina recessu?
 An, velut Eoas Medo concessit habenas,
 Infirmuit tibi latus equus, fallaxque caballus
 Augustum monstravit iter: vel fixa parenti
 Oscula Palladis sacrorum nomina regnis?
 Num bello tibi partus honos, vel vindice dextrâ

Hos

Hos titulos fortuna dedit ? num fascibus hæres
 Succedis , proavumque capis moderamina rector ?
 Præficeris Phœbi laribus, dominumque salutat
 Te supplex doctrina suum ; nec iussa minorum
 Exequeris protrita Deum. quin iudice regnas
 Nassoio, tantique Ducis mandata capeffis.
 Scilicet assertor patriæ, terrorque Philippi,
 Neptunum Vestamque domans, dum classibus aquor,
 Vindicat, & dubii librat discrimina belli,
 Pieridum procurat opus, Martique ministrans
 Expendit momenta scholæ : quo præside in uno
 Battavia stet tuta salus, nec fada triumphet
 Barbaries, placidasque ferox exterminet artes
 Odrysius, rudibusque ruat facundia castris.
 Insedit labor iste Ducem : geminisque Batavi
 Vincimus auspiciis ; & dum manus altera ferrum,
 Altera Cecropiæ versat consulta Minervæ,
 Arcetur malesanus Iber, securaque tollit
 Pileæ, & armorum captat solatia Belgæ.
 Hæc Pandionia Musis patuistis Athenæ,
 Doctorum secunda domus ; subversa Cleanthis
 Atria, Socraticique lares. mox præca potentes
 Eloquio rostris donavit Roma Quirites,
 Et Latii laus ista fuit. migrastis & illinc
 Aonides, sociæque vagus cum Pallade Phœbus
 Constitit in Batavis , profugas ubi Leida Camœnæ
 Excipiens, placida tutas in sede locavit.
 Sunt regnis studiisque vices, pariterque curules
 Et Musas fors cæca premit. tibi leta secures
 Iam desert Schola nostra suas, eademque potestas
 Bis concessa viro, bis laudatura regentem,
 Evchit, & dominum claris præfecit habenis.
 Te rectorē ferunt per amœnos Phocidis agros
 Castalios undasse lacus : gavisæ sororum
 Atria felices tali moderamine fastis
 Inscriptisse dies. tu doctæ jurgia pubis

Frangere, tu fluctus, tempestatesque futuras
 Evitare, sagax, facili sermone mederi,
 Tritonumque minas poteris componere diis.
 Ac velut aequoreis prudens Palinurus in undis
 Assidet intrepidus clivo, torquetque curinam,
 Et decimis subducit aquis: seu fervida qualis
 Laxat anhelanti moderator colla caballo
 Automedon, calida nunc contrahis ora juventa,
 Nunc sapiens laxas. nunc spernitur ira tacendo,
 Et rabiem mora parva domat: nunc effusus horret
 Iussa furor, vultusque timent responsa severi
 Alcinoi, Lapithæque truces. si sidera tentet
 Enceladus, superisque Iovem detrudere regnis
 Titanum fera corda parent, jamque ipsa vacillet
 Majestas augusta Deum, trepidique Senatus
 Regia, fulmineo audacem Typhœa telo
 Dejicis, & natos cælum rescindere fratres.
 Non alium Latæ gradientem clarius arces
 Conspectere ducem, quoties capitoliæ consul
 Scanderet, & rigida tremere ante ora secures.
 Te quoque Apollinei generosa insignia regni,
 Sceptra beant, decorisque micat regalis imago
 Æmula. sunt Phœbo trabes, subsellia, fascēs,
 Quique Deum testetur, honos. tu pileæ donas
 Emeritis: tu sudatis das præmia curis
 Arbitr, & clavis præcium decernis alumnis,
 Palladiæ tot jura togæ. tu jussa Senatus
 Tranquillâ ratione regis, tantique superbum
 Nominis officium, majestatemque verendam
 Dissimulas, vultuque premis tua sceptra modesto.
 Advolat ad tanta totius præconia famæ
 Orbis, & in Batavo nascentes littore Musas
 Quævis terra colit. veniunt, qui mystica Celta
 Pocla bibunt, quos mittit Arar, rapidusque Garum.
 Volivolusque Liger. piti venere Britanni, (na,
 Quosque ferox longis abigit Germania bellis,

Pannonius, potorque Padi, Dacusque, Gothusque,
Vandalus, & nobis jam milia nomina Cimbri.
Dat dextram, juratque fidem vicina Sicambrium
Progenies, Fisiique, & qui ferus innatat undis
Toxander. pacemque tuus sub legibus obtant.
Ipsa Palatina majestas debita terra
Proles celsa Ducum, sub te jam præsiede captat
Otia, & imbelles præclaris artibus annos
Mancipat Heroum soboles. his pulpita turgent
Vultibus, Aoniiue lares : hæc purpura fasces
Irradiat veneranda tuos. sic regia sceptris
Parent sceptris tuis. mandataque prælegis ostro.
Ecquis Thespiadas tali rectore sorores
Respuat ? aut quando studis meliora patebunt
Secula ? quis vecors adeo, qui jungere tecum
Verba neget ? cui victricem facundia palmam
Destinat, & præscos Hellas transcripsit honores.
Nam velut immensas lampas Phœbeia terras
Illustrat, pariterque fovet, lumenque coruscum
Vilitate probat, titulis illustribus addis
Doctrina documenta tua : quas dirigis artes,
Ipse doces, sociasque tuis tot commoda curis.
Nonne vides quantis Academia lata triumphis
Emicet, & pleno doctorum fama theatro
Prostet ovans, lambatque altum invidiosa cacumen
Gloria ? Iam clarus Themidos delubra sacerdos
Ingreditur, querulique aperit spectante corona
Iura fori, laurosque refert. Iam sæta Galeni
Vadit iter laudum, & Coosolennia jurat
Verba Deo. jam quadriiugo Sapientia curris
Invehitur, vocisque tue suffragia sperat
Terrarum, pelagique sagax scrutator, & æthra.
Quique saluiferum terris commendat Olympum,
Æthereosque sonos, & magni nomina Christi,
Sub tua signa venit. nunquam majore Lycæum
Proventu Batavis tot docta pignora mentis

*Edidit. in cunctas messis tua funditur urbes.
 Excipit hunc trabeata domus, rostrisque disertum
 Praeficit, ille levis castigat crimina vulgi,
 Inque adytis, Superum ante aras, oracula pandit
 Et cœli destillat opes. solatia morbis
 Blanda Mæchaonia præbet silentia dextra.
 Auspiciis hæc cuncta tuis, hæc voce reguntur,
 Iudiciisque vigent, despectaque rursus Apollo
 Signa levat. mox fatorum currentibus annis
 Palladios iterum spondent tibi sidera fasces.*

O P E R V M

Clariss. Doctissimique Viri,
 D. GERARDI IOANNIS
 VOSSII,

Heydelbergensis, Eloquentiæ, Chronologiæ,
 ac linguæ Græcæ apud Batavos
 Professoris celeberrimi,

P A N E G Y R I S.

F Elices Nemetum populi, tuque optime Nicri
 Accola, cui placidas veteri de sede Camœnas
 Dispulit Austriacæ furor implacabilis aula,
 Casareaque ciens aquilas & nixus Iberum
 Intrepidâ virtute Ligur; tot damna, vicesque
 Imperii, & profugum mutato Principe Phœbum
 Hoc uno solare viro: quem matre cadentem
 Ipse tuo fovit puerum Thymbræus in antro,
 Vangionumque Dea. Iam desine tristior atros
 Sollicitare dies, & quæ tibi secula currunt
 Dura queri. sparsa rursus cœhere sorores,
 Et reduces mens ista capit. Permissus & omnis
 Hac Helicon sub fronte latet, sociataque curas
 Conglomerat doctrina suas, & fundit ab uno

Pectore

Pedore Romane quicquid facundia lingua
 Grande loqui, aut Grajūm potuit sapuisse vetustas.
 Quo Batavus se jactet, habet : quo Gallus alumno
 Surgat, & aternis inscribant nomina fastis
 Hostiles Grudii. Latius celebrata Camoenis
 Sciligerō Verona timet, magnoque superbum
 Casare nomen habet. memores tibi Vossius annos
 Scribit, & ingentis pandes proscenia fama,
 Clara Palatina reparat dispendia terra.

Ostentare suos Memphis studiosa labores,
 Et Pelusiaca potuit signare papyro
 Arcanas veneranda notās, latuitque sub umbris
 Pallas, & Isiaca stupuit sacraria lena.
 Cum Memphi jam Persa silet, veterisque Minerva
 Ignorat Chaldaeus opes, nec barbaras artes
 Medus, & Eeos surgens Aurora magistros,
 Brachmanasque colit! tepuit Sapiētia, fervens
 Quam late spatietur Arabs, & nescia veri
 Incubuit prisco gravis ignorantia mundo.
 Cecropidum vixere lares, & docta Cleanthia
 Porticus, & dulci sapiens vicinus Hymetto.
 Desipit & Latium, numerosque Oenotria tellus
 Pythagora meminisse nequit, Druidumque loquaces
 Conticuere scholæ. Tu prima Batavia Musas
 Colligis, & fracta tabulas ac frustra carina
 Naufragio subduta tenes. Tu cincta profundo,
 Armorumque inter strepitus, lituosque tubasque,
 Tranquillum meditaris opus, criticumque tribunal
 Erigis, & Latæ restauras jura loquelæ.
 Adspice Leida virum, quo iudice victa fatiscit
 Barbaries, mordetque suas irata catenas :
 Quique renascenti germana vocabula seclo
 Sufficit. hic ille est Phœbei censor honoris,
 Pegasidum vindex, tot rerum scriptor, & ævi.
 Quid dignum memorare suo primæva vetustas
 Possit Atlantiada? qui culti vocibus oris

Pallentes nigris animas emancipat umbris,
 Tutaturque reos, vel tristi merſit Averno
 Damnatum ſub lege caput, cum dura clienti
 Intonuſit mediis victrix ſacundia roſtris,
 Perſuaſitque Deus cauſas. Mentitur in illo
 Fabula; nos alias, Voſſi, te Rhetore, leges
 Accipimus, doctumque forum. quibus artibus aſtris
 Inuehat Auguſtum, vel magni Caſaris arma,
 Scipiadaſque orator ovans: qua voce furores
 Increpitet Caſilina tuos: Syllamque ferocem,
 Et Senonum furias, ſæuſque incendia Brenni.
 Aut qua Suada togam clypeis, qua claffica poſſit
 Ignavis præferre togis; Aſiaque potentis
 Pompejo decernat onus; qua proxima morti
 Colla levet, flectantque leves reſponſi Quirites,
 Et victo trépidas eludant iudice ſcalas.
 Hac Lyſias, Siculusque Corax, hæc Antipho quondam
 Accidit præcepta ſchola. vidère priores
 Vile rudimentum, & tenera cunabula lingua
 Verſavit tum Stoa gravis: mox aucta Lyceo
 Gloria, dicendique labor: fluxere diſerti
 Hermagoras, Grajuſque Molon, & conditor artis
 Hermogenes, Phalereuſque loquens, & pagina Tulli,
 Et Fabii clamantis opus, luſuſque Theonis.
 Tu veterum cæca nitidam caligine lucem
 Elicis, & ſcriptor priſcos irrumpis in annos;
 Eloquiique decus, turbataque nomina rerum.
 Et ſandi formas, collapſaque jura reponis.
 Tu Latium, vocesque ſuas formare Pelafgos,
 Argivosque doces: geminis exordia pandis
 Gentibus, & tantorum aperis elementa laborum.
 Quemque legat primum titubans induſtria callem,
 Descendique viam. faciles Scaurosque Caproſque
 Ire facis, curiſque tuis reſpirat Apollo,
 Et nova Palladium ſolantur commoda gentem.
 Cedite Grammatici, magno quibus ilia faſtu

Incon-

Inconsulta tument, delapsaque littera sede
 Sufficit ad bellum, vel iniquum comma minaces
 Exacuit calamos, & tanti scena paratur
 Nominis. hoc cunctas absoluite iudice lites,
 Et vestros sedet melior censura tumultus.
 Hic dictator erit. fascēs submitte tandem
 Invidiosa cohors: dum vecta poemata plaustris.
 Et tragicum castigat epos, veterumque cothurnos.
 Mœstaque Medea detergit fecibus ora.
 Hippolyti properant alio temone quadrigæ.
 Et Troas purgata nitet: sua vita Iocasta
 Redditur, & Latio clamat sermone Thyestes.
 Adspectatque diem pulsīs orchestra tenebris.
 Quilibet huic nota est propriis insignibus atas,
 Seclorumque patent facies, distinctaque magnis
 Nomina temporibus, seu cum puerile loquendi
 Robur erat, traxitque rudem doctrina iuventam,
 Scipiadamque gravis totum se involveret armis
 Ennius, & tenui Plautus vestigia socco
 Figeret, & vates Satira lutescentior iret:
 Seu cum crevit honos lingua, scabrosque fugavit
 Majestas Romana sonos, & adulta Catulli
 Capta lepore fuit: seu cum labentibus annis,
 Quo Latium, fato cecidit, Romæque senectâ
 Symmachus Ausonias offendit durior aures.

Ingeniis diversa placent: huic abdita pandit
 Abstrusos natura sinūs: hic floribus artes.
 Irradiat: lapsas alius restaurat Athenas:
 Ille Cleantheæ neglecta palatia turba:
 Hic in Aristippi solum præcepta relapsus
 Socraticas evoluit opes: hic scribere fastos
 Ad famam satis esse putat. Sed cuncta coercet
 Vossius, atque omnes fecundo pectore Musas
 Parturit, & latè titulos arcessit honorum
 Immortale caput. non te veneranda silebo
 Religio, veterumque fides, & sanctius ævum,

Huic perspecta viro. quantis erroribus acta
 Christigenum steterint acies, quo castra Pelagi
 Vindice tuta diu fuerint: quibus occidat armis
 Contemptrix natura Deum, delapsaque cælo
 Gratia subnixos claris doctoribus Afros
 Traxerit in partes, & grato fœdere perstet
 Libertas, Superumque favor; ne crimina Divis
 Imputet impietas, restique ignara voluntas
 Audeat audaces vultus opponere cælo;
 Ille docet, totumque pius propugnat Olympum.
 Ac veluti tacito subterlabentia cursu
 Flumina diffundit Nereus, hinc gignit Orontem,
 Hic septemgemino turgentem gurgite Nilum,
 Non tamen ipse minor, nec divitis indigus undæ
 Usque fluit, terrasque ingentibus ingerit aquor,
 Atque alias largitur aquas: sic ille perenni
 Haurit fonte liberos, & claris secula ditat
 Muneribus, semperque novis, quæ donet, abundat.
 Dumque sibi variâ contextit fronde coronam
 Mens assueta operi, per mille volumina solers
 Ambulat, atque suos aliquid seponit in usus.
 Sic ubi Grajorum calamos, & prodiit docto
 Enumerat monumenta solo, momentaque scriptor,
 Et rerum summas aperit, nunc abditus ævo
 Anteit Olympiadum palmas, jam Persica radit
 Tempora, & Herodoto multum narrante superbit,
 Nec dulci Xenophonte minus. jam fœda Daretis
 Pagina mentitur senium, jam Diityos horret
 Fabula: Pelleis vates arcessitur annis
 Chærilis: hinc Phariis scriptus sub regibus orbis,
 Ausoniæque Ducem fastus signata papyrus.
 Conveniunt doctorum opera, Chaldaeus & Assur,
 Phœnicum labor, & calidi secreta Canopi,
 Atque Arabum tabula. & victuri industria Persæ.
 Seraque grandiloquis turgens authoribus Hellas.
 At non una tuas, doctor celeberrime, laudes

Terra

Terra capit, parti Latio dicantur honores,
 Gestaque Romulidum, & magnorum fata Quiritū.
 Non ego, si lympba mædæam Permesside, vastos,
 Ire per annales, digestaque tempora possim,
 Tantorumque queam titulos memorare laborum,
 Victorisque dies populi. Iam Roma renasci
 Incipit, atque sua legit incunabula gentis,
 Historique gradus numerat. spectate Batavi
 Terrarum Belgique Deos, cantataque quondam
 Bella Latinorum, magnique exordia regni,
 Abdita Pontiscum foliis: vestigia Navi
 Pone premit Calabrum vates, & carmine docto
 Instruit armatas acies. Pistoribus Afer
 Militat, & primi studiis asperissima belli
 Carthago, Italiam contra. scripsere Catones,
 Odrysiique rudis tunc formavere juventam;
 Accepique furor legem, rabiesque docentis
 Admisit præcepta viri. mox maxima Scauri
 Fama fuit, Syllaque labor, Catulique Sisennæque,
 Et clari Varronis opus. sua prælia dictat
 Caesar, & ingenti fortem minimine Gallum
 Exiit. agnosco trabeas, augustaque late
 Nomina, & Amathis diffusæ poemata campis,
 Et magni lituos Silli, contractaque Crispi
 Verba, gravem monitis Tacitum. tu Flore disertum
 Os aperis, vati propior. tu grandia Livi
 Orsa legis mediisque ferum deducis in Alpes
 Hannibalem, Pharioque necas sub Principe Poenum.
 Nec Messala latet, doctique Rabirius oris,
 Non Tubero, Macetumque audacia prælia narrant
 Curtius. imperio donec languente fatiscens
 Victricem melius meminit se Roma locutam.

Hac scribis, pariterque doces, tantique per orbem
 Imperii fastos celebras. veneratur honores
 Belga tuos; poscitque sibi tam grande Britannus
 Depositum. spatiosa tua Germaniæ fama

*Annuat. Euganeas tangunt tua nomina sedes ;
 It cœlo sublime decus. te Rhenus & Albis
 Suspicit ; in Druidum doctas illaberis urbes,
 Et cupiant te posse frui. si Gallia plorat
 Turnebos, Latium Alciatos, dispendia fati
 Tanta levas. toto mœstas Helicone sorores
 Barbarie pulsa recreas. tibi tempora debent
 Et rerum memores anni : luceſque renata,
 Et lingua Latialis honos : te ſera loquetur
 Poſteritas, te clara vehent præconia vatum,
 Iſtaque venturi relegent monumenta nepotes.*

I N O B I T V M

Clariffimi Viri, & Mathematici
 incomparabilis,

WILLEBRORDI SNELLII.

Qua nova ſidereos abſcondunt nubila vultus ?
 Cur facies mutata poli eſt ? mundi ne fatiſcit
 Machina ? & æthereis orientia ſigna maniplis
 Fatales metuunt obitus ? num priſtina cœlum
 Improbitas facit eſſe reum ? rurſumque rebellis
 Terra fuit, Tityuſque ferox irāſcitur aſtris ?
 Stellarum cur languet honos ? retroque jugales
 Phœbus, & attonitos perterrita Cynthia curruſ
 Raptat, & ardentes trepidant formidine flamma ?
 Pallescunt cuncti Snelli cum manibus ignes,
 Et Superi ſua damna dolent : Atlante remoto
 Aſtra timent. primi Boreæ ſub parte Triones
 Permiſcent pelago lachrymas : vicina Bootes
 Plauſtra fugit, pavidoque Helices cuſtodia pernox
 Negligitur, radiſque Draco levioribus ardet.
 Ipſa Ariadna ſuos capiti ſubducatur honores,
 Gnoſiaque Arctos decedat ſtella Corona,
 Sed vetat Arctophylax. mediis Ophiuchus in aſtris

Con-

Contrahit ingentes humeros, & segnius Anguem
Continet hic illic manibus: mœrore solutus
Scorpius in visâ condemnat vulnera cauda.
Excutit exuvias, & victi terga Leonis
Engonasis, turbatque Lyræ modulamina Vultur.
Mœret Olor, cantatque melos jam flebile, quale
Ad vada Meandri fatis instantibus olim
Præcinnit lugubre sibi. Tuque optime recti
Arbiter, & Themidis custos sanctissime Cepheu,
Stamina Parcarum repetas, ni numina summi
Plus timeas veneranda Iovis. planctura decoras
Tendit Cassiopeja manus, nec fulgida longè
Andromede excussa plorat nova funera pallâ.
Non solitus vultu candor nitet, emicat ore
Antiqui luctus facies, cum brachia monstro
Panderet, & rigida vincirent membra catena.
Adstat Equus, guttisque humectat grandibus ora
Pegasus, & juxta lachrymantem Persea spectat.
Frendet Erichtonius, nec lugens amplius hircum
Ferre potest humeris. obtusa cuspide Telum
Labitur, Antinoumque Aquila dolor improbus urget.
Iamque suis iterum vellet Delphinus in undis
Mergier, & spatio majore Triangulus optet
Posse capi, viviatque poli sors ista figuram.
Ast Aries cunctos inter venerabilis ignes,
Sede sua loc ut indigetem: quâ circulus alti
Solstitii mediam populis determinat æthram,
Ingentesque habitant anima, cum Cesare magnus
Sofigenes, stellisque suis permixtus Aratus,
Alphonsusque senex, & Cimbrum maxima Tycho
Gloria. tota trucis mugit vicinia Tauri,
Pleiadesque latent, & cum suspiria fundunt
Elestram soror Alcynoe, Meropemque Celeno,
Taygetam Astrerope & Majam solatur amice.
Quin Geminos dolor unus habet, subit ille Leonem,
Chelarumque minæ fracto jam robore languent.

Virginei squallent habitus, & longius Arcton
 Spica fugit, bustumque viri: divortia munda
 Libra facit, trutinaque equalia pondera jammunc
 Despicit. at tensum Arcitenens dum surgit ad arcū.
 Intentat telum Lachesi. nat alibi istle
 Principis Augusti celebris Caper ingemit umbra,
 Et sua perculsus Ganymedes pocula fundit,
 Piscibus Oceano mersis. dic cetera nobis
 Vranie, quosque Auster habet declivior ignes.
 Hic timidum videas nimboſi Orionis ense,
 Lapsaque scuta manu: fugiunt Procyonque, Lepuſq;
 Quique furens urit sitientes Sirius agros.
 Hinc Cratera ferens Corvo diſcerpitur Hydra
 Acris. ecce pius Chiron, præceptor Achillis,
 Fortius ad verſum (dolor huic exaſperat iras)
 Transadigit mucrone Lupum. iamque omne laevo
 Thuribulum tristes ratibus denunciât Austros,
 Velaque & extenſos rumpit feralè rudentes.
 Eſt etiam ſub ventre Capri ſemotus ab Arcto
 Piſcis, & effuſas jam largius imbibit undas,
 Trèſtitia documenta ſæ. Titanis ales
 Hunc iterum flammis ſuis atque igne renuſci,
 Et veteres redâdi, ſeculis redeuntibus, annos
 Gaudet. At totum terret clangoribus orbem
 Infauſti Palamedis avis. Nereia Piſtrix
 Andromedam trepidare vetat, ſociatque Tauro
 Illaſum ſinit eſſe bovem. Phæihonta ſuperbum
 Fleverat Eridanus; nunc, qui ratione magiſtrâ
 Flammiferos direxit equos, cœlique meatus
 Noverat, has ipſas latè deſletur ad undas.
 Non rota præſcriptos Ixionis occupat orbes:
 Tardius Argolica ſubeunt apleſtria puppis,
 Laſæque languidulis Argo ſtat pallida remis.
 Tiphys abeſt, docuique ipſum qui tendere vela
 Tiphyn, & incautis monſtravit ſidera nautis,
 Hæc fuit, atque ultra Bataviam non dirigit Argo.

*Hæc Superos fortuna manet, nec nesciit istos,
Quà radio vastum descripsit gentibus orbem,
Inferior Natura obitus: dumque atria plangunt
Attica, Cecropidumque scholæ, præclara Canopo
Memphis, Arabs, paribusque Afer felicior horis,
Quaque levat fessos Phœbi Carteja jugales,
Occidua Gades, Atlanteique recessus,
In Batavis longo stupuit Facundia luctu.*

In ejusdem obitum.

*S*idera quæ pernox aternaque lumina mundi,
Et didicit totum mens studiosa Iovem,
Iam propius visura Deos, Divumque penates,
Odrysios sub se Mercuriosque videt:
Stellarumque alios vultus miratur, & ignes;
Totaque spectanti machina facta nova est.
Non dolet ingrato fœdari vespere cœlum,
Præcipitemque alto labier axe diem.
Oceano nusquam mergi, vel surgere Solem
Adspicit, aut tantum delituisse jubar.
Quin stupet ipsa suos nusquam se cernere Belgas,
Cunctaque sub puncto regna coire brevi.
Non illic rabido fervens Canis astuat ore,
Aut nocet invisa Parrhasis ursa gelis.
Non dextrum ferit umbra latus, non ulla sinistrum;
Omnia spectantur sidera, nulla latent.
Non hic Eoa Atlantides absconduntur,
Humidaque Autumnos Pleïas orta facit.
Non levis effusas occultat Aquarius undas,
Aut latitant istis Gnosia fœta locis.
Astra meant pariter, nec Tauro Scorpheus exit
Reclior, aut Cancro lentius Ægoceros.
Cynthia sub pedibus magno cum fratre quadrigas
Flectit, & hic rectum Signifer urget iter.
Nusquam stat librata dies, nec splendida nocti

Lumi-

*Lumina Phryxæi velleris æquat ovis.
Sic discit perisse sibi, quas scripserat, artes
Snellius, atque alius legibus ire Deos.
Sed veri satur ipse Dei jam vultibus, artem,
Quam docuit, tanti dediticisse putat.*

Amplissimo, doctissimoque viro
D. MATTHIÆ OVERBEQVIO,
Hamburgi ad Albim moranti.

Albi pater, cujus latè per littora miles
Vandalus, & Cimbrum posuit tentoria rector,
Saxonicamque ciet vicina per oppida gentem;
Si tibi pugnacis placuit vetus accola Rheni,
Et Batarvos bellator amas, si noxia non sunt
Federa nostra tibi, & causis certamus isdem;
Quem servas, mihi redde virum. tibi pignus amicum
Creditur, & docta decus hand ignobile Leidæ.
Dum procul à patria peregrino fertur in orbe
Dux Ithacus, castaque dolet se vota morari
Conjugis, excelsò Pallas Tritonia tandem
Supplicat una Iovi. reddi sibi Thesea ventis
Cressa puella petit. tardisque obmurmurat undis
Phyllis, & absentem plorando carmine mœrens
Demophoonta vocat. lenes in carbasia Cauros,
Et faciles fluctus magno Venusina Maroni
Musa vocet, precibusque Deos, geminosque fatigat
Tyndaridas. hic noster amor mihi queritur absens,
Hunc seræ poscunt, hunc poscunt mane querela.
Vos precor, Hansatici currus, celeresque quadrigæ,
Vos precor, Hansatica puppes, alnique, ratesque,
Accelerate virum. qui currus vexerit, illum
Curribus anteferam Solis, Venerisque Iovisque,
Quaque vehunt te, Iuno, rotis. qua puppe redibit,
Illa meis vivet, ceu quondam nobilis Argo,

Carminibus celebrata ratis. non Æolus illi
 Iratis insurget aquis, infestaque Thetys
 Illidet trepidam scopulis. æterna Favoni
 Otia, placatasque sibi persentiet undas.

O, mea si Superis consors fortuna teneret
 Frenâ poli, subito vastum Iovis armiger ales
 Hoc raperet, per inane, caput : vel grande per aquor,
 Qualis Agenoream Tyrio de litore Sponsam
 Abstulit, in nostras securum transvehat oras
 Taurus, & Europa plus dignum virgine nobis
 Portet onus ! quin Dedaleas mea fingeret alas
 Dexterâ, & hinc humeris illas, hinc figeret armis,
 Precipite que darem Zephyros. sic præpete cursu,
 Vatis ad imperium, coelos tranaret & auras
 Pierii dux ille chori, & sublimior iret,
 Virtutum quâ vergit iter, suffultaque laudum
 Fama patrocínio magnis enavigat ausis.
 Tu, qui iussa Deum celerî trans aquora motu,
 Plutonisque domos, coelique palatia desers,
 Atlantis Tegeæ nepos, talaria plantis
 Indue, Teutonicamque celer delabere in urbem,
 Atq; hac verba refer: Quid in his, vir maxime, terris
 Protrahis egregios Soles ? cur sidera brumæ
 Sideribus vicina placent ? Germania discors,
 Rixantesque Ducum populi, commissaque magna
 Balthica signa Aquilæ, atque Albi contrarius Ister ?
 Siccine te Batavæ subiere oblivæ terræ,
 Auriacæque scholæ ? sic claram Palladis urbem
 Dememinisse potes ? nec te dilecta tuorum
 Nomina, magnificique lares, Sophiæque serenum
 Numen, & ancipiti tanguit resonantia vero
 Pulpita ? crede, tui dudum possessor amoris,
 Perpetuusque comes lateri, cui sæpè solebas
 Pectoris arcanos motus, tacitosque fateri
 Alterno sermone sonos, jam solus inerrat
 Hic illic Barlaus agris, ceu raptus Orestis

*Si Pylades foret, aut Theseus solvisset amico
Vincula Pirithoo, vel charo spretus Achilli
Castra Menecides parvidis lustraret Achivis.*

*Dixerit hæc Atlantides, facundaque pandas
Ora prior. Iam tu, Iunonis nuncia magna,
Nimbo cincta latus, propera Thaumantias Iris,
Femineasque ordire preces. dic quali pigro
Oenone dixit Paridi, vel Sestos Abydo,
Dei mira viro. casta suspiria narra
Conjugis; ut lenta ignorent sua gaudia noctes,
Nesciat officium thalamus. dic multa perire
Oscula, dic vanâ amplexus sub imagine fingi,
Et Veneris linguere faces; velut orba colono
Officium dedidit humus: dic mæsta vagari
Pignora, & Ascaniam, foribus dum ludit in ipsis,
Incusare moras, & lentum poscere patrem.
Si minus hæc moveant, pendentis ab ubere matris
Innocuos risus Agathæ, frontemque genasque
Objice. dic spatius flores marcescere cunctis,
Nec foliis decus esse sumi, vix colla papaver
Tollere: candidulum vultus mutare ligustrum,
Fraga mori, nullum violis constare colorem,
Aurea nec solito gaudere rosaria cultu,
Liliaque è calathis altè flaccescere canis,
Dic genus aligerum, nullo jam Praside, magnis
Inter se committi odiis, crebrescere pugnas,
Nec ferri peregrina domi, pipire palumbes,
Tot modulos cessare aviam: Pandione natam
Pristina fata queri: non lasci vire columbas,
Nec spem ventura sobolis promittere missas
Phaside Barbarico volucres: Meleagrides abdi
Gallinas, laxisque Afras vestigia pennis
Ducere tarda satis: dominoque absente, nec agis
Latitiam, solitosque animos constare caballis,
Interea, dum nostra Deos arcessit Olympo
Pagina, lene tibi sternant, Vir magne, profundum*

*Najades, & faciles veniant ad carbasæ venti.
Scande ratem, properat Tiphys, quæ surgit ab Ortu
Ducet ad optatam jam te levis aura Creûsam.*

I N N V P T I A S

Nobilissimi, & Magnifici Viri,
ADRIANI BLYENBURGII,
Civitatis Dordrechtanæ Prætoris, secundum
Sponsi; Et Castissimæ, lectissimæq; Virginis,
SARÆ ROVERIÆ, Sponsæ.

Conjuge mitescit prator, rigidaque secures
Imbelli cessere thoro; Themidisque severæ
Vultus, & admissio subridet Curia Sponsæ.
Nec, velut antè, reis fatalia scribit amator
Nomina, funereosque dies; sed Cypride plenus
Dat miseris veniam, & faciles persentit amores.
Blanda, Dionæis passim permixta puellis,
Circumstat jam turba virum, mutataque tanti
Scena fori est. tetricum petulans Erycina tribunal
Occupat: amoto septeno iudice causas
Dicit Amor: terna pulso lictore sorores
Anteferunt geniale jubar; facibusque ministrat
Officiosa Paphos. nec, sacri conscia juris,
Intentat strictos jugulis peccantibus enses,
Castigatque Astræa nefas. non fascibus horrent
Rostra, nec horrendas edunt Capitolia voces.
Flammea cum peplus, & tinctum murice cestum,
Cingulaque Idalia Veneris, tunicaeque fluentes
Contrectat metuenda manus, crinesque beatæ
Virginis, & teneros frontis percurrit honores.
Non poenas delicta luunt, scelerique paratur
Supplicium, tristique rigent spectacula theatro;
Non spoliū færale refert, duosque suorum

Ferre

Ferre potest fontum gemitus, dum sanguinis hæres
 Quaritur, & facilem promittunt tempora sponsam.
 Sic, ubi Iunonis gremio se maximus abdit
 Iuppiter, aut Tyrias inter mugire iuvenças
 Cogitur, & mediis Europam vectat in undis,
 Majestas veneranda latet, grandemque Dione
 Abscondit lasciva Deum, non fulmina Lemnos
 Fabricat, aut hominum vitis irascitur æther;
 Cuncta Panomphæo laxantur jura Tonanti,
 Nec terras Iovis horror agit. sic arma gravesque
 Deposuit Mavors clypeos, vultusque minaces,
 Dardana cum tali sub bellatore sacerdos
 Feminæum pateretur opus. nec crimina Minos
 Scrutatus vitæque fuit, cum lata severum
 Pasiphae complexa virum, solenne mariti
 Perciperet officium, & socialis præmia lecti.

Vix Batavum terris istos accenderat ignes
 Idalius puer, & Röveri de stemmate prolem
 In thalamos ducebat Hymen: cum protinus undis
 Extulit os pelagi rector, (seu proximus Hagæ
 Percepit secreta thori, seu foederis index
 Mervæ fuit, seu cuncta Deos præscire putandum)
 Et Dordrechtanam conchâ circumtonat urbem.
 Illicet Æolii compresso murmure fratres
 Tranquillo siluere mari: visoque tridente
 Cuncta repurgato fugerunt nubila cælo,
 Nigrantesque globos, obscuraque sidera claro
 Mutavit natura die: quæ carbasa latè
 Sulcabant vitreos audaci remige fluctus,
 Quæque suis hædere vadis. illi hispida mento
 Barba fuit, viridisque caput distinxerat alga,
 Et tremula squoreas aspersit cauda sorores.
 Venit & ipse senex Vahalis, Mosamque secutus
 Lingam Mervæ trahens, placido sed gurgite Linga
 Lenior obliquis Vahalis se miscuit undis.
 Circum Nereides, circum sedere bisformes

Glaucus, & Arctoo subvectus pisce Palæmon,
 Inque novos semper Proteus mutabilis artus.
 Et pater Oceanus vultum, frontemque serenus
 Explicuit, qualis socia cum conjugē quondam
 Latus ad Æmonii properavit fercula Pelei,
 Talia dispositis fremuit præsagia mensis:

Non tristes tibi Sponse dies, non tristi Sponse
 Verba loquar, blandis etiam me amplexibus ambit
 Equoreæ regina domus, & frigida quamvis
 Regna colam, gelidosque lares, sum gnarus amorum;
 Incaluitque meis vitalis flamma medullis.
 Quam memini, cum laxatis fera Theriis habenis
 Hos circum popularēt agros, & federe rupto
 Nescirent elementa fidem, Vestaque patenti
 Turgidus iratis Nereus incumberet undis!
 Omnis Hamadryadum fugit chorus, arvaque latè
 Deseruit miseranda Pales, & pastor Alexis,
 Et mersis ovibus Corydon. vestigiæ rerum
 Cernimus. avulsæ sunt istæ à mœnibus arces,
 Quæ pelagi cinguntur aquis. en saxa, minaſque
 Murorum ingentes, aquataque culmina cælo.
 Hanc proceres tenuere domum, Mervæque potentes;
 Iugeraque incurvo Batauvus scindebat aratro,
 Condebant salices dumosaque prata capellæ,
 Omnia campus erant, nunc omnia pontus & aquor.

Iam furor iste mihi, iam præscia relanguit ira,
 Iam pacem tibi Belga damus, iam claustra procellas
 Arctæ tenent, sensimque meo se gurgite tellus
 Exerit, & veteris reparat dispendia sedi.
 Corrigitur clades thalamo, fatale refarcit
 Diluvium Lucina thoro, & melioribus astris
 Proscribit Cytheræ metum. quibus occidit oris
 Battaviæ pars magnæ mææ, nova gaudia cœlum
 Concipit, & nostra firmat connubia voce.
 Felices, Blyburge, dies, nec iniqua tuorum
 Fata, nec indignos tali genitore nepotes

Te Superi spectare volent. venerabile Belgis
 Parturiet tibi mater onus : quæ pignora fundet,
 Adspiciet trabeata pater. puer auctus in arctum
 Virtutis se trudet iter, crescensque per artes
 Ingenium & magno ducet sua pectora motu.
 Consulet hic populis, jurisque gravissimus auctor,
 Et Themidis custos, majestatisque Batava,
 Accipiet patris exemplum, quod samet ab illo
 Filius, & pariter titulis studiisque Minerva
 Splendida con. inuo numerabitur ordine proles.
 Nec ventura minus maternos filia mores
 Imbibet, & famam poterit pietate mereri.
 Virginitas sine labe fluet, permixta nitebit
 Forma pudicitia, referet plus dote bonorum,
 Qui quis amator erit ; qui basia figet in illi,
 Pandora continget opes. atque omne stupet
 Feminea probitatis opus. non illa repellet
 Dura procum, non blanda volet, sed tota parentum
 Hauriet insolitos tantis auctoribus ignes.

Vix ea fatuus erat senior, cum dicere plura
 Donantem gremio complectitur Amphirite,
 Basiolis intenta suis. praeludia Sponsis
 Ista paramus, ait. discas nova conjugis uxor
 Talia sollicito solatia ferre marito,
 Et similes furor insolitus despumet amores.
 Felix, quæ viduum conscendis nupta cubile,
 Et tepidos ab amore thoros. in Cypridis aries
 Molliter erudienda jaces. tibi gnarus amandi,
 Quæ facias, præscribet amans. non oscula figet
 Dura nimis, non blanda nimis, non Vespere primo
 Crebra nimis, non rara nimis, verum omne Dionæ
 Officium docta peraget solertia lege.
 Cesserit ille pudor, cupidi qui gaudia lecti
 Tardat inexpertis, & spes eludit amantum,
 Et metuit, quod poscit, iners : trepidatque petita
 Virginitate frui, latius adoperta tenebris

Quæret anhelantem secura audacia Saram.
 Ac velut insolitis trepidantem cernimus undis
 Tiphyn, & ignotis luctatur fluctibus excors
 Navita, nec timidis paret rectoribus Argo,
 Sic rudis horret Hymen, metuit certamina miles
 Nunquam visa prius, bellique pericula sentit
 Territus. haud aliter primos amor exerit ignes,
 Et friget pudibunda Venus, vixque agra medetur
 Ipsa sibi, thalamique audet secreta fateri.
 Hoc etiam Paphias moderari conjuge curas
 Et discas flagrare minus. sed robur adultum
 Decerpes secunda thoro, magnumque putabis
 Adsuervisse viro. primas insania tedas
 Arguit; hæc sola possunt ratione probari.
 Antiquum quodcunque placet, preciumque vetustas
 Grande refert; cunctis novitas invisa Batavis;
 Nec nisi trita juvant. noto se calle viator
 Expedit: indoctam fugiunt consulta juventam;
 Perque suos usus artem rimatus amandi est
 Infelix vates. hic hic sapuisse mariis
 Proderit, & gravibus documenta petuntur ab annis,
 Optimaque in thalamos manant exempla secundos.
 Naufragus amissâ jactat sua fata carinâ,
 Et victam pelagi rabiem, Boreæque furores
 Deputat in lucro. viduatus compare conjunx
 Sæpe suos memorat casus, & mente revolvit,
 Prospera quæ fuerint, quæ nubila tempora nuptis.
 Romanis rerum Dominis, gentique togatæ
 Mox alia placere nurus, facibusque potentum
 Egregia rediere vices. Iustina Severa,
 Fausta Minervina, successit Galla Placilla,
 Quoque Creüsa prior, jacuit Lavinia lecto.
 Elia cui primum, mox Messalina marito
 ungitur. Augusto peperit Scribonia. nec tu
 i via protritotos fastidis Caesaris ignes.
 Ipsi ego, ni Superis immortalique Deorum

Con-

Conjugio fruerer, tales Neptunia conjux.
 Auderem sperare faces. te lata coronant
 Pignora, te matrem soboles jam nata silutat,
 Et non facta parens alieno jure superbis.
 Non tibi primitiæ teneri libantur amoris,
 At messis matura tua est. non fallet amicam
 His sacris operata manus, risusque, jocique,
 Verbaque, cognosces veteris vestigia flammæ,
 Inque tuos clarus thalamos descendet amator.

Dixerat hæc regina maris, plausuque secundo
 Assensere senes, Triton, & lucida Phorci
 Canices; verum Batavum per littora sparsi
 Nereidum risere chori, repetitaque spernens
 Fœdera, non tacto capiam concurrere Sponso,
 Clam ut Leucothoë petulans, submissus inquit
 Cymothoë Spathaleque procax. mox gurgite surgens
 Latior, & musco spumantia pectora tergens,
 Bellator loquitur Vahalis: Duo numina cæli
 Terrarum jam sceptrâ tenent, in viâtaque mundo
 Iura ferox sociâ scribit cum pellice Mavors.
 Me, Rhenumque patrem scelerata compede vinxit
 Odrysius, nec Mosa suis mea carbasâ vestat
 In Tungros diffusus aquis. tibi vincula ne sit
 Lascivus, Blyburge, puer, geminosque catenis,
 Te pharetratus amor, me belliger urget Iberus.
 Servit, quisquis amat, sed mihi gaudia spondet
 Servitio Cythereæ suo. perit omnis amanti
 Libertas, meliorque redit; sit juris amator
 Alterius, discitque suum, dum discit & illud.
 At tu, quæ Batavi suffragia prima Senatus
 Vrbs antiqua legis, pulcraque insignia præfers
 Virginis, & priscâ patriam virtute tueris;
 Adspice, quam clari cœant in fœdera cives,
 Quæ nova dotetur conjux, quo sanguine speret
 Progeniem jam Belga sibi. sociantur in unum
 Blyburgi Roverique domus, res publica quorum

Imperiis secura viget, trabeaque potestas
 Emicat, & fasces stringit pratura verendos.
 Ille decus quondam juvenum, & florentis imago
 Battavia, generisque sui, diffudit in omnes.
 Doctrina sua sensa gradus, interque juventa
 Vagitus, tenerum ratio subtilis alumnus
 Grandævo dedit ore loqui. mens ardua fulsit
 A pueris, potuitque senum consulta morari
 Iudicio. jam tunc gemini solertia juris,
 Et probitas, & cura vigil, prudensque loquendi
 Gratia cunctorum tabulas promisit honorum.
 Nunc hæc ipsa tenet, quæ tunc gævisa spondit
 Patria, nunc rigida radiant post terga secures,
 Et defert sua sceptræ Themis, nunc facta nocentum
 Excutit, & scelerum formas expendit ad unguem.
 Pensat justitiæ crimen, pœnasque relaxat
 Supplicibus. dum punit, amat, lenique severos
 Edulcat sermone patres; quos causa nocentes
 Arguit, & spretæ damnant oracula legis,
 Quam cupiat non esse reos! dum funera poscit,
 Parca probat. non sava placent edicta Draconis;
 Spartanusque rigor. placidos clementiæ mores
 Suggestit, & cunctos facilis se fundit in actus.
 Hunc amat, & metuit, quisquis peccare veretur,
 Et quisquis peccare potest. Prudentia facilis
 Grandis inest, dictisque fides, & Suada, suique,
 Sed sine felle, lepor. jures candore Bataurum.
 Hoste caret, nullique gravis devincit amicos
 Obsequio: nescit turpi livore moveri,
 Irascique diu. sociat concordia, quicquid
 Dissidet in nobis. gaudent hoc vindice Musæ,
 Languentesque scholæ, neglectæque numina vatum;
 Nec sua præclaræ desperant præmia mentes.
 Optime justitiæ custos, legumque benigne
 Arbitrator, amplexu, quæ nunc dotabere, Sponsum
 Accipe, virginemque novis decerpe pudorem

*Basilis. iam tempus adest, quo debita victus
Gaudia sperat amor, lentasque incusat & odit
Impatiens Erycina moras. tibi ducitur uxor,
Quæ thalamos pietate beat: virtutibus ornat,
Quas illis impendit, opes. cui nubilus atas
Feminea plus forte sapit, vultumque venustas
Format, & insigni gravitas persusa decoro.
Ludite jam gemini, Venerisque licentia tardas
Ire sinat tenebras, geniales segnius ignes
Occultet Phœbea soror, procul atra facessant
Nubila, decurrant venientes molliter anni,
Nec vobis alias decernant sidera tedas.*

*Sic pater Oceanus, sic dixerat Amphitrite,
Dixerat & Vahalis, dicturus & ipse fuisset
Merva, sed, ut dixit Vahalis, ruit Oceano nox,
Dumque procellosi merguntur in aequore Divi,
Pendula cantatos cortina abscondit amantes.*

VENVS A'NAΔYOMENH,

*Sive Epithalamium in nuptias Generosissimi,
Fortissimi, Doctissimique Viri,*

L A V R E N T I I R E A E L,

*Equitis, rerum Indicarum nuper ad Orientem
Præfetti, & ad Daniæ Regem Legati.*

Q*ualis de patrio surgens Venus alma profundo
Extollit geniale caput, spumansque, madensq;
Æstuat, & mediæ Liparæ fornacibus ardet
Basia speranti mox surripuisse marito:
Talis Hyperboreis vixdum subducte procellis
In Batavis bellator amas, & damna, Reali,
Naufraga, & ingentes solaris conjuge casus.
Nec, velut ante, Deum furius, in littore, rerum
Indigus, & grandi positus discrimine, sola*

Involuitis

Involvis virtute Ducem ; sociisque, ratiq;
 Ingemis, & nudo versas in corpore Belgam,
 Tunc etiam patrie memorem. sed lumine læto
 Mutant fata vices ; tempestat esque, minasque
 Æquoris, & tumidum placari Nerea cerno,
 Amstelis dum lenis aquis se miscet, & ipsis
 Fluvibus advolvitur Paphios uxorius ignes.
 Non Batavum jam iussa procul, gelidaq; sub Arcto
 Auriaci mandata aperis, non Cimbrica tangis
 Sceptra manu, regumque pavens palatia scandis,
 Vexatasque Ducum bella ferilibus aulæ
 Sollicitas. totum flammis & amoribus insons
 Absorbet Cytherea virum. sibi mancipat unum
 Obsequio regina Paphi, faciendaque mandat
 Femina. quam prona veneraris fronte tiaram,
 Illius est. quas cernis opes, subsellia, fastum,
 Atria, sunt magna Veneris. non aurea collo
 Pondera, non angusta humeris donaria Princeps
 Alligat, atque suum testantur regna favorem :
 At puero servire Deo, captivæque ferre
 Corda tuum est, tactæque semel sufferre puellæ
 Ingenium, & totum gremio submittere Martem.

Iam, Batavum gavisam malis, Fortuna carinas
 Fregerat, & reducem Cimbris illi ferat oris :
 Illic transtra, fori, mediis dispersa jacebant
 Fluctibus, hic lacerâ puppis compage saburra,
 Rostra alibi, tabulæque, & circumfusa natabant
 Quassa membra ratis : nondum satiata furorem
 Explerat vis sua Deum. te longius Ister
 Pannonios inter populos, & regna tenebat,
 Captivæque gravis ducebat tempora Cesar :
 Cum Cytherea, tuos tandem miserata labores,
 Sic insit commota Iovi : Quid, maxime rector,
 Humanis pateris nequicquam illudere rebus,
 Quæ vaga per cunctos nullo discrimine fertur,
 Instabilem, cœcamque Deam ? cur omnia natæ

Versat, & insana virtus Rhamnusidis ira
 Succubat? & proprias nescit prudentia partes?
 Dum late sors ista furit, consultaque turbat,
 Ingenio lasciva suo. Si crederis orbis
 Esse pater, totumque tuo moderamine mundum
 Flectis, & ex alto mortalia facta tueris;
 Ne ratio sit sorte minor, nec casibus anceps
 Pendeat, & dubio vadat sapientia motu.
 Cur maris & terra fasces, cur omnia fallax
 Arbitrio fortuna regat? nec livida magnis
 Parcere nominibus discet, poteritque jocari,
 Cum volet, atque audax regum responsa morari?
 En, ubi Parrhasio tumidum devolvitur axe
 Æquor, & Arctoïis rector Christiernus in undis
 Arma quatit, celebrem egregiis virtutibus ausa est
 Naufragio damnare virum. tibi nota Batavum
 Nomina, quos inter titulis illustris & armis,
 Grande decus Phœbi, generosa Realibus ora
 Explicat, & patria se plus debere fatetur.
 Hunc eadem Austriaca sors implacabilis aula
 Alligat, & lentis remoratur vocibus Istri
 Arbiter. hic pigros queritur sibi currere soles,
 Et sisti virtutis iter, damnisque suorum
 Misceri sua damna dolet: flaccescere priscos
 Pectoris impavidi motus: tenebrisque laborum
 Materiem fama que premi, cumuloque malorum
 Obrutus hos sola casus ratione refellit.
 Quam memini, cum tela Duci Gradivus, & arma
 Porrigeret, clypeosque illi formaret & enses
 Mulciber, & dites inter Bellona Moluccas,
 Intrepidum ferri, lava nec dira timentem
 Fulgura, victricis pugna inflammaret amore!
 Quam memini Eoum late duxisse per orbem
 Auriaci vexilla sui, mandata dedisse
 Gentibus, ac vario latrantem gurgie Gangen,
 Et formidatos placidis sub fascibus Indos,

Et Solis rexisse domum. mens docta per omnes
 Imperii micuit partes, populi que feroces
 Non armis bellicae minis sua regna, sed acri
 Ingenio sensere regi; gladioque maritans
 Pagina Palladiaque artes fecere potentem.
 Illum etiam, extremis Tamefis dum Gadibus atrox
 Instat, & Hesperia trepidant penetrata terra,
 Vidimus Herculeis ferrum ostentasse columnis,
 Et Caroli mandata sequi, jam iussa suorum
 Vandalici per regna soli, pauidisque ferebat
 Urbibus, & Gothici librabat pondera belli.
 Huic thalamos jam, magne Pater, lectique paramus
 Gaudia, si partes in tanto vindece dudum
 Implevit Fortuna suas, si noxia tantis
 Cladibus una fuit; discat meliora Dionem
 Principibus conferre viris. non illud abibit
 Pectus inaccessum Veneri. mox liber amores
 Sentiet, & nostris mollescent corda sagittis.
 Sic ubi Dardanium Siculo exercuit undis
 Æneam regina Deum, sociosque, ratesque,
 Reliquias Danaum, cæcis illisit arenis,
 Solamen Cytherea fui, Lavinia curas
 Diluit, & Phrygius tepidis amplexibus heros
 Hæsit, & adversos aquarunt basia casus.
 Sic quoque post fluctus, tumidi que pericula ponti
 Medeam Pagasæus amat, claque Crensa
 Conjugio pertexit iter. cum barbara Memphis
 Adriacæ gemeret feralia funera pugna,
 Et Pelusiæ pugnans Antonius undis
 Viveret, excepit profugum regina maritum,
 Et Phario pepulit belli discrimina sistro.
 Totaque post Troiam victrix jam Græcia per me
 Arsit, & Argolicos speratæ conjugis æstro
 Fregi sola Duces. alius Briseide ductor
 Incaluit, cessit spoliū Cassandra potenti,
 Phyllide Demophoon, lentoque potitur Vlysse

Penelope. cunctis pelagi post tadia feci
 Otia, & imbelli damnata ferocia lecto est.
 Hinc dicor Venus orta mari. quia, quisquis in undis
 Navigat, acer amat. stimulat praevisa voluptas
 Fortius, & quem non licet insanire furorem,
 Exacuit conclusus amor. quin ipsa calentes
 Parturit unda faces, quantumque remotior igne est,
 Æstuat illa magis. veluti, cum frigidus ather
 Et gelida cingunt fumantia corpora nubes,
 Fulgurat, & celeres extrudunt frigora flammæ:
 Sic Batavius jam noster amet, captivæque dudum
 Numina, & aquoreis fato servata procellis
 Conjugio, pater alme, bez. fac Moria charos
 Currat in amplexus, dilataque gaudia conjux
 Acceleret: tu namque soles miscere sereno
 Nubila, tu mœstis socias solatia rebus.
 Ipsa faces subdam geminis. bis discet amare
 Illa, potens matrona viri, rerumque peritis
 Irruet in thalamos oculis, veteremque labellis
 Vim dabit, atque iterum poterit formosa placere.
 Ille supercilio, adversos quo terruit hostes,
 Auroraque graves dominos, adsperset amicum, &
 Molle aliquid, cupietque illi non miles haberi,
 Sed placidus, sed lenis amans. certamina, cades,
 Et Martis dediscet opus, saturataque Iberum
 Sanguine Acidaliis accendam pectora flammis.
 Annue, quæque peto, totis connubia votis,
 Perfice. non magna Veneris sors invida coeptis
 Obstrepat, aut Paphia violet decreta magistræ.
 Dixerat illa Venus, tremulis cum Iuppiter astris
 Annuit, & jussus Legatum emancipat Ister,
 Belga videt, reducemque suis amplectitur ulnis
 Vxor, & accensis fumant penetralia tadis.
 Sic latos tibi fata dies, sic fausta, Reali,
 Tempora conficiunt Superi. non deserit ather,
 Quos patria commendat amor. non gratia cœli

Destituit cœlo genitos, animasque capaces
 Mortis, & æternæ captantes præmia famæ.
 Crede equidem, nec te pietas suprema fefellit,
 Nec sceptris solum illa placet. facundia Divam
 Pro te verba facit. potuit tibi tanta mereri
 Æneidum genitrix, & magni filii Nerei.
 Quàm grata rediere vices, quàm nulla marito
 Æquora, quàm nullis obstant Borealia nimbis
 Sidera, quàm placidos Virgo tibi porrigit ignes,
 Angustasque tuis plus jam fervoribus ardet!
 Plaudunt cuncta tibi, ni veiletantur Amores,
 Quique iboros juvenis dudum jam spreverat, audes
 Exemplum sperare tuo, nec sera putare
 Gaudia, quæ seris prudentia carpit ab annis.
 Fulgida quæ variis texuntur stamina formis
 Irritant fulgore diem. tibi quicquid ab Ortu
 Misit Eos, vultu jam nunc meliore renidet.
 Splendet gemma magis, ni veisque monilia baccis
 Conjugis irradiant manibus. per eburnea colla
 Lucet, at occultis minus est virtutibus aurum.
 Iam tibi, quæ facilis sensit moderamina freni,
 India vota facit. credas hæc regna moveri,
 Et fati gaudere tuis. tibi sacrat odoras
 Banda nuces, meliusque piper misere Moluccæ.
 Bangala donat ebur, dites dant vascula Sina,
 Cinnama largitur Ceylon, sua thura Sabæus,
 Seres fila parant: fundunt opobalsama Sponsis
 Proni Arabes; Persæque, & divitis accola Gangis,
 Quæ placeant, tibi dona ferunt. quæ candida nuptis
 Lux nitet, hostilem poterit placare Malaccam,
 Et belli meruisse moram. sed proximus Arcto
 Amstela, blandenti strepitu, levibusque susurris
 Pulsat honoratos, genialia tecta, penates,
 Ominibusque favet. quæ te Doctrina per omnes
 Deduxi. spaciola gradus, Phœbumque, Themimq;
 Miscevit, & facili patefecit jura poetæ.

Stridet Apollineo Barlæi tibia cantu.

Tu, qui bella ferox alium longinqua per orbem
Gessisti, nunc illa cave. quam vincis amando,
Dedisces pugnare magis. quantum arma repesces,
Addisces adamare minus: cui tempora circum
Cassis, & excelsa fulserunt vertice crista,
Pilea bellaci præfer civilia lauro.

Et clypeos postpone toga. cui dextera ferrum
Strinxit, & Hispanum gladiis ultricibus haurit,
In molles descende sinus, & flammea Sponsa
Discede, ut ad verso pateant læta ora marito.
Non fragili te crede rati, jam tutior illa
Vxor erit. si vela placent, si carbasæ, venti,
Vela parabit Amor, distendet vela Cupido.
Ille dabit Zephiros, clavum moderabitur ille.
Ille per obscura tranquilla silentia noctis
Longè aliud monstrabit iter, quod mascula Bruto
Porcia, monstravit que suo Cornelia Graccho.

Et tu, conjugio conjux dignata superbo,
Magnanimos conscende thoros, & vincula nocte,
Qualia blanda suo strinxit Cithereia Marti.
Quotque tuus dicet sese transisse procellas,
Quot terra spectasse sinus, quot sidera noctu,
Quot formidatum ratibus vexasse Philippum,
Oscula tu totidem numera, tot mutua rursus
Oscula delibare jube; numerumque malorum
Basia, & admotis transcendant murmura labris.
Sin referet, qua sorte trucidis per tempora bruma
Vandalicos inter scopulos, Cimbrumque Charybdes
Hæsit; & aquoreis madidum caput abdidit undis:
Tu portum præbe facilem, totumque sub ulnis
Abde virum, madidumque abstergas, Moria, cor-
pus.

Ad Illustrissimum

DOMINICVM MOLINVM.

Patricium & Senatorem Venetum, Querela, de
Poëmatum meorum libello, cum ob fila feri-
ca contagii suspectus, in Lazoretta apud Ve-
netos detineretur.

P Arve liber, magnam Venetum dum tendis ad
urbem,
Illustres subiture lares, & docta Molini
Atria, & Adriacis immersas fluctibus arces;
Quæ miserum te fata manent? quæ dura moratur
Susceptum Rhamnusis iter? nec conscia fraudum
Carmina, & insontes damnant edicta Camœnas?
Sit satis; infidis oneratas mercibus alnos
Illyricos mersisse sinus. absorbeat atrox
Insanas Neptunus opes, dignamque furori
Materiam putet esse suo. fera militis ora,
Assuetasque manus sceleri, dextraeque rapaces
Sors invisa premat: placido tibi pagina versis
Currit, & in nullas armata est Belgica cades
Calliope. nec dira meæ præsagia chartæ
Aut omen ferale canunt. quid nescia pravi
Numina Pegasidum, quid tot meruere sorores,
Progenies dilecta Iovi? dignataque cælo
Nomina? cur sanis non parcunt morbida saltem
Limina Virginibus? cur quas Parnassia rupes
Educat, & purâ Permessus proluit undâ,
Includit Lazoretta Deas. non turbida pestis,
Aut mala cælestes adflant contagia mentes.
Quique suis fixit seruum Pythona sagittis,
Telæque in Argolicas torsit funesta phalanges.
Dat Musis veniam Phœbus. pater ipse medendi,
Quo & scripsi, dictavit epos. quin Phocidos omnes

T s

Casta;

Castaliosque bibi latices, epotaque nobis
 Omnia, qua foedas abstergunt flumina sordes.
 Ista canes rabies, hic lethifer occupat æstus
 Palantes per prata boves, hominumque per artus
 Transudat violenta lues. si carmina pestis
 Corripit, in versus miracula parturit orbis,
 Plusque Dii nocuisse volunt. perterrita quondam
 Semivirum stupuit soboles Minoja juvenum,
 Aut lapidum pluvias Latium, tinctosque rubenti
 Sanguine Romulidum puteos: aut triste gementes
 Tarpeja de rupe lupos. plus Adria jamnunc,
 Plus Venetus, plus illa timet, quæ cingitur undis,
 Vrbs, Divum fabricata manu. timet illa poeta
 Carr'en, & occulta nocituram tabe papyrus.
 Heu pudor! adversam populus qui terruit Hellen,
 Cesareasque aquilas, & tot vittricia late
 Signa tulit, vastoque patens dat jura profundo.
 Quem leges longisque probant exercita secl
 Imperii decreta sui, fascesque vetusti,
 Aonidum jam dona pavet, causamque timoris
 A foliis chartisque capit. quam fulmina belli,
 Nec circum tumidis terrent irata procellis
 Æquora, ad imbelles trepidat gens Martia cantus.

Parve liber, mea cura liber: cur vincula mem-
 Implicui preciosa tuis? cur corpora bysso, (bris
 Assyriosque tibi strinxi male cautus honores?
 Ah, nocui, dum pulcher abis: & veste sub ista
 Crederis infestum populis abscondere virus,
 Et taciti fomenta mali. si nudus abisses,
 Securus poteras claros subisse penates,
 Et magni pia tecta patris, venerandaque jam jam
 Fortè meas placide tetigisset dextera Musas.
 Non aliter propria sentit dispendia forma
 Hospes, & illustri quisquis spectandus amictu
 Alpinas calcare nives, & inhospita tentat
 Pyrenes juga; quæ socio latrone viator

Nudus adit, sola tunc paupertate beatus.
 Nunc atrum te limen habet, formidinis aula,
 Et funesta domus, pavido quam pectore luctus
 Exanimésque habitant anima, morbi que fluentes,
 Et dolor, & quicquid damnat malesina tenebris
 Suspicio, rabidique premunt fastidia cœli.
 Hic aliquis tibi thura adolet, myrrhamque, crocumq;
 Balsamaque, & spissâ totus caligine fumas,
 Infectumque scelus medicis exurit herbis.
 Qualibus Ætæm Colchis scelerata recoxit,
 Hippolyteque diem lacerosque salutifer artus
 Restituit Phœbi puer; aut juvenescere possis
 Aurora, Tithone, tuæ: vel pristina Circe
 Corpora, & annosum reparet Cytherea Phaonem:
 Impurum sic lustrat opus, vitiumque vetustas
 Expiat, & vivo purgat delubra Deorum
 Sulphure, & accensis solennia pocula tadis:
 Aut salsas adspersit aquas: vel ab ubere matris
 Raptat anhelantem calido sub sanguine porcam.
 Quod si Romano Venetus mea pignora ritus
 Expurgare volet, foliisque avertere pestem:
 Eja age, ad Eoi conversus lumina Solis,
 Expediat fruges calathis, sal torreat igne,
 Et liquidas modo libet aquas, cepamque rubentem
 Porrigat, & tostis crines admisceat ovis:
 Terque meum circa felix eat hostia librum,
 Spargens rore levi, & ramo viridantis olivæ.
 Sic nitidus, sic purus erit, sic criminis expers
 E tenebris tantis iterum donabitur astris.

Parve liber, charis nimium semote Batavis,
 Nec domino jam tute tuo, sine labe libelle,
 Hosne ego te genui in casus? ut sordida laudes
 Depreciet Lazoretta tuas? & ludicra damnent
 Fila reum? ut sordes inter, mercesque dolosas
 Deliteas, cœlique luas innoxie culpam?
 Ah querere, & magno referas mea verba Molino

Et loquere hac : Non hic solum, venerande Senator,
 Me tangit dolor, aut nostras infamia Musas
 Deterit. ex Regem, majestatemque Britannam,
 En, Carolum Lazorettæ tenet. captiva tenentur
 Nomina; Nassovii, & tanta præconia gentis
 Claustra premunt, Myliique decus; quo vindice solo
 Audent ecce mea trans saxa Alpina Camœnæ
 Ferre gradum. graviora queror. damnata tenentur
 Numina, Pierides, & vatum fautor Apollo,
 Quæque meis plausit studiis Tritonia Pallas.
 Dique, Deæque latent, vanaque piacula pestis
 Exercent superos? quamnam hac vesana jocandi
 Savitia est? etiam sacros fortuna poetæ
 Vexat? & innocuas audax bacchatur in artes?
 Vnum hoc, Aonii cætus celeberrime vindex,
 Hac passus jam fata, precor. Da cernere vultus
 Posse tuos, & cum lustratus carcere solvar,
 Perlege, sed facilis, purgatam à peste pœsin.

Ad eundem.

Palladii dux magne chori, quo vindice Musa
 Clarius in terris exeruere caput:
 Cur invisa meum purgat Lazorettæ libellum?
 Et nocet insoniti suspiciosa domus?
 Si vitium, si crimen habet, si barbara vox est
 Vatis, & ingenium simplicitate cadit:
 Nil fumi flammæque juvant; non thura, vel herba
 Versibus abstergent horrida verba meis:
 Ne veniat, quæ lustrat anus mea carmina, vel quæ
 Praferat indigna sulphur & ova manu.
 Tu solus lustrator eris, tu, dôte Senator,
 Percurras oculis pignora nostra tuis.
 Omnia decedent subito contagia, postquam
 Illa tua fuerint tacla, Molinè, manu.

PROPEMPTICON

Ad nobilissimum, amplissimum, doctissimumque virum,

D. FOPPIVM AB AISSEMA;

Equitem, Ill. Ord. Generalium apud Hanseaticas urbes Delegatum, cum Hagâ Leidam transiens Germaniam repeteret.

DVm Bataros, vir magne, tuos, spoliisque triumph-
Hesperius illustre solum, prædaq; recenti (phans
Et debellato felices Vespere terras
Deseris, & patriis iterum subduceris oris:
Nec jam te magni dudum expectata Senatus
Consilia & lentis remoratur vocibus Aula:
 *Auguriis, votisque sequor; facilesque Camæna
Qua properas, socio subeant vestigia gressu.
Quippe nefas & turpe reor, sine vate poetam
Desertas calcare vias, sine teste laborum
Ferre gradum, summoque decus venerabile Phœbo
Tandem etiam nostro non inclarescere cantu.
Dicite Pierides, tenerumque arcessite carmen,
Vestraque qui toties subii delubra sacerdos,
Et medio merui textas Helicone coronas,
Tollite me Superi. cupio per regna, per undas
Ire comes, reducemque sequi; & discrimina terra,
Tantaque Palladio solari tædæ lusu;
Dum longum molitur iter, iussisque Batarum
Inclita per veteres transfert sua nomina Chaucos.
Aissema, bellacemque parat superare Visurgim.
En tibi transacta nequicquam ignara iuventa
Ingeminat jam Leida, Vale. tua, maxime Foppi,
Colligit haud uno præconia iudice Pallas,
Inque tuas gestit plaudens Academia laudes*

Doctorum sociasse sonos. te sensit alumnū
 Rhēnus, & Aonios inter celeberrime coctus
 Tot titulis sublimis eras : cum gloria pigra
 Intrepidum te ferret humo : facundia praeox
 Venturos patriæ juvenem formaret in usus :
 Di faceret consulta Themis : curamque virilem
 Suaderent exempla tibi : cum gnara futuri
 Mascula primævis Prudentia luxit in annis.
 Nec minus, Auriacos, Mavortia fulmina, jactans
 Haga Duces, tibi vota facit, Belgique Potentū
 Auspicio jam quisque favet. dum Nestor, & al: er
 Ceu Cineas, responsa capis, momentaque belli,
 Grandiaque Hansaticas desers mandata per urbes.
 Ipse procellosis jampridem sævior undis,
 Componit tibi Flevus aquas. obnoxius æther
 Frigora, & immites cœli clementia Cauros
 Temperat, invisumque gelu castigat Olympus.
 Terra omnis pelagusque patent, nec segnis eunti
 Emollit natura vias. si vasta viator
 Æquora, & Arctoos sulcabis remige fluctus,
 Spirantes aderunt Zephyri, & tranquillior Auster
 Carbasa speratum tutò propellet in Albim.
 Sin Frisia loca grata tua, patriosque penates
 Oceani securus adis ; Amasisque lavabis
 Vorticibus defessus equos, populosque videbis,
 Et circumfusus passim trepidantia castris
 Oppida ; sæva aliis, strictos Bellona recondet
 Et gladios, & tela tibi. te neuter Apollo
 Vindicat ; Austriacasque aquilas, Istrique furores
 Pierides placare queunt. innoxia Maris
 Causa tua est. insons mediis legatus in agris,
 Dî cujus violare timent ac fallere jura,
 Ingredieris. veniam belli doctrina meretur,
 Si vel causa neget. procul hoc à pignore miles
 Hostiles averte manus, neu pessima charo
 Insultes Fortuna viro. ne gaudia tristis

Polluat

Polluat hora mihi. in superos, divosque redundat,
 In Musas, Phœbique caput, Charitesque, Theminq;
 Damnorum quodcunque dabis. si leseris, en, sunt
 Arma mihi, culpamque feris ulciscar Iambis,
 Et tua mordaces proscindunt numina chartæ.

Hac inter, vir summe, tui meminisse poëtæ
 Ne pigeat, rapidisque rotis subvectus, & altis
 Curribus, hæc tecum reputa. & quem dura suorum
 Iussa premunt, tu lenis ama; nostrisque remotus
 Sedibus, in mediis Batavos qui laudat Athenis,
 Barl cum plus crede tuum, Cimbrosque per ipsos
 Mitiæ nascenti dona suffragia vati.

Quod superest, reddam soboli; doctasque per artes
 Ingenium, & Sophia ducam juvenile per hortos
 Pectus, & Ausoniis tingam præcordia lymphis.

Tu pavidas Cimbrum terras, & sceptrâ disertus
 Erige, tu Gothicæ Belgas Cimbrosque tiaræ
 Consocia, tu certa favens regalibus adde
 Robora consiliis. sic te Christiernus amicum,
 Sic victor Gustavus amet. sic longa viarum
 Decurras sospes spatia, & desuetus amator,
 (Vt non illepidum credas scripsisse poëtam)
 Latior in chara amplexus descende Creusæ.

In Amplissimi, Doctissimique Viri,

R O C H I H O N E R D I,

Supremæ Curix Consilarii, Tragoediam
 sacram, quæ inscribitur

MOSES NOMOCLASTES.

L Egiferi vatis furias, perculsaque tanto
 Pectora flagitio, & scelerata crimina turba,
 Funeraque, & grandes æterni numinis iras,
 Undantemque reo desertum sanguine Sinam,
 Dum tragicis, Honerde, sonis, ac vultibus aptas:
 Obstupui Batavum Latia sub veste Sophoclem,

Eu-

Euripidemque mea rursum de gente renasci.

Desinat Argolica carmen feralè puella,
Et personatum populo ostentare Thyesten
Gracia, vel tumidâ Elestram producere scenâ,
Hectoraque, Ajacemque, Duces. nec solâ Latino
Se putet ore loqui vilem Cisseis ob hircum.
In Batarvis orchestra tremit, quassatque cothurnus
Pulpita, & atratis depictus fecibus ora,
Iratum tonat ore Deum; Mosenque, Ducesque
Belga, nec in fictis loquitur lachrymosa tragœdis.

In rabiem impietas, & cæco concita motu
Religio primæva ruit. præfertur Olympo
Stulta Pharos, laudesque Dei sibi corniger Apis
Poscit, & insanum plebes veneratur Osyrim.
Quæ pelusiæ jam pridem mugit aris,
Se credit jam vacca Dæm: quod gesserat aurum,
Iudeus pro numine habet: quod fecerat ipse,
Et cuperet fregisse, colit; cœlique creator
Fit dextra pereuntis opus. concluditur ære
Majestas spaciola poli. Nec jam ipsa furori
Imposuit mens sancta modum. se vindicat ultrix,
Atque aliquâ peccat pietas. franguntur honesti
Vocibus insignes tabula, pereuntque salutis
Federa, & humani monumenta æterna laboris.
Legum verba cadunt, & magno prævia Christo
Ex alto doctrina ruit, mutandaque tandem
Pacta docent, fideique probant præcepta ruina.]

Interea insanos miserandis cadibus ausus
Expiat, & jugulos ultori commodat ensi
Isacides, discitque sua deliria vitæ
Absentem spectasse Deum; numenque veretur,
Quod poenâ se tale probat. Memphitica nec jam
Saxa vocat, fractaque colit secreta juventa.

Hæc canis, & strepera curis interseris aula,
Aonii Dux magne chori, placidumque tribunal
Fari mæsta doces, & sacris induis iris

Pectus.

*Pectus, & attonitum socias cum iudice Theſpin.
 Poſt Thamarā das iſta legi. quæ femina fundit
 Verba furens, ſcis eſſe minus. plus pulpita ſurgunt
 Hebræo percuſſa Duci. ſi filia regis
 Aſtuat, in ſexu vitium eſt. cum legifer ipſe
 Intonat, & rabido pulſat proſcena greſſu,
 Auditor tacitiſque ſtupent ſubſellia linguis.*

Ad doctiſſimam virginem,
 A N N A M M A R I A M
 à S C H V V R M A N S.
 Trajecti in Batavis habitantem.

Q*Uæ tibi Diva parens generis? nū docta Batavis
 Te peperit Carmenta tuis? tituloſq; virorum,
 Doctrinaque decus debet natura puella?
 Scandis Apollineos colles virguncula. priſcā
 Excidimus jam laude viri. vileſcimus ultrā,
 Feminaque ingenio noſtros tranſcendis honores.
 Mirabor magis? an rerum portenta dolebo?
 Num dicam peccaſſe Iovem? vel maſcula miris
 Inverti ſimulacra modis? Sempronia nobis
 Altera, & Arctoo melior ſub ſidere Sappho
 Naſcitur, atque novam protrudit Pallada terris
 Iuppiter, & veteres mulier ſcrutatur Athenas.
 Non Latium, non Roma ſatis, non ſufficit uno
 Ore loqui, minor eſt ſimplex facundia votis
 Virginis. Argolicas etiam (proh numina) voces
 Anna legit, ſociatque ſuum cum Cecrope Belgam.
 Si mirum antiquæ committi ſcripta Corinna,
 Hæc etiam, quod ſcribat, habet. ſi conſcia rerum
 Prodidit exactis Manto ſua carmina ſeculis,
 Egregiumque aliquid grandes cecinere Sibyllæ,
 Et Mariæ mens iſta poteſt. ſociata marito
 Polla fuit, juvitque ſui commenta pœtæ.
 Nec minus illa virum ſtudiis ſuccurrere poſſet,*

*In socios admissa thoros. quid Belgica jactas
 Belligeraeque rates, & magno Principe fultas
 Imperii crescentis opes? quid didita famâ
 Prælia? barbaricis oneratas mercibus alnos,
 Totque novis passim laxatas mœnibus urbes?
 Hic majora stæpe. rarum Battavia nomen
 Conficit una tibi. præstat facunda virago
 Tot titulis, fastusque leves virtutibus anteit.
 Nec precium jam sexus habet. cum virgine, docti,
 Communes animos geritis. vilissima nostri
 Portio nostra manet. solis discernimur, eheu,
 Corporibus, geniumque viris confundit & artes,
 Et, qua nos sapimus, vir dici parte meretur.*

*Quid dignum te, Virgo loquar? veneranda pudori
 It juxta doctrina tuo, castissima mores
 Vita probat. doctam submissa modestia mentem
 Flectit, & ingenuos decorat reverentia vultus.
 Quis thalamos, formosa, tuos conscendet amator?
 Ridebis cui sponsa viro? cui nupta marito?
 In Batavis si Phœbus amet, te conjuge Daphnen
 Negligat, & tali cupiat se jungere Diva.
 Dos tua tot fuerint artes, prudentia, virtus.
 Dos tua tot fuerint lingua, tua gratia, candor,
 Simplicitas, & quicquid amant sciuisse Camœnæ.*

*Anna, (fatebor enim) non me tua nomina tantū
 Afficiunt, vatemque trahunt; sed quicquid in ista
 Virginitate queat summum flexisse Tonantem,
 Suspiciamus, Musisque placens me tangit honestas.
 Scribimus hac, loquimurque tibi. si dicere coram
 Cogerer, haberent forsân suspensa poetæ
 Verba, nec ad solitas fluerent mea carmina leges.
 Sin minus illa placent, & si magis oscula vester
 Sexus amat, nos illa domi debere putabis.
 Invenies alium, si te hic fastidit Alexis.*

Ad
IACOBVM VOLMARIVM,
Philosophiæ Magistrum,

CARMEN IUVENILE.

Quid pulvis Cavea? victumq; saburra cruorem
Prisca bibens? quid Casarei spectacula circi,
Et circumductis Daphne suspensa theatris?
Quam laudis mala materies, tristisque palæstra
Turpe patrocinium, pensataque crimina recto,
Insque datum sceleri? quid honorum prodiga Mem-
Et Mausoleum conjunx mirata sepulcrum, (phis,
Quam lapidi decus, aut fragili dat pramia ligno;
Posthuma quæ stupeat demireturque propago.
Usque adeo vili natum de cespite nomen
Vivax fama vehit, vanisque excita trophæis
Dextra tubam memoresque emit post fata nepotes;
In saxo querens titulos, in pulvere vitam,
Nomen in exequiis. Quin tu Tiberina labores
Adspice Roma tuos, Latiis decerne triumphis
Currusque tumidasque rotas; da carmine festo
Militis ora fremant, dominaeque secuta curules
Turba triumphantes Capitoli ad limina sistat
Scipiadas: victis patrem ter clamet Achivis
Æmilium, patriæque ferocem funere Syllam
Aspiciat, tutata reum. Quin gaudeat unus,
Cedis Casareæque, & nominis ultor Iulî,
Iungere magnanimos primo temone leones.
Indignum meriti spacium, cui sanguine, raptò,
Cede, latrociniiisque & acerbi fulmine Martis,
Tot matrum lacrymis, & famineo ululatu,
Constat honos, fasces, trabea, monumenta, corona.
An tanti pomum fuit, aut pralata Diones
Filia, Tyndaridumve soror, Cassandra prophetans,
Anna soror, regina furens, conjunxque Tonantis

In-

*Invida? num tanti foribus dimissus eburnis
 Omnis ab irato furor eruētatus Achille?
 Posteritas ut & illa ferat; victuraque semper
 Figat in aternis vatum mendacia fastis?
 Scilicet ante venit vera virtutis honorem
 Fabulaque & vitium; fucato splendida vultu
 Post tumultum, & cineres, & longi secula tractus,
 Emicat improbitas, magni mentita poetæ
 Ingenio, tenebrisque alii damnanda silenti
 Narrantem decimo sobolem sibi sufficit ævo.
 Non ita Palladius laudum fastigia miles,
 Aut trabeam fascesque capit: non purpura Phœbi,
 Augustoque umbrosa virens in limine laurus,
 Non hedera, & seros diductum nomen in annos,
 Degeneri virtute datur: melioribus ausis
 Doctrina succrescit honos, vitæque meretur
 Præmia, qui vitam seclis fugientibus adfert,
 Pieridumque instaurat opes: cui tota recessus
 Cyrrha suos, sensusque aperit grandæva vetustas.
 Talis ades, quem Leyda pios attollere vultus
 Aspicit, & celsa decus ostentare curuli,
 Volmaria de stirpe Puer, cui regia pridem
 Victori dominos fixit Sapiencia fasces,
 Doctræque Sidonias suspendunt limina vestes.
 Non tibi mendacis secunda licentia vatis,
 Non precium recidiua dabunt, non funeris atra
 Solvet ab invidia, & pallentis dente senectæ
 Pulverei sudoris opus, veterisque palæstra
 Dura rudimenta, aut magnæ congesta parentis
 Ossa, rudis terra soboles, despectæque laudum
 Materies, sed Socraticis mens dedita curis,
 Quæque Stagiraï tectæ insidiosa Lycæi
 Pressit, & humanos prorsus desueta labores,
 Vidit in obscura gremium subtile Minervæ.
 Non tibi plebejo sudatum pulvere nomen,
 Non senium, non fama datur; verum ardua rerum,
 Et*

Et nulli, aut certè paucis tentata priorum
 Lustrasti spacia; immensorum plena laborum
 Area prima tua pandit tentoria laudis.
 Te gravior valido pressit Sapientia nisu,
 Ipsa Clexanthes denudans ilia turba,
 Ingenio monstrante viam. tibi vasta sophorum
 Atria, Cecropiè miranda arcana senecta,
 Rixantesque choros, & non placabile Grajùm
 Agmen, & ancipites ostendit diua catervas;
 Quicquid in antiquis contendit Pallas Athenis,
 Inventum quodcumque tuo schola prisca recessu
 Prodidit. hæc magni dedit aspeflare Platonis
 Communes rerum facies, abstractaque mundo
 Formarum genera, æthereos agitata per orbes.
 Illa tibi Samia veneranda silentiæ turba,
 Migrantesque animas, nec dilanianda ferarum
 Tergora, & innocue præscripsit pabula mensa.
 Iamque ætas prior, & sapiens abstrusa vetustas,
 Cunctaque difficilis patuerunt ostia sedi;
 Cum per Avenroen, facilisque inventa lavelli,
 Per gravis Alphonsi folium, per inhospita Scoti
 Tecta, per Occami latebras, decreta Pererî,
 Occultosque sinus Thoma mens ignea rupit.
 Non latuit Fonseca pater, non docta Toleti
 Pagina, non dubios versans Mirandula sensus.
 Trivisti Gabrielis opus, quæsitæ Lovani,
 Et Cajetani Scholion; perque abdita Suaræ
 Scripta, laboranti tantum perspecta cerebro,
 Perque theses Dirandæ tuas, sinuosaque dicta
 Ægidii, Bedamque senem, perque omnia raptus,
 Immensum Sophia tranasti sedulus aquor.
 Qualia terrenum fugiunt molimina vulgus,
 Vix hominis sortita modum. sibi congrua poscit
 Limina, nec crassis animorum nascitur atrius,
 Sed genium res ista cupit. mens illa deorum est,
 Semideisque immixtus agit, quicumque sagaci

Ingenio natura obices & claustra relaxans,
 Tantarum potis est causas evolvere rerum.
 Hic terram, sed ut exul, habet. secretaque mundo
 Pectora fert, quin solum anima est, dum simplice mo-
 Spirituum puros meditando conficit actus. (tu
 Obstupere viri, & totus (sacer ordo) Senatus,
 Palladiâ cum gente, novam miratus honorum
 Materiam, quoties rationum umbone coruscans
 In varios docto te ferres ordine gyros,
 Hostiles acies emissaque tela retundens.
 Ipsa inimica phalanx tanto se fassa minorem
 Principe, de victas aquilas, inhonoraque signa
 Ante pedes posuit. neque enim victoria major,
 Quam qua confessos animo quoque subjugat hostes.
 Tale tenes meriti spatium, cui curia Patrum,
 Et Procerum veteres hodie vox iusta triumphos
 Aptat ovans, cui posthabita Tritonia Cyrrha
 Servit, & antiquo decernit pilea ritu.
 Iustior hac laudum seges est, hoc pulvere currat,
 Quisquis ab ignavo senium defendere mundo
 Tentat, & aeterna captat solatia fama.

Quare age, magnorum testis præclara laborum
 Aspice Leyda virum, juvenem quem dixerit atas,
 Mens grandæva virum; quem vult natura minorem.
 Majorem grandæva suis industria curis.
 Aspice, totus adest oculis, dum tempora tristis
 Præteriere mora, Pallisque exporgere frontem
 Nostra venit, postquam attonito delubra Senatus
 Muta diu, solitis iterum referata loquuntur
 Vocibus, & sacri pandunt oracula vates.
 Latitida signa tua, gratiisque verenda
 Imperiis, lachrymasque pia miserata Minerva,
 Iura simul sceptrumque refer, venerare clientem,
 Qui novus incedit Sophia per templa sacerdos.
 Exere jam dignos tanta certamine laudis
 Leta choros, quantumque tuis facundia pollet

Ingeniis, expande decus. Stat certa merenti
 Mercedis mensura, juvant præcognita quemque.
 Præmia, & egregius gliscit Sapiencia donis.
 Illa suis licet acta bonis vix extera curet
 Iudicia, & strepitus vulgi, facilesque susurros,
 Magnificasque trabes, & honoris negligat arcem;
 Usque tamen socios tacite sibi poscit honores,
 Et pompæ plaususque aliquid, gratique favoris,
 Et strepitus patitur, quamvis non præmia tantum,
 Quam curas, studiamq; suum & se digna moretur.
 At tu Pegaseas tandem conscende curules,
 Quò laudum se tollit apex; da cernere doctum,
 Sed socia virtute, caput; tibi nomina tandem,
 Principibus concessa viris, & debita clavis
 Ingeniis, tarda famulis invisa Vacuna,
 Transcribit senior venerando Snellius actu.
 Iam votis mensura tuis, quasitaque dantur
 Munera, dum plenis prostat tua fama theatris
 Æternum latura decus. nunc undique laudum
 Cingeris agminibus. jam te meruisse videmus,
 Dum plausus titulosque refers. jam dextera concors,
 Iam placida prætexta toga, jam pilea priscum
 Digna decus, digitisque auratum insigne coruscans,
 Et celsæ sedis facies, tactumque volumen
 Debita nascenti decernunt jura Magistro.
 Ecce novos Phæbo pubes dilecta triumphos,
 Et tantum comitatur opus, tibi plena Lycæi
 Atria densatis fervent de vota catervis.
 Applaudit simul æqua cohors, gratoque coronas
 Et currus tibi corde parat. desertur amicus,
 Concordi sed voce, favor. tibi gratia Patrum
 Gestit ovans, gaudet sacra cum gente Senator,
 Votaque Picridum cumulant plebeja favorem.
 Iam Leydæ communis amor, jam maximus audis
 Antistes Sophiæ, de te miracula quisque
 Colligit, inque animis plausu meliore superbis.

Scilicet hoc meritis præclari nominis addit
 Annexus pietatis honor, tantamque rependit
 Relligio tibi culta vicem, dum criminis insons
 Virtutis pura veneraris mente tribunal.
 Euge, movent tua facta Deos, Parnasia lato
 Murmure templa sonant; & te nascente magistro,
 Undique Pegasea Phœbus stipante caterva,
 Carmina festa fremit; tremulis quæ fluctibus inter
 Luxurians fluidos Aganippe concitat amnes.
 Pallas Cyrrha thalamum tibi sternit in aula.
 Calliope viridis contexit brachia Daphnes.
 Melpomene tibi lata boat, sed concinit illi
 Dulcior Euterpe modulis. te cœlica vellet
 Vranie celsa cœli regione locare;
 Sed Iovis illud erat. quin laudis conscia Parca,
 Non rumpenda tibi promittit stamina Clotho.
 Nec satis hoc. nimis arcta tuis sunt nostra triumphis
 Regna, nec ingentes metitur Belgica laudes.
 Trans pelagi spatium curris, dum nuncia rerum
 Fama Britannorum velox se accingit ad urbem,
 Natura famulante Deæ, quæ vincita resolvens
 Clausura maris, portus aperit, quò libera puppis
 Possit cloriferas effundere nomen in undas.
 Tuque mihi, titulis gravis, & fama ubere pregnantis
 Salve progenies, seris quæ debita seclis
 Batta-vicis ponis laudum spectacula tuarum
 Porticibus. latere tuis mens splendida curis,
 Quæ dominum mercede beant; dum basia jungunt
 Hinc labor, hinc meritas texens Astra coronas.
 Sed dum per magnos graderis spectandus honores,
 Vnum te Pietas & cœli filia poscit
 Relligio. sacros studiis invade penates,
 Ipsum ordire Deum, pateant secreta Tonantis
 Abramidum, priscique patres oracula loquuti.
 Cui tantum Natura patet, donataque cœlo,
 Tota salutare mens imbibat enthea sensus.

*Sic te, quem gravior fecit doctrina magistrum,
Religio perfecta beet, sic nobile lucrum
Christiadum Pietas celso te inscribat Olympo.*

Ad Nobilissimum Virum,

D. GERARDVM THIBAVTIVM,

Libros suos de Gladii usu edere parantem.

H Athenus indoctis Bataui pugnauimus armis.
Et simplex Bellona fuit; quum vindice nullo
Tota salus celeres nimium procedere mortes
Indoluit, vitamque truci committere Marti,
Et bellatrices exhorruit anxia dextras.
Pugnantum laus vilis erat, robustaque solum
Plus poterat nocuisse manus, fortesque lacerti,
Fixaque fatali heroum vestigia campo.
Perdomuit vis una viros, & gloria victrix
Natura, non artis, erat. Sic nescia legum
Gracia privatas gladiis ulciscitur iras,
Priamidesque ferox venienti occurrit Achilli,
Et falsis Patrocli animam deposcit ab armis.
Nec Latium prisique magis sapuere Quirites,
Romulidumque pater; tunc, cum crudelibus ausis
Armaret geminos vesana superbia fratres,
Æmulaque ingentis caderet pars altera Roma.
Ignari nostrorum operum pugnare Sabini,
Et vinci potuere patres, & freta duello
Agmina: nec tales credam vibraſſe macharas
Albanos, Tullique duces: cum fœdere sancto
Rixantes populos victor conjungeret ensis.
Quid iuvat è fragili pendentia retia filo
Artificem rexisse manum? quæ verbere vano
Currentem totâ juvenem derisit arenâ?
Vos Threcum infames siccæ, falcesque supinae,
Parmaque, nec faciles avertere vulnera pelta,
Et Myrmillonum pugna, rudibusque superbi

Cedite viatores; quos quondam Martia circis
 Et circumductis includit Roma theatris.
 Nunc alius manet arma labor, delapsaque cælo
 Decrepitum felix industria perficit orbem,
 Nec notum molitur opus. sublimior ensem
 Cura rotat, neque jam valida vis effera dextra,
 Sed sapiens doctrina ferit, succumbitur arti,
 Cum cadimus, solaque hostem ratione necamus.
 Ipsa novos ausus, & tanti pondera veri
 Miratur natura parens, quæ rara Thibanti
 Sedulitas nostro pandit mirabilis ævo.
 Ipse sibi vitæ spatium mortisque futura
 Scribit homo, & proprio metitur corpore ferrum.
 Ars circo depicta jacet, similique figurâ
 Ingentis terra faciem, diuümque penates,
 Et nostrum consummat opus. signatur in illo
 Littera; quò tutos possis desigere gressus,
 Et lethi vitare vias: ubi vulnera cauta
 Infigant funesta manus: ubi deroget iustus
 Semita, & hostiles spernat secunda furoris.
 Aræ parua patet, totus quam suspicit orbis,
 Ignorata diu terris. hic abdita sensus
 Occultat doctrina suos, generosaque pandit
 Dogmata, & humana miracula plurima mentis.
 Quo gladio se munit, habet momenta salutis,
 Pugnandique gradus. non ulla licentia ferri est,
 Nec, quâ velle potest, libertas tuta vagatur.
 Lex motus immota regit. stant certa nocendi.
 Tempora, nec frustra mucro mucronibus instat,
 Aut gladius gladio premitur. jam vincere tactu,
 Iam visu superare potes. nunc parvula tollit,
 Nunc servat mensura virum. nunc occupat hostem,
 Nunc fugit arte suam. nunc linea rectior ensem,
 Nunc obliqua capit. nunc hoc; nunc eligit illud.
 Anxia dextra latus; totoque sequacia circo
 Brachia versat ovans. Procul hinc fortuna faceffe,
 Bello-

Bellorum Martisque comes. pugnare parati
 Ad numeros stabili tentamus praelia norma.
 Hac mundum, Belgasque tuos, & regna Thibanti
 Nostra doces. stupuit tanta molimina mentis.
 Auriacus: stupuere duces, devotaque bello
 Nomina Nassavii; queis cum committere dextram
 Et pugnare datum. sic quæ prostraverat hostem
 Sæpe manus, vir magne, tuas exercuit artes;
 Victricesque tibi concessit præmia palma.
 Iam tua Cesaream grassatur fama per aulam,
 Et reges tibi vota ferunt. Germania supplex
 Expectata tui poscit monumenta laboris.
 Nos quoque, quos tantis dudum virtutibus aquas,
 Et nescire nefas credis tam grande salutis
 Præsidium, pariter magnis applaudimus ausis:
 Quemque tuis cultum studiis & voce dedisti,
 Laudatum pariter grati tibi reddimus enses.

QVERELA LVCRETIÆ

A Sexto Tarquinio violatæ, ad Collatinum,
 patrem & amicos.

Quod sum passa nefas, tibi, quos sum passa do-
 lores,
 Collatine, querar. non jam Lucretia credor
 Esse tui conjux thalami, dum rapta pudoris
 Proemia Sextus habet, gremiumque invasit amator.
 Improbus, & nostro detestit gloria læto.
 Si scelus est hæc ipsa pati, ferroque coactam
 Cedere flagitio, dicat me fama nocentem,
 Me Latium peccasse puta. si crimen habetur
 Armatas sensisse manus, timuisse tyrannum,
 Dic fontem, dic, Roma, ream. si sola voluntas
 Arguitur, culpaque caret violenta voluptas,
 Absolver, te teste, pudor. mihi corpore læso.
 Mens superest illæsa, nec hoc à pectore priscus

Coniugii defluxit amor, mutataque casti
 Causa thori est. non Tarquinio dilecta rependi
 Officium; miseræque mihi non gestus amanti,
 Sed facinus damnantis erat; non brachia vecors
 Iniecit cupidæ rabies. adspeximus hostem,
 Et placui infelix, cui displicuisse volebam.
 Gracia Pergamei luxit raptoris amores,
 Ægyptique nefas, Agamemnoniumque cubile:
 Me Latia lugete nirus. sunt altera vobis
 Pergama, Romanusque Paris, nec crimine tanto
 Troja nocens solum est. serpunt exempla potentum,
 Improbitalque etiam nostram descendit in urbem.
 Heu quid agam? neque enim stupro violata pudicis
 Matribus annumerer: nec, cum sim nescia culpa,
 Damnmari matrona queo. licet esse marita,
 Intacta non esse licet: sociavit adulter
 Corpora, non animos: rapuit vis sola pudorem.
 Non ratio; constansque mei reverentia lecti est.
 Ne dubita, Romane. mei mox certa pudoris
 Argumenta dabo, nec in hac ego fata superstes
 Esse diu cupiam. quod si bona fama vacillat,
 Morte luam scelus alterius, proprioque piabo
 Funere. non erit, ut digito Lucretia monstret,
 Non ego ludibrium nurius debebo Latinis,
 Nec quod suspicio fallax sibi fingat, habebit.
 Omnia magnanimâ solvam discrimina dextrâ.
 Me robusta manus, violentaque Principis arma
 Implicuere malis: rursum violenta potestas
 Eximet, & stricto tot rumpam incommoda ferro.
 Non erimus patria indecores, exempla que de me
 Nulla petet mulier sceleris. non semine regum
 Progeniem tibi Roma dabo, aut invita tyrannos
 Producam genitrix. forsân sperata Quirino
 Libertas per me dabitur. sceptrique facesset
 Terror, & inuisi scelerata potentia regni.
 Quin pia posteritas irata nobile factum

Conju-

Conjuzis, & justī refert documenta furoris,
 Et, si non patiens, saltem sic fortis habebor.
 Fraternali primi maduerunt sanguine iurī:
 Successit funesta soror, Sponsique cadentis
 Victimā. femineum rursus Tiberina cruorem
 Terra bibat, discatque meo jam qualibet ausu
 Illicitas odisse faces, & sancta putare
 Vota pudicitia, & socialis vincula dextra.
 Tu genitor cape tela manu, tu Brute viriles
 Vlricesque animos & grandes indue curas,
 Vindictaque ferox studium. nunc tempora cessent
 Stultitiæ simulata tux. cui femina vinci
 Imbellis potuit, timeat concurrere vobis
 Dextra viris. hæc sola meis solatia facis
 Collatine feras. pœnas persolvat adulter,
 Nec veniam donet spreto clementia recto.
 Peccantem celeres Metium rapuere quadrigæ,
 Et mansit sua pœna reum, spretorque Deorum
 Morte luit. fœdæ quondam perjuria matris,
 Et spretos patris thalamos, vetitosque hymenæos
 Ense Thyestiadæ clarus fuit ultus Orestes.
 Viximus insontes; titulo moriemur in illo:
 Me pudet amisso vitam servasse pudore.

O R A T I O
 MVTII SCÆVOLÆ

Ad

PORSENAM CLVSINVM

regem, postquam pro rege scribam
 obtruncasset.

Adspice, quem juvenem solum fortuna fefellit.
 Bellorum jam jure reum. Rex, adspice solo
 Has fontes errore manus. si Scævola pœnas
 V 3 Debeat,

Debeat, absolvet Romanum patria civem,
 Ipsaque posteritas. petii, quem sensimus hostem,
 Et Capitolinis inimicum sedibus hostis
 Aggressus virtute fui. cur abnuis ather?
 Cur, Superi, fuisse pudet? num sceptrum tuetur
 Rex hominum, Divumq; pater? regumque verenda
 Majestas dilecta Iovi est? num fata triumphis
 Incolumem superesse volunt? num nostra ferocem
 Terre bunt exempla ducem? aut gravioribus ultra
 Servaris Porsenna malis? quodcumque placebit,
 Erratum ratione fuit. tamen, audiat ather,
 Hanc doleo peccasse manum. consultaque Divum
 Detestor diversa meis. Etruria specta
 Romanae virtutis opus, tantique laboris
 Auspiciis, Latineque animos mirare juventa,
 Non deerit coeptis alius, longo ordine post me
 Regis in exitum festinat & alter, & alter,
 Deque tua cunctis speratur cade triumphus.
 Castra vacent bello, latus per jugera miles
 Ambulet. haud petimus vili de sanguine laudem,
 Nec locus est pugnae. iuratum in viscera regis,
 In jugulos Porsenna tuos. unum omnia contra
 Tela Latinorum. solum regale tribunal
 Arma notant, condetque tuo se pectore ferrum.
 Vestibulum ante ipsum, primoque in limine sicam
 Sica premit, mixtusque tuis Romanus inerrat
 Militibus, tua circumstat tentoria, regem
 Qui feriat. te posci unum, tua corpora quari,
 Te signari oculis video. fit funeris hora
 Qualibet hora tui, momentaque singula clara
 Partitur jam Roma neci. tu mania cingis,
 Intentasque famem populi: sed gnara nocendi
 Dextera circumstat pavidum, & cervicibus ensis
 Imminet. in media fulgent diademata fronte,
 Sed spoliis sperata meis: quae purpura cocco
 Ista rubet, bibit illa tuum funesta cruorem:

Quodque

Quodque geris sceptrum, fatalis polluet ictus.
 Hoc fato Rex esse potes, semperque, quod unus
 Extimeas jugulandus, erit. Iam seruiat in me,
 Cui vacat esse truci. spernunt Romana dolores
 Pectora, nec, regum quisquis percussor habetur,
 Supplicium timuisse potest. mihi fortia, crede,
 Conari & perferre datum. nec gloria dispar
 Vel mortis, vel cadis erit. suspiria, plangitibus,
 Et gemitus odisse, virum est. mens conscia recti,
 Libertatis amor, patriæ tutelæ salutis,
 Infractos subdunt animos, & premia fama
 Proscribere metum. quam cernitis, ara, focusque,
 Testis erunt, quantis sese constantia factis
 Explicet. en flammis ultricibus uritur illa
 Romanis minus æqua manus, quæ dextra fefellit
 Me dominum, Porcenna, tuis jam tota favillis
 Arsit, & hunc nosser pœnam mihi debuit error.

ORATIO VETVRIÆ,

Ad

C. N. MARTIVM CORIOLANVM
 filium, armis patriam impetentem.

QUo malesane ruis? patri cq; haud tale merenti
 Hostiles infers acies, & tela Latinis,
 Infestosque tuis intentas mœnibus enses?
 Quid Latium, quid Roma in te committere tantum?
 Quid cives potuere? tua est Volumnia conjux,
 Quam ferro scelerate petis; tua pignora, Marti,
 Natorumque feris jugulos, ultorque malorum
 In mea victricem convertis viscera dextram.
 Vsq; adeone tuo concedis frena furori?
 Nec cessas certare odiis? tantumne licebit
 Invidiæ? patriæque tibi venerabile nomen
 Sub pedibus, cen vile, jacet? jam filius hostis

Esse cupis, materque tui cum conjuge belli
 Materies feralis ero? quas eripis urbes,
 Eripis & nobis, & quos grassaris in agros,
 Hos credam quoque jure meos. quæ mœnia perdis;
 Sunt matris, sobolisque tua. periere Novella,
 Corioli, Satricumque potens, Trebiumque, Pedumque.
 Et Labici, supplexque tuis Pollustria castris;
 Meque tuosque malis demens involvis iisdem.
 Sit plebes Romana nocens, proscripserit illa
 Insignem virtute ducem. non illa probare
 Innocuæ potuere nurus. damnavimus uno
 Ore nefas. fontes incusent jura tribunos,
 Hi belli decreta luant. ego mater iniquas
 Sum nati miserata vices, lachrymisque peregi
 Officium, verbisque fui solata dolorem.
 Hostibus immixta, conjunx, sobolesque, parensque
 Vivimus, & nostro petitur vindicta periclo.
 Ex æquo furor iste nocet. complexibus hisce
 Cur harere cupis? quæ me complectitur hostem
 Dexteræ? nec genitrix nocituris eximor armis.
 Hac facies irata mihi est: quæ basia figis,
 Das inimica mihi. nunc omne hostile putandum est.
 In Romam dum castra moves, dum classica matrem
 Sollicitant, tenerosque cient tua bella nepotes.
 Hac ego, quam genui peperique Veturia, jamjam
 Abducar captiva manu: devicta triumpho
 Destinor: ante tuas incedam vincta phalanges.
 Brachia numella; qui te gessere, lacertos
 Vincula constringent: quæ sapius ubera flenti
 Porrexî puero, nunc improbus hauriet ensis.
 In cunas rabies, propriosque insana penates
 Arma ruent, & quos habitasti mitior olim,
 Evertet tua dextra lares. deposcitur insons
 Ad pœnam puer, & culpâ mactabimur unâ.
 Hos ego te in casus, & in hæc te fata Quiritum
 Progenui? ut nostro natus de sanguine Romam

Perderet, & Volscis crescentem traderet urbem?
 Heu tanti sum causa mali. sum, Romule, nomen
 Imperio fatale tuo. jam nascitur ex me,
 Cui vix nata suam debet Roma ruinam.
 Cur turpi me morte mori, cur crimine tanto
 Coriolane cupis? generique adnectis & umbris
 Opprobrium tam grande meis. miserabilis, exul
 Esse velim: solùm, per te periisse, scelestum est,
 Conduplicat tua causa malum: mihi cerneris idem
 Hostis, & extorris patria. sors utraque matrem,
 At magis illa premit. res scilicet altera sati est,
 Arbitrii res una tui. depone feroces,
 Et nobis placare, minas. quin adspicis illa
 Romulidum constructa manu, & jam didita fama
 Alaxia, Marvortisque domos, veterumque celebres
 Reliquias Danaum, atque nova fastigia Troja.
 Si non illa movent, saltem miserere parentis,
 Natorumque, pater. pudor est, tibi, conjuge serva.
 Deque triumphatâ promitti matre triumphum.
 Irarum decerne modum. malè bella ministrat
 Impetus. humanis etiam succenset Olympus
 Criminibus, sed thura Deos, sed vota, precesque,
 Sed flectunt lamenta Iovem. num patre rogante
 Hectoris exuvii atrox ignorat Achilles?
 Quamque prius rapuit Priamo Tirynihus urbem
 Reddidit, ultricesque Deos placavit Orestes?
 Quod si nec gemitus, mea nec suspiria frangunt
 Præcipites animos, tibi si contemnitur uxor,
 Roma, Deumque locus, tot nomina blanda tuorum,
 Infulaque, & Patrum referentes iussa Quirites;
 Impete maternos jugulos, in conjuge ferrum
 Abde ferox, sobolem patriis à mœnibus arce:
 Saviat in socios cognata potentia cives:
 Rideat hoc Volscus, Vescensque, & iniqua Falisci
 Nomina: crudeles placeant Samnitibus ira:
 Solaque Romano succumbat Roma furori.

O R A T I O C A T I L I N Æ,

Milites suos ad pugnam cum Antonio
hortantis.

Hoc stamus, Fortuna, loco; nec patriæ segnem
Experire Ducem. pressi servire Quirites
Si cupiant, mihi bella magis, tentandaque ferro
Libertas, ac fama placent. plus deside vita
Clarescet morientis honos. si dura secundos
Successus mihi fata negant, at fortibus ausis
Et cœptis illustris ero. spes sola triumphi
Audacem intrepidumque facit. non Consulis enses,
Non metuit mandata Patrum, qui ficta Senatus
Nomina, qui cunctis trabeas Latiasque curules
Deberi ratione putant. cur tota Catonem
Roma tremat? cur Ausonia terrisque superbus
Arpinas mandata dabit? cur horreat orbis
Pisonem, Catulumque, & ditis jugera Crassi?
Hoc plures, Romane, sumus. cur tanta potestas
Paucorum, cur tota manet? nos sanguine eodem
Æneadum stirps clara dedit. non Romulus illis,
Non solis Mavors pater est, nos semine ab illo
Fluximus, & veterum titulos servamus avorum.
Cur aliis diti turgescant scrinia censu?
Paupertas nos sæva premat? stipendia gentis
Penditis, hi rapiunt. dant vestigalia reges,
Dat populus, nos æra gravant, alienaque perdunt
Nomina. nos, tetrico passi sermone repulsas,
Iudiciis debemus opes. illustribus illi
Imperiis totum stringunt sub fascibus orbem;
Obsequii nos cura manet, famulique laboris
Deprimit officium. nostris Respublica jussis
Cur parere neget? cur me, cur, patria, cives
Despicis hos, tantisque indignos credis habenis?
Ludibrium tibi Roma sumus, contemptaque turba
Negli-

Negligimur. praerunt aliis ante ora secures,
 Hos grandis pratura beat : locupletior istos
 Illustrat quaestura patres : rapit ille sacrorum
 Iura sibi, & circum pendentibus insula vittis
 Circumdat gemmata caput : fastigia laudum
 Terrarum dictator habet : timet ipse tribunos
 Consul, & emeritas aquilas emancipat alter.
 Nos numerus sumus, & viles contemnimur umbræ,
 Degeneresque animæ. Pariis extructa columnis
 Limina conspiciitis passim : nos paupere tecto
 Claudimur. ingentes sternunt sestertia montes,
 In fluctus jam luxus abit ; rabiemque profundi,
 Oceanumque patrem Romana superbia vindis
 Alligat. En coelo sublimia saxa minantur,
 Stultiitiæque petunt Superos. nos indigæ rerum
 Pauperies, atque æris inops affligit egestas,
 Et scelerata fames. num vos hac sorte novercans
 Progenit natura parens ? hac vivere tristes
 Conditione cupit ? ferro decreta Deorum
 Rumpere, præscribat fati industria legem ;
 Et quales nos esse volunt, non esse velimus.
 Audaces fors ipsa juvat, quin imperat astris
 Sedulitas, & cura vigil. jam desinit esse,
 Cui dolet esse ; miser. patimur, servimus inertes.
 Maesti animis, subeat tanti fiducia regni,
 Et Latii decus, & potiunda gloria Roma.
 Vos patria tangat pietas, & dulcis amena
 Libertatis amor ; multi spes erigat auri
 Languentes animos. leges calcate timendas ;
 Quemque sua rapiant generosa in prælia causa,
 Sed potior merces. hæc belli præmia prostent
 Ante oculos, in igni vobis angusta Senatus
 Nomina, & hos ipsos Tulli promittite fasces.
 Dux, milesve siem, nullo discrimine habebō.
 Dicite me socium ; tanti collega laboris
 Aggrediar clarum facinus, flammisque penates,

Ense viros, dominosque ulciscar Roma superbos :
Aut signate ducem. patria devota saluti
Bellatrix est illa manus. qui militat ensis,
Militat hic vobis. hic Divum vindicat aras
Perdendoque dabit vitam; per funera, cades,
Ad magnas grassatur opes, avidusque cruoris
Sanguine restituet patriam. jam tecta, penates,
Rostra, lares, nostraque ruant Capitolia dextra.
Nobilitas in visa cadat, feriantque curules
Tela, nec à claris revocetur fascibus ensis.
Liberà mutato gaudet sic Roma renasci
Consule, sic pulso dabitur pax tuta Senatu.
Ite viri, Latiusque truces occurrite castris,
Victores sperate Deos. jam fortibus esse
Expedi, ignavis noceat. jam parcere cives
Civibus hora vetat. veniam clementia victrix,
Sed post bella, dabit. primas audacia partes
Effrenisque furor teneat. discrimina, poenas,
Exitium, mortes timeant, quos arguit atrox
Causa reos. quotquot metuiunt, jam proxima mori
Regna tenent, solusque timor pars certa pericli est.
Nec spes ulla fugæ est. gemino circumdamur hoste,
Stant sterili mea castra loco, fastigia circum
Aeria attollunt Alpes. hinc signa Metellus
Gallica, parte alia ad versis Antonius armis
Bella movet. stricto sternenda est semita ferro,
Visque viam inveniet. certa momenta salutis,
Qui pugnabit, habet. quod si moriemur, inultos
Turpe mori. cernat populi ferale cadaver
Roma sui, madeatque suo quoque sanguine, quisquis
Hunc bibet, & belli ploret dispendia victor,
Vindictæque furor manes descendat ad ipsos.

I N N V P T I A S

Amplissimi, doctissimique Viri,
 PETRI C. HOOFT,
 Poëta Batavi, ac in Tragico dramate
 summi, secundum Sponsi.

H Aëneus à tragico Vates celeberrime cantu
 Idaliū meditaris opus; grandemq; cothurnū
 Exuis, & Paphiis dissolvis tempora curis.
 Iamque truces iras, & saxi crimina Velsi,
 Vltioresque Deos, caligantesque profunda
 Tisiphones thalamos, excitaque sedibus imis
 Numina; confossumque Ducem, tantoque piandum
 Funere flagitium, tot tristis nomina scenæ
 Dedit tibi Musa loqui; tenerumque Diones
 Ingenium, moresque procans addiscit amantum.
 Ad soccum deflecit Amor, cupidisque maritam
 Occupat officiis; nec jam tua fecibus ora
 Dedecoras, vultusque tuos abscondis in illis:
 Sed cunctis noscendus ades, pulchroque decorus
 Corpore fragrantem thalamis inspergis odores.
 Non fufis per colla comis, verbisque severis
 Machildem præbes populo. stant lege capilli,
 Comæque casaries, & lata frontis honores,
 Pellacesque oculi, vocesque in amoribus aptæ,
 Atque inter molles luceniæ lumina risus
 Efformant geniale caput, Sponsūque loquuntur.
 Non Thespis tibi verba gravis, mæstumque tragædo
 Dictat epos, sed blanda suos Cythereæ lepores
 Suggest, & festo resonant proscenia cantu.
 Flebilis orchestra facies & pulpita lato
 Mutantur funesta thoro: nec vestra loquacem
 Admittit cortina chorum: quin fabula solū
 Actores capit ista duos, longeque remotus

*Hac scena spectator abest. sic omne tenebris
Officium moderatur Hymen, positoque pudore,
Iam tibi, jam Sponsa sociandos dividit actus.*

*Dum loquor, ecce gravi regina Tragœdia gressu
Ingreditur, foribusque meis sese altior infert,
Sed priscos exuta habitus: non longa trahebant
Syrmata funerea vestes, piceasque rotabat
Dextra faces, qualis furias recitavit Orestis,
Aut Hecubam fari docuit, dirumque Thyesten.
Utque per Aonios spatiantem suaviter hortos
Me videt, atque aliquam capiti prætendere laurum,
Nec vatum aversum studiis, Bata vique poëta
Ludere per thalamos, totamque arcessere Cyprum:
Et nostrum, Barlæ, tuis intexere Camœnis
Carmen, ait; Clarios à me pater Amstela fontes
Accipiat, Pimplamque suis permisceat undis.*

*Diximus Ægypti facinus, spretamque Pelasgo
Colchida, & ingenti Troas subnixæ cothurno
Per me bis raptam fuit execrata Lacenam.
Dicta mihi Phædra rabies, incestaque mater
Hippolyti, fœlisque stuprum meniita tabellis.
Hoc dedimus sceleri precium, fama que nepotum
Vivit adhuc crudelis amor, fœdosque Hymenæos
Fundunt perpetua ventura in secula charta.
Iam libet in cœstum deducere carmina lectum,
Et vatem canere meum; scena que magistram,
Grandiloquamque suis animam donare Batavis.
Undique jam festis collucet atria tedis,
Et picturatis fulgent spatiosa tapetis:
Molle lyra blandumque sonant, dum suscitât ignes
Sponsus, & ad veteres subridet Sponsa labores.
Illa maritali, tunicas discincta, cubili,
Et voti jam certa jacet, pictoque sub ostro
Tota latet, nisi quæ roseis formosa labellis
Ora micant, spectantque virum. non ulla beatos
Stringunt vincla pedes, nec gemmea ferta cubantis*

Colla

Colla gravant. fluidas laxavit fibula vestes,
Ut sic virginitas possit deprensa timere.
Nec timor omnis abest illi, sed docta timorem
Castigat matrem suum, discitque pudere
Cum ratione pudor. lachrymas non fundit inertes,
Non simulat bis nupta metum, sed lenis amari
Se patitur, lætisque licet reverentia cordi
Insidiat, placet illa tamen, peiturque voluptas,
Qua neque Scipiadum matres, sponsamque Catonis,
Andromachæque thorum, majestatemque Deorum
Dedecuit, quamque ipsa Iovi non exprobet uxor.
Hippomenes illam si sic spectasset amator,
Optasset se posse frui, pernixque virago
Languidius dilecta foret: Briseida Achilles
Sperneret, infidis fugeret Leander ab undis,
Nec quicquam chara Patroclus in Iphide pulchrum
Esse putet, Thisbenque suus dimittat amator,
Nec Phœbus Daphnen, nec Gnosida Bacchus amaret.
Stant terna circum Charites, nataeque sub Ida
Adspargunt thalamo violas, costumque, rosaque,
Cinnamamque, & quidquid messes miscere Sabæa,
Almaque odoriferis donavit flatibus Eos.
Gestibus Euphrosyne blandis irritat amorem,
Et pulchras resoluta comas, nudata papillas,
Lene salit. juxta modulis cœlestibus Ægle
Furta canit Paridis, Batava jam Phyllidis ignes,
Auricæque faces, vel qualis nuper ab hoste
Ille redux, victi spoliis insignis Iberi,
Obruta ab Ameliæ decerpserit oscula labris.
Tertia Pasithee dextris innexa sororum
Conjugibus sua fata canit: secundaque læti
Otia, nec mœstis temerandos solibus annos.
Parte alia lentis deducit flamina fufis
Præscia fatorum Lachesis: catusque per istos
Omnis Pieridum currit chorus, ipsaque dum se
Melpomene multum Sponso debere fatetur,

Inge-

Ingeminat geniale melos, facundaque narrat :
 Heleonora quibus possit contendere donis,
 Amstelias praegressa nurus, quae gratia vocis,
 Quantus in ore lepos, quae circumfusa facultas
 Ingenio, quales formet prudentia mores,
 Quàm thalami veneranda fides : ut nescia fuci
 Candida simplicitas cunctos intermicet actus.
 Ipsa leves manibus stringit Cytherea sagittas,
 Telusque, quæis vatum potuit lassisse maritas.
 Hanc circum pennata cohors, atque omnis amorum
 Turba volat, gratisque onerat connubia donis.
 Pars offert festiva jocos : pars altera risus,
 Et doctos in amore oculos : pars blanda Secundi
 Basia : pars magno cantatas Casare quondam
 Mellifluas largitur Apes : pars carmina Catzi,
 Pars bellatoris modulos, lususque Reali
 Antè pedes posuit : pars desudata ministrat
 Otia Constantis Batavi. jacet illa, stupetque
 Munera tot Divum, atque oculos ad singula confert.
 At tu, grande decus patria, cui sidera transit
 Ardua vis animi : cui nil facundia tritum
 Aut loquitur vulgare, tuis qui verba Batavis
 Praeformas, farique doces ; qui proximus undis,
 Oceanique inter strepitus & regna, cothurnum
 Induis, & tragico metiris pulpita gressu,
 Ad laudes assurge tuas. si Graja Sophoclem
 Terra tulit, tu Belgarum proscenia genti
 Sternis, & equoreis præbes spectacula terris.
 Tu, sibi quem vellet jam Gallia mæsta renasci,
 Henricum doctè celebras, tu praelia scribis,
 Iam belli, jam pacis opus, tantique verendum
 Principis imperium, clarosque edisseris ausus.
 Nunc aliud tibi dictat amor, nunc conjugis Hymen
 Exigit officium. detergis fecibus, ora
 Myrtus amica tegit. veteres, Vir magne, furores
 Concipe, Vesper adest ; dilataque gaudia rursus

Auspi-

*Aspiciis ordire novis ; exercita mox te
Sentiât esse virum conjunx : titulisque parentum
Illustret fecunda domum. sic vita duorum,
Istaque, sed lato, tibi plaudet fabula, sine.*

PROPEMPTICON,

Ad Ornatissimum, præstantissimum-
que Juvenem,

IOANNEM SCHOTERBOS,

Convictorem meum, cum Britan-
niam adiret.

Siccine Battavica charissima corcula terra,
Et natale solum, nec fastidita tuorum
Nomina, maternosque lares, & littus amicum
Deseris ? & toto divisos orbe Britannos
Belgarum securus adis ? vocat aquor euntem,
Naiadumque chorus vitreis te vectat in undis,
Sedibus avulsum patriis. & nobile pignus
Excipit infida fragilis fortuna carinâ.
Hic medios inter fluctus, dum regna Deorum
Adspicis, & celso rutilantes formice flammâs,
Non ultra arboreis viridantem frondibus Hagam,
Sed maria ampla vides : non magni Principis arces,
Sed formidatos inimico in littore portus,
Hostilesque rates Morinûm, & ferali cernis
Classica : non inter tumidos Academia fluctus
Apparet ; non illa domus, quâ sæpè solebas
Sobria con-victor partiri prandia mecum,
Nec multum dubiis obsonia poscere mensis.
Antè tuos oculos grandes jam corpora Phocæ,
Aut pistrinx squamosa movet, vel turgida spectas
Carbasa, quasque suis oneravit mercibus Eos,
Aut redolens Aurora rates. pro matre salutas
Nerea, & absentes quoties subiere sorores,

Spectan-

Spectantur tremulis Nympha Oceanitides undis,
 Et Thetidis lasciva cohors. jamque aquore in ipso
 Miraris magni miracula plurima mundi;
 Ut refluus Neptunus aquis subsidat, & amplas
 Distendat vis cœca sinus: cur pocula Triton
 Salsa bibat: quo Luna regat moderamine fluctus,
 Et sibi præscriptas metuat transcendere metas
 Ingentis rector pelagi: quo numine in Arcton
 Dirigat incertas virtus magnetica puppes:
 Vnde fluant ipsum terrentia flamina Tiphyn,
 Et redeant toto tranquilla silentia ponto,
 Alcyonumque dies, illic flammantia noctu
 Sidera, & errantes æterna lege tueris,
 Demerso jam Sole, Deos: ut magnus in orbem
 Orbis eat, proprioque aduersum lentius axe
 Corpora nitantur septem. cur cornua languens
 Vertat in occasum, mox crescens vertat in ortum
 Cynthia: quid rutilos maculis deturpet honores:
 Nunc totos spissa involvat caligine vultus,
 Astraque retrogrado faciat procedere gressu.

Hæc ubi perpendes tacitus: mihi dicta revolves,
 Et prælecta tibi veteris suffragia secli,
 Et Graja decreta scholæ. tunc forte subibit
 Barlæi vox rauca tui, clamataque nostris
 Dogmata porticibus, doctique oracula Lycæi.
 Mox ubi te Celtas inter littusque Britannum
 Aura feret, Batavis quondam celebrata triumphis
 Æquora, & Hesperius inimicas classibus undas,
 Et debellatum Belgis mirare Philippum.
 Hic mersa periere rates: hic vesta carinis
 Batice castra jacent: hic bellatrix rostra,
 Veliferaeque arces, tot transstra minantia cælo
 Disjecit gravis ira Deum, portusque remugit
 Iccius, & vasti tremuerunt regna profundi.
 Tunc patris fortuna tua, casusque tuorum,
 Primaque felicitis subeant molimina belli,

Armaque, quæ nostris pepererunt otia Musis.
 At postquam sessam fundaverit anchora puppim,
 Et certus telluris eris; Tamesina viator
 Oppida & insignem sceptris regalibus urbem
 Latus adi, regumque domos atque atria spectata,
 Et mihi cantatas Caroli venerare tiaras.
 Suspice Picridum columen, quo dante, beatum
 Aurea jampridem lassarunt pondera vatem,
 Et lauro potiora tuli, cunctaque canenti
 SorDESCUNT hederæ, & doctorum premia, frondes.
 Hic sua Romulidum posuit tentoria ductor,
 Et bellatrices aquilas; sensitque Quiritum
 Imperia & Latios generosa Britannia fasces.
 Illic permixtam peregrino Saxone gentem
 Adspicies, pulchroque procul candore nitentem
 Albionæ, & forti contermina littora Scoto:
 Oxonios etiam colles, montanaque circum
 Pascua, regalesque scholas, & docta videbis
 Limina Pegasidum, nec non, custode remoto,
 Lanigeros errare greges; ut viscera terra
 Subruat, & pallens scrutetur dextera stannum.
 Sic novus externis hærens in sedibus hospes
 Et mores hominum, & populorum crimina disces:
 Quid factum factu, quid cum ratione sequendum,
 Quid magis expediat, quid possit inutile credi,
 Optimaque in patrios referes exempla penates.
 Grande decus Iuvenum, propera felicibus Euris,
 Et longum, dilecte, vale. tibi vota secundet
 Æolus, & faciles impellant carbasa venti.
 Ille tibi frenet Cauros, Austrosque catenis
 Stringat, & Arctois Zephyros emancipet undis.
 Nulla tuam vel Scylla ratem, vel cæca Charybdis
 Sorbeat, aut dira sidus ferale Latenz
 Fulgeat. iratum placabunt verba Tonantem,
 Maternaque preces, & si quid carmina possunt,
 Illa etiam cœli poterunt lenire furorem.

*Si minus illa juvant, saltem secura per aquor
 Inveniet doctrina viam, perspectaque Divis
 Ipsa tibi tua jam probitas, laudataque virtus
 Sternit iter. cœlum, tellus, mare, ventus, eanti
 Cuncta favent, facilisque tibi se commodat æther.
 Hoc unum primumque precor, seu portus habebit
 Incolumem, Tamesisque suas te ducet in urbes,
 Seu procul à patria tumidis jaſtaberis undis,
 Seu quadrupes te tollet humo, seu tergoresuras
 Tectus eas, feriantque tuas calcaria calces,
 Seu sitias, seu pocula bibas, seu Vespera fessum
 Excipiat, vigilesque tibi matuta caballos
 Aptat; ut absentis (nec enim labor iste gravabit)
 Digneris meminisse mei, nec vilis amici
 Ingenuos memori verses in pectore vultus.*

Ad

WINANDVM RUTGERSIVM,

Philosophiæ laurea donatum.

CARMEN IUVENILE.

V*ltima Palladii sumunt exordia fasces,
 Cum trabeis crescunt tituli, rursusq; triumphans
 Ardua Pierios lassat Sapientia colles.
 Et jam Pegaseo late veneranda Senatu
 Doctrina delubra patent, foribusque Minerva
 Incluta viâtrices suspendit Leida coronas.
 Tuque ô, qui patrium claris virtutibus orbem
 Illustras, tantos inter spectande triumphos,
 Rutgerſi, procedis ovans, ac iudice Phœbo
 Proveheris, signasque novis insignibus annum.
 At non indecorem claris te, magne, Sophorum
 Inferis ordinibus, nec te veniente dolebit
 Auriaca regina scholæ; per grandia rerum,
 Per clausos natura obices, per quicquid ubique*

Scire

Scire potest mens docta, vel ignorare recusat,
Vadis ier laudum, & vastas diffusa per artes
Irrequieta suos virtus exuscitat ignes.
Prima tibi gravibus trita est discursibus ætas,
Et sapuit de matre recens. tibi contulit idem
Ingenium vitamque dies. presaga futuri
Ardua mens, vix passa parem, festinaque laudum,
Impatiensque mora, socias vigil antè cohortes
Verit ovans. semper Pallas perspecta priores
Urget, & à tergo venientum despicit agmen.
Mox ubi firmarunt pleni præcordia sensus,
Agnovit natura suum, complexa ministrum
Fecundo matrona sinu; mundi que labores,
Hinc varios anima genios, hinc fertile terra
Ingenium, tot rerum obitus, tempusque locumque,
Materis que informis opus, miranda Deorum
Atria, & aurato rutilantia sidera vultu
Prodidit, & magno dominum dignata theatro
Abdita tantarum patefecit semina rerum:
Quis celsi convexa poli, quis limina Divum
Sustineat versare manu: cur cornua Phœbe
Mutet, & auricomi velox vestigia fratris
Ponè premat: nunc ipsa prior contendat in ortum:
Nunc societ dirimatque faces, medioque recedat
Æthere: corporibus quæ sint elementa caducis:
Quam distet natura Deum; quæ cognita monstrent
Angelicos documenta choros: quam discrepet orbe
Angulus, & pulchro vitium secedat honesto.
Non ita iudicio Minos commissa severo
Facta que fortuna sique animarum & crimina discit,
Nec vitæ pars ulla perit: sed tempora curis
Cuncta vacant diuisa suis. quos otia perdunt,
Non credis fluxisse dies. si prævia Solis
Nuncia purpureo Pallantias exit amictu,
Tot mundi secreta legis; si vespè Olympum
Induat, emerito subducens lumina mundo,

Te tuus urit amor. vulgoque ereptus, & umbris;
 Adspicis aternis habitatas mentibus arces.
 Iamque tibi fessam firmaverat anchora puppim,
 Cum titulis decorandus ades, generosaque spre vit
 Privatos doctrina lares, testisque laborum
 Leida fuit: cum jam trepidum gavisam Sophistam
 Risit, & exactis clamavit pilia curis.
 Palladii stupuere senes, attentaque Phœbi.
 Conticuit domus, & sancti delubra Senatus.
 Tam celer ingentes explevit cursus honores.
 Currus Pegasei strident, Sophiæque curules
 Approperant, gestitque novo jam vindice Pallas.
 Ingenii mirata decus, tantique superbum
 Pectoris officium, doctæque exorsa iuventæ.
 Quare age Socraticos inter celeberrima cxtus,
 Scande triumphalis culmen venerabile sella,
 Edita mens, proceresque inter spectanda togatos
 Iura superba tene. genius donata Sophorum
 Principibus, magnis animum nunc ludibus exple
 Victor, & aternas capta tua præmia lauros.
 Panduntur laudum portæ, tibi buccina mugit
 Pegasidum, festoque fremit tibi carmine vates.
 Nec tanto dubitat plausum conferre triumpho.
 Ante tuos currus docta septem ordine divæ,
 Quarum barbaricas solertia despicit artes,
 Incedunt, gratoque ducem sermone salutant.
 Prima Palæmonios ostendens virgo labores
 Ingreditur, calathisque effundit liliæ plenis,
 Phocæis allata jugis. hanc pone sequuta,
 Amplificam pandenschl amydem, Facundia palmam
 Explicat, & suavi solvit præconia voce.
 Mox contracta subit Ratio. quartumque Galeni
 Ridet opus, tanto destructum præside divæ.
 Hinc quæ discreti disponit munia quanti
 Ad numeros deæ vota facit, Pyliamque senectam
 Suppetat, & seros excurrrens nomen in annos.

Quam

Quam radio totum describens gentibus orbem
 Insequitur regina, tuoque expandit honores,
 Et vastum laudis spacium. tibi sidera sexto
 Ordine & ipsa Deum designat tecta virago.
 Ultima dulcisonis victori concinit hymnis.
 Felix, cui tanta praconia ferre caterua,
 Et precium coeleste datur, cui docta dearum
 Agmina, & Aonia despondent vota puella.
 Nec tamen immodicus proprii jactator honoris
 Aspectandus ades. generosa modestia laudem
 Dissimulat, titulosque sibi mens candida demit,
 Quos pudibunda capit. non se meruisse fatetur
 Quisquis adhuc nescire putat, geminosque triumphos
 Victor agit, quicumque suos dum perdomat hostes,
 Demissa se mente domat, lauroque togâque
 Fit minor, & tumidos calcit bis victor honores.
 At tu Battavica qui surgis gloria gentis,
 Emeritus mundi studiis, castrisque Minerva,
 Thura Deo laudesque refer; persolve Tonanti,
 Qui novus intrabis Christi delubra sacerdos,
 Vota precesque tuas. jam te coelestia poscant,
 Et sancti vates, & prima sensu loquelæ,
 Ipsaque Religio. sophia descende theatris.
 Sat mundo terraque datum: desueta prophanis
 Vna Palaestinos mens sacrosancta prophetas
 Imbibat, & magnum destillet ab athere Christum.

I N O B I T V M

Laudatissimæ matronæ

MARIÆ DE IONGHE,

Vxoris amplissimi præstantissimique viri

LUDOVICI KINSCHOTII.

Conjugis extincta cineres, raptumque cubili
 Pondus, & irriguis madida ploratibus urnam
 Dum

Dum quereris, Kinschote, tuis dissolvor in undis,
 Et mea ferales humectant carmina gutta.
 In foribus fumant taxi, nigrumque reducit
 Immiis Libitina diem. stat triste feretrum,
 Plutonisque domos, & quo propellimur umbra.
 Laxat terra sinus. atratis limina squallent
 Porticibus, partesque dolor se fundit in omnes,
 Et mediis lacrymant etiam tibi marmora tectis.

Conjuxit Cytherea duos, divellit amantes
 Parca ferox, visumque ista de conjugis summis
 Dissentire Diis. rapit inclementia Fati,
 Quam thalamo donarat Hymen, tenerosq; per annos
 Occursat Veneri Lachesis, tedeque recentes
 Præluxere rogo. vix nomen dulce mariti,
 Vix notum tibi dulce patris; vix blanda Diones
 Oïa, & insolitos lectus persenserat ignes,
 Cum frigus lethale subit, sociamque thorumque
 Corripit, & primos mors inturbat amores.
 Qualis in Hesperidum cum pulcher amaracus horto
 Occidit, & rosei pallent ante ora colores,
 Avulsum cum virgo rapit, vel sævior Eurus
 Discutit infestis vernantia culmina nimbis:
 Talis erat Mariæ vultus, cum posceret illam
 Iuppiter, & pulcrum secuit Proserpina crinem.
 Scaldiaca flebant matres, ubi iunior primos
 Extulerat mundo claris natalibus ortus,
 Atque alibi sensere mori. circumflua cunis
 Nereidum genitrix tanti quoque conscia luctus
 Ad tumulum festina stetit; fluctusque propinquos
 Et totum in lacrymas fudit mare. flebat & ipse
 Scaldis, & aquoreis mœstum caput abdidit undis.
 At Zirizæ pia spectans lamenta sororis,
 Iam Superos, jam fata dolens ad versa vocabat,
 Et circumfusus spargens suspiria campis,
 Tristia tingeat lymphis rorantibus ora.
 Quin etiam Fauni & Dryades, Haganaque circum
 Numi-

Numina, ut ereptam senserunt Phyllida terris,
 Quam toties Pan est, toties veneratus Apollo,
 Et quam Mattiaca toties cecinere Camœna,
 In latebras fugere suas. at pastor Iolas,
 Ille thori corsors, nec jam solamen amantis,
 Ibat egens animi. veluti cum pignora plorat,
 Et raptos foetus densâ Philomela sub umbrâ,
 Aut velut aëria turtur suspirat in ulmo,
 Cum viduos luget thalamos, nec compare gaudet
 Solus, & invisæ queritur dispendia lucis.
 Nec minus & Charites illam flevere sorores:
 Nam Charitum fuit unus amor. flevere Cupido,
 Et Venus, ac fractis damnarunt spicula nervis,
 Et lecti genialis opus. flevere Napæa,
 Flevit Hamadryadum chorus, & quæ vidit euntem
 Silvarum pater, aut per pascua rura vagantem,
 Tristior ex ipsis sonuit convallibus Echo.
 Deliciæ tot matrum, & magno nata parente
 Filia, dilectas inter speciosa sorores,
 Fatorum jam lege cadit, nec dulcia vitæ
 Gaudia, nec solito semet concedit amanti.
 Quæ roseæ rubuere genæ, jam pallida mortis
 Insedit facies, & quæ vigil intia læto
 Lumina consuerant nuper placuisse marito;
 Clausa latent. nec lingua suas facundæ per artes
 Flexanimas iterat, Kinschoto iudice, voces,
 Aut loquitur præcepta domus, famulisque modestæ
 Imperat, aut curas alacris se vertit in omnes.

Fare age, non talem jactes Zelandiæ terris
 Te genuisse tuis? virtutum pectore cuius
 Credidimus coisse choros, totamque recondi
 Palladæ, fœmineumque decus. si gratia formæ
 Queritur, emicuit major reverentia morum;
 Et vita non fictus honos. si candida laudi est
 Simplicitas, vicit longè prudentia, sexu
 Digna suo. placida generosa modestia menti;

Eloquioque lepos, & mellitissima fandi
 Suada fuit, Paphioque pudor se miscuit igni
 Egregius, thalamoque fides infracta reluxit.

At tu jam lacrymas inter luctusque tuorum,
 Kinschoi venerande, tui dispendia lecti
 Consiliis solare pius. si marcuit ille
 Flosculus, & tenere conjux contabuit avo;
 At nunc Elysios campos, sedesque pererrat
 Æthereas, ubi perpetuâ jam plena juvenitâ
 Vivit, & aeterno juvenescens Iunia Christo,
 Non unquam moritura viret; nec languida spectat
 Membra fatiscienti robur subducere vitæ.
 Interea tumulto violas, hederamque, crocumque,
 Purpureasque rosas, & suave rubentem hyacinthi,
 Cinnamamque adsparges, ut gratos ventus odores
 Excitet, & possit sic arridere sepulcrum.

Eminentissimo Cardinali

R I C H E L I O,

cum Hymnum in Christum ipsi offerrem.

M Agne Heros, illustre tuis decus addite terris,
 Ingentis columnen Regni, firmumque tiræ
 Robur, & Augusta Prasul venerabilis Aula:
 Dum mea semideum turres, & limina Regum
 Calliope pudibunda subit, nec longius audet
 Ferre gradum, pavidaque tremunt ad Lilia Musa;
 Indulge tua verba mihi, cupiasque Poëta
 Paulisper non esse gravis; dum sceptræ, deosque
 Alloquor, & dignas solis facundia voces
 Nescit, in experta donet tua gratia lingua
 Eloquium, timidaque juvæ sermone Camœnas.

Non hic Argolicis minitantem incendia castris
 Hæctora, Priamidasque leges, non flebile fatum
 Andromaches, Phrygiæque murus, non subruta Regū
 Impe-

Imperia, aut veteris miseranda incendia Byrsa;
 Nos canimus majora, Deum, & servantis Iesu
 Natales, obitusque & magni encomia Christi,
 Terrarumque illustre caput, quo vindice mundo
 Parta salus, cœloque Decus, victique fuere
 Et Phlegethon, Erebiq; furor, turbataque Ditis
 Atria, Tartareæque domus. Si docta vetustas
 Callimacho modulante, Iovem, dominumq; trifulci
 Fulminis, & profugum cecinit mentita Tonantem;
 Si Phœbus, vêtusque suis à Lyncibus Euan,
 Si mollis Regina Paphi, interpretæque Deorum
 Egregio sub vate tument: si concinit Hymnos
 Mœonii mens alta senis, vatumque furores
 Numina sunt, & tanta refert præconia mendax
 Relligio; Regem potius te, Christe, canemus,
 Nos potius memorare tui primordia partus
 Conveniet, miserasque vices, clarumque triumphis
 Nomen, & æthereos inter venerabile cœtus.

Ecce per immensas supplex Ecclesia terras,
 Ad Cunas, seu prona ruit, præsepe salutat
 Principis, & sancta veneratur pondera Matris,
 Et visum sub carne Deum. non altera Vatem
 Vis agitat, pigrumque jubet se tollere mundo,
 Atque inter sacra solennia gaudia turba
 Privatos miscere sonos, procul ite profani,
 Nulla quibus grandi fulta est fiducia Christo;
 Nec sat agit credenda fides, fruiturque futuro.
 Hunc pietas, hunc nixa bonis cœlestibus hymnum
 Corda legant. Tuque ante alios, quem purpura, vir-
 Relligio, doctrina, labor, prudentia cunctis. (tus,
 Segregat, & magni suffulcit gratia Regis,
 Borbonique favor, Richeli, ne carmina sperne
 Ingenti sacrata Deo, possitque mereri
 Materies veniam Vati, dictusque Redemptor
 Palladium commendet opus. Si longa quietæ
 Bella tua tulerint jamadudum incommoda menti,

Hic pacis consulta leges. Si Martius horror,
 Tympanaque, & rauco resonantia classica cantus
 Turbarunt studiosam animam, solatia curis
 Inuenies hic certa tuis. Si mihi semper
 Iussa probas, victaque cupis miseresce gentis,
 Exemplo Tibi Christus erit, qui parcere mundo,
 Et miseris voluit clemens ignoscere terris.
 Sin procul à regni studius semotus & aula
 Emeritum Superis animum, cœloque redonas,
 Et jam pendentis subeunt suspiria Christi,
 Iam nullus morientis honos, jam sordida tabo
 Vulnera, & innocuo conspersum sanguine corpus,
 Liuentesque manus, & quod latus hauserat hasta,
 Perfossique pedes, & prono languida vultu
 Colla, & in excelsa minitantes vertice spina:
 Hic eadem, Dux summe, leges. hic tota malorum
 Scena patet, tantosque obitus edisserit author.

Excipe, sed facilis, Druidum clarissime gentis,
 Hoc opus, & placidus nostris allabere votis:
 Fac mea regales contingant carmina dextras,
 Fac oculis sint visa piis quibus adspicit æquus
 Sidera, & hunc ipsum spectat Lodoicus Iesum:
 Sic faueant Tibi sceptra, diu, sic annuat æther
 Conciliis, sic tuta tuis fragrantia curis
 Lilia Gallorum populis, Batavisque supersint.

I N N V P T I A S

Amplissimi Viri

T H E O D O R I G R A E F.

I Te graves ferro clypei, galæque, ducesque,
 Et quicquid, Bellona, probas. Tu sæve facesse
 Mars pater, & Paphius furialia prælia bellis,
 Et facibus secerne faces, atque ignibus ignes,
 Non ego jam Sylva muros, non subruta flammis

Tot

Tot circum castella canam, non matribus arma
 Detestata pius, crudaque incendia pugna.
 Molle melos Citherea cupit, levibusque Camoenis
 Dici Cypris amat; grandesque exosa cothurnos
 Gaudet Acidalio thalamos percurrere focco.
 Ille mihi quondam Sophia deductus in hortos
 Virginis os tenerum, & blanda promissa puella
 Cogitat, insolitoque furens incanduit astu.
 Tu celerem in flammis juvenem Sapientia dictis,
 Consilioque iuva, vellem prudenter amari,
 Quam jam Sponsus amat. vellem sapienter amari,
 Cui debet se Sponsa, virum. sine lege maritum
 In thalamos inferre faces, insania lecti est.
 Vestigant secreta Duces, bellique labores,
 Ut noceant praevisa minus, discrimina Nerei
 Navita, & in coeco scrutatur saxa profundo,
 Ne noceant occulta rati. tu pectore, Gravi,
 Dum Cyprum, totamque Paphum, Gnydiūque recondis
 Arma Dei; primoque ferox incumbis amori;
 Barlae praecepta tui, monitusque suaves
 Accipe. Iamque gravis credas commenta Lycei
 Insani e tibi, tetricos mitescere vultus
 Doctorum, & rigida dici convitia barba,
 Graiaque Romanis impleri pallia nugis.
 Formant cuncta virum, docent maritum
 Coelum, sidera, terra, pontus, aër,
 Occultumque aliquid thoro loquuntur.
 Saturnus gravis incubat cubili,
 Emollitque senem serenior
 Vultu Cypris, amior puellis.
 Promittunt sobolem, negantque stellas,
 Promittunt facilem, negantque Sponsam,
 At non ista, minantiumque duos
 Moratur sapiens Desum labores.
 Astris imperat, applicatque lecto
 Totum Zodiacum sagax amator.

Et quibus ratio faces ministrat,
 Mens exercita, masculumque pectus,
 Cælum, sidera, terra, pontus, aër,
 Totum prospera donat Vniuersum.
 Hæc dum remisso disputamus otio;
 Foris sub ipsis præliatur Alpibus,
 Et signa tollit præpotentium furor.
 Domi triumphos, fracta Rheno cornua,
 Mosamque victum, fatæque indomabilis
 Miramur urbis. ire retro Cæsarem,
 Aquilas fugari, latiore Mar facum
 Frontem receptis explicare finibus.

In Batavis, tu noster, amas, primusque tuorum
 Ordinis, Theodore, virum. dulcissima res est
 Conjugium, conjuxque tibi. post bella, neceque
 Tranquillum meditaris opus. dispendia mundi
 Tanta cupis sarcire pater, belloque cadentes,
 Pro patria, reparare animas: proferre nepotum
 Nomina. Virginitas, & Virginitatis honores
 Sordent cuncta tibi. pudor est, sine conjuge, primos
 Effluxisse dies, pigram traxisse iuventam,
 Et magni genuisse nihil. Nunc verba mariti
 Ingeminat Bickera tibi, mutataque de te
 Adsuescit matrona loqui. sic Portia fecit,
 Cum sua in ingenti defigeret oscula Bruto.
 Nec sapuit Drusilla magis, prudensque Serena
 Pectus, & Augusto recubans Vipsania lecto.

I N N V P T I A S
S E C V N D A S,

Amplissimi Viri,

D. LVDOVICI à KINSCHOT;

Et Nobilissimæ Virginis,

D. CATHARINÆ HESSELT

à D I N T E R.

K Inschoti, si vestra Deos jam gaudia tangunt.
 Si totus tibi sudat Amor, si tela Cupido,
 Et pharetras arcusque parat, pronisque Dione
 Militat officiis; & jam genialia fulgent
 Limina, & accensis collucent atria tedis;
 Egregiasque domos Procerum, mensasque trabesque
 Barbarica insternunt vestes; si porrigit Hebe
 Pocula, ludit Hymen, festos Lucina penates
 Permeat, atque iterum votis adsuescit amantis:
 Fas erit, hos inter Divos & numina, Phœbum
 Accinuisse tibi, propiusque accedere vatem.
 Sic ubi Neptuno se miscuit Amphitrite,
 Aut pulchra Thetidis thalamum conscendit amator,
 Emat hix columen Peleus; cecinisse poëtas
 Fama fuit, cecinisse Deos; totumque cubile,
 Et Larisscos Musis strepuisse recessus.

Expetitur nova Virgo tibi, cui plena tumescit
 Virginitas, vultusque nives candore laceffit,
 Ut credas sic esse Deam. vix matris amica
 Indulda decessit gremio, metuensque futurum.
 Adspēctat tremebunda virum, flentemque puella.
 Et rerum gnarae matres solantur euntem.
 Non tibi Scipiadium genitrix, non mœcula Bruti
 Porcia, vel grandi placuit Cornelia mater
 Nixa supercilio. poscis rorantia labris

Oscula, turgidulos oculos, viridemque juventam,
Lacteolasque genas, & frondescente capillo
Pubescens caput; & quicquid juvenile, tenellum
Inflammare solet secretos pectoris ignes.

Sic Thisben adamasse putem, sic junior Hero
Arfit Abydenum. teneram Briseida Achilles,
Phyllida Demophoon. quamvis Mavortia tantis
Mens Ducibus, clypeoque manus, gladioque rigeret
Dextraferox: juvit tamen, arridente marito,
Carpere diductâ paulum sub casside vernans
Basiolum, & rigidas hirsuto in corpore setas.
Emollire sua levi lanugine Sponsa.

Multa licet sit cura viris, prudentia rerum
Major, & ingentes animus se tollat in actus,
Asperet ingenium gravitas: in virgine bellâ
Diffluimus cuncti. nescit Sapientia semet,
Dum poscit sua jura Venus. quin ipse verendâ
Majestatis apex, & formidabilis Aula
Desipit, & tetricos dediscit Curia mores,
Itur in amplexus quoties, & Cypride plena
Lascivire graves cogit virguncula Patres.
Non illic loculos scriptor, non scrinia censes,
Et ditata suo Belgarum araria fisco,
Aut Batavum digesta tuis sestertia chartis
Colligis, & tumidas enarrat pagina gazas.
Quin potius vibrare faces, & ducere ludo
Tempora, & insuetâ circumdare flammea nupta,
Cura tibi est, legemque novo præscribere amor.
Nunc frontis spectare decus, nunc murmurâ blandis
Permiscere jocis, nunc stringere brachia nexu,
Nunc dare præcipiti docta intervalla furori.
Iam neque grandævâ Themidis consulta moraris,
Nec Decios, Paulosque tuos, quæque ordine longo
Cæsareæ populis quondam jussere cathedra.
Vendicat una virum conjunx. mens omnis in illa
Fixa manet. quæ jura sagax industria norat,

Impe-

Imperitans elidit amor. mutantur amanti
 Pandet & salibus; decretaque concipit audax
 Diva Paphi, mollisque tibi poppysmata lecti
 Precipit, & quidquid titubans fiducia Sponsus
 Vult facere, & sperat nondum satiata voluptas.
 Nec tibi jam Musæ & studium. cui carmina cordi
 Pieridumque artes fuerant & nobilis otî,
 Plus Paphia placuere nurus. cui tota penates
 Cyrrha suos, sacrumque favens Heliconæ reclusit,
 Et Parnasseos aditus Thymbræus Apollo,
 Nunc pueri delubra Dei, Cyprumque, Gnidumque,
 Idaliūque nemus colis & Cythereia Tempe.

Et jam bis, Ludovice, furis, bis fœdera jungis,
 Bis tibi succumbit victus pudor, & veneranda
 Virginitas bis tacta manu. quam pronus adorat
 Orbis, & invicta gaudent rapuisse tiaræ.
 Bis thalami secreta subis. bis maximus audis
 Fœmine & gentis domitor, nomenque paternum
 Promittunt iterum Superi. Fortissime patrum,
 Fecundæque domus germen, nec vana Diones
 Gloria, Kinschoti: patriis virtutibus adde,
 In plures fudisse genus. tibi pronuba Iuno
 Servit, & ignavis famulantia sidera pellit
 Matribus, & sterilis damnat contagia cœli.
 Adspice, te propter crescunt felicius herbae,
 Et, quas Haga fovet, frondes, tiliæque salaces
 Luxuriant magis, & languentes vertice quercus
 Annosos tollunt apices. te conjuge, passim
 Vineæ pampineis ulmum amplexata corymbis
 Arctius hæret amans. Terris se latior æstas
 Exerit, atque tuis Cancer fervoribus ardens
 Promittit faciles, Geminis cedenibus, ignes.
 Te circum densis volitat gens omnis amorum
 Agminibus, jaculisque cohors armata trifulcis
 Te, sociamque petunt. sentit Catharina medullis
 Insolitos æstus, & adhuc ignara laborum

Non audet sua vota loqui. cum conjugis ora
 Adspicit, & vultus, quales concefferat Ida
 Formoso quondam Paridi, confessa rubenti
 Ore fuit culpam, & longas sub pectore coepit
 Incusare moras, lentosque incessere soles.
 Sapius ut fluidos digessit pectine crines,
 Impexi fluxere diu crinesque comaeque.
 Sapius ut niveâ circumdare tempora vittâ
 Instituit, niveas neglexit dextera vittas.
 Sola virum volvens animo, sortemque futuram,
 Cogitat hac pernox, & gaudet mente procari.

Quam distant Belgæ studiis, quam dispare cura
 Vivitur, atque aliis Patriæ succurrimus armis.
 Vos molles animæ tepidis hæretis in ulnis,
 Dum meus in Morinis dura sub casside sudat
 Atriacus. Vos humidulis exanguia tuto
 Prælia basiolis geritis: dum classica nostras
 Rausca cient acies, & sparsos sanguine campos
 Bellator calcât Batauvus. dum corpora Mavors
 Sternit humi, quassatque facies furialis Enyo,
 Redditis hæc iterum mundo, vesterque refarcit
 Belli damna labor. Vos, Cypridis areæ, claudit
 Lectulus, atque illis validus se jactat amator
 Finibus. Odrysi magnum capit orbita, laudum
 Æmula, Nasserium. Quantis actoribus Orbi
 Scena datur. quam diversis orchestra resultat
 Plausibus. hic sortem populo se ostentat Achillem,
 Hic Davum festivus agit, vel amoribus aptum
 Priamidem. sic desipimus, quos vivimus, annis,
 Et personato debemur fabula mundo.

A D A M S T E L A M.

A mstela, qui totum circumfers vela per orbem,
 Magne remotarum sollicitator opum:

Cui

Cui sociæ vadunt gemino cum Sole carinæ,
 Cunctaque sub quovis fidere lucra patent :
 Quas tibi nascentes uni sacramus Athénas,
 Accipe, Pieriæ munera prima Scholæ.
 Sictuus & merces, & diligat accola Musas,
 Atque aliquod precium Palladis esse putet.
 Una manus gazas, manus altera ponderet artes.
 Et magno assurgat Plutus Aristoteli,
 Quaq; Pelops dis tecta locat, locet atria Pallas,
 Socraticoque tibi gestiat ore loqui.
 Hoc mecum si velle cupis, te iudice, disces,
 Cum Croesos opibus viceris, esse Numa.

A T H E N Æ V M,

Sive in Illustris Amstelodamensium Scholæ
 Inaugurationem Poëination, ad ejusdem
 Reipublicæ Senatuum.

P Restantes Batavorum animæ, devota Camœnis
 Pectora semideum, magnam quos Fama per ur-
 lactat, & agnatis virtus sua destinat astris, (beni
 Et cepti præsentis honos, reserataque Belgis
 Atria Pegasidum, & tantarum exordia rerum :
 Vos ego per populos, Parnasseosque recessus,
 Per Phœbi delubra feram. trans aquora, terras,
 Memnoniosque ultra fines, Solemque cadentem,
 Auritamque viris Malabar, & littora Banda,
 Quaque ferox in nos ense distrinxit Iäva,
 Nomina vestra veham vates. cum puppibus ibunt
 Nuncia, nascentesque Scholæ. quin audiet Arctos,
 Oppositumque Vrsis mundi latus, æthere nostro
 Surgere desertis facunda cacumina Musis.
 Nescit stare loco Batavus. nec limite claudi
 Angusto gens ista potest. successibus instat
 Irrequieta suis; laudumque exuscitat ignes,

Et majus generosa movet. sociavimus Indum
 Europa, dextraeque procul junxere Molucca,
 Miscuimus Vahali Gangem, Rhenumque bicornem
 Fluctibus ingentis Plata. quin vela Maragnon
 Miratus peregrina fuit. post terga relictos
 Vidimus ire dies, Austrum Boreamque secuti
 Extra anni Solisque vias. sic axe sub omni
 Puppibus Amstelii fervet mare. tollit Olinda
 Signa, pares aquilas, & castra minantia castris.
 Et formidatis instans inimica tiaris,
 Hesperias affligit opes. dejecta patefcunt
 Oppida, & invictis infert victricia portis
 Nassovius vexilla labor. terraque marique
 Latius Auriaco decurrant Principe fines.
 At Martis laus ista fuit. nunc, omine lato,
 Maxima Phoebæ surgit reverentia genti,
 Et Pallas sibi regna parat. non classica turbant
 Pierios vicina choros, nec bella morantur
 Tranquilla rationis opus. nos inter & arma
 Et lituos, rabiemque & sparsos sanguine campos,
 Exstruimus Phœbo muros, Pataræque, Claronque,
 Et Tenedon aliam, atque alias molimur Athenas.

Hactenus intentam lucro Cyllenius urbem
 Rexerat, & multo locuples ditaverat auro,
 Iam fora, jam ditis turgebant scrinia Pluti.
 Divitiis, Pelopæque illic, Cræsoque, Midæque
 Cernere erat, longoque habitantes ordine Crassos.
 Non urbs; orbis erat. vasti brevis area mundi,
 Carcer opum, fulva custos fidissima gleba,
 Regia Tantalidum, Syllæ domus, altera Colchis,
 In qua fuscus Arabs Cimbro, fortisque Sabæo
 Occursabat Iber; Gallo contrarius Afer
 Ibat, & inflexum prono gravis ore Britannum
 Persa salutabat. cui fertilis omnia tellus,
 Omnia vendebat laxi fortuna profundi.
 Utque solet magnis comes ire licentia rebus,

Divi-

Divitia secum fastum, fastusque traherat
Luxuriam, & poterant cives peccasse videri :

Cum sic Pallas ait : Non has mihi, Iupiter, arces
Invidisse velis. nec tantam spreta per urbem
Negligar una Deum. sunt hic suæ limina Marti.
Has habitat Bellona domos. in littore toto
Plurima belligeris horrent navalia transtris,
Inque undis tot castra natant, & multa nocendi
Materies, bellique labor. Mavortius ignes
Ya vomit, positasque alio sub cardine late
Fulminat in terras. quassatoremque tridentis
Neptunum gens ista colit. mercantibus illic
Atlantis dat jura nepos, lucroque ministrat
Ingenium, fraudesque suas. granaria passim
Triptolemo Cererique patent ; totumque Borussum,
Et secunda trucidis seponunt jugera Daci.
Ipse etiam Eois subvectus lyncibus Evan
Tollit adorandum populis caput, undaque vendit
Pocula, quæ latis Druidum vindemia proelis
Colligit, Hesperiusque Tagus despumat arenis.
Quin etiam delubra mihi, Phœbeæque surgunt
Atria, & Amstelii fundunt oracula portus,
Exultantque, habitante Dea ? si Martia pubes
Hac didicit bellare manu, si subdere Thetyn ;
Ceruleosque Deos potuit, lateque patenti
Scribere jura mari, longinquas vincere terras ;
Si, quam læva gerit, toties hanc ægida torsit
In latus Hesperium : placidis mitescere Musis
Discat, & ingenuas partiri civibus artes.

Non mihi jam solitos sapiens Chaldaus honores
Exhibet, aut mediis hærens Babylonius astris
Natura scrutatur opus. doctissima Memphis
Balbutit, nescitque sui secreta Canopi,
Aut Pelusiæ intorta volumina formis.
Iamque Pharum scivisse pudet. jam nescia rerum
Barbaries fœdo populi præcordia cœno

Obruit, & septemgemino ignorantia Nilo
 Incubat, Inachiaque latent arcana juventa.
 Cecropidum periere lares, & docta Cleantis
 Atria, degenerique silet Stagira Pelasgo.
 Nec jam rixantem praelustris Stoa Melissum,
 Aut atomos Leucippe tuas, magnumque laceffit
 Parmenidem, non ille, negans se scire, superbis
 Insultat patribus Pyrrho, verumque revellit,
 Ancipiti ratione potens. tot regna locosque
 Torpor habet, spissisque involvit corda tenebris.
 Tu mihi decrepiti tandem dispendia secli
 Belgica, tu Graja repara subsellia turba,
 Et cupias hac ipsa loqui, qua Gracia solers
 Scripsit, & Ionia disceptavere cathedra,
 Vel Samos Italica decidit dogmata secta.
 Non ita Tarpejo Latu se colle potestas
 Extulit, audacem viditrix cum Roma Iugurtham
 Stringeret, & Libycas Tiberis sorberet arenas,
 Aut debellata ruerent fastigia Byrsa:
 Quam cum se mediis pollens Facundia rostris
 Exeruit, flexitque truces doctrina secures,
 Et trepidi docto vigerunt consule fasces.
 Tu quoque qua Siculas generosa Neapolis undas
 Prospectas, regina maris, me praeside claris
 Artibus instruxti populos, nec dulcia spernens
 Otia, Pierio fudisti pectore verba
 Gentibus. Aonii Capuam vexere labores,
 Massiliaque decus. docui, mercante Corintho,
 Et docui, mercante Rhodo. vivacia Thebis
 Nomina sunt, centumque ruunt praconia portis,
 Pindaricis subvecta sonis. venalis Athenis,
 Non uno doctore, fui; preciumque decoris
 Ingeniis non vile stetit. circumflua ponto
 Urbs Venetum, tumidos placida Tritonide fluctus
 Placat, & Euganeis Cirrhae cacumina jungit
 Rupibus. omne meis resonat de vocibus aquor,

Totque patent studiis urbes. nunc Amstela nobis
 Edificet, salisq; Aganippen misceat undis
 Ya pater. cerno facili mansuescere cultu
 Immitem Tritona, & duri navita Nerei
 A nobis precepta capit, medioque natantes
 Najades Oceano magni consulta Platonis,
 Cast alio ceu fonte, bibunt, & pocula sava
 Thetyos; & queruli castigant murmura ponti:
 Scilicet immensum populus diffusus in orbem,
 Hunc discet lustrare domi, partesque per omnes
 Versabit studiosum animum: quibus horreat ather
 Sideribus, quibus insanos ferventior ignes
 Explicet, aut faciles moderentur frigora flamma.
 Cur dederit nautis usum magnetis Amulphis,
 Errantesque trahat longinqua per aquora puppes
 Abdita vis; Solisque domos, Eoque tantis
 Declinet convexa odiis: quo teste, remotum
 Monstret Hyperboreis adeundum fluctibus Indum
 Parrhasis, & Scythica socient commercia terra.
 Quâ cælum ruat omne viâ: quæ linea Phœbum
 Sistat; ubi æthereæ volvantur lentius arces:
 Aut magis impulso properent temone jugales;
 Quæ Phœben minuant causa, totoque coronent
 Lamine; cur pleno se portibus Amphitrite
 Infundat tumefacta sinu, sensimque recedat;
 Scrutari juvat, & cunctarum evolvere rerum
 Principia, & tacitis nascentia corpora caasis.
 Hic partus Natura suos, cunctasque recludet
 Fecunda telluris opes; ubi pingua stillent;
 Balsama, thuriferis fragret Panchaia glebis,
 Aut ubi perpetuis pallens radicibus aurum
 Pullulet, & veterum pateat mercantibus Ophir.
 Quæ stannum dis vena vomat; quibus æra reposcat
 Clamosus latebris Corybas, vel montibus ornos
 Sarmata præcipitet, durisque bipennibus illex
 Icta cadat. quo vitiferos sub sidere colles

Bacchus

Bacchus amet, gravidasque Ceres protrudat aristas.
 Sic sapiet mihi Belga magis, Sophiaque sacerdos
 Tot rerum mercator erit. digesta patebunt
 Omnia doctorum studiis, & divite cornu
 Fundet Apollineas aliquis luculentius artes
 Namque velut toti facies illustrior orbi est,
 Cum Titan suprema tenet, summoque refulget
 Vertice, & informes prorsus cessere tenebræ:
 Sic ubi magnificis sese Sapientia tectis
 Intulit, & nostras reddunt pallatia voces,
 Majestas plus fulget opum, coctumque sub ipsis
 Montibus irradiat cives illustrius aurum.
 Ipsa peregrinos lasciva pecunia mores
 Dedicasse volet. poterit moderata placere,
 Et lucri minor esse fames. succrescet honestum
 Pectoribus, relique tenax industria nolet
 Esse suum, quicquid solerti fraude paratur.
 Qui sapiet, plus dives erit. qui nesciet, amplas
 Inter opes credetur inops. qui plurima votis
 Precipient, & multa petent; caruisse petitis
 Supplicium voti referent. sibi vendicat orbem,
 Quisquis mente capit, coelum, terrasque Deosque
 Dum sciuisse potest sapiens, sua cuncta putabit.
 Quæ possessa nocent, vel custodire nequibit,
 Optabit minus, & partis ratione fruatur.
 Ille truem patulisque inhiantem faucibus auro
 Trudet avaritiam, & vim castigabit habendi.
 Non ultra tumidos vesana superbia census
 Iactabit, securi mali; sed gnara futuri;
 Divitias doctrina reget. non prodiga lute
 Sortis, & effrenis patrimonia tota vorabit
 Luxuries, dubiæque terent sestertia cœna,
 Virtuti comes utilitas & moribus ibit.
 Fœnora religio, usuras moderabitur æqui
 Regula, nec pulchro sejunget lucra decoro.
 Contrahet innocuus candor. sine crimine vendet

*Simplicitas. non seua rigor vadimonia poscet,
 Aut faciet mora parua reum. nec credula multum
 Accerset sibi damna fides. non omnia prudens
 Emptor emet, veteres statuas, laquearia, cippos,
 Et quicquid Damasippus amat. si militet æther
 Mitiaque Æolii promittant aquora fratres,
 Fortunam cautus metuet; nec vota forebit
 Inconsulta furens animus. cum turbidus Auster
 Incubat Oceano, & Neptunia concutit arua,
 Audaces frenabit opes, tutumque putabit
 Æquoreos timuisse Deos, suspensaque ventis
 Commoda, & infidi toties ludibria ponti.
 Mox ubi barbaricas opulenta Perside gazas,
 Aut garrisa vehent optatas carbasa messes,
 Aut Goihico transmissa solo, vel diuitis Afri
 Munera, vel gelidi ferventia vellera Moschi:
 Decidet lucro pietas, & triste levabit
 Paupertatis onus, Superisque fauentibus aucta
 Dividet in miseros geminata pramix sortis.
 Sic per me sanctos urbs augustissima mores
 Induet, & poterit sociis virtute placere.
 Ipsa suis animosa malis Fiducia fortem
 Eriget, & segnes proscribet provida longè
 Cura metus, frangetque novo temeraria motu
 Pectora. non cives vexabit cæca protervos
 Ambitio, & fallax mendaci gloria fuco.
 Ille satis precii, & fautorum semper habebit,
 Qui rectè faciet. commercia spernet honorum,
 Atque emptas Astræa togas. injuria nulli,
 Sed cunctis erit æqua Themis, legesque sequetur,
 Quas scripsit natura sibi, fixitque medullis
 Communis recti ratio. nec iniqua potenti
 Confundet jus omne manu, vel lenta nefando
 Concedet veniam sceleri. cum pulpita passim,
 Socraticæque meis resonabunt vocibus umbra,
 Muniet afflictas constans Patientia mentes,*

Et perferre volet, quicquid nos ferre necesse est :
 Obfirmare animum duris, nil pendere vulgi
 Iudicia, aut fluxa damna & compendia vita.
 Nobilitas solum clavis censebitur ausis,
 Et quantum meritis, tantum decedet honori.
 Nullus erit generis splendor, vel gloria gentis,
 Cum coram populo male vivitur. improba Siren,
 Quaeque virum Cypris pulcros effeminat annos,
 Moenibus his aberit. spernet moderata voluptas,
 Quicquid dulce nocet. permixtaque turba malorum
 Temperiem letis rebus dabit. otia pernox
 Sedulitas redimet. neque Centauræ movebit
 Bella puer Semeles, rabidisque furoribus actæ
 Moenades, aut nullo grassantes vindice Bacchæ.
 Vindicta dabit ira modum, lenisque potestas
 Hoc peraget, quod sava nequit. Clementia cœlo
 Æquabit Procures ; & talis rector haberi,
 Qualem optet civis, cupiet. conspectior orbi
 Vita ducis populis se fortius ingerit ipsis,
 Exemploque docet. veluti cum Phosphorus astris
 Præradiat, totum sequitur tranquillius agmen,
 Sidereæque faces gyro voluntur eodem.
 Aut velut agrestes inter speciosi sorores
 Exercet Dictynna choros, & prævia monstrat,
 Quos ducet regina gradus. illæ ordine longo
 Ad domina solos flectunt vestigia gressus,
 Et peccare cavent, & non audire vocantem.

Nec minus hic res Ansonias, populi que potentis ;
 Et non ignavo scriptos sub consule fastos,
 Terrarumque Deos, & formidata triumphis
 Nomina, Romanosque duces edisseret alter.
 Quantus ab Hebræis seclorum fluxerit ordo
 Temporibus, quantis distent ab origine mixti
 Heroum vita spatius & sceptrâ potentum.
 Vt veteres Phœbe mutatis vultibus annos
 Condiderit, magno donec sub Casare fratri

Cesse.

Cesserit instabilis, meliusque cucurrerit ævum.
 Quin & Davidici narrari incendia templi,
 Subversa sęq; domos Superum, & veneranda Tonan-
 Atria, vastantem Assyrium, raptosque penates (tis
 Isacidum, captosque lares mirabitur Ya.
 Qualis Olympiacis Grajũm sub sidere currat
 Æra rotis: prima surgentia mœnia Romæ
 Audiet, & pulso celebres diademate fasces,
 Atque iterum æterno sub Diflatore laborans
 Imperium: seris Latium miserabile bellis,
 Hunnorumque Ducis furias, & perdere quicquid
 Vandalus, & Gothicæ potuerunt lambere flamma.
 Quam fragili stent sceptrâ loco: quam crebra ruinam
 Regna trahant: regumque ferox cervicibus instet
 Hæredum furor, aut discors virtute potestas.
 Quam sit nulla fides sociis. quam præstet amari,
 Quam cives terrere metu: quam mobilis aula
 Gratia: quam fallax dubia cultura tixæ.
 Ut desperatos ultrix fortuna tyrannos
 Pone premat, septosque gravi formidine cogat
 Ancipites inter gladios, & toxica, fati
 Expectare diem, crudoque occumbere letho.

Ecce renascentes meliori fenore Musas
 Excipit argenti locuples possessor, & illa
 Sueta manus pelagi spoliis auroque gravari,
 Versat Aristotelem, grandisque volumina Livii
 Ponderat, & Tacito multum doctore superbit.
 Invenit hic, quas non geminis à Solibus Indus
 Donet opes; non dives Arabs, non accola Gangis
 Sufficiant. hic illa patent arcana regentum,
 Doctæque Casareas enarrat pagina fraudes,
 Et vafra consulta togæ, bellicæ labores.
 Irriget Ægyptum glebis redolentibus uber
 Nilus, in immensam Tanais Maotida merces
 Fundat, ab occasu fulvum Guianæ metallum
 Distribuat populis, nitidumque Aurora ministret

Gen-

*Gentibus Arctois ebur, & candentem elephantum.
Hæc quoq; cum vendet meus Amstela, flumine largo
Ingeniis quod vendat, habet. quin, præside Phœbo,
Pandet iter magnis virtutibus; æmula postquam
Gloria laudatos accendet mentibus ignes,
Et fama studium & vitæ melioris amorem.*

*Tuque aded, quæ jam toti das jura profundo,
Urbs cognata polo, bellacis terror Iberi,
Et Belgæ florentis apex, tutela bonorum,
Immortale caput, cœptis illustribus aude
Tollere humo, & totam Batavis promittere Cirrhæ.
Quamvis Dalmatico surgant tibi culmina saxo,
Et varium niteat speciosa per atria marmor,
Illic pulchra tuos spectent laquearia cogi
Læcullos, centumque ruant sub pontibus unda;
Majus opus jam Diva moves, majorque videri
Tot socias inter poteris regina sorores.
Hospite me, spondent æternam secula famam,
Et tua perpetuis scribentur nomina fastis.
En tibi Daphnea textam de fronde coronam
Cæsareis miscent Phœbæia numina sertis,
Vt credant magis esse suam. Iam doctior urbe
Auditur passim strepitus, Sophiaque susurris
Aonidum delubra sonant. nunc ipsa curules
Melpomene, laudumque facies attollit honesti
Ambitio, celerique movet vestigia gressu.*

*Talia fatidico postquam Tritonia Pallas
Dixerat ore, suas donavit civibus artes,
Excussitque Deam. suspensaque splenduit agis
Ante fores, jussusque alibi pallefcere Livor,
Fœdaque Barbaries. donec, mandante Senatu,
Amstelia doctis strepuerunt vocibus arces.*

L A C H R Y M Æ,
I N O B I T V M

Amplissimi, doctissimique viri

I A C O B I vander S T R A T E N,
Hamburgi ad Albim, post Sponsalia,
placidâ morte extincti.

Tristes conjugii tabula, præfugaque mortis:
 Fœdera, languentes vicino funere tedæ
 Ite procul. tuque ô lux intempesta Camenis.
 Æternum damnare meis, nec liuida fastos
 Irradia, nostrique fluas mensura laboris.
 Te cum fata volent in visâ lege reverti,
 Involvant totam tenebra, & caligine mergant.
 Ceu priscum factura Chaos. pervertere rerum
 Cur timeat natura vices? quæ gaudia turbat,
 Et mundi domino jam nunc illudit Amori.
 Divellit Libitina duos, junctosque potenter
 Disgregat, & socias scindunt divortia mentes.
 Succedunt thalamis tumuli; sperataque lecti
 Otia castigant lachryma. stat præfica lugens,
 Quo steterat Cithærea gradu. quæ candida nuper
 Atria promissa juveni fulsere marito,
 Atratis circum videas squallentia testis,
 Totaque virgineo resonant penetralia planctu.
 Sic Venus exanimem mœrens conspexit Adonim;
 Quemque suis puerum amplecti speraverat ulnis,
 Amplexa est inopina rogem; tetigitque cadaver,
 Pallidulasque genas, quas arrisisse Dione
 Maluerat festiva sibi. sic territa Thïsbe
 Incidit in juvenem, gelidæ cui mortis imago
 Mollibus Idælium membris excusserat ignem.
 Sic rigidam juxta Thracen lacrymabilis Hero
 Deterisit niveæ Leandri lumina vitta.

Saxoniæ

Saxonia ferale solum, tuque inuide nobis
 Albipater, qui bellantem nunc surgis in Istrum,
 Teutonicoque tuos perfundis sanguine campos:
 Quid mansuetam animam tot bellatricibus umbris
 Permisces? Phœbique decus, devotaque Musis
 Nomina crudeles inter, sævissime, dextras
 Inferias vis ire tibi? si tota furenti
 Castra ruunt, placantque tuas tot cadibus iras
 Ultiores Regum Superi; cur quæso furori
 Debetur mens ista tuo? quam mihiior aura
 Extulit & mediis Pallas nutrit Athenis,
 Iamque optet superesse sibi. quid nobile raptas
 Depositum? grandisque animæ possessor iniquis
 Sedibus, & cineres alieno in littore condit,
 Te tantum meditante nefas? quem nuper a navi,
 Dum meus in castos Pylades transfret amores,
 Nunc odiis, iris nunc exercebere nostris.
 Te poscit jam Belga reum. tibi, federe juncta,
 Certatim irata dicunt convicia Musa.
 Vates arma parant, & tot nocuisse querela
 Peccanti poterunt. non jam tua flumina posthac,
 Noxiaque in Batavas decurrant ostia terras.
 Horrida damnatos fluctus absorbeat Arctos,
 Aut in Parrhasias alio defleat pruinas,
 Cimbrorumque immite latus. quin funeris ultrix
 Naiadum genitrix, & damni conscia fontes
 Occludat natura tuos. sis mercibus impar,
 Et tua nascentes hebetent vestigia Syrtes.

Hac mihi dilecti dictant solatia manes,
 Hac cogis, Stratene, loqui. pars maxima nostri,
 Quid me, quid moriture fugis? sine, funera jungam
 Funeribus. tumultoque simul claudamur in uno,
 Quos junxit secreta fides. tunc forsan amanti
 Signa darem propior. forsan vicinior umbra
 Te posset propiore frui. sub pulvere forsan
 Posses ipse tuum propius novisse poetam.

Nunc

Nunc licet Oceano & vastis secludar arenis,
Atque interfusa Nereus obmurmuret unda,
Alloquor absentem. peregrino sidere questus
Audiat & nostris trepidet singultibus urna. (es,

Vrna domus Musarum, & Apollinis urna sepulcrū
Vrna domus virtutis eris. tu, squallida quamvis,
Exuvias pietatis habes. menti que pudica
Hospita & infausi carcer diceris Amoris.
Vrna domus Charitum, toti, proh! flebile Cirrha
Nomen acerba tenes. cui primo à limine vita
Aonia pariter se sacravere sorores,
Et dixit doctrina suum. permixta pudori
Mascula primævis Prudentia luxit in annis,
Et niveos pinxit probitas innoxia mores.
Quicquid Socratico manavit pectore, quicquid
Docta tenebrosa docuit sub nube vetustas,
Excussum quodcumque tuo schola prisca recessu,
Casarea voces, veterum decreta Quiritum,
Verbaque sacratas populis scribentia leges,
Quosque suos latè pandit Sapientia sensus,
Hoc latuere viro. norat sapuisse silendo,
Nec, nisi lege, loqui. fastus calcabat inanes,
Magnas inter opes humilis. non prodiga Circe,
Quæ juvenum fœdo dissolvit pectora luxu,
Non levis Ambitio, aut furor inconsultus agendæ
Hic sedes fixere suas. sed proxima cælo
Religio curas patrio donabat Olympo,
Incubuitque Deus menti. sub moribus insons
Emicuit pietas, & blanda gratia vita.
Non animo Livor diros innexuit hydros.
Transit Avaritiam, seclique afflata veneno
Crimina. fucata poppysmata subdola lingua
Oderat, & solum potuit sincera placere
Simplicitas. socios inter venerabilis ibat,
Cunctorum communis amor. nec spernere doctus.
Nec sperni. facilis paribus, cultorque priorum.

Elo.

Eloquium, sed mite, fuit. sedataque multum
Vis animi, & tetricas sermo qui duceret aures.

Disce orbis, meliora mori. dispendii fati
Sentimus Batavi, tantoque in funere causam
Luget Musa suam. tumulto se Phœbus in isto
Abdit, & ipsa suo Pallas Tritonia busto
Occulitur, plorantque pios tot numina manes.
Magne virum, tibi nunc lentas subtristior undas
Spara trahit, querulaque ferit tua pradia lymphe,
Pradia quæ pulchris Heemstedia vestiit agris,
Iam domino viduata suo. quin undique sylvis
Languor inest, marcentque agris viridaria plantis,
Arboribusque comæ pendent, & pendula terram
Prona vident, tecumque volunt tellure recondi.
At genitrix veneranda, cui sol imen amantii,
Cui tu delictum; ac generis spes una fuisti,
Permiscet cineri lachrymas, ut sicca doloris
Argumenta bibat tellus. ceu Daulias ales
Threicium deplorat Ityn. nec Grevia planctu
Abstinet; & thalamis præscindi gaudia castis
Conqueritur, Superisque suos nunc exprobrat ignes.
Ipse ego, dum immitti longè semotus ab Albi;
Hæc loquor: ingemuit socia cum matre Cupido,
Fractaque disruptâ sonuerunt tela pharetrâ.

S C H A G A ,

Sive Epithalamium, in Nuptias
Nobilissimi Domini,

D. GVILIELMI van SCHAGEN,
Domini Burchorniaë, &c. Et Nobilissimæ
Virginis, ac Dominaë

ANNÆ van MATHENES.

Vos Batavum magni Iuvenes, vos splendida pa-
trum
Progenies, claris quæ cum virtutibus adfers

Majo-

Majorum genus & stantes in curribus alte
 Terrarum dominos & a vitæ nomina stirpis :
 Huc omnes conferte gradum. Vos alma Dione,
 Vos dominus compellat Amor, poscitque tributum.
 Lascivas quatiens Puer insuperabilis alas.
 Iste Puer, cui dextra faces, cui ventilat ignes
 Imperiosa manus, pharetraque & tela superbis
 Dependent humeris & saxus tenditur arcus ;
 Vos vocat ad leges thalami, Venerisque vetusta
 Nobilitate tumens, vestro de sanguine semen
 Exigit & similes Heroum gente nepotes.
 Non hic bellorum vobis injungere motus ;
 Aut Martis mandata cupit, non fulgidus ensis.
 Porrigitur, mordenque ferox spumantia frena
 Ad pugnam phaleratus equus. non casside torva
 Nunc opus, aut vultu, qualem Mavortius hosti
 Exhibet Auricus, forti que ostentat Ibero.
 Mite supercilium, blandi poscantur ocelli,
 Purpureeque genæ, radiansque in crinibus aurum,
 Et scintillantes precioso lumine gemmæ,
 Fulgentemque trahens virgo pulcherrima pallam.
 Flammea pro gladiis, pro scutis lenia Cypris
 Arma feret, molles pandent tentoria lecti,
 Et pro lethiferis feruebunt oscula telis.
 Murmura pro lituis, & pro clangore tubarum
 Verba susurrabit timida gratissima Sponsa
 Non ultra pudibundus amor. quæ cuncta Cupido
 Dum parat, his verbis mores orditur amantum.
 Et cupit egregias hæc non nescire puellas :
 Mira mihi puero mens est, mirabile terris
 Ingenium Superisque simul. sum fabula vatam,
 Et cunctas in re rabies Parnassia vires
 Explicat, & nequeunt satis insanire poeta.
 Si n' itale solum quaris, si stemma genusque,
 Nascor matre Dea. sua quæ cunabula debet
 Fluviis Oceanoque patri. sic frigida Teihys :

Me genuit, spumæque mihi primordia præbent.
 Flammifero, gelidisque exurgo fervidus undis.
 Et licet exili videant me corpore Nymphæ,
 Oraque non ulla lanugine vestiat atas;
 Sæpe tamen summum potui flexisse Tonantem,
 Et torxisse Deos & numina vincere numen.
 Fingor olor, niveis quia plus cervicibus hæret,
 Quisquis amat. fingor taurus, vectorque timentis
 Europæ, quia virginæum meus acer in agmen
 Occulto ruit igne furor. nunc aureus imber
 In gremium Danæis guttis delabor amicis,
 Et flecti facilem precio propello pudorem.
 Cum volo, me fallax aquila sub imagine raptat
 Iuppiter, ut segnes sapiens explodat air antes.
 Nunc mihi mansueta monstrant exempla columbæ.
 Nunc Libycas credor rabie exaquare leænas.
 Iam sum dura silex, jam cera mollior uða.
 Iam sequitur me capra, & jam sequor ipse capellam.
 Iam nive frigidior, jam toto ardentior Ætna.
 Sum tortor, pictorque idem, sum textor, & auceps,
 Venator vagus, & mediis naucerus in undis.
 Me flentem Anacreon, cecinit me Smyrna jocantem,
 Sperantem facit ille, facit magis ille timentem.
 Hanc amo, & hanc odi; nec possum dicere, quare.
 Sæpe dolor merorque subit, rursumque voluptas
 Et deploratam titillant gaudia mentem.
 Per me crudeles violenta trægedia voces
 Tollit, & incedit le vibus comœdia soccis.
 Nunc oculis captus, nunc ipso oculatior Argo
 Suspitor infelix quid vis. sum dulcior Hyblæ
 Muneribus Siculisque favis, & amarior ipso
 Felle. graves nostris subsidunt ignibus iræ,
 Et flammam mea flamina necat. dumque omnia
 Humani generis domitor fortissimus, eheu, (vinco
 Succumbo mihimet, solumque extinguor amando.
 Cætera vel terra spatium, vel in aëre sedes,

Vel Superum posuere locis. mihi terra nec aquor
 Terminat imperium, nec vastus sufficit ather.
 Omnis me natura capit. cum Sole vagamur.
 Quaque cadit surgitque, meis accensa favillis
 Grata Cupidineis serpunt incendia flabris.
 Sum lusus, sum cura Deum. mihi mille nocetur,
 Consultiturque modis. potior, cum vota dehiscunt;
 Votorum plenus, frustror. tabescere cernas
 Languidulos artus; & me moderante salutis
 Et vitæ reddi pulchrè florentis honorem.
 Omnia sum. variis in me contraria causis
 Conveniunt. nulla est, quæ non sit congrua nobis
 Materies, totusque patet pro carmine mundus.
 Me Satyri, me rura colunt. mihi triste sacerdos
 Exiit os; quin illa facit, quæ conjugis olim
 In gremio fecere Numa. mihi splendida servit
 Nobilitas, grandesque animas ad nostra vocamus
 Signa, nec illustres patimur frigere penates.

Finierat phætretratus Amor. propiusq; volentem
 De te, Schaga, loqui, thalamosq; & federe junctas
 Enarrare domos, Venus interpellat Amorem,
 Atque alias mandata jubet deferre per oras

Nos, Guilielme, Dei voces abruptaque Divum
 Verba exultantes sequimur, primoque cubili
 Accinimus; dum fervet Hymen, tedæque relucet,
 Et tua non solitum meditatatur Sponsa laborem.
 Nobilium sanguis, patria victricis alumne,
 Et magno soboles non inficianda parenti,
 Conjugio jam disce frui; proavumque vetustos
 In natis expande lares. insignia fulgent,
 Et tibi magnanimi radiant ante ora leones.
 Est aliquod meriti spatium, quod patria donat,
 Natalesque loci. toto sed vertice virtus
 Altior incedens, titulos illustrat avorum,
 Quos dedit illa prior. populo bis nobilis audis,
 Qui generi pariterque tibi præfulgida debes

Nomina, & heroum laudes. virtute mereis.
 Quam Batavum te fama vehit, sceptrisq; Batavum
 Clara domus. quantis; Iuvenis; deducis alte
 Principiis. quot semideos ex ordine censes,
 Et numeras per secla tibi. si proxima spectes.
 Tempora, consiliis celebres & fortibus armis
 Et toties pressa pro Libertate loquentes,
 Ingentes veneraris avos. spectabilis ipse
 Inter tot. Proceres & nostri lumina regni;
 Incedit genitor. gravitas quem mascula mixto
 Commendat candore suis, & nescia fraudis
 Integritas; patriaque vacans prudentia rebus.
 Et pulchras late gradiens Doctrina per artes.
 Necte dissimilem tantis majoribus orbi
 Edidit insignis genitrix, qua moribus avum
 Provocat, & raris sexum virtutibus anticit,
 Et priscum pietate genus. qua cuncta tuorum
 Dum versas exempla, tua primordia stirpis
 Non ficta probitate refers, generosaque mentis
 Semina Belgarum crescens impendis honori.

Et Tu, qua Paphis nunc undique cingeris, Anna,
 Virginibus, vacui tandem fastidia lecti
 Admisso solare viro. Mathenesia, celsos
 Multiplica secunda patres, patruosque redona
 Battavia. conscende thorum, nec tempora differ
 Commoda: sic quondam magni palatia Pelei
 Intravit nuptura Thetis. sic Scyria virgo
 Bellacem innocuis furiis accendit Achillem,
 Nec timuit casta Hectoreis amplexibus abdi
 Andromache fugitque virum Sempronia mater.
 Hæret in atherea Titan jam Virgine. fortè,
 Ut doceat faciendæ viros. plus æstuat Æthon,
 Ut tibi vitales gliscant sub pectore flamma.
 Te nubente novo circum tua limina motu.
 Qualibet arbor amat, sociant sua brachia quercus,
 Insontes neetunt lambentia rostra palumbes,

Garrit.

Garrit anas, causasque sui jam nescit amoris,
 Feruida que excelsis plus uritur ardea ramis,
 Et tecum veteres natura resuscitat ignes.
 At Frisios inter tollens sublime minores
 Schaga caput, Comitis quondam venerabile donum,
 His thalamis audet dominos sperare futuros,
 Ut possit securâ regi. Burchornii gaudet,
 Auctaque femineis multum mitescit habenis.
 Ut Domina placuisse queat. quæ proxima pulsant
 Littora Naiades, & Catthos verberat undis
 Oceani rector, concha Tritonide vobis
 Carmina festa fremunt. toti sunt gaudia Rheno,
 Quosque trahit secum nives per flumina cygnos,
 Argutum melos ingeminant En, rustici Phyllis
 Cum Corydone suo vestris ab amoribus ardent
 Acrius, atque leves iterant ad plestra choreas,
 Et vario festas contextunt flore coronas.
 Creditur in plaustis resonare poemata Thyrsis,
 Et personatus populo spectante joculari
 Actor, & in scena lepidum ostentare Menalcam.
 Sive truces ludat Thisben, sive aquore mersum
 Monstret Abydenum, ac delapsam rupibus Hero,
 Aut captam tentet rhythmis includere Trojam.
 Ipsa, renascentis nutrix celeberrima Phœbi,
 Leida favet, faustisque juvat genialia festa
 Auguriis. quin ille, suis qui classibus atrox
 Rursus in Occasum properat, meus Amstela, longè
 Annuit, & nostri transmittit signa favoris.
 Insignes animæ, quas lato federe junxit
 Illibata fides, centum placate furorẽ
 Basiolis, nec defessi superaddite centum,
 Post centum dat mille, & post hæc millia rursum
 Altera mille, malus numeret ne basia livor,
 Aut tot basiolum confundite basia in unum,
 Millia sic fient unum, sic unica mille.

AMOR SAPIENS,
Sive in Nuptias Amplissimi Viri
D. CORNELII GRAEF;
Et Eximiae Virginis
GEERTRVDIS OVERLANDERS.

Amsstela, qui mediis locuples mercaris in undis,

Et populis partiris opes; ac munera Divum
Tot congesta plagis unam transfundis in urbem;
Amstela, qui pelagi spoliis, terraque superbis
Exuviis, vacuoque arcessis ab aëre lucrum;
Cui rerum fecunda suos Natura labores
Vendit & humanas acuens solertia dextras;
Amstela bellator, cujus flagrasse favillis
Vidimus attonitam Chilen, Potosique recessus
Et totam tremuisse Peru, cui sceptrum Moluccæ,
Nec Regi servata suo submitit Olinda:

Indue jam molles animos, & mitior audi,
Festivus quæ dicat Amor. spes lata metalli
Concedat paulum Veneri, ratibusque quietem
Belligeris largire precor. dic, stare carinas,
Nec piperi nunc esse locum. Iam vendere tempus
Basia, jam tedæ precio majore relucet,
Et thalamus venale forum est. oculosque genasque
Verbaque amatori quondam recitata Catoni,
Dulcesque illecebras & casti signa pudoris,
Spiculaque & pharetras, & blandi nomina vultus
Distrabet innocuus socia cum matre Cupido.

Et meus egregios tandem meditatur amores
Gravius, & tacitas generoso in pectore flammæ
Ventilat, & prima sperat se nocte maritum.
Forte moram gravitate Venus lentosque Hymenæos

Cor-

Corriget acer amor. forsan neglecta rependet
 Gaudia vis animi major, teneraque puella
 Vota magis tuto Sponsus solabitur æstro :
 Aut risus primique inter poppysmata lecti
 Amplexusque suos sapiet ; thalamisque decorum
 Inferet & leges nobis præscribet amandi.
 Sicubi se Danaum castris subduxerat acer
 Pelides, Martique truces suspenderat orbes
 Fatalis clypei, Phrygiæ audacior arces
 Impulit & solo quasi vit in Hæstore laudem.
 Myrmidonum ductans jussis sapientibus agmen.

Ludimus humanum genus ; & dū sidera voluit
 Iupiter, & variis radiat sub vultibus æther,
 In varios una lusus vitæque labores
 Cum superis rapimur. versit se maxima mundi
 Machina, & ingentem miscet Sapiëntia rebus
 Stultitiam, frangitque aliquo sua seria ludo.
 Desipit, Eoa quisquis de gente lapillos
 Colligit, & tumidum mox sorbet naufragus aquor,
 Securus tutusque domi. mala pondera, gemmæ
 Submergunt dominum citius. tu desipis audax
 Miles, & hunc vitæ paucis diuendis honorem
 Assibus, & stolidis impendis regibus arma.
 Quin rigidos inter panes bis cocta que demens
 Crusta cadis, mordetque ignotam nudus arenam.
 Desipit Heroum soboles, titulumque superba
 Nobilitatis emit, quam virtus nescia fuci
 Debebat meruisse sibi. qui celsa frequentas
 Atria, adulator, magnis discrimina quaris
 Porticibus totaque miser rideris ab aula.
 Tu quoque, qui calidæ scrutaris cominus Ætne
 Pabula, terribilesque focos abstrusa que rerum
 Principia & mundi causas deducis ab alto,
 Desipis, & stulta dictas incerta cathedra,
 Ignarusque tui geminos edisseris axes.
 Est qui ventosa venatur murmura plebis,

Et jejuna levi pascit praeordia fumo
 Narratur, vanisque forum sermonibus implet,
 Et Finnos Gotthosque crepat. cui causa laborat.
 Facundas redimit voces, pauperque patronum
 Adspicit & vacuis oculis sua rura revisit.
 Ille cui infido pendet spes omnis ab hamo,
 Dum sedet aeternumque sedet, quam desipit excors,
 Quam patiens capta solatur prandia perca,
 Pisciculi que jecur, non tacta bile, trucidat.
 Et tu qui cursu princeps Venator anhelos
 Per campos graderis, pavida vestigia damae
 Pone legis, currisque, fugis, refugisque, misellus
 Quo lepus aut te cerva vocat. cum Principe vilis
 Bestia decurrit, sequiturque insana priorem
 Majestas augusta feram. nugamur ubique,
 Et stolidi sine lege sumus. Lunaque Menippus
 Quisquilias nostras recitat. clamemus, amici:
 Te facimus, mens stulta, Deam, terrisque locamus.
 Has inter curas & vasti ludicra mundi
 Solus Amor Cyprisque sapit, tollitque serenum,
 Stultitia ringente, caput. non desipit ille,
 Quisquis in optata gremium descendit amica,
 Et Sponsa placuisse studet. Sapientia Gravi,
 Indice me solum castis elucet in ulnis,
 Atque unum praeter cuncti insanimus Amorem.
 Hoc sine delirant alii, vel languida luctu
 Membra trahunt, tædet cali convexa tueri,
 Tactus hebet, nulla recreantur virgine vultus,
 Mensa silet, frigent omnes sine conjugis nervi,
 Deficimus miseri, nescit sua gaudia lectus;
 Ignavosque lares vacuosque perire penates
 Ocyus adspicimus, mortique similima vita est.
 Ipsa Deum socio gaudet Sapientia lecto,
 Et senior Saturnus amat. cum compare ludat
 Mulciber, & doctam genuit qui Pallada grandis
 Iupiter, in multum querula Iunone lepores

Inve-

Invenit & Paphius castigat fulmina curis,
 Nerea formosum complectitur Amphitrite,
 Inclyta Neptunum Tethys. cœlestibus ut jam
 Turgeat exemplis thalamus. non illa Pelasgos
 Dedecuit sors lœta senes, magnique Platonis
 Atria, quo quondam Graji stupere magistro.
 Qui male compositis mores dictavit Athenis,
 Xantippen propius tetigit, legesque severas
 Dogmataque umbrosos inter discussa recessus
 Diluit amplexu. nec qui vesana Quiritum
 Crimina perstrinxit censor, fastidiit udum
 Basiolum facileque sibi producere noctes.
 Quam sapit, imperio totum qui subdidit orbem,
 Rector Amor. cui regales diademata prona
 Subdunt fronte apices, qui sævi dura leonis
 Corda domat, mollitque suis adamantina verbis
 Pectora & Eurydicen Stygius revocavit ab undis.
 Iam loquitur facundus amor, vocesque disertas
 Virginibus recitat. per mille pericula solers
 Impavidum molitur iter, fortique dolores
 Mente premit. jam sacra pius delubra frequentat,
 Et totum sonat ore Deum. jam munera larga
 Distribuit lucrosa manu. blandissima fatur
 Comis amor, festivus amor, quin tempora captat
 Commoda & in varias una pro virgine formas
 Se torquet versutus amor. nunc tristior illi
 Frons contracta riget, nunc exporrecta jecatur.
 Flet, ridet; vigilansque omni sua lumina parte
 Circumfert. sperat, metuit. non odit, & odit
 Cum ratione tamen. sic cuncti Cypride in una
 Virtutum coiere chori, & vestitus honesto
 Fulget amor. dudum sapiens ab amoribus arsit
 Phœbus; & in sola sapiunt Cithereide Vates,
 Vates, cura Deum. spernit Sapientia fraudes,
 Spernet amor. tacita per amica silentia noctis,
 Urget opus nulloque sagax se teste tuetur.

Heu quantum nescis Sapiens. quam plurima tecum
 Ignorat quoque cæcus amor. quam gaudet amari
 Vir sapiens & lenis amor; metuantque timeri
 Nec cui vis placuisse student. quam suaviter idem
 Dormit amor, sapiensque. truci nec curat Iberi
 Bella, nec Arctoo pessundata mœnia Moscho.
 Tempora componit sapiens ventura priori.
 Facit illud amans; nec scit se posse, quod olim.
 Prospera fert Sapiens modice, nec frangitur arctis.
 Sic generosus Amor post prima damna repulsa
 Ambulat, & credit nondum sapuisse puellam.
 Semper amat Sapiens medio tutissimus ire;
 Nec medio deflectit amor. moderata probatur
 Ambobus prudensque quies. Sapientia terris
 Præsidet, & fasces domino partitur Amori.

Hac tibi dum fluidum Geertrudis donat ocellum,
 Sponse loquor, thalamiisque tuis felicia noster
 Omnia scribit amor, dum sedus amabile læti
 Patrii junxere domus, flammaque jugales
 Expectant gemina dignos à stirpe nepotes.
 Adspice, quam niteat non ficta modestia Sponsa,
 Purpureis intexta genis. quam Gratia triplex
 Ornet honoratam formoso in corpore mentem.
 Vincit ebur morum candor. quæ virginis, ipsa
 Forma pudicitæ est. alia nec fronte Dione,
 Aut Pallas pingi cupiat. Tuque, optime Gravi,
 In laudes assurge tuas & grande decoris
 Artibus ingenium irradia, partesque per omnes
 Circumfer studiosum animum. sciat Amstela Patri,
 Et pariter debere tibi. si mollia jam jam
 Aptaque conjugibus loqueris; mox grata loqueris
 Civibus, & felix maturas Curia voces
 Audiet atque tuis florens Respublica curis.
 Vivite felices & tanta sorte beati
 Crescite in invidiam sati. differte senectam
 Longius & seros perdurent oscula in annos.

*Sic faveat Venus, & vestris virtutibus auctus
A vobis discat duplum sapuisse Cupida.*

IN LIBROS
POEMATVM MORALIVM;

Nobilissimi Viri

D. IACOBI CATSII

Eq. & Reip. Dordracenæ Syndici.

Svmme Virum, cuius tetricos facundia Belgas
Mulcet, & attonitos locuples doctrina penates
Detinet & pulchro populos informat honesto :

Inserere virtutem titulis, totque inter honores
Fulgeat una tuis Probitas asserta Camœnis,
Et Regum ingenuo despectet munera vultu.
Nos tibi debemus patres. tibi fausta precatur
Femina, & in docili recitat tua dogmata lecto
Officiosa parens, & leges discit amandi
Impatiens rectoris amor. tibi filia mores
Devovet, & cuius nequit arridere marito
Imperii attenta tuis. Tu Protea nobis
Reddis & in varias versans Emblemata formas,
Nunc alias voces, alias in carmine partes
Induis, & nostra raperis per devia vita,
Peccandique modos. Te praeceptore superbit
Scena pudicitia, & matura zona puella,
Flammeaque & cupido rutilantes limine tecta.

Creditur immitem mellitis vocibus Hamum
Threicius flexisse pater, rigidamque suavi
Barbariem domuisse lyra. tunc horrida cultus
Imbibit & potuit facili mitescere cantu
Improbitas, Thracesque suos emolliit Orpheus.
Nos Rhodope Thracesq; sumus. quorū effera, Catzi,
Corda domas, quibus admissus praeordia circum
Ludis & effrenes animi compescis habenas

In sibus & calida moderaris vota iuventa.
 Tu, velut Amphion Thebana conditor arcis,
 Saxa moves modulis placida testudinis, & nos
 Eloquenti torrente rapis. Tu monstra malorum
 Impiger Alcides subigis; certusque Deorum
 Interpretes Stygiis animas arcessis ab undis
 Afflatus propiore Deo. te vindice recti
 Iam Batarvos peccare pudet, Cyprisque fatetur
 Se sapere, & levibus volitans Puer improbus alis
 Corrugat geniale caput, quassatque pharetram
 Segnius. ac quicquid quondam Cornelia mater
 Gracchorum potuitque loqui Sempronia grandis,
 Aut quæ magnanimo respondit verba Catoni
 Porcia, vel Læli genitrix, edisserit orbi.

Quàm stupui, cum bella sibi secreta pararet
 Isacides, totumque suis circumdaret armis
 Religio cataphracta virum. se dissidet ipso,
 Obloquiturque sibi. tollunt hinc signa voluptas,
 Hinc ratio. recitantque uni diversa cupido
 Et metus. innocua suadet contraria menti
 Luxuries, prædulce malum. duo numina distant
 Partibus, & geminis pugnant sensusque Deusque
 Imperiis duplicisque Boni ostentatur imago.
 At quia sancta probat, nocituraque gaudia damnat,
 Eligit ista pius; nec solum pallia litem,
 Sed pietas dirimit. quid turpe, quid utile, quid non,
 Expedit, & valido mille argumenta pudori
 Sufficit. interea tanti Dux femina facti
 Spreta jacet tacitisque odiis alimenta ministrat,
 Et dolet elapsam virtutem amplexibus esse.
 Vates magne, furens mulier si temnere Divos
 Iuratamque fidem thalamo Memphisica conjunx
 Ausi fuit, proprioque illudit mæcha marito:
 Stat juvenis crimenque fugit, dominamque scelusque
 Arguit, & monitis axilas prudentibus implet.
 Pythagoræ voces Samique edicta magistri,

Et

Et promulgatas taciturno iudice leges
 Audiit indocti pubes studiosa Tarenti,
 Informesque scholæ Calabrum, Samnisque Crotonq;
 Aureæque Italicis sonuerunt carmina portis.
 Nec minus incultas sapiens instruxit Athenas
 Exemplo dictisque senex, & nectar Hymetti
 Miscuit officio civis. cum tecta domosque
 Privatosque lares Sapiencia sera subiret,
 Æthereis subduta plagis. veneranda Theognis
 Trinacriis præcepta dedit, Siculumque recoxit
 Formavitque rudem. placuit generosa monentis
 Suada Syri Mimique lepor. Nos omnia per te
 Discimus & post tot credit se secula renasci
 Simplicitas, tangensque animos reverentia Divum,
 Et vitæ melioris honos moresque severi.
 Dic age, Toxandrum soboles, quo numine soli
 Concessum tibi tanta loqui? quæ Pallade pectus
 Grande tumet? nescitque furor cessare canendi
 Quæ terris prodesse queant? non sidera demens
 Metiris Phœbique iubar, nec inutilis hæres
 Arcturumque Hyadasque inter Lunaque labores,
 Errantesque Deos. non vanis linea chartis
 Pingitur, aut sectis circumvallata figuris.
 Picta placet potius virtus & sculpta decori
 Effigies. quin ipsa patens ad dogmata laxos
 Expandit natura sinus. nos simia, taurus,
 Nos arbor piscisque docent. nos vitis amare,
 Atque aliquid fugisse cupit. nunc garrula nobis
 Servit avis. nunc rana suis facunda sub undis
 Vitæ monstrat iter. nunc nobis vacca magistra est.
 Dux canis. hortantur lapides, objurgat amantem
 Concha tuum. fædo quæ pendet aranea tecto,
 Et lenes alibi præbent documenta columba.
 Imperitat ventri Pharia regnator arena,
 Mus gremio, cupidos Libycus leo velat ocellos,
 Chaoniaque tibi dictant oracula quercus.

Dum ludit puer, incauti vesania mundi
 Detegitur, quantisque rotet se passibus orbis
 Tot scelerum fraudumque pater, te vate, patescit.
 Sic oculis coram fulgens spectatur honestum,
 Sic manibus palpatur idem. Sic personat aures
 Egregium recti murmur. distincta tabellis
 Regula vivendi legitur, normasque decori
 Sedulitas numerat. semperque industria sensus
 Invenit & quovis struitur sententia casu.

Neve foret Bataulim populis incultior Auson,
 Romanas sociat verborum opulentia voces,
 Atque tuo recreant animos modulamine Celtæ,
 Quique Ararim Ligerimque bibunt, Rhodanumque
 loquendo

Anticipant, longisque trahunt idiomata braccis.
 Ipse tuum patria miratur currere lingua
 Thuscus epos; captusque tua dulcedine Musa
 Crudelis masuescit Iber, nativæque verba
 Diligit & tumida gnomas imperit amica.
 Adspicit & titulos Tamesis veloxque Tueda,
 Et triplici donat succincta poemata sceptro,
 Regali jam tacta manu. Tuus illa, Britanne,
 Scribit eques, Phœbique magis quam splendet amictus
 Nobilitas, nostrique decus sublime Senatus.
 Ex alio rursum surgit labor. altera laudi
 Materies campusque patet. sua fata recenset
 Priscus Hymen, thalamique juvat memorare labores
 Mnemosynen, soccoque gravem miscere cothurnum.
 Qualis in adversam frendens Tryphosa Iocystam
 Detonet, & rapti quærat crudele pudori
 Supplicium, mox Belgæ leget. quam splendida pos-
 cat

Virgo Cratem, possitque etiam vel gibbus amari
 Et laceri sapientis honos & fibula simplex
 Et series neglectæ togæ, caper. itaque tristi
 Forma supercilio & Cynica fors horrida barba.

Nec

Nec te, prime pater, tacitum aut primæva silebit
 Federa & insolitis claræ natalibus Evam;
 Non sacrosancti connubia mystica Sponsi,
 Æthereæque faces, atque ipsi nubile cœlo
 Christiadum prælustre genus. narrantur amores
 Abramidum, clarique thoris regalibus ignes.
 Et spretæ fortuna Leæ, tedaque sororis,
 Et mox virginibus vacuæ Siloensibus urbes.
 Tempora cuncta patent vari. distinguitur ævo
 Res ac cura suo, & nobis imitabile passim
 Invenit, & grandes majorum ponderat ausus.

Nobile Dordrechtum, si quid tibi conflua laudis
 Flumina ferre putas; celsis si mascula portis
 Præsidet & fasces ostentat virgo vetustos;
 Si Merua jactas Dominos: si prima sorores
 Inter verba facis: si vestigalibus angis
 Et Rhenum Mosamque Deos: si fluctibus usque
 Emergis melior: plus, hoc monitore, superbi,
 Huic assurge viro: qui jam tibi consulit uni,
 Iam Batavis, patriæque suis suffragia fulcit
 Consiliis fortesque animos opponit Ibero.
 Format lege domos, & savos exigit hostes
 Invidiam fastumque & fœdi gaudia luxus,
 Otia lascivamque gulam, & malesana Lyæi
 Orgia; & immensis rimantem faucibus aurum
 Pellit Avaritiam. sic condis, maxime Catsti,
 Oppida, sic meliora facis; stabulumque repurgas
 Sordibus, Anteosque necas, Hydramque, bovesque,
 Quin ipsum Phlegethonta domas, Cacumq; rapacē,
 Et crudi Diomedis equos. Stymphalidas arte
 Dejicis & rabidos prosternis carmine Nessos.

Virtutum venerande pater, sanctissime legum
 Arbiter, hæc audi facilis: qui corrigis orbem,
 Orbis vota cape; & monitorum præmia credas
 Optima, nos parere tibi: concedere jussis
 Crimina; tot passim scelerum pallefcere vultus:

Pec-

*Peccari minus : insanas resipiscere matres,
Audacesque nurus : melius sentire puellas,
Persuadere patres : percussa que fulmine lingua
Secula verecundas Belgis promittere nuptas.*

IN N V P T I A S S E C V N D A S

Amplissimi viri,

D. FREDERICI ALEWINE;

Et Præstantissimæ, laudatissimæque
Dominae

E V Æ B I C K E R Æ.

CUr noceat bis adire Paphum, bis templa Diones?
Bis molles adamasse Deos? si femina res est
Optima, cur pudor est iterum arrisisse marito,
Nec simplex voluisse bonum? repetita probantur,
Quæ bona sunt, vacuique gravis possessio læti est.
Quem privat consorte Deus, cui dulce cubili
Pondus abest, laterisque comes dulcissima cessit,
Sperat amans aliam, veterisque incendia flammæ
Sentit, & assueto nova pabula querit amori.
Ante oculos stant prima thori, stant basia, risus,
Et, quibus ante, viri rursum complexibus arctè
Abdimur, & memorem recreat Venus altera men-
Hoc Grajæ fecere nurus, patresque togati (tem.
In thalamos venere iterum. post funera, prolis
Spes alias Erycina facit, gaudetque renasci
Post cineres redi-vivus Amor; viduoque potentes
Accendit sub corde faces. plus urget egestas
Felices olim, & saturis afflictius instat
Atra fames, coelique favor bis plaudit amanti.
Vindicat occasum lampas Phœbæa, novoque
Lumine demersa reparat dispendia flammæ,
Et Sponsus vult esse recens, populisque videri

Lattor

Latior & sponsam radiis circumdare terram.

*Hæc socio jam Sole facis, Frederice, tuisque
Fax angusta præsit facibus. post busta prioris
Conjugis, optatos thalamis dulcissima gressus
Infert Eva tuis. & se Bickera secundis
De votis officiis, & consors gaudet haberi
Altera, & extinctas tedis succendere tedas.
Optima, (si qua fides vati) tibi Virginis astrum
Tempora promittit tanta prosperrima nupta,
Præque tuis lætas foribus de fronde coronas
Nescit & egregia spondet tibi nomina matris.
Amstelæ, dum magnis merces acceptat Eoas
Portibus, & Iaponum gazas & divitis Indi
Persarumque ostentat opes, & quicquid Hydraspes,
Quicquid Erythræa mittunt trans æquora terra,
Hæc sua jam vestris permiscet gaudia votis,
Et Sponsis favet Ya novis. dum munera Cyprus
Donat, in his ipsis veteres abscondit amores
Mercibus, & patrias acuit fervoribus herbas.
Ipsa procellosos desueta Bamastræ fluctus,
Sacræ agros domino, & quæ jam pulcherrima condit
Prædia, venturæ servat complexibus Eva.*

*Duxerat haud uno pridem de fratre triumphum
Diva Gnidi, dignisque omnes sociaverat aqua
Fascibus, & magna soceros de vinxerat Urbis;
Cum sortis memor illa tue, Bickera, medullis
Hæsit, & insolitos generosa penatibus ignes
Intulit, & votis strinxit tibi vincla secundis.
Quam meminî, cum prima favens connubia vates,
Ignotasque faces canerem, cum nescia rerum
Virginitas tenerum excussit vexata pudorem,
Et voluit didicisse virum. tunc omnia dixi,
Quæ Sponsam glomerata beant formamq; genusq;
Et niveos mores & blanda vocis honorem,
Quæque puellares pingebat Gratia vultus.
Nunc Tibi virtutes alias & grandis honesti*

Adscribam titulos, & quod civile decorum
 Dicitur, informatque lares & tecta verendis
 Legibus, & recti famulis praecepta ministrat.
 Exemplo tua iussa dotes. scis omne parentis
 Officium, nondum ipsa parens. lenire maritum.
 Alloquio recreare gravem, compescere motus,
 Et placidas rigidis voces inspergere dictis,
 Muneris omne tui est. exacta modestia laudes
 Dissimulat, dicique vetas, quod crederis esse.
 Pralucet vitæ pietas. hanc ordine iusto
 Ponè subit probitas. loquitur facundia, quicquid
 Vxorem dixisse decet. tacuisse tacenda,
 Matrona prudentis ais. vis omnia ferre,
 Quæ non odit amor. damnas inimica cubili
 Iurgia, vel quicquid persuadet amantibus excors
 Suspicio, soloque virum candore mereris.
 Fulget simplicitas in te, & sapientia longè
 Stultitiam laudata fugat. tua protegis uxor
 Consiliis, partisque frui sine crimine gaudes.
 Cumque verecundos malesana superbia mores
 Inquinet, in rebus vitium solenne secundis,
 Tu victrix erecta tui, minor esse laboras.
 Et dum læva tibi toties fortuna timetur,
 Æqua mente bonam persers tolerasque nocentem.
 Nec minus ingenio lepidum quodcunque placensque
 It comes, atque hilari prodit se fronte venustas,
 Et Sponsam te Suada probat. sic splendida conjux
 Amstelias inter (cuncta subscribe matres)
 Prima nurus graderis, meq; aufers iudice palmam.
 Tu talis, Frederice, Deo consortia debes
 Conjugis, & quos nunc felix ordiris amores:
 A Superis cœloque capis. dant velleræ Seres,
 Tibi Arabes, fundunt molles unguenta Sabæi,
 Nobilis Eo legitur de littore gemma.
 Munus Sponsa Deum est. solis delabitur astris
 Virtutum locuples mulier. Tu pignus Olympi,

Depositumque ingens cupidis amplecteris ulnis,
 Fortunate virum. Iam qua veneranda juventa
 Dictavi praecepta tua, cum saepe docentem
 Audires, morumque Tibi mandata loquentem,
 Exerce, fructumque mei tua nupta laboris
 Sentiat, & praesta, me praeceptore, maritum.
 Sis facilis comisque idem, sis aequis amanti,
 Et pars prima domus. non vult bona spernere uxor,
 Non vult Diva coli. consortem quisquis adorat,
 Serviet. alternis placide divisa potestas
 Tuta manet, felixque domus tranquillior audit.
 Officii, quod Sponsa volet sat florida, fas est
 Te meminisse tui. quamvis dilata petantur
 Oscula, crede moras pensari posse lubenti
 Obsequio, castisque thori conatibus ævi
 Damna resarciri. nil distent basia primis.
 Res eadem vobis agitur. si pignora nuper
 Sperastis, sperare licet nunc altera nuptis.

Quid non audet amor, toties expertus amorem?
 Quid non tentat amor, toties devotus amori?
 Quid non prestat amor, toties accensus amore?

Interea, longis dum fervent gaudia mensis,
 Dique Deaque omnes vetis communibus adsunt,
 Et donis Sponsos onerant. sua tela Cupido
 Exacuit donatque viro. vim Cypris inurit
 Basiolis, sterileque jubet secedere noctes,
 Fecundatque sinum Sponsa. rex Iupiter auro
 Perpluit & thalamos illustri dote coronat.
 Et quæ perpetuis juvenescit amoribus Hebe,
 Proscribit longe senium. vultusque serenat
 Amborum, validaque refert primæva juventa
 Tempora. prælucet cunctis dux Lucifer astris,
 Immittitque thoro radios. dat pronuba Iuno
 Spem sobolis. donat leporem pharetrata Diana,
 Sol Gallum, passerque novi fit rector amoris.
 Dat fruges divina Ceres, sua vina Lyæus,

Mars

Mars currus, agrisque Pales benedicit amantum.

*Ast ego, qui cupidis toties genitrix lectis
Verba loquor, medioq; inter nondum uror amantes,
Decrepitæ vobis strepitus vocesque Camæna
Sacro libens. vivat Patriæ, Musisque suisque
Et vigeat Bickera domus. sub Consule nostro
Nubitur in melius. quo se rectore tuetur
Amstela, quo floret dives sub præside civis,
Exertatque caput prono Respublica cælo;
His etiam Paphi gliscunt sub fascibus ignes.*

Nobilissimo Viro

D. A D R I A N O P A V W.

Eq. & rationum ararii Hollandiæ Senatoris.

M Axime Vir, cujus toties fuit ore locutus
Amstela, qui docti flexisti frena Senatus,
Auriacæ tutela Scholæ, tot cura Sororum;
Cuius ad externas abiit facundia gentes,
Et patriæ pro jure stetit; nunc publica prudens
Fulcit sollicitis Batavorum araria curis:
En, Baccho jam plenus agor, Phœbumque laceffit
Rhenus & abscedunt veteres de pectore cura,
Ut tandem tibi læta loquar. quin ecce disertum,
Quem mittis, facit ipse liquor; totoque Lyæo,
Dum mergor sapidisque undis, quas pampinus uvis
Extudit, Aonia veniunt ad vota sorores,
Et versus mihi sponte fluunt. Iam prisca facessat
Fabula, percusso Parnassi vertice largè
Castalios fluxisse lacus. Hæc ungula vatum est,
Hic Perseus, feriensque bona sacraria mentis
Pegasus. hoc quoties quateretur mascula thyrsæ
Calliope senis & Trojam scribentis Homeri,
Altius intonuit vates, totusque furore
Atridam sævumque iris implevit Achillem.
Hoc quoties biberet Calabrum de fonte poeta,

Incaluit Phœbi rabies & fulmina belli
 Scipiadæ, cladem Libyæ Fabrumque morantem
 Acris & victi cecinit perjuræ Pœni.
 Quam Elacco placuere cadi testæque Falernæ,
 Quam siccis, ait, esse Deos. Musasque Deasque
 Difficiles, quam facundis iacundior ipse
 Extollit latices. quam tunc latissima Dido
 Vina bibit, cum Trojanum, Carthaginiæ altæ
 Mœnibus, Æneam exciperet, Bittæque bibaci
 Traderet increpitans, Bittas cum fervidus hausit
 Spumantem pateram, & pleno se mersit in auro.

Certat disparibus, Paruvi, Semleius Evana
 Ingeniis, nostroque parat diversa palato
 Vina potens Liber. Latro dat Cœcuba, Celtis
 Pallidulum, Græcoque calens, rarique saporis
 Pannoniis, Cyproque furens, sed vile ministrat
 Pictonibus. mihi tu facilis lectissima mittis
 Pocla, quibus Rex ipse Deum mitescere possit,
 Et Iuno placare Iovem, fulmenque marito
 Extorxisse suo. non hac mihi barbarus Ister
 Dôna tulit Batisque ferox. in collibus illam,
 Rhene, tuis genuit felix vindemia messem.
 Non hac fullo bibit, non hoc vespillo liquore,
 Grammaticusque madet, tali se mitra Lyao
 Imbuit. hunc centum devota Moguntia templis
 Haurit, adorandos fasces regumque Ducumque
 Irrigat & cuncto solvit palatia luctu.

Vt me perdis, amor vatum, qui Celtica dudum
 Vina bibi, jam (quæ facies gratissima rerum)
 Cogor in angusta Rheni considere ripa,
 Deliacumq; haurire merum, quod Bacchara præstans
 Misit & in nostros ignara recondidit usus.

Non hac solum oculis, non solis vina labellis
 Accipio generosa meis. quin naribus illa
 Attentis doctisque bibo. color illa saporque
 Et pergrata meis laudat fragrantia mensis.

Hæc

*Hæc qui vina bibit mecum, debet amorì
 Ista tuo.quotiesque bibam,hæc sunt munera Pauvri,
 Eloquar, adspersit tali me rore Senator,
 Et cupit his nostras lymphis ridere Camænas.
 Optime, quid referam? primum tibi lata datorì
 Calliope tollit cyathum, laticesque beatos
 Nuncupat. Vnanimis adspersent altera Patres
 Pocula & assertos dicent carchesia Belgas.
 Tertia in Ausriacos vis despumabit Iacchi,
 Nassoriosque bibit, venerandaque nomina mensis.
 Quarta bibit grandes Regum, sine lite, salutes,
 Seu Gallum Cimbrumq; volens, Suecumq; Britannia
 Iungere & ingentes paterâ confundere causas.
 Vltima per lepidos rabies properabit amicos,
 Inque mea tandem cadulus decurreret amica.*

I N N V P T I A S

Illustris Viri

IOHANNIS POLYANDRI
 à KERCKHOVEN,

Heenvlietæ Domini, & Saltuum Hollandiæ
 præfecti, tunc ad Serenissimum Magnæ
 Britanniæ Regem Legati, &c.

Et Illustrissimæ

CATHARINÆ WOTTONIÆ,

Baronis à Wotton Filiæ majoris natu,

Baronis Stanhopii Viduæ.

A Mistela quos primū juveni monstravit amores,
 Nunc iterat viduo Tamesis. sub Regibus uxor
 Donatur, Polyandre, tibi. vacuumque cubile
 Implet adorandum flammis genialibus ostrum.
 Te triplex diadema colit. te rector Iernæ,

Qui

Qui Scoto dat jussa pater, sceptrisque coercet
 Orcadas & nostro divisos orbe Britannos,
 Oceani regnator, amat. non unius aula
 Tuta patrocinio, magnis fortuna tiaris
 Nixa tua est; grandique capis sub judice Sponsam.

Nos Te trans vastum pelagus fluctusq; parentes,
 Neptunique domos, utrenque palatia Nerei,
 Bellaces Batavi sequimur. dum suscitatur ignes
 Illustris Wottona tuos; dum nubilis ardet
 Albion, & niveis arriident littora passim
 Rupibus, & tanto thalami candore notantur:
 Vritur ipse tui vates & testis amoris,
 Et tecum Barlaam amat. sed dispare flamma
 Exarsere facies. stimulos mihi subdit Apollo,
 Sed mollis Cithæra tibi. mihi gliscit ab imo
 Pectore Musarum rabies, eademque poetam
 Tempestas annumque facit. Tibi proles annua
 Inchoat & tedis Aries fulgentibus ornat,
 Et toto te Vere beat. cum Sole vagaris
 Altius, atque inter titulos succrescis amator.
 Et Patria quem tollit honos, nunc ipsa Dione
 Majorem cupit esse sibi. Nos surgimus in te,
 Et capit incrementa calor meus. imus in altum,
 Phœbeosque apices bijugique cacumina montis
 Sublati prensamus humo: Pataramque Clarenque
 Tymbraique patris doctas conscendimus arces,
 Ut totus tibi, Sponse, vacem; nostrique favoris
 Candida sublimem veneretur gratia lectum.
 Non aliter quam cum magni Iovis armiger ales
 Tollitur, & celsis Phœben propè verberat alas.
 Tollitur Idæus puer & miratur honores
 Ipse suos, tantæque stibet fastigia sortis.
 Aonii resonant colles Phœbique remugit
 Regia, Palladiosque aperit cortina recessus,
 Dum vestros cortina silex abscondit amores,
 Et par dulce lates. dum vos sudatis in ulnis

Basia,

Basia, primitiasque thori pulcherrima mater
Accipit: En, vates aliis conspergimus undis
Conjugii nova rura tui. Tibi fundit amœnos
Musarum de fonte jocos Permessus & altè
Mergit Acidaliam Phocæo in flumine spumam.
Qui Latia gentis dominos & fulmina belli
Civiles Drusosque tulit; jam pronuba Rhœnus
Scribit vota tibi. concordēs Leidæ Camœnas
Nuncupat, & Batavum concussa Britannia cantu.
Ad modulos & plectra suos irritat olores.
Vatibus his nunc Ya tuus se jungit & audet
Ponere sequi, salsaque licet dulcissima tingant
Flumina Nereides, promisso vestra susurro.
Tecta ferit, penetratque levi palatii rimâ,
Et cupit hoc etiam mensis disperdere carmen:

Magne virum, qui stemma tuum proavosq; genusq;
Nobilibus deducis avis: quem Ganda vetustis
Fascibus, & priscus per splendida nomina Flander
Inseruit patriæ patribus: nunc altera neclis
Vincula, & externos Erycina domestica vultus
Adspicit atque alio quæris sub sidere Sponsam.
Trans mare totus amas. nec te vel frigida Tethys,
Vel gelida remorantur aquæ. trahit ultima Thale,
Idaliaque faces mediis accendit in undis
Ceruleus Triton; Panopæaque navibus illis,
Quæis veheris, viridem petulans circumjicit algam,
Et tremula impellit properantia carbasa cauda.
Sic alius, veluti Seston qui tendit Abydo,
E Batavis Leander abis: nec Thesea solum
Per fluctus protrudit amor, cum missus Athenis
Iret ad Hippolyten, neque Phædræ Gnosia tellus.
Servaret secura. etiam dant Thesea Belgæ,
Atque alias, verum causa meliore, Mycenas
Invisis sine fraude, Paris. velut alter Iason
Argolicis procul à terris occurris amator
Hypsiphylæ. Quod fata trahunt, raptamur amantes.
 Et

Et vis est secreta thoro. quæ maxima regnis
 Majestas divina præest, moderatur amores,
 Et restor Deus in thalamo est. ignara futuri
 Invenit in sylvis, in rupibus, invenit inter
 Exequias tepidosque rogos, trans æquora, nuptam
 Nescia mens, solique Deo debere fatetur.
 Principis instrueris jussis; sed jussa Tonantis
 Incanto Lucina aperit. Legatus haberis,
 Et sis ipse tui. nec, dum communis amatur
 Causa Ducis, privata deest. dum regia necdis
 Federa, federibus magnis innecteris ipse,
 Et duplici nos sorte beas. fit germen amoris
 Auriaci, tuus, & merces optata laboris.
 Das patria, quam quisq; colet. quam solus amabis,
 Das tibi. præludunt teneris tua gaudia flammis,
 Et jam sponsus ovans venienti occurrere Sponso
 Ad ripas & transstrâ paras. VVottonia tecum
 Ambulat & Belgæ gaudet comes ire marito,
 Teque suis gestit conjux præferre Britannis.
 Nescit amor populos. nullum generosa Dione
 Discrimen Cyprisque facit. placet omnibus oris,
 Qua placet. & causas odii nec sufficit æther,
 Nec tellus insonsq; locus. cum Thrace suescit
 Italia, cum pulchra se misceat Hellade durus
 Dalmata. non sprevit Phrygiam Briseida Grajus,
 Et Gothus in media pepigit connubia Roma.
 Batis in amplexus Rhodanus, Tagus ivit in aulam
 Sequana dare, tuam. jungunt validissima terras
 Oscula, quas Mavors dirimit. Tu Belgæ Britan-
 Kerchovi securus ama. si limite distat, (nam,
 Si patria, tu stringe duos. jungantur in unum
 Corporibus, tota non jam tellure diremti.
 Non aliter Romanus amat, quam Cantaber, una
 Vis Francum Cimbrumque acuit. si secula distant
 Moribus, at nullum dissentit amoribus ævum.
 Adspice, quam cupidus Te nunc adspiciet ocellis,
 Z. Clara

Clara domo fulgensque suis natalibus uxor,
 Virtutum veneranda parens. quam colligit in se
 Argumenta pudicitia, formamque decori
 Ostentat Catharina tibi. te cernere coram
 Se praebet pietas, nec fidei vultus honesti,
 Et qua sollicitis Prudentia lucet in annis;
 Gratiaque & nullo splendescens forma parata.

Felix sorte tua. Tibi primi prospera lecti
 Gaudia continuant Superi: rursusque beatis,
 At Veneris casta gnaris, absconderis ulnis.
 Quam sapis, & vite solers proscribis inertis
 Otia & ignavas thalamis avertere noctes
 Exemplo meliore doces. Tibi latius ardet
 Luciferi jam stella, & bis sul videt amantii.
 Et quamvis viduo, ferales discutit ignes,
 Promittitque Deos faciles. Sic praemia recti
 Multa capis. comisque tuis lenisque poetis
 Pleetra moves vatium, totoque Helicone rigaris.
 Vixisti nulli gravis. & qua vexit in Aula
 Splendores Fortuna, eadem te fassa minorem est.
 Nec sprevisse Boni studium, nec surgere fastus.
 Frons semper privata manet. licet annuat aequis
 Auriacus, titulisque novos Celsissimus addat,
 Nomina sola tibi servas; sed commoda cunctis
 Distribuis, tantisque audis successibus idem.

Ille tibi saltus Batavum dispersaque Tempe
 Credidit. in mediis magnis Venator arenis
 Ingredieris Triviaeque legis mandata Diana.
 Qua captura feris, qua tempestitiva salutis
 Tempora, quis numero modus & venantibus arma.
 Ille tuis, ubi Mosa maris vomit ostia, nuper
 Subdidit imperiis agri Puttensis habenas,
 Et fasces, Geervlieta, tuos, & proxima Vornæ
 Mania, nobilibus semper regnata Dynastis.
 Ille Tibi faciles aditus & mollia fandi
 Tempora concedit, curasque imperit amicum.

Iam belli, jam pacis opus. Legatus ad hostem
Mitteris, atque humeros patrio supponis Olympo.
Et nunc pro nati thalamo, pro Principe nostro
Verba facis, studiisque tuis spondetur Iulo
Filia regnantis Caroli. sic Anglia nobis
Iungeris, & geminis firmantur federa pactis.

Iam, VVottona, veni. terra bellacis alumnana
Te faciet, quem nupta tenes. spectaberis aulis
Hic etiam, poteritque tuo pro Rege videri
Auriacus, magni Dux oppugnator Iberi.
Quin, VVottona, venis. poteris sic nupta placere
Amelie, & facilis nostris assuescere sensim
Principibus, vatesque tuos ante ora tueri.
En, dominos Hecnolieta suos expectat, & arces.
Purgat lata tibi. qui Te vectabit in alio
Navita, cum Vorna portus terrasque subibit.
Ostendet, quæ rura reges. cum littora tanges,
Stabis humo, cui jura dabis. radetque carina
Imperio vicina tuo, turreſque videbis,
Quas ingressa coles. O quot te Faunus amator
Et lætæ Dryades venientem & noctivagus Pan
Frondibus ornabunt. Nymphaque sub ilicis umbra,
Vel modo sub patula deponent tegmine fagi,
Vel celsis dominam tollent in collibus. unde
Desertos poteris longè spectare Britannos,
Tunc etiam Catharina tuos. sua figit in agris
Signa lepus, gestitque truci mox præda molosso,
Te spectante, dari. Corydon cum Phyllide saltus
Inchoat, & festis resonant arbusta Camænis.
Quin lasciva volet Dryope arridere Menalce,
Leucothoen Daphnis, Nisamq; adamare Marullus,
Aglajam Cephalus, lepidam Syringa Palamon.

At Senior, cui Nassovii Regina Lycei
Septima sæptra dedit; cujus veneranda Tonantis
Canities delibra quatit; cui firma senectus
Fulcit inoffensam, pacato Numine, mentem;

*Prospera præluſtri loquitur præſagia nata.
Et totam te mente capit. niſi fallor, in albo
Verice cygnæos immutat Sponſa capillos,
Et novæ grandævis juveneſcit vulvibus Hebe.*

P R O P E M P T I C O N ,

Ad Ampliſſimum virum ,
I A C O B U M vander B V R C H , I . V . D .
Potentiſſimorum Federati Belgii Ordd. res,
Auguſtæ Eburonum , hoc eſt,
L E O D I I agentem.

I Ungimur in terris focii, ſejungimur illis ;
Quemque ſuo fidam Pyladi ſors unit Oreſtem,
Theſea Pirithoo, mox vaſtis dividit undis,
Et dirimit fortuna duos. divulſa vagantur
Corpora, & hic Merœon, alter tranſcendit Orontem,
Alter ad Arctos & pigros navigat axes,
Alter amat medium Solem, vel torrida mundi
Regna, vel Occidui præcioſa cubilia Phœbi,
Aut Serum extremos populos. diſtinguit amicos
Orbis indivulſus amor. mare, littora, montes
Tranſit, & oppoſitis quamvis ſe ſeparet aſtris,
In puncto coit & centro nos jungit in uno.

Tu mihi Eburonum, Vir conjunctiſſime, terris
Sifteris, & Patriæ deſers mandata potenti
Et nota Latio geni, cum ſigna Quiritum
Sterneret Ambiorix, & juxta fraude Sabinum
Exueret Cottamque Duces. diſjungimur à Te
Montibus, & quamvis longè ſemotus, amantem
Inſequitur te noſtra Fides. En, ambulat unâ
Inter Cyclopum pueros, folleſque fabroſque
Fornaceſque tuus vates. liquefacta caminis
Æra videt procul, & ſonitus incudibus abſens
Excipit & tantis ſe fingit ab ignibus iri,

Et

Et tangi meliore Deo. quæ flamma metallis
 Incubat & duris Martem thoracibus indit,
 Quæque fices formant gladios, tormenta, secures,
 Hastarumque truces apices; ad carmina, Musas,
 Et modulos & plectra cient, minuuntque tumultus,
 Phœbaa sub voce, suos. dum marmora celsis
 Verticibus frangunt dextra, dum saxa figurant,
 Tornatæque novæ spectantur imagine quercus,
 Ardua Pieridum scando fastigia, & omnis
 Sudat in Aonio elinguis facundia clivo.
 Pro saxis plus molle loquar, pro forcipe & armis,
 Pro galeis, imbelles melos. conabimur ipsi
 Vel Brontis Steropisque manus formare poetam.

Quam tua nunc alius decurrunt tempora curis.
 Nec, Burchi, mihi dole vacas. quam nobilis otii
 Et vitæ meminisse juvat. cum Leida loquenti
 Plauderet & magnis opponeret ora magistris,
 Teque suis juvenem Sapientia conderet ulnis.
 Tunc per Natura latebras, cælique marisque
 Terrarumque sinus latis successibus ibas.
 Tunc tibi multiplicis veri cognoscere causas
 Cura fuit, pulchrasque animum diffundere in artes,
 Scrutarique scholas Grajæ. quam Stoa Lycao
 Discrepet & tetricis faciles Zenonibus artes.
 Quantus Anaxagoras, quam sacrosancta Platoni
 Sensa fluant, quæ sint Cynice sat mascula sectæ
 Dogmata, & ancipitis sinuosa volumina turbe,
 Et placitum, Chrysippe, tuum. Tunc redditus orbi,
 Virtutum didicisse choros & munera recti
 Regnantumque modos formasque & dissona regnis
 Iura, fuit studium, atque hominis spectasse decorum.
 Tunc placidis juvit præstans donasse Camænis
 Ingenium, Phœbumque ex ipsa arcessere Cirrha,
 Et sacros vatum latices & Phocidis omnes
 Concussisse Deos, & centum lecta puellis,
 Ereclis toties sacrasse poemata Belgis,

Tunc tibi Casareos jussus, legesque potentum,
 Verbaque jam populis, jam disceptata Tribunis,
 Dictavit veneranda Themis, coetusque togati
 Miscuit ordinibus. stabas pro jure sacerdos
 Astreæ gravis antistes, civilis honesti
 Arbiter. inque Ducum vixisti providus aulis,
 Et tua nobilium testis doctrina refulsit,
 Et castigatis mansueta palatia fecit
 Moribus, Heroumque sagax secreta notavit.

Nunc Patriæ Patribusque, vacas nunc publica scri-
 Nec tuus es minus Aonidum jam sacra moraris, (bis,
 Pro cunctis dum verba facis. cum principe Phœbo
 Suetus sepe loqui, Phœbum, Musasque Deasque
 Negligis, & magni loqueris rectoribus orbis,
 Affarisque duces populi. Respublica, reges,
 Regnorumque vices & castra minantia castris,
 Bellorum pacisque modi, turbata ruentis
 Europa facies, commissaque culmina rerum,
 Iam tua sunt. tibi materiem funestaque præbet
 Argumenta furens mundus, concussaque longis
 Litibus imperia & diffracto federe gentes.
 Scripsisti, quid nupta velit, quid virgo, puerque,
 Mella poetarum & vernantis pabula mentis.
 Nunc Sueones astosque animis in prælia Finnos,
 Adversumque Istri dominum, Bavarique potentis
 Signa notas. quam sint Aquilis vicina Leonum
 Classica, Nassovique Duces. quid Gallia tentet,
 Num tuus à Franco Tungrus discedat & Istro
 Annuat, armorum causas, motusque latentes
 Vestigas, patriæque caves dispendia terra.
 Discedis, propiusque juvas. hæc regna relinquis.
 Nec minus officiis prodes. dimitteris, ut nos,
 Ut Belgas plus civis ames. rediturus abisti,
 Et titulo meliore redux servaris amicis.

Hac Batavi nos lege sumus. prodesse parati
 Deferimus patriæ fines & dulcia rura.

Hunc

Hunc Indus vel Moschus habet, trans aquora missi
 Vadimus, in mediis sedem defigimus Afris,
 Vel longè Rhénus statio est, aut Sequana Belgis.
 Sed cunctos amor unus agit, tutandaque late
 Natalis fortuna soli. sic mercibus, auro,
 Sic Cerere & Baccho, sic sacro thure beati
 Credimur. atque istos inter praeclis agendo.

Hæc tibi ab Amstelii, Burchi suavissime, ripis
 Accinimus. spatii ubi se Cyllenius amplis
 Explicat, & vasti vendit vaga munera mundi,
 Oceanique vias aperit, tot puppibus orbem,
 Classibus ignotos populos, portusque sinusque,
 Et nunquam lustrata prius. Te pulchra Leodi
 Arva tenent. ubi monticolæ industria gentes
 Exercet ferrique labor, multisque Deorum
 Cingeris excubiis. ubi te Mussonius Abbas
 Excipiet doctisq; trahet sermonibus horas,
 Consiliis annisque gravis. Tibi sanctior ordo
 Occurret, sacraque inter tot Palladis ades,
 In venies vulgi indignas garrulibus aures,
 Secretasque malis animas; quæ mollia fandi
 Otia congressusque dabunt, & fessa laborum
 Tempora dulciloquis cupient lenire Camænis.

Nos Tibi gratamur pariter, votisque tuorum
 Ingerimus quoque nostra. tuo subscribit honori:
 Myrdani pater imperii, qui pectore pleno
 Defluit historica felix opulentiæ vena,
 Et jamjam Batavi memoranda exordia belli
 Parturit & tanta scribit molimina scena,
 Iratosque Patres, & nomina dura, Philippos.
 Absentem Zulechemus amat. quin carminis in Te
 Exacuit vim docta manus. Tibi prospera fatur,
 Permiscetque meis Vicforti gratia Musis.
 Nec tali dispar trix caput esse Sinapi
 Prisca fides, veterisque mori consortia vite.
 Sic felix tibi Mosa fluat. sic brachia versent

*In numerum nudi Chalybes, & doctior incus
 Sit versus mensura tui. sic Legia puras
 Fundit aquas vati, caligantesque fodina
 Largius effundant, Batavo presente, metallum.*

MANES PALLASII,

Sive Prænobilis ac strenui Viri,

THEODORI DE PALLAES

à STERRE,

Eq. & præliis adversus Turcarum Impera-
 torem, sub RUDOLPHO Cæsare,
 ac MATHIA Archiduce clari,
 Laudatio Funeris.

Sic pugnasse, fuit decori; cum salva triumphat,
 Et Patriæ stat tuta salus; cum Barbarus hostis
 Pellitur & positis Majestas erigit armis
 A bellis immune caput; cum pressa resurgant
 Oppida & adversæ vim formidare phalanges,
 Et delassatus discit mansuescere Mavors.
 Hoc Fabius Decusque datum. laus ista Metellos
 Tollit & æternis inscribit nomina fastis
 Scipiadum fortesque rapit per secula Drusos.
 Qui furias, Porfenna, tuas compescuit, unus
 Codex erat. Scythici profugum per littora Ponti
 Indomitum pepulit Pompei dextera Regem,
 Et Romam asseruit victrix. sub vincla Iugurtham
 Traxit & Ausonias Marius bellator in urbes
 Signa triumphatis victricia detulit Afris.
 Nec Grajum laus prisca minor, celebresq; per Hellen
 Lysimachus Niciasque duces, Macetumque sarissis
 Intrepidus Perdicca, nec exorabilis hosti
 Antigonus bellicque potens virtute Seleucus.

*Hæc veterum fortuna fuit. neque nostra fatiscit
 Aut illaudatis pigra est Heroibus ætas.*

Successere

Successere pares animis. nec gloria dispar
Martis agit grandes animas, jurataque Fama
Nomina. per seros gliscit Bellona nepotes,
Priscaque Pallasio visa est in sanguine virtus.

Efferimus clari sobolem Mavortis, & illud,
Flebilis emeritum quod bajulat urna, cadaver,
Illustris Diderice, tuum est. si Roma superbit
Tot Ducibus, jactatque sua bellacia terra
Robora, pugnacesque Italus commendat alumnos;
Nos cineri, Dux magne, tuo, nos iusta paramus
Exequiis, tantisque infert praconia bustis
Melpomene, ploratque sui dispendia fati.
Quid Livor malesane fremis? conferre vetustis
Hunc mihi fas Ducibus. Crassos si summa potestas,
Si Syllas suprema vehit; sua pramia passim
Privati meruere Duces. si castra gubernat
Consul & in solo stat Dictatore voluntas;
Plus miles, plus pugnat Eques. Germania plora,
Quem nostra Batavi exstinctum veneramur arenâ.
Et procul hos ipsos affare in funere Manes.

Hic vir, hic est, quem tela inter lituosque tubasq;
Formavit miles genitor. vagitibus ipsis
Imbibit armorum strepitus. sub casside jam tum
Primitias animique dabat documenta futuri,
Et pretextatis audacia luxi in annis.
Mox hastam vibrare manu jaculumque suetus,
Ivit in adversas acies: consistere signis
Et revocare gradum didicit: nunc stringere in arcum
Agmina, nunc laxis eadem diducere campis.
Incessit per castra pedes, juvenisque pruinas
Et rigidas calcare nives, galeaque severum
Sustinuit portare gelu, brumamque rigentem
Lambere & invitis praludere belliger astris.
Agmen agens equitum & fulgentes are catervas,
Ipse alto subvectus equo, vestigia preffit
Intrepidus, turmasque suas modo providus alâ

Explicuit, rursusque globo se continuit Dux.
 Accepit mandata libens, iterumque minori
 Belligerum præscripsit opus. timuitque regentem
 Miles & amplexus dominum est. reverentia major,
 An ductoris amor, dubium. diffidere norat
 Hostibus & solido distinguere praelia bello,
 Gradivumque patrem nisi fallacibus ausis.
 Iam victi, jam victoris, ceus iudice cælo,
 Mutari sine lege vices: nunc utile vallis
 Præcipites inferre manus, nunc claudere castris:
 Nunc latebris excire hostem, nunc fallere silva:
 Nunc ordiri aciem, nunc sustentare labantem
 Auxiliis. Quoties vidit placidissima Phœbe
 Ire per invisa matura crepuscula noctis,
 Rimarique vias hostis. cum Sirius arsit
 Fervidaque excelsa gement tentoria Cancro,
 Fulminea circum conspersus pulvere pugna,
 Abscondit galea caput & sudoribus iras
 Exacuit pectusque minis accendit anhelum.

Nec suasit rabies bellum, nec Martius armis
 Suffecit furor. at Martem ratione probavit,
 Et momenta prius causasque expendit inermis.
 Pallasi, quibus hic animis pugnamus & iris,
 Displicuere tibi. damnata ferocia semper
 Christiadam vesana fuit, quos nomen amicum
 Iungere concordēs poterat, divellimur, eheu,
 Alter & alterius satiamur sanguine cives.
 Cumque ferox posset studiis communibus Helles
 Terribilis vinci domitor. collidimur ipsi,
 Et patet Eoō infelix Europa Tyranno.
 Tu melior, Christi juratum nominis hostem
 Oppugnās, Diderice, tuæque opprobria gentis
 Diluis exemplo. tu religionis amor
 Vorasti bellacem animam, Pietasque coruscum,
 Te pugnante, caput laudato sustulit evo.
 Tunc, pacata domi, sociis Germania sceptris

Restitit

Resistit Euxini Domino, Lunamque bicornem,
 Hele Pontica ferialia signa tizar,
 Cornibus infractis solâ virtute cœgit
 Stare loco; vetuitque gradum proferre superbum
 Regnatorem Asia & patrias incescere terras,
 Imperiique caput, validam sperare Viennam.

Quis per Sarmaticos, bellacia jugera, campos,
 Ivit ovans? quis Pannoniis se proluvit undis
 Danubioque immergit equos? quis moenibus acer
 Institit & pulsas ferratas hostibus arces
 Fregit & Austriaco meruit sub Principe lauros?
 Pallasius fuit. hic Buda sub turribus altis,
 Undique cum densa vallarent signa cohortes,
 Turcicaque Hungaricis instarent agmina castris,
 Fecit iter gladio, mediisq; elapsus Achivis,
 Barbaricas fudit, gavisus Casare, turmas.
 Ille, ubi Regalis se dederet Alba, triumpho
 Et coepta pars magna fuit. quin libera debet
 Canisum Scacabimque Duci. Veprina, Thiana.
 Scambochum, castella suis horrentia portis,
 Hac etiam sunt victa manu. dic, Pestha, labores
 Militis & pulchrum facinus, cum fervida belli
 Ingrueret facies, Turcisque furentibus, ipse
 Mutatis iterum atque iterum pugnare caballis
 Visus, & haud uno labefactus vulnere, victor
 Caesaris amplexu meruit plausuque notari.
 Dic clades, Solymanne, tuas, cum Mora tuorum
 Cadibus irrubuit. dic, Marcomanne, ruentem
 Pallasium, spoliisque exutum insignibus hostem.
 Et fasis reducem retrò cecisse maniplis.
 Hac dextra, Boskaye, cadis. Calissima rursum
 Reddita Caesaribus, nostro Ductore superbit.
 Ultima praeclaris finem Pax aurea bellis
 Imposuit. Patriaeque quies dum parva, resedit
 Gloria bellatrix, gladiosque & signa tubasque
 Atria, pacatque Aula tenere recessus.

Et laudum Famaque satur sibi vixit, & exors
 Militia, Austriacæ retulit præconia lingua,
 Gestorumque graves tabulas. heroibus Heros
 Additur, & præsci veneranda insignia seclī,
 Atque Equitum sublime decus Mavortius aufert.

Nunc procul illustri miles semotus ab Istro,
 Conditur in Batavis. ubi nos bella, altera bella
 Exercent & tuta suis securior audit
 Belgica Libertas Ducibus. Te fama superstes
 Nunc quoque Pannoniis clarum miratur in agris,
 Et potor, Diderice, Savi. quibus exit in aquor
 Faucibus, effundit vestra tot nuncia dextra
 Danubius, timidamque tuis Chalcedona terret
 Ausibus, & vexata diu palatia Thracum
 Principis & magnos Selymi de stirpe nepotes.

Maxime bellator, pulchris involvere gestis,
 Quoque jaces tumulo, rerum monumenta legantur.
 Quique legent Belgæ titulos, pugnasque genusque
 Et proavos, tanto capiant à milite vita
 Exemplar non vile sua, Patriaque focisque
 Invigilent, arisque Deum. de sanguine nasci
 Nobilium laus digna Ducum. plus, ista mereri.
 Qui cineres librant altis cervicibus, ipsum
 Odrysium gestare reor. quæ vestis inumbrat
 Exuvias, tegit Atriden iterumque renatum
 Peliden Turnumque. capit lachrymabilis urna,
 Quem non Austriacæ sedes, non Pannonis ora,
 Pallasii nec terra capit. Quin adspice, in ipso
 Qui suspensa micant calcaria sæva feretro,
 Quique rigent enses juxta, galeaque, minantur
 Post obitum, dirumque vocant ad prælia Thracem.
 It sonipes, guttasque jube abstergit & ipsi
 Præcedit mærens Domino. quam vellet in hostem
 Festinare ferox & despumare dolorem.

Ipse gener, cui se excellens deponit Eliza,
 Iusta facit, sobolisque tuæ suspiria miscet

Sapè suis. parvisque nepos, qui patris ab ore
 Virtutem cognoscet Avi, vestigia jam mox
 Ista premet, similisque volet Tibi grandis haberi.
 Nos quoque, quos tanti fulgor percellit honoris,
 Mnemosyna tot gesta damus. nos busta coronis
 Cingimus, & veteris lachrymas in funere Rheni
 Fundimus, ut flenti longè consentiat Istro.

VENVS TRANSMARINA,

Sive in Nuptias Nobilis ac Magnifici viri,
 D. DANIELIS SCHONKII,
 Domini Poelgeestæ minoris; Et
 Præstantissimæ Virginis,
 ANNÆ IONQVÆRÆ.

S Axonica gentis populi, & tu belliger Albi,
 Cujus ad attonitas sonuerunt horrida ripas
 Classica & offenso crudescit Casare bellum;
 Seu Sueoni cessere Aquilæ, Sueonumque phalanges
 Sublimi cessere Aquilæ, Regumque Ducumque
 Aliernas doluit mœrens Germania clades:
 Iam Pacis dic verba, precor; lituique tubæque
 Immemor, innocuæ Veneri largire parumper
 Otia, funereasque faces flammæque globosque,
 Cypridis immuta facibus. compesce furorem
 Mars pater & blandos thalamis immitte furores;
 Dum meus eximia fruitur complexibus Anna
 Schonckius & totum venis admittit amorem.
 Sic ubi se Thetidi Peleus permiscuit, iras
 Composuit Bellona suas & pronuba Divûm
 Thessalicis latè viguit Pax aurea terris.
 Si Veneri Mavors dedit oscula, basia certè
 Hoc Veneris meruisse reor, ne laderet illam
 Effera Mavortis rabies. descendimus omnes
 A Superis similique decet nos sorte procari.

Milius ingenium est Sponsis, concordia major,
 Inque vicem jurata fides. ruit acer in hostem
 Odrysius, quem nescit amor. sub amoribus orbi
 Vita redit gaudetque novis natura colonis,
 Et secunda sui est. Getico sub Principe marcent
 Rura, foci & pulchra viduantur civibus urbes,
 Et male nubit amans. dudum rubuere cohortes
 Sanguine; nunc molli vadit virguncula gressu,
 Et lecti spe tota rubet. sic dispare fato
 Gradivi parvis & Paphis pugnatur in armis.
 Non mihi jam vel castra Ducum vel Caesaris aulas,
 Vel procul Arctoo missas à sidere gentes
 Calliope cataphracta refer, non subruta flammis
 Oppida dispersasque acies. novus exit in Albim
 Et spretis Batarum populis hic ardet amator,
 Stormariæque fidem gaudet jurasse puella.
 Nunc thalami memorare jocos & basia fas est,
 Et faciles in amore oculos & murmura amantum,
 Verbaque, moroso quamvis, recitata Catoni.
 Da speculum Citherea mihi, dic pectinis usum,
 Dic zonam, quam solvet Hymen. dic flammea, peplos,
 Dic chlamydes pictasque togas. da tela Cupido,
 Da pharetras. hac apta magis sunt nomina nuptiis,
 Hæc tua sunt, pharetrate puer, matrisque voluptas,
 Sponsorum decora & blandi instrumenta laboris.
 At mihi quis vidui damnare incendia lecti
 Audeat, & vitio repetitos vertat amores?
 Exemplo dum, Sponse, prais. en altera lectum
 Irradiat Cytherea tuum, fax altera, tædæ
 Illuxere novæ. veteris vestigia flammæ
 Nondum abolere dies potuit. progressus amanti est,
 Atque artem naturæ facit. plus, rursus amando,
 Discimus & tantis bis Sponsi adsuescimus ausis.
 Virginitas quàm multa timet, quàm vana pudoris
 Argumenta capit. viduo fiducia major,
 Plus solitis animosa jocos. mens gnara cubilis.

Conjugis officium, quid turpe, quid utile, quid non,
 Et momenta thori captandaque basia novit
 Rectius & docta mulcet ratione maritam.
 Ivit in Æneæ amplexus Lavinia conjux,
 Cum viduus Trojani erat; raptaque Creusa,
 Itala quo distet Phrygiis discrimine mater,
 Perdidit. magnum Æneæ de sanguine nomen
 Huic etiam Casus potuit succumbere culpa.
 Atque novos domina Veneris sensere furores,
 Terrarumque marisque duces. quàm femina res est
 Omnipotens. fluctus ultra fluviisque lacusque
 Poelgeest & raptat Dominum: Batavisque remotum
 Sedibus, immiscet mercantis coetibus urbis,
 Et rursum Sponsi titulis illustribus ornat.
 Hoc, longuèra, facis. dum Rheni ripa bicornis
 Sordet amatori. tuus est, qui poscitur, Albis.
 Hic habitas spes tota viri. per flumina, terras
 Impavidum transvexit Amor. tu blandula pennas
 Remigumque dabas & amicum calcar eunti.
 Iam nivei mores, jam docta gratia lingua,
 Iam patria fortuna domus, jam stirpis honores,
 Et probitas tenerique decens reverentia sexus,
 Grataque simplicitas, obversabantur amanti.
 Talis ad illustrem superatis fluctibus Herum
 Ivit Abydenus puer & per vasta profundi
 Repperit in mediâ Theseus Minoida Cræta.
 Sed nova res. dudum in Geminis Cancroq; Cupido
 Arsit amans, auxitque suas sub Virgine flammæ
 Ut flammæ vim flammæ daret. nunc frigora flam-
 Parturiunt, ipsiq; queunt caluisse Decembres, (mas
 Et qui brumales effundit Aquarius undas.
 Ecce Dionæis uruntur corda favillis,
 Et Veneris nunc gliscit opus. dum Cynthius annum
 Inchoat & veteres repetit per sidera cursus,
 Schonckius orditur genialis gaudia lecti,
 Et gelido sub Sole calet. cum mensibus uri

Incipit, atque illos numerans numerabit amores.

*Vt sensit Poelgeesta faces & federa quæri
 Conjugiique decus Domino, sic esse locuta
 Creditur: Auspiciis propera felicibus, & te
 Incolumem deducat Hymen. non vestra columba
 Murmura, non hederæ amplexus, non oscula concha
 Exsuperent. tot funde nova de matre nepotes,
 Quot tua fecundis cinguntur pradia terris,
 Quot tua vicinas spectant palatia turres,
 Aonidumque domos & condita culmina Phœbo.
 Absenti tibi spumat equus, dominumque quadrigæ
 Exspectant celeresque rota. mox Vere sub ipso
 Fundet ager flores geminis. hortique virebunt
 Latius & placidis spirabunt flatibus Euri.
 Tunc te magna Pales socia cum conjuge fessum
 Excipiet multoque adsperset gramine Sponsam,
 Flora caput cinget violis myrtoque rosæque,
 Vt possit placuisse magis. tunc rustica Phyllis
 Cum Corydone suo steriles proscribet amores,
 Et cupiet festiva loqui. pulcherrima Najas
 Pulsabit liquidas tot cincta sororibus undas,]
 Ceu Rheno nuptura seni. venabula, casses,
 Aptabit Diana tibi, leporesque cavernis
 Excibit vis gnara canum. tunc æthere ab alto
 Icta cadet per te volucris. vel dedita fossis
 Improvisa sui plorabit tempora fati.
 Tunc celebres nuptæ monstrabit Leida magistros,
 Socraticasque togas, bellacisque ostia Rheni,
 Et turres, Engiste tuas, miraberis, Anna,
 Oceani grandis spacia & quæ littore in illo
 Merguntur Latius struicta ductoribus arces.
 Plus poterit placuisse tuus, seu basia figet
 Intrepidus, seu blanda loqui facundia tentet,
 Sen toties vati lucas donabit amico,
 Et non fucato miscabit dulce se vero.*

Sic visa est Poelgeesta loqui. post rura, domosque
 Nos

Nos etiam, Schonki, geniali applaudere lecto
 Fas erit, & totum Cyrrha deducere Phœbum,
 Et thalamis inferre Deos, Veneremque Iovemque,
 Latitia risusque Deos. Nos, numine lævo,
 Dulcia concordis nescimus gaudia lecti,
 Nec facilis Lucina mihi est. tibi mordet arenas
 Anchora, & optato requiescit cymbula portu,
 Et gaudet securæ sinu. procede secundis
 Auguriis, ingens thalami trans mitte profundum,
 Atque inter scopulos & inhospita saxa carinam
 Dirige. sit tibi Tiphys amor, cynosura nepotes,
 Flabra joci, antenna Charites, prudentia clavus.
 Mox Batavos invise tuos, & præscia partus
 Non periisse tuum monstret Ionquera laborem.

E P I C E D I V M,

In obitum Reverendi Clarissimiq; viri
 D. M. SIMONIS EPISCOPI,
 Ecclesiastæ & S. S. Theologiæ in illustri
 Batavorum Academia ante hac
 Professoris dignissimi.

P Recessere Ducum mortes & grandia dixi
 Funera & illustres obitus clarumque cadaver
 Pugnantis pro Rege animæ. peregrina locutus
 Damna sui & fractis Richeli cervicibus, axes
 Nutantes Druidum & socii dispendia regni.
 Tunc habuit regalis apex, quem luxit, & ipsi
 Sanctior in Latio defleta est purpura Tybri,
 Attonitamque procul concussit Sequana Romam.
 Nunc propior me luctus habet, tituli que minoris,
 At sacri tamen, exuvias, metuendaque Roma.
 Nomina deflemus Batavi. jam lata Quiritum
 Exultat domus, Ausoniis dum partibus acer

Cessit

Cessit Episcopus, Tiberique hæc gaudia sola
 Morte facit, Dominam chartis qui terruit Urbem,
 Et vixit tibi, Roma, gravis. mutata malorum
 Scena patet, nostrisque incumbens pallida terris
 Devotum tibi, Christe, caput, cœlique ministrum
 Subduxit Libitina suis. non sceptrâ Ducesque
 Ad tumulum cineresque viri deposcimus. aulæ
 Funereos nolo strepitus pompasque potentum,
 Et quicquid fastu tumet & se polluit ostro.
 Incedat fluidis mœrens Ecclesia vittis,
 Et pallam funesta trahat. Vos ordine cives
 Ite, quibus toties cœlestis nuntia vita
 Insonuit tuba, & æthereâ validissima causæ
 Buccina. nunc miseris, nunc peccatoribus urnam
 Tollimus, & spretas mundo submittimus umbras
 Exequiis, trahimusque Dei post busta cohortem.
 Sic ubi flammiferis Thesbitem auferret Olympus
 Curribus & tanto infelix Iudæa magistro
 Orba foret, stupuere patres, ploravit ademptum
 Isacides, raptoque seni pars optima gentis
 Indoluit luxitque virum desertus Eliseus.

Ipsa rogam tangens Pietas, sic fatur : in illis
 Exuviis sum fassa Deum, partæque salutis
 Grande opus & magni cunas & funera Christi,
 Calcataeque domos Erebi. non terruit illum
 Impietas sedique furor, nec nixa priorum
 Lege superstitio aut veteris constantia falsi.
 Sola fidem fecit scripti fiducia veri,
 Nec dubia Superum voces & prodita cœlo
 Religio, & validis spes imperterrita vatum
 Eloquiis unoque Deo doctore triumphans.
 His latuit Pax exuviis, litesque perosum
 Pectus, & hæc sœtū populis credenda fateri,
 Quæ cunctis sine nube patent : his legibus orbem,
 Sic coisse pios : sic sanctis federa nequi,
 Nec placitis dirimi socios : ea bella vetari,

*Quis regnum sibi quisque struit : decretaq; templis
Vult inferre ferox, non persuadere modestus.*

*Hæc docuit, qui noster erat. quin regula morum
Tarsensique diu descriptus Episcopus, orbi
Hunc dedit exemplum, partesque implese docentis
Credidit & summum factis monstrasse Tonantem.
Ista sacrosanctos inter Facundia cœtus
Detonuit, potuitque animos fregisse rebelles
Adversosque mihi. nihil est, quod diceris, Orpheu.
Agrestes homines sacer interpretsque Deorum
Avertisse fero cultu, fidibusque misellam
Eurydicen stygiis olim rapuisse tenebris.
Hic sacer interpretes Batavum cœlestibus urbes
Vocibus implevit. visum pallefcere quodvis
Crimen & improbitas dictis percussa severis
Horruit & sacrum timuit vesania fulmen
Et tonitrus, Vir clare, tuos. mutata fuere
Pectora peccantium; castigatique furores
Subsidere malis. sic quondam condidit arces
Amphion fecitque bonas, majorque refulsit
In terris virtutis honos. audivimus oris
Optima verba tui, cum te vis docta loquendi
Per voces raperet, populo plaudente, Beatas,
Tantaque mirandos caperent oracula sensus,
Tunc felix tibi pauper erat. solatia mœstis
Pulchra dabas. mihi tellus promissa fideli est.
Cœlica dos justo. mundis angusta verendi
Ora creatoris. summi clementia Patris
Vindicibus misera gentis. tunc pacis alumnos
A Superis cœloque genus traxisse docebas.
Hoc memini, stupuisse mihi ceu cœlitus ictum
Pectus & adductis intus collisa fuisse
Viscera visceribus, cum tot discrimina, cades,
Fataque sanctorum atque insonitis barbara turba
Supplicia infandumque pius renovare dolorem
Orsus eras, Regumque iras & bella referres*

Ardius & pavidis sanctorum incendia flammis.

*Quantus erat fervor cupido, quis zelus agenti
Res hominum causasque Dei. sit Rottera testis,
Et quæ rura tibi debent exulta docenti,
Officii que modos à te didicere magistro.*

*Quàm subit illa tui quondam Doctoris imago
Rhene pater. cum tot juvenum stipante caterva
Iret & in mediis Batavorum invictus Athenis,
Affereret veri partes, perplexaque Graiùm
Dogmata, Palladiæque aptaret pramìa fronti.
Publica cum celebri inferrent mandata Lycæo,
Diffudit se fama viri. tunc Belga, Britannus,
Pannonius, potorque Savi, collectaque pubes
Undique, fatidicæ veneranda arcana Minervæ
Hausit, & æthereas scrutata industria voces
Agnovit gavisæ Deum, & servantis Olympi
Robur adorandum & venturis abdita sedis.
Errori præclusa via est. erepta Sophistis
Arma, dolique omnes isto sub vindice dudum
Et latebræ patuere. stetit munita valensque
Illo præceptore Fides. perque ardua rerum
Præcipientesque ævi salebras nos intulit astris.
Ille per adversos Patriæ sine crimine fluctus
Tutus iit, mediisque insons caput extulit undis,
Exilioque redux, magna se reddidit urbi,
Quæ fuerat natale solum. nunc plorat ademptum
Civis Episcopium, & non pasci vocibus istis
Se dolet, attentasque frui sermonibus aures.*

*Hic cineres caput urna tuos, Vir maxime; sed te
Laxior orbis habet. spatiis non clauderis illis,
Queis diffuse jaces. quavis in mente tuorum
Conditur urna tibi. tecum doctrina vagatur,
Et quæ se vis ingenii, memorabile nomen
Explicat, & placidos extollet posthuma manes
Posteritas, dicetque suis: jactamur amici
In terris, mediosque sibi secunda per ignes*

*Mens & causa gradum faciunt. innoxia gliscit
 Simplicitas, curatque parum, cum conscia recti est,
 Se mundi mactari odiis. si terra negatur,
 Insonit cœlum omne patet. non exulat orbe,
 Quem pars orbis habet. patria est, ubi vivere forti
 Posse datur. non templa piis, non limina desunt,
 Virtutum cum templa sumus. sat magna coimus
 Agmina, cum se sancta probant. sociamur in unum,
 Nec sumus avulsi fratres, quos unius omnes
 Spes vita melioris agit, quos alligat uni
 Rerum summa duci. diversi coetibus imus,
 Sed Christo monstrante viam. discordia partes
 Sola mente facit; sed quas coalescere tandem
 Suadet amor, Roma metus & vix pulsa tyrannis,
 Partaque concordie libertas aurea regno.
 Hæc voluit, cuius nunc officiosa feretrum
 Pone sequor. talis potuit placuisse Tonanti.
 Dixerat hæc Pietas, & cœlo debita mater,
 Dum præclaram animam cognatis inserit astris,
 Has veteri jussit lachrymas me flere sodali.*

I N N V P T I A S

Amplissimi viri,

D. IOHANNIS vander MEYDE;

Rotterodamensium Consulis; Cum
 Præstantissima Virgine,

CONSTANTIA BARTELOTTA.

*V*icta ruit, tandemque cadit Constantia verbo,
 Et patitur mansueta virum. generosa fatiscit
 Virginitas, nec tanta sibi jam nomina constant
 Ulterius, vocesque graves blandissima frangunt
 Oscula, magnanimique labat reverentia dicti.
 Scilicet excellens tot retrò secula Virgo

Cogi-

Cogitat, & non vult primævis matribus esse
 Dissimilis, vel sola sibi sapuisse videri,
 Post Saræ thalamos, tactasque ab amore Rebeccas,
 Post Adas Sillasque & prisca vocabula Laas,
 Quæ sitamque diu rara mercede Rachelem.
 Sensit inexpertis accendi pectora flammis,
 Et procul ex ipsa nascentis origine mundi
 In neptim transire faces; quo sanguinis usque
 Pertingit series, etiam pertingere amantum.
 Quæ Deus innocua dixit secunda parenti,
 Audiuit sibi verba loqui; latuitque sub illo
 Bartelotta sinu, qui matres edidit omnes.
 Quæis pater humani generis complexibus Evam
 Ambuit, implicuit cunctos natura nepotes,
 Et costæ pars quisque fuit. sub risibus istis
 Risimus, & quicquid patres, nos fecimus ipsi.
 Arsimus his lumbis pueri, didicitque procari
 Posteritas. medios etiam, tu Sponse, per agros
 Fortunatorum nemorum, cum conjuge sponsa
 Ivisi, viditque tuos tunc Lucifer ignes,
 Præsentisque thori Superis prælusit imago.
 Ad Tigrim Paradisus erat. nunc Rottera ab illis
 Incaluit longinquus aquis, occultaque subter
 Semina conjugii socium diffudit in Yam,
 Mudanosque latens invasit flamma penites.

Convenere domus digne, fascesque durarum
 His nubunt pulchrè thalamis. in Consule sponso
 Vult gravis esse Venus, Satrapasque immiscet amor
 Terribilem Astrææ faciem, & peccantibus enses
 Ostentat pœnasque mali. divisa potestas
 Iungitur amplexu, & populi rectoribus aque
 Annuit & lata subridet fronte Dione.
 Quàm faciles, Meydane, Deos expertus amasti.
 Quàm favère Duces Batavum. dum Cypridis aula
 Sollicitat tibi faustus Hymen myrtoque coronat
 Tempora. Nassovius magna te præficit urbi.

Recto-

Rectoremque facit. pariter concurrere honorum
 Vidimus & lecti titulos, partesque voluptas
 Majestasque suas obiit, dictusque magister
 Civis, Acidaliæ submittis frena magistra
 Et Paphon agnoscis dominam. dum Cypride plena
 Emollit rigidas tua Bartelotta secures,
 Et trabeas peplo recreat vittaque Senator
 Frangeris & tepido subsidit Curia lecto.

Non Indo præfectus amas dare jura remotis
 Gentibus, aut pandis laxas jam vela carinis,
 Memnoniasque domos calidique palatia Phœbi.
 Concilii pars magna regis. totum exigit uxor,
 Et ducenda domi conjunx. narrantis ab ore
 Fortè procul sponsum poterunt te scire Molacce,
 Nominaque in tabulis scribet genialia Tiphys,
 Et virides alta suspendet puppe coronas.
 Non Batavum diffusa tuis æraria curis
 Erigis & grandes numerat solertia census.
 Una tibi ad numerum satis est. rationibus una
 Inclusa est nunc Virgo tuis hæc sola superbas
 Æquat opes, numerosque & summas colliget udis.
 Basiliis, atque illa volet numerare maritum,
 Deliciasque thori gremio confundere in uno.

Adspice, quam pronis tua te Respublica votis
 Excipiat, signetque novis successibus annum.
 Quam sibi securos promittat navita portus,
 Te Patria moderante ratem. nos plausimus ipsi.
 Dum tibi continuo decurrit Consule stemma,
 Et proavum sine labe decus nunc esse nepotis
 Scimus, & in sobolis vultu regnare parentes.
 Næi adum festiva cohors ad flumina Mosæ
 Ludit, & illimi lemniscos conficit alga,
 Cunctaque virtutum notat argumenta tuarum.
 Et Sponsa recitat Veneres; quæ gratia dictis,
 Qualis in ore lepos, quam grata modestia morum,
 Quam formæ venerandus honos; & nescia fuci

Sim-

*Simplicitas, quàm femineas exculta per artes
 Vivida mens, & gnara sui natura decori.
 Ecce tuum præstans juxta matrona cubile
 Tessela stat, loquiturque gravi præsagia voce,
 Atque oblita sibi commendat basia vobis.
 Illa Camænarum decima est, & sola virile
 Provocat ingenium vestrisque illustria tedis
 Verba canit, viduaque putat plus posse favorem,
 Cum vidui transcendit epos. sic ludimus unà
 Versibus, & grandes studiis flagramus in æstus.*

*At Domus audacis fato celeberrima Velsi,
 Et vinclis, Dux magne, tuis, vos latior ambos
 Respicit & mox venturis penetrabilia nuptis
 Pulchra aperit, Brutumque cupit spectare graviſque
 Conjugis os, læsumque semur, fideique jugalis
 Laudarum specimen, veteris miracula Roma.
 Creditur auditum murmur, Velsique latentem
 „Errantemque istic animam dixisse: Batavi
 „Si cessere Ducis saltus, tu sponse viriles
 „Auspiciis ordire aliis; si Principis ultor
 „Flagitiique fui, meliori Principe nubat
 „Machtildis Mudana tibi. Quin Flevus amicas
 Sternit aquas, Vechtæque cupit placabilis ire,
 Et cunctos circum succendit amoribus agros.
 Ut sociam poscat Progne, ferventior Isis
 Irruat in Venerem, pascentes impleat agnos
 Dux gregis, ut mediis gliscant in fluctibus ignes,
 Squamigerumque genus madido consuescat amanti.*

*Scilicet in Geminis Sol est. cum Castore Pollux
 Ardet, & in terris geminos, flagrantibus astris,
 Iam sponſos facit, ut geminos deducat ab illis.
 Crescite felices thalami, vestrique fovete
 Spem generis, trabeasque inter fascesque nepotum
 Patritius succrescat honos. dumque ibit in aquor
 Rottera, dum celsæ stabunt fastigia turris,
 Et rutilo vultus verè sapiens Erasmi*

*Ære perennabit, poteritque hoc cernere Livor,
Præstet inoffensos sobolis prudentia cives.*

V I S V R G I S L A C H R Y M A N S,

*Sive Nobilissimi, Amplissimi, Pru-
dentissimique Viri,*

D. NICOLAI à RHEDEN,

*Liberæ & Imperialis Bremensium Rei-
publicæ Consulis Laudatissimi
Laudatio Funebris.*

Q*ua toties nostris misces commercia terris,
Et formidata Hesperiiis, tranquille Visurgi,
Concilias hac regna tibi, Batavumque po-
tenti*

*Imperio & sociis gaudes adsuescere Belgis;
Has lachrymas confunde tuis, & Consule in uno
Communes precor esse velis ad busta querelis.
Qui lucris persæpe tuis, nunc Amstela damnis
Afficitur, tantoque dolens in funere plangit,
Surreptosque tibi deplorat præfica fasces.*

*Non Regum jam fata queror, non vulnera, cedes,
Non tumulos, cineresque Ducum, non horrida
Martis*

*Castra sequor vates, cuneisque immixtus & armis
Teutonico mœrens calamos in sanguine tingo.*

*Te sequimur, Rhedene pater, dumque altior astris
Eveheris, nostroque pius subduceris Orbi,
In coelos mea te pietas comitatur euntem,
Quasque habet exuvias tellus, hic posthuma deflet
Calliope; toto quamvis rectore potiri
Mallet & in medio dicentem audire Senatu.*

A a

Te

Te cives coluere tui, patriaque parentem
 Brema diu venerata fuit. dedit illa, Senator,
 Natales angusta tibi, teneraque iuventa
 Flexit iter, magnisque animum virtutibus olim
 Imbuit, & felix per te crescentibus annis
 Visa fuit, seque illustri iactavit alumno.
 Imperii micuere nota; poterasque regenti
 Ante diem credi similis, generosaque gentis
 Nobilitas pulchri titulis fulgebat honesti.
 Sumebas a stirpe decus, splendorque parentum
 Calcar erat. nec degenerem, Vir summe, volebas
 Esse tuis sobolem & proavis differre nepotem.
 Tunc populis exempla dabas, & civibus ibas,
 Majorum pietate, comes, doctasque per artes
 Raptabas studiosum animum; & quæ scire volebas,
 Venturos patriæ prudens servabat in usus
 Sedulitas, casusque quibus Respublica posset
 Ista quati, longè jam tum mens provida vidit.
 Sic Cyneam studuisse reor, sic Nestora cunctas
 Regnorum didicisse vices, quid turpe, quid aptum
 Gentibus, & quibus attollant se sceptrâ ruantque
 Consiliis, quæ pacis opes, discrimina belli,
 Et quæcunque forent terris præcepta regendis.
 Sic grandes patuere Scholæ, & prudentia sumsit
 Incrementa foris. poterat tibi Belgæ placere
 Noster, & hæc totum precio quæ distrahit Orbem,
 Urbs, Batavi regina soli. Vogelaria cum te
 Excepit, fovitque domus, fidisque paratum
 Nomen amicitia studiis, venerabile vobis
 Sincerumque fuit, nec in ipsa morte remissum.

Dum misera assiduus teritur Germania bellis,
 Hinc Sueones, hinc signa movet contraria Caesar,
 Et circum prævidis incumbunt castra Cheruscis,
 Neuter agis causam & securâ pace tuæris
 Oppida, nec rixis infers civilibus urbem.
 Tu facilis, tu lenis eras, tibi nescia fuci

Simplicitas, gratique omni sub sidere mores.
 Non te turpis avarities, non subruit auri
 Sacra fames, foribusque latens vindicta potentum.
 Te mitem sensere humiles, rigidumque rebelles,
 Gloria demissum stupuit, constantia rectum.
 Sobrietas in te Curios laudata renasci
 Vidit, & antiquam gravitas non ficta Catonem,
 Attilium jurata fides. quàm grata loquentis
 Suada tui, & duras sermo qui flecteret aures.
 Invitum deprendit honos, & raptâ per omnes
 Te vexit fortuna gradus, laudumque theatris
 Intulit & patrias ultro concessit habenas.
 Tunc cœtus viguere pii, te Praside, & ipsum
 Templi Deum timuere magis. risere Camœna,
 Et toto melior sonuit Doctrina Lyceo.
 Maxime vir, vix summa tuæ fastigia laudis
 Radimus, & timidas lassant præconia Musas.
 Nec par Chirra tibi est. qui publica commoda rexti,
 Tot privata refers. meritis in ætibus æther
 Annuit & vitæ facili largissima donat
 Munera, fecundosque thoros. quem gratia totum
 Formarat, deinxit Hymen; & prole beavit
 Non una Lucina favens. nupsere sorores,
 Triga decens Charitum, spemque explevere nepotum,
 Nec minus in natis, genitor Rhedene, superstes
 Vivis adhuc, totidemque à te deducis avitæ
 Munimenta domus, & queis insistere Brema
 Possit, & una sui causas committere fati.
 Iam felix terris sublimior adspicis illas,
 Et conculcatos mandi mens ardua fastus
 Spernit, & alterius spectas moderamina sceptri,
 Restoremque Deum. jam Christo plenus honorum
 Summa tenes, cœlique tibi nova gaudia præcos
 Discutiunt, morbo non hic vexante, dolores.
 Luget Mitra decus tantum, clausamque sepulchro
 Canicem dignumque capit. tot pulpita squallent,

Doctorem perculsa sonis. quin vindice Pallas:
 Orba suo, passis querit in funesta capillis,
 Indicitque moram studiis. cœlestia luctus
 Verba loqui, sacras venerando in funere voces
 Fundit & exacta laudes & pondera vitæ
 Colligit. assertas illo sub Consule leges
 Laudatrix Astræa refert. decedere patrem
 Civis ait, dominumque simul. tumultoque sub uno
 Rectorem clamat populi seseque recondi.
 Parcius Aoniis manant è fontibus undæ,
 Quas dolor absorbet. Brema vicinior Albis
 Condolet & socias implet singulibus urbes.
 Inque mili partes Amasin rapit. ipse remotus
 Amstela, me cunctas iussit deferre per oras
 Nuncia, & insignes fastis inscribere mœnes.

Vos veniam date Bremenses, si carmina vestris
 Sustineam sacrare togis. Vos matris habetis
 Ossa mea, charasque tegis, pia Brema, sorores,
 Ut vates jam sponte loquar. dum misceor istis
 Funeribus, subeuntque animum tot busta meorum,
 Fas puto me vestri cineres tumultumque vereri
 Consulis & gratas vobis impendere voces.
 Tuque adeo tanti soboles generosa parentis,
 Tolle facies recti, subductaque lumina nobis
 Reddite, magnanimoque pares succedite patri.
 Sic fauceat vobis paribus respublica votis,
 Floreat Vrbs regnetque diu: sic mœnibus istis
 Arceat hostiles Superum clementia dextras.

Illustrissimo ac Generosissimo
Domino,

D. BOVTHELLERIO,

Comiti de Chavigni, Christianissimo Regi
à Consiliis & secretis.

Tristes quarelas Gallia gemiscentis,
Regisque voces Purpuræque lamenta,
Feriale funus Eminentis Armandi,
Cecidi Chavigni. Cardinalis extincti
Arcesso manes, quem superstitem dixi.
Dum templa, turres, porticusque Gallorum,
Aula, Lycea, busta Principis lugent,
Dum grande lumen occidit tuis terris,
Et Universi cymbalum loqui cessat,
Et iste Titan Celta factus est Vesper,
Nefas putavi elinguis esse defuncto,
Et non dolere tot dolentibus regnis.
Sed Francus ista mæstus ingemit clade,
Sed Belga noster, sive lugeat Rhatus,
Vel Allobrox vel Itali soli civis,
Castrisque Texto saepe regis victor.
Nos bella, lauros & trophæa venturo
Narramus ævo, & maximi Ducis nomen
Et vim sagacis ingenii, & relictantem
Animum procellis, acre pectus adversis,
Fidele Regi Liliisque juratum,
Oculis legenda obtrudimus malignorum.
Comes verende, Francia tua splendor,
Qui pondus humeris sustines Atlantæum,
Regique propius faris & Iovem tangis:
Qui consulentem sæpius, Bothellieri,
Fractumque curis consulendo juvisti.

*Cervicibusque ingentis imperi molem
 Vna tulisti, & his laboribus perstas,
 Has lachrymas, hos Vatis exteri questus
 Dignare venia, & debitos Duci plandus.
 Sic te, Chavingni, fata purpura servant,
 Sic vive Gallis patriaque consultor,
 Si me tuere, quem dolor Camænarum
 Amorque Magni flere jussit Armandi.*



C. B A R L Æ I

P O E M A T V M

H E R O I C O R V M

L I B E R I V.

Sive Poëmata, quibus illustriores Nuptiæ,
à Nobilissimo viro

D. I A C O B O C A T S I O,


Eq. & Hollandiæ Syndico Belgicis
versibus conscriptæ,

hic

Latino Carmine celebrantur.

A a 4

P A R A.



P A R A D I S V S,

Sive Nuptiæ primorum parentum,

A D A M I & E V Æ.

Humanum genus ex uno, populumque
 potenti
 Progenitum genitore carnem, thala-
 mosque facesque
 Quæ summo placuere Iovi, jurataque
 cælo.

Fœdera, & æthereis accensos sedibus ignes,
 Autoremque Deum, & magni sponsalia mundi.
 Hic Venerem prævertit amor, Cyprumq; Gnidumq;
 Et curas, levis Ida, tuas, altamque Cytheren,
 Lucinaque graves voces, metuendaque matri
 Pignora, difficilesque thoros. Cum fabula nondum
 Facta fuit Samos, & tenera lasciva Diones
 Regia, & ardentes genitali in limine tædæ,
 Et facibus prælastris Hymen, & pronuba Iuno,
 Idaliusque puer. cum nondum gæstra pudoris
 Virginitas primo occurrat secunda marito,
 Et nulla capidum fregit formidine votum.
 Dulces conjugii tabulæ, grandævaque puerum
 Vincula, & humana sancta incunabula gentis,
 Scribite me sociam præscis rectoribus orbis,
 Et nexu vincite pari; me involvite totum
 Ignibus; &, sero licet, adspirate nepoti
 Patrios animos, veteresque arce sitæ flammæ;
 Dum Superum decreta loquor, fœcundaque pando
 Gaudia, & ex uno nascentes sanguine sponfos.
 Huic thalimo, quodcumq; sumus, debemus amantes;
 Vrimur exemplo soboles, cupimusque procantum
 Officio, cum lege, frui. quæ bætia cuncti
 Figimus, hi docuere pueres. amplexibus istis
 Hæsimus; &, quam vis tantarum nescia rerum,

In cœusis ventura suis stetit omnis & arsit
 Posteritas, voluitque viro consuescere virgo
 Posthuma, nec superesse sibi. mens altior ambos
 Vniit, & dominos grandi sub Numine jangi
 Adspexit natura suos. insania non est,
 Sed titulus sapientis amor. sublimius illi
 Principium, celsisque furor defluxit ab astris.
 Quin genitrix hominum rabies & amica voluptas
 Nos agitant, agitante Deo. sub Præsede tali
 Nubitur, auspiciisque haurit cœlestibus ignes
 Quisquis amat, multumq; gravis reverentia lecti est.
 Tu motus, A D A M E, tuos, primique furoris
 Molle rudimentum & casta præludia sponsa.
 Et thalami secreta aperi, cum nullus adulter
 Incestare thorum potuit, nec pellicis astra
 Peccavere viri. nec luxuriosa procorum
 In te turba ruit: cum, solum tuta duobus
 Conjugibus, primæva fides tot nomina prævi
 Nescit, atque una vultum defixit in E V A.
 Et tu patre Deo felix, sine matre virago,
 Nullius, sine fratre, soror; pars altera mundi,
 Pars eadem surrepta viro, pars reddita rursum,
 Dirige me, veneranda parens, & semina rerum
 Damnatumque Chaos, fœdisque erepta tenebris
 Tempora, gavisumque tuis natalibus orbem,
 Conjugiique expone modum. Tibi clarius arsit
 Luciferi tum stella recens, fulsere serena
 Plejades, Arctophylaxque tuo consensit amori.
 Quæque Ariadne meruerunt astra coronæ
 Prospera in illustrem vibrarunt lumina sponsam,
 Et lusus fovere tuos. Tuque ætheris alti
 Terrarumque potens opifex & conditor ævi
 Summe Deus, sacro præcordia concute motu,
 Et tua quas nostris leges sapientia flammis
 Præscripsit, Pater alme, doce; quo concitus æstro
 Prima maritali concussa cubilia gressu

Presse-

Prefferit, & valida quondam libaverit Heros
 Oscula consorti : quo percita nubilis uxor
 Numine, magnanimo sese submisit amanti,
 Robustumque latus tetigit. mihi, Cyrrha, profanas
 Claude domos. nec enim me sacrosancta moventem
 Sollicitare Deos, Pataraque avertere Phœbum
 Fas erit ; ite Deæ Libethrides, ite Camœna,
 Et toties nobis faciles Heliconis alumna.
 Nunc vobis ignota loquar, tripodumque ministris
 Non audita prius. non jam levis ungula colles
 Percutiat, Pimplamque mihi & Parnassia fundat
 Flumina, non solitis me proluat Hippocrene,
 Non Pallas, non Phocis aquis. mea largius, Heden,
 Labra riga, fontesque tuis extrude disertos
 Collibus, & medio demerge in Tigride vitem,
 Assyriosque mihi latices, vallesque reclude
 Fortunatorum nemorum, latisque reponere
 Sedibus. ad viles dudum demissa labores.
 Tota salutare mens imbibit entheæ curas ;
 Cultoresque tuos binisque habitat a colonis
 Rura canit, lætisque decus venerabile cœlo
 Imputat, & dulcem terris impertit amorem.

Dispulcrat deforme Nihil, mersamque tenebris
 Congeriem, formasque rudes distinxerat autor.
 Et facies nova rebus erat. flammantia mundi
 Mœnia, sidereasque domos, expansaque vastis
 Atria fornicibus, distinctosque orbibus orbes
 Solvebat proprios vis indefessa per axes.
 Ibat, & insolitos lampas Phœbeia currus
 Raptabat per signa ; diemque opponere nocti
 Coeperat, & gratas populis promittere luces.
 Cui comes instabiles velox Dictynna quadrigas
 Nocturnis fledebatur equis ; sed lumine nondum
 Orba suo, nec passa vagi discrimina vultus,
 Intrepidum sulcabat iter. radiantibus astris
 Hic madidas Hyades, illic sicci ora Leonis,

Hic Cancri chelas & tardi plaustra Bootæ
 Addiderat, propiusque polo suspenderat Arcton
 Majestas augusta Dei. Depressior illis
 Ignea securam radebat machina Phœben.
 Quam subter gremio immani circumfluit aër
 Ampla procellosi lambebat tergora ponti,
 Inde cavis passim captivum anfractibus aquor.
 Ultima concreto subsidens pondere tellus
 Stabat mole sua, & nullo tibia sine fulta,
 Librabat vastos solidis compagibus artus.
 Cernere erat tumidos sinuosos flexibus amnes
 Fastidire sinus magni Tritonis, & ipsa
 Terrarum per operta rapi, rursusque vagantes
 Reddere & immensis effundere faucibus undas.
 Tunc visa patulo volucres erumpere cœlo,
 Squamigerumque genus pelago: per inhospita saxa
 Et saltus errare fera: atque ignara laborum
 Agmina quadrupedum laxis discurrere campis,
 Et nullo ductore regi. De pulvere vili
 Factus Homo, colophon operis, grandisque theatri
 Arbiter, & mundi melior nascentis origo,
 Mirandum lustrabat opus, causasque Deumque
 Mente sequebatur tacitus. Quæ maxima postquam
 Fecerat excellens Genitor, solusque deesset
 Sponsa viro & tantis decoranda penatibus uxor,
 Ingentes illis prædari Orientis honores
 Destinât, & latos Asia præditi vitis hortos,
 Quosque colit nunc Assur agros. Hic area mundi
 Pulchra patet, Superum labor, & secreta voluptas,
 Deliciae humani generis, domus hospita patrum,
 Orbis amor. qualem non unquam Thessala Tempe,
 Non Bæa videre locum, non florida tellus
 Phæacum, aut Afris exculta sororibus arva
 Hesperidum: vel quæ suspendit in aëre fruges.
 Alta suas Babylon, rarisque Semiramis ausis.
 Hic Ver purpureum caput inviolabile nimbis

Exerit, & flores ultrò protrudit apricos.
 Improbæ nubifera procul inconstantia Bruma
 Et peccans Autumnus abest. se longius Æstas
 Explicat & culmis turgens Cerealibus usque
 Luxuriat, totusque fluit sub messibus annus.
 Non rigidis armenta jugis, non taurus aratro
 Ingemit, aut sulco attritus splendescere vomer
 Suevit & irata dentem defigere terra.
 Non invita gravi purgatur vinea rastris,
 Convellitque labor glebam. se sponte relaxat
 Vis geniusque loci; & duros exosa labores,
 Vesta sinus faciles aperit. non incubat herbis
 Tempestas Boreæque furor, sed amœnior aura
 Per nova lascivo discurret prata volatu,
 Cunctaque mulcenti fixundat gramina flatu.
 Omne solo lolium steriliisque abscedit avena,
 Nec vitium natura facit, sed provida cæsus
 Prævenit, & nullo foetum deformat abortu.
 Non glaciem, gelidasque nives, frigusque minatur
 Sarmaticum trux Vrsa satis, teneramque pruina
 Exurunt acres Cererem: non diluit illam
 Imber, & infesto truculentior afflat Orion
 Sidere; vel rabido pertorret Sirius astro.
 Inconcussa salus habitat, nec larida morbi
 Corpora, & occulta vexant animalia flammæ,
 Et levi genus omne, & fracta ætate senectus.
 Purior invisus purgatur sordibus ær,
 Et propria bonitate nitet. non squalidus humor
 Pallentis livescit aqua, nec fulmina sparso
 Igne nocent, tonitruque boant convexa severo,
 Aut trepidans vibratur humus. tumet omnis in her-
 Et sibimet blanditur ager, nec triste venenum (bam;
 Parturit & pravis stillantia toxica ramis.
 Non virofa truces lambunt aconita dracones,
 Non clam puniceis usquam permixta virescit
 Dira cicutæ rosis. spinis paliurus acutis

Exulat & pungens tribulus. non vipera morsu
 Enecat, & seruo metuendus scorpius ictu.
 Aut medica gaudens ager plantagine buso.
 Nulla sibi cæci fodere cubilia talpa,
 Nulla trahunt lento cochlea vestigia gressu,
 Nulla ruinosos intexit aranea postes,
 Aut malus horrificis immigit bubo tenebris.
 Cymbia lacte fluunt: suauant opobalsama frondes,
 Thuraque, tunc nondum sacris accensa Deorum.
 Spumant mella farvis. crispantia vellera & armos
 Lanigera mirantur oves. vos jugiter hortum
 Irrigat, & nulla premitur caligine pulcher.
 Fertilis Euphrates sinuoso labitur amne,
 Et ripis non vile decus vernantibus adfert.
 Nec minus Armenii fontes & flumina currunt
 Tigridis, & sparsis recreant viridaria rivis.
 At qui se septem diffundit in ostia Ganges,
 Extremas lambit spatius ingentibus oras,
 Quæ Titum se tollit aquis. quæ labitur idem
 Adspicias pleno surgentem gurgite Nilum
 Occiduis pingues partiri sinibus undas.
 Forma loci duplicat laudes. hic edita diuo
 Surgit, & in tumulos modico curvata tumore
 Tollitur, in valles illic diffunditur amplas.
 Planities alibi est. ramorum frigore silva
 Castigant alto flagrantem vertice Solem.
 Is decor arbusculis, ea passim gratia florum,
 Sic pubent virgulta, color sic discolor illis,
 Ut se, pulchra licet, vinci non abnuat Iris,
 Nec quæ candidulis onerantur Parthica gemmis
 Cingula, vel regum collis diademata fulgent.
 Viscera parturiunt aurum, locuplesque metallum
 Vena vomit. multa durantur jaspide gleba,
 Et candens concurrat onyx, & bdellia manant.
 Vos quoque flexibiles hedera crevistis & ulmi,
 Et lauri virides & amantes littora myrti,

Palma-

Palmaque nunc cedro, nunc celsis juncta cupressis.
 Arboreos inter foetus, frondosaeque tesquae,
 Surgebat duplex arcani nominis arbor,
 Secretos agitans sensus, & numine quaque
 Plena suo, forma, genio, molimine dispar.
 Prima senescentes poterat depellere vultus,
 Nec tremulo passa est incedere corpora gressu,
 Rugarum impatiens languescentsque iuventa.
 Vis illi vitalis erat, conferre labanti
 Robur, & afflictiis solatia reddere membris,
 Nati vos reparare focos, arcessere letho
 Semianimes, querulis hominum succurrere morbis.
 Exhaustosque fovere sinus; contraria morti,
 Atque obitus ignara sui, sine fine virescens,
 Umbrosisque erecta comis, nec frondibus unquam
 Denudata suis, non laeso cernua trunco,
 Aut curvata latus, nusquam non integra stabat,
 Et patrio foliorum apices aptabat Olympo.
 Posterior vires animo roburque sciendi
 Sufficit, ingenio recti praeque magistra.
 Hac fructu nos scire facit, quia de viis error
 Pectus agat, vel certa premant vestigia callem.
 Nec minus innocuas inter formosa sorores
 Emicat, & nitido pendentia palmita poma
 Ostentat, magnoque sui succendit amore
 Proclives oculos, vetitosque invitat ad usus.
 Ne mihi Phocaeos colles, Heliconaque sacrum,
 Aut Aganippeas obiectet Gracia ripas.
 Hic nemus Elysium est, statio gratissima vita,
 Plena voluptatum domus, opportuna bonorum
 Regia, tuta quies, nullus pavor, optima rerum
 Et mundi facies, & pleno copia cornu.
 Non livor, non ira ferox, non turpis egestas
 Quae grassetur, habet, favor & clementia caeli,
 Et voti stat summa Deus. Pomœria noster
 Ista pater coluit, tali spaciatus in horto

Ibat,

Ibat, & imperio terrasque undasque tenebat
 Solus & ignotum fledebant fascibus orbem.
 Agnovere fera Dominum, rabiemque leones
 Submisere viro. maculatus tergora panther
 Paruit, & longè jaculantes lumina lynces,
 Et rapida tigres & raucis vocibus ursi,
 Et lupus & torvis elephas barritibus horrens.
 Quadrupedum quodcunq; fuit, quodcunq; vel ather
 Edidit, aut patulum squamis armaverat aquor,
 Vnius mandata ferunt. non abnuuit illa,
 Qui Pelusiatis vivit crocodilus in oris,
 Qui fluctus delphines arant, ferrataque rostra
 Protendunt pelago. non physteres anhelis,
 Non aquila alii volans, quamvis Iovis armiger ales
 Et Latius victrix servanda insignibus esset.

Viderat ex alio rerum Pater omnia nutu
 Ire suo, formasque sibi causasque probari,
 Et plussum meruisse Boni; cum talia fatur
 Providus & diis regalibus ora resolvit:
 Condidimus cælum & terras, & proxima terris
 Æquora, quique illis sublimior imminet aër,
 Athereas fluxis destinguens sedibus arces.
 Cuncta vigent, gaudetque ferax natura vocari,
 Atque aliud genuisse sibi. dum plurima fatum
 Exspectant peritura suum, senioque fatiscunt,
 Damna novis reparant studiis, mortique priorum
 Vita subit, servantque suas in semine causas.
 At mea, cui prono famulantur sidera vultu,
 Progenies, speciesque Dei, qua subdita nobis
 Mundi sceptrum tenet, mentemque erectior astris
 Et Superis inferne potest; ac conspicit in se,
 Quæ spectat diffusa foris: sine compare sola
 Ambulat, & nullo solatur pignore vitam.
 Vnus homo est, uno nostrum sub corpore spirat
 Deposuit, similemque sui quem voce salutet,
 Non habet. occidit cælo sociabile cælum,

Et stellis it stella comes. cum Sole vagatur
 Luna soror, junguntque suum cum lumine lumen.
 Cur homini seposita quies? cur conjugis exors
 Vita fluit? qua terra patet, cum conjuge conjux
 Quisque sua est, funduntque alios ventia foetus
 Omnia, & in plures abeunt primordia partus,
 Et consors sua cuique vacat; genitumque vocatur
 Quodlibet, aut gignens animal; prolesque parenti
 Succedit non una suo; mas, femina partes
 Conjugii blandas faciunt: cum turture turtur
 Ludit, in admissio lascivit passere passer.
 Et gallo gallina coit, cum vulture vultur,
 Accipitre accipiter. socia veniente maritus
 Clangit olor, pennisque suos testatur amores.
 Capra marem sequitur, generosi leana leoni
 Accubat, adsuescitque cani formosa catella.
 Hic ululant ferventque lupi. tot matribus illic
 Dux aries permixtus abit, multaue nepotum
 Spe tumet. egregios taurus bibit ossibus ignes,
 Et pater est. etiam furor est insignis equarum,
 Est insignis equis, cum gramina lata pererrant
 Et rapidos tranant amnes, rabiemque medullis
 Altius admittunt. steriles uruntur arenae,
 Et cervi leporesque calent, damaeque fugaces,
 Bubalus & panther; sunt & sua gaudia stagnis,
 Illecebraeque mari. miscent se grandia cete,
 Et molles phoca sobolem per secula propagant.
 Omnibus accendi tacitam sub pectore flammam.
 Hinc per me ruit in Venerem genus omne animantū,
 Cum verni species patefacta est prima diei.
 Nascuntur violae violis, ex arbore surgit
 Arbor, & è platano platanus, de palmitē palmes.
 Est hederæ connatus amor, cum flexilis ulmo
 Nubit; in accensis spumant ipsa oscula conchis.
 Quin ubi temperies calidis humentia miscet,
 Concipit, & putri nascuntur corpora limo.

Cur meus ignarus blandi dictator amoris
 Semper eat, longosque terat secretior annos?
 Non soli fas esse homini, nec nobile patris
 Ignorasse decus, nec pondus amabile lecti.
 De thalamo jam cura mihi est, de conjuge, natis,
 Et, qui praeclara veniant de stirpe nepotes.
 Hic vir hic est, cujus memorabunt nomina gentes,
 Qua medium adspicient Solem, qua signa Trionum,
 Quas oriens Titan, & quas declivis adibit.
 Ille per Europa tractus Asiamque patentem
 Et calidas multum Libya sitientis arenas,
 Quemque procul reliquis secrevi partibus orbem,
 Extra anni Solisque vias Lunaque meatus
 Differet imperium. cunctos à Gadibus usque
 Auroram populos isto de sanguine nasci
 Praescia fata volunt. & jam descendere cerno,
 Nubila qui rumpet curru, celeresque beatas
 Flectet in astra rotas. sequitur sine patre sacerdos
 Et typicus sine matre senex. cui deinde subibunt,
 Iustitia rectique tenax, trabibusque superstes
 Et tumidis elapsus aquis; infractaque gestans
 Pectora Thariades; gradiensque per aquora vates
 Legifer, & totas acies & castraruenti
 Subducens ductor pelago. nec stemmate tanto
 Degener augustis despecta mapalia sceptris
 Mutabit Iessa soboles, clarusque triumphis
 Regali victor juvenis spectabitur ostro.
 Quin patri sese comitem felicius addet
 Filius, & quo non regum sapientior alter
 Iura dabit populis & belli nesciet iras.
 Ille piis nobis delubra ingentia coeptis,
 Templaque constituet cunctis celeberrima terris.
 Et fama devota mea. quin classibus ibit,
 Dives ubi assiduus torrebitur ignibus Afer,
 Et timidam quæret cecis in rupibus aurum.
 Hoc Ninos genitore suos deducet avosque

Assur,

Assur; inoffenso manantes ordine Cyros
Persa sagax, Cecropas Grajus, Romana Quirinos
Gloria, regnantesque meo moderamine Iulos.
Qui Iovis in sanis turgens natalibus amens,
Hunc patrem dic, Pella, tuum. qui stulte Deorum,
Caesar magne, tumes titulis, hinc prima reposce
Semina nascendi & clari cunabula Flavi.
Esse quoque in fati reminiscimur, affore tempus,
Quo mala peccantem damnabunt crimina mundum,
Et faciet se quisque reum. tunc altera terris
Progenies istaque potens ab origine Princeps
Surget, & errantes animas merfasque tenebris
Reddet perpetua, post diruta tartara, vita.

Dixerat omnipotens; cum membra rubentia
solvi,

Et vigor attentis coepit decedere nervis,
Et vires languere Homini, nebulaque vaporque
Erectum inclinare caput, collapsaque claudi
Lumina. quin cunctis subrepsit inertia mollis
Sensibus. ignarusque sibi quid fata pararent,
Languidulos artus viridi projecit in herba.
Iamque illos tollens, iterumque iterumque relabens
Sapius & prono feriens sua pectora mento,
Defecit sibimet; donec demissus ab alto
Somnus adest, tinxitque suis cava tempora succis,
Et gelido adpersit medicata papavera rore.
Dormit, marcentique anima sopor altius infert
Otia, componitque virum. non flamine frondes,
Non mota ventis segetes. siluitque sonorum
Quicquid erat, quicquid lenem turbare quietem
Obstreperum poterat. iussis caelestibus ales
Conticuit, sueta argutis praevertere lucem
Cantibus. obticuere canes, & garrulus anser,
Quique loquax sturnus clamore silentia rumpit.
Solum marmur aqua & salientis leniter unda
Permissum & quodcunque leves invitat ocellos.

Vt

Vt jacuit, stupidum tetigit latus, ipsaque costas
 Concussit diuina manus. sublataque tanto
 De numero fuit una viro, quam maximus autor
 Induit egregie forma meliore puella.
 Ossea quæ primum fuerat, mollescere cœpit
 Materies, factumque fuit tractabile corpus :
 Pars abit in spinam, variis quæ flectitur apte
 Articulus, ut libret onus : de vertice summo
 Emergit geniale caput, vultusque decora
 Effigies ; simul impexi fluxere capilli,
 Inque humeris luseret cornu. nudiissima cervix
 Emicuit, facili manarunt brachia motu,
 In digitos distincta suos : hinc pectus & ipse
 Intumescere humero tenues sub utroque papilla,
 Atque habiles sponso mamma, venterque femurq.
 Accepitque pedes & eburnea crura virago.
 Sic quoties puppim ripa molitur in ada
 Navita, protensa primum sua ligna carina
 Aptat, & hinc geminâ subtexit stamina parte,
 Et costas alvumque facit : dein transtra forosque,
 Fabricat & clavum, tabulataque desuper addit.
 Stat matrona, suosque stupet formosior artus.
 Stat virgo, nescitque velit cur virgo vocari.
 Stat mulier, spectatque viri discrimina coram,
 Miraturque maris vultus, & femina quid sit.
 Nec tamen erubescere gena, velamina quamvis
 Ignotum terris velarent nulla pudorem.
 Integritas sine labe fuit, sine crimine vita,
 Nec, quo se tegeret, culpa mens nescia habebat.
 Vt vigiles patuere oculi, discussaque somni
 Alta quies Homini est ; presentis imagine formæ
 Constitit, attonito similis. dumque omnia lustrat,
 Atque aliqua sibi dissimilem similemque puellam
 Adspicit, arcano præcordia concitus æstro,
 Hæc, inquit, quam cerno, mea de carne virago est.
 Hæc ossis pars ipsa mei, de sanguine sanguen,

Vita vita mea, vivacis fabrica costæ,
 Debita conjugio conjux, amplexibus uxor,
 Dos thalami, sociique placens regina cubilis,
 Et magna gentis mater stirpisque futura.
 Illa mihi poterit non les lenire diesque,
 Illa dabit faciles aditus & mollia fandi
 Tempora, jamque mihi volet arrisisse marito,
 Et jurare fidem, nec sacris cedere pactis.

Dixerat. at dictis præsens Deus annuit, & vos
 Crescite, ait, dignosque mihi proferte nepotes,
 Alteriusque aliter blande suspiret amori.
 Sors geminis communis erit, quin corpore in uno
 Concordes vivant animæ, nec fœdera quisquam
 Rumpet & æterni dissolvat vincula læti.
 Exeat hic mundi populis illustrior annus,
 Quo necti natura duos letatur amantes,
 Et pius arsit amor, ratioque adsuescere leni
 Iussa fuit veneranda jugo. de nomine vestro
 Nomen eât, sobolem in cunctas diffundite terras.
 Tu pater Eois post hæc dicere, paterque
 Occiduis. te Chaldeus Medusque parentem,
 Et Pharius, Celtæque colent. tu semina Mauro
 Suffice, tu Rhodamo, ripisque vagantibus Istri,
 Tu Gangi largire homines. Tuque optima virgo
 Amplexare virum propius, genitrixque per omnes
 Audi clara plagas. multo tibi viscera partu
 Intumeant, totusque rotet cunabula per te
 Orbis, & à tanta veniant tot principe gentes.
 Sic thalamo jus grande datum, & coelestibus alma
 Auspiciis micuere faces, & conditor idem
 Fœderis & tædæ præses & pronubus illis
 Numen erat. non sors castos temeraria sponso
 Alligat, at magno tuti stant teste penztes,
 Perpetuasque trahunt metuendo à Iudice leges.
 Illicet æthereos juvenis ferventior ignes
 Hauserit, & hos ipsos, quos non præsenferat, æstus
 Aspectus

Aspectu propiore fovet. non nomina rebus
 Ponere cura fuit, non tot distinguere formas
 Vocibus, aut proprios animantium addiscere motus;
 Quantaque diversis oriantur corpora causis.
 Non jam scire juvat, quæ volvant æthera mentes,
 Quid fluidas gignat nubes, quæ flamina surgant,
 Et bellum virtute gerant, quis Nereæ vinculis
 Strinxerit, & solitas noli transcendere metas.
 Non tauris dare iussa libet, non sistere ceruam
 Cornibus, aut daris inflectere colla lupatis
 Acris equi, rutilosque manu mulcere dracones.
 Cum vastro serpente loqui. mens omnis aberrat
 In vultus, quos Eva gerit. jam proximus illi
 Arridet, subitoque animum labefactus amore,
 Salve, ait, egregium summi Patris incrementum
 Femina, seu jam sponsa velis, seu virgo vocari,
 Seu soboles mea, sive soror. tot nomina per me
 Sola refers. uno facta à genitore sororis
 Iura tenes; laterisque mei de parte resurgis
 Filia, nunc virgo est nulli temerata marito;
 Et mulier, quia sponsa mea es: & sponsa Tonantis
 Imperio. salve facies pulcherrima mundi,
 Delicium non vile viri, mea chara voluptas,
 Solamenque pium, spes posteritatis & avi
 Unica. tis mecum tota dotabere terra,
 Et regni pars una tua est. divisa potestas
 In nos orbis abit. capitis si gloria nostra est,
 Proxima tu nobis rerum jam frena capeffes,
 Et patiens consortis eris; nec livida nexus
 Distrahet aut socias dirimet discordia dextras.
 Quam memini, cum solus, iners, hac aurea rector
 Rura pererrarem. vidi sublimis Olympi
 Mœnia, dispositisque orientia signa manipulis,
 Æterni Genitoris opus. demissior anni
 Oceanique vias & rerum exorsa stupebam.
 Nec non & pecudum turba, turmaque volantum

Vndi-

Vndique cingebant dominum; volucresque canora
 Iudice me cantusque suos modulosque probabant.
 Ante oculos lufere fera, pardusque lepusque,
 Et timida lynces, pinnisque rigentibus histrix,
 Cornigerique greges, celsique in terga cameli,
 Et setosus aper. toto sed in agmine deerat,
 Cui comes iret homo, quæ posset comparare vitam
 Ducere. sensi etiam (nec enim quæ vera negabo).
 Non salientis aquæ latices, non vota susurros
 Non Zephyros explesse mihi. Tu suavior aura
 Discuties tetricum quicquid fuit. apta sodali.
 Accipe me, lectoque parem dignare, mihi que
 Femineum submitte decus. Tu mite parentis
 Nomen & admissi titulos mihi conjugis uxor
 Concilia. natosque & qui nascentur ab illis
 Ocyus indulge. non est mihi vilis origo.
 Ipse Deus pater est. qui spiritus hos regit artus.
 Illius est. diuinus in hoc se continet hospes
 Corpore, deque Deo mens, & spiratus ab illo
 Cœlestis vigor, atque auræ simplicis ignis.
 Si gazas, si poscis opes, patet omnis in usus
 Tellus facta meos, patet æquor & arduus ather.
 Vis famulos? tibi pontus alit, quodcunq; natantū est.
 Vis famulas? levis aura dabit, quodcunq; volantū est.
 Vis famulos? Phœbus tuus est, tibi Lucifer ardet.
 Vis famulas? Phœbe tua sit, tibi voluitur illa.
 Vis famulos? totis famulantur sidera castris.
 Vis famulas? Aurora tuis se promptior offert
 Obsequiis, & amica Pales. palatia speras?
 Cælo habitas, cælo mecum & radiantibus astris
 Clauderis & superum tectis. vis grata palato
 Pabula? donabit plenis convivium mensis
 Hortus; & haud una pendentia ab arbore mala,
 Et pyra, quæ lenta pendent religata genista,
 Sufficiet. molles aderunt ad prandia fici,
 Et quæ de viridi stillabunt ilice mella,

Discu-

Discutient mea vina sitim, diuisaque sensus
 Gaudia percipient. qua pascant lumina, rerum
 Formas mille vides. mulcent concentibus aures
 Hic parus, hic philomela tuas. confundit odores
 Thus & myrrha suos, & balsama naribus infert
 Et casiam Pancheus ager. tot lingua saporos
 Pitissat, tactumque manet non una voluptas.
 Non hac cuncta mihi, non hac mihi munera soli
 Astra parant. plures vocat indulgentia magni
 Numinis; in multos bonitas laudatior exit;
 Et melius commune bonum est. spatiosior orbis
 Expectat cives alios, & nascier à me
 Posteritas immensa capit, quæ littora, sylvas
 Incolat, & mediis sedem sibi figat in undis,
 Quæ Rhenum, Mosamq; bibat, Tanaimq; bicornem,
 Et Ligerim celeremq; Ararim, Batimq; Padumque,
 Et Nigrim & gelidi glacialia flumina Ponti,
 Quique habitent totis distinctos axibus axes.
 Quare age, sis conjux, & quo nos fata, cupido,
 Quò ratio, natura trahunt, sine lite sequamur.
 Occupet Adamus sociam, sit nubilus Eva,
 Et sua confundant genituri semina sexus.

Audiit has mulier voces & verba loquentis
 Optimæ. quemque videt, vultu jam diligit ipso,
 Et cupit amplecti propius. novus ardor amantein
 Incitat, & teneris succrescens cura medullis
 Urget inexpertam. quos nescit, nutrit amores.
 Nutu, voce favet; gestuque oculisque procatur,
 Non lasciva tamen: quod virginis esse putatur,
 Despicit ingenium. soboli vult mater haberi,
 Et matrona viro. gravis admiratio lecti est,
 Nec sperata minus. tandem sic orsa profatur:
 Salve chare Deo Iuvenis; seu frater amari,
 Seu genitor, sponsusque velis. quæ nomina per te
 Donari vis multa mihi, tibi reddimus uni.
 Ex te facta patris titulum tibi nata rependo.

Tecum

Tecum facta soror fraterni sanguinis adsum
 Conscia, quæque tuo jam sum servata cubili
 Sponsa, virum sponsumque libens, Adame, saluto.
 Adde quod & dominum Te fas sit dicere, cujus
 Arbitrio submissa regis; quo vindice surget
 Femineæ virtutis honos, & tuta manebit
 Fama pudicitie & socialis gloria læti.
 Expetimur petimusque duo. quam tu petis, illam
 Iure tuo repetis. quid enim? sum costa mariti,
 Et pars raptæ tibi. non sum distincta, sed una
 Tecum, Sponse, caro. cum me, te diligis in me;
 Et cultor sis ipse tui. cui spernitur uxor,
 Spernitur ille sibi: atque odiis accenditur in se,
 Cui consors exosa thori est. miscbimur ambo,
 Ut fiam, quod non fueram, de virgine conjux,
 Et lateris nova cura tui. quos poscis amores,
 Despondet tibi noster amor. quos exigis ignes,
 Accendet tibi fax melior. redamaris amator,
 Quoque vocas, haud agra sequar. sed legibus uxor
 Esse velim rectumque sequi. parere marito,
 Non servire, meum est. mandata capeßere, quæ non
 Fastidit pietas. pariter regnamus, at impar
 Majestas mea sorte tua est. nihil arrogat ultra,
 Quam minor esse viro mulier. quæ torva gubernat,
 Et fasces sibi sola rapit, temeraria regno
 Excussit folioque virum, laribusque tyrannus
 Incubat, & veri leges pervertit amoris.
 Prima Dei me cura manet. manet altera sponsi.
 Tertia natorum est. lites & jurgia damnat
 Nuptæ decens, frangitque suum ratione furorem,
 Et fluctus domat alloquio. non garrula cunctis
 Obstrepit, aut aliis gestit facunda videri.
 Sed taciturna placet. studiis aversa parentum
 Segnius hos amat, atque suo magis heret amanti.
 Partitur commune malum. solatix, curas
 Dividit. humanum quicquid, perferre laborat.

Non forma, non dote tumet, generisque superbit
 Nobilitate sui. preciosa monilia flocci.
 Pra virtute, facit. candor, probitasque fidesque
 Et morum cunctis praeclit gratia gazis.
 Officiosa domi, famulis terrore modesto
 Imperitat, modicaque decus gravitate tuetur.
 Cum vagit puer, adludit: cum pollet adultus,
 Vivit in exemplum juveni, iussisque coercet
 Magnanimum. non zelotypo furiosior aestu
 Incedet, fraudesque thori praesumet iniquas.
 Quod si forte ira tumidus flagrante maritus
 Seviat, hac blando cupiet sermone mederi,
 Blanditiis intenta suis. secreta, fidelis
 Arcanum quicquid thalami est, aperire timebit,
 Et narrare palam. si quid sacundia possit,
 Explicet in sobolem monitrix. non lumina flectit
 Illecebrosa aliis, nec pravis pabula praebet
 Ignibus. una uni domino vacat. oscula nunquam
 Aut irata fugit, vel luxuriosa reposcit.
 Consensu differre, bonum. divortia censet
 Improbata, nec volet illa pati. nam nexa Tonanti
 Vincula qui solvent homines? qua distrabet audax
 Impietas? his sum tua conditionibus uxor,
 Talis amo; & rursus sperem tibi talis amari,
 Istaque venturos iam mox meminisse nepotes.
 Quam nobis, Adame, places. quam corpore toto
 Arrides. quam frons, oculi, pectusque, torique
 Depingunt hominis speciem. quam mentis honore,
 Quam patrem ratione refers. quam splendet honesti
 Et veri studium animus. quam recta voluntas
 Iusta facit. quam te nullis insana cupido
 Motibus aversum rapit, aut vis effera cogit
 Deteriora sequi. quantum est ad sidera vultus
 Tollere, suspexisse Deum, sub numine terris
 Iura dare, & caelo, lateque vagantibus undis,
 Et tota tellure frui. cum conjugis à me

Exigis

Exigis officium, tantorum fida bonorum
 Testis ero consorsque simul. Tibi laetior Eva
 Ibit in amplexus, collo circumdabit Eva
 Brachia. Iam videor Saras, claraeque Rebeccas
 Gignere, prae grandemque Leam, sine prole Rache-
 Et fortes bello Deboras, tenuique Boozi (lem,
 Palliolo vafre tectam Moabitida Rutham.

Et quotquot nostro descendunt sanguine matres
 Hebrae, Graeque nurus, Latiusque togata
 Moribus, Hippolyta, Volscorum è gente Camilla,
 Cassandra, Mariaeque & nomina sancta Sibylla.
 Sume thori comitem, nihil est quod sponsa negabo.
 Et qua figo tuis iterumque iterumque labellis
 Basia, crescenti seponas pignus amori.

Est locus irrigui liquidas Euphratis ad undas
 Pulchrior, & frondosa comis viridantibus Horti
 Pars melior. teneri saliant è gramine rivi,
 Saxa virent, niveisque albescunt floribus agri.
 Non coeno latices, non foedo squallida musco
 Sordet ripa, tepet moderatis solibus aër,
 Fragrant vernantes casia, duransque amaranthus.
 Et tu flebilibus tunc nondum, hyacinthe, figuris
 Terribilis, nardi juxta redolentis aristas
 Diverso te flore probas. hic pampinus ulmis,
 Hic hedera serpunt cedris, cedrisque propinqua est
 Plena favis abies, & veri praescia laurus
 Panditur. hic postquam prisci latuere parentes,
 Conjugii didicere modum, plenusque furoris
 Foecundum primus pater exantlavit amorem.

Ilicet ingenti plaudens natura paratu,
 Exultat Sponsos circum. calet obuius ire
 Flammifer, impulsosque jubet properare jugales
 Tardius, ut sacra videat spectacula scenae.
 Candidius fulsere dies, quos ledere nimbi
 Et pluvia timuere graves, tristesque pruina.
 Omnes interea puro qua crimina pellunt

Ore Deæ, fecere choros, sociataque dextris
 Virtutum series hominum connubia sanxit,
 Officiis attenta suis. Concordia lites
 Dissulit, & quicquid nuptis adspersit iniquum
 Improba Suspicio, & ludens in amoribus Error,
 Proscripsit sincera Fides, & nescia pravi
 Simplicitas. nitida subrisit Gratia fronte,
 Temperies casta. rectum Constantia suavit,
 Religio quodcumque pium, Prudentia justum.
 Nec mora, floriferis passim viridaria ramis
 Irrubuerunt. rose gemmis patuere reclusis,
 Nec claudi voluere diu. strepuere susurris
 Arborea frondes, canna cecinere palustres,
 Buxeaque ignotos modulata est tibia cantus.
 Lenibus excita Zephyris, auraque salubri
 Avia dulcisonis garrutibus implevere
 Gratantes pariter volucres, & gaudia pennis
 Testata auspicio Sponsis favere secundo.
 Non galea riguere truces, hastaque feroces,
 Aut framea, & clypei adversis umbonibus ætæ
 Concrepuere, vel immisse tonuere quadrigæ.
 Non hic gavisus cecidit myrmillo theatro,
 Non sica rubuere manus, fusoque cruore
 Inmaduere thori. vos hæc scelerata probatis
 Posteritas. spectate thoros tedeasque parentum,
 Ut dominos amet unda suos, tellusque polusque
 Et mundi pars quæque. mali cum gloria Martis
 Nulla foret, placidique irent sine cadibus anni.
 Quin procul Oceano in Magno, quem Caucasus aspar
 Adspicit, aut rubris pingit Neptunus arenis;
 Exiliere mari, crispataque carula pisces
 Dissidere levi strepitu; spirantia cete
 Æquoreis sublata vadis sua gaudia plenis
 Evomere cadis. vitreis Tritones ab antris
 Processere, quibus raucæ tubæ murmure frendens
 Concha fuit, quæ jam Libyci per littora ponti,

Iam super Ægeos fluctus & Caspia regna,
 Memnoniasque domos tam clari nuncia læti
 Detulit. Ornavit myrto delphina Pæmon,
 Leucothoë phocam, violas intexuit algæ
 Cymothoë, seniumque dolens vivacibus herbis
 Dum fugat, æternos geminis promisit amores.
 Exhibuit domina baccas, quas ipsa profundo
 Legerat, Euphrosyne, & domino diadema paravit,
 Et gemmas pondusque dedit lucentis electri.
 Ipsa etiam centri impatiens se movit ab illo
 Terra parens, motuque suum confessa favorem est.
 Concussit se magnus Aëthos, concussit Olympus
 Thessalus, & celsi saliere cacumina Pindi,
 Ossaque Pyrenesque jugum. dein ignibus aucta
 Fortius igni vomis arsit fornacibus Ætna.
 Largius argentum Potosi genuere recessus,
 Aurum vasta Peru. messes misere Moluccæ,
 India dives ebur; costumque crocumque rubentem
 Corycium nemus, & varium Panchaia gummi.
 Explicuit grandes volucris Iunonia fastus,
 Tardo mota gradu & pennarum ostendit honorem
 Conjugibus, pictosque notis stellantibus orbes.
 Psittacus humanas tunc nondum reddere voces
 Doctus, Ave, dixit sponsis. & gutture mihi
 Accinuit facundus olor, cui stridulus anser
 Obstrepuunt, repetensque eadem modulamina coccyx.
 Nondum pica loquax fuerat, tunc ilice ab alta
 Adfuit augurio. nondum sua pignora Progne
 Fleverat infelix; sed lata voce canebat,
 Et Pandionia reddebat multa sorori.
 Irrubuit Numidum glociens gallina per agros,
 Et verrens percussit humum. se Phasidis ales
 Lavit ad Euphratem, & longis cervicibus adstans
 Struthio. quique diem & solis nunc lumina bubo
 Horret, ad hæc spretis properavit festa tenebris.
 Cum sobolis parva denso grege dædala perdix,

Regulus, & parus, & rauca venere palumbes,
 Et motacilla levis, contemptoque aquore mergi.
 Ardea detractas capitis de vertice plumas
 Crinibus implicuit sponse. lasciviit ardens
 Ante oculos hominum passer, cum passere gallus,
 Cum gallo curruca, & cum grue luxurians gryps.
 Quæ sibi prosternat vivax altaria Phoenix
 Invenit, quamvis calido processerit Euro
 Vnicus, & media reparet sibi morte juventam.
 At quæ felici Paradisi vescitur aura
 Parvula avis, tota in pulchram quæ corpore caudam
 Desinit, & nulla requiescit in arbore fessa,
 Suspensum summo monstrabat in aëre pondus.
 Vos quoque mellifera doctis examina ceris
 Hic posuistis apes, & pasta flore salicti
 Plurima in annosas fudistis mella cupressos.
 Adstitit, & phalerarum expers frenique calentis
 Hinniit altus equus, dominoque erecta potenti
 Tergora supposuit quadrupes, sua cornua cervus.
 Et sola poterat teneram proboscide nuptam
 Tollere subsidens elephas; ni sanguine cassa,
 Tardigrada & propriis captiva penatibus, insons
 Vexisset placidam veniens testudo magistram.
 Barbiger à longè capris salientibus hircus
 Errabat in utres inter, sensitque salaces
 Incaluisse greges & fortia gaudia nasci.
 Et quia Pax niveis Eva radiabat in ulnis,
 Pax cælo terraque fuit. per pascua juncta
 Erravere lupis caprea, leporesque molossi.
 Non timuit gallum Libycus leo, pardus hyenam,
 Taurus equos, velox balane roboræ delphin.
 Non polypus concha, cochleisque inimica lacerta,
 Non congrogina fuit, mustela draconi.
 Cernere erat, mites aquilæ clangente columbas
 Ire simil, causasque odii nesci, e vel iras.
 Tunc Acherontæas mutato fonte paludes

Lacte novo tumuisse ferunt, & turbida Lethes
Flumina Cocytumque mero stagnasse Lyao.

Nec latuit res tanta pie consortia turba,
Spirituumque choros, & quæ sine corpore mentes
Celsa tenent. sed formosam delapsus in Heden
Adfuit illustris nitidis exercitus alis,
Hic Seraphina cohors, illic Cherubina; Deoque
Talia cœlestes cecinere encomia turmæ:

Magne Deus, sine patre pater, sine fine perennis,
Immensa virtute potens, mens nescia falsi,
Expers principii genitor, tibi cognite soli,
Ipse tui locus & spatium, bonitatis origo,
Labe carens omni bonitas, Tu maxime, quicquid
Non fuit, esse facis, nihiloque arcessis ab ipso
Stellarum solidos orbes; cœlique beatos
Indigenas nos esse jubes. de Numine tanto
Numina penè sumus. tua nobis ora tueri,
Angustosque datur vultus, quo jusseris, ire,
Mandantemque sequi. Te patrem mente tenemus,
Et factum quodcumque tibi est. se tamur honestum,
Nec volumus peccare boni. te dante movemur,
Deque tuo capimus metuendum robore robur.
Disce tuum, venerare tuum, Natura, parentem.
Ille ubi condiderat superi spatia avia mundi,
Sideraque adverso subter labentia motu,
Telluris suspendit onus, montesque lacusque,
Et valles, nemorumque locos, fluviosque profundos,
Nec faciem terris sapiens dedit omnibus unam.
Pars calet una, tepet pars altera, tertia friget.
Vmbra loci varia est. latus hinc respiciat utrumque,
Illic nulla cadit. nunc illis tota sinistra est,
Illis dextra meat, vel gyro flexa rotatur.
Nunc lucet, nunc lucis eget. sua lumina Phœbo
Imputat & Lunæ solatur imagine noctem.
Hic spaciola novis decorantur frugibus arva,
Arboribusque virent campi; vel grandia venis

Crescunt saxa suis : hic versicoloribus agri
Floribus, & sparsis dicescunt littora gemmis.

Disce tuum, venerare tuum, Natura, parentem.
Idem etiam pecudum species, armenta, feraeque
Exciuit tellure Deis, sapiensque figuris
Distinxit. pars antra colit, rupesque specusque,
Pars pratis gaudet patulis & vallibus imis
Pascitur. haec rabida nunquam mansuescere norunt,
Hac docilis mansuescit, & acres exiit iras.
Has lana tegit aut villis : has asperat hirtis
Pellibus. has rostris, alias facit ungue recurvo
Terribiles. haec dente minax, haec cornibus adstat.
Haec volitant, repunt alia ; natat illa sub undis,
Hac graditur. manant alia de stirpe priorum,
Ast alias limus format, tepidique calores.

Disce tuum, venerare tuum, Natura, parentem.
Hic Deus, hic celsi secretas aetheris oras
Destinat officiis hominum : seu frigore brumam
Verberat & largos effundit Aquarius imbres :
Seu gravidas torret latranti sidere aristas,
Spemque facit messis domino : seu lumina Titan
Paritur populis & luces dividit aquas
Noctibus, aut plures alibi distendit in horas :
Aut nulla nos nocte premit, vel luce focillat.
Illius est, quod saepe suas regina bicornis
Mutet anhelæ vices, fraternosque induat ignes
Disparibus nocturna modis : seu lumine pleno
Turgeat aut curva radiet sub imagine flamma.

Disce tuum, venerare tuum, Natura, parentem.
Tu Deus alme, tua jacularis fulmina dextra,
Nubilaque horrifico frangis compressa boatu.
Voce tua quatitur tellus, commotaque Tethys
Intremit, & pavidi fauces laxantur Avernii.
Tu potes unanimes armare in praelia causas,
Ut violent elementa fidem, contrarius igni
Humor eat, ruptis insurgant aquora claustris,

*Et terras insana vorant, ut turbine saxo
Vnà Euræque Notusque ruant. Tu turgida nutu
Flumina, tu fluctus, tempestatesque sonoras
Æoliosque tenes in vito carcere fratres.*

*Disce tuum, venerare tuum, Natura, parentem.
Ille Hominis sublime decus sub pulvere vili
Abdidit, exemplarque Dei venerabile gleba
Affixit, crassosque animam spiravit in artus.
Ille viro vitæ sociam largitus, amor
Monstravit thalamoque viam, legesque maritis
Fixit, & innocuo scripsit sua jura cubili.
Scena thori jam prima patet, Deus autor amandi est.
Terra locus, sunt astra faces, spectator Olympus,
Nos testes, dos orbis, amor fecundus amoris,
Lætus ager, fructus epulæ, spes una nepotes.*

*Disce tuum, venerare tuum, Natura, parentem.
Sic ut in thalamum conjux primæva, suoque
Surrexit natura Duci. Nox pronuba donec
Stellantes depicta sinus, tangensque jacentes.
Omina perpetuo genitalia fœdere sanxit.*

FACES SACRÆ,

Sive

HYMNVS SALOMONIS.

*Quo, sub Typo Nuptiarum Salomonis & Filix
Pharaonis, Nuptiæ CHRISTI & EC-
CLESIAE adumbrantur.*

S*At terris hominique datum, sat deside cura
Hæsit, & ignavi pressit vestigia mundi
Mens oblita Dei. dudum regalibus omen
Intulimus thalamis; angustaque nomina dixi,
Victoresque Duces, & sceptrâ minantia sceptris.
Illustresque Heroum obitus, & busta potentum.
Hic triplici late radiantem murice regem,
Hic debellatas alio sub sidere gentes,*

Bb 5

Ocea-

Oceanique patris spoliū, raptamque Batavis
 Colchida & Occidui concussa palatia Phœbi.
 Ista tibi quondam viridisacravimus ævo,
 Mars pater, undantesque hostili sanguine campos,
 Armaque bellator cecini. per tela, per enses
 Ivimus, & domitas ausis furialibus urbes,
 Infractasque malis acies. quin omne Diones
 Ingenium, lectique vices, thalamique labores,
 Discordesque thoros, durisque exercita fatis
 Fœdera, cantatis Veneris suspendimus aris.

Nunc te, Christe, canam, & sacra connubia Spon-
 Amplexusque pios, atque ignorata profanis (sa,
 Gaudii & atherei carmen venerabile lecti,
 Accensasque fices cœlo. Dum fulgidus ostro
 Ardet, & in Pharia se virgine magnus amator
 Explicat, & typicos animis cœlestibus ignes
 Majestas Hebræa bibit; præluditur umbris,
 Occultatque Deum Deus, & caligine sensus
 Involvit mens summa suos; secretaque pandit,
 Ut tamen illa tegat. mediis immersa tenebris
 Lux micat, & que vix capias sub nocte videntur.
 Non hæc Euboice spirarunt carmina rupes,
 Non Lyciæ sortes Dodon eique penates,
 Non Ammon; dubiæque loquax cortina Sibyllæ.
 Hæc fatur Syriæ rector, cui pectore pleno
 Fluxit fatidica felix opulentia lingua,
 Et sacer insedit menti furor. ille futuras
 Res aperit, tedaque jubar cœleste revelat,
 Iurat amque fidem sanctis; & conjugis æstus
 Illecebrasque pie: quæ dos, quæ forma maritæ,
 Quantus stirpis honos: quàm simplex gratia morum:
 Quantus amor thalami: quibus inconcussa periclis
 Extollat generosa caput: quo vindice tuta
 Audeat adverso vultus opponere mundo,
 Rivalesque suos & circumfusa procantum
 Agmina, peccantesque thoro depellere amantes.

Tu,

Tu, quæ fœda soles castis adspargere labem
 Vocibus, Impietas; Superùmque oracula mordes
 Improbæ, & innocui genialis carmina vatis
 Conspuis, hinc absiste procul. non illa protervis
 Verba patent. non has petulans facundia laudes,
 Obscenusque Paris cum semiviro comitatu,
 Aut qui diuinis nequeant dare pectora rebus,
 Æthereum cecinere melos. nova fulget ab alto
 Fax oculis & flamma meis; & operta recludens
 Spiritus, accensam meliori numine mentem,
 Exagitat, Deus, ecce, Deus præcordia pigrâ
 Tollit humo, membrisque animam torpentibus au-
 Ereptumque mihi memet spiramine sacro fert.
 Concurrit, & studiis vatem sublimibus implens,
 Hæc ait augustum Sponsæ dixisse maritum:
 Hæc ait augustam Sponso dixisse maritam:

CAPVT PRIMVM.

ECCLESIA.

Maxima progenies regum, fidiſſime custos
 Et gentis tutela tua; seu proxima Patri
 Regna tenes, totumque tuis sub fascibus orbem
 Flectis, & aligeros aptas ad iussa ministros,
 Ipse Deus, sobolesque Dei: seu missus ab alto
 Humana sub carne lates, hominemque fateris
 Esse Deum, vilique potens sub corpore Numen
 Abdis, & ingentem sapiens abscondis Olympum:
 Seu propius vis esse meus, Sponsæque vocari
 Cura laborque tua, & nostri pars altera lecti,
 I. Præsidium columenque meum: desige labellis
 Oscula. fige precor. da millia & altera mille,
 Et sacrosancti liceat mihi lusibus oris
 Posse frui, longumque tuis hædere labellis.
 Sic prodat se noster amor, pacisque beata
 Sit specimen, tetigisse Deum. sint basia, Sponsæ,
 Officii documenta tui. sint basia nexus,

Quæis tibi, Sponsa, ligor, conspirantesque cathenæ,
Vinclaque, quæ nostras nectant adamantina mētes.

2. Qualis amor, quantæque faces! non suavius us-
E Pelusiæ distillant vina racemis, (quam

Aut Arabum fragrant udis opobalsama ramis
Latius, aut quoscunque ferax Chaldaeus odores

Diffundit, quàm fama tui, nomenque per omnes
Cantatum, dilecte, plagas, quas adspicit ather

Exoriens iterumque cadens. te qualibet ardet
Virgo procum; gestitque tuo consuescere amor

Flagitiis inimica cohors, ac grandis honestos
Ardor agit ferventque novis amplexibus abdi,

3. Et domino arridere suo. me pertrahere lentam,
Ignaramque via per cœca pericula noctis,

Et scelerum infames salebras & inhospita ducas
Saxa manu. mihi tu vires animumque ministra,

Et da velle sequi. sequar ocyus, & mea curret
Orbita per dubios, sed te ductore, recessus,

Et rectum calcabit iter. regale subibo
Limen, & auratis fulgentia tecta columnis

Adspiciam, cœloque fruor. miscbimus ambo
Gaudia, deliciæque tuas in secula fundam,

Iustitiæque decus rarique exempla favoris.

4. Fusca licet videar, matres, ne spernite fuscam.
Hæc thalami sors prima mei est. sic torreo æstu,

Sic afflictæ premor, sic indignantibus Euris
Verberor, & tumidis jactor matrona procellis.

Sic mea crudeles deturpant ora tyranni;
Nec placeo, quia Sponsa vocor, summique Tonantis

Conjugio dignata parens. sum fabula vulgi,
Et fidei rectique tenax tot sordibus ævi

Inquinor, & fixæ depingunt membra colores.
Nec tamen illa meo facies in visa marito est,

5. Nec spernor contempta Deo. plus diligor illi.
Et sperni præcium est; ceditque infamiae laudi,

Opprobrium decori. sponso sum iudice pulchra,

Et

Et rutilas Salomonis opes, auleaque vincit
Formosa pietatis honos; & fulgor honesti
Innocuus post se Nemadum tentoria linquit,
Et Cedraorum transcendit gloria pelles.

6. Dic age, dic deliciolum, dic optime, qua nunc
Terrarum regione cubes? quibus abditus oris
Grex ovium & tenera carpant virgulta capella?
Ipsa comes juxta gradiar. ne devius error
Aut mala sacrilega rapiant consortia turba
Præcipitem, dubiisque Fides sub imagine veri
Fluctuet, & peregrina vagar per dogmata demens
Palantes confessa duces.

CHRISTVS.

— Tu maxima salve,
Sponsa meo seposita thoro, clarissima cæli
Filia, quam consanguineis natalibus ather
Alligat agnoscitque suam, populosque per omnes
Seligit ipse sibi: seu vis ECCLESIA dici,
Seu Superum veneranda domus, templumq; Tonan-
Sanctorum secunda parens, Respublica magni (tis,
Intemerata Dei, venturaque numinis hæres,
Et consors regina poli, perque aspera rerum
Æternis tandem mulier servanda triumphis:
7. Accipe me tibi, pulchra, virum. si tecta, laresque,
Si quibus exultem campis cognoscere cura est;
Quaque tuus fixit sedem statione redemptor;
Huc ades, & vano subduc tua nomina seculo,
Et vita rimata viam melioris, amico
Iungere fida gregi, raptosque ab ovilibus agnos,
Errantesque procul revoca, verbisque vagantes
Pasce meis, nostris habitata mapalia ser vis
Adspicis, & quales pateant pastoribus umbra,
Quaque salutaris crescant in vallibus herba.
8. Qualis in excelsis valide cataphracta refulget
Memphis equis, quoties radiant in casside coni,
Ferratumque micat pectus; nitet inter amicas

Sponsa meas, currusque refert Pharaonis & arma,
 Et fluidas cervice jubas, phalerasque decentes,
 Et quicquid probat alta Pharos. ceu murice vestis
 Ebria, Sidonii que nitent holoserica baccis
 Tegmina, splendet Sponsa virtutibus atas,
 Et mentis cultura bona, desuetaque fucum
 Religio & clara constans reverentia legis.

9. Tota mihi speciosa mea es. tibi turturis instar
 Maxilla vultusque rubent. pro torquibus aurum est,
 Et gracili pendunt preciosa monilia collo,
 Distinctusque notis clavorum argenteus ordo.

ECCLESIA.

10. Vix meus accubuit mihi Rex, & numen amicum
 Ostendit thalamo facilis; diffudit odores

11. Nardus nostra novos, sensi juvenescere vires,
 Et robur mihi grande dari, tactosque supernis
 Ignibus ignavos animi plus gliscere motus,
 Iamque magis coluisse Deum, percussa que cælo
 Pectora fallacis fraudes proscribere vita.

Affyrus qualis desudans cortice myrrha,
 Sponse, mihi es; vel quæ Engaddi se tollit in agris
 Cyprus, viniferosque inter viret amula colles,
 Botris foeta suis; charis quam lata recondam

12. Vberibus, quam vis succi fragrantis amarus
 Mordeat ora latex, & te redamantibus atri

13. Currant saepe dies, & sanctis mentibus atrox
 Incubet & tristes latices permisceat orbis.

CHRISTVS.

14. At tua simplicitas, conjunx, ignaraque fraudum
 Infantes fertur bonitas aquare columbas.

Sic oculos mansueta geris, sic lenis haberis,
 Et tranquilla places. cunctis placabilis adstas,
 Et comes it pulchra laudata modestia forma.

ECCLESIA.

Tu potius formam juvenes, pulcherrime, cunctos

15. Ante venis. quæ forma mea est, defluxit ab uno
 Conju-

Conjuge. tu decus omne mihi es. tu nomina confers.
 Sum radii levis umbra tui, de lumine lumen,
 Et flamma scintilla tue. Pulcherrime, lectus
 Sternitur ecce mihi, sed & idem sternitur aptè,
 Sponse, tibi. thalamo gemini recubabimus uno,
 16. Pendulaque ardentem pellent umbracula Solem.
 Est cedrina domus, sunt & laquearia testis
 Optima, sunt celsis doctè disposita capressis
 Tigna. ferunt croceos nunc ipsa cubilia flores;
 Nec sterilis sum Sponsa tibi. tua diditur omni
 Fama loco; multisque tua cultoribus ades,
 Et populis delabra strepunt. tot pignora gigno
 Mater, & aterna manant de stirpe nepotes.

CAP. II.

1. Sum Rosa, quæ nullis moritur concussa procellis.
 Sum Rosa, quæ mediâ nescit marcescere brumâ.
 Sum Rosa, puniceos inter celeberrima flores,
 Nunc vilis præcii, nunc omni carior auro,
 Nunc depressa solo, nunc ipsis celsior astris,
 Clausa malis, rursus fatis ad aperta secundis.
 Sum Rosa, quæ, pedibus quam vis calcata protervis,
 Erigor. & veluti patulis in vallibus albescent
 Lilia, candidulis latè præcello ligustris.

CHRISTVS.

2. Suaviolum, mea vita, meum, quæ sola decoras
 Præradias veneranda natus; ceu lilia spinas
 Inter, honoratum tollis caput. undique sentes,
 Et tribulis circum seges exhorrescit acutis,
 Degeneresque rabi. cingunt te densa sororum
 Agmina, sed multum studiis aduersa malignis
 In te seua ruunt. seu cum scelerata tyrannis
 Flagra tibi, flammæque ferox intentat & enses,
 Atque uncus furibunda parat: seu rector Averni
 Arietat in Fidei portas, & diraminatur
 Fata tuis; mundique animum labefactat amore.

Sive

*Sive suos in te petulans lascivia sensus
Concitet, & pavida moveat nova praelia menti
Seditiosa caro, litesque resuscitet in te.*

ECCLESIA.

3. *Sed veluti steriles inter se plurima sylvas
Tollunt, humidulisque tument viridaria pomis;
Sic juvenum viles inter, generose, catervas
Solutas, meritiq; decus non vile reportas.
Hoc erat in votis, tecum requiescere in umbra,
Tecum posse loqui. nam quæ promissa marito
Ingeminas, quæ crebra meas solatia clades
Insuperata juvant, sunt nostro mella palato,
Ambrosiæque dapæ & amici nectaris unila.*

4. *Nuper ubi gratis spumabat vineæ succis,
Turgidaque implebat vacuas vindemia cellas,
Ducebas avidam vini cupidamque bibendi.
Voces vina tuæ; cœlestia pocula voces,
Sponsæ, fuere tuæ. sensi nova gaudia, sensi,
Et veteres pepuli curas animique dolores,
Et culpæ ferale malum. Tunc prævius ibas,
Tunc ductor sublata manu vexilla gerebas,
Non quæ sanguineo præludunt improba Marti,
Sed quibus ad placidi castra invitamur amoris,*

5. *Et partes, Rex magne, tuas. me floribus agrum,
Languidulamque tuo suffulci robore nuptam.
Nam titubat peccantis amor. sum cerea flecti
In vitium vetitasque faces, quas tollit honorum,
Vel malus ardor opum. sine te, vah, tota fatisco,
Genua labant, fractisque subit socordia membris,
Nec facio, quodcunque velim fecisse; malumque,*

6. *Quod nolo, fecisse libet. mihi, Christe, ruenti
Affer opem, capiiq; meo suppone sinistram,
Alteraque invalidam circumdet dextera Sponsam.
Tu vitæ sis prima meæ, tu causa salutis
Altera, tu suprema. tibi mea debeat uni
Principium finemque Fides. nec gloria cœli*

In geminos divisa fluat. tu, Sponse, redemptor,
Et solus servator eris. quæ possumus, in te
Possumus: & quicquid recti præstare bonique
Negligimus, nostrum est. cunctos tua gratia
laxat

In miseram laudata sinus. tibi diligor ultrò,
Et dilecta fui prius. & non debita cessit,
Nec merito mihi parta salus. sic prævius æther,
Sic comes it cœptis, & tanta exorsa coronat.

CHRISTVS.

7. Vos ego, Filiole Solymorum, obtestor. & illas
Quas viridi pasci spectatis fronde capellas,
Cervorumque adpiro greges. per quicquid amicum,
Aut unquam mihi dulce fuit, per sidera, terras,
Flammiferasque faces & nostrâ condita dextrâ:
Tempora dilecta concedite mollia Sponsæ,
Nec turbate thori sociam. dumque altior illam
Somnus habet, blando requiem indulgete sopori,
Et strepitu cessate. meis Ecclesia servit
Officiis Sponsoque vacat. procul ite malorum
Turba, nec intentam sacris avertite gentem.

ECCLESIA.

8. Quam placidis sonuere mea sermonibus aures,
Quis lepor eloqui, quam me facundia lingua
Pellicit, immemoremque monet! de montibus altis
Hinnuleo similis properat, saliensque relinquit
Ardua frondentis Libani; gestuque manuque
9. Succurrentis habet speciem. quin ecce fenestras
Intrat, & insolito persundit lumine cordis
Abdita, discussaque cupit se nube videri,
Et coram spectari oculis. mea blandula surge,
10. Surge, ait, humanosque tuo de pectore sensus
Excute; dumque meis figis vestigia plantis,
I, propera. te nostra vagam clementia semper
Prævenit, & stygiis palantem arcessit ab oris.
11. Cessit hyems, hyemisque labor. cessere feroces
Terri-

*Terribilesque Noti. veteres compescuit imbres,
Et nimbos moderata quies. trux languit in te
Impietas, jussuque meo siluere procella,
Excussitque suum sceptrorum infania virus.*

12. *Floret ager. resonant avibus virgulta canoris,
Aëriaque canit securus turtur ab ulmo.*

13. *Palmitibus rediit vigor, & se densior uva
Abcondit foliis, & baccis carula ficus,
Munificusque tuis se devovet usibus ather.*

*Quid cessas? mea lux, venias, tibi militat uni
Cura poli, faciliisque pater. vox ista vocantis,
Illius est. tu terra mea es; suspiria, fructus;
Vva, preces; fici gemitus & vota rogantum.*

14. *Qua modo petrarum latebris afflicta latebas,
Assolet ut milvo circumvolitante columba,
Post tenebras tibi redde diem, & manifestior orbi
Cernere. fare, cui capias debere magistro,
Nec timeas mihi dicta loqui, dominumque fateri
Omnibus, & nostro praeconia solvere regno.*

15. *Hac ait, inculcatque mihi. sed subdola multum
Subruit arrosis vulpes vineta racemis,
Et non una nocet. Vos rei tendite cives,
Indagate vias, & qua se subdolus error
Ingerit, & falsi vendunt mendacia vates,
Evigilate viri. & si sitis ne credite vani
Testibus. unius jurasse in verba magistri
Sit satis, & tanto causam dactore tueri.*

16. *Hoc agite. in visas donec Sol altior umbras
Dissipet, & pulsa pateat caligine verum.*

C A P. I I I.

1. *Sape mihi dubiam traxit sententia mentem,
Quonam calle mei spatiosa palatia Sponsi
Deprendam, jungarque viro. qua vita beatos
Efficiat, votisque frui sine fine secundis.
Quasi vi, densis sed circumsepta tenebris,*

Nocte

Nocte sub obscura latebras excussimus omnes :
 Quid diætet rationis opus, subnixaque causis
 Vis humana suis. didici, prudentia quicquid
 Suggestit ; ingenique acies, & provida cernit
 Consiliis doctrina suis. suffragia passim
 Sedula consului & magnorum oracula vatium,
 Rixantumque scholas discorsque ad singula vulgus.
 2. Ivimus, & vicos a vide lustravimus omnes,
 Et frustra studiosa fui. custodibus urbis
 Obvia, sollicito vigiles, rerumque peritos,
 Sed mihi nec vigiles, nec respondere periti.
 3. Non Memphis, quam vis stolidæ sacraria vacca
 Iactitet, aut visis sapiens Chaldeus in astris,
 Persarumque Sophi. non, quæ colit impia quosvis
 Gens vicina Deos. gravis ignorantia cunctis
 Incubat, & nostri nescit mysteria lecti.
 4. At postquam sprevi picti ludibria trunci,
 Et veri ignaras animas, ducibusque negavi
 Ambiguus adhibere fidem : secreta viarum
 Tuta magis rimata fui ; faciemque domumque
 Vidimus, & sponsi gressus deprendimus omnes.
 Tunc amplexa fui, cui diligor. arctius hæsi,
 Nec mihi subduci volui. deduximus ipsum
 In thalamos & tecta Deum : dumq; undique terras
 Personat, & summū declamant templa Tonantem,
 5. Possedi tam grande bonum. Vos, nomina blanda,
 Filiolæ, si quid nostrum peramabile vobis,
 Si quid survive fuit, mecum requiescere Sponsum
 Iam sinite, & longos in lucem extendere amores,
 Nec fastidita thalami consorte potiri.

CHRISTVS.

6. O quenam, quenam illa, procul quæ splendida sur-
 Desertis sublata locis ? ceu virgula myrrha, (git
 Thusque calens pingues attollit in aëre fumos,
 Vel piper & grata redolentia cinnama flammâ.
 Conjugis os habitusque meus est, electaque mundo

Et

Et tenebris erepta cohors. cui thuris odorem
 Vita refert, myrrham dolor & constantia palmam.
 7. En, late circum thalamos Salomonis in orbem
 Stat cataphracta phalanx, procuresq; ex ordine lecti,
 Iudæique patres. quibus omnis canuit ætas
 8. Sub clypeis, gladiis accincti immanibus omnes.
 Scilicet hæc Christi sacris operata juventus
 Bella gerit, querulæque movet certamina carni,
 Et vinci generosa timet. quos stringimus enses
 Adversum, quæ tela erebo Sathanæque paramus,
 Dum ruit errorumque animos nox occupat atra;
 Sunt vocis momenta mea; quæ ferrea flectunt
 Pectora & occultas diffindunt per via fibras.
 9. Ipse mihi è lignis Libani tentoria struxi
 Splendida, magnificasque trabes. consternitur axro,
 Argenti que micat sublimibus aula columnis.
 10. Purpura pro veste est, Babylonis stragula lecti,
 Gemmarumque jubar tædæ. domus ista piorum est.
 Cujus splendor, amor: probitas preciosior auro:
 Leges fulcra mea: lux, gratia: purpura, sanguis.
 11. At vos, quæ celsi colitis celebrata Sionis
 Limina, vos, inquam, florenti ætate puellæ;
 Huc omnes conferte gradum, quantisque coruscans
 Ostendet regum soboles insignibus ostrum,
 Adspicite, & quales radient in fronte corona,
 Matris opus; quæque ipsa suo diademata nato
 Imposuit, tunc cum thalami genialis adesset
 Vespera, & has inter graderetur mascula tædæ.

C A P. I V.

I. Quam mea præcellens Syriis reginæ puellis
 Porgit honoratos mihi formosissima vultus,
 Candidior cycno, lactenti mollior agno,
 Blanda, columbinis adludens mihi ocellis,
 Ut credas magis esse meam, fraudeque doloque
 Fastidire bonos. nihil est in mente cruentum,

Nil crudele, minax. cunctis clementia membris
 Emicat & studiis franguntur mollibus ira.
 2. Ut ludant super ora comæ, similisque capellis
 Cæsaries, quæ se Gilead sub rupibus abdunt,
 Et tondent dumeta vaga! quam picta rubenti
 3. Labra rubent illi cocco! quam mite loquentis
 Eloquium, & duras sermo qui duceret aures.
 Punica ceu patulis redolentia mala canistris
 4. Fragrant, Sponsa, genæ, turrique simillima cervix,
 In bellum quæ tota patet. tot ferrea vallis,
 Tot munia modis. cernas procul ordine longo
 Pendentes proavum clypeos, appensaque scutes
 Scuta novis, parmasque ducum, cumque arcibus hastas,
 Et frameas, fixosque carvis thoracibus enses.
 5. Ut tibi lacteola gemina statione papillæ,
 Mammarumque tument globuli: ceu pulchra tenellis
 Vbera propendent capreis, quæ liliæ calcant,
 Et latis spatiantur agris. non altera sanctis
 Forma decorque meis. insons in fronte rebrucet
 Simplicitas, verique tenax sententia dens est.
 Destillant labris vitis ad-versa nefandis
 Dogmata, quæque rubent, morituri sanguine Sponsæ
 Ora rubent. turris sunt exporrecta fideles;
 Spes galea est, lorica salus, fiducia scutum;
 Vbera iustitiæ fontes, patrisque voluntas
 Prisca recensque mei. surgunt, ceu colla, propheta,
 Ostentantque meas populis peccantibus iras.
 6. Ipse ego, cum medium conscenderit igneus orbem
 Phœbus, & invisas rerum contraxerit umbras,
 Cum calet alta dies; totum me frondibus abdant,
 Myrrha ubi, & arboribus desudant thura Sabais.
 Tunc legis fugient umbra, tunc clarior orbi
 Cernar, & ablato amplectar velamine Sponsam,
 Dilectosque mihi. pleno tunc Phosphorus ortu
 Adducam sine nube diem: totusque patebo
 Membris, atque aliis ardebunt pectora flammis.

7. Tota nites formosa, nites. nec corpore labes
 Vlla tuo est. nostro deleti sanguine navi
 Non ultra ferale rigent. preciosior unda
 Abluit antiquas illimi flumine sor des.
 Fœdaque probrosis absolvit tempora rugis.
8. Linque pruinosos, metuenda cacumina, montes
 Lux mea; neve jugis Libani celsisque morare
 Verticibus secura diu, quos exerit Hermon
 Frondosusque Senir, vel terra virentis Amani.
 Horrida spumantum caveas spelæa leonum,
 Quæque sibi servat frendens habitacula pardus.
 Hac orbis trux scena mali est. hic silva malorum
 Pullulat, hic errant immixti tigribus agni,
 Infantesque bonis. hic hic immania monstra,
 Et scelerum portenta suis stabulantur in antris:
 Improba luxuries, rabiesque invisa nocendi,
 Et fastus populator opum, livorque secundis.
 Invidus, & falsis animosa calumnia dictis:
 Et fera concordēs dirimens discordia mentes.
9. Respice me, mea Nupta, tuo qui saucius igne
 Vulnus alo venis, atque illice lador ocello,
 Et formæ splendore tuæ. me candida virtus,
 Me tua temperies, & primæ flamma juventa
 Abripit & recto nunquam saturata cupido.
10. Pulchra soror, quæ dulce tui sunt pignus amores.
 Pulchra soror, quæ suave tui sunt nomen amores.
 Pulchra Cupidineis concedunt vina papillis.
 Vincit Achæmenios pulcherrima vestis odores.
 Melle tibi stillant, & multo lacte labella, (grato
11. Sponsa, fluunt: sunt verba favi, & blandissima
 Nectare lingua madet: redolentque monilia cedros,
 Thuraque, & è pingui lachrymantes cortice succos.
 Ingenii nitor iste tui est. hac aura serena
 Indolis, & nostra majestas debita genti.
12. Quanta loquar! veluti densis viridaria septis
 Clausa

HEROICOR. LIB. IV.

529

Clausa jacent, fontesque novis custodibus, unam
Te surgente die, te decedente tuebor.
Hinc latus atque illinc valido munimine cingam,
Et vocis virtute mea; robustaque subdam
Labenti promissa tibi. Tuleior herbam
13. Hortule, tu casiam: tu punica mala, crocumque
Et cyprum, nardique diu fragrantis aristas,
Cinnama tu, myrrhamq; aloëq; & balsama funde
In socias divisa tuas. sic crescite sancti,
Crescite, & in cunctas mea fundite nomina terras.

ECCLESIA.

Tu mihi pro fonte es, puris qui defluit undis,
Tu latices salientis aquae, tu larga ministras
14. Flumina, & ex ipso manantia gaudia caelo
Impertis. dilecte, veni; placidissime me me
15. Amplexare thori sociam. non horridus agris
Incumbit Boreas, tempestatesque severas
Aut fluctus ciet ira gravis. tua mitior aura est,
Tu Zephyrus, qui divino patefacta favori
Dulcibus irroras studiis mortalia corda.
Tunc meus irriguo conjux spaciabitur horto,
Et secunda suis adludet fructibus arbor.
16. Tunc facili mea poma manu decerpit amator,
Quæq; prior dederat, reddam. tunc munera Christo,
Pura quo dilecto solvam libamina Sponso.

CAP. V.

CHRISTVS.

1. Et mihi floriferis per amoënus collibus hortus
Panditur. huc mea Sponsa veni. te messe beabo,
Quam felix largitur Eos. tibi myrrhina plenis
Dona cadis, nitidique feram carchesia lactis,
Et placitura tuis fragrantia vina labellis.
Omne meum, fas esse tuum. communia nuptiis
Singula sunt. eadem petimus volumusque beati.
Cæna eadem potusque. meis accumbite mensis,
Atque

*Atque epulis mecum lati indulgete sodales,
Ebriæque athereis accendite pectora votis.*

ECCLESIA.

2. *Nox erat, & jam membra sopor Leihæus habebat,
Cum mea tota Deo Superisque intenta vacaret
Mens aversa solo. mihi pars depressa jacebat,
Altera per cæli spatia & fulgentis Olympi
Atria, sanctorumque domos sublimior ibat,
Prompta sequi, quò fata vocant. Tunc dulcis amantis
Vox audita mihi est: charo, soror optima, fratri
Pande fores. dilecta obices & dura reclude
Ostia, nec vocem blandi aspernare mariti.
Ingredier, miserosque lares & tecta subibo;
Dum stillat mihi rore caput, guttaque capillis
Cincinnisque fluunt. diu pleno gratia cornu
Labitur, & diri per me cessere reatus,
Placatumque tibi reddent mea funera Patrem.*

*Ast ego jam pridem vitiorum pressa veterno
3. Vah ignava fui. tunicamque exuta togamque
Nuda iui. multumque expers florentis honesti,
Quis veteres, dixi, sponsa donabit amictus,
Et faciet magis esse piam? tum pulvere terfi
Plus nituere pedes, & visa Ecclesia mundo
Pulchra decensque fuit. sed enim pars sauior orbis
Sordidulis iterum fœdabit corpora plantis,
Et Sponso præsente lumen, Christi que satelles
4. Supplicii in visa premar. Dum talia fundo
Verba dolens, subit in mediam me dextera Sponsi
Transadigit, gemituque caue insonnere caverna:
Exilii concussa malis, & verberare duro
Tacta magis sapui; discussaque causa veterni
Peccati que sopor fuit, & socordia cessit.
5. Corripui me fessa thoro, tepidoque cubili,
Et nimium molli proscribens marcidæ luxu
Tempora, surrexi vigil. & jam vivida Sponso
Dum conor referare fores, & pectore totam*

Admi-

Admisse Deum, vitæque expellere amorem :
 Stellarum vere manus myrrham, cæpique probari
 Religiosa viro. sed postquam cardine limen
 6. Concrepuit, cordisque mei patuere penates,
 Ah meus, ah discessit amans ; subductaque paulum
 Gratiæ coelestis latuit, Sponsoque videbar
 Displicuisse meo. mœrens, afflicta, fatiscens,
 Fracta animum, magna absentem ter voce vocavi,
 Verbaque nequicquam tunc proficientia fudi
 Infelix. nihil ille mihi ; nihil ille marito
 Respondit, quamvis multum lachrymosa rogarem.
 7. Hæc inter me per tenebras & exca vagantem
 Compita corripuere viri, cinxitque misellam
 Custodum vigilumque manus. percussa frequenter
 Vulneribusque ad aperta fui. surrepta dolenti
 Palliæ sunt, peplusque pedes qui fluxit ad imos.
 Errantes sic noctæ duces, labefacta tremebat
 Et falso seducta fides. peregrina sequebar
 Signa, nec in sacris permansit transfuga castris.
 8. Vos mihi, quæ Solymæ colitis tecta alta puella,
 Dicite, si quæ mei nostis vestigia Sponsi.
 Dicite, me languere proci fugientis amore :
 Dicite, me lingue. e Dei fugientis amore.

ADOLESCENTVLÆ.

9. At tu Iessæas inter pulcherrimæ Nymphas,
 Cujus nec spatium visus, nec gloria laudem,
 Nec titulos vox ulla capit : dic, cujus amore
 Implesti flagrantem animum ? quo ve arseris igne ?
 Cujus inextinctis uraris virgo favillis ?

ECCLESIA.

10. Ille meus, quem sola colo, candore venusto
 Ora rubet, juvenesque omnes pulcherrimus anteit,
 Plus auro rutilat caput, & sublimior ipsis
 Palmarum foliis surgunt à fronte capilli,
 11. Illustresque nigrore coma. quos vibrat ocellos,
 Ipsa columbarum castissima lumina vincunt ;

12. Lumina, qua nitidis praterlabentibus undis,
Accipiunt purum fluuio abstergente nitorem.
13. Vt propriis redolent distincta sedibus herba,
Distincta stant lege genæ. manantia myrrha
14. Lilia concedunt labiis. manus utraque gemmas
Et glaucum beryllon habet. per viscera late
Candidulum transparet ebur. cui pulcher inerras
15. Caruleis, sapphyre, notis. velut alta columnis
Impavidis innixa domus, sunt crura marito
Aurea, nec Libani vultus subsidit honori.
16. Blandula mellifluis subludivit lingua palato,
Argutumque canit docto modulamine guttur.
Sic oculos, sic ille manus, sic ora ferebat,
Talis erat Sponso facies, sic corpore toto
Splenduit. haud aliam nostris se mentibus offert
Integritas candorque viri, maculandaque tandem
Cade Redemptoris species. qui durior auro
Intrepidum magno mortis discrimine pectus
Eximet, & Stygii spoliis Acherontis onustus
Tartara calcabit victor. qui depluit omne
Æthereo de fonte bonum, labiisque futuras
Res aperit, nostræque legit præcepta salutis.
Crura, quibus fulcit miseros, adamantina vis est,
Certaque Evangelicis innixa potentia verbis.
Auxilii sunt signa, manus. cœlestia dona
Pacis opes; facilemque Deum, vitamque perennem
Beryllos gemmasque puto. sunt ista piorum
Fercula. sic clemens animis illabitur æther.

A D O L E S C E N T V L Æ.

17. Fare puellarum suavisissima, quo tuus ille
Fugit amans? quas se in latebras, quibus abdidit
umbris?

Fare, tuum quo, sponsa, simul quæramus amantem?

CAPVT SEXTVM.

ECCLESIA.

1. Iam dicam. proprios tacitus deflexit in hortos,
His pratis, hac valle latet, quo plurima carpat
Lilia, & egregias lolio discriminet herbas.

Nos horti, nos prata sumus. sub cordibus hisce
Æstuat, & pulchros fervens exuscitat ignes,

2. Et tepidos fragrare cupit. sum, Sponse, peculi
Summa tui. tu summa mei. sumus alter amantis
Mutua dos. nostrasque faces confundimus ambo.

CHRISTVS.

Non aliter quam præclæsis in montibus arces
Tollit Tyrſa ſuas, tollis fastigia frontis

3. Illuſtris, mea Sponſa, tuæ; dilectaque cælo
Mœnia transcendis Solymæ. tu tota ſe vera es,
Terribiliſque malis & formidabilis adſtas,

Caſtrorum cœa denſa phalanx, nec per via turmis
Turma. tenebroſa metuit te calli dæus aula

Arbiter, & Stygia fugiunt tua tela cohortes,
Et ſclerum congeſta cohors. Ne lumina quaſo

4. In ſponſum deſpecte tuum. nam tactus ocellis
Erigor incendorque tuis, videorque ſuperbo
Celſius ire gradu, cœloque attollere criſtas.

5. Pendula caſaries caprarum hirsuta laceſſit
Colla. nitent dentes, quales albeſcere cernas

Lanigeris ovibus, quôties in fonte lavantur,
Atque gemelliparis implentur foetibus omnes.

6. Nec roſeis aliter turgentia punicæ granis
Mala rubent. nam te circum ſanctiſſima cingunt,

Agmina peccandi metus, & reverentiæ Sponſi,
Et niveus vitæ decor, & mens conſcia recti.

7. Sunt mihi ſex denæ matres, de ſtemmate regum,
Et reginæ omnes. ſunt, quas dignamur habere

Concubitus ſocias. ſunt tot florentibus annis,
Nec genus indecores & nomina chara puella,

Sanctorumque gradus, & quos distinguit honorum
 8. Sors non una. meo verum jurata cubili,
 Vnaque conjugii consors mihi dicitur uxor.
 Chara matris amor, sceleris sine labe columba.
 Cui sua certatim solvunt praeconia regum
 Regina, dominaque nurus, facilesque piorum
 Assurgunt animae, & gravido de pectore tale
 9. Eruclant iterantque melos: Quenam illa vira-
 Qualis diua parens, quae formosissima vultu (go?
 Provocat aurora faciem; cum certa salutis
 Verba capit, Fideique suis infantia cunis
 Vagit, & indoctis Christum balbutit in annis:
 Fallimur? en radiis lucet melioribus orbi,
 Et majus jam lumen habet, Lunaque videtur
 Æmula flammiferos largiri genibus ignes,
 Arreptasque à Sole faces, diffusaque de me
 Lumina, doctrinaque jubar concedere terris.
 Fallimur? en, illa ipsa novis successibus ardet.
 Et jam Phœbeos imitatur fulgida currus,
 Supremumque diem. tanta se lampade nobis
 Ostentant, tenebrisque patent aeterna fugatis.
 Utque suo robusta cohors opponitur hosti,
 Arma lacessenti movet imperterrita carni,
 Et Phlegethontaeas acies, & nixa potenti
 Castra manu pro me bellatrix femina spernit.

ECCLESIA.

10. Me meus hortus habet, durisque exercita fatis.
 Plurima nux, specimen sortis casusque meorum.
 Hic hic propter aqua rivos in vallibus erro.
 Et modo plantarum recreor lanugine. florum
 Prima rudimenta & surgentia stamina specto,
 Punica num vireat malus; num vinea vini
 Spem faciat, messemque ferax despondeat annus:
 Qualis inoffensa fructu probitatis abundet.
 Verna meus civisque meus, quae solvat Olympo
 Vota, quibus sancti i placent altaria donis.

11. Mox procul ex alto properantes monte quadrigæ,
 Præcipitesque rota, placidam & nil tale verentem
 Turbare animam. pulchri perire labores,
 Et vesana piis mandis vis obstitit ausis.

12. Quare age Sponsa redi, tunc clamavere puella,
 Sponsa redi, vultusque tuos ostende puellis,
 Castrorumque choros & tot nascentia de te
 Pignora credentumque globos da cernere mundo.

CAPUT VII.

CHRISTVS.

1. Sponsa puellarum nitidissima, quàm tua pulchro
 Dum graderis per rura fluunt vestigia pressu!
 Quàm caligæ pedibus, quàm se tibi leniter aptat
 Calceus, & femoris vadit junctura decenter,
 Artifici veluti fabricata monilia dextra!

Principis os habitumque gerens & Principe celsò
 Edita progenies; specie crateris in orbem

2. Omphalos it, laticesque isto de fonte refundis,
 Quasque bibat peccator aquas. tibi venter acervi
 Et multum aggesta Cereris, quam lilia cingunt,

3. Instar habet. similes caprearum hinc inde mamilla

4. Molle tument. surgit, ceu turris, eburnea cervix.
 Vt piscina, micant, oculi. quique inier ocellos
 Turgidos dirimit nasus sublimior orbes,
 Respicit adversam, veluti de turre, Damascus.

5. Quale caput Camelus habet, tuus athera vertex

6. Verberat. auricomi rutilant, ut purpura, crines.

7. Formæque Idum eas imitatur splendida palmas.

Sæpius hæc tacitus dixi: jam scandere palmam,

Iam fructus libare juvat. turgentia tangam

8. Vbera, fragrantisque fruar dulcedine Sponsa.

Manat ab Hyblæo generosum gutture vinum,

9. Latitæque latex, isto qui melleus ore

Defluit, & passim labiis ebullit amicis.

Sic dum plena Deo flammis mens ardet honesti,

*It monitis impulsa meis. sunt munera nobis,
Officiumque pedes. cervix erecta docentum
Splendor. Euangelii latus inviolabile turris.
Venter opes sancta. vatum consulta maxilla.
Nos caput, & summi Patris indulgentia botrus.*

E C C L E S I A.

10. *Quo laudata ferar? queis jungar amantibus
Multis sapè procis, multisque petita puellis? (uxor.
Tu mihi, Christe places. tua sum, tu noster, & am-
Possidet unus amor. non me lasciva voluptas, (bos
Non levis ambitio, tumidique superbiæ gressus,
Attalicaque juvant gaze. non gloria fallax
Surripiet me, Sponse, tibi. convertimur ad te,
Te sequimur, formosæ virum. tecum ire per hortos
Est animus, totamque sacris impendere noctem :*
11. *Vt, simul ac roseis surgens Aurora capillis
Dispulerit tenebras, radiisque retexerit orbem,
Lustremus tua rura duo, num vineæ gemmas*
12. *Truserit, ut sese florum incunda venustas
Explicet, & quales tellus tibi dædala foetus
Ediderit ; vel quanta suis oblivia gignant
Mandragoræ foliis. illic dispersa jacebunt.*
13. *Poma manu, veteresque novis superaddere mes-
Cura erit, & mediis flores inspergere portis. (ses
Scilicet horrendis subducta tumultibus optem
Otia tranquillosque dies, Christi que sub umbrâ
Pace frui, manibusque feris erepta nocentum,
Sponse, tuo latuisse thoro, donaria ferre
Et grati monumenta animi, atque oblita malorum
Peiora, consiliisque pios juvisse beatis.*

C A P V T V I I I.

1. *Sapè tibi sum dicta soror, soror unica, quæ re,
Tu mihi sis pro fratre, virique adamabile nomen
Nomine fraterno duplica. defluximus uno
Patre duo, genitorque tibi qui creditur, idem*

*Est mihi. ne chara mecum lactantia matris
Vbera fastidi. sum mystica matris imago,
Tu caput es. vincis pariter vincimur usdem,
Atque eadem nos causa ligat. sic oscula fratri
Prona dabo. decorisque mei pars magna, sororis
Diceris commune decus; nec vilis habebor,
Aut populis despecta ferar. Te dextera fratrem*

*Prensat, & in chara abducet penetrale parentis,
2. Et nostra secreta domus, atque bonorum
Pectoribus sacer hospes eris. tua iussa capeffam,
Te praeunte, sequar. te praeceptore, docenti
Obsequar. hic dulci implebo carchesia musto,
Et pateris libabo merum. tua munera reddam,
Inque tuis supplex ponam donaria templis.*

*3. Dextera me amplexa est trepidam. suppositaque
Læva meo capiti est. sic me caelestibus agram (blande
Undique suffulcit studiis, ducisque labantem,
Et tremulam arcano sustentas robore Sponsam.*

CHRISTVS.

*4. Vos ô, quæ Solyma colitis delubra, puella,
Otia sopita concedite mollia Sponse,
Nec junctos scelerum strepitu diuellite amantes.*

ADOLESCENTVLÆ.

*5. Sed quanam, quanam illa, feris excita cavernis
Surgit, & è nemorum latebris comptissima prodit,
Apta viro conjux, humeris innixa mariti?*

ECCLESIA.

*6. Illa ego sum, quæ, Sponse, meo te crimine quon-
Progenii, vetitos cum carperet arbore fructus (dam
Inconsulta manus. tunc te clementia Patris
Parturiit, fecitque vadem. tunc edidit orbi
Terra Redemptorem & miseris promisit Iesum.*

CHRISTVS.

*Ille ego sum, regina, tui signator amoris,
Arrha tuæ fidei; pignus venerabile lecti,
Rex thalami sponsorque tui. si ferrea mors est,*

Si, quicquid mortale, domat, regesque ducesque ;
 Non illi succumbet amor : non funera victus,
 Sentiet. accendet mediis incendia bustis,
 Duraque zelotypi contemnet fata sepulchri
 Durior, & flammis nocturnæ lampadis instar
 Exeret, & flammis tutus flagrabat in ipsis.
 7. Non ulli hunc poterunt latices extinguere amo-
 Non Siloe. non qui vastas Iordanus in undas (rem,
 Exit, & in Syria campos discurrit Orontes.
 Hic procul Eoë venientes aquore gemmas
 Vincit amor precio. non interrupta fideles
 Vincla ligant, quæ nulla dies vel secula solvent,
 Non mala fortuna facies, non rector Averni,
 Non rabies, urgensque fames, non mortis acerbæ
 Effera vis, vel quicquid atrox natura minatur.

E C C L E S I A.

Stat nostri securus amor. multisque beatæ
 8. Cingimur excubiis. verum mihi parvula vagit,
 Et neglecta soror. cui non tumuere mamilla,
 Sed calidus ludit circum præcordia sanguis,
 Ipsaque pubescit primo sub flore juventa.
 Ecquid agam ? quibus hanc verbis affabor amicis ?
 Ignaræ sacrorum animæ veræque salutis
 Pro dolor, & nullo dignata federe gentes,
 Te sine per salebras & inhospita rura vagantur,
 Piæque fallacis venerantur numina ligni.
 Quin miseros, dilecte, vocas ? & que illice verbo
 Consortes vis esse mihi, paribusque beari
 Legibus & nostris palantes coetibus addi ?

C A P V T V.

9. Si paries, si murus erit, si lubrica non sit,
 Nec levis instabilem rotet inconstantia mentem,
 Pârs fiet selecta domus ; & digna vocari,
 Et jungi pietate mihi, paribusque tuenda est
 Præsidii curaque soror. si prona patebit

Iam hæc,

*Ianua, si curiet venienti occurrere Sponsi,
Hanc tabulis cedrisque velut firmabimus arctis.*

ECCLESIA.

10. *Sum paries, mammaque mihi pro turribus ex-
Sum murus stabiliq; fides innixa columna est. (stat,
Quin tali sum lege mea sociata sorori,
Ut circumciso Graius permixtus Apella
Ambulet, & rigidos respectet Gratia Persas,
Sublatoque colant Dominum discrimine gentes.*

CHRISTVS.

11. *Ipse coruscanti Salomon spectandus in ostro
Hac tenuit vineta prior. precioque locavit
Agricolas, viles dum fastidit labores
Majestas veneranda fuit. mihi vinea cura est.*
12. *Hac ipsa tractanda manu, meus omnis in illa
Sudat amor, disponit amor, plantatque rigatque.
Nec mea terrenis felix Ecclesia tuta est
Officiis. solo sed me custode triumphat.
Tu modo, qua medios graderis secunda per hortos,
Ne cessa mihi, Sponsa, loqui. nam plurima circum
Æmula te fundunt riuales agmina voces,
Et mihi te Sponseque student auertere Sponsum.*

ECCLESIA.

13. *Corripe, Sponse, fugam & leuibus velocior hædis
Occupa odoriferos, lætissima culmina, montes.
Æthereasque domos magnoque habitata Parenti
Tecta subi. thalamosque illic, dum militat absens,
Grataque sollicita dispone cubilia Sponsa.*

P H A R M A C E V T R I A,

Sive Nuptiarum Cyri, Persarum Regis,
& Aspasie, virginis rusticæ,

L I B E R P R I M V S.

I Am Persas accendit Amor, semotaque longè
Ipsa Dionæis flagrant palatia flammis,
Et flecti diadema potest; ac rustica Phyllis
Latior Eôo conjux splendet in ostro,
Muteturque Deos, mundoque exemplarari
Adspicit, ut surgant humiles, & munere Divam
Induat augustas paupertas spreta coronas,
Mereturque pedum sceptro, despectaque ruris
Filia adorandis intexat crinibus aurum.
Vos, quibus incerto vadunt mortalia casu,
Nec curant terras Superi, quos cæca futuri
Palantes Fortuna rapit, qui numina rebus
Indulgere suis, nostri secura, putatis:
Præsentem spectate Deum, & cælestia quantis
Consiliis se Fata probent, mundique labores,
Ingenio, non forte, regant; dum surgere parvos
Cernimus, & summo turbari culmine rerum
Regales apices, venerandaque nomina tolli,
Ut sublata ruant. vili sub cespite primi
Pompilium fovère lares, cunasque Quirini
Et nondum domina dispersa mapalia Roma,
Pastorum rexere manus, & mole laborans
Imperium tenui cunabula debuit Alba.
Talis ebur Lydumque Gyges (ut fama) tribunal
Conscendit, regnoque fuit thalamoque potita
Simplicitas. talis Siculâ tellure potestas
In figulo rectore stetit, flexitque sub una
Sceptra lutumque manæ. quò te, rex Persa, Deorum
Extulit in sublime favor? cum voce tiaras

In-

Infrenuit lata sonipes, regique futuro
 Hinnit ignarus quadrupes. quo numine sordens
 Facta fuit Rhodope Pharii Regina tyranni?
 Tarquinius cur, Tybri, colis? cur rursus ovantes
 Deturbas solio? Latii cur frena capeffit
 Verna? vel innumeris servaris, Sulla, triumphis?
 Ille Iugurthino. & Cimbrum certamine clarus,
 Quo toties vicit bellatrix consule Roma,
 Cur jacet in caeno Marius, cannaque palustri
 Abdit grande caput? Vis haec occulta deorum est.
 Quae regnis ratione praest, regumque coercet
 Colla potens. quod si nondum labefacta resurgat
 Religio, pergatque sibi temerarius error
 Falsa loqui; clara thalamos & foedera spectet
 Aspasia; & tantum compescet virgo tumultum,
 Et dicet regnare Deos, motuque latente
 Ire per ambages, humanaque flectere vota,
 Quae libet, & tacitis fines evolvere causis.
 Vos mihi, quae sylvis Dryades habitatis opacis,
 Naiadesque Deae, & celebres per prata Napae,
 Dicite virgineos vultus: dic ruris amores,
 Alma Pales. Vos Damonis suspiria saepe,
 Et faciles voces, vos dura verba notastis
 Virginis, & pleno Aspasiam stupuistis in auro
 Iura pharetrato regnantem dicere Medo.

Illa per Eoas famam celeberrima terras,
 Ore Deam referens, poterat Iove digna videri.
 Tantus honos oculis inerat, frontique genisque.
 Is rubor in labris, roseam qui vinceret Eo,
 Is nitor in digitis, ni veum qui vincere longè
 Posset ebur, placidique lepos tam melleus oris,
 Vt sic Suada loqui cuperet. per colla flusebat
 Æmula casaries Phœbo, gressusque modesti,
 Ceu magna Iunonis, erant, pudibundaque semper
 Sueverat objectis faciem pratexere ramis,
 Et velare mali causas, solitasque procantam

Illecebras, & quicquid amans insania poscit.
 Sapius hanc limis Corydon adspexit ocellis;
 Sæpe per umbrosos saltus & tesqua vagantem
 Vidit, & incaluit Mæris. vestigia furtim
 Dum sequitur Dapionis, flamma propiore liquecit,
 Ut levia admotis ardescunt sulphura fumis,
 Naphtaque conspecto vicina bitumine flagrat.
 Multorum communis amor, multisque petita,
 Nullius privata fuit. dum poscitur una,
 Reppulit una procos, & fastidita sequentes
 Votaque & imbelles pastorum exercuit iras.
 Plus tamen unus amat Damon, totiesque repulsus
 Acrius instat amans, crescitque dolore voluptas,
 Et sperni vulgare putat: cum mollibus illam
 Alloquiis cupit & blandis accendere dictis,
 Stat scopulo similis, quem fluctus & unda minacem
 Verberat incautam. dictis aduersa repugnat,
 Nec thalami patiens pro virginitatis honore
 Verba facit, doctaque virum ratione refellit.
 Cum sua formoso circumdare brachia collo
 Nititur, optatis amplexibus arcet amantem.
 Et quoties labris inuitum surripit audax
 Basiolum, queritur, verbisque insultat amaris.
 Cum dextram sociare parat, cum pignus & arrham
 Donat amicitia, cum pignore dextra fidesque
 Despicitur, detrectat, abit, nunc abdita sylvis
 Delitet aut cæcis habitat secretior antris.
 Interea Damon per de via rura, locosque,
 Et nemorum ambages rapitur, quaritque, viasque
 In morem scrutatur equi, quem primus odoris
 Afflat odor, notos cum seruidus exit in agros;
 Pascuaque & totos hinnitu trajicit amnes.
 Vix Aurora gravem terris dimoverat umbram,
 Aspasiam vocat, Aspasiam vestigat in udis
 Vallibus; ait celsis errantem in montibus ardet
 Ponè sequi. medio postquam sublimior axe

Iffet anhela dies, fontes & flumina propter
 Invocat Aspasiā, & gelidas monstrare calenti
 Vellet amator aquas, undisque calere sub iisdem.
 Inde ubi noctifero vesper processit Olympo,
 Nec jam tota dies nec nox jam tota patescit,
 Observat, quo calle suam deflectat in urbem,
 Qua sedeat defessa domo, qua gaudia poscat,
 Queis socius comes incedat. fugit illa vocantem,
 Nec sinit, adveniat. Si quando arridet amicē,
 Torvum mæsta videt. quoties suspiria lentis
 Præcurrunt lachrymis, ceu victo obgannit amanti.
 Nec tamen hunc Cereris, non somni cura furentem
 Abstrahat. invisa circum prostratus in herba
 Spectat inexpleto dilectam lumine formam,
 Et visu perit ipse suo. Quis savius, inquit,
 Quis me pastorum crudelius alter amavit?
 Non potior, qui semper amo. vilescimus usque
 Officiis; prodestque nihil, fuisse puella.
 Omne mihi tempus precibus perit, annus & atas
 Muneribus, nec mille truce[m] donaria placent.
 Quicquid odoriferum fragrantibus edidit hortis
 Ver geniale, dedi. mediis allata Sabais
 Balsama, dein Cilicum messes, arisque dicatos
 Panchæi thuris globulos & cinnama misi.
 Nuper disparibus mihi quæ surgebat avenis
 Fistula, quæ summum posset flexisse Tonantem,
 Aspasie concessa mea est. qui prendere passer,
 Et primum ludens digitum mordere solebat,
 Illius est. dedimus toties decerpta recenti
 Poma manu, dulces venere ad prandia ficus,
 Et gravidis pendens vindemia pulchra racemis.
 Cum mihi non vilis penderet arundine piscis,
 Cum foret intentâ volucris dejecta sagittâ,
 Cum mea stravissent pinguem venabula cervam,
 Singula transmissi dominæ. modoserta parari
 Iussimus, aut gracili fiscellas vimine texi,

Aut quæ Sidoniis fulgebant serica filis.
 Cuncta simul periere mihi. nil juvit amasse
 Difficilem. delusa fuit sperata voluptas
 Hactenus. unda meos, & quicquid sufficis, æther,
 Tuque parens tellus, frustra docuistis amores.
 Attenuant vigiles languentia membra dolores,
 Et macie marcet cuius inconcinna, vigorque
 Priscus abit. solum mihi vox atque ossa supersunt.
 Et tamen imprudens, quem non probat, approbat illa,
 Et tamen infelix, quæ me fugit, insequor illam,
 Atque animum, qui me decepit, inebriat error,
 Seductumque rapit. fallacia gaudia capto,
 Spesque meas pudor est vano donasse labori.
 Inde manus tollens ad sidera; deserar usque,
 Deserar ô, inquit, Superi? nec amabor ab illâ?
 Et primo despectus amans exstinguar in ævo?
 Si potuit Stygias Orpheus lenire sorores,
 Tartareisque suam cithara deducere regnis
 Eurydicen; nigri si regia palluit Orci,
 Cum pius infernas Theseus comes iret ad umbras,
 Sulphureique recens peteretur conjugis uxor,
 Hac etiam tentanda via est. Discedite Divi
 Coelicola, quotquot mundi suprema tenetis,
 Numina sæva mihi. potius Tu rector opaca
 Noctis & umbrarum pater & pallentis Averni,
 Tuque fave votis Phlegethon, & flumine largo
 Eructa, Cocyte, dolos. nova, Cerbere, philtro
 Expuè, & æternis rigidam latratibus imple
 Aspasiam, & quam non valui mulcere rogando,
 Frange metu. piceo Styx livida toxica fundo
 Evomat; & cælum quas nobis denegat artes,
 Pandite vos matres Furia. ruite omnis in unum
 Horrida gens, aliosque modos dictate procandi,
 Eumenides. quacunque queam ratione potiri,
 Hæc erit aqua mihi. virtus, vitiumque scelusque,
 Cum probitate nefas nullo discrimine habentor,

Carminibus sterilem seges evanescit in herbam,
Deficiunt fluvius unda, labuntur ab altiss
Illicibus glandes, spoliatur frondibus arbor,
Vbera lacte carent. etiam plus gliscit ab illis
Et stimulos capit agra Venus, spretumque virago
Admittit mansueta procum & jam fracta fatiscit.
Talix dicenti tandem sententia sedit,
Consulere horrenda scelerata oracula magistra,
Et magicos audire sonos, patefacta cieri,
Tartara, fallaces tenebris arcessere manes,
Impiisque infames obsonia poscere sagas.
Quid faciat? non Miarubia de gente sacerdos
Os aperit, cœloque avertens sidera Circe,
Non Medea potens herbis, non Marsica pubes,
Non Psylli docti chelydris properare soporem,
Aut diro sueti strepitu terrere Chaatra.
Delphica conticuit rupes, & corniger Ammon,
Et sacri tripodes Dodonicique recessus,
Et quicumque vagis hæret Chaldaeus in astris.
At vates Lodippa fuit, tot gnara malorum
Femina, quæ scelerum ritus atque improba norat
Carmina, & invitam Superis subducere Lunam,
Sistere Solis equos, & noctis tempora claro
Permiscere die, suffundere nubila cœlo,
Et totum revocare Chaos, dudumque sepultos
Sollicitare rogos imisque excire cavernis
Pallentes animas, obliuia tradere menti,
Cunctaque Lethæi quassare silentia rami:
Hæc eadem, quoties vellet, lenire lecnas,
Serpentumque genus proprio exarmare veneno,
Et fixas alio poterat traducere quercus.
Fit lupus & laxos ululat nocturna per agros
Innocuo funesta gregi. jam forma molossi est,
Et mala latrat anus, nunc turribus abdita celsis
Horrendum mugit ferali carmine bubo.
Frendet aper, nigri crocitat sub imagine corvi,

Reptat

Reptat humi serpens mulier. fit dira Celeno,
 Atque alibi suis obscena sub corpore grunit.
 Tollitur & rapidis magnum per inane quadrigis
 Trans terras pelagusq; volat, Rhodopenque nivosa
 Sub pedibus Pindumque videt, Riphæaque transit
 Culmina Caucasosque apices. porrecta draconum
 Membra trahunt laceros currus, queis larida velat
 Crista caput, maculisque rigent horrentia fœdis
 Tergora, destillant spumantia frena veneno,
 Et tabo rabida ora madent. quacunque vagatur,
 Secedunt longè volucres, li vescit arista,
 Nigrescunt tacta segetes, rubigine sordent
 Prata, jacent fracto violata papavera collo,
 Et nihil afflatum superest. quin æthere summo
 Toxicæ terribiles recreant delapsa novercas.
 Hac mandante leve est amnes & flumina strictis
 Stare vadis, motusque suos dediscere Gangen,
 Tardius Euphraten, lentius incedere Tigrin
 Vorticibus, propriis refluxum se mergere Orontem
 Fontibus, & nullo Maandrum currere flexu.
 Hac ventos subito tempestatesque sonoras
 Voce ciet, Caurosque Notis & Iapyga Cauris
 Objicit, adversisque movet certamina flabris.
 Mergit sava rates, & onustas mercibus alnos
 Dissicit, & summo discerpit lintea malo.
 Enceladum Tityique latus flammisque tremendam
 Concutit Inrimem, fumantem exasperat Ætnam,
 Crebraque disruptis jaculatur saxa caminis.
 Impellit placidas inopino murmure nubes,
 Terrificique ruunt tonitrus. modo fulmina jussu
 Fabricat & trifidos extundit nubibus ignes,
 Ignaro Iove. divulsas discedere terras
 Cogit, & ingentes absorbet hiuibus urbes.
 Hac potuit Lodippa furens, quæ Colchida vicit
 Artibus & cui non vixit par Thessalia Erichto,
 Non versutus Atyr, non quæ venientibus annis
 Insti-

Instituit socias melior Locusta propinquas.

*Hanc adit effossi vastis sub rupibus antri
Impatiens Damon. mersos caligine postes
Adspicit, excubisque incustodita remotis
Limina, & aeterna metuenda habitacula noctis.
Pendebat ruitura domus, vacuique penates.
Et resupinatis sordebant atria muris.
Non viridi circum vernabant gramine campi,
Non pluvia locus aut fecundo rore rigatur.
Nulla rosas legit virgo, vel poma colonus.
Detrectant secreta diem; gaudetque tenebris,
Quisquis amat vitium. Phœbaia lumina nescit
Ferre latebrosum specus, ut sua crimina celet
Contemptosque Deos & vatis lucra dolosa,
Et Phlegethontæis subnixos fraudibus ausus.
Intus cristati torquebant colla dracones,
Et sicca calido poscentes gutture lympham
Dipsades. infauis accomoda partibus asspis
Perreptabat humum, propriæque injuria matri
Vipera, & ingenito turgentes felle colubri.
Pendula sublimes texebat aranea casses,
Ventrosusque gravi librans vestigia gressu
Bufo suum patulo virus fundebat ab ore.
Non hic arguto priscum modulamine Terei
Ingeminat philomela nefas, non Attica pellex
Ismarium deplorat Iryn. sed noxia passim
Strix volat, & pravi prænuncia noctua fati.
Semineces pendent artus, ereptaque matri
Pignora, & execti moribundo corpore foetus,
Et, nondum sibi totus homo. calcatur ephēbus,
Quæ graderis, lyncisque caput, cor vulturis atri,
Et distorta upupa facies, sit tota nefandi
Improba materies rerum natura laboris.
Altius admissos occurrens prona salutat
Credulitas, falsique tenax dementia stultis
Annuit, & cupidus exposcit faucibus aurum*

Vilis

*Vilis Avaritia ac precio mendacia vendit,
Illuditque Deis, nec regum jussa moratur.*

*Hic mediis Lodippa sedens penetralibus, orbi
Et populis responsa dabat, discincta capillum,
Fæda genas fusco vultum turpata colore,
Squallida, deformi nil concessura Megæra.
Ipsa feros rabies oculorum armaverat ignes,
Bassaridum quales oculi. dissecta fluebant
Pallia, & impura velabant tempora vitta.
Ossa tribunal erant, tumultus subducta parentum,
Et detracta feris circum suspensa rigebant
Terga bouum, & fœdis sanies manabat ab extis.
Vt limen tetigit, rursus revocatus ab illo est
Attonitus. redit inde animus, pulsoque timore
Infert se mediis Damon penetralibus alte,
Et deploratis circumfert lumina tectis.
Ergo illam ut dubio vix tandem cernere vultu
Evaluit, tetricam rabido de pectore vocem
Infremuit mulier; qualem Phlegethonte sub imo
Pallida Tisiphone vel rauco eructat ab ore
Ianitor, inque suos Ixion detonat orbes.
Insonuit nemus, & vasta tremuere caverna,
Ferrataque fores immensa que claustra loquentis
Dissiliere sono. tantus fragor ivit in auras,
Quantus nocte lupis ululantibus æra complet.
Aut qualem Armenia tigres Maurique leones,
Aut impacata vis effera frenduit Hydra.
Ipsa cavis habitans saxi resonabilis Echo
Fugit, & extremos timuit decerpere voci
Articulos, dirisque novissima reddere verbis.
Tandem ait: Has quæ te, Iuvenis, vel causa vel error
Depulit in latebras? num furto raptæ supellex
Quæritur, occultusque tibi deposcitur auctor?
An flatu ladenda Ceres? an flumina sisti,
An vis saxa loqui? geminas concurrere Lunas?
An vitreos turpi fœdari sanguine fontes?*

Num

Num potius tacito poscis medicamen amoris,
Et velles flagrare minus? num spernit amantem
Virgo, precesque tuas iratâ respuit aure?
Anne alios gelidi tractum in vestigia lethi
Ire cupis, fratresque cito decedere fato?
Num tua vis nullo penetrari corpora ferro,
Et gladiatorum apices & vana repellere tela?
An procul extremos jam nunc Garamantas & Indos
Est animus spectare, vel ipsam visere Thulen,
Atlantisque domos, & adustum sidere Poenum,
Et raptus per regna vehi? Solemque cadentem
Surgentemque diem celeri decurrere motu?
Dic age. Tum Damon: Tu, quæ non cognita nobis
No visti consulta Deum, Superumque Iovisque
Consiliis majora sapis, cui numina plenum
Pectus agunt, totoque tument præcordia Phœbo,
Cui manes omnesque Dii famulantur Averni,
Et veniunt ad jussa alacres; quæ Tartara laxas
Tanariosque lacus, & nostræ stamina vitæ
Parcarumque colos & lentos fraudibus annos
Præcipitas, ipsique potens dominaris Olympo:
Eumenidum decus, inferno dilecta profundo
Fili i Persephones, quam charis fovit Erinnyes
Vberibus, studiisque audacibus imbuit unam;
Cujus ad imperium pandit sua Cerberus ora,
Cujus ad imperium guttur crudele coërcet;
Ipse leves umbras in vita lintre re veſtat
Portitor, accelerat pœnas tardatque Megæra,
Flagrantisque faces obvertit sonibus atrox:
Exaudi, Lodiſſippa, preces. non funera posco,
Non animo cades agito; non lancibus infans
Appositus, non membra mihi dissecta petuntur,
Humanusque cruor. qualis Busiridis aris,
Aut Thracum crudis fluxit per fercula mensis:
Non patriam veni audaci rescindere cæpto,
Non regum insidior jugulo sceptrisque potentum,

Aut

Aut conjuratos armare in pralia cives
 Est animus, partesque sequi. non patris in annos
 Quærimus, antè diem, nec publica commodà ladi,
 Non fruges laticeſque volo, vel inania tristem
 Carminibus noſtris mulctralia fallere Baucen.
 Formæ mali levis eſt, & dùm peccare neceſſe eſt,
 Molle nefas meditor. ve, itas me trudit in artes
 Aliger ille Deus, tractumque cupidine pectus
 Fascinat, & duro miſerum me objectat amori.
 Hæc colo montanus paſtor loca, collibus erro,
 Et tenerum ducto campis agreſtibus agmen.
 Balantumque greges & qui tranſverſa tuetur
 Ponè ſequor torvi veſtigia fœtida capri.
 Eſt quoque vacca mihi tauro fœcunda marito,
 Eſt ſtructuræ vi, idiſfrondosum ceſpitis culmen.
 It vitæ ſecura quies. poteramque videri
 Felix ſorte mea; niſi me non vellet amantem
 Aſpasia & noſtros ſaviſſima ſperneret ignas.
 Hæc placanda mihi eſt. fac ut miſereſcere poſſit
 Damonis, dicatque ſuum. tu pharmaça dona
 Certa mihi. penetrent magici per viſcera cantus,
 Aut me dede neci. ſit mors mihi meta doloris,
 Aut ſperatus amor. cœli convexa tueri
 Difficilesque Deos labor eſt. pro virgine quid vis
 Infandum patiar juvenis. quò jufferis ire,
 Ibimus. immenſum tecum tranſibimus æquor,
 Ibimus in terra gremium, cœcoſque meatus;
 In Ditis te regna ſequar, Stigiumque tyrannum
 Alloquar. Aſpasia, Aſpasia mihi fleſte, feroxque
 Ingenium, Lodippa, dona. tibi texta parantur
 Serica, & Eôo rutilantes murice palla,
 Regalesque toga, digitisque anguſtius aurum
 Tinniet. hîc tibi ſelectas mactabo bidentes,
 Et tua præclaris onerabo altaria donis,
 Narcifſo violaque & ſuaſe rubentibus uvis.
 Phaſiacas addam volucres, quaque ordine pulchro
 Arre-

Arrectam gemmis caudam stellantibus implet,
 Et quæ Chalcidico subsidit femina gallo.
 Tum mulier sic orsa loqui est, & verba profatur
 Impia: Cum densas mundo nox fecerit umbras,
 Et rutilum tacitis subdaxerit aethera terris
 Occiduis Titan, speciosaque cornua Phœbe
 Occultabit aquis; spumantia littora Nerei
 Noctivagus spectator adi; dumque obvia lustras,
 Et modo suspensam miraris in ære terram,
 Inde catenatum objecta tellure profundum,
 Conspue ter, ter lacte novo consperge procellas,
 Ter nivei mellis tumidis affunde liquorem
 Flutibus, & veteris fragrantia munera Bacchi.
 Ter conversus, aquis fluidos ter tinge capillos;
 Et tandem in bibulâ demisso poplite arenâ,
 Ter tibi dilecta nomen percurrere puella,
 Et magna ter voce voca. dumque ultima faris,
 Oceani vicina subi, vesteque recinctas
 Abjice, terque tuos undis fluitantibus artus
 Prolue, ter silsa madeant aspergine lumbi,
 Ter fluctus litusque feri. Solennia, virgo,
 Ista tibi, dic, sacra paro. mitesce roganti,
 Nec porro gravis esse velis. ter sulphure, flamma,
 Ter lymphâ lustratus abi. mox undique frondes,
 Et fruticum genus, adversi medicamina amoris,
 Collige, quas Peneus, vel quos dabit altior Ossa,
 Vel Pindi iuga, vel Pindo ferventior Ailas.
 Lætucam violamque cave, & qui frigidus immor-
 In ventrem serpit cucumis, quæque acta per hortos
 Turgēt ab angusto protenta cucurbita collo.
 Intyba prætereas, gravidumque sopore papaver,
 Funestasque trabes taxos, piteamque nocentem,
 Et teretes fungos, foliumque immuecuenta.
 Aptâ magis ventosa faba est, Veneremq; morantem
 Extimulans eruca salax, & grandior orchis,
 Et mordax piper, & ferventis grana cumini.

Hinc

Hinc porrum & calidis carpantur eryngia fibris,
 Flosculus euphrasia & vertex benè olentis anethi.
 Deinde cavum tepido spumet tibi sanguine ahenum,
 Sanguine, quem tumidi fundet tibi vena leonis
 Vulneribus laxata novis. rabiosa legatur
 Spuma canum, leporique fero decerpta medulla,
 Et cervi femur & virus lunare draconum,
 Cenchris & hirsuti pellis maculosa colubri,
 Quique venenatis Afrum serpentibus ater
 Destillat cruor & Libyci membrana cerasta.
 Adde caput nati nuper bufonis & alvo
 Exemtum cœcâ puerum, raptumque cadaver
 Infami ferale rota. cineresque nocentum,
 Effossosque reis oculos, cerebrumque chelydri,
 Reptantesque solo cochleas, hepar anguis & aurem,
 Passeris extincti nimis in amoribus inguen,
 Extaque cornicis septem jam secula passa,
 Et lentum Hippomanes, tenera de fronte revulsum
 Vix nascentis equi. quæ stipite mixta coquuntur.
 Acris. at postquam steterit tibi succus & omnes
 Fient gluten aqua, lavam ter inunge mamillam.
 Et lumbos oculosque & cor violabile telis,
 Et partes, quas possit amor. dic: ista placere
 Aspasia fac, Diva Paphi, ritusque secunda
 Officiosa meos. patulis hinc gramina campis
 Et flores succide. rosas cum carpis, iisdem
 Basia fige libens; cum lilia, lilia centum
 Basiolis caleant; cum myrtus tangitur arbor,
 Dic: Mihi, myrte, fave, Venerique sacerrima pectus
 Virginis emolli rigidum. contexe corollas,
 Et ter cinge caput, rursum ter deme corollas,
 Et dic: Virgo, tuo triplex sub pectore vernet
 Gratia, & hos ipsos veris transcendat honores,
 Totque herbis reviresce magis. post littora, montes,
 Lustratosque locos nemorum, tua tecta revise,
 Et calidis rursum tibi bulliat olla favillis.

Quà gradiere, novi flores & graminà surgent,
 Quaque cadent gutta, in vitem lasciuiet ulmus,
 Ambiet & platanus platanos, & mutua palma
 Brachia conneſcent, iterabunt oscula conche,
 Permistaque ibunt hedera. ræet omnis in ignes
 Insolitos tellus, & semiet altior ales
 Insperata pati gelidas incendia nubes.
 Hac cum sollicità perfeceris omnia curâ,
 Atria quâ spatiosa patent, imique penates,
 Formidata tuum concludat linea corpus,
 Et circo stet tuta salus. hoc limite gressum
 Fige, nec hanc ausis, Damon, transcendere metam.
 Si faxis, citius dicto discripta trahentur
 Membra, & Avernales lambent tua frustra sorores.
 Tum virgâ primum, Superos & sidera signa,
 Deinde solum attonito similis cum murmure pulsa,
 Et Furias Manesque cie, cunctosque profunda
 Concute Iunonis thalamos, Erebumque Chaosque
 Cocytique domos & caligantiæ regna,
 Et quæ vorticibus Lethe loca lustrat anhelis,
 Et Stygii de vexa poli. Iamque, ecce, tremiscens
 Sub pedibus secedet humus, caligine testum,
 Et piceis circum nigrescent omnia fumis.
 Illicet æthereas corrumpet pestifer auras
 Spiritus, & mixto diffusus sulphure foetor.
 Nec mora, secundo tollent se monstra Barathro,
 Spectraque terribili surgent minitantiæ vultu,
 Fumantesque faces quatient. hic Gorgonis ora,
 Hic caput anguineis intortum plexibus antro
 Effert. hac Scyllam, referet frons ista Medusam,
 Quaque venenosus colubris armabitur, altos
 Librabit gressus tenebroſa filia noctis.
 Ille canem reddet latratoremque molossum,
 Hic oculos, basilisce, tuos, hac turpis hyana
 Guttur, & implicitæ spiras torquebit echidna.
 Adspicies patulis flammæ præstera vomentem

Faucibus

Faucibus, & Veneri prabentem gaudia Scincon.
 Alter in obliquum serpet latus, ipsaque Cancer
 Crura recurvabit. guttis lucentibus ibit
 Stellio, & exuvias Scutales imitabitur alter.
 Ibis Tartareus Triton, simulataque terga
 Concutiet, conchamque sono replebit inani,
 Quos inter Stymphalis erit, raptura cruentis
 Vnguibus exangues animas. hic mutiet hirci
 Larva, frement lynces, claudet Plutonis alumnus
 Vrsus, & occulta fallens dulcedine panther.
 Nec deerunt Harpedophorus, terrenisque Phobetor,
 Non Icelos, non ille trabes mentitus & undas
 Phantasus, & quavis ludens sub imagine Morpheus.
 Exiliet levior Nycteus & Diis Alastor
 Affecta & ille ruens pedibus velocibus Æthon,
 Et Capni soboles, & curvis cornibus Ammon,
 Et rictu terrens Lupus & proboscide Protheus.
 Hos trudet veniens Caphoros, Larfosque, Merachq;
 Burfa, Bulis, Salasar, Barfu, Laspharus & Adar,
 Ethiel, Azoriel, Thulbas, Pandorque Cazulque,
 Et scelerum persuasor Aal, furitque magister
 Albador, & luxus suadens exempla protervus
 Carrasiba, & populis vendens mendacia Chrubas,
 Et latrocinii Malgron, & notus Ahalcas
 Fraudibus, & gaudens lectum incestare Remascen.
 Qua cum transierint oculos portenta, subibit
 Astaroth, Attalibax, & clamans dira Mimallon,
 Et tonitru clarus Bronies, flammisque Pyracmon
 Ore vomens, rostroque minans mordace Scolopax,
 Et qui fallacis fucum male diligit aula
 Thaumaz, & in regum mores proclivior Aischros.
 Iuraque qui precibus Adicos sacrumque tribunal
 Pervertit, medicosque docet tot crimina Chrysos.
 Quid tetrum Briarea loquar? cui brachia centum
 Damnatos prensant manes, tumidumque Typhoea,
 Animachū, Monychumq; Lycocthona, Teledeantem,
 Et

Et similem Lerna Phlegrum, Drusumque Chima-
 Tum Stygiæ matrum circumstipante ceterâ (ram.
 Incedet triplex Hecate, rapietque micantes
 Persephone post se famulas. turba omnis in orbem
 Anguipedes flectet gressus, nec vultibus obdent
 Tegmina, femineum prævelatura pudorem.
 Quæ cum prodiderit tenebrosi regis Ditis
 Agmina, difformesque choros, se mitior illis
 Offeret Æneadum genitrix, matremque Cupido
 Ponere premet, jaculisque humeros insignis & arcu
 Aspasia simulacra manu radiantia ducet,
 Non tamen Aspasiam. faciles tibi flectet ocellos
 Umbra levis, cupietque tibi consuescere spectrum,
 Pronaque contemptis innectere colla lacertis.
 Ne moveare, puer. constet fiducia cæpto,
 Nec tantos horre strepitus, speciemque malorum,
 Aut improvisæ timeas spectacula pompæ.
 Quin potius multo rursum tibi bulliat iste
 Igne lebes, mergasque tuis lacerata sub undis
 Viscera cornipedum, & metuendas viribus herbas,
 Et mox repletas humano sanguine venas.
 Noster in hoc succo Deus est. hoc gluten amoris
 Illecebra est, stimulumque minus redamantibus ad-
 Dissolvitque gelu. tali conspersa liquore (dit,
 Deperiit Phædra Hippolytum, Briseis Achillem,
 Et Macareus Canacem, & Sappho doctæ Phæonem,
 Salmacis Androgynum, & factus puer Iphis Ian-
 Hoc succo redeunt anni, roburque virile, (then.
 Et vigor in Venerem. potuit juvenescere tactu,
 Seque virum stupuit rugis abeuntibus Æson.
 Hoc sua Tithono toties reparata juventa est,
 Hoc Erycina suum toties aspersit Adonin.
 Hunc ubi torva suis contingit virgo labellis,
 Dilutum pater a custoditoque Lyao,
 Illi delictum, Damon, & solæ voluptas,
 Et spes omnis eris. solum te flumina juxta,

*Aut densos inter corylos aut tecta corymbis
Antra vel umbriferi deposcet vela ligustri.*

*Audiit hæc letus Damon, sperataque fovit
Gaudia, & Aspasiæ votis dum præcipit, auro
Fatidicam demulcet animum, vestesque decoras
Adjicit, & pulchris fallacia carmina donis
Thessalicasque artes redimit. capit ille furoris
Materiem causasque sui; quæcunque parari
Iusserat, herbarum genera & quæ gramina sparsim
Vulsa manu partim, & el partim falce resecta
Legerat, & vario turgentia pocula lacte.*

*Dumque levat manibus tanta perversa magistra
Munera, ridiculisque dapes, miratur eundo,
Atque oculos animumque stupens per singula ducit.*

*Sic graditur, cum se venienti fortè Palæmon
Obtulit, indomitæ moderatus frena juvenæ,
Et comes & custos quondam. qui ferre tenellum
Sueverat, & genibus ludentem aptare paternis.
Qui simul ac studium juvenis, curaque, viæque
Edidicit causas, tantique exorsa laboris,
Et malè quæsi molimina subdola lecti,
Sic ait increpitans: Quis te malesanus amantem
Error agit; cœloque facit peccare relicto,
Et sprevisse Deos? fati flectuntur amores,
Et thalamus res est Superûm. non ludicra tædæ
Sors movet, aut istis amor est quarendus in herbis.
Scilicet hæc, Damon, credis curare sepultos,
Et Styga Lethæumque Iovem? cur, improbe, curas
Nosse domos Erebi? delubraque Ditis operti
Consulis? & stolidis imploras infera votis
Numina? nos genus exosum furialibus umbris
Et soboles invisa sumus. malè poscis ab hoste
Præsidium columenque tibi. falleris amator
Fraudibus ipse tuis. disces miser esse, rogando,
Quos rogitare nefas. non adspicit æquior æther,
Qui Diti debere volunt. novisse futurum.*

Numinis est. sensusque & corda inflectere coelum,
 Non Styx atra valet. quanta mercede parantur
 Damna tibi, meritaque luet vesania poenas!
 Si thalami poscis sociam, res ista parentum est.
 Agrestem si pastor amas, pastoris amici
 Consilia expendas potius, precibusque jugales
 Flecte Deos. quorsum hic omnis sine fine paratus?
 Quid sibi vult pars ista lupi? pars ista leonis?
 Quid teter bufo? qui rapta volucris exta?
 Feraleque epula & cruda cum floribus offa?
 Quid vitulus de matre recens? & turgida succis
 Cymbia, detonsaque coma? tun illa, sacerdos,
 Sacra tibi ludosque facis? talemque puella
 Te gestis prestare virum? num talibus astra
 Officiis placare studes? facilesque mereri
 Coelicolas? heu, quid Veneri cum partibus istis.
 Non placet huic matri bubo, non cauda lacerta,
 Non crucibus detracta catenis, non livida tabo
 Viscera, & exanimis artus. procul illa faceessant,
 Crepta precor. Superos credas plus posse, Deumque
 Coniugii curare modos, & pabula amoris
 Sufficere & tetricam juvem lenire puellam.
 Pronubus est homini Rex Iupiter. annuit illi,
 Et thalimis moderator adest. His optima conjux
 Auspiciis poscenda tibi est. venerabile caeli
 Depositum insanus nunquam donabit aruspex.
 Impia non Manto, non qua penetrantia terra
 Scrutatur, Stygisque litat mala Thassalis aris.
 Horruit his monitis Damon, gelidusque cucurrit
 Imas per ossa tremor; pollutaque carmina damnans,
 Nunc artes timet ipse suas, nunc damna revolvit.
 Et credit periisse sibi, quod solverat, aurum.
 Stat titubaturque miser, veluti qui sentibus anguem
 Pressit humi. cecidere manu frugesque liquorque,
 Et volucrum quodcunque fuit, quodcunque ferarum.
 Fanda, nefanda simul. calcatur projecta magorum

*Fercula, collectumque irato numine virus,
Et formidatos excussit pectore ritus.*

D A M O N,

Sive Nuptiarum

C Y R I & A S P A S I Æ,

*in quo de vitæ aulicæ ac rusticæ commodis
ac incommodis disceptatur,*

L I B E R S E C V N D V S.

D *Ispulerat Memnon tenebras, & lutea conjunx
Tithoni, croceum linquens Aurora maritum,
Oceano flebat equos; jam tempora Morpheï
Nocturnasque faces mundo subduxerat ardens
Phosphorus, & patulis rorantia gramina campis
Abluerat primo soboles Hyperionis ortu:
Lanigerum cum virgo pecus, cupidasque capellas,
Tarda que lascivis permixta armenta juvencis
Duceret Aspasia, & pratis laxaret apertis,
Tutela secura sua. comes ibat eunni
Chloris & Hypsipyle. quarum prior illa procorum
Nescia contemptos referebat Thyrsidis ignes;
Hæc flammam confessa fuit, tactumque Philani
Illecebris animum & primi secreta furoris.
Illi pulchra leves alitè stringebat amictus
Fascia, ne madidam preciosior olita terram
Verreret, aut lentos traherent vestigia gressus.
Dextra pedum portans humeris ludebat in ipsis,
Quo sulcos jacere & segnes urgere bidentes
Sueverat. hand alto suras perone tegebat,
Frondifera geniale caput velata cupresso.
Dum graditur, capiti ter florida lapsa corona est,
Imperii præsaga novæ. ter Iupiter alta
Intonuit de nube pater. dumque aliter coelum
Sceptra parat, ter vile pedum, quod fortè gerebat,*

Excidit.

Excidit è manibus. summo Iovis armiger ales
 Æthere signa dabat, regumque afferre tiaras
 Visi sunt clangore gravi. sed nescia fari
 Lactiferas virgo matres agnosque petulcos
 Ponè sequebatur. Superùm quem destinet aris,
 Designat, duris modo vocibus increpat hædum
 Cornipetam; queis lana pedes descendit ad imos
 Mulcet oves; quæ pallentes benè ruminet herbas.
 Observat, cumposque suos & prata pererrat.
 Non alium Zephyrus radius melioribus orbi
 Viderat illuxisse diem; non suavius unquam
 Pascua fecundis purgabant flatibus aura.
 Ver erat, & pingues trudebant gramina gleba
 Acrius, & multis natura coloribus agros
 Pinxerat, innumerisque dabat primordia rebus:
 Cum procul accelerans currus de montibus altis
 Harpalus, instigansque rotas, rimatur in agros
 Sollicitus, queritque suo nova gaudia Regi,
 Quaque thoro possit formâ meliore probari.
 Fervida præcipiti prolabitur orbita cursu,
 Sævaque quadrupedum geminantur verbera dorsis.
 Fumat ager, strepituque suo & velocibus umbris
 Attoniti terrentur equi. levis afflit unda.
 Undique, concutitur tellus, & turbine anhelò
 Visa simul, correpta simul, subductaque raptu
 Aspasia est. clamant comites, manibusq; sequuntur
 Exertis, sociamque vocant, precibusque reposcunt
 Incassum. Quis te, raptor scelerate, Deorum,
 Chloris ait, Stygiis audacem excivit ab oris?
 Quis flammis accendit Amor? facibusque profanis
 Impulit infestis rura infestare quadrigis?
 Sunt aliæ innuptæ Medo & florentibus annis,
 Nec Regi indecores. non unam Laida servat
 Persepolis. veniant istæ mercede puellæ.
 Sufficit impuræ meretrix mercabilis aula.
 Linque lares nostros, & quas sine crimine sedes

Pan colit. hic paribus nubes pastoribus illa
 Aptius. agrestem cur pessimus advena divam,
 Dilectamque rapis? non hæc rapienda virago,
 Sed potius poscenda fuit. confundite terras,
 O Superi; non tuta suis sunt regna colonis.
 Captiva sumus, & spoliū prædonis iniqui.
 Sacrilegas lacerate rotas, currusque proter vos
 Solvite, & infracto, quisquis fiet ille potentum,
 Axe ruat. duris raptorem illidite saxis,
 Sistite equos, celeres, Fauni, disrampite habenas
 Ocyus. hanc charo sobolem servate parenti,
 Reddite ruricolam. sic se clamore fatigat,
 Verbaque profundit nil proficientia Chloris.

Aspasia, ut pavida rediit vultusque colorque,
 Inque gravem coram torsit sua lumina Persam,
 Ingemuit, lachrymisque genas dum tingit obortis;
 Heu, quis me tellus, inquit, qua me æquora raptam
 Accipient? quò, quæve feror? quò turba sororum.
 Quò comites abiire mea? cur deseris unam;
 Hypsipyle? cur sola truci sum visa tyranno
 Digna rapi? mater, genitor, succurrite nata,
 Exaudite preces. vestris si filia iussis
 Paruit, exitio faciles succurrite nostro.
 Quis scelus antiquum revocat? quis crimina raptus
 Nulla putat? castæ quæ virginitatis honorem
 Impietas lesura venit? non missus Averno
 Rursus in errantem per florea præta puellam,
 Pluto, furis? geminaque frui consorte laboras?
 Num Lapithas impellit amor? num pastor ab Ida
 Tyndarin Eois aliam sibi querit in agris?
 An Dryopen me credit Hylas? Minoida Theseus?
 An terras Titanes habent? ruptisque Typhœa
 Faucibus evomuit calidis fornacibus Ætna?
 Ah, raptor. dubiumque, cui captiva marito
 Debeat. invisas Erebi descendet ad umbras
 Aspasia? atque tuis vivam Proserpina fatis?

An

An regum ser uor thalamis? num structa caminis
 Moenia Cyclopium & Liparen miseranda sul ibo,
 Phlegraosque specus? etenim, quocunque dolentem
 Me fortuna feret, tellus Acheronque placebunt
 Sorte pari. nusquam custodia tuta pudori.

Quantum uirginitas potuit suadere malorum!

Dum loquitur, laxo uoluit per devia freno
 Persa ferox, montesque & saxa minantia caelo
 Trajicit, & Zephyros ipsos post terga relinquit.
 Iamque Lycum Tigrinque uagum transvectus, &
 Ecbatana, & celsi nemorosa cacumina Zagri, (alta
 Et qui praecipiti spectatur rupe, Niphaten,
 Deposuit mediis spoliū venerabile Susis.
 Hic ubi flammanti fulgent accensa pyropo
 Atria, & Assyrii rutilant palatia gaxis,
 Fultaque Mygdoniis regalia tecta columnis.

Audiit hos motus Damon; nec credulus illis
 Queritat Aspasiā, camposque & jugera pernox
 Scrutatur. lustrat villas, nemora omnia oberrat,
 Inuocat amissam. sperat, pauet; optat & horret;
 Aggreditur quosvis, casus scitatur acerbos,
 Quis raptor, quis currus, equis quae forma colorque,
 Quae via praedonis. talis circumuolat ales
 Proxima, cum foetus subductaque pignora nido
 Adspicit. excelsas illic circumspicit ornos,
 Illic saxa uidet, num quis decusserit Euris.
 Nunc hominum radit latus, aut in vertice tecti
 Mæsta sedet, querulisque replet garritibus curas,
 Furtaque vel pueris, vel sevis exprobrat Austris.

Arsacidas tum fortè suis flelebat habenis
 Cyrus, & Assyrii victor fastigiaregni
 Subdiderat Medo. nihil ultra Lydus habebat,
 Ioniusque suum. magni patrimonia Cræsi
 Persarum rectoris erant, & Phocidis urbes,
 Euboicique sinus. Arabasque & Bactra tenebat,
 Et clara Babylonis opes, Regumque feroces

Exuvias. felix, tantos ni cruda triumphos
 Mater, & illustres fœdasset femina lauros.
 Non illum galea fulgur, non dira minantes
 Terruerant clypei, non tracta è crine sagitta.
 Inter signa puer, strictasque adoleverat hastas
 Intrepidus. per tela Ducem, cuneosque globosque
 Fulmineosque furens Mavors raptaverat enses.
 Ergò ubi se longis exolvit Persia bellis,
 Armaque Gradiuo suspendit fessa parenti,
 Et centum fulgens gemino sub Sole trophæis
 Bellacem placavit Halyn, & Caspia regna,
 Et Phasin & verso pugnantem tergore Parthum.
 Ibant tranquilla luces & marcida luxu
 Tempora peccantem fregerunt sordibus aulam,
 Masculaque in molles fluxerunt pectora curas.
 Tum litui cessère, lyra, tum classica festis
 Vocibus, & cunctos laxavit regia fastus,
 Et rigidum pepulit torpens ignavia Martem.
 Iamque aderat festiva dies, epulaeque paratae
 Ante oculos, patrioque Duces pro more sedebant,
 Et solio ductor Medus spectandus eburno.
 Parthica cui totum velabant serica corpus,
 Regiaque ornabant dignos diademata crines.
 Obtulerat lato spumantia cymelia succo
 Bis genitus puer, & decerptas collibus uvas.
 Alma Ceres fruges, longisque obsonia mensis
 Ferculaque exactum dederat poscentia guttur.
 Cum Venus hos ipsos inter Dea candida coetus
 Extulit os, movitque gradum. non squalida tabo
 Arma ferens, rigidiisque truces mucronibus enses,
 Non avidos pugna Thracas, nec Amazonas arcu
 Terribiles, durumve Getam. sed Principe coram
 Virgineos Erycina stitit blandissima vultus,
 Mortali sub carne Deas. non gratia vita,
 Non Charitum deerat decor, & sine fraude venus.
 Mixtaque non ficto comis reverentia gestu. (stas,
 Tales

Tales Najadas sacris incedere festis
 Fama fuit, modo des cultus similesque paratus.
 Hac poterat Cypris virgo formosa videri;
 Hac Iuno, generosa gradu. pro Pallade fulget
 Aspasia, audacem referebat quarta Lacanæ.
 Digna Deo cunctis facies. ut lumina Cyrus
 Flexit in adstantes nunquam saturata puellas,
 Non secus exarsit, quàm si, spirantibus Euris,
 Agricola arenti flammam supponat arista,
 Aut exsiccatis cremet in foenilibus herbas.
 Estimulant omnes Regem. distincta voluptas
 In plures unum trahit, & divellit amantem.
 Et quia Memnoniis regionibus acrius urit
 Sævus Amor, flagrat vitio gentisque suoque.
 Ut pudor abcessit, vinique licentia suavit,
 Quæ reges fecisse nefas; orditur amores
 Purpura, & Aspasia, quæ non ren. re. e sorores,
 Basia figit amans, iteratque, & ludit, & ignes
 Ipse suos nutrit; sumitque alimenta libido,
 Invaluitque furor. rabies effrenis amandi
 Secessum vitio querit, latebrasque nocendi.
 Iamque moras spernens rogat, & sua vota reponit.
 Quodque petit, cœu lege petit. completitur, urget.
 Arridet propius, nec sic expletur amando.
 Verba, joci, risus, facies, motusque manusque
 Mille modis produnt malesanæ incendia flammæ,
 Illicitasque facies. sed non conatibus istis
 Annuit, at totum contempsit mascula Cyrum
 Virgo, nec, illustri quanquam, consensit amanti.
 Dum pergit, crimenque jubet, visque addita verbo
 Facundam facit ipse timor. gressuque reddito, (est.
 Quid, Princeps, moliris? ait. sim rustica quamvis,
 Casta mihi mens est. non hæc poppysmata mater,
 Non docuit nos ista pater. sim subdita quamquam,
 Non cogar peccare. tuis sine crimine jussis
 Obsequar. & quamvis regum placuisse tiaris,

Eximium, magnumque putem; tamen illa favoris
 Displicet & sordet species, quam damnat honestas.
 Et sacra pietatis amor. parebimus aula,
 At Superis cœloque magis. cum deficit illa,
 Deficit obsequio populus. nil iussa moratur
 Improba, religio. mihi simplex vita rudisque est,
 Luxuriosa tibi. mihi connubialis cordi
 Iura sacerque thorus. pellex projecta vocari.
 Nolo, nec hac nostri victrix erit aula pudoris.
 Te gravitas, te, Cyre, decet reverentia vita,
 Nec qui cuncta jubes, veniam sortitus iniqui es.
 Plus virtus in Rege micat. conspectus omne
 In te crimen erit. quantaque in luce gubernas,
 Committes tanta facinus. Te civibus aquum est
 Vivere in exemplum & leges præscribere factis.
 Hæc tua, quæ toties hostili sanguine dextra
 Immaduit, tetigisse volet, quos abdidit æther
 Occulitque sinus? oculis scortaberis istis?
 Quos ferus Euphrates, quos belliger horruit Indus,
 Armeniusque celer. quod duri militis ausus
 Contudit os, lasciva potest & mollia fari?
 Ne viola, si raptæ licet. sum raptæ parentum.
 Nec tua sum, nisi flagitio. si sufficit, agris
 Subduxisse, tuum est, quicquid prador habebis.
 Sic juris vis norma tui est; & regula facti,
 Quicquid velle libet. libertas regia fines
 Virtutis transire cavet. servitque potestas;
 Quam domat imperiosa Venus. sub rege modesto
 Tuta pudicitia est, & iniqui crimen amoris.
 Castigant, qui sceptræ gerunt. te, Cyre, parentem,
 Te civem facilemque proba. succurre puella,
 Et me redde meis. pater est mihi vilior Ægon,
 Et Mycale genitrix. potius mulcætralibus apta
 Inveniar, rurique meo, quàm grandibus aulis,
 Quàm thalamis, rex magne, tuis. me Phyllidas inter
 Linque meas. alia recreent se Thaidæ Persæ.

Substitit ad promptas generoso pectore voces
 Rector Achamenius, monitusque & verba recondens
 Optima, majores animos à virgine sumit,
 Et peccare timet. nec jam sibi pellicis optat
 Obsequio servire malam, sed jure marita.
 Diligit Aspasiam titulo meliore, thoroque
 Iungit & illicitos longè proscribit amores.

Interea Damon post tedia longa viarum
 Susa petit, magnamque vagus pervenit in urbem,
 Quò furor impulerat Paphius. spes lætat inanes,
 Et sequestra solatur imagine sponsa.
 Regia cæta subit. mediis sese ingerit audax
 Porticibus. quæ turba Ducum ferventior, intrat,
 Dissimilisque habitu, fragrantem murice Medum,
 Sidoniasque stupet chlamydes, aulea, penates.
 Et mores alios, & non exercita ruri
 Officia & tantæ miratur nomina pompa.
 Iam manibus detracta recens ex ilice virga est,
 Solamen fulcrumque via. de vertice palma
 Pendebant folia & ramis viridantis olivæ.
 Laxa viro vestis, sed laneæ. pendula nullo
 Ordine casaries, facies incompta rudisque,
 Qualem pastor amet. talem se Heroibus addit,
 Et Ducibus graditur comes & magnatibus adstat.
 Utque coruscanti procedere vidit in auro
 Aspasiam, Rëgemque & amicas jungere dextras.
 Et populo assurgente coli: velamina sterni:
 Ut festas audit voces, & verba rogantium:
 Ereptamque sibi meliori sorte puellam:
 Infremit irato similis, causasque doloris
 Adspicit ipse sui. submurmurat, invidet, odit.
 Dumque loqui timet, occulto plus mustitat ore,
 Et quassans caput adstanti subsibilat ostro.
 Ambulat, itque reditque frequens, circumspicit om-
 Spectat spectaturque simul. pendentia jactat (nes,
 Brachia, diducitque manus. jam signa dolentis,

Nunc indignantis speciem, nunc edit amantis.
 Tandem compressam rupere silentia vocem.
 Verbaque precipitat, sed paucula. Tu mihi, dixit,
 Iam pridem dilecta vale. prae regis amore,
 Sordet amans pastor. tenui plus fulgida cannâ
 Sceptra placent. humili praeferens palatia tecto,
 Magnificasque trabes: potuit tibi teda probari
 Splendidior, vilisque fui prae Principe Damon.
 Cyrus, ut arrectis hac cominus auribus hausit,
 Constitit, Aspasiâque rogat: quis pastor, & unde,
 Quid velit. Illa procum non indignata fatetur,
 Et spretum toties juvenem. nunc vota jacere,
 Spemque thori peruisse viro: se Rege beatam
 Conjugioque frui. nihil huic superesse, quod optet,
 Quod speret, minus hinc questus, hinc murmurâ na-
 Advocat intrepidum Cyrus Damona, jubetq; (Sci.
 Plura sibi, sine teste, loqui. secedit & aula
 Dum secreta subit, juveni blanditur amicè,
 Ingenium probat, & sincerâ pignora flamma,
 Innocuos questus. Thalamis, ait, optime, nostris
 Aspasiâ junxere Dii, tibi fata negarunt,
 Et potior jam causa mea est. mihi debita conjux
 Incedit, cunctasque audit regina per urbes,
 Major sorte sua. sed enim tu dignior aula
 Pars quoque, Damon, eris. quod si non conjuge, sal-
 Principe me poteris felix divesque vocari. (tem
 Iam tibi vilescant villa, jam sordida sperne
 Rura laresque tuos, & nostris vive beatus
 Auspiciis. majora dabo. plus regia spondet,
 Quam benè cultus ager, surgunt mihi splendida cen-
 Poslibus & Phrygio constant laquearia saxo, (tum
 Aurataeque domus. tuguri tu pauperis hospes
 Squallida tecta colis. sternunt tibi vilia lectum
 Stramina, vel graciles decerpti de flumine junci.
 Hic tibi lecticae grandes, & strata parantur
 Mollia, quaeque gravem proleatet pluma soporem.

Hic

Hic aulaa nitent, picturatosque tapetas
 Adspicis & regum positos hoc ordine vultus.
 Rure vagâ tenuis discursat aranea telâ,
 Et nitor omnis abest. hic dulcis gratia fandi,
 Hic decorat nostros laudata modestia mores.
 Rusticitas vestra est, atque omnis nescia cultus
 Simplicitas, nescitque tuos fortuna penates
 Ardua. nos titulos & magni nomina census,
 Praturas fascesque damus. decernit honores,
 Et confert regalis apex. hic area laudi
 Materiesque patet. patriam defendimus armis,
 Vos imbelles pecus. rutilum nos stringimus ensen
 Dum vobis sulco attritus splendescere vomer
 Assolet. infestum muris depellimus hostem,
 Subruimus Grajûm portas, invadimus urbes;
 Vobis gleba labor. vos ferro scinditis agros,
 Et brutam laceratis humum. paupercula messis
 Cum solatur opus, nostras Daphnea coronant
 Serta comas, scribuntque omnes praconia fasti.
 Ingentes si postis opes, mihi copia rerum
 Suppetit & dites lassant araria gaze.
 Paupertas, immunda domus, servilis egestas,
 Sunt procul à nobis. quod si tibi grata voluptas,
 Invenias hic mille modos, seu ludere disco,
 Seu libeat teretes contorto verberare fundas,
 Aut hastas vibrare manu, torquere sagittas,
 Aut sternacis equi duris premere ora lupatis.
 Ipsa suo gravis est veniens Aurora colono,
 Multo rore madens. medii lux alta diei
 Concoquit agricolam, pluvia, ventique hyemesque,
 Frigus & immites tibi sunt pro dote pruina.
 Est invisa filix segeti & Cerealibus herbis,
 Et sperata seges vanis illudit avenis,
 Foetaque difficiles prosternunt culmina Cauri.
 Non his aula malis, non his mea regia curis
 Frangitur. aestivas sua fallunt otia luces,

Et læta currunt hyemes. hic vina bibuntur,
 Hic lautæ pellunt jejunia tristia mensæ,
 Et magis ingeniosa gula est. Quàm lacte, cumino
 Vivere, vel beta, miserum: vel sectile porrum
 Mandere, vel lento dentem vexare lupino!
 Quid tondere juvat graveolenti vellere lanas?
 Cogere palantes pecudes? supponere totum
 Armento mammisque virum? virgulta capellis,
 Aut salices monstrare? sues deducere pastum?
 Nunc apibus donare favos, regemque notare,
 Nunc fucos arcere graves? hic altera regni
 Apparet facies; & digna negotia curat,
 Quisquis homo est. alia se maiestate tætur,
 Quem ratio, pulchrisque beat prudentia factis.
 Quod si privatis præstat res publica rebus,
 Vita mihi melior. modici te cura peculi,
 Immensi nos orbis habet. Tu jugera claudis
 Imperio vix bina tuo. me Phæbus adorat,
 Quæ cadit & surgens calido se tollit ab Indo,
 Thrax timet, extremi venerantur nomina Seres,
 Atque alibi Chalcedon amat, formidat Araxes,
 Et gelidi sinus Euxini, & Maotidis undæ.
 Hic famulas tibi quisque manus, hic pocula minister
 Porriget, & multo implebit carchesia Baccho.
 Hic nutu mandata dabis. diceris amari
 Regibus, & toto tibi plaudent oppida regno.
 Sat stiva rastrisque datum. mihi, candide, posthac
 Officiis studiisque vaca. desertæ relinque,
 Linque domus, campisque horrescens culmen apertis.
 Si non Aspasia potuisti uxore potiri,
 Me potiere. tibi Pariis suffulta columnis
 Tecta dabo, & cultos apricis collibus hortos,
 Arte laboratas vestes, & textile tegmen,
 Quodque tibi talos ibit velamen ad imos.
 Nobilium adjiciam titulos, aurique talenta,
 Quique vehent rapidi passim per compita currus.

Pluraque si cupies, cupiam dare plura petenti.

Hec Cyrus. cum facundo, jam lenior ore,

Damon ait : Ne fucatis sermonibus aulas,

Cyre, proba, rurisque mei praeconia, Princeps,

Detere. quod primum est, pietas, candorque fidesque

Exulat his laribus. vos hac privata putatis,

Et civis documenta boni : regnantibus omne,

Quod libuit, licuisse ; alia nec lege teneri,

Qui populo imperitant. Quanto imperiosior orti est

Quisq; Iovem curat minus & contemtor Olympi est.

Aut nullos habet aula Deos, aut segnius illos,

Quos habet illa, colit. nec enim se numine egere

Autumat, in terris quisquis pro numine habetur.

Quae faciendae iubet, leges quas purpura condit,

Condere vult aliis. veniam sibi criminis uni

Ipsa facit. vetitisque audax prior annuit, & quod

Imperat injungitque suis, derectat honestum.

Ingrreditur, sed fista, gradu. dum comis haberi

Vult, simulat : gestuque levis mentitur amicum,

Et latam didicit frontem pratendere fraudi.

Diligit, ut noceat : quem prona amplectitur, odit.

Et quos esse cupit miseros, facit esse beatos.

Hic mala luxuries distentis prodiga cellis,

Et fastus populator opum stabulantur, & exlex

Absorbet nostros regum lascivia census.

Rara pudicitiae laus est. cum conjuge scortum

Accubat, & thalamos effrons conscendit eosdem.

Vilis adulator, quae non probat, approbat. & quod

Dignum laude, notat. picto jacet ebruius ostro

Delator, magnaue bonos mercede flagellat.

Sunt vigiles ad lucra doli. divenditur equum,

Et pretio prostant trabeae. livorque secundis

Anxius alterius rebus livescit optimis.

Promissis facilis sua mox promissa retractat,

Sed levitate pari. rapiunt aliena potentes,

Nec proprii fines, nec regnum sufficit unum.

Spes mundos insana vorat, nescitque libido
 Imperii constare sibi. mox seua misellos
 Exercet censura reos, pœnasque relaxat
 Divitibus. quoties indignis prœmia cedunt,
 Et probitas contempta luit! quàm limina Reges
 Ambitiosa terunt! quàm se regalibus illa
 Infert vestibulis pestis, quæ grandibus ara
 Faucibus & pandis deglutit rictibus aurum!
 Hac tua, Cyre, domus. tali penetratia fervent
 Remigio scelerum. tales in-vitor ad artes.
 His mea rûra carent. non ista piacula damnant
 Agricolam. si rusticitas tibi spernitur insons;
 Hac liceat, sine labe, frui. venerabilis aula est,
 At metuenda magis. multo spectabilis auro,
 Nec minus & vitius. quos vult, extollit in altum,
 Ut modò precipitet. Ne splendida tecta pyropo
 Objice, barbaricisque intexta monilia baccis,
 Plus secura suo est agrestis villa colono,
 Nec custoditum cataphracto milite limen.
 Si te Persa colit, si te veneratur Orontes,
 Et qui Phryxæam Thrax accolit efferus Hellen,
 Quos metuas, regnator habes. sint fercula mensis
 Illecebrosa tuis. capiti non una minatur
 Sica tuo, lautisque instat cervicibus ensis.
 Plus mihi fumifero per brumam cocta camino
 Perna sapit, præstatque tuis lac dulce placentis.
 Nil moror ignota collectum carne minutal,
 Libaque, vel tortis Cerealìa crustula spiris,
 Infectasque dapes moscho, lentisque zibethi
 Sordibus, & valido viduatos fursure panes.
 Me melior natura fovet; sine fraude ministrat,
 Quicquid lata Ceres donat mortalibus agris,
 Pisa, fabas, miliumque recens, gratosque palato
 Seligo phaseolos. Superùm bellaria sordent,
 Delitiasque Iovis cocta sat lente laccessio.
 Cœna mihi brevis est, properataque prandia laudo.

Et quoties genio juvat indulgere, parantur
 Iuscula de raptis teneris ab ovilibus agno,
 Aut olus, aut herbis macerata & mollibus ossa,
 Et pulvis liquidus & ventris buccella falisci.
 Pastillos fastidit ager, nardumque crocumque
 Balsamumque & crispis servata unguenta capillis.
 Hæc oleat, male quisquis olet. mihi barbiger hircus
 Suvius oppedit, quam qui Ruffinus in aula
 Ambulat & pinguem spargit per strata Sabaum,
 Viscosisque Arabum tingit sua tempora succis.
 Bella probas, fusoque undantes sanguine campos,
 Commissasque acies, & castra minantia castris.
 At bellare furor, rabies pugnare ferarum est,
 Non hominum. nulla populos collidere causa,
 Impia flebilibus miscere incendia bustis,
 Crudelesque animos humano sanguine pasci,
 Turpe ferumque puto. non hæc mihi barbara laudis
 Materies, non illa placet quasita cruento
 Gloria flagitio, & tot cadibus aucta potestas,
 Quosque sibi struxere nefas vitiumque, triumphum.
 Exeat in cunctas diffusa potentia terras,
 Hic te Thermodoon, illic agnoscat Hydraspes,
 Ad Gangem tua castra loca, vel Phasidis amnem;
 De puncto labor omnis erit, spatioque sub isto
 Sceptra, pedum, pastor pariter concluditur & rex.
 Sors privata mihi; tantoque beatior omnem
 Invidiam secreta fugit. bene vixit ab isto
 Qui semotus agit strepitu. tutissimus ille est,
 Qui latuit, notusque sibi est. non ille favori
 Servit adulator, regesque abjectus adorat.
 Cum Iove res nobis. Superos oramus. amicos
 Poscimus Æolios fratres, Solemque, Notumque
 Imbriferum. placidi nobis clementia cæli
 Sufficit, atque isto rerum tutore beamur.
 Sic primi vixere patres, & pastor Amyntas,
 Daphnis, & Admeti tauros qui pavit Apollo,

Et

Et cum Pane Cyclops, & custos Virginis Argus,
 Iäpetusque senex. bobus diffindo paternis
 Rus modicum, nec me sumptis in fœnora nummis
 Sorbet edax usura. ferox cum concutit urbes
 Odrysius, non me litui, non classica inermem
 Sollicitant, armantque manus hastilia nostras.
 Non tumidum ratibus teritur mare. rostra, curules,
 Et qua clamoris fervent fora turbida rixis,
 Et populi vito fastus civesque superbos.
 Hoc potius cura est: ulmis adungere vites,
 Aut procul errantes per roscida prata bidentes,
 Aut spectare alta pendentes rupe capellas,
 Aut plantare pyros; vel falce recidere quicquid
 Frugiferum minus agricola bis vota fefellit.
 Cum libet, aërii mellis cœlestia dona
 Colligo, Cecropiosque choros per prata, per hortos
 Pone sequor, videorque aliquid, te principe, Cyre,
 Dignius adspectare. ducem regemque se veri
 Agminis, obsequiumque noto, curasque volantum,
 Iuratamque fidem. domino cum mollia donant
 Veller a lanigera pecudes, holoserica sperno,
 Palliaque & Tyrio vitiatas murice vestes.
 Cum caput Autumnus maturis extulit uvis,
 Poma fatigatis carpo pendentia ramis,
 Ebriaque aggestis spumant mihi praela racemis,
 Quos tibi, Bacche pater, tibi vel, Sylvane, sacramus.
 Fessus in umbrosis depono membra salictis,
 Vel viridi recubans patula sub tegmine buxi
 Natura contemplor opus, Divumque labores,
 Quæque fluant in nos mutato sidere cause.
 Hac inter celsis labentes montibus undæ
 Lene strepunt, captaque avium concentibus aures
 Invitant placidos ad dura cubilia somnos.
 Cum glacialis hyems imbres noctesque nivesque
 Comparat, & mundi facies ignava colono est,
 Reria rara plagas veniente tendimus urso,

Auritos sequimur lepores, damasque fugaces,
Aut capreas paridas, aut altum in cornua ceruum.
Tunc candent silva, tunc formosissima tellus
Albicat, & niveâ canent arbusta pruina.
Tunc epula cellaque dapes promuntur inempta,
Et nostras recreant innoxia fercula mensas,
Nunc patuli caules, nunc tuta à frigore rapa,
Nunc raphani & variis ovum tractabile formis
Non magis Eoo collectis littore conchis,
Aut Afrâ delector avi. nil picta murana est,
Nil fastiditi Damonis gutture nulli,
Et scarus atque alio venientes equore rhombi.
Est aliquid, fateor, Regi placuisse. sed ille
Quam princeps fluxusque savor! vicinior ostro,
Proximior tumulto est. magna sunt regibus ira.
Difficile est lenire graves. sine sanguine nescit
Placari vindex animus. saturabitur hoste,
Quem necat. & poenas repetit vindicta feroces.
Tu tibi rex sis, Cyre, tibi prosperrima currant
Secula, perpetuisque fluant applausibus anni,
Damonis sua rura placent. nihil amplius opto.
Voti summa mei est, cultura feracis agelli,
Et pecus & pleno turgentes ubere vacca.
His studiis beor. haud alium me rustica mater
Edidit, atque istas genitor produxit in artes.
Delicia, luxus, Rex, purpura, sceptrâ valet.
Hæc postquam Damon fuit opportuna locutus,
Quæ quondam docuit senio venerandus Amyntas,
Deserit Aspasiam. faciesque augusta theatri
In juvenem conversa fuit. Rex ipse severas
Horruit ad voces & acuti verba bubulci.
Ante fores pilentâ sonant, curruque superbo
Ad patrios vehitur Medo comitante penates
Magnanimus pastor. cui munera congrua Princeps
Adiicit, in media signatos fronte caballos,
Iugeraque & villas & pradia. quicquid amari
Agrico-

*Agricolis solet & studiis agrestibus aptum est.
Diditur in terras rumor, nupsisse potenti
Aspasiam, & stivam impositâ regnare coronâ,
Reginas à rure peti, cum fa.cce tiaras,
Cum stabulo mitram, cum vomere sceptrâ coisse,
Immensumque regi socia sub Phyllide mundum.*

*Ringitur impatiens Livor, per regna, per urbes
Mussitat, & sorti nimis invidiosa secunda
Improba garrulitas, celeris mendacia fama
In partes vocat, & rapti scelerata pudoris
Arguit Aspasiam. thalamis regalibus, inquit,
Rustica subrepsit pellex, pro virgine lenam
Cyrus habet, recubatque istis nova Thais in ulnis.
Hæc iterat, vocesque suas exaggerat audax,
Nec sibi ficta timet cunctas deferre per oras,
Spargere per vulgus querulum, coetusque loquaces,
Patricias implere domos. assibilat aula
Ocyus: ingentem percellunt murmura Regem,
Credulaque admittit mendacem regia culpam.*

*Quid faciat? nec enim fama temerarius audet
Rector habere fidem; & potuit modò tale vereri
Suspicio, dubioque hæsit sub iudice causa.
Ad Superos itum est occultaque numina. summos
Sollicitat mens cæca Deos, verumque reposcit
Ex adytis. Nam lucis erat, quâ maxima spectat
Icarios fluctus Ephesus, lucoque propinquus
Mons sacer, Oceanus cuius latus alluit unum,
Præcingunt aliud frondes. hic pendula celso
Canna loco, & servata diu vocalis arundo
Edebat vel acuta suos vel rauca susurros.
Si foret insonitis nulli temerata puella
Virginitas, suaves reddebat tibia cantus,
Absolvitque Deus culpâ. si mollior illa
Succubuisse viro potuit; ceu conscia pravi,
Tibia funestum ructabat arundine carmen.
Hanc isto Deus Arcadiæ suspenderat antro;*

Pan ovium custos. hæc læsi signa pudoris,
 Hæc voluit castam miracula prodere nuptam.
 Huc abiit, magnâ matrum stipante ceterâ,
 Nil metuens Regina. Duces comitantur euntem.
 Spesque suas frangunt mixta formidine Persæ.
 Interea dum carpit iter, velocior antrum
 Occupat impostor, cannaeque & arundinis omnes
 Sordibus & crassa ductus uligine complet;
 Mutaque jam poterat vocalis canna videri.
 Ut venere viri, propiusque in limine rupis
 Constitit Aspasia, & jam conscia numina supplex
 Et testes vocat ore Deos. patuere cavernæ
 Illicet, & streperi, laxato cardine, postes
 Monstravere viam; latebrisque admissa profundis
 Fare, ait, atque mea fatalis fistula causa
 Accine. si nostis Superi, & mortalia facta
 Adspiciis, virtusque Deo rectumque probantur;
 Rumpe tuam, jubeo, gracili modulamine vocem.
 Dixerat: extemplis modulis cælestibus omne
 Insonuit latè specus, & vocalis arundo
 Facta fuit, vomuitque ingestas tibiæ sordes,
 Virginis illasum cunctis confessa pudorem.
 Non alios cantus udis in vallibus Hæmi,
 Strymonæ vel propter, vates Rhodopeius olim
 Threiciæ lusit cithara, non clarus Arion,
 Non Linus, & plenis inflans pulmonibus utre
 Marsya. concurrunt capta dulcedine tigres,
 Et rabiem posuere fera. stetit undæ canenti,
 Ripaque oliviferi stupuit vicina Caystri.
 Mitiior adspirat Zephyrus. circum omnia foetus
 Putescunt virgulta novo. quin pollice nunquam
 Attactæ cecidere rosæ, violæque decentes
 Aspasia cinxere comas. quacumque modesto
 Incedit generosa gradu, grex castus Amorum
 Advolat, & calathis fundit violariæ plenis,
 Innocuos testata sinus. hic candida spargit

Lilia,

*Lilia, narcissos alius floremque ligustri.
 Sic Cyro dilecta redit. tot testibus orbi
 Extulit inculcata caput. diadema resumit :
 Scandit ebur regina : suis se gentibus unam
 Consiliis factisque probat : cum Rege marito
 Ius loquitur populis : in partem femina regni
 Accipitur. solus conspectu lœditur isto
 Livor, & injecto constricta Calumnia freno
 Mutescit, mordetque suas irata catenas.*

C Y N I S M V S,
 Sive
 C R A T I S T H E B A N I,
 Cynici Philosophi, &
 H I P P A R C H I Æ T H E B A N Æ,
 Cynicam Philosophiam amplexæ,
 N V P T I Æ.

Q*uid septemgeminæ miraris, Græcia, Thebas?
 Sidoniiq; stupes bellacia mœnia Cadmi,
 Et natos tellure Duces? dirisque recentes
 Cadibus immaduiffe viros? quid regna profanis
 Decertata odiis fraterna que jurgia jactas
 Oedipodæ confusa domus? nec Tydææ famæ
 Eximis, Argiæque thoros, multisque misellam
 Cladibus Antigonem? quid mixtam conjuge magno
 Alcmenam, Thebane, crepas, & fulmina molli
 Fracta manu tenerisque Iovem latuisse sub ulnis?
 Creta, sile; quamvis fœdi solentur amores
 Pasiphaen, fallatque suum regalis amantem
 Femina. non ultra Stygio nuptura Tonanti
 Persephone formosa timet disparque cubile
 Cyclopis Galatea fugit. confundere fas est
 Corporaq; & thalamos; nec vult jam forma pacisci,
 Sed ratio; lestumque sibi Sapientia sternit,
 Dû sponsum cupit esse Craten. Quæ monstra jocantes
 Porten-*

Portendunt populis Superi ! quis devius error
 Natura pervertit opus ? quoniam omine ludit
 Caca Venus ? poscitque sibi deforme cadaver
 Virgo decens, rigidisque optat complexibus abdi ?
 Des quemcunque virum, nullo discrimine Cypris
 Æstuat. in tetricis inventa est gratia membris,
 Et splendor suus in turpi est ; maculasque notasque
 Laudat amor, distorta probat, vilissima constans
 Diligit ; & forti spernens mortalia risu,
 Indecori sub pelle Deos Hipparchia prudens
 Repperit, ac lacerata trito sub tegmine vestis
 Non hominem, sed numen amat ; secretaque Divum
 Consilia & Cynica scrutatur dogmata sectæ.
 Dicite sublimes Thebæ, quibus arserit illa
 Ignibus, & quali sapiens flagra verit astu,
 In solum conversa Craten. Tuque optima mundi
 Diva, procellosi soboles clarissima Nerei,
 Da fontes, Citherea, novos ; portentaque rerum
 Concubitusque truces aperi. ne balsama nuptis
 Aut flores adsperge meis, myrtumque crocumque
 Pallentesque feras violas. non ante penates
 Pompa sonet, vel cincta suis pileta ministris
 Præradient ductura nurus. non turba coruscas
 Attollat festiva faces, madeantque Lyæo
 Atria, non opibus preciosa cubilia surgant.
 Barbaricis dubiisque errent opsonia mensis.
 Paupertas de fonte bibet, dapibusque fructur
 Simplicibus generosa fames ; quin pera, bacilli
 Dos omnis Sapientis erunt, tenuisque severi
 Umbra supercilii nostros abscondet amantes.
 Postquam parta quies Grajis, summumque cacumen
 Nacta fuit magnis Sapientia nixa magistris,
 In partes abiit scholæ ; verumque videri
 Non simplex potuit. solvit discordia mundum.
 Autoresque suos rixans doctrina diremit.
 Namque aliis errare animas per corpora menti

Immo

Immotum fixumque sedet, nec viscera condi
 Visceribus lenes cupiunt. pars omnia nasci
 Credit aquis, rerumque uni primordia debet
 Oceano. terra potius natalibus alter
 Incubat, aut mundi deducit semina flammis.
 Huic placitum fortuna facit; nec gnara Deorum
 Relligio incerto volvi vult omnia casu.
 Alligat hic fato causas, hominumque labores
 Subdit sideribus melior. quæ cura beatos
 Reddat, an humanas tranquillet gloriæ mentes,
 An luxus populator opum, vel sæva cupido
 Indomiti census, vel plausus nescia Virtus,
 Quaritur. ille Cleanthea subsellia porta
 Et Stoam tonat. ille sui præcepta Lycæi
 Colligit. ancipites triplex Academia voces
 Ventilat. ingenti se iudice quisque tuetur,
 Quodque tenet, doctore probat. Distinguitur ordo
 Porticibus, limenque suum divisa sequuntur
 Agmina, Socratica quotquot fluxere cathedrâ.
 Nec solum sors ista viros & mascula torset
 Pectora; se tantis illustris fœmina miscet
 Partibus, & Cynico præstans Hipparchia tandem
 Annuit, ac duri thalamosque ac sensa mariti
 Occupat, & miseri felix fit conjugis uxor.
 Illa Cupidineos inter pulcherrima cœtus,
 Centum adamata procis, centum prælata puellis,
 Tot potuit sprevisse procos. despecta potentum
 Fœdera patritiæque preces. non fulgida vestis,
 Implicitumque comis aurum, non dives Hydraspes,
 Magnificaque trabes picturatæque columnæ,
 Imperii decus & consors promissa potestas,
 Spem fecere thori. non illi ducere doctâ
 Fila manu, aut tennes percurrere pectine telas,
 Aut saturata croco velamina texere pernox
 Cura fuit. monitis animum cœlestibus implet,
 Socraticosque bibit mores. non volvere libros

Desinit.

Desinit, antiquis vestigat prodita seclis;
 Cunctaque Cecropia relegens arcana senectæ;
 Natura rimatur opes, cælumque Deosque
 Et vitæ melioris iter; cur fleverit orbis.
 Fatæ senex, nostros alius deriserit ætus,
 Chrysippos, Stilponas, inexplicitosque Platonas,
 Italicique soli patres. sordescit amator,
 Hæc cum virgo legit, patitur Cadmeæ repulsam.
 Nobilitas, nec grata ferunt responsa curules.
 Sic præfracta stetit, solers cum sperneret uxor
 Dulichios Samiosque & quos tulit alta Zæcynthos,
 Antinoique minas. tales Atalanta Pelasgos
 Noluit, & quamvis Phæbus donaret Amyclas,
 Mars Rhodopen, geminos renuit Proserpinæ Divos.

Fortè pater, dum læta parat convivium, longo
 Ordine disponit procures, quos inter honorum
 Contemptor sedet ipse Crates, nec dogmate dispar
 Filia, & arrectas præbet sermonibus aures,
 Vni intenta Crati. patrii primordia regni
 Dixerat Archidamus, structasque Amphione The-
 Et fratrum crudele nefas ac nescia sceptrâ (bas.
 Ferre parem, veteres Alcon reminiscitur ignes
 Exstinctasque faces Herus, adversaque flammis
 Æquora. lascivas Ephyræ Laidis ades,
 Venalemque levi præciosam Thaidæ Grajo
 Inter pocla refert Lasius. mox Isthmia Chalcon
 Præmia & Elæ recitat certamina palma,
 Fumantesque rotas attritaque littora cursu,
 Et rapidos Hieronis equos. Tum docta resolvit
 Ora Crates, quantumque aliis deformior exstat,
 Hæc loquitur melius: quæ nos, quæ causa creavit
 Sidera, quæ medio terras librarit inani
 Abdita vis: quam se spatiis immanibus æther
 Explicet: ut vastos mens exporrecta per artus
 Molem agitet: cur discretis cælestia currant
 Corpora corporibus; varios Latonia vultus

Ee.

Induat,

Induat, & fratri mediis concurrere signis
 Horreat; unde maris, quos hora recipiat, astus;
 Quæ tempestatem rabies Caurosque furentes.
 Precipitet, cur flexa ruant de vexaque ripis
 Flumina, & illimes scandant vestigia fontes.
 Hinc aperit, quam sint auræ simplicis illæ
 Rectrices factorum animæ; cur sola seipsam
 Norit & aspedet ratio, per regna vagetur,
 Circumscriptæ domi; parvæque recondat in aula
 Rerum mille notas, quas mox depromere possit,
 Cum volet: an membris hærens mortalibus una
 Involvatur se clade ream, nunc funeris expers
 Æthereæ felix cœli statione locetur.

Nec non & mores hominum, deliræque falso
 Secula & immersum vitiorum gurgite vulgus
 Perficit, utilibusque monet præponere rectum,
 Pauperiemque bonos doctor commendat in usus.

His Sapiens cunctos diâs erexit, & omnis
 Postquam exempta fames epulis, Hipparchia totum
 Possedit commoda virum. mens omnis inerrat
 Vultibus, & quamvis posset timuisse docentem,
 Ardet amans. hærent infixæ pectore voces,
 Verbaque, & egregii gliscunt occultius ignes.
 Sapius absentem memorat velletque loquenti
 Ire comes, magnos altis persæpe medullis
 Eruat geminus, & primi ignara caloris
 Diffidit: malesana sibi. nunc damnat amorem,
 Nunc probat. invisa est sperati forma mariti,
 Sed potior doctrina placet. contraria votis
 Expetit, atque animum nunc hæc, nunc dividit illuc;
 Quemque odit refugitque, cupit; culpamque fatetur
 Confessus secreta rubor. nos ægra quietem
 Surripit, & nullum misera dat flamma soporem.
 Abrumpat festina moras; sed saucia castus
 Corda pudor revocat. jam viâ modesta sexus
 Succubet imperio Veneris; sed iussa retrahat

Virgineæ gravitatis honos. Ergo, Ibimus, inquit,
 Amplectarque Cratem, & tumidis audaciæ labris
 Basia defigam supplex? non talia mater,
 Non velit hoc charus genitor. quonam usque, ve-
 Cunctaris mea vota, pater? quid differo jungi (rende,
 Nobilibus? tantasque preces implere recuso?
 Ecquid Agenoreæ lectissima nomina gentis
 Selgis infelix virgo? moremque secuta,
 Eximium forma juvenem & florentibus annis
 Postcis, & angusta frueris jactantior aula?
 Heu! quid agam? num luxuriam fastumque jocosq;
 Divitiarumque leves, irritamenta malorum
 Experiar? rursusne procos contempta priores
 Admittam facilis? non hoc calcator honorum
 Suaserit hic animus; tugurique habitator & hospes
 Magnarum securus opum; non doctor Hymetti,
 Quem dira insontem dudum rapuere cicutæ.
 Te sequimur, gibbose Crates. tu pulcher haberis,
 Tu dives, qua parte sapis. te iudice parvo
 Vivitur, & vili concedit purpura panno.
 Tu nobis uno minor es Iove. præsidet orbi,
 Qui docet. Eois se latius explicat agris
 Cuncta sciens. etiam subigunt hæc sceptræ rebelles,
 Quæ motus ratione domant. te teste triumphat,
 Qui poterit rex esse sui; non indigus auri est,
 Qui caruisse volet. claro supereminet ortu,
 Simplicitas cui stemma facit; nescitque dolere,
 Cui modicè gaudere satis. præceptor honesti,
 Me cape consortem thalami, me posthuma dicat
 Fama tuam, atque uno tecum juxisse cubili,
 Et socias junxisse manus, fovisse lacertos,
 Teque sinus tetigisse meos. Hæc sapiens illa
 Ingeminat taciturna domi, lentique videntur
 Ire dies, currusque suos non flectere Phæbe.
 Cum sedet, & tabulis quiddam consignat, aberrans
 Pingit dextra Cratem; diæis improvida miscet

Lingua Cratem. fallax objectat inania Morpheus
Somnia; dumque silent homines, fugientibus illam
Ludit imaginibus; visusque est paupere amictu
Stare Crates, legesque suas recitare jacenti.

Tandem ait: Apta meis quærenda est nuncia vo-
Ingenio tentanda via est. si prodere semet (tis
Horret amor, scribique vetat mea vulnera chartis,
Muta loquar. laus est etiam prudentis, amare
Cautius, & sic ut possis celasse videri.
Est sua vox oculis, est risibus insitus ardor,
Natus verba facit. discunt ab amantibus artem
Plurima. nos Cynico nostros testabimur ignes
Floribus, & pro me cupiet Pomona procari.
Hac interpretes erit taciti facunda doloris,
Arbitra conjugii. capta est Schœneïa pomo,
Et pia Cydippe. quin inter florida rura
Melliferosque thymi campos & gramina veris,
Sicaniam teter sponsam Summane coronas,
Ignaramque rapis. Vix dixerat; ocyus omnes
Colligit Aoniis fragrantibus montibus herbas,
Delicias, Aurora, tuas, quos Phœcis odores,
Quos Parnassus alit, quæ pinguis Achæia mittit
Munera, vel Sicula pubescunt latius Hybla.
Colligit in calathis violas, cassiamque rosasque,
Quales ipsa tibi Cypris donasset, Adoni.
Colligit hic niveos, hic luteolos hyacinthos,
Pomaque lecta manu, quæ vel Phœacia vincant.
Omnia quæ docta formæ solertia dextra,
Vt Veneri placuisse queant. sua brachia nectunt
Implicitæ fertis hederæ, promittit amores
Myrtus, & humidulis vacciniæ mixta ligustris,
Et quæ flammeolæ connivent vertice calthæ.
Fortè alibi è pomo sculptam circumdabat Ægon
Phyllidæ, vel pulchram tangebatur Tyrus Eglen.
Forsan vimineo Martem cum Cypride loro
Strinxerat, aut timidæ Daphnen prendebat Apollo.

Tum

Tum Cydnen vocat, & nitidis digesta canistris
 Mittit dona Crati; quo se cognoscat amari,
 Vel donis illectus amet. Stat torvus Alexis,
 Et tantas fastidit opes & dona ferentem.
 Dumq; apinas hominum, dum Divum cogitat iras,
 Aut Superum mediis mentem penetralibus infert:
 Nec domina secreta capit, nec munera curat,
 Aut, quæ Dadaleis vasra occultaverat herbis
 Sedulitas commenta, notat, Cythereia risit,
 Riserunt una Charites. hæc molle severis
 Esse jecur negat. hæc succo meliore creatum
 Dicit Aristippum. frigent subsellia, clamat
 Euphrosyne, sævumque refert Polyphemon amasse.
 Ipsa suis fertur risisse Hipparchia coëptis,
 Invenitque stupor veniam. non congrua sentit
 Se misisse Crati. nec enim vel pectine Mavors,
 Aut Iuno frameis, vel diro fulmine Pallas
 Debeat, aut viridi placari Stoa ligustro.
 Quid faciat? quæ lenta prius celaverat æstum,
 Iam decepta furit. Superest, ut cominus (inquit)
 Bæotum Paphiis cor impenetrabile telis
 Adspectu propiore domem. flagravit Iason.
 Vt vidit. Telamona oculi traxere procaces
 Hesiones, Paridemque Helenes, & Castora Phæbes.
 Surgit, & exemplo patriæ pro moribus urbis
 Eligit ornatus, quales venerabilis olim
 Sestia, Cecropidumque nurus gessere superba.
 Stringit honoratos in nodum fascia crines,
 Et Tyria velat candentia tempora vitta.
 Inserit hic gemmas, & eburnea colla monili
 Circuit, & fulvia subnectit jaspide pectus,
 Sic forsan placitura Crati. non dignior aula
 Frontis honos; roseo depictis sanguine malis
 Candida temperies inerat, laxataque palla
 Indignam verrebat humum, non improba gestu,
 Non tremulo lasciva gradu. Thaumantia nunquã

Pulchrius explicuit latis mortalibus ora,
 Aut Thetis Æmonii vadens ad limina Pelei.
 Talis adit queritque Craten. occurrit eunti,
 Per fora, per vicos graditur; modo lumina coram
 Objicit, & modo transversis aspectat ocellis.
 Itque re litque viam toties, sequiturque prætique,
 Si qua truce[m] mollire queat, visusque severam
 Leniat. ut prudens stabuli pecorisque magister
 Excitat armentis rabiem, cum primus amoris
 Afflat odor nares propius penitusque medullas
 Vrit. At ille suis monitis immota gerebat
 Pectora, non aliter, quam si Marpesia tundat
 Saxa vel Ionii latus implacabile dorsi
 Adria. non unquam ad spectu dignatus euntem est.
 Non caput obstipum flexit, non obviis ire
 Gestit aut placida gradientem voce salutat.
 Ter conata fuit facti recludere causas,
 Ter timuit. ter limen adit, ter deserit excors,
 Vix aberat, quin illepedo sua brachia collo
 Injiceret prior, & sic instigaret inertem.
 Lingua, manus titubant, nondum rationis & aequi
 Immemores, coramque viro peccare verentur.
 Desciunt in amore doli, fraudesque pudice
 Destituunt Dominam. geminis depulsa virago
 Præsidius, per tecta, domos lymphata vagatur,
 Responsatque sibi: Quæ me dementia cepit?
 Quæ me Menas agit? quo nos discrimine raptas,
 Diva Paphi, miseramque trahis? quænam ista jocandi
 Savitia est? semperne meis bacchabere rebus,
 Avertesque Craten? cur non uxori[us] ardet,
 Aut flammis calet ille meis? sine sanguine, nervis,
 Totus hebet, languet sapiens, vitatque sequentem,
 Sarmatica nive vel gelida Meotidis unda
 Frigidior, placitoque mihi dissentit amori.
 Ah, nimium, Cadmea, times, furtivaque sensus
 Flectere nequicquam duos, Hipparchia, tentas.

Eloquar?

Eloquar? an sileam? veniam si cuncta rogandi
 Concessit Citherea viris, qua lege tacendum
 Virginibus? cur dissimiles, cur dispare nati
 Conditione sumus? titulo si vivere certant
 Nobiliore mares, si major gloria sexus,
 Debebat magis ille coli, debebat amare
 Virgo prior. domixis fas est occurrere matres,
 Quas voluit lex prisca pati. num Colchis amavit
 Æsonidem? num se profugo pulcherrima quondam
 Confessa est Phœnissa duci? num prima Phaonem
 Lesbia deperiit Sappho? tot testibus ævi
 Pandar tota Crati, exemplis peccabimus istis.
 Ipudor. occultis, durissima Numina, fatiis
 Cogimur. heu, quantis lecti consortia constant
 Moribus, & quam non una est fortuna cubilis.
 Diligo, quem quævis Diris ultricibus uxor
 Devovet, & sponsum timeat male nubilis Ate.
 Diligo, quem generum fugiant materque paterque,
 Affinem cognata domus, proavusque nepotem.
 Diligo conjugii pœnam, cui nubere nolle
 Rancida, turpis anus. Vivum mihi postulo funus,
 In visamque meis inferre penatibus umbram
 Molior. hoc dignam speramus conjuge prolem,
 Huic ridere libet. chari, precor, ite parentes,
 Compellate Cratem, & vestra miserescere nata
 Si vacat, hunc sociate mihi. sit fœdera pridem
 Dissuasisse satis. non nunc ambagibus ultra
 Est locus. insolito thalamos tentabimus ausu.
 Aggrediar, cogamque virum, jurabit amanti
 Dextra fidem; vel, frustrati grave pignus amoris
 Ultrix dextera erit. reddar contempta tenebris,
 Quamque simul decepit amor, solabitur ira.
 Sic effata, manu rorantia lumina terfit,
 Subjeditque furor lachrymis. velut horrida quando
 Vis Boreæ ruit & fluctus ad sidera tollit,
 Illicet imbrifera componunt flabra procellæ.

Nec mora. magnanimè præsens ante ora puella
 Adfuit ipse Crates, quem tum penetralibus inis
 Abdiderat genitor, diis ut flectat amicis
 Pectora & insano moneat desistere cœpto.
 Adspicit abscondi sobolem spectata Maronis
 Filia, spesque suas inter gaudensque dolensque
 Constitit, attonitæ similis. nunc præripit illi
 Verba pudor, nunc reddit amor. fiducia lingua
 Fracta metu titubat. quæ mox collecta recepit
 Robur, & has orsa est pulsa formidine voces :

Si mea cum priscis componam fata puellis,
 Magne Crates, thalamum diversa sorte meremur.
 Partes mutat Hymen. quam Di voluere rogari,
 Conjugium rogat, & leges invertit amandi.
 Non mihi Persurum gaze, Pelopumque petuntur
 Scrinia, non epulis volupe est accumbere Divum.
 Aut Tyrio recubare thoro. non dedita viro
 Corporis arbitrius, aut suadens prava libido
 Virgineos hebetat sensus; nec amicta dolosis
 Illecebris, altaque tumens cervice juvenis
 Diligitur. doctis juvat impallescere chartis,
 Et vulgo distare rudi, luceſque legendo
 Fallere. discordes Grajorum expendere sensus
 Cura laborque mihi est. per tot suffragia iudex
 Æqua mente feror. dixi: Stagira, superbis,
 Virtutemque cupis plausu clarescere vulgi,
 Atque opibus splendere magis. nec mollia nobis
 Persuasit præcepta senex, cui sola voluptas
 Dogma facit, dignosque viris effeminat actus.
 Nec dubium Pyrrhona probo; jurataque cui vis
 Vero verba sequor; non delassata silendo
 Atria. non Phariis pulsata vocabula sistris,
 Non vates, Chaldaee, tuos. non quicquid aruspex
 Garrit aut mediis Tuscus quasi vit in extis,
 Invenere fidem. Stoa placere recessus,
 Tuque Crates. nullo constricta licentia nodo,

Exulat

Exulat hoc animo, figendaque sensibus hauri
 Acrius; & cæpi, te præceptore, serenum
 Lata sequi virtutis iter. Postquam omnia magno
 Plena Deo didici, puduit peccare Deorum
 Ante oculos, prævumque sequi. lasciva procantum
 Cessit turba procul. recto postponimus, orbis
 Quicquid grande putat. quicquid miserabile, pulchrū
 Censet inops probitas. erecta scientia cordi est,
 Ignaros odisse. levi mutabile sorte
 Displicet ingenium, & suetum popularibus auris
 Vescier, & latam speciem prætendere fraudi.
 Quo natura caret, modico saturata, repellam
 Omne supervacuum. tenerum patientia corpus
 Instruet, & nulli discet cessisse labori.
 Fortunam quamcunque feram, nec leta secundis,
 Nec dejecta malis. placet oblatrare profanis,
 Et verbis mordere malos, mulcere benignos.
 Nil in morte mali est, quia præsens desinit esse,
 Absolvitque reos. idè nec busta rogiue,
 Non pœna insones, non flagra minacia terrent.
 In genibus fors ista Deū est. suprema malorum
 Grata superveniet, si non optabitur, hora.
 Discendum reor, ut juvenes mens sana gubernet,
 Soleturque senes, eadem locupletet egentem,
 Et dites ornet doctrina opulencia census.
 Nescia adulari, nullis preciove metuve
 Ad nutum loquar. hæc vita liberrima nobis
 Sors erit. at populus quoties me sibilat, ipsum
 Sibilo, & humanum nihil est, quod serix mirer.
 Hoc si dogma placet, cur non placuisse magistro
 Virgo sequax poterit? cur non cum dogmate possit
 Arridere tibi jam plenis nubilis annis
 Virginitas? in me nihil amplexabere, quod non
 Sit conforme Crati. me, dilectissime, me me
 Sume thori faciam, & propria dotabere secta.
 Tota forem Cyrica, hoc unum si fœmina possem,

Non adamare Craten. uni huic succumbere culpa
Cogimur. hunc unum liceat sperare dolorem.

Talibus orabat, tales Hipparchia voces
Edidit. ast illi gelidus per dura cucurrit
Ossa tremor, sensitque sibi præfracta moveri
Corda Crates, tetricum magno si pectore possit
Excussisse Deum. Quid me, nitidissima, quid me,
Inquit, amas? vivis cur jungi mortua poscis
Corpora corporibus, studiisque illudis amantum?
Nubendum, sed sorte pari. tam dispare teda
Iurgia lectus alet. similis concordia forma
Necit amicitias; invisæque gaudia discors
Vultus habet. semper deformis vile mariti
Est precium. jus omne sibi formosior uxor.
Vendicat, hac metu cupit, hac patrimonia cultu
Lancinat, hac alio peccantem flectit ocellum.
Hunc petit, huic petitur. completitur Amphitrite
Nerea, sed pulchrum. juveni resonabilis Echo
Commoritur, cur? pulcher erat. formosa Lacena
Formoso nupsit Paridi. me territa mater
Horruit, ut vidit genitum. risere propinqui
Has in fronte notas, hoc pandi dedecus oris,
Informesque manus. defluxit gratia simis
Naribus. hac turpi facies larvata colore est.
Prodigium est, quodcunque vides. En, adspice nu-
(Et simul à fœdis projecit pallia membris) (dum.
Hic tuus est, insana, Crates. quocunque tueris,
Portentum ferale traho. quæ pagina talis
Vlla viri meminit? quibus unquam secula terris
Conjugio junxere parem? quid? ne qua vacaret
Pars ignominia, scapulis intexuit error
Hoc onus. hunc pressa valide cervice revinctum
Vix humeris portamus Athon. sic rideor, alter
Enceladus Briareusque vocor, sum sarcina partim &
Bajulus ipse mei; &, qualis Berecynthia mater,
Turriger incedo, gibbo prostante, per urbes,

Pragre-

Pragrediorque mihi. videor de parte renasci,
 Et prodire novus. spectata distorta meorum
 Crura pedum, curtumque semur; nec vergit in æ-
 Cum librare volo, corpus damnabile lances. (quas,
 Non mihi Acidaliis fibra caluere favillis,
 Non Veneris lusus, Veneris nec pramia novi.
 Conjugis officio fungi, res proxima valde
 Servitio est; nomenque patris, me iudice, vox est
 Mancipii. crescunt pariter cum prole labores
 Ærumneque novique metus. si semina mundi,
 Si rerum studiosa studes cognoscere causas,
 Calibe nil melius vita; nec, conjugis illa
 Ingenium nescire, nefas. Mihi ducitur atas
 Inconcussa malis; tu mollis, compta, venusta es,
 Aptajocis. tibi post fecunda tot oscula matri
 Esse licet; mihi nunc in rugas fluxit aniles
 Annorum series. Cynico plausisse docenti
 Res facilis; sed iussa sequi rigidissima, grandis
 Est operæ. sunt farra meis data fercula mensis.
 Sunt picta lugubre faba, fatuique saporis
 Beta. domus mihi nulla. vagor per rura, per agros.
 Advena sum, quocunque feror. calcare pruinas
 Hybernæque nives, sulcis committere plantas,
 Sunt studii documenta mei, mihi culcitra saxum,
 Aut cunctis commune solum. pars una peculi
 Palliolum est; pera est, pars altera; tertia stipes.
 Quod reliquum, Tethys habet; omne à flubibus au-
 Tunditur, abstrusis effossa pecunia terris, (rum
 Ne noceat, rursus cæca occultatur arena.
 Vis turpem, vis virgo, inopem? vis pauperis heres
 Esse faba? aut, mea quem circumfert dextra, bacil-
 Ne, mulier, tam dura tuæ præscribe juventa li?
 Imperia. auspiciis, reor, & Iunone secundâ
 Deberis procerum thalamis. hoc vota parentum,
 Hoc audet spondere Crates. his annue, meque
 Desine teque tuis incendere, Diva, querelis.

Illa refert. mihi nudus, inops arisque larisque
 Diligeris peterisque, Crates. si forma laborat,
 Forma bonum fragile est. si vultu credimur esse
 Dissimiles, hæc culpa Deūm est. si turpis haberis,
 Nil ego turpe puto, quicquid splendet honesto.
 Non ego formoso quicquam debere marito
 Sponsa velim. quæ forma negat, doctrina refarcit
 Pulchrior. incomptum certe dilexit Vlysses
 Icaris, & niuidam torvus Minoida Theseus,
 Loripedem regina Paphi. pro conjuge nonne
 Bella Pelethronii Lapithæ gessere, trucesque
 Semi-viri? & rutilos capulis radiantibus enses
 Pro sexu strinxere meo? cur vincula læti
 Displiceant? non fas sapientem spernere, quicquid
 Cœlicola sanxere graves. si fœda voluptas
 Crimen habet, sine crimine ama. si tempora somni
 Deploras perisse tibi, vigilabimus ambo,
 Aut noctes partire mihi. quid fercla, fabasque
 Objicis? hæc mea sunt bellaria. porrige lentem,
 Ambrosia est. da fontis aquas, venerabile labris
 Nectar erit. natis malim, quàm vivere faciis
 A lixa dapibus. latices si vola ministrat,
 Natura famulante bibis. sic publica mensam
 Sternit sponte parens, ciceremque apponit inemtum,
 Et porrum & mixtâ cichorea salubria malvâ.
 Si domus, hospitiumque tibi, si tecta negantur,
 At cœli convexa patent. quæ fabrica magnum
 Clausit Alexandrum, nos fornice claudit eodem,
 Nec dedignatur socios. Te pallia velant
 Sordida; sed docta radiantia lumina mentis
 Illustrant alta pressas caligine gentes.
 Si serpsit Neptunus opes, si gurgite mersas
 Fluctus habet, non te gurges corruptior avi
 Transversum in fraudes rapiet. communia Divis
 Omnia solus habet sapiens, quos fecit amicos,
 Custodesque suos. qui summus regna gubernat
 Iuppiter,

Iuppiter, hic tuus est. paribus distamus ab illo
 Passibus. agnatus Superum est, & proximus haeres
 Iustitiae cultor. baculo quo niteris, aequat
 Sceptra Ducum, & regum trabeis securior audit.
 Maeste Crates, nec te pigeat pepizisse jugales,
 Thebano plaudente, manus. miserere puella,
 Quam neque luxuries vitiiis, nec gloria fregit
 Improba flagitiis, odiisque audacia vertit.
 Tres sumus imbelles numero. sine conjugē virgo,
 Hinc pater, hinc genitrix. tres solus perdere in unā.
 Tres servare potes. per conscia numina juro,
 Socraticumque Deum & Cynicæ subsellia turba,
 Conjugio me, magne Crates, dignare superbo,
 Ut dicar vixisse tibi. sin flectere nondum
 Vota p. ecesque valent, tēdas misera inter & ensēm
 Abrumpam cum morte preces. sejungar amanti,
 Cui jungi me, sēve, vetas. amplectere sponsam,
 Aut si, quam vivam voluisti spernere, perges
 Post obitus odisse meos, age, barbare, calca
 Exuvias, pedibusque exosum trude cadaver.
 Sic moriens merear veniam, facinusque cadentis
 Excusabit amor. pro me despecta loquetur
 Infelix Dido, & sociā circumdabit umbrā
 Pyramus, & Thisbe, tumultuque fluctibus Hero.
 Dixit, & impatiens gladium, qui veste latebat,
 Arripuit. tum membra Crati formidine solvit,
 Arrestaque steterē comae. pater obvius unum
 Exorare Cratem, genitrix lenire precando
 Nititur, & rigidis extorquent fœdera pactis.
 Omnes, triste per augurium, quid femina possit
 Sollicitis voluunt animis. gens mollis Amorum
 Advolat, & celerem, quā pars est lava, sagittam
 Torsit, & admissa labefecit cuspide gibbum.
 Cessit Sponsa Crati. Cynico matrona paratu
 Ambulat, & tali gaudet comes i. e. marito.
 Illicet impexi fluitant per colla capilli.

*Frons auster a minis, horrescit dextera fuste.
 Sordida rugosam constringit fascia vestem.
 Explet fonte sitim. nudis per compita plantis
 Ingreditur. non in-visa mala frigora brumæ,
 Solstitiumque timet. designat tempora cœnæ
 Sola fames. patulo placide condormit uterque
 Sub Iove, & humana subsannant crimina scenæ.
 Iam rident Criticos, genus implacabile nugis,
 Grammaticasq; tribus; quæ dum scrutantur Vlyssis
 Fataque fortunaſque, suæ discrimina vitæ,
 Et casus nescire volunt. jam murmure mordent,
 Quæ sua compositos modulatur tibia cantus,
 Vita modos violat; qui cœlo tempora donant
 Sideribusque vacant toti, nec proxima curant,
 Quæ sunt ante pedes. etiam facundia fallax
 Vapulat, & quicumque palam declamat honestum,
 Nec facit. agnoscunt Cynicum palatia dentem,
 Privatique lares. his currit moribus ætas
 Ambobus, vivunt hac paupertate beati,
 Pallioloque Crates recubat conjuxque sub uno.*

R H A D A M A N T H V S M O L L I O R,

Sive de Raptore duarum Virginum
Melitenſium,

T R Y P H O S Æ & I O C A S T Æ, I V D I C I V M.

Æ *Ace, cui rigida radiant antè ora secures,
 Nec peccant impune mali; qui tristibus
 Vmbris*

*Fata legis, vitaſque animarum & crimina discis:
 Da veniam, Iudex, miseris, causaſque nocentum,
 Et formidata differ suffragia vocis.
 Laxent terribiles immania Tartara pœnas.*

Non

Non jecur abreptas Tityi sibi crescere fibras
 Sentiat. aternis fessum dissolve catenis
 Thesea. Tantalicis cessa subducere labris
 Pocula, nec praeceps Ixiona torqueat orbis.
 Eumenidum conspice faces, crebrique parumper
 Sedentur gemitus, nulloque frementia luctu
 Condonent sonti Furiarum verbera turba.
 Mitius ingenium est violatae Virginis. omnes
 Pro rostris absolvet Amor. si foemina liem
 Advocet, effrenis poterit jam raptor amari,
 Et sua reddentur sceleratis premia flammis. (tastas,
 Quid laqueos, Rhadamanthe, paras? quid vincla, ca-
 Flagra, cruces? quid terribiles pallentibus angues
 Manibus intentas, Hecate? moestamque Eriphylem,
 Aut Phaedram damnas tenebris? Procrinque, feramque
 Pasiphaëen, sua vel lacerantem viscera Progenem?
 Iam minus est, peccasse viros. jam lenius audit
 Flagitium, rapuisse duas. connubia stupris
 Succedunt, duplexque nefas facundia mollis
 Diluit, & pulso tandem lictore triumphat.
 Non jam raptas velit Phrygias excindere matres,
 Argolicas armare rates, evertere ferro
 Pergama & iratas odiis implere Mycenae
 Virginitas, oblita mali. non arma reposcat
 Calcatu funesta pudor. placabilis ipsum
 Exorat Minoa Venus, tetricumque tribunal
 Flectitur, & peccans Sponsa donatur amator.
 Aurea, virtutum genitrix, effluxerat atas;
 Sanctaque simplicitas, recti reverentia terris
 Cesserat. horrebant sub duro secula ferro,
 Et scelorum totis surgebant castra manipulis.
 Quos inter vitium rebus solenne secundis
 Luxuries, priscos corruerat improba mores,
 Exemplis animosa suis. tunc undique legum
 Incubere mina populis. hic jura Lycurgus
 Spartano veneranda dedit, gemitque ligata

Arctius

*Arctius improbitas. illic tremuere Solonas
 Cecropida, & rigidi Locris edicta Zaleuci
 Officii scripsere modum. se Creta tuetur
 Iudicibus terretque malos. rubet ipsa Draconis
 Littera, sanguineisque riget conspersa lituris.
 Tunc Gallum Diuida, Pœnorum regna Charondas,
 Chaldaeos docuere magi, strinxitque Zamolxis
 Lege Scytham, Siculisque suis praecepit Eleusis.
 Cernitur Ionio circumvallata profundo
 Insula, quam Meliten dicunt, vicina Pachyno,
 Adversos spectans altis è fluctibus Afros.
 Cui ciithara segnesque joci & geniali i cordi
 Orgia, lascivique sales audaxque voluptas,
 Pigraque mollieties & inertia parca laboris.
 Utque fuit petulans & nil non ausa juvenis,
 Et sceleri patuere via, visque effera fraudes
 Iuvit, & inuitos rabies extorsit amores,
 Succensere Themis potuit. dumque altera lances
 Librat & appendit culpas, manus altera ferro
 In fontes armata suo est: raptoribus ensis,
 Aut thalami facit arbitrium. iudexque puella est,
 An gladio cadi cupiat, vel nubat amanti.
 Haerent ancipites raptæ, dubiisque fatigat
 Poena duplex. nunc ira ferox condemnat amorem,
 Nunc iram condemnat amor. nunc lictor amatur,
 Nunc Hymen. exercet legis sententia partes,
 Et sequitur diversa dolor. Non illa Menandrum
 Terruit impavidosque viri compefcuit ausus
 Horrida lex. laxat Veneri vesanus habenas,
 Et suadet pejora furor. Tryphosa ruenti,
 Mox rapitur Iocasta, duas peruersus amator
 Polluit alternoque reus fit crimine raptor.
 Litem causi facit. geminata injuria poenas
 Implicat. adversis dissentit Curia votis,
 Dum raptis diversa placent, nec nubere poscat
 Vtraque raptori, merito nec destinet ensi*

Vtraque;

Vtraque ; sed legis partem sibi vendicet una,
 Partem alia ; una thori speret soluta, mortis
 Altera, confundantque suas clementi voces
 Infractusque rigor. Tu, qua mortalia vindex
 Facta notas, Astraea, & per tot crimina justos
 Circumfers pernox oculos, mitique severum
 Edulcas, mihi Diva refer, qua voce Menander
 Induerit sceleri speciem ; qua fronte timentem
 Terruerit Tryphosa reum ; quo numine saxas
 Contuderit Iocasta minas. conscende tribunal
 Arbitra, disponant grandes subsellia Patres,
 Atraque ferales attollant limina fasces.

Ecce, venit raptor, manibus post terga revinctis,
 Pallor in ore sedet, facti mens conscia vultum
 Verberat, ut possit populo peccasse videri.
 Quam graditur despectat humum, non lumina tollit,
 Cincta timet pavidus, magni pars ipsa doloris
 Est metus, & pœne gradus expectatio pœne.
 Detergit mœrens lachrymas, trepidansque labansque
 Flebile suspirat, formidantesque capilli
 Canitiem terrore bibunt. deformat amictum
 Luctus, & ante oculos lethi præsens imago
 Hoc unum sperare sinit. cum rostra tuetur,
 Genua tremant ; turbam cum circumspicit & ag-
 Se contra missare videt, nutuque furorem (men,
 Precipit. irata lugubris scena puella
 Nuncia supplicii est. metuit, ne latior iras
 Dissimulet Iocasta suas. sic squallidus, excors,
 Exanimis stetit Albanus, cum, iudice Tullo,
 Ultrices raperent Metium in diversa quadrigæ.
 Talis erat facies, cum cultros inter & aras
 Pallida spectaret Græcorum castra Mycenis,
 Aut coram immiti jugulanda Polyxena Pyrrho.

At postquam timida rediit fiducia lingua,
 Discussitque metum : Non me rapuisse negabo,
 Raptor ait, nec si misero fors obtigit ista,

Men-

Mendax esse velim aut vanus perjuræ fingam.
 Si vitæ blanditur amor, si nescia recti
 Est Venus, & juvenum subvertit subdola mentes,
 Peccari minus, & culpam imperiosa libido
 Elevat, & quicquid feci, sum passus amando.
 Non meus in jugulos infontum sævit ensis,
 Non cruda maduere manus, non ære nefando
 Vendidimus patriam, aut cælo jurata fefelli
 Fœdera; non trabea, non hic violata curulis,
 Turpiaque incestant alienas ausa maritas.
 Me, fateor, pravi pellax lascivia secli,
 Subruit, & calida subnascens flamma juvenæ.
 Cogitur omnis amans, & duro crimen amori
 Imputat, aut fatis. rapitur seducta voluntas,
 Quo trudit natura procax. delinquimus ipsis,
 Quæ Superi tribuere, bonis. cur lumina nobis,
 Virginibus cur forma data est? cur gratia vultu
 Picta nitet? cur membra decor natiuus honorat?
 Cur rubuere genæ? frons exporrecta jocatur?
 Illicibusque oculis tot fraudum arcana Prometheus
 Occuluit? si quisquis amat, sceleratus habetur.
 Si rapui, dos raptæ viri est. ut amabilis esset,
 Objicitur maribus mulier. plus munera Divum
 Æstimat, hanc ipsam quisquis furiosius ardet.
 Si pudor est, adamasse duas; bis dona Deorum,
 Bis dicam placuisse Deas. sum raptus & ipse,
 Et sensi me posse trahi; velut abdita saxo
 Invitat cupidum virtus magnetica ferrum,
 Aut levibus paleis se succina pulchra maritant.
 Hinc Tryphosa gravis sopitos suscitât ignes,
 Accenditque faces; hinc se Iocasta medullis
 Insinuat formosa meis. hæc frangit ocello
 Pectora, & accensos conspectu ventilat æstus;
 Illa verecundis sapiens præcordia verbis
 Fascinat, & quoties facundo differit ore,
 Post se corda trahit. non vult Iocasta timeri,

Blandiloquis arguta jocos. Tryphosa modestis
 Alligat imperiis animum; moresque decusque
 Ipsaque virtutum, causa est erroris, imago.
 Quod si homini sit fas exemplis ire Deorum,
 Quæ feci, fecere Dii. qui fulmina torquet
 Iupiter abducta Tyrio de littore quondam
 Mugit Europa, & teneras immanior artus
 Libravit pandis humeris. quin tertius hæres
 Saturni, dum Sicaniæ ferus insilit Hyblam
 Fumantesque rotas caligantesque relaxat
 Acer equos, magnæ Cerei venerabile pignus
 Eripuit; tantique Iovi arrisere tumultus,
 Nec Parca vetuere malum. Sic maximus ille
 Incaluit princeps Erebi, mundique potentes
 Audaces sumfere animos, Acheronque polusque
 Semideumque patres me peccavere priores.
 Nec, si rapta mihi fuit utraque, desiit esse
 Utraque casta sibi. mansit sine crimine mentis
 Pars melior, liberque animus divortia mecum
 Fecit, & in solo deliqui corpore raptor.
 Quod si jura reum faciunt, patriusque refellor
 Legibus, & poenam suffragia vestra reposcunt;
 Excedit jam poena modum, pravique colorem
 Lex crudelis habet. num gaudia fluxa cruenta
 Morte luam? an Paphias ferro temerabimus aras?
 Basiaque invitis aliquot pressisse labellis
 Nomen erit fatale mihi? quæ femina philtro
 Exinxit juvenem, vos absolvistis, Athenæ,
 Incolumisque evasit amans. deprensus adulter
 Mars fuit, & toto jactata est fabula cælo;
 Attamen hoc risu facinus, non ense, perivit.
 Gaudent pulchra rapi. secat obvia gramina messor,
 In vitasque licet ferro detondet aristas
 Triptolemus. rapidis spumans vindemia dextris
 Diripitur; plenisque legit decussa canistris,
 Nec matura satis Cerealia poma colonus.

Pabula

Pabula flamma rapit, facibusque sequacibus urit
 Proxima. vim passim patitur natura, facique,
 Inque vices solers cogique & cogere gestit.
 Incubat Oceanus terra, sed laxior aër
 Oceanum premit. immensis complexibus ignis
 Aëra circumdat propior, servatque fovetque,
 Ingentesque sinus mundi secundat Olympus.
 O, quoties lactante gemens à matre juventa
 Abripitur, tenera cui nondum cornua ludunt
 Fronte; vel imbeli lupus insidiatus ovili est.
 O, quoties cultos dum virgo perambulat hortos,
 Hic violam rapit, hic fragrans avellit amomum,
 Aut metit excelsis argentea lilia cannis,
 Necdum facta nocens. totus raptoribus orbis
 Fervet, & haud una rapiuntur cade tiera.
 Virginitas intacta diu, nec raptâ, fuit scit,
 Et senio marcescit honos, despecta senilis
 Gratia deformesque joci. speciosa venustas
 Quo nos cunctâ vocat, sequimur, vel it impete, turba
 Luxuriosa proci. Vos vita lubrica, Patres,
 Condonate mea. leni plus voce tribunal,
 Quam terrore valet. Melite, bis me hospita servas.
 Si superesse sinas civem & respicere vivum.
 Sin me vis, Tryphosa, mori; moriâre Menander,
 Abscissumque humeris caput atque exangue cadaver
 Tryphosa mitte inferias. tunc forsan amabit,
 Raptoris cum frustra leget. Sin vivere me vis,
 Et pateris, Iocasta, virum; venerabor amores
 Prona mente tuos. thalamo sacro pudoris
 Damna tui, & mecum exemplum memorabile sera
 Posteritatis eris. facinus prudentia clemens
 Corriget, & cupient nobis placuisse nepotes.
 Hac ubi dicta dedit, compressa voce quievit,
 Seque pavor dominavit iners, pulsoque timore
 Arrecta sedere comæ. Nec distulit inde
 In juvenem Tryphosa loqui, sed squallida luctu,
 Fune-

Funereoſque induta habitus. non priſca decentem
 Mordebat medio ſuccinctam corpore pallam
 Fibula, neglecta pendebant vertice vittæ,
 Torva minis facies, gladio truculenta rigeat
 Dextera, magnanimaque ægrum cor bile tumebat.
 Iam memor ingenio rabiem, feritate dolorem
 Auxerat. haud alio Phrygium conſpexit Eliſa
 Ore ducem, Libycis aliquem cum poſceret amens.
 Offibus ultorem. ſimilis Caſſandra Choroebō
 Reſtitit, & Phædra Hippolyto, cum peſtore forti
 Sperneret inceſta temeraria vota noverca.
 Vt ſtetit, & totam ſeſe collegit in iras,
 Talibus illa modis ora indignantiæ ſolvit:
 Improbe, ſæve, nocens, genitrix ſi lena fuiſſet,
 Si Circe Laiſque mihi, ſi ſæda Calypſo
 Ipſa forem, aut quovis mercabilis ære Philænis,
 Largirer facilis veniam. nunc leſa querelas
 Orditur probitas & caſta filia matris
 Hæc, polluta dolet. centum digniſſime pœnis,
 Me pereunte, peri. non una eſt culpa nocentis.
 Bis, ſclerate, rapis. crevit ſucceſſibus ardor
 Efferus, & gemina de pubertate triumphas.
 Nil juvat errorem, ſpretæ virtute, fateri,
 Nil gemitus commiſſa levant. cum raptor abires,
 Tunc decuit ſentire nefas. ceu navita ventos
 Proſpicit, & ſcopulo deſleſcit vela latent
 Incolumis. non te fatorum ſanctior ordo
 Impulit in ſcelus, aut formæ quaſita venuſtas,
 Eloquii decus & quicquid mortalibus æther
 Optimus indaſſit. Superos abſolvimus omnes.
 Tu, tu cauſa mali es. fingat mentita vetuſtas
 Furta Iovis raptuſque Deum; num fabula vitæ eſt
 Regula, juſtitiaque modus? quid inania fundis
 Verba? vel exemplis audes pugnare ſiniſtris
 Infelix? pœnæque ſtudes diſſerre rigorem?
 Omne tuis levius, quod jam decernitur, auſis

Suppli.

Supplicium est. non vipereo metuenda flagello
 Eumenis atque no vis acuens incendia flammis
 Sit satis in pœnam. laquei, nervique rotæque
 Verberaque & tracti loris crudelibus artus,
 Et virgæ lenes fuerint. Te stupra parantem
 Attoniti fugere Dii; percussa Dione
 Horruit, exclamavit Hymen, Sol palluit orbi
 Defecitque sibi. turpis quin conscia facti
 Terra suos circum maculis adspersit honores,
 Et noxam afflavit foliis. marcescere flores
 Vidimus, expirare rosas, decrescere rivos,
 Et retrò cum fonte trahi. Quò jura Deorum,
 Quò leges cecidere hominum? quid vivere nobis
 Proderit? an mixtæ sociis raptoribus usque
 Ibimus expertes ibalami? nec tuta puellis
 Sors erit aut nostri stabilis reverentia sexus?
 Quid latuisse juvat, custodivisse parentes?
 Tarquiniis si prada sumus? si vincta quadrigis
 Sum spoliū & nullo sese secūra tuetur
 Vindice simplicitas. cur cœli dicimur esse
 Nobile depositum, terrarum gloria, mundi
 Sidera, spes & cura virum? si quolibet in nos
 Obvia grassatur rabies furtoque patemur.
 Stupravit geminas audax, unamque caloris
 Esse sui voluit solamen, ut altera prætet
 Virgo patrociniū, & defendat rapta clientem.
 Ne pereat, bis audet idem. videntur honesti
 Custodes tabulæ, vitioque obducitur ipsi
 Per vitium color & iudex eliditur astu.
 Una dies ambas rapuit. jam tertia forsan
 Rapta foret, nisi nox melior rapuisset Olympum.
 Ploravere domus gemina, genitrixque paterque
 Et meus & Iocasta, tuus. tabescit uterque
 Flebilis. in quantum servaris, nata, dolorem,
 Mater ait, cui te genui miseranda furori?
 Poscite vindictam patres, ne filia vobis

Sorte paripereat. vindictam poscite fratres,
 Ne vitata soror generi stirpique supersit
 Opprobrium. cunctos animet vindicta maritos.
 Ne pavidos admissa thoros audacia scandat.
 Talis saepe gemens dixit Lucretia Bruto,
 Talis, Collatine, tibi, sororeque patrique.
 I lihor, constringe manus, obnube scelestum
 Veste caput, gladioque vices ulciscere nostras.
 Cade, feri. luat ense malus, quo concidit hoste
 Fama pudicitiae. saturet se sanguine, quem non
 Flebere virginexque preces lachrymaeque dolorque
 Non pietas potuit. dic, post tua fata, Menander,
 Dic. Paridi, scelerei quoque succensere nepotes.
 Phoebe pater, quo me rapuit furibundus amator,
 E fastis expunge diem. ne busta rogumque
 Irradia, aeternis lateat stuprator in umbris,
 Abscondat caligo reum. ne posthuma norit,
 Peccari sic posse, Venus. Quid parcere demens
 Raptori, Iocasta, cupis? sperasque maritum
 Improbam? quem leges, quem damnare curules.
 Hoc violentus amor precium, diramque cubile
 Emeruit? tali infamis scortator honori
 Sepositus cristas corrupta virgine tollet?
 Apponetque nefas lucro? Vah, prodiga fama es
 Ipsa tu. nec enim crederis passa, quod optas.
 Quod lasciva petis, te consensisse loquetur
 Quilibet, & raptam magna ratione negabit.
 Publica sic fies videntis nexa vulgi,
 Atque iterum nutabit honos. meretricis inuret
 Nomina suspicio, pellexque vocabere genti
 Vel prostans Erycina tua. quae laesa putatur
 Virgo, dolet; nolensque truci quae cecidit amanti,
 Hac speciem plorantis habet. tu florida Sponso
 Seta paras, plaudisque tuis improvida damnis.
 Compta salis, lepidisque infamas rostra susurris,
 Et Sponsa spem caeca foves. miracula narro.

Omnia

Omnia jam fient, fieri qua posse negabam.
 Siste gradum, nec plena redi Latonia terris,
 Et vaga converso se trudent flumina cursu
 In caput acta suum. concurrat bruma Leoni,
 Perreptetque hyemem Cancer, ver terminet ipsum
 Amphora, & autumnos adeat cum Castore Pollux.
 Heu cœli terræque pudor. virguncula vacors
 Oscula sacrilego pendet, nova fœdera junget.
 Vt plures periturus amet. Si raptâ fuisses
 Sola, thorax poterat morti prælatus amari.
 De geminis lex nostra silet. certumque meretur
 Supplicium bis spreta Themis. superaddita noxa
 Noxa riget, facinusque capit momenta resumptum.
 Vltio debetur binis, sed nubere binas
 Iura decusque vetant. superest, ut victima binis
 Occidat, & thalamo excussus moriatur utriusque.
 Si Iudex ignoscere amas, quis criminis horror,
 Majestas qua legis erit? si dextera vindex
 Languet, illecebras præbebit fontibus excors
 Mollities. quanam hæc species? non posse perire,
 Qui meruit bis monte mori, bisque ense recidi.
 Dicite, si plures rapiat, si templa Deorum
 Involet, aut querula sit parricida noverca,
 Sat fuerit raptam molles obtendere tædas?
 Licetor, colla seca. mox tu, Iocasta, protervis
 Exuviis nube, gelidumque amplectere corpus,
 Bassiaque in putridis figas graveolentia membris.
 Prima ego dum violor, legis divisa voluntas
 Arbitrii sit prima mei. Tryphosa Menandrum
 Damnat, ut, extincto nobis raptore, deinceps
 Fausta coronati peragant convivia Manes.

Sic dixit Tryphosa gravis, vinctumque catenis
 Frenduit in juvenem. Tum blandè lumina torquens
 Promovit Iocasta gradum, cui gratia dispar,
 Dispar forma fuit. mitra radiante capillos
 Strinxerat, & variis Gangetica bacca figuris

Ornabat

Ornabat distincta caput. non pulchrior astris
 Vultus erat, plus labra rosis arguta rubebant.
 Ignea vis oculis inerat, poteratque videri
 Divorum nurus aut Tithono nobilis Eos.
 Rubra pererranti fulgebant serica bysso:
 Quis precium donabat acus. prænuncia lecti
 Flammea gestabat manibus. redimita coronis
 Frons erat. hic cunctos quos tellus ad alta flores
 Parturit, & vernas filo distinxerat herbas.
 Has nardum & grata pingebat amaracus umbra,
 Coryciumque frequens & olentis vimen acanthi,
 Et casta balantes immortalesque amaranthi.
 Vix fuerant strepera mandata silentiæ turba,
 Arrestumque stetit compresso murmure vulgus,
 Cum sic orsa fuit felix Iocasta profari:
 Non ego cum sociâ Melitensem exscindere gentem
 Virgine juravi, subjectaque colla securi
 Nobiliam feruisse velim. non funus acerbum
 Molior, aut tristes duri Busiridis aras
 Imbuet impatiens animus, lethique repertrix
 Verba meo quæram nimis immansueta dolori.
 Non me Penthesilea furens, non barbara Colchis
 Horribilem genuit, nec quæ regalia quondam
 Ora cruentatos Thomyris demersit in utres.
 Fœmina sum. lenis misero & placabilis adsim.
 Sæviat in tauro Phalaris, in carcere Sciron,
 Occulta sub rupe Scinis, dirusque Proustes.
 Nascitur ad fructum mulier, proliisque futura
 Argumenta capit. futurari sanguine nolo,
 Quem cupiam genuisse mihi. non præfica, verum
 Pronuba sum. thalamosque mihi mansuetior opto,
 Non tumultos, Tryphosa, tuos. Libitina faceffe,
 Collige per crudos mortis spectacula Thracas,
 Aut annis effata neca. mihi lata juvenus
 Serviat, & famæ reparet dispendia lectus
 Innocæque faces. stuprum lanugine prima

Diluimus. venis saliens juvenilibus ignis
 Buliit & stimulos peccanti subdidit ætas.
 At rapuit. fateor. raptum peccamus & ipsa,
 Quemque prior toties virgo clam deperit, aufert
 Consilio, votisque rapit. medicina malorum,
 Et quærenda mali correctrix flamma caloris.
 Cui placeam temerata? thoro secludor ab omni.
 Indignam fugiunt comites, innoxia quamvis
 Rideor à populo, generis fortuna domusque
 Mecum tota labat. mæstorum causa parentum
 Iuncta mea est. liceat fato meliore mereri
 Conjugium, & raptum titulis expungere nupta.
 Tyndarus Idæo quamvis pastore Lacana
 Raptæ foret, tamen huic ipsi consuevit amanti,
 Solverat Oebalio postquam de littore classem
 Dardanius, & magna quærentur furtæ Mycenæ.
 Hesionem Telamon, Briseida cepit Achilles,
 Eurytus Hippodamem, Boreas ferus Orithyiam.
 Ægides Gnosin, facilem Tirynthius Augen,
 Victoremque suum tepidumque cubile secuta est
 Qualibet, officiisque procans injuria victa est.
 Næquæ Pyrenes transcripsit nomina monti.
 Hospitis Alcida raptum fuit ultæ virago.
 Flebitur obsequiis, omnisque ferocia languet.
 Cum placida nostros solantur voce dolores,
 Qui nocere, mares. Stygii prædonis habenas,
 Et dotale Chaos Plutonia possidet uxor,
 Ac ferugineis Erebi complexibus hæret.
 Pone mimas, compesce tuum, Tryphosa, furorem.
 Sæplesti vis lege reum, non semper iniquos
 Pæna vocat. patitur molli se interprete flecti,
 Æqua reo; sensusque sibi Clementia servat.
 Hac hominem superis æquat, facilisque moveri
 Supplicibus, miseris nunquam implacabilis obstat.
 Ignovisse cupit, flagrantem increpat iras,
 Subducit fomenta odiis, & parca cruoris
 Præfactum calcat terrarum Diva rigorem. Quiræ

Quin potius nunc nostra virum Lex asserit anceps.
 Cur? geminas rapuit. tuus est ex parte Menander.
 Et meus est. debet nobis mortemve thorumve,
 Anxia libertas contraria seligis. adsto
 Blandula donatrix veniæ. Tu filia Martis.
 In cades irata ruis. nec nubere binas
 Res sinit, aut binis poterit bis ense feriri.
 Sit tibi vis reddi, quicquid subdaxit honori,
 Cur non & nostro vivat servatus honori?
 Si tibi dissectus placeat, mihi totus amatur.
 Si sperata paras tristes ad funera taxos,
 Ipsa le vem ne tam gentili in vertice myrtum.
 Si tibi barbaricus tumida dstringitur ensis,
 Ecce manus contra strictos amoliar enses.
 Tu truculenta feri, ferienti mascula me me
 Objiciam, & tanta servabitur obside raptor.
 Sic dum distamus votis, & numine dextro
 De geminis edicta silent, evadet amator.
 Quid? magis in raptum tu consensisse videris,
 Irarum quia plena furis, culpamque superstes
 Exprobrare potest. motus compescat insons
 Causa meos, totoque mihi blanditur in actu.
 Quæ nolens sum passa, volens admittere conjunc.
 Non renuam. meus posthac Melitæus amabit.
 Oscula nec rapiet, quæ mox libabimus ultro.
 Ilictor, dissolve manus, obnubito frontem
 Floribus, atque istam capiti suspende coronam.
 Sponsa vocer. celebri si, Collatine, piæ si
 Exilio regale nefas, si ulciscitur ultor
 Virginiam: plurex bellatrix Roma Sabinas
 Prædonum in gremium vidit descendere nuptas.
 At vos raptori, Patres, ignoscite, si quid
 Intumuit Cypris; si quid flagrantius actum,
 Quam decuit. vestris supplex atque innuba virgo
 Advolvogenibus. Sit fas sanctissima læti
 Iura sequi, & placido nunc consentire marito.

Fortunam, si raptam, feram. cognomine pulchro
 Involvam sceleris labem. cum nescia mentis
 Ipsa sua lex est, iudex clementior audit.

Hæc effata sinum lachrymis implebat obortis,
 Mixtaque inerrabant solatia multa timori.
 Nec minus ambiguum diviso iudice vulgus
 Scinditur, & vadunt odia inter juncta favori.
 Ille ferox animi pro virginitatis honore
 Verba facit, certa que probat suffragia mortis.
 Mitior hic pœnis hominum vel sanguine pasci
 Turpe ferumque putat. discordes Curia voces
 Edit & infracto occurrant resposæ rigori.
 Tandem legiseris subrepsit inertia segnis
 Patribus, & stricta rostris cessere secures,
 Iusque datum culpæ est. incusat inania jura,
 Et conculcatas in fonti corpo. e leges,
 Et stertam Tryphosa Themis. Iocasta Menandro
 Nubit, & (ô mores!) fruitur raptore marito.
 Indoluit despectus Hymen, flammæque jugales
 Defecere sibi. visa est Astræa moveri,
 Et gladium vibrare manu. qua lance reatus
 Ponderat, en, levibus subsidunt crimina pœnis.
 Tunc medios inter Proceres miserescere cœpit
 Constantis Tryphosæ aliquis, sociamque poposcit
 Consortemque thori. fulgent genitalia passim
 Limina, Sponsarumque habitus, epulæque facesq;
 Ocyus oblita irarum legisque severæ.
 Formosos religant crines, vultusque serenos
 Obnubunt alium prævelatura pudorem
 Flammeæ, compositisque minis jam lenè canentes
 Immergunt veteres in pocula plena dolores.
 Gavisa est omnis Melite, propiusque procellis
 Annuit, & toto sonuerunt festa profundo
 Carmina Nereides. sed grandior Amphitrite,
 Dum raptum legesque alternaque jurgia vesit,
 Increpuit tetrica malefactorum voce tribunal.

CHEIROMANTIS,

Sive Virginis cujusdam, ordinis mendicantium,
quos Ægyptios quidam, vulgus Gentiles vo-
cat, (Itali Cianos, Asiatici Sigaros appel-
lant) & nobilis Hispani matrimonium. Vbi
Physiognomicæ & Cheiromanticæ artis,
cunctaque ordinis istius dogmata, ritus ac
vivendi ratio explicantur.

I Am nova fatidica sumant exordia tædæ,
Et Pelusiace veniant in verba Sibyllæ,
Et terras obiens Manto, præsagaque sortis
Femina, & inspectis sapiens Ægyptia dextris.
Quas versas, Erycina, vices? quo crimine damnas
Nobilium malefana thoros? fœdisque potentes
Illaqueas thalamis, pulchroque illudis amori?
Quam turpes arsere facies, quam flammea tetrum
Velavere caput, quam formidata virago
Ivit in amplexus, depictaque fecibus ora
Et passò discincta vagans per regna capillo
Tisiphone, dignum conscendit sponsa cubile,
Illustri dotata viro. mihi, maxime CATSI,
Sapius attonitam veterum miracula mentem,
Et casus tenuere truces, celebrisque severis
Exemplis mulier: seu strictas sæva secures
Penthesilea quatit, mediosque effusa per hostes
Agmen agit; ruptis seu fortis Clælia vinculis
Enatat, & socias ducit per castra sorores,
Et vallos, Porcenna, tuos: seu Tullia demens
Improba per patrium raptat carpenta cadaver;
Aut toto olers Tanaquil involvitur ostro,
Sublimis matrona animi. canit antra Calypsus
Mæonides Scyllæque canes faucesque Charybdis
Sirenasque leves & iniqua pocula Circes,

Ff 3

Atque

Atque agamemnonio maculatam sanguine mœchâ.
 Quale audes, Rosimunda, nefas. ultrixque pudoris
 Et visi regina sinus; quæque amula fasces
 Eripis incauto conjux Babylonia Nino.
 Ismenis irrubuit Lernæo sanguine Dirce,
 Seva viro. Oenomaos belli deterrima causa
 Hippodamia fuit. Thebanum irata maritum
 Prodidit Eryphile, Pterelamque insana parentem
 Polydice. furis ad versa Volumnia mater
 Iuit, Coriolane, tuis. quacunque revolvās
 Secula scrutator, magnum & memorabile nomen
 Femineo in sexu est. nescit mediocribus ille
 Consiliis fatisque regi. virtutibus omnis
 Aut vitio præcellit amans. hic omne Cupido
 Explicat ingenium & gaudet statuisse trophæum.
 Huic gravis, huic facilis. stupuit natura furores
 Ipsa suos turpique infames fœdere nexus
 Difformeque thoros. Tu tantis addere, Virgo,
 Ordinibus, famæque patens conscende theatrum,
 Et personato trepident subsellia vultu;
 Seu Preciosa velis dici, seu pristina servas
 Nomina, & arcanas aperis Constantia fraudes
 Fortunaque vices, & quicquid corpore nostro
 Scripsit adorandis Divum prudentia signis.
 Ibat Barbaricâ matrum comitante catervâ,
 Pallarum diffusa sinus, Gordonna; peruncti
 Dux gregis & tetricam ductabat prævia turbam.
 Sordida sul fuscum velabant pallia corpus,
 Et circum fluidis squallebant crinibus ora.
 Huic suus è mammis pendebat putribus infans,
 Aut matri incumbens humeris surgebat ab ipsis.
 Huic olidus trita pendebat cantharus ansa,
 Huic panda hesternam lambebant labra polentam.
 Illi ruga cavam crispabat pendula frontem.
 Mucidus immundis stillabat naribus illi
 Humor, & oppleta turgebant sordibus aures.

Pars nudas duro firmabat frigore plantas,
 Pars laceras, pars villosas incompta trahebat
 Exuvias. non hic nitidis holoserica membris
 Tegmina suspendi videas, vestesque superbas
 Murice vel Tyrio velamina splendida cocco.
 Hac annis pannisque rigens vestigia ligno
 Fulcit anus. vix hec tunica paupercola mater
 Molle tegit gremium, custosque pudoris egestas
 Parca fuit. tales quondam Rhodopeius Orpheus
 Traxit Threicias, furiarumque agmina ducit
 Per Phlegethontæas conjux Plutonia sedes.
 Sic Bacchas ivisse putem, cum Manala circum
 Flexa Mimallonius implebant cornua bombis.
 Omnibus hic labor est, anceps prædicere verum,
 Et cui vis sua fata loqui. quæcunque viator
 Ambulat, horrendas præfago numine voces
 Eruçant, rabidaque rotant oracula lingua,
 Eventusque hominum varios, casusque futuros,
 Quæ sunt, quæ fuerant, quæ mox ventura trahentur.
 Ut rabie fera corda tument & pectus anhelum
 Excussit totum lymphato turbine Phœbum;
 Hac grandes promittit opes, Pelopumque talenta,
 Et faciles in vota Deos, securaque vita
 Otia. crudeles aliæ Rhamnufidos iras
 Adversumque Iovem recitant, sterileque hymen eos.
 Aut querulam aut multa secundam prole maritæ.
 Tu Sejanus eris, tu terra paupere (dicunt)
 Ibis in imperium magnum, figuloque parente
 Iura dabis latè populis. Te gemma beato
 Æquabit miranda Gygi. tu Syllæ triumphis
 Transcendes abavum titulos, tibi basia figet
 Regis amor, tibi fullo gravis. tu sordida Thais
 Ad coitum allicies alienos fœda maritos,
 Et coelebs bis mater eris, legesque cubilis
 Calcabis matrona salax. Te iusta Superbum
 Excutiet folio Nemesis. te canna palustris

Abscondet Marium. Tu, dux Pompeje, Photini
 Ense cades. tibi, Cræse, rogi flammaque parantur,
 Fatalis te furca manet. te gurgite vasto
 Æolus & tumidis mergent irata procellis
 Æquora. quin propius vultus cum femina lustrat,
 Invenit ex altis lapsurum Elpenora scalis
 Invenit Andromachen, raptumque à matre misel-
 Astyanacta. videt mulier vestigia fati (lum
 Prævia, & ambigui prædicit damna veneni.
 Quos ensis fodiet jugulos, quæ sica tyrannum
 Expetet, quæ pœna reum, quique Hæctora currus
 Hippolytumque rota rapiunt. quo sidere quisquam
 Ausurus sit quodque nefas. quem sera senectus
 Spectatorem operum multorum reddet, & annis
 Sufficiens vix vita suis. Tithonia narrat
 Secula Nestoreosque dies. huic contrahit ævi
 Curriculum, terris quem solum ostendere Parca
 Immites cupient, nec spes implere suorum.

Ambulat has inter chara Virguncula matris
 Depositum, quam dum centum vaga permeat urbes
 Dux turbae Gordonna, choro permiscuit isti,
 Et patriis audax teRis avertit euntem.
 Illa nova patiens seæta, docilisque, furores
 Haussit & ingentes artes; potuitque juvenis
 Magna loqui & veris rimari singula causis,
 Ingenio monstrante viam. non forma decusque
 Deerat, in humidulis vernabat gratia labris,
 Et lepor in verbis inerat, blandumque loquendi
 Pondus & attonitas aliquid quod flederet aures.
 Os humerosque Dea similis venerabilis ibat
 Terribiles inter matres; & lurida quamvis
 Egregiam pingui faciem turpasset amurca,
 Emicuit gradientis honos, frontisque venustas
 Ardua & amoto generosa modestia fuco.
 Quin omnis secuta thori, fraudisque deliquit
 Nescia, non vere fruitur sermone parentis,

Et rerum secreta capit, quæcunque sub antris
 Mugit & Phœbi quondam cortina reclusit,
 Euboicusque pater; quicquid Cassandra sciensque
 Carmentis Latium docuit, vel filii grandis
 Tiresiæ, vitreoque furens sub gurgite Protheus.
 Noverat & quicquid Thuscus scrutatur aruspex,
 Interpretque Tages Superum; venisque calentes
 Fibrarumque edocta sitis, aviumque volatus,
 Signabat motus volitantis in æere pennæ.
 Quicquid in humanis Superum sapientia membris
 Abdiderat, potuitque loqui pars quæque tacendo,
 Gnara aperit; sortesque notat facunda futuras
 Garrulitas. dictant graciles portenta figura,
 Inque suos corpus mores astuta resolvit.

Principio septem radiantia sidera lustrat
 Orbibus, errantesque Deos, Solemque Iovemque,
 Saturnumque patrem durique habitacula Martis,
 Infaustaque domos Luna, celebrataque mille
 Tecta dolis, quæ mercator Cyllenius altè
 Incolit; & qua se cœli statione tuetur
 Vesta Dionæis petulans Citherea columbis.
 Hæc astris supposita videt, cœeuntia fixis
 Lumina luminibus; nunc occurstantia rursum,
 Adversasque faces facibus. conspectibus istis
 Gaudet & immensos distinguit vultibus orbes.
 Morbos Cancer alit, trux asperat ira Leonem,
 Emicat in Tauro probitas, & dedita sacris
 Relligio veneranda suis. felicia proles
 Signa, favens cauda, portendit matribus ardens
 Scorpius. atque ipso secundi frigore Pisces.
 Sub Geminis pulchro donat nos corpore Titan,
 Tyndaridisque facit similes. sub Virgine docti
 Nascimur, & crispo prudentia multa capillo
 Tuta latet. fidos Aries largitur amicos
 Proscribitque malos. appendit Libra labores
 Ærumnasque graves. acuiunt studiosa sagitta

*Pellora, & egregiis victuros artibus implent.
 At Caper impuros animis instillat amores
 Corniger, & vetitis urit praeordia flammis,
 Emollique viros. irrorat Aquarius annum,
 Et faciles primis mores natalibus insert.*

*Hæc ait, hæc didicit vafra præeunte magistra,
 Sic recitat Preciosa Deos, totusque puellam
 Zodiaci labor exercet. Mox nostra pererrans
 Corpora, formarumque modos, habitusque, sonosque,
 Hæc probat, hæc damnat. pars nostri qualibet illi
 Fit schola, & articulis mysteria carpit ab ipsis,
 Et summo præcepta ferunt à vertice tali.
 Frons angusta cui est, & plus contracta, Coræbi
 De genere est, fatuusque satius de gente Meneni.
 Longa sapit; sublata nimis vel turgida, fallit.
 Sed rugosa gravem curis vafrumque rotunda
 Arguit; & letis donantem vocibus, ampla.
 Grande supercilium tumidos, pilosaque balbos,
 Immundos protenta notant. cui tristia torvum
 Ora vident, animam tacitis servare videtur
 Consiliis; fraudesque suas macilentior abdit.
 Plana cui multum facies, certamina, rixas
 Litigiosus amat. cui plus carnosæ, venustus
 Esse cupit facilisque puer. quadrata disertis
 Auricula est, stultis parva, imprudentibus ingens,
 Flaccida degeneri, nuda purgata peritis.
 Nec patulæ servant auditæ fideliter aures.
 Plurima vis oculis. dixit Preciosa probari
 Humidos hilaresque sibi, fixosque doloso,
 Fallaci glaucos, praegrandes esse voraci,
 Attentis ad rem modicos. tremulosque vagosque
 Arentes, alii mersos, caligine septos
 Vult non esse bonis. laudat sublime tuentes,
 Nitantes in amore, truces ad bella paratos.
 Omen habet natus. bilem demonstrat acutus,
 Crassus depressusque malos; vicinior ori*

Magna-

Magnanimum, simus Venerem; sed nare rotundâ
 Attonitum, diductâ alacrem, solidâque ferocem.
 Os latum bellacis erit, vastumque loquacis,
 Meileaque è parvis manat facundia labris,
 At quoties dentes attollunt labra canini,
 Illa parum fidos memorat; cumque aspera vox est,
 Hic, inquit, nugator erit; cum blandula, terris
 Altera Messalina redit; cum tarda, remissus
 Cunctator; cum dura, ferox. cervicibus altis
 Adspētat pavidos, crassīs bardosque rudesque
 Difficilesque sibi. curâ temerarius audis,
 Sordidus incurva. levum cum pendula vergit
 In latus, es petulans; dextrorsum flexa, modestus.
 Laudabat pectus magnum, mammasque fluentes
 Leniter, & stricti sub pectore ventris honorem.
 Longaque dum præfert succinctis brachia, narrat
 Pingues esse manus furum, vafrique pusillas.
 Cum pedibus suræ turgent, in visa notatur
 Asperitas; cum subtilem se tibia versat,
 Mens hebet. in pando generosum tergo robur
 Hæret, avarities curvo. Tu Zoile, toto
 Crine ruber, niger ore, brevis pede, lumine luscus
 Haud bonus es. parvos humiles, rufosque fideles
 Esse negat. nitidis ubi surgit densior ordo
 Dentibus & spisso manducant agmine fratres,
 Nestora designat. cum rarius adspicit agmen,
 Lanificas perhibet præcidere fila sorores.
 Iupiter humanos, genus intractabile format
 Falciger, audaces Mavors, Mollesque Dione,
 Infelix Phæbo est. sapiens natura caveri
 Signatos monet. Hæc parvo Virguncula vendit
 Ære viris. hæc femineis præsagia turbis
 Ingeminat repetitque iterum. narrantis ab ore
 Dependunt passim pueri innuptæque puella.
 Inde artem Manus una facit, conspectaq; gignit
 Dogmata, fatidicaque legit Memphitica sortes.

Palma docet. dant signa volæ. sua munia pollex
 Exequitur; legesque capit, qui proximus illi
 Indicat. est medus etiam connata potestas,
 Est quarto minimoque fides. hos præscia veri
 Cheiromantis amat. pugnus, junctura, manusque,
 Monticuli tot pondus habent. hæc linea vitæ
 Dicitur, hæc hepatis, Martisque triangulus illis
 Clauditur. hæc est mensa manus. Si linea vitæ
 Longa colorato ducat vestigia sulco,
 It nobis longaeva dies. Secat Atropos annos
 Ocyus, atque acta per mille pericula lucas
 Incusant Superos, brevibus si linea gyris
 Hic illic discissa fluit. si stricta vagetur
 Inque sinus abeat medios, mens provida recti est.
 Si pallens, si lata, dolet se longaeva jacere
 Sedulitas, totumque imbellis inertia corpus
 Frangit & in stupido mens inconsulta cerebro est.
 In misero ter secta via est. in Thaidæ crux est.
 At quæ per mediam naturæ linea palmam
 Tenditur, & nullis horret dissecta figuris,
 Incolumes nos esse sinit. quæ parvula quando est,
 Immemorem culpat, sunt quæ suspendia signant,
 Quæ fluctus pelagique minas, quæ toxica, morbos,
 Vulneraque & diro minitantes ense latrones.
 Pessima nodosa est, sed cadibus horrida livet
 Rubra manus. donec mense se linea pandat
 Longius & robur membris juvenilibus addat,
 Irarumque facès. eadem rubicunda maligni
 Delatoris erit. sed rectis prædita ramis
 Regum apices titulosque Ducum trepidasque secures.
 Et fasces humili spondet. cum linea triplex
 Permeat hanc, læta dictat præconia mentis,
 Et justis studiosum animum, pectusque pudicum,
 Vestitusque graves & factum corpus ad unguem.
 At quibus illa deest, dura inclementia mortis
 Portendit turpes obitus, gladioque secandum

Terribili

Terribili lictore caput. forte illa Cethego
Defuit & Gracchis inconsultoque Philota.
Has inter variis serpit successibus anceps
Linea Fortuna, miscetque adversa secundis,
Opprobrium decori, fera, desultoria, fallax,
Noxia, nec ceptum constans servare tenorem.
Nec minus & Restricta valet, vicinaque carpo
Pars devexa, triplex quam pingens stella labantis
Ostendit fama precium. progressa sub ipsum
Grande Iovis tuber, dominum discrimine grandi
Maectat, & infelix casus, Germanice, monstrat,
Vel, Dolabella, tuos. cum Solis linea montem
Bis transversa meat, Restricta ab origine, rerum
Magnarum gestator adest, qui pondera regni
Sustineat prudens & tanta negotia solus,
Obstupere viri conclusum in pollice fatum,
Et ventura loqui digitos, nexasque potenter
Sideribus coeloque manus. namque ordine nullo
Cum fissura frequens celsa se pollicis effert
Calle, salax Cleopatra venit, vel Iulia pejor
Adstat, & in quosvis ardescens Flora maritos.
Cum tumuli laeves spectantur in Indice, virtus
Emicat ingenique decus. cum sectio crassa
Lucidaque hunc dirimit, primi suspiria partus
Asperat & gratos tardat Lucina dolores.
Adde cruces, spes est ut sacros purpura honores
Nunciet, & triplicem merearis Papa coronam,
Ac supplex te Roma colat. Iovis ille voluptas
Et statio est digitus. medio stat saevus & acer
Falce senex, collesque suos crudelius orbi
Explicat, indicisque riget; tuberque severum
Saturninus habet, pravaque sub indole trux est.
Ille beans thalamo digitus connubia Phæbo
De vorvet, & sulcos pallentes odit; & ora
Facundis aperit, quoties hic linea Mensam
Radit, & haud longis pervadit proxima filis.

Denique qui minor auriculas & tempora scalpit
 Mercurio sacer, à verrucis liber & expers
 Squalloſis fœdæque cutis, constantibus armat
 Exemplis ſtudiisq; viros. Hæc omnia Virgo,
 Hæc docuit Precioſa Tagum Batimque gravesque
 Aſtruas. hæc audis, felix Hiſpania, voces.
 Illa laboranti cauſam perſepe puella,
 Occultosque ignes, & quos Galatea furores
 Diſſimulat, ſapiens aperit, juvenemque furentis
 Advocat in gremium, & caſto adblanditur amor.
 Illa malas ſociarum artes, fraude, que dolosque
 Caſtigat, cœcisque alibi deſoſſa recludit
 Furta locis, raptisq; frui formidat honeſta.
 Moribus ars precium, mores erectæque virtus
 Addebant arti precium, ſociatæque pulchrè
 Viſ animi vitæque decor fulſere decenter.

Fortè pruinoſas præſes Gordonna per herbas
 Et valles collesque inter conſederat. altè
 Dives ubi virides proſpectat Murcia campos,
 Et Seguram Staberumque bibit, pelagoque ſonorum
 Obſectat ſecuralitus. conſederat una
 Feſſa via Precioſa, & dum pars magna ſorum
 Concipit ignavum per marida membra ſoporem,
 Pars tenui reficit conſectum corpus oliva:
 Illa per irriguo veſtias gramine terras
 Mollia textilibus necit violaria ſertis,
 Roranteſque roſas, floreſque ignara maritat,
 Preluditque thoro. mox tinnula ſiſtra peritâ
 Percutit ipſa manu, latrans quæ poſſit Anubis
 Mirari, Iſiacæ quoties ſacraria Diva
 Pandit & erecta veneratur mente ſacerdos.
 Vox concinna ſonans numeris diſſormibus aptat
 Docta modos, propriisq; attemperat organa mirè
 Cantibus, & Superis venerandos accinit hymnos.
 Conticuit nemus omne, & circum attenta ſteterè
 Numina Hamadryades, Faunisq; fugacibus hæſit
 Impe-

Impetus. adversis sonuit convallibus Echo,
 Et rediit reditura iterum. dulcedine capta
 Lentius ex altis salierunt fontibus undæ.
 Non aliud melos Amphion, non suavius olim
 Bistonius cecinit vates, cum redderet orbi
 Conjugis Eurydica manes. non doctior illâ
 Arte fuit, vel, quem vexit delphinus, Arion,
 Vel cui multifori cecinit Pan tibia buxo.
 Ipsa lyra citharæque potens per cymbala velox
 Precipites egit digitos; & gnara canoram
 Ad choreas inflare tubam, nunc barbita pulsat,
 Nunc modulos reddit mediæ inter pocula monaulo.
 Tympana nunc, variis modò surgens fistula cannis
 Advocat agricolas. etiam crotalistris ludit,
 Cum cupit. at potior cunctis argutula vox est,
 Qualis non hominum, sed vox solet esse Dearum.

Audiit hæc veniens blanda modulamina vocis
 Nobilium de stirpe aliquis. quem collibus actum,
 Dum cervos cursu sequitur venator anhelos,
 Huc sua sors, vel trusit Amor. dumq; adspicit omne
 Agmen, & intento perlustrat lumine cunctos, (hunc
 Quod genus hoc hominum est? inquit. quæ barbara
 Produxit regio? matres puerosque vagari, (morem
 Neglectos errare viros, vix corpora pannis
 Pallioloque tegi, vultus ferrugine tingi,
 Impexas fluitare comas. sic isse furem
 Fama fuit Cybelem, Phrygiasque per oppida matres,
 Et rabidas duxisse nurus. non una Megara est,
 Plurima Tisiphone est. caput hoc crudele Medusa est.
 Ille virum facie deformem Prothea reddit,
 Thersien magis ille. jacent, quos corpore claudos,
 Quos genuit natura breves. hæc lufca Philene est,
 Gellia rufa, loquax Phryne, stat calva Marulla.
 Gibbosum video Galbam, cervice recurva
 Zeussippum, & parva Zenonem fronte reductum,
 Chrysippum strictis digitis, laxisque Cleanthem.

Dum

Dum videt atq; oculis Pharia agmina circumspectat,
 Apparet Preciosa viro. vox faucibus hæsit,
 Arrexitque comas stupor. admiratur euntis
 Lene gradum, rara fulgur venerabile forma,
 Flammantesque oculos & membra decentia, pondus
 Eloquii neſtarque merum, modulamina, lusus,
 Ingenii vernantis opus. pulcherrima non jam
 Antiope fuerit, Spartanaque laudibus infra eſt
 Hermione & clavis Candaulis nupta tiaris.
 Ut vidit, jam totus amat. non retia cordi,
 Non ultra phaleratus equus. mens priſca receſſit.
 Dat veniam jaculis, ſubito miteſcit amando,
 Erectus laſciuit apex, vitæque prioris
 Horror abit. non cura canum eſt, non rura viæque
 Scrutari, qua cerua abeat, qua ſpargat odores
 Dama graves. totum juvenem regina Dione
 Occupat, atque ſuo jam mox ductura triumpho,
 Vulnerat & cordis telum penetrabilibus infert.
 Sed poſtquam cœpit fari, & confeſſus amorem
 Ore fuit, tantaque optat Iunone potiri:
 Reſpondit Precioſa: Mihi vix nubilus atas
 Labitur, & Paphiis minus apta puertia curis.
 Mater ero, matri quam fas parere? cubili
 Ingerar, imperii patiens? & nata parentum
 Obſequio, mandata loquar? ne tempora, quaſo,
 Ærumnis præverte ſuis. hæc federa adultas,
 Illa nurus grandesque decent. quin ſæva pudoris
 Sum cuſtos vindexque mei. tibi forte voluptas,
 Poſthabita probitate, placet, ſurreptaque furtim
 Baſia. nobilitas quales effrenis amores,
 Inferior virtute, probat. Te celſa poteſtas
 Erigit atque attollit humo; me fata minorem;
 Me vatem fecere Dii. tu ſanguinis ortu,
 Tu generis ſplendore potens illuſtrior exſtas.
 Eſt genitrix contempta mihi, contemptior ordo.
 Haſ ſocias, haſ conſortes venerorque coloque

Sordida. Tu molli vivis lascivior aula,
 Tu spumantis equi exerces calcaribus armos,
 Pulchraque magnanimi moderaris freni caballi,
 Tu frameas hastasque quatis: mihi conficit ævum
 Fatiloque doctrina manus, & scripta figuris
 Sors hominū. nunc latum aliquid, nunc triste rogata
 Eloquor, & gracili solor mercede laborem.
 Sunt alia innuptæ & vitæ florentis Iberæ,
 Nobilitate pares. mihi fusca coloris imago est,
 Coctaque sum Solis radiis & turpis olivo.
 Tu niveo candore nites. ego Cynthia credor,
 At tenebris oppressa suis. tu Cynthius ora,
 Tu melior vultus aperis, quos nesci legis
 Indulgit natura mea. tibi vitæ laborum
 Plena, mihi tranquilla fluit. me damnat egestas,
 Majestas te tollit opum. concordia lecti
 Nulla foret, tam discordi sub iudice rerum.

Ille verecundæ placidissima verba puella
 Hausit, & ut dubiam votis in contraria mentem
 Flexit, & hinc generis decus & præfulgida voluit
 Stemmata, natalesque suos; hinc vincula gentis
 Barbarica, ritusque truces, & pauperis Iri
 Reliquias, Cynicæque affinia dogmata secta,
 Tandem ait: Heu quid non mortalia pectora cogit
 Imperiosus amor! quæ non connubia necis,
 Iupiter! hanc si vel cupiam non velle, juberet
 Me, pharetrate, sequi. stringunt me lumina captum,
 Stringit lingua, pudorque decens, frontisque decora
 Casaries, vinctum pars pertrahit omnis amantem.
 Est quæ aliquid, quod amare facit; quod sentit amator,
 Nec, quid sit, memorare queat. Me respice, Virgo,
 Non veni intactum famæ rapturus honorem,
 Non sceleri involvam tedas. meliora petuntur
 Federa, nec sævi flammæ patiæ mariti.
 Coniuge dotari cupio, non virgine raptâ,
 Ne mihi displiceat vitio maculata feroci

Integritas & iniquus Hymen. En, dextra fidesque
 Conjugis, & nostri non leuum pignus amoris
 Annulus, Eoa radians ab jaspide munus.
 Nec minus apta thoro iustis tibi vernat ab annis
 Virginitas. tenerum tibi praecox flamma pudorem
 Sollicitat, possitque virum perferre iuventa
 Succrescens vigor. his Thysbe nuptura sub annis,
 His Sappho periere. senis despecta puella
 Gratia. commendat novitas & nata recenter
 Pubertas. Sic vere novo decerpitur insons
 Flosculus; & prima ludant cui cornua fronte,
 In vitula se prodit amor. quid stemma genusque
 Obiicis? hæc tua sunt. nostro dotabere sponsa
 Sanguine, nobiliusque tibi transcribet honores
 Lex thalami. si pauper eges, me conjuge mecum
 Dives eris. potuit miratus rustica Phyllis
 Arrisise Deis, regumque cubilia scandit
 Felix pauperies. imbelles inter Achilles
 Nevit fila colos, magnoque adamata fuere
 Rura Panomphæo. nulla est, in amantibus æquæ,
 Disparitas. fiunt similes, quos corpore junctos
 Læctus habet. cunctos confundunt oscula mores,
 Nec festiva suos Cypris distinguit amantes.
 Hæc ubi fatus erat, primo s'aspirat amor,
 Insolita s'que suis sensit Preciosa medullis
 Exarsisse faces, totoque incanduit ore,
 Admixta geniale fovens formidine votum.
 Tum verò Gordonna gravis, cui credita cura
 Virginis, accessit; passuque superbiior adstans,
 Infremit, invalidis anus enervata laceriis,
 Callida, marcescens senio, rugosa, tremensque.
 Vique pererrantes per squallida colla capillos
 Disposuit, sic orsa loqui est: quid talia demens
 Moliris, speciose virum, cæcoque furori
 Indulges? compone animum, propiusque voluta
 Dura rudimenta & nostri decreta Senatus.

Si Preciosa placet, talis si poscitur uxor,
 Talem te fieri fas est. hæc regula vite
 Amplexanda tibi, parcendum legibus iisdem
 Obsequioque pari. Solem, vaga sidera, noctes
 Didicimus brumamque pati. per regna vagamur
 Omnia, nec certa Nomades regione moramur.
 Omne solum nobis patria est. non sufficit Afer,
 Non Asia stamus spatiis. Europa colonos
 Excipit ampla suos: toto discurremus orbe,
 Cum Phœbo mutamus iter. sunt oppida & urbes
 Arcta nimis. norunt palantes Gallia cœtus,
 Ausonius, potor Tamesis Rhenique bicornis,
 Græciæque, & cunctis nostri celeberrima terris
 Fama viget. nulla est nobis distincta peculi
 Cura, bonis fruimur pariter communibus. omne
 Quod lucramur, habet quisque. lis nulla movetur,
 Nam res nulla mea est, nulla est tua. credimus omnis
 Injustè nobis natura dona negari.
 Quicquid alit tellus, nobis alit. arbor agerque
 Omnibus ex æquo concessa munere Divum;
 Publica sunt undæ, famulantur flumina cui vis,
 Squamigerumque genus, nec solum publicus aer.
 Carpinus injussi pendentia ab arbore poma,
 Sunt etiam nostra messes, quantum indiga victus.
 Turba sumus, cur non nobis bos fessus arando
 Mugitat? aut lanæ solis ac vellera sceptris
 Donet ovis? mundi dominos Deus ille Deorum
 Constituit, quoscunque creat. quod possidet alter
 Est usu fructuque meum. qui primus avaras
 Possessor divisit opes, in commoda raptor
 Publica peccavit. damnamur crimine furti
 Insontes. Sibi quisque petit, quæ pluribus æther.
 Concessit. quid enim? Rex Iupiter omnibus idem.
 Et Iove non alio nati, nutrimur eodem.
 Vita proba est, thalamique fides constanter amatur
 Conjugibus. sparsas Veneres & pocula Circes

Odi.

Odimus & quotquot venerandi federa lecti
 Audaces violant. qui fecerit, hostia cunctis
 Mactatur, juguloque luit. non vincla, catasta,
 Non vexat tortura reos, liqueique trabesque.
 Virgo vices lictoris obit, fontemque trucidat
 Ocyus & pœnas scelerato à sanguine sumit.
 Nulla levat nostras vesana superbiis mentes,
 Luxus abest, livorque malus, parvoque potentes
 Infidas ridemus opes. non bella, triumphos
 Querimus, aut diris læsi concurrimus armis.
 Non dubios pelagi tractus fluctusque secamus
 Lucripeta. nulla est magni custodia census.
 Non hic ante diem tardantis busta senecta
 Præveniat votis soboles. non queritur hæres,
 Non gravis est questura viris, non grande talentum
 Poscitur, aut timidis congesta pecunia saccis.
 Paucula sufficiunt, sordet quæsitæ supellex,
 Et pompa decor. hæc nobis velamina fulgent
 Splendidius. laceras lampas Phœbeia vestes
 Clarius illustrat. nullis araria furtis
 Nostra patent, vacua coram latronibus imus.
 Non animos mœror, non spes incerta fatigat,
 Non angunt metus, & semper sitibunda futuri
 Vota. sed ut tenui pascuntur rore cicadæ,
 Flosque bibit pluviam, securæ vivimus illis,
 Quæ fors cunque dedit. non duram vomere glebam
 Scindimus, aut rigido Vestam laceramus aratro,
 Non occat manus. & tantorum ignara laborum
 Gens, Cereris nunquam vel puri fontis egemus.
 Dum diversa placent aliis, huic sanguine livet
 Dextra ferox, salsam bibit horridus Amphitriten
 Navita, venator silvas indagine cingit;
 Dum suus agricolis labor est, terramque fatigant;
 Nos cælo cælique plagis Superisque vacamus,
 Pronaque spectamus nobis erronibus astra,
 Et quid quodque ferat, membris scrutamur in hisce,
 Ac

Ac circumducti vires venamur Olympi
 Exigua statione manus. Si talia cordi
 Dogmata sint, si prisca placet, securaque Christi
 Religio, centumque Ioves, cultusque Deorum,
 Vxor erit Preciosa tibi; sed compare lecto,
 Sed sacri sub lege thori. sin fallere mens est,
 Raptaque virginitas possit placare furem,
 Dique Deaeque omnes & conscia numina perdant
 Fedisfragum, manibusque malus lacerabere nostris.
 Toxicæ te Nessi tollent, vel tela sequentis
 Herculis, aut propria sati habere prole Thyestes.
 Nec veluti Phrygius penetrat Lacedæmona pastor,
 Hanc patrias Helenam sospes vectabis ad arces.

Dixerat. at sublimis equo & conspectior Heros
 Annuit. Hunc, Gordonna, tuæ jam gentis alumnum
 Accipe, ait, vestris juvenem meritis omnes
 Imbuite. ô domus, ô tellus, patriique valete
 Dilectique Lares. tecum, Preciosa, vagari,
 Tecum vivere amem. tecum per devia raptus
 Sub Cancro cernam Meroen, sub Piscibus Istrum.
 Quæ mihi religio est, cupiat latuisse. priores
 Dissimulet Cytherea Deos. tibi corpus, Olympo
 Ah victam, sacrabo animam. violenta putanda est,
 Sic præscripta fides. minimum peccabitur, acer
 Cum leges extorquet amor, rectorque Cupido.

Hæc ubi fatus erat, nuptis clamore secundo
 Applausit trux turba novis, fastuque remoto
 Strinxit Acidaliis genalia corpora vinclis
 Improvisus Hymen. non jam generosa frementis
 Tergora scandit equi, pedibus per jugera nudis
 Ambulat. Attalico non fulget Sponsus amictu,
 Non pharetram gestare libet, non balthea pendent
 Ex humeris, capulisque insculpta minacibus horret
 Gorgonis effigies propriisque assibilat hydri.
 Degeneres juvenem tunica, dissectaque velat
 Ad talos demissa stola & male pendula palla.

Vngi.

Vngitur, & veteris proscripto nominis usum
 Andrea jam nomen habet. per rura, per arbes
 It juxta socius, Furiarumque agmina ductans
 Se quoque principibus permixtum agnovit Achivis.

Dic mihi Calliope, quo numine reddita matri
 Mox fuerit Preciosa sua, clausumque tenebris
 Damnatumque, prius, patria, populoque suisque
 Reddiderit fortuna virum; quo prodita fato
 Facta fuit supplex raptæ Gordonna puella.
 Dicite Pierides, tantisque ostendite finem
 Motibus, & fesso numeros praeclite vari.

Errabat mutatus Iber, quæ sera profundo
 Extollit Carthago caput, Balearica spectans
 Æquora. cui lato occursans Virguncula gressu,
 Dum dignos propius generoso sanguine vultus
 Adspicit, occultam sub pectore gliscere flammam
 Sensit, & ut sensit, culpam lasciva fatetur.
 At fidei memor ille sua, lætisque piaque
 Conjugis, insanam dictis castigat amantem
 Integer, invictaque preces probitate repellit.
 Cum virgo spretos versans crudelis amores,
 Hac secum: Si non potui te blanda potiri,
 Vlciscar mea probra dolis. convertar ad artes,
 Et flam Stenobæa ferox, terrisque redibit
 Altera Phædra meis. Sic fassa, monilia, baccas,
 Sericaque & chlamydes per cæca silentia noctis
 Tollit, & Andrea (ut possent surrepta videri)
 Ignara sub veste locat. simul acta per urbem
 Bacchatur, civesque suis clamoribus excit,
 Donec furta viri rigide discussa supellex
 Ostendit, visusque fuit peccasse viator.
 Non tulit impatiens læsa dispendia fama
 Insons nobilitas, infestaque militis arma
 Dum patitur, stricto praeordia verberat ense,
 Immemor imbellis sectæ. grassatur in omnes
 Lictor atrox, duris constrictus brachia nodis

Ducitur Andreas. capitur dux femina coetus
Gordonna & charo Preciosa avulsa marito.

Adspicit hanc, qua mater erat, ferventius uxor
Iudicis, atque oculos nunc huc, nunc projicit illuc;
Quamque videt, timet esse suam. se sentit amare,
Nec tamen hoc audet. non vultus, non color unus.

Non eadem mansit vox interrupta parenti.
Ut coepit Preciosa loqui, magis illa moveri.

Mirari & tacito percelli verberare pectus.

Nunc levis attonita subrepat opinio menti,
Spesque fovet repetitque suas. nunc pressa resedit

Credulitas. praebeant iterum fomenta puella

Forma, decus, majorque ipso reverentia sexu.

Ambigit, ambiguaque gravis dubitatio matri est.

Nunc oculos, nunc illa genas, nunc brachia tractat;

Et veluti clausos inimico vimine pullos

CircumcurSAT avis, Preciosam nescia veri

Mater obit, grandique comes malefida stupori

Suspicio est. fugit agra dapes, palatia, raritas

Sollicita & invitat vigilantia lumina somnus.

Luctus acerbus adest, testantur verba dolorem,

Ora madent lachrymis, destillans ubere sanguis

Progeniem sobolemque notat. quam plurima pernox

Cogitat & veteres rapti reminiscitur annos.

At Gordonna gravi jamdudum percita cura

Haeret in ancipiti. nec quid faciatve vetetve

Invenit. hinc scelus & raptus audacia terrent

Exanimem. hinc tristis miseranda scena parentis.

Et nata suspensus amor sperare fatentem

Et fraudes aperire monet. jamque agra, fatiscens,

Et dubia supplex genibus projecta parentis,

Hae soboles tua, Mater, ait. garisa teneto

Progeniem. affirmo; genitrix; desiste vereri.

Da veniam culpam passa, miserere precam is,

Me me, adsum qua feci. in me converti furoris;

Tela tui. vel si precibus clementia flecti

Se sinet, hoc oro, extrema placare senectâ.
 Adspice detractam juvenili vertice baccam,
 Adspice fulgentes per colla argentea gemmas,
 Adspice, quæ quondam religasti sindone crinem,
 Cum raperem. sunt ista tuæ certissima prolis
 Pignora, quæ moniis adolevit pronuba nostris,
 Et thalami consors digno sociata cubili est.

Vt dixit, rerum facies mutata repente est,
 Non matris titubavit amor; complexibus hæsit
 Filia: quas luctus lachrymas, nunc gaudia cunctis
 Extundunt: dicta est vero Constantia passim
 Nomine, nec Preciosa fuit: laxata marito
 Vincula: nobili inque domus patuere genusque
 Et proavi: veniam meruit Gordonna; novisque
 Latius auspiciis clari coiere penates.

Virgo 'Ανδροφύγη,

Sive EMMÆ, Caroli Magni filia, EGI-
 NARDVM Scriptorem, amasium suum,
 humeris portantis, fata & Nuptiæ.

Post domitas Alpes debellatosque potentis
 Insubria Latiiue Duces, pulsasque ferocis
 Reliquias Totila; cum latè Sequana terris
 Iura daret, fractumque suis compesceret armis
 Saxona, Pannoniosque truces Istrumque Savumque,
 Et victus Carolo fasces summitteret orbis:

Risit Amor Venerisq; puer, quatiensq; pharetram
 Et mihi sunt fasces, inquit, mundique potestas
 Francorum cum Rege mea est. hæc tela facesque
 Sceptra domant, regumque mei penetralibus ignes
 Luxuriant, tenerosque ruens bellator in annos,
 Virgineos mihi subdo sinus; mitrataque cogo
 Colla Cupidine leges perferre tiaræ.
 Nos quoque, nos Caroli sumus, & non dispare fato
 Regna-

Regnamus, quacunq; libet. si nomina Magni
 Victores jactant populi, majora meremur,
 Majus opus princeps moveo. si barbarus Humus,
 Si Gothica cessere acies & Gallica gess
 Vandalus, & Mysis timuit trepidantibus Albis;
 Sentiet aula mea facinus memorabile dextra,
 Sentiet Emma dolos, & fraudibus apta patebit
 Virginitas augusta meis. generosa virago
 Nubet & insani specimen se dicet amoris,
 Veraque scribetur victuris fabula fastis.
 Partiar illustres magno cum patre triumphos,
 Dumque illi longo de vieta ex ordine gentes
 Obsequio se quaque probant; mihi regibus orta
 Progenies regumque soror, celebrisque Pipini
 Claraque Martelli neptis stipendia lecti
 Solvet, & imperii majestatisque suorum
 Immemor, exuto quæret furiva pudore
 Oscula & indigni calamum scriptoris amabit.
 Quam risi, cum pulchra Craten Hipparchia conjux
 Posceret, & foedi placuisset gratia gibbi,
 Decrepitusque senex. quam me moderante Menan-
 Eva sit crudele forum, gladiosque severa (der
 Discussit Tryphosa tuos. quam bella cœgi
 Corpora, cum rigidis Preciosam duceret Astur
 Legibus, & lacerâ erraret per compita pallâ,
 Ignarus prisci decoris. Nunc regia Virgo
 Concipiet flammâs; nostrisque arsurâ favillis
 Implebit terras famâ, documentaque mundo
 Certa dabit, quam nil timeat securus honorum
 Et recti contemptor amor, centumque libido
 Nixa dolis. hac fatidica ventura sorores,
 Ista trahent tetrica fatali pollice Parca.
 Pax erat, & lato regnatric Gallia vultu
 Se poterat dominoque frui; cum festa per aulam
 Apparat ingenti Princeps convivia luxu,
 Totaque nobilium resonant palatia plausu,

Magnificas ductura nurus. Mavortia nusquam
 Signa, sed Attalicis sternuntur limina mensis,
 Et cunctos laxat majestas prodiga fastus.
 Non hic thoracum umbones, non fulgere cernas
 Terribiles circum clypei septemplex orbes,
 Non gladios stringit bellæ vagina minaces.
 Omnia proscribunt procures, in gaudia solvunt
 Ignaros animos, horrendaque classica lenes
 Demulcent cithara, lituosque obtundit & æra
 Blanda chelys, plenisque madent crateribus arma.
 Sic, ubi iuratos cælum rescindere fratres,
 Enceladum, Typhœa ferum, Briareaque dirum
 Reppulit ira Iovis: toto se latus Olympo
 Explicuit pater ipse Deum, curasque metusque
 Titanumque minas hilari dissolvit Iaccho.
 Mille modis gaudent populi, procerumque ducumque
 Diluitur risu gravitas. suspensa superbis
 E dapibus vexilla volant, quibus aspera belli,
 Prostratas Soraborum acies, arcusque, sagittas,
 Oppida capta manu, raptosque ex hoste penates
 Pinxerat ingeniosa manus. Mox atria cernas
 Larvatis trepidare viris. hic savus Achillem
 Exhibet & fœdâ Atridem trux adspicit irâ.
 Ille refert Pyrrhum & flammantes luminis ignes
 Torquet in Andromachen. qualisque animosior olim
 Grajugenûm accendit latè per littora classes,
 Hector adest, quassatque faces. it lenior illis
 Antenor comes, atque humeris pia pondera gestans
 Trôius Æneas. sequitur deserta Creusa
 Ascaniusque puer, scelerumque inventor Vlysses,
 Palladium dextra attollens. cui proximus Ajax
 Arma videbatur frendens sibi poscere magni
 Æacidae, savusque loqui. pulcherrima venit
 Tyndaris & juxta gradiens famosus adulter,
 Attritusque malis Priamides; Cassandra prophetans,
 Et nimium infelix Hecuba & Sichæia Dido

Ense rigens, raptaque miser Briseide Chryses,
 Quæ postquam tenuere oculos spectacula, tandem
 Prima leves Diana choros & orantia duxit
 Agmina venatrix, stricta qua veste pharetram
 Et curvos alte scapulis suspenderat arcus,
 Sic imitata Deam. calamis & arundine crinem
 Collaque frondiferâ redimiverat atba coronâ.
 Hanc nexis docte manibus comitatur euntem
 Turba puellarum, qualis solet esse sororum
 Naiadum, vel Menalii gens innuba Fauni,
 Aut procul amoto petulantes Pane Napeæ.
 Hæc Daphne fuit, hæc Crocale, lepidissima juxta
 Ibat Callirhoe, Byblisque Hyaleque Rhanisque,
 Et quondam in florem Clytie mutata. superbo
 Mixta ibat Niobe gressu, nataque trahebat
 Pone suas. hic Halcyonen, Syringa, Batillam,
 Hic Dryopen videas. hic candida subsilit Iphis:
 Leucothoësque habitum virgo mentita vel Inis,
 Ad strepitum citharæ summam pulsabat arenam.
 Emicuere Deæ Charites, Aglaia plantis
 Mobilis, hinc tremula Euphrosyne, facundaq; Pitho.
 Virginibus totidem, pastorum vestibibus omnes
 Occursant juvenes. quos prisco more sequentes
 Pan Deus Arcadiæ duxit, cui cornua fronte
 Surgebant, vultumque involverat horrida barba.
 Monti vagam rapuit Dictynnam semicaper Pan,
 Iuncta fuit Phæbo Daphne, duroque Menalcæ
 Callirhoe, Byblis Cauno, Niobenque trahebat
 Thyrsis. at Alcidas Hyalen, Clytienq; Palamon.
 Lata Rhanis saltat Mopsos comes, Halcyonenque
 Agrestis flectit Corydon, Syringa Marullis.
 Allevat Alcæon Dryopen, capit Iphin Alexis,
 Leucothoen Daphnis. sociantur Cycnus & Ino.
 Silenus crasso dictabat ventre modestam
 Euphrosynen, Melibæus amat concurrere Pitho,
 Aglaia levipes Cephalus, Crocalæque Philamon.

Mira chori facies. nunc intercepta virili
 Corpora Nympharum turba vestigia certâ
 Lege regunt; nunc oppositis stant frontibus omnes
 Atque adversa viro virgo est. nunc dextera dextra
 Harer & attollit generoso brachia motu,
 Nunc dimissa manus cuique est; errantque vicissim
 Et dominam mutant pueri dominumque puella.
 Mox sibi desertas repetunt, & quæque priori
 Saltando matrona coit. velut ipsa vagantur
 Sidera, jamque student jungi, modo tramite longo
 Dissociata micant melius. levis arena cunctis
 Tunditur ad numeros. nunc hic, nunc ille caprizat,
 Pesque pedi teritur quarto. rotat ille lacertos
 In gyrum curritque trochus. directa moventur
 Membra, nec inflexis foedè ludibria debent
 Popliibus. prudens strepitus motusque feroces
 Virgo cavet, lenique ferit proscenia saltu.
 Inde manus pulsan manibus, feriuntque, crepantque
 Argutè digitis & solo pollice cantant.
 Prædunt litui saltatricesque choreas
 Sistræ tubæque regunt. forma est diversa canendi
 Et diversa chori. jam priscum Cordaca saltant,
 Iam Ladam, jam Trettanelum, jam Pyrrica solos
 Lassat forma viros rutilisque moventur in armis.
 Nunc chorus Eumelia est, nunc inconcinna Sicinnis,
 Hi Samios referunt motus, hi Carminizant,
 Illi Hormum alternis saliant, Corybantiaque aræ
 Curetumque modos alii, moresque vetustos
 Phaaciū aut variis imitantur Prothea formis,
 Aut Salios, aut thyrsigeri modulamina Bacchi.
 Quin agiles videas, imitantes omnia, mimos
 Currere & exactis pedibus pulsare theatrum.
 Hic saliens fodit, hic textoris imagine telas
 Projicit, hic faber est, nentique simillimus ille.
 Calcat fullo togam, fictus vespillo cadaver
 Bajulat, hic grandem saltans vorat ore placentam,

Hæc insana furit, titubat paupercula Bance,
 Et saltu petulans Citherea notatur in ipso.
 Dumque tacent, oculis, motu, gestuque loquuntur.
 Hos inter miris fledebat corpora gyris
 Spectantumque oculos aliquis converterat in se
 Conspicius forma juvenis. non pulchrior ulli
 Vultus erat. pars quæque tenax & gnara decori
 Emeruit laudis precium. despectior illo
 Maoniis toties celebratus versibus acer
 Meriones fuit, & saltandi clarior olim
 Arte Neoptolemus. poterat per summa volare
 Atria saltator velox, & radere visus
 Vix tactam seriebat humum. demissa modeste
 Hinc manus atque illinc pedibus monstrabat in imis
 Ingenii studique notas. nec doctior alter
 Scribere, & eximiis teneram signare papyrum
 Lineolis, bibulaque animum concedere charta.
 Hic Eginardus erat. quem capta cupidine forma
 Regia progenies, tunc, cum saltaret amavit,
 Et sensit placuisse sibi; tacitumque sub alto
 Igne facit votum & vehementius æstuat Emma.
 Tunc cupiat peccare, & basia figere membris
 Mobilibus doctisque regi; circumdare collo
 Brachia, complectique virum. quin sanguinis odit
 Nomina splendoremque sui, titulosque decusque
 Ipsa suum metuit. vellet contemptior esse,
 Nec regum prognata domo. fastigia regni
 Demissus declinet amor, fastusque potentum
 Negligat, ut tali fiat magis apta marito.
 Spes tamen obscænas inconcessosque hymenæos
 Non audet pepulisse animo. resoluta quiete
 Expetit absentem. non primo avellere amor
 Noxque diesque queunt miseram. cum fusa per her-
 Mæne sub urbanos distincta perambulat hortos, (bas
 Saltantis versat speciem. cum clara pyrepo
 Limina conscendit, centum stipata puellis,

Spectat in expleto gradientem pectore formam,
 Conspicuasque genas, & mascula membra, decusque
 Oris, & ingenio gratum candore ruborem.
 Omnia miratur, quæ viderat, omnia jactat
 Et majora putat. fingit sibi somnia, fingit
 Tangere se juvenem, visa est sibi jungere corpus
 Corpori & erubuit. tandemque ita mente profatur:

Emma, quid est? cur grata viri saltantis imago
 Nec concessa probas? cur hac tibi fœdera demens (est?
 Promittis, gestisque frui tam dispare lecto?
 Num par huic diadema thoro est? num tanta pote-
 Contempti scriptoris erit? si filia magni (stas
 Non essem Caroli, possem non agra potiri.
 Nunc quia sum, juvenis non est meus, ipsa q̃ damno
 Est mihi majestas. plebeia beatior essem,
 Et fruerer votis felix. quam nomina vellem
 Mutari mea posse mihi! quam stemmata vellem
 Esse minora mihi, aut lumen prælustrius illi!
 Tunc, Eginarde, tuo poteram nurus esse parenti,
 Tunc, Eginarde, meo poteras gener esse parenti.
 Omnia tunc cuperem fieri communia nobis,
 Osculaque & lusus & quæ sperantur amanti.
 Non tamen hic nostro de corde fugabitur ignis.
 Vrer amore tui, causas circumfero mecum,
 Et veluti candens Phœbo surgente pruina
 Solvitur, agra tuis sensim tabesco favillis,
 Attenuorque, vigor solitus viresque fatiscunt,
 Dum secunda meo præbes alimenta furori
 Quid faciam? roger, anne rogem? si primus amares,
 Possem casta sequi, flammaeque rependere flammis,
 Et votis aqua esse tuis. nil tale petentem
 Aggrediar prior? & poscam, qua poscere fas sit
 Te potius? poterisne loqui, poterisne fateri,
 Emma, faces? non illa placent. confunderet horrens
 Ora pudor. potius, quæ nescit muta pudere,
 Littera secreto fallax præcurat amori.

Sic ubi Demophoon ventis promissa dedisset,
 Per mare, per terras testatur epistola luctum
 Phyllidis. absenti scripsit Briseis Achilli,
 Pegasis Oenone Paridi, regalis Orestis
 Hermione, & pulchro Sappholasciua Phaoni.
 Hac etiam nostra sedit sententia menti.
 Arte nova prodendus amor. non eloquar audax
 Senfa, per ambages ibo, fideisque dolose
 Fraudibus ignarum aggrediar. concessit amanti
 Multa Venus, prudensque caret simulatio culpa.
 Quid liceat, spectare senum est. fas omne nefasque
 Expendant, qui sceptrum gerunt. temeraria dici
 Cypris amat, nunquam timidi statuere trophæum,
 Et toti trepidus populo ridetur amator.
 Dixit: & hinc dextra calumum chartamq; sinistra
 Arripit. & jamjam cupiens meditata notare,
 Scribere formidat, tremat, incipit, abjicit excors
 Et rursum repetit tabulam, gaudetque doletque,
 Et delet scribenda iterum; scribitque vicissim,
 Quæ deleta volet. sic fluctuat, ambigit anceps,
 Sic animi pendet. donec secunda pudoris
 Audet verba novis inscribere talia ceris:
 Quam tibi transmitto, referas, Eginarde, salutem.
 Et jussis attende meis. nil poscimus ultra,
 Huc, scriptor celebrate, veni. te cernere coram.
 Te cupio scriptore frui. tibi dextera solers
 Pingit adorandis absentum verba figuris.
 Et manus in foliis ludit dexterrima summis,
 Vt Druidæ mirentur opus, succosque notasque
 Et volucris penna officium. mihi talia mens est
 Discere, te ductore. velim virguncula magna
 Artis & ingentis doctrina arcana doceri,
 Te praeunte. piget vili percurrere telas
 Pectine, vel torto deducere stamina fuso,
 Aut vestem distinguere acu, vel Gallica latâ
 Ad citharæ cantus modulari carmina voce.

Claruū & Manto studiis, celebrata Sibylla est
 Ominibus, vixit Latio facundia matris
 Gracchorum, Pollaque decus. subtilis Arachnen
 Extulit ars, doctam commendant filia Minervam,
 Textaque magnificam stupuerunt serica Circen.
 Me pulchrè scripsisse iuvat. nil penna, sed usus
 Proderit. O dignum mortali gente repertum,
 O Superum labor! exigua se cuspide terris
 Explicat & tenui loquitur mens abditâ rima,
 Et procul extremis aperit mysteria Parthis,
 Transque maris tumidos fluctus, Alpesque nivesque
 Intrepidum molitur iter. si cernere cordis
 Intima & abstrusos animi penetrare recessus
 Vis diuina valet, nos hac interprete penna
 Di sumus, & patuli motus cognoscimus orbis,
 Et Tanaiū ultra, & Libyæ deserta, trucemque
 Caucasum, Hyrcanosque sinus, & Bactra vagamur.
 O felix Cadmi studium! quàm, littera, multum
 Utilitatis habes! quàm prodes scripta decenter!
 Te sine ploret amans, nec Sestos norit Abydum,
 Non Graiū Medea ducem, non Cressa puella
 Scribere Thesea possit perjurâ lingua.
 Tu vallos, tu castra latens, tu saxa serasque
 Perrumpis, clausasque subis validissima portas,
 Et cæca vigiles fallis sub nocte phalanges,
 Nec te Luna videt. tu fossas subter & undas
 Tuta ratas quærisque viam. te pendula celso
 Aëre gestat avis, portant tua verba columba,
 Et bellitorem deridet epistola Martem.
 Te sine non fidus Pyladi scripsisset Orestes,
 Te sine non fido Pylades scripsisset Orestis.
 Te sine quis Nini rabiem, quis Iasonem nosset,
 Victoremque Asia Macetam, tria fulmina belli,
 Scipiadem, Pyrrumque & parvo vivere sœtium
 Fabritium? fœdis jacuisses, Brute, tenebris,
 Adversasque moriens socero, Pompeje, cohortes,

Et tacitos pramerent ingrata oblivia Paulos,
 Marcellos, Crassosque & nomina digna Catones.
 Annales, fastosque & quæ meminisse futuri
 Tot monumenta valent, scribentis munere versas,
 Posteritas; si ve hæc foliis inscripserit olim
 Cura patrum, & sicco steterit Sapientia grandis
 Cortice, seu lenta legerentur prælia cera,
 Aut nivea caperent simulachra nigerrima charta.
 Accedas, Eginarde, doce, quos linea ductus,
 Et quales poscat scitissima litera flexus,
 Laudatusque sua incedat statione character.

Hæc jubet Emma, veni & facilis mandata capeffe.
 Talia scribentem tandem pudibunda reliquit
 Penna manum, dubitat, num quæ jam scripta fuisset
 Confodiat. dissuasit amor. signare tabellam (sent
 Incipit & pressa subsignat nomina cera.
 Deque suis aliquam famulis accersit, & illas
 Trade, ait, hæc abiens Eginardo trade tabellas.
 Nec mora, Casarea scriptor spectatur in aula,
 Emmam latius adit. poteras cognoscere culpam,
 Ut stetit ante oculos. non illi vultus & ora,
 Non color unus erat. pallet, rubet: astuat, horret:
 Vox tremula est constansq; iterum: vult discere, discit:
 Scribere vult, scribit: rogat, errabunda rogatur,
 Corrigiturque manus. laudat studiosa magistrum,
 Miratur celeres ductus, vocumque mæandros,
 Et per continuos remeantia brachia circos.
 Ille verecundi mox observator amoris,
 Et Veneris secreta notans, laudare laborum
 Prima rudimenta & regalis cæpta puella
 Incipit, & placida moderari exordii voce.
 Deim propius verbis, propiusque assibilat illi,
 Molle aliquid, festivum aliquid, paradigmata scribit
 Callidus & totum chartis deducit amorem,
 Quaque suo scripsit Byblis mœstissima Cauno,
 Laodamia viro, aut charam Leander ad Herum.

Seligit argumenta, & sic accendit amantem.
 Illecebrisque fovet. scribit sine mente virago,
 Atque aliò manus, atque aliò mens lasa vagatur.
 Dumque piget chartas prono nimis ore tueri,
 Respicit adstantem juvenem, vultumque retorquet
 Crebrius; atque errare cupit, quò saepe monentem
 Audiat & cupidos scriptori obvertat ocellos.
 Discit amatque simul virgo. cum littera Cadmi
 Prima foret scribenda, levem scribebat Amorem,
 Cum B Basilolum, cum C Citherea notatur,
 Quinta Eginardus erat, fit littera quarta Dione.
 Artem turbat amor comes, ars perturbat amorem,
 Et male concurrunt ratio & vesana libido.
 Ergò ubi se ostendit repetitis lucibus aula
 Scriptor, & accensa furor immansuetior Emma est.
 Labitur è manibus calamus, lachrymisque papyrus
 Mœsta madet, stillant oculis humentibus undæ;
 Et domina crimen produnt, tandem incitus ardor
 Litterulas inter furtim rapit oscula, jungit
 Amplexus; rident ambo, mirantur amantum
 Esse scholam. jam charta, stylus calamique recedunt
 Longius. officium spernit vulgare docendi
 Præceptor, majorque viro fiducia surgit,
 Atque Emmam plus grata docet. non illa fateri
 Rem timet. at causas aperit, morbumque doloſque
 Quæsitumque diu simulato fine magistrum.
 Utque suis vitium gradibus seriesque malorum
 Incrementa capit, post tot præludia miscent
 Corpora, & audaci scriptor bellissimus Emmâ
 Et lecto potitur. stupet exaltatus amator
 Scribendi præcium & pingentis præmia dextra.
 Nox erat & nigra tellurem involverat umbra
 Demerso natura die. Sopor altus habebat
 Mortales, & fessa suis se regia curis
 Solverat. obscuris virtus crimenque latebat
 Occultum tenebris, Paphiisque accommoda ludis
 Tem-

Tempestas illunis erat. non Hesperus ignes
 Extulerat roseos, non pleno Cynithia vultu
 Lucebat cæli medio. sua gaudia laxat
 Filia victoris Caroli, fruiturque proterva
 Præceptore suo. cui jam non littera segnis
 Ducitur, aut totas metitur syllaba noctes,
 Sed lasciva Venus. vellent caligine longa
 Concubitus facinusque tegi, nocturna morari
 Sidera, nec currus velocem volvere Phæben,
 Auroramque suis fixam consistere bigis.
 Interea gravidus fecundis imbribus æther
 Labitur in terra gremium, dispersaque sursum
 Corpora cogit hyems, & quæ sine frigore possent
 Esse graves pluvix, permixtus distrahit ær,
 Et candere facit; nivibusque adoperta caducis
 Prata, urbes, montesque nitent. non ista diobus
 Apta fuit mundi facies, non forma procanti
 Tuta satis. surgunt ambo, sua limina pandit
 Emma, procum tepido tum dimissura cubili.
 Utque vident niveo terras albescere vultu,
 Stant ambo attoniti. metuunt, ne garrula crimen
 Et thalami labem patri naturaloquatur,
 Certa viri monstrans vestigia. Vah, mala dixit
 Nix, Eginardus, abi. crudelis amantibus obstas,
 Indiciūque mei facis. ô si Dædalus alas
 Commodet, & levibus raperet trans æquora pennis,
 Bellerophonve ministret equum! ô si vertar in undas
 Et fontes, Arethusa, tuos, vel marmore totus
 Obrigeam flamque lapis! mihi terra dehisce,
 Absorbe tam immane nefas. me tollite vivum
 Eumenides, Stygioque caput dammate profundo.
 Quo fugiam, via nulla patet. si saxa nivesque
 Affusas calcare velim, pes fallet amantem;
 Sin maneam, offendet genitor. nunc fertile fraudum
 Deficit ingenium, nec habent mea vela recursum.
 Quam malefida meas exorsa est Cypria flammæ!

Quam nox hæc inimica fuit, quæ finiet illas,
 Quas fuit orsa, faces! nihil est quod fingere possit
 Inconsultus amor. sim taurus, Iupiter, Emmam
 Vt rapiam fluctus ultra. mea corpora torque,
 Artusque attenua, ut colubri sub imagine parvus
 Elabar, fac esse aquilam, nubesque secare,
 Et vastum per inane vehi. sim vilis Arachne,
 Aut blatta tineaque minor. Nec territa casu
 Palluit Emma minus, trepidat, suspiria ducit
 Anxia. nunc sua fata dolet; nunc condolet illi,
 Et multum perculsa tepet. deservit astus,
 Et serò deprensa sapit. subit ira tremendi
 Caesaris, offensusque pater, generisque domusque
 Splendor, & invictis aspersum dedecus armis.
 Tandem ait: Invenère viam mihi fata Deusque,
 Nec me deseruere doli. magis advocat artes,
 Cum formidat, amans, gliscitque industria, cum se
 Angi credit amor. ne te gressusque viriles
 Observent, Eginarde, nives, cervicibus hisce,
 His humeris librabo virum. sublimior hac tu
 Colla premes celsusque meus portare in armis.
 Magnus Atlas tremulo quondam suffectus Olympo
 Sustinuitque Deos. ipsum Iove natus Atlantem (est,
 Fulsiit, Anchisen Troja flagrante parentem
 Susulit Aeneæ pietas. portata feroci
 Nesso Deianira fuit, se Pelion Ossæ
 Altior imposuit. tot portare vere marita
 Obsessos ceruice viros, charumque redemit
 Quæque sibi pondus conjux. hoc audiat omnis
 Posteritas, humeris magnum sublimibus Emma
 Insedisse procum, & neptim potuisse Pipini
 Ferre marem, & pedibus juvenem vexisse tenellis.
 Cæpta placent. alacrem velox Eginardus in Em-
 Insilit, illa attollit onus spectabile, portis (mam
 Egreditur calcatque nives. amplectitur ille
 Virgineum caput & collo trepidantia necit

Brachia,

Brachia, dumque gravis vehitur, sibi pondera vellet
 Diminui fierique levis. memorabile vidit
 Et facinus Dictynna novum, nebulisque fugatis
 Extulit os, risitque duos. plausere supernè
 Plejades & raptæ sibi virginitatis honorem
 Excusant grandi exemplo. spectabat ab astris
 Sueta capistratis vectari in tigribus uxor
 Thyrsigeri formosa Dei. cum conjuge Cephæus
 Claraque Cassiope fortem videre puellam
 Ire per hybernas noctes, onerique misellam
 Ingemere & laxis hinc illinc pendula vittis
 Crura tenere manu, nec fastidire laborem.

Atque ea fallaci geminis dum nocte geruntur,
 Quamvis tranquilla donasset membra quieti
 Rex Carolus, jacet in somnis. quin plurima versans
 Regnorum expendit casus, discrimina belli,
 Martis opus, quantis alibi se viribus Humis
 Erigat, ad-versasque acies opponat Iberus,
 Colligat Albis opes, quæ poscant fœdera Mauri,
 Quas aras statuat, quæ surgant templa Tonanti
 In Sorabis, quibus occulta mansuescere gentes
 Obsequiis jussisque queant. hæc corde volutans,
 Dum fugat ignavum pernox vigilantia somnum,
 Proripit è strato corpus, foribusque reclusis
 Adspicit ignavus lepida spectacula scenæ,
 Vt tenera grandem libret ceruice tenella
 Virgo virum, noctis medio, ventosque geluque
 Spernat & infestæ glacialia frigora brumæ.
 Illicet excubiis vigiles arcessit, & ambos
 Stare jubet, nec ferre gradum. captiva tenetur
 Infelix Emma, atque humeris decussus amicis
 Incubus. obgannit deprenso miles amanti,
 Indulgetque jocis. tunicâ velata recinctâ,
 Collaque succiduo circum ludente capillo,
 Adstitit ante oculos patris mœstissima virgo,
 Oraque fixa solo reinens deplorat amores,

Consilii que inopes & stultos devovet ignes.
 Stat juxta pavidus scriptor. pratendere nescit
 Ipse sui iudex animus, pallor que nocentem
 Arguit, & versi commoto à Casare vultus.
 At pater ingentem servans sub corde dolorem,
 Attonitusque stupet, tantique in virgine casus
 Sceptra loqui prohibent. nunc lumina torquet in il-
 Nunc illum torvus formidandusque tuetur. (lam,
 Ter pede pulsat humi frendens, adspectat amantes,
 Discinctas ab amore togas, velamina circum
 Pendula, tot jamjam rapti argumenta pudoris;
 Iratumque caput quassans, horrenda remugit
 Murmura, murmuribusque minas regaliter addit.
 Utque reos claudi tenebroso carcere jussit,
 Tales sollicito depromsit pectore voces:

Heu, quam dura meas exercent fata tiaras!
 Quæ Carolum fortuna manet! venerabilis orbi
 Totque Ducum major titulis in prole fatiscit
 Majestatis apex. regni fastigia nostri
 Depreciat sceleratus Hymen. privata dolemus
 Damna patres, vitiisque ruunt immanibus aula.
 Inclinat regale decus, culmenque flagellat
 Filia, & angusto scelus intertextis honori.
 Prospera Gallorum currebant tempora rebus,
 Concussusque meis jam mitescebat habenis
 Mundus, & afflictis libertas reddita terris,
 Et fuerat quoque, Roma, tibi. miki signa genuque
 Et Sclavus & Sala potor, Rhenique Dravique
 Accola, & indomitus pridem submiserat Astur.
 Surgebant delubra Deo, meliorque vige-
 bat Relligio, cultique piis reverentia cæli.
 Sed peccat, varioque domi se crimine quisque
 Polluit. En, quanto soboles mea major habetur,
 Majus crimen habet. patrius injuria sceptris
 Dedicat parere mihi, partisque triumphis
 Obstrepit, & fulgens conspurcat sordibus ostrum.

Quam

Quam genui, minus illa mea est. scriptoris inique
Facta fuit pellex. rapuit vesanus amator
Virginitatis opes & casta symbola fama.
Gaudia sic socio vadunt permixta dolori,
Gloria dedecori. nihil omni ex parte beatum
Adspiciunt, qui cuncta regunt. sors inæsta secun-
Diluit, & celebres infamant supra coronas. (dam-
Iam dignos nata thalamos regumque parabam
Federa, sperabam nostra connubii stirpi
Splendida, quique meis esset (proh tempora!) regnis
Par gener. imbelles pervertit perfidus annos
Civis, & illustres exstinxit ganeo tedas.
Quas, Eginarde, tibi pœnas, quæ justa rependam
Præmia flagitio? non simia, culeus unus,
Non serpens satis unus erit. discerpta merentur
Membra trahi, laceræque rapi per compita partes.
Et tu, Nata, meâ mox exerceberis ira,
Et jugulo moritura lues, quæ stemmata Patrum,
Quæ claros abavum cineres petulantibus ausis
Conspuis & proprii subvertis jura parentis.
Pone modum victor Carole, & mansuetior audi,
Et differ punire reos. distingue duorum
Crimina. non peccant paribus vir, femina pœnis.
Huic sexus pro parte favet, facilisque moveri
Credulitas, mollisque levis lascivia vita.
Exeat aularum spatius regumque penates
Despiciat pietas. non hac in sede morantur
Cum forma pudor, & mores sine labe pudici,
Aut tantos inter non tuta modestia luxus.
Fortè aliquid causæ dedimus, dum regia natam
Educat applausus inter lususque potentum
Obsænisque ducum voces. bibit inscia ritus.
Virgo malos, studiisque salax desuescit honestis.
Quin sua nascentem accendit Cýtherea puellam,
Et crescit, placitura viro. se nubilis atas
Erigit & seros audet sperare nepotes,

Ac tædet vixisse sibi. si dulce mariti
 Poscitur officium, nimis est morosa parentum.
 Cura; placent pauci, queis fas sit nubere, reges.
 Sic trahitur sperata dies, lectusque jugalis,
 Et primos inter marcent matura calores
 Tempora, nec metitur vernantis flosculus ævi.
 Difficiles in amore sumus, decretaque matrum
 Lenta nocent. donec se grandis filia prodat
 Ignibus insanamque furor seducat amantem.
 Expendam facti causas, quam quisque secutus,
 Aut qua quemque prior fuerit. suffragia poscam,
 Nostraque decident istos subsellia casus.

Cæsar ut attentis facinus mirabile rostris
 Exposuit, quamvis celasset nomina prudens,
 Damnant illa reos & dira morte piandum
 Censetur tam grande nefas. pariterque togatos
 Ante patres Eginardus adest, & filia regis
 Demissum velata caput. nil tristius unquam
 Post Phaëthonteos vidisti, Cynthia, currus,
 Leucothoësque rogum aut crudelis fercla Thyestis.
 Advolat ad nutum stricto mucrone minister,
 Adstat spectator Carolus, trabeataque circum
 Pulpita, & austero Nemesis metuenda paratu
 Tota riget. Tunc cernere erat pietatis amantum
 Flebile dissidium. memorandi testis amoris
 Lis fuit, & meruit veniam discordia felix.
 Namque ubi prima mali scelerisque rogatur origo,
 Se vocat Emma ream. sed contradicit amator
 Adversusque sibi est. pergit sua pandere ab ovo
 Crimina, certa mori virgo. pro virgine fraudes
 Ille suas variasque exaggerat ocys artes.
 Alteriusque alter facti, spectante theatro,
 Dilui invidiam. gignit concordia rixas,
 Et partes facit acer amor, diversaque suadet
 Indivulsa fides, proprio de funere quisque
 Litigat, & tanto gestit vehementior esse,

Quanto

Quanto amat uberius. simul indignantur, amantq;
 Culpa mea est, ait Emma, mea est, Eginardus. & ho-
 Quisque sui est, causaque sue contrarius obstat. (stis
 Mors geminis petitur, sed quam sibi poscit amitor,
 Prævenit hæc; quamque illa cupit, cito prævenit ille.
 Ecce, suos juvenis cervici intenderat ictus
 Lictor atrox, cum colla ensi velocior Emma
 Supposuit, dixitque, Feri. me percute fontem,
 Parce viro, genitor. quoties ferienda seorsim
 Emma foret, totus collo superirruit Emma,
 Meque feri, dixit juvenis. complexibus hærent
 Corpora, sic moritura simul. dubisque satelles
 Nec sic juncta aedet, nec singula colla feriri
 Ense queat. rigidam Nemesein remorantur amores,
 Alienusque in morte furor. stupet omnis & hæret
 Hæc inter multum dubius spectacula judex,
 Et poenam geminis animo vultuque remittit.
 Haud aliter Tauros adiens Archivus Orestes,
 Cum coram irato feralis victima staret
 Rege, suis vidit Pyladem intercurrere fatis,
 Proque suis Pylades rursus intercurrere Orestem,
 Turbarique forum, languere ferocia Thracum
 Pectora, barbaricumque iras posuisse tribunal.
 At Carolus, quanquam ancipitem præsentia men-
 In diversa ferant, & jam plus parcere nata (tem
 Exoptet, juvenemque mori: jam justior ultor
 Esse velit, geminosque mori: jam lubrica verset
 Corda hominum Veneremque levem, solumq; beatos
 Non peccare Deos: jam spretis maxima poenis
 Regna quati, sperni leges, succrescere prævi
 Semina & occultos stimulos peccantibus addi;
 Mitescit, veniaque favet, lenisque secures
 Ire monet, placat fractum clementia regem,
 Componitque truces vultus, patremque serenat
 Virginis, & tumidos sedat mansuetior æstus.
 Orchestram conscendit Hymen, Libitina fugatur,

Et

Et tristis lœthi facies. puer aliger alas
 Concutit attollitque faces. Pater, Accipe, dixit,
 Emma virum. si primus amor peccavit amando,
 Nunc conjux, nunc uxor ama. cape nobilis Emmam
 Et tabulas, Eginarde, tuas. adsuesce vocari
 Progeniesque generque meus. tibi filia gignat
 Martellos alios & nomina digna triumphis.
 At mala venturi caveant exempla nepotes.

Vndiq; conveniunt Proceres, gratantur, & omnis
 Effusus vacat aula jocis. connubia surgunt,
 Concordeſque ligant animos: se Gallia totam
 Latius explicuit, seu quæ Braccata ſilutat
 Maſſylûm populos, ſeu trans-Alpina Togatis
 Pandit rura viris, ſeu quæ ſpacioſior exit,
 Et ſparſum nodo ſtringit Crinita capillam.
 Subſiluit Liger, & famoſis Sequana ripis
 Plenior intumuit, ſua ſentiit Axona princeps
 Gaudia, ſenſit Arar, Rhodanus rapiduſq; Garumna,
 Et tumido terras tunc Matrona proluit alveo.
 Plurimus arſit amans. Emmam comitatur Amorû
 Turba frequens, cingunt herbis redolentibus Emmã.
 Erucæque comas & myrto tempora velant.
 Tunc Glaucus Spathalen fertur, pulchramque Pale-
 Dorida dilexiſſe magis, Neptunus iniſſe (mon
 Tethya, Leucothoën Phorbas, Triton Panopæam,
 Perque patens Emma fraudes ceciniſſe profundum,
 Et calamum ſcriptoris. erat, qui carmine longo
 Feſtivum recitaret opus. ſperemus amantes,
 Exclamat Melicerta. poteſt regalia vilis
 Auſpiciis Divûm pulſare cubilia ſcriptor,
 Et facili jam rege frui. ſibi maxima ſpondens,
 Fit Superis propior. quicquid mens imperat, audax
 Impetrat. ignavo nunquam fortuna timori
 It comes. erectas conſtans fiducia nobis
 Spes fovet. haud paribus ſemper palatia flagent
 Ignibus. admittat quemvis regina maritum,

*Basylumque rudi cupiat libasse subulco.
Sic plausere Dea, sic applausere Deabus
Letantes passim Druida. sed celsior alta
Despectans res humanas de nube Menippus,
Dum regum luxus & stultas ventilat aulas,
Et naso patrem Carolum suspendit & Emmam.*

A M P H I T R V O T H O L O S A N V S,

*Sive Pseudo-Martini Guerræ historia. Qui
postquam sub specie veri Guerræ thalamo
ac conjuge hujus esset potitus, & stupenda
audacia ac vafritie sceleri suo obtendisset
speciosum patrocinium; tandem detecto do-
lo agnitus ad restim & flammam à Senatu
Tholosano damnatus est.*

H*Athenus insanos juvenum cantavimus ignes,
Flagrantesque faces & amantis vota puella,
Discordesq; thoros; quos mox, Iunone secunda,
Latior adspexit vultu Cithærea jugali,
Conjugiique fides vincolo meliore ligavit.
Si peccavit amor, sapuit post mollia tandem
Crimina, & ut primum rabies decessit amandi.
Sera verecundis venit Sapientia nuptiis.*

*Iam mihi cernuntur Veneris delubra moveri
Sedibus, & fœdis horrescere numina tedis,
Et trepidare Paphos, scelerique infrendere juxta
Et Samos Idaliūque nemus, Cyprūque Guidosque
Et totus tragico impleri clamore Cithæron.
Fugit Hymen, fugere Dii, cum scævus adulter
Polluit absentis thalamos & jura mariti,
Et constans in fraude sua est. Plutonia circum
Agmina vesanos inflammavere furores,*

Et

Et sua fere malo. violata supra sororis
 Tantaliden laudasse reor, facinusque nefandum
 Commendasse viro. stimulos Ægysthus amanti
 Subdidit, & patrius ardescens Myrrha favillis,
 Quaque novum passa est genus Hippomeneia pœna.
 Ne mihi Pantolabos Nomentanosque nepotes
 Obiice, Roma salax. Paridem excusate Mycenæ,
 Fallacesque Deos Thebæ, si foque latentem
 Amphitryone Iovem. minus est à Casare ladi
 Posthumias Mutiasque semel; mæchoque vacare
 Drusillam, aut prævi matrem peccare Neronis,
 Ac Messalina socias. his grandius audet
 Impostor Parfetta nefas. aliena scelestus
 Tecta subit, scandit thalimos fruiturque tot annis
 Non uxore sua; scelerique obtendit & ausis
 Acre patrocinium, & dubio sub iudice peccat,
 Suspenditque forum. Vera erravere marii
 Nomina; complexus & basia mille labellis
 Erravere suis, patrem decepta salutat
 Progenies, cupiensque soror germana videri,
 Non fuit. in falsis hæsit cognatio verbis,
 Et placuit spurcus gener, & male notus amatur.
 Improbe Amor, quæ non humanis crimina suades
 Mentibus! in gelidis arsit, pro virgine, saxis
 Pygmalion, voluit qui frigida membra puella
 Complecti, & calidis componere marmora membris.
 Æstuat & certo cuiusvis mercabilis ære
 Chloris amat, lassatque viros. lenonia fervent
 Limina, & exili precio muliebris honestas
 Venditur. ista domos Superum pervertit & astra
 Improbitas hominesque Deum dignata cubili est.
 Hac furit, in vitasque rapit, currusque ministrat
 Et celeres ad supra rotas. hac impia miscet
 Semina, nec propriam timet incestare novercam,
 Aut matri gravis esse sua, fratremque sorori
 Conciliat jungitque duos. Hac ipsa Guerram

Dum

Dum simulat, magnis animis mendacia rostris
 Vendit, & eludit rigidas præfracta curules,
 Et securâ diu est, & perfida conjuge gratis
 Alierius potitur. Vos ô clarissima mundi
 Numina, qua lento premittis mortalia gressu
 Flagitia & justâ audaces contunditis irâ,
 Sistite successus, dubiisque recludite verum
 Porticibus. Tuque ô Nemesis, quam nocte silenti
 Oceanoque ferunt natam de patre, verendam
 Os aperit, & tantis obsta contraria cœptis,
 Perque forum & Patrum raptâ subsellia vatem,
 Conatusque leva, donec fatalis iniquum
 Fibula constringat jugulum, fœdique Gœrra
 Semineces flammæ rabies absumserit artus.

Urbs jacet, immensos ubi dives Gallia campos
 Pandit, & illustres animat, secunda virorum,
 Tectosages. Druidæ veteres dixere Tholosam.
 Quæ frugum vinique ferax suffragia regnis
 Dividit, & summi veneratur jura Senatus,
 Æqua bonis, infesta malis. spatiosior undis
 Oceanus refluxum spargit per culta Garumnæ,
 Et Pyrenæo lapsum de vertice sorbet
 Fluctibus. hic teneris vixdum jam nubilis annis
 Nec patiens Bertranda viri (voluere parentes)
 Nubit & infausti præcox fit sponsa Gœrra.
 Non tamen hac mater Iuno connubia sanxit.
 Non sobolem geniturus Hymen. sua sacra duobus
 Prostitui Lucina dolet, sterileque fatigans
 Illyhiæ thoros. pereunt annique diesque,
 Et languent nullo recreata fenore noctes.
 Dumque maritales conjunx succrescit in ausus,
 Fit sensim mulier; nec nomine digna marito
 Bassia carpit amans. sed bassia, qualibus insons
 Innocuisque vacat mellita puertia curis.
 Lectus ludus erat; nec præmaturus amabat,
 Ut debebat, amor. sed postquam firmior ætas

Subdidit in Venerem stimulos, artesque Dione
 Persuasit grandæva suas, felicior infans
 Nascitur, & genitrix facta est, quæ vixerat uxor.
 At postquam primus furor est excussus amandi,
 Lenius alter amat; querulis discordia gliscit
 Vocibus, alternisque ciet mala iurgia dictis.
 Utque solet lætis comes ire protervia rebus,
 Ipsæque flagrantès extinguunt oclia tedas,
 Armæ Tholosanus capit, & sub Principe miles
 Ære meret parvo. lateri ferus alligat ensẽ,
 Et fastiditum castris proscribit amorem,
 Et mox pugnaturus abit. placet alea belli,
 Et jove sub duro vigiles traducere noctes,
 Alpinas potare ni ves, calcare pruinas,
 Objectare animam letho, viduare colonos
 Messibus, & pavidis flammæ immittere villis,
 Atrocesque manus sperat e intendere prædæ.
 Erigitur, cum Marte, ferox, discrimina nescit,
 Spirat Guerra minas. non illi cura relicta
 Conjugis aut chari dissuadent bella penates,
 Pacatque lares. Sed dum vesania Martis
 Se probat; en turmas inter, cuneosque globosque,
 Iungit se lateri socium Pansetta sotalis,
 Et potuit meruisse fidem. mens una duobus,
 Velle ac nolle ambobus idem, sociatque dudum
 Officiis paribusque vicens concordia rebus.
 In prædæ pariter pariterque in bella ruebant
 Consortes cunctorum operum vitæque laborum.
 Tales Nisus & Euryalus, Theseusque fuere
 Pirithousque comes; talis cum Castore Pollux
 Ibat, cum Pythia Damon. pugnare, jocari,
 Ludere, scortari, raptò gaudere, voluptas,
 Et studium commune fuit, quin forma colorque,
 Vox, habitus, simileque viris frons, ora, genæque,
 Pesque gradusque fuit. faciles consortia voces
 Exorquent propius, sandique licentia quid vis

Egerit.

Egerit, & tacitos secreti pectoris ignes
 Simplicitas inculta aperit, nasciturque silere
 Garrulitas, ignara mali sortisque futura.
 Guerra suos recitat, quibus exarsisset, amores,
 Quam formosa domi conjux, quam filius esset
 Pulchrior; enarrat stirpem, serieque vetustos
 Sat longa deducit avos, matremque patremque,
 Affines, fratresque; quibus connubia quondam
 Auspiciis & prima fides lectusque coisset
 Consiliis. qua desertæ fortuna marita,
 Qualis in amplexus olim descenderit ardens,
 Miscuerat quos blanda jocos, festiva lepores.
 Quid fugeret tristis, quid rursus lata probaret,
 Quas servaret opes, quas non servaret ademptas;
 Quæ statione domus preciosa monilia prudens
 Abdiderat: quas illa togas vittasque, peritâ
 Distinxisset acu, quæ raris cingula baccis
 Picta forent: quibus officiis mansuesceret, & queis
 Indignata maris fureret. nil celat amicam,
 Quæque aperire pudor prohibet, facundia demens
 Effudit, scelerique novo fomenta ministrat.
 Quippe dolos Pansetta animo fraudesque volutans
 Cuncta notat memor, atque alto sub corde recondit.
 Nec peccare timens (quid enim non militis audet
 Luxuries sævusque furor?) scrutatur in omne
 Arcanum, satagitque suum pernosse Guerram,
 Natales, membrorum apices, nervosque latentis,
 Verbaque vel matri vel reddita verba parenti;
 Et detestanda querit præludia scene,
 Et vasfrum meditatur opus, speciemque futuræ
 Flagitii expendit, tantique exordia motus.

Ut tuba terribili sonitu concussa coëgit
 Castra Ducum, & permixta aquilis rubuere cruentis
 Lilia, Cesareisque frequens succumberet armis
 Gallus & ingentes spectaret cadis acervos,
 Inclinare acies, dispersaque signa vagari,

Et laxis passim spirare cadauera campis :
 Vertit terga fugæ pavidus Pansetta, suisque
 Dum superesse malis gestit, se pulvere belli
 Expediit, & Guerram grandi quia strage perisse
 Autumat, ingenium fœdas convertit ad artes,
 Et Guerra titulos & falsæ vocabula sumens
 Bertrandam sceleratus adit. quæ læta maritum
 Post aliquot reducem videt & miratur aristas,
 Et fruitur gavisæ viro. cum fluctuat anceps
 Sollicitusque pudor, narrat novus hospes amorum
 Prima rudimenta & veteris vestigiæ flammæ,
 Quæque suas secreta olim misisset in aures.
 Sic cessere metus & suspiciosæ videri
 Ulterius Bertranda timet. sit ad altera conjux,
 Nec peccat tamen. & mæcha est, sine crimine. cuius
 Nunquam sponsa fuit, vocat appellatque maritum,
 Nulla duos promissa ligant. miscentur amantes,
 At contractus abest. formæ sociantur honesti,
 Iusque datur vitio. non huic nox pronuba læto
 Præluxit solitæque faces. agnoscitur uxor
 Nunquam ducta domum. non primos Hesperus ignes
 Æquior adspexit, lachrymæque abstergit ocellis
 Phosphorus, erepta vel virginitatis honori
 Condoluit. thalamos falsus non inchoat auctor,
 Continuat tamen. unanimes gratantur amici,
 Ignarique mali, post tot discrimina rerum
 Desertam lecti gaudent consorte potiri,
 Nec vacuo recubare thoro. pro conjuge vero
 Passim audit non verus. amat, consorsque bonorum
 Guerra saluatur, fervent convivia Guerra. (est,
 Vocibus, has iterant omnes, repetuntque frequenter,
 Nascitur & soboles, sed quam genitore Guerra
 Se peperisse putat genitrix, sibi vendicat alter,
 Decipiturque parens. non hanc natura fefellit
 Certa patris matrisque satis; sed cæca cubile
 Exercet fortuna, dolusque in conjuge matrem

Fallit & in vero facit erravisse parente,
 Oscula dat natus patri, nec fallitur. at cum
 Oscula dat matris proles incauta marito,
 Error agit puerum. thalami sine lege puellus
 Nascitur, & patris est, cuius non credidit esse
 Mater. at ut vero natus de patre Güerra
 Aspectat fratrem frater, mala nomina miscent
 Confunduntque duo. nec enim quos unica mater
 Esse sinit fratres, fratres pater alter & alter
 Esse sinunt, vel jure pares heredis haberi.

Sic plures istis latus successibus annos
 Exegit Panfetta, suis animosus & audax
 Fraudibus; & toti licet ignotissimus urbi,
 Se cunctis alium probat. unus stirpe Güerra,
 Et consanguineo ducens de stemmate stemma
 Fortè fuit, quo se veluti tutore tuetur
 Bertranda domus. huic litem Panfetta bonorum
 Impavidus movet, & dilecta conjugis urget
 Acer opes, expensa acceptaque postulat effrons
 Signari tabulis, & res agitare priores
 Incipit, & quicquid gestum se absente fuisset.
 Ille sagax animi & fatis melioribus usus
 Esse negat Güerram & cognata vocabula falli
 Afferit, & similis Tillum sub imagine vultus
 Ingeniique notis alieno illudere lecto.
 It contra intrepidus Panfetta, redarguit ingens
 Crimen, & insistit cepto, pariesque Güerra
 Totus agit, nescit Tillum, quæ sita facessant
 Nomina, ait. tu qui verbis mendacibus instas,
 Et cives dubitare facis, rediisse Güerram
 Non cupis, at sparsas inter cecidisse phalanges
 Contemptumque voles alibi jacuisse cadaver,
 Distractosque lupis præbere voracibus artus.
 Scilicet ut propria depulsus sorte domoque
 Tutoris sim prada mei, nec furta recludent
 Aut mala fallaces monstrent araria census.

Hh

Nec

Nec minus ille viri fraudes astusque propinquis
 Conatusque aperit, totque impostoris iniqui
 Signa notat, recitatque palam. Iurata cubili
 Relligio calcatur, ait. reverentia lecti
 Spreta dolet. non hic conjux, non illius hac est
 Vxor, ab ignoto mulier deluditur hoste.
 Tarquini redeunt nobis, aliosque Phaones
 Terra parit. rursum pastor dimissus ab Ida est,
 Rursus mæchus amat. Tillo ne credite cives,
 Hic aliquis latet error. habet jam Gallia culpam,
 Famosumque reum. cœpit Bertranda moveri,
 Diffiditque viro, atque iterum subnata labantem
 Suspicio mentem flexit. fastidit amantem,
 Negligit, a versatur. atrox discordia junctos
 Dividit, & faciles detrectat femina noctes.
 Sed celebres postquam tetigerunt rostra quarelae,
 Et vaga concussam bacchata est fama per urbem,
 Pansettam tenebris & cœco carcere claudunt
 Custodes magnæ Themidis, momentaque rerum
 Omnia & ancipites evoluit Curia casus.
 Ille dolis centum subnixus & arte Pelasga,
 Extendensque manus, & vulgi stante corona,
 Non vos, ô Proceres, inquit, non lumina fallam,
 Aut nova per magicas obtrudam corpora technas.
 Si furibunda patrem quondam Medea recoxit,
 Si, qui virgo fuit, factus puer Iphis amavit,
 Carmine si Circe socios mutavit Vlyssis;
 Semper Gûerra fui. non hîc dubitare necesse est,
 Aut verum admota Gûerram explorare Sibyllâ,
 Tum vitæ memorare sua casusque vicesque
 Incipit & totum populo describere Gûerram.
 Quo natus genitore foret, qua matre, domoque.
 Vnde parens progressa, quibus majoribus ortus
 Fluxisset Pater. ut generis fortuna vetusti
 Iverit. hinc natale solum, patriamque laræque
 Et cognatorum seriem deducitque longè

Nomina

Nomina nominibus dictat facundus ad unguem.
 Illa, ait, inculta moderatrix prima juventa,
 Illa magistra fuit. pueris collusimus istis,
 Illa palastra fuit nobis, hac arena lusu
 Ferbuit, his vixi puer inconsultior annis.
 Ut tenera malas lanugine vestiit atas,
 Et calidus saliit circum praeordia sanguis,
 Has, illas juvenis petiique adique puellas,
 Ha juvenem crebro me tunc adiere puella.
 Sed reliquas inter placuit Bertranda sorores,
 Compos sola mei. lux hac fuit, addit, & annus,
 Quae junxere duos. faciles expertus amicos
 Difficilesque fui. lenis fuit ille, sed asper
 Iste fuit durusque mihi. cognoscere sponsa
 Si comites vultis, fuit haec, fuit ista. capillum
 Strinxerat in tales nodos. hoc ibat amictu,
 Candidaque admisto fulgebat murice vestis.
 Has gemmas, hacserta dedi. per strata viarum
 Florigeris pueri calathis & frondibus ibant,
 Spargebantque rosas lati. qui fœdera lecti
 Nexuit, iste fuit non pexo erine sacerdos,
 Nigra cui verrunt à tergo pallia terram.
 Convivas ipsos memini, matresque patresque.
 Sex cyathis Decius, septem tum Galba bibebat,
 Burrâ tribus. nimioque Lyce temulenta Lyæ
 Lapsa gradu mulier plenis ludibria mensis
 Debuit. agrestem ducebat Lyda choream,
 Qua saliente chelyn noster feriebat Iopas.
 Verum furta Iovis tremula modulamine vocis
 Festivus cecinit Thamiras. frendeabat Aëdon
 Horridius, Bacchique Theron Paana canebat.
 Inde cibos recitat digitis & fœcla, dapumque
 Condimenta. quibus varîe distincta figuris
 Saltant larvata cohors, quibus horrida formis
 Abdiderint proprios lamiarum tegmina vultus.
 Quae thalamum violis immortalique amarantho,

Quæ cæsa Veneris primas asperserit aras;
 Quis sponsam male difficilem, nec sueta timentem
 Duxerit in thalamum. quæ, cum processerat Eôs,
 Pulchra verecundam velarint flammea frontem.
 Singula narrator memorat. quæ, quidque suppellex,
 Quæ tabula, cathedraque domus, quæ scamna, læ-
 Quo biberit crater, quibus carchesia vinis (vacra,
 Spumant, quali peristromata tincta colore
 Induerint circum muros. nunc pristina monstrat
 Scrinia, quæque suo quondam cortina cubili
 Fluxerit, & quali speculo Bertranda capillos
 Strinxerit. hæc umbella caput spacioli tegebat,
 Hæc, ait, hinc illic (memini) pendebat in auris.
 Utque in amore solet, pulchris virtutibus ibat
 Iuncta mali dispar facies. lascivior illa est,
 Casta tamen. formosi licet, tamen illice fūco
 Plus rubuere genæ. cum nos committeret ira
 Impetus, audaci jaciebat fulmina lingua,
 Succubique miser. tunc quid facundia posset
 Irarum gliscens stimulis & mobile plectrum
 Eloquenti sero didici. mutabile valde
 Ingenium variumque fuit. motusque feroces
 Frangebat lachrymis. rursum placata marito
 Paruit officiosa suo. poppysmata amorum
 Torquebat limis oculis blindaque susurrans
 Voce procabatur. loculis instructior o quam
 Ridebas Bertranda mihi! quam torva fremebas;
 Cum mea vix modicis tinniret capsula nummis.
 Sera mihi venit soboles, tandemque roganti
 Annuit æquus Hymen. & mox ignobilis otii
 Impatiens, duris merui stipendia castris.
 Iuvimus ulterius. quin trans Alpina vagatus
 Culmina mox Italos latè bellisque potentes
 Hispanos adi. nos alta mœnia Romæ,
 Tarpeiumque patrem, Capuam, Præneste, Tarentum
 Vidimus. in medio lævi spumantia Bati

Frana,

Frana, Tagumque bibi, & fontes turgentis Iberi,
Herculeaque via metam posuere columna.

Hinc redii, terraque diu jactatus & alto,
Verus Bertranda possessor conjugis adsum.

Audivere Patres, sensimque ferocia rostris
Languit, & captum timuit damnare Guerram.

Sed libet admota scrutari conjugis rerum
Dictorumque fidem. venit Bertranda, stupetque
Verba viri, & dubiam mentem per singula volvens.

Natales, thalamique vices, convivium, mores,
Annuit, & confessa palam est, nec dissidet illis.

Hac tamen, hac, dixit, propius didicisse Senatum
Expediet secreta thori. licet ipse silere

Me pudor & Lucina velint, incerta mariti,
Cogor cuncta loqui, & lecti renovare dolores.

Cum mihi vernantis fluerent primæva juventa
Tempora, conjugiique dies, & sponsa Guerra

lungerer, illæsa conjux & inutilis uxor

Virginitate fuit. jam tum seu sidere tactus,

Seu mala prolificas hebetassent fascina partes,

Nulla Cupidineis reddebat gaudia votis,

Nec miser in gremium mæsta descendit amator

Conjugis, aut gelidum tepescit flammula corpus.

Nupta licet, nondum uxor eram; vanisque vocabar

Nominibus conjux. sic condormire sorori

Intemerata queat soror, aut bona filia matri.

Cuncta tuli patiens, quamvis divortia sepe

Impatiens suaderet Amor, despectaque penè

Cessisset Veneri probitas. at reddita quando

Prisca salus rediit Guerra, potuitque marito

Se proflare virum, veteremque expungere culpam.

Facta fui mater, sterilisque infamia lecti

Duplicuit Superis. eadem Pansetta rogatus

Prodidit, & verbis præsens respondit iisdem,

Agnovitque suum frigus; multosque per annos

Extinctas jacuisse faces. dein vota precesque

Pharmacique ignavum membris pepulisse soporem,
 Quem dederat cantus magiceque potentia lingua.
 Hærent ambigua docta sub fraude curules,
 Inque suas ivit vulgus mutabile partes.
 Excussa voces hominum, quis quemque tribulis
 Nosset, & ex omni populo documenta petuntur.
 Hic ait, ille negat. repetunt cunabula cives,
 Et sic ora ferunt Güerram, vultusque tulisse,
 Sic flexisse oculos, sic distorsisse lacertos,
 Sic risisse, gradum sic suspendisse pedesque.
 Hunc vocis meminisse sonum, moremque loquendi
 Lentius; hæud alio caput & sua tempora sætum
 Contorquere modo. vel Güerra lumina coram
 Cernimus, exclamant: vel in hoc se corpore Protheus
 Exhibet, aut Stygiis homines illudimur umbris,
 Atque oculos malus error habet. pars altera Güer-
 Esse negat; constansque sibi, non illa Güerra (ram
 Forma colorque fuit, non hæc audacia, fatur,
 Non illo incessu, non istis flexibus ibat,
 Non tam torva illi facies, facundia nunquam
 Tanta, nec in duris animi fiducia rebus.
 Talis Tillus erat, tali se Tillus habebat
 Ore, manu, motu, tali sermone solebat
 Tardius affari socios. ipsissima Tilli
 Hæc species, hæc nota viri præsentis imago est.
 Hos inter nullo percussus pectora luctu
 Magnanimus Pansetta stetit. non ulla timoris
 Signa dabat, nulla titubant formidine verba,
 Nulla cataphractum terrent discrimina scurræ.
 Qualis in Aræteo rupes immota profundo
 Tunditur, & tumidis quatitur secunda procellis,
 Impulsoque Notis fluctus undasque repellit;
 Inconcussus agit causam veterator, & unus
 Sufficit. ut leo, quem cinctum venabula circum
 Densa premunt, jacula & contos & tela repellit
 Solus, & in laxis impune ferocit arenas.

At Bertranda metumq; inter spemque anxia nescit,
 Num damnare virum velit, an succumbere victa
 Indiciis. sic pinifera frondator in Idâ
 Stat dubius, num quam caput exertare cupressum
 Adspicit, & duro surgentem robore quercum,
 An velit excelsam ferro prosternere fagum.

At postquam jactis fatalis litera saxis
 Horruit, & nigrum præscripsit Curia Theta,
 Damnavitque reum. spreto Panfetta minori
 Majus adit limen, Supremaque verba Senatus
 Invocat, atque alio renovat sub iudice rixam.
 Quasitum in minima est, sapiensq; industria quid vis
 Cogitat, ut pateant tantæ mysteria scenæ.
 In tenebris lux est, redeunt à luce tenebra,
 Obloquiturque dolus vero. cum parvula fraudum
 Apparet scintilla, tamen suspecta putatur,
 Et suus in vero labor est. ait esse Guerram,
 Vbera quæ puero dederat mitissima nutrix,
 Atque illos artus & talia membra fuisse.
 Surgit ad hanc alius Guerra de sanguine testis,
 Objectatque nefas, & fidei nomina Guerra
 Imputat. in pleno dicturus verba Senatu
 Sutor adest, hominisque pedem mensurus, iniquus
 Clamitat hic pes est. non hac mensura Guerra est.
 Pes fuit iste viri. non hac mea pertica fallit.
 Hinc servata diu producit cingula sartor,
 Quæque fuit corpus crebrò dimensa Guerra
 Fascia, fallacis loquitur mendacia Tilli.
 Non humeris ea forma fuit, non inter utrumque
 Tanta observari spatia, aut à vertice fluxit
 Linea tam grandis. non hic femorique pedique
 Ambitus, aut lumbis. dispar dimensio fraudem
 Arguit. hoc Ithacum, Patres, sub corpore claudi
 Credite, versutus speciem mentitur Vlysses,
 Dissimulatque virum. miles venit unus & alter
 Bellorum collega. refert, hunc talibus olim

Consiliis impleſſe animum : ſuperesse Güerram ;
 Non tamen incolumem prorsus, sed vulnere laſum,
 Et pede privatum dextro; per regna vagari,
 Celtarum luſtrare locos, moxque affore vivum.
 Quattuor adverſæ concordî voce ſorores
 Non dubitant, verus quin coram Guerra loquatur,
 Germanique notas monſtrant & ſtigmata fratris.
 Verrucam in digitis triplicem, dentemque retortum
 Turpius, & planis ungues creviſſe figuris,
 Sanguineamque oculo maculam livere ſiniſtro,
 Depilemque locum capitis, documenta Güerra
 Indubitata ſui. veteres venere ſodales,
 Cum quibus aut primos juvenis diſtenderat arcus,
 Reticuloque pilas vel dextra ſueverat ictu
 Reddere, vel jacto talos proſternere talo.
 Eſt, qui teſtatur reducem poſt prælix quosvis
 Nominibus vocitaſſe ſuis, dixiſſe ſalutem,
 Et generis meminiſſe ſui. tunc quemque Güerram
 Agnoſſiſſe ſuum, cunctis placuiſſe Güerram.
 At Panſetta ſibi ſimilis pro conjuge certat,
 Pro ſe verba facit. quid prima nocte petulcum
 Dixeriſt illa, aperit. quid, cum langueret amantiſ
 Officium & torpor ſegnem importunus haberet,
 Fecerit; & quicquid ſolus noſſiſſe maritus,
 Aut tentaſſe queat, roſtris exponit apertè.
 Illa ſilens multo verum conſeſſa rubore eſt,
 Inque ſolo fixis oculis hæſitque ſtetitque,
 Facti gnara ſui. pergit Panſetta. reverſus
 Da, dixi, Bertranda manum, quâ lucet iaſpis,
 Et dedit illa mihi. veſtes mihi porrige, dixi,
 Caruleas, veſtes jam tunc porrexit eaſdem.
 Pilea da, gemmis quæ fascia cingit Eois,
 Et data ſunt. petii capulis diſformibus enſes,
 Ocyus accipi. nec me mea cura fefellit.
 Summa loquar, Proceres, & cælo teſte, ſeverum
 Ditam aliquid, dubia nebulas quod diſſipet aula,
 Et

Et consanguinei convitia diluat hostis.
Non opus est Patrum votis, non iudice multo,
Multiplici vel teste mei. sit sola Güerra
Hæc testis Bertranda sui. per numina juret,
Per Styga, per quicquid fuit inviolabile Divis,
Me non esse suum. si faxit, adulter habebor
Perfidus & nectar trabe quadruplator ab alta.
Dic age, dic Bertranda. negas? ad funera, furcas
Tollite me. num victa virum Bertranda fateris?
Credere vos fas est. verbo servare, vel uno
Perdere me mulier poteris. sis arbitra vitæ
Et mortis tu sola mea. stat femina dictis
Territa, & incerta metuens perjuræ linguæ,
Mœsta tacet, jurare timet. fiducia mœchi
Suspensam præfracta tenet. Tunc ille disertum
Explicat os, & devicto velut hoste triumphans,
Nunc rabiem tutoris & acres vellicat iras,
Vltricesque minas, & avari pectoris artes,
Suspectamque fidem. facili nunc mobile causa
Conjugis ingenium, tepidosque redarguit ignes.
Vos ego, vos, inquit, Patres appello Tholosa,
Vestram poscit opem nullius conscia fraudis
Simplicitas. cur insonti mihi vincla, catenas
Injicitis? Bertanda mea est. cur carcere claudor?
Guerra loquor. cur clamosi mala fabula vulgi
Distrabor? haud alium spectas natura Güerram,
Non alium, Sol alme, foves. qui segnius æquo
Annuat, injusto par est. sunt vincula pœna
Pars quotacunque mea. caveat peccare tribunal,
Et damnare bonos aut non absolvere culpa.
Res mea, res Superum est. thalami pro fœdere certo,
Quod pepigere Dii. sic ille gravissima fatur,
Et totum spirat scelerato pectore Olympum.
Est Dea, quæ medio sublimis in aëre pendet,
Quam Nemefin dixere, cui pœnaque minaque
Et rigor immotus castigatrixque malorum

It vindicta comes, coëptis inimica superbis,
 Elatosque domans. vigili sunt lumina fronti
 Plurima. frana manu gestat pateramq; verendum
 Ridet, & occultas peccantium prodere mentes
 Gaudet & effrenes animi compefcere motus.
 Viderat hæc Tilli facinus, tumidoque nefandum
 Vindice subnixum scelus, & jam spernere Divos,
 Atque ipsi audacem Pansettam illudere cælo.
 Mox fastus exosa graves, calcatæque lecti
 Sacra, per Ausoniam, Cimbro, Belgasque vagantem
 Incitat absentem Guerram, magnisque suorum
 Accendit desideriis; nunc prolis amorem,
 Nunc patriæ studium, nunc conjugis objicit ignes.
 Nec mora, spectatur media Marinus in urbe,
 Et verus jam Guerra, cui promissa fluebat
 Circum barba humeros, & molem corporis emptum,
 Cortice fagineo, crus, non vitale, ferebat;
 Præmia militiæ. quæ postquam fama Tholosam
 Implevit, ci vesque suos, Tillumque forumque,
 Bertrandam, testesque & junctos sanguine amicos,
 Alter ludicibus rediit labor, altera rerum
 Affulsit subito facies. Pansetta Guerram
 Despectat dictisque ferox incessit amaris,
 Quarit & astuta verborum indagine captum
 Illaqueare studet. Guerra contrarius obstat
 Guerra. fidem ambobus simili sub imagine præbet
 Spectator. non ulla facit discrimina vultus,
 Labra, oculi, statura, comæ mentumque genæque.
 Mirantur trabeæ geminos. distare Guerram
 A Guerra stupet omne forum, gradibusque locoque
 Non alium discerni hominem. non credit eundem
 Esse duos, tamen esse putat. contendere secum
 Quemque videt, partesque reum confundere & unum
 Actorem. si bimet se contradicere Guerra
 Ambigit, aut simili se fallere Morpheæ vultu.
 Nomina cum rogitat Iudex, utriusque Guerra

Nomen

Nomen idem est. quo patre sati: pater unus & idem
 Dicitur ambobus, materque & frater iidem.
 Cum natale solum: patria est mihi chara Tholosa
 Hic ait, alter ait. nati quo tempore & anno;
 Tempore conveniunt. cum n conjux queritur; uxor
 Bertranda est geminis. cum stirps arcessitur altè,
 Nec tunc Guerra alios, alios Pansetta recenset.
 Queritur; infelix cui fascia strinxerit inguen,
 Aut magica doctrina schola. se quisque fatetur
 Iratam sensisse Cyprin. fortuna rogatur,
 Et vite genus & desertæ conjugis olim
 Causa, quibus quisquis meruit stipendia signis;
 Causa eadem est, sunt signa eadem. Tun', inquit a-
 Basia Bertranda fixisti? basia fixi, (dulter,
 Alter ait. tun' verba illi solennia dixti
 Ante aras oculosque Deum? solennia dixi,
 Promisique fidem. dic, quod tu pignus amoris
 Vxori, scelerate, dabas? quæ flammea, vestes,
 Quæ thalamo structura fuit? sat consona fatur
 Guerra redux. stupuere Patres. Tunc Guerra locutus
 Dic, ait, impostor, quotuplex occulta sinistram
 Deturpat verruca manum? Pansetta sinistram
 Exerit. hæc triplex verum verruca Guerram
 Arguit, ingeminat. mihi dens è dente renatus
 Stat duplex Martinus ait. Pansetta retortis
 Ostentat labiis similem. mihi planior unguis
 Ludit in his digitis. digitis ostendit in ipsis
 Esse sibi tales Pansetta. Guerra reducis
 Paulisper ciliis, oculos nubecula dudum
 Insedit tenebrosa meos, ait. ilicet illam
 Esse sibi Pansetta oculo demonstrat eodem.
 Talis in assumpto ludit Thebaida matrem
 Iupiter Amphitruone, thorumque invasit & illa
 Mentitus potitur. sic fabula prisca jocosum
 Mercurio opposuit Sositam. cum corpore bino
 Esse negat Sositam Sositas, pariterque misellus

Contundit Sositam Sositæ & tunditur idem.
 Intima scrutatus Iudex secreta maritæ,
 Fanda, nefanda simul, vocesque & verba Güerra
 Omnia, quæ thalamis intersparisset amator;
 Observat discors aliquid. discitque loquacem
 Singula versuto Guerram narrasse sodali,
 Nec socium celasse suum. Venere sorores,
 Amplexaque virum fixis hædere lacertis,
 Attonitaque stetere comæ & vox mutuit illis.
 Quin lachrymæ carere dolo, planctusque dolorque
 Ipsaque confessa est verum natura Güerram,
 Quæque arcana movent cognatam semina gentem.
 Tunc eadem affines, eadem dixere propinqui,
 Dumq; intentæ ferunt per totum lumina Guerram,
 Erravisse pudet. gavisæ super volat uxor,
 Et pudibunda rigans guttis humentibus ora,
 Hic meus est, inquit, non tu Pansetta, Güerra.
 Talis erat, talis thalamum conscendit & illa
 Voce fuit. tali nobis sermone solebat,
 Et tali gravitate loqui. deliquimus omnes,
 Perfidaque incautam tenuit fallaci mentem.
 Non ego conjugii mulier promissa fefelli.
 Non peccat, quæ se nescit peccare. nec ullum
 Crimen habet, quæ non animo, sed corpore mæcha est.
 Impolluta fui, quamvis Pansetta cubile
 Polluerit, visusque mihi est jacuisse Güerra.
 Arripui neglecta virum, dum longius erras.
 Arripui, sed capta tuæ sub imagine formæ.
 Si fuit errandum, causas habet error honestas.
 Quodque caput rerum est, ex te proavosque genusque
 Hausit, & illa tibi quæ quondam dixit in aurem
 Noster amor. Paphios potuit recitare labores,
 Fataque fortunasque thori. quæ vespere sero,
 Murmura, quæ prima venientis luce diei
 Ediderim. norat, quicquid cœnacula clausum,
 Quicquid honorati custodi vere penates.

*Sic tua garrulitas atque importuna loquendi
 Libertas nocuit geminis. hinc subruta lecti
 Majestas veneranda fuit, tantoque paratu
 Causam mœchus agit. nec solum femina victa est
 Astubus, hi mecum Proceres, hac tota Tholosa
 Aula vacillavit, cunctæque hasere cathedra.
 Hac effata fuit. cum dura voce supina
 Conjugis immanem perstrinxit Guerra stuporem.*

*Qua, Bertranda, tuam cepit dementia mentem
 Qua rabies tanta oppressit caligine cæcam?
 Non caret hic error culpa. non illa meretur
 Improbæ simplicitas veniam. quæ secula credent
 Vxorem in proprio falli potuisse marito?
 Ignorasse sui certa argumenta mariti?
 Aut proprios in amore jocos, aut corpore toto
 Pulchrum aliquid, vel fœdum aliquid. maculeque
 plicæque,*

*Hic lentigo levis, cacaque in parte marisca,
 Navulus aut callus, vel non exstincta cicatrix
 Discrevisse viros poterant. Sua novit Vlyssæ
 Penelope, quamvis tot lustra errasset & annos;
 Antinoique dolis vasfroque pudica Medonti
 Restitit. errârint alii, fraterque sororque,
 Aula, propinquorum quisquis fiet. unica tu me
 Debueras pernoctare. nec ignorantia sexu
 Diluitur. poterant verum ostendisse Guerram
 Plurima. transactæ poterant ostendere noctes,
 Amplexusque mei & blandissima verba procantis.
 Decessit thalamo probitas. insana libido
 Lascivos tibi suggessit sub pectore motus,
 Et nova materies turpi quæsita furori est.
 Illa virum lachrymis, gemitu, verbisque severum
 Mulcet, & antiquos reduci commendat amores
 Nequicquam. teivica lachrymantem fronte repellit
 Guerra ferox, & servus & implacabilis adstat.*

At Themidis patribus tantos componere fluctus

Cura fuit. profugumque domo patriaque Güerram
 Incusant, sociisque suis reticenda locutum.
 Hinc fluxisse mali causas, primumque nocendi
 Pansetta subuisse animum; veteresque relictæ
 Vxoris tepuisse faces: nunc corpore læsum,
 Nec totum rediisse suis: hoc conjugis esse
 Afflictæ commune malum: jam disceret esse
 Cautior, & vanas lingua compescere voces:
 Solliciteque loqui, nec Sacrum prodere lecti.
 Sic Procerum studiis, sic, applaudente Garumna,
 Iuncta est loripedi rursum Bertranda Güerra.
 Vnus tantarum fraudum scelerisque magister,
 Fabula cui vario stetit admirabilis æctu,
 Hanc Tillus ceruice luit, tragicoque tumultu
 Obscœnum absoluit facinus. sua poena secuta est
 Artificem, celebrique reo trux fascia guttur
 Alligat, & postquam jugulo spirare negatum
 Et vitæ præclusa via est; Vulcanius ignis
 Seminaces ussit flammis ultricibus artus.

Ad Illustriss. Comitem

V L R I C V M,

Frissæ Orientalis Comitem, super lite cum
 Catthorum Principe.

M Agne Comes, si me Mavors genuisset Achil-
 lem,

Pelleret infestas hac mea dextra manus.
 Sin idem me bellacem genuisset Atriden,

Martia in Advaticis Hassia staret agris.
 Non eras, Vlrice, meas, nec Eliza, mereris.

Femina Dux, Frissæ Dux sine lite placent.
 Omnibus innocua cupiunt prodesse Camœna.
 Inter tanta Ducum nomina, neuter eo.

Quam

Quàm vellem Hesperius Catthos incumbere terris.
 Quàm nollem Frisios publica damna loqui.
 Inclite Chaucorum Princeps, tibi federe Belgæ
 Iungimur, & nostra sorstua mixta rei est.
 Inclita Catthorum Princeps, tibi sanguine nostri,
 Principis & Celsi jungimur Auriaci.
 Quo vertet se Belgæ. vices hinc, inde dolemus,
 Et vester mediis arbiter hæret aquis.
 Composuere truces tot regum basia rixas,
 Maximaque ad pacem pondera sanguis habet.
 Hos motus, tantas animis desuescite lites.
 Vniat Auriacus regna ducesque pater.
 Ille Tago Scaldique gravis jam totus Ibero
 Instat & inceptum belliger urget opus.
 Ne remoram tantis excelsi Principis ausis
 Ponite, nec sociis finibus este graves.
 Cernite nos, qui viatores pugnamus, amicos.
 Nec noceat Batavis rixa propinqua meis.
 Si placare Duces nequeunt thalamique genusque
 Et quæ pro patriis gessimus arma focis,
 Nec Ducis Auriaci curæ, nec chara Potentum
 Nomina, nec vultu Pax veneranda suo:
 Nec quæ sæpe Deos placârunt carmina: placet,
 Qui jugulos vestros impetit, hostis Iber.

Epistola Eminentissimi
CARDINALIS
ARMANDI RICHELII.


*Clarissimo ac Eruditissimo viro Gaspari
Barlao, S. P.*


Heroicum carmen tuum accepi, legi,
perlegi. eo gratius fuit, quod veluti
miraculo factum est, ut dum Panegy-
ricum meum ad me miseris, tuum à te acce-
perim. Laudantis saltem & laudati Panegyri-
cus est libellus tuus. Dum, quæ nobis tri-
buuntur, gesta extollis, ingenii tui acumen
& industriam exhibes, eruditionem tuam
prodis. Sic tibi met ipsi gratias debes, sed
non solus, referam pro utroque & merito.
cum tuo factum sit beneficio, ut maiorem tui
quam mei curam habere teneam. Religiose
id me præstiturum agnosces, si res locusque
dabunt.


*Versibus tuis qualis esse debeam Orbi
Christiano palam fecisti. Ecce typum
meum ad te mitto, ut te doceat,
qualis sim. Si in eo affectum erga
te meum non cernis, agnosces, si
usui unquam tibi esse possim.*


*Armandus Card. de
Richelieu.*

Datum Parisiis 8 Kal. Feb. 1642.









Nov 11

B655

B141p

I

